

SC. SUP. I. P. 1. 3.

32  
6 E  
8



















# IOANNIS IO

VIANI PONTANI, LIBRORVM  
omnium, quos soluta oratione com  
posuit, Tomus

## S E C V N D V S

CVI INSUNT,

De Aspiratione, Lib. II.

ITEM, Dialogi festiuissimi, diuerforum  
argumentorum, nempe

Charon.  
Antonius.  
Actius.  
Aegidius.  
Asinus.



De Sermone, Lib. VI.

BELLI, quod Ferdinandus senior Nea  
politanoꝝ Rex cum Ioanne Ande  
gauensium duce gessit, libri totidem.

A . C.

OF RIVMAO

AND

# CAPITVM LIBRO

## RVM, QVI IN SECVNDO TO

### mo continentur, INDEX.

PROOEMIUM in Librum primū	í ante p'	37
de Aspiratione.	Pag. 1 í ante r'	Pag. 38
A' ante b'	21 í ante s'	39
A' ante c'	22 í ante t', u' v', u' x', u' z'	40
A' ante d'	22 De y'	40
A' ante e'	23 y' ante a', b', d', e'	40
A' ante f', g', i'	23 y' ante f', g', l', m', n', o', p', r', s'	41
A' ante l'	23 o' ante b', u' c', u' d', u' f', u' g'	
A' ante m'	25 42	
A' ante n'	26 o' ante e', u' i', u' l'	43
A' ante o', p'	26 o' ante m'	43
A' ante r'	26 o' ante n'	44
A' ante s'	27 o' ante p', u' r'	44
A' ante t', v'	28 o' ante s'	46
A' ante z'	28 o' ante t', u' v', u' x'	49
E' ante a'	28 De v'	49
E' ante b'	28 v' ante b'	49
E' ante c'	28 v' ante c'	49
E' ante d'	29 v' ante d'	50
E' ante f', g'	30 v' ante i', l', m', n'	50
E' ante i'	30 IN LIBRVM SECVNDVM	
B' ante l'	30 de Aspiratione.	
E' ante m'	32 PROOEMIUM. Pag.	51
E' ante n'	32 De aspirandis uocalibus in medijs et	
E' ante o', u' p'	32 ultimis syllabis.	51
E' ante r'	32 De littera c'	61
E' ante s'	35 Ch' ante a' in principijs dictionū.	64
E' ante t', v', x'	35 Ch' ante b'	65
E' ante y'	35 Ch' ante i'	65
í ante a', aut b', aut c', aut d'	35 Ch' ante o'	66
í ante e', aut f', aut g', aut l'	36 Ch' ante v'	66
í ante m', u' n'	37 Ch' ante a' in medijs u' ultimis syl-	
í ante o'	37 labis.	67.

# CAPITVM SECVNDI TOMI

Ch' ante b	67	Th' ante i	78
Ch' ante i	69	Th' ante y	78
Ch' ante o	70	Th' ante o	78
Ch' ante v	71	Th' ante v	79
Ch' ante l, & r, & n, & th.	73	Th' ante A' in medijs & ultimis syl	
De ph	74	labis.	79
Ph' ante A', & i, & o, & v in principijs di		Th' ante b	80
ctionum.	75	Th' ante i	81
De ph in medijs & ultimis syllabis		Th' ante y	81
75		Th' ante o	82
De th	76	Th' ante v	83
Th' ante A' in principijs dictionum.		Th' ante l, uel m, uel n, uel r, uel	
76		s	84
Th' ante b	77	De r' aspirato.	87

## EIVSDEM PONTANI CHARON, DIALOGVS.

Minos, Aeacus, interlocutores.	Pag.	89
Charon, Minos, Aeacus.		90
Minos, Aeacus.		94
Mercurius, Pyrichalcus.		95
Charon, Mercurius.		96
Charon, Mercurius ambulantes.		101
Minos, Aeacus.		101
Minos, Aeacus, Mercurius, Charon.		102
Charon, Diogenes, Crates.		110
Minos, Mercurius, Aeacus.		112
Mercurius, Pedanus, & Theanus, & Menicellus grammatici.		114
Charon, Vmbrae diuersae.		116
Grege umbrarum nocentium.		123
Grege umbrarum innocentium.		123

## ANTONIVS, DIALOGVS.

Hospes Siculus, Compater Neapolitanus, interlocutores.	Pag.	124
Compater Neapolitanus, Peregrinus, Hospes Siculus.		126
Herricus Pudericus, Adolescens, Senex, Hospes.		128
Andreas Contrarius, Compater, Herricus, Elifius.		131
Suppatius, Herricus.		136
Hospes, Compater, Lucius filius.		164
Herricus, Suppatius, Lyricen hospes.		165

Hystrio



# INDEX.

Histrion personatus.	167
Poëta personatus.	168
Histrion personatus.	174
Poëta personatus.	175

## ACTIVS, DIALOGVS.

Ceparius, & Segnitiſ, & Aelius colloquuntur.	Pag. 190
Aelius Syneerus, Paulus, Pardus, Compater, Pudericus, Summontius, Altilius.	162

## ÆGIDIIVS, DIALOGVS.

Suardinus, Pœtus, Pontanus, collocutores.	Pag. 287
Sermo Ægidij ad populum.	291
Pontanus, Puccius, Thamyra.	296
Hicronymus Carbo, Puccius, Thamyra.	301
Marinus Tomacellus, Franciscus Aelius, Tristanus Caraciolus.	304
Pontanus, Petrus Summontius.	307
Pontanus, Chariteus.	308
Pardus, Chariteus.	311
Franciscus Pudericus, Pardus.	312
Pontanus, Suardinus, Pœtus.	319

## DE INGRATITVDINE DIALOGVS, QVI ASINVS INSCRIBITVR.

Viator, Caupo, Tabellarius, collocutores.	Pag. 324
Caupo, Chorus sacerdotum.	326
Caupo, Viator.	328
Altilius, Pardus, Chariteus.	329
Epistola Pontani ad pueritiam iam regressi.	330
Aelius, Pardus, Altilius.	331
Pontanus, Fafelio ullicus, Pardus.	333
Pontanus, Puer, Pardus.	335
Fafelio ullicus, Pontanus.	338
Pontanus, Fafelio, Pardus.	339
Pardus, Syneerus, Altilius, Chariteus, Pontanus.	340

## DE SERMONE, LIB. PRIMVS.

PROE MIVM.	Pag. 341
Rationem atq; orationem esse homini à natura tributam.	Cap. I. 343
Virtutem & vitium uersari etiam circa orationem.	II. 343
Maximam esse uim atq; auctoritatem orationis.	III. 344
Maximam esse in hominibus orationis uarietatem ac diuersitatem.	IIII. 344

# CAPITVM SECVNDI TOMI

Etiā in oratione seruandam esse mediocritatem.	v.	345
A natura inesse homini cupiditatem quietis ac recreationis.		
VI.		346
Vrbānitatem ac ueritatem meritò laudari.	VII.	346
Vnde Vrbani dicti sunt ac Faceti.	VIII.	347
De Lepidis, Festiuis, & Salsis.	IX.	347
De Comibus.	X.	349
De Blandis.	XI.	351
De Vrbānis & Facetis.	XII.	351
De Veracitate.	XIII.	353
De Adulatoribus.	XIIII.	354
De Captatoribus.	XV.	355
De Lasciuis.	XVI.	357
De Insulsis & Profusis.	XVII.	357
De Contentiosis.	XVIII.	358
De Verbofis.	XIX.	360
De Loquacibus.	XX.	360
De Nugatoribus.	XXI.	361
De Taciturnis.	XXII.	361
De Delectu, qui, & qualis sit.	XXIII.	362
Ad consequendam mediocritatem opus esse delectu.	XXIIII.	
363		
De mensura seruanda in gratificando & commonendo.	XXV.	
364		
Virtutem eam non esse amicitiam, sed aliam quampiam sine nomine.		
XXVI		367
Quæ ad habitum hunc innominatum pertineant.	XXVII.	
367		
De Comitatu.	XXVIII.	368
De Popularitate.	XXIX	371
De Humanitate.	XXX.	371

## LIBER SECVN-

## DVS.

De ostentatione & simulatione.	Cap. I.	Pag. 373
De ueracibus.	II.	373
De mendacibus.	III.	378
De iactatoribus & ostentatoribus.	IIII.	378
		Plura

# INDEX.

Plura esse mendacium genera.	v.	379
Quid Aristoteles de hac resentiatur.	vi.	381
De Ironicis.	vii.	382
De quatuor generibus ostentatorum.	viii.	383
De susurronibus.	ix.	384
De fucatis & illecebrofis lenocinatoribus.	x.	384
De proditoribus.	xi.	385
De fallacibus.	xii.	385
De hypocritis.	xiii.	386
De mercatoribus.	xiiii.	387
De dissimulatores.	xv.	388
Dissimulatores plura esse genera.	xvi.	389
Dissimulationem aliquando esse ostentationem.	xvii.	390

## L I B E R T E R T I V S.

Vnde ductæ sint facietæ ac facietudo.	Cap. i.	Pag. 393
Facietudinem uirtutem esse.	ii.	394
De principijs & causis uirtutis huius.	iii.	395
Conciliabula inter ciues fieri, aut utilis, aut iucundi gratia.	iiii.	396.
Triplex esse iocandi genus.	v.	397
In iocando adhibendum esse delectum.	vi.	398
De altero extremo, id est, rusticitate.	vii.	398
Agrestitatem potius quam rusticitatem opponendam esse facietudini.	viii.	399
De agresti & agrestitudine.	ix.	400
De fatuis, insulsis, & inconditis.	x.	400
De ineptis.	xi.	401
De Triuialitate.	xii.	401
De altero extremo, hoc est, scurrilitate.	xiii.	402
Longius distare à medio agrestem quam scurram.	xiiii.	403
De facietis.	xv.	404
De dictorum, iocorumq; diuersitate.	xvi.	404
De locis unde ducuntur dicta ac facietæ.	xvii.	406
De Valerij Martialis poetæ dictis.	xviii.	411
Duo esse secundum Ciceronem facietiarum genera.	xix.	414

# CAPITVM II. TOMI INDEX.

Circa dicta, facetiasq; inueniendas artem plurimum ualere.	xx.	415
Aliter Oratoribus ac Comicis, aliter ingenuis ciuib; facetiarum locos querendos esse.	xxi.	416
Diuisio sermonum in iocos, dicta, ridicula, fabellas.	xxii.	417

## LIBER QVARTVS.

Artem naturæ coniunctam plurimum ualere ad facetudinem. Cap. i.		419
De inueniendis dictorum ac ridiculorum locis.	ii.	421
Neq; aduersum miseros, neq; potētes uiros utendū esse ridiculis.	iii.	428
Quæ seruanda sint faceto.	iiii.	429
Dictorum falsorum duplex esse genus.	v.	429
Altera diuisio falsorum dictorum.	vi.	430
Vultum esse dictis ipsis accommodandum, et gestum, et uocem.	vii.	431
Mimica et theatralia parum facetis conuenire.	viii.	431
E silentio interdum risum gigni.	ix.	432
Quæ seruanda sint in risu prouocando.	x.	433

## LIBER QVINTVS.

Definitio Vrbanitatis. Cap. i.	Pag.	438
Lasciua dicta non decere facetum, nec contumeliosa.	ii.	449
Cuiusmodi esse debeant fabellarum expositiones.	iii.	450

## LIBER SEXTVS.

Qualis esse debeat uir facetus. Cap. i.	Pag.	451
Qualia factorum dicta, responsaq; esse debeant.	ii.	452
De Ironicis.	iii.	461
Definitio ironiæ.	iiii.	462

HISTORIA belli, quod Ferdinandus Rex Neapolitanus senior, contra Ioannem Andegauensem ducem gessit.

Liber	{	Primus	Pag.	{	470
		Secundus			512
		Tertius			538
		Quartus			545
		Quintus			569
		Sextus.			582

F I N I S.

# IOANNIS IOVIANI

PONTANI DE ASPIRATIONE AD

Marinum Tomacellum Li-  
ber primus.



**E**T PER COMPATREM MARINE TOMACELLE sæpius mecum egisti, & per literas à me ipse petisti, ut aliquid tibi de aspiratione conscriberem. Itaq; cum honesta uideretur postulatio ista tua, licet difficile non parum esset præstare quod peteres, homini præsertim in castris, & inter inquietissimas res agentis, decreui tamen grāmaticorum me potius malediciis exponere, quàm ueteri amicitie nostræ ullo modo deesse. Quamobrem librum hunc de aspiratione, aspirandisq; uocibus, ut iusseras, scriptum nunc ad te mitto, illorum detractiones cum mea hac parendi facultate pensaturus. Oro autem te, & per ipsorum grammaticorum obtestor ferulas, ut antè quàm populo legendum eum præbeas, atq; in lucem des, & tuum, & amicorum, qui studia hæc non aspernantur, iudicium diligenter explores, quo emendatiora hæc in adolescentiū manus per te ueniant. De utilitate autem præceptionis huius nihil dico, quoniā laudatores non quæro: satis quidē contentus, si qui literario hoc in ludo sese exercent, minus acres eos reprehensores inuenero.

ASPIRATIO EST HVMANI SPIRITVS crassitudo, qua literarum sonus crassior in pronuntiādo redditur. Cum autē omnis literarum numerus constet quinq; tantum uocalibus, reliquis uerò consonantibus, sintq; consonantes quindecim (nam K à latinis repudiata est) uocales omnes suo loco aspirationē accipiunt. E consonantibus uerò quatuor tantum. Ex omni igitur literarū numero nouem solum aspiramus. Quarum sunt uocales quinq; A, E, I, O, V, & quæ Græca dicitur litera ð. Consonantes quatuor, C, P, T, R, quarum tres mutæ, una semiuocalis. Vocalium soni ut aliquando ab aspiratione incipiunt, sic in ea nunquam desinunt apud nos, præterquam in his dictionibus Ah, Vah, Oh. Cum enim enuntio halo, halas, halat, ab ipsa aspiratione uox incipit: at cum Ah, in ea desinit. quod item fit in consonantibus, quæ in aspiratione desinunt, licet ab ea nunquam incipiant. Fit autem semper aspiratio apud nos aut in principio syllabæ, cum à uocali incipit, ut hamus, uchemens: aut in medio

ubi consonanti adheret, ut Thetis, Rhodus. Nam in fine uocum nostrarum. nunquam aspiratio inuenitur, nisi in interiectionibus, quas dixi. Similiter in consonante densa nulla omnino desinit latina dictio, quâquam apud barbaros permultæ. Sed barbari aspiratione ita utuntur, ut sit ipsis peculiaris, et quodammodo propria. Græci non adeo sæpe nostri, ac præsertim uetustissimi parissime.

C, et T aspiramus in græcis tantum dictionibus, quas à græco deduximus, et in barbaris, ut Charites, Theocritus, Thamar, Rahab. Similiter P, et R, ut Phasis, Rhodus, Iosephus, Rhoboad, in nostris nunquam: quamuis nonnunquam in quibusdam, quæ nostræ uideri possunt, ut Rheda, quod nomen cum sit græcum, uel, ut quidam malunt, gallicum, nostrum effectum est.

Licet autem C, et T in quibusdam nostris dictionibus, de quibus suo loco dicam, nunc aspiremus, usus tamen magis id obtinuit, quam quod Latine linguae lex id permittat.

Quemadmodum autem literarum sonus, qui cuique suus est, uel obtusior est, uel acutior, uel exilior, uel plenior, uel lenior, uel asperior, pro contextu, aliarumque coherentium uicinitate, proque positi ac loco, cum aut primæ, aut mediæ, aut ultimæ constituuntur: sic aspiratio, nunc magis, nunc minus crassa et densa est. Si enim pronuntiem psittacus, et sonus tenuius in priore sonabit S, quæ præcedente P tenuatur adeo, ut quasi exibilatur. Eodem modo si enuntiem Sol et Tellus, facile quidem aures ipsæ iudicauerint plenius sonare L in dictione Sol, exilius in uoce Tellus, medio-criter aut si expresserim aut Lotus, aut Latus, aut Deletus. Non erit enim in his L adeo plenum; ut est in nomine Sol, neque ita exile, ut in nominibus in quibus L duplicatur. Hoc idem in aspirando accidit. Nam si enuntiauero Vah, maior est densitas: si Homo, minor. Item cum dico Thetis, Phidias, Rhenus, aspiratio non est in his æque ac in illis crassa, quod aures ipsæ facile iudicant. Cum enim dico Vah, spiritus ille densior, uegetiorque est, quam cum effero Hamus: et cum enuntio Rhodus, aspiratio est plenior, quam cum Thomas. At Philo, et Phidias, et Deiphobe, et Demipho pronuntiantur labris paulo strictioribus. Et ubi effero adeo, dentibus linguam adinoueo, quæ quidem cohibetur interius cum enuntiatu'r Homo. Accidit autem hæc tum propter naturam, et situm literarum; quæ aspirationem adinmittunt, tum quia non parum differt quæ litera statim sequatur.

VOCALIBUS aspiramus tam in primis, et ultimis syllabis, quam etiam in medijs. Eodem modo C, P, T, R consonantibus, de quibus particulatim postea dicam. Ob hanc enim causam hoc quantulumcumque laboris est.

est, mihi desumpsi, ut ostēderem quæ dictiones in quibus literis, syllabisq; aspirationem exigant. Quod antè quàm præstem, considerandum uideatur, an aspiratio, id est H, litera sit, habeat ne literæ potestatem, an figuræ tantum, quodq; in ordine contextuq; literarum cum eis scribatur.

ASPIRATIONIS notam à nostris literam non fuisse habitam illud indicio est, quòd olim non uti nunc aspiratio figuram habebat, sed ut apud Græcos hodie sit, supra uocalem apex quidam notabatur, quam dactylia illi uocant. Atq; ea quidem parcius multo, quàm nunc, uetustissimos latinos comperio usos, & ferè in illis solum dictionibus, quibus natura inesset, ut animi motus quidam, & affectus declararentur, quales sunt Heu, hei, he-tulo. Posteriores uerò figuram aspirationi certam dedere, & inter literas notare maluerunt. Sed neq; hi, de quibus loquor, neq; nostri etiam temporis grammatici literam esse confitentur. E quibus si quæras, quid ea sit hætenus, definiunt; ut H aspirationis notam esse dicant. Cur autem literam esse negent, multis ac probabilibus adducuntur rationibus: quas si confirmauerim, non erit fortasse inutile latinis adolescentibus. Aiunt enim uerum esse, quòd L sit litera lenior, R asperior. Lenitatem tamen, & asperitatem non esse literas. Eodem modo & aspirationem. Neq; enim consequi, si elementum aliquod densiore egeat spiritu, ut densitas, et crassitudo illa sit litera. Nam huiusmodi densitas accidens est, ut tenuitas, ut lenitas, ut asperitas. Quòd si à philosopho aliquo scire quæras, quo de genere densitudo hæc sit, respōdebit, ut arbitror, situm sequi, atq; positionem: quamuis grammaticus quispiam qualitatem significare contendet. Sed querere hæc subtilius, est alterius facultatis ac tēporis. Ob diuersas enim rationes, diuersa sequitur prædicamenta.

QVID quòd si H esset litera, aut esset muta, aut semiuocalis. Nam uocalem nō esse illud planè docet, quòd ea sola, quod uocalis quidem præstat, syllabā ex se formare nullo modo potest. Semiuocalis autē quomodo? Siquidē semiuocales ex maxima parte cū uocalibus simul nomina terminant tā apud nos, q̄ apud Græcos, Ideo autē dixi. ex maxima parte: quæ et in C, et in D, & in T, quæ mutæ sunt, aliquot ex eunt nomina, ut Lac, Aliud, caput, et quæ pronomina sunt Hic, Hæc, Hoc. Nō loquor de barbaris, apud quos nomina etiā in Z ex eunt, qui q̄ sint cōtemnēdi in omni præceptione, quæ de orationis concinnitate tradatur, illud planè docet, quòd qui aut nō apte, aut non satis latine, aut incultius loquitur, cū barbari dicimus: uerè cūdius loquor propter Antonium nostrum, qui Galeaz protulit, ait enim: Ardeco mi Galeaz mollem reperire Catullum.

Vicit enim in quibusdā cōsuetudo, cui necesse est, ut docti etiā homines,

quanquā inuiti assentiantur. Cum et ille ad quem scribebat uel molestissi-  
 me fuisset laturus, quasi nominis dignitas minueretur, si quod latinus exi-  
 gebat sermo, Galeatius fuisset uocatus. Sed concedatur hoc poetæ erudito,  
 præsertim in quo necesse fuit, ut assentiretur multitudini, cum pleriq; bar-  
 barum id nomen arbitrentur. Ad aspirationem redeo, si tamen illud præ-  
 monuero, cum Z græca sit litera, id est, quam à Græcis acceperimus, non  
 debere aliquā apud nos terminare nomina. Cum apud illos à quibus eam  
 mutuati sumus, græcum nullum finiat: quanquā barbara multa in illam  
 exeunt, ut Acaz. Nullum omnino nomen aspiratio claudit, quod omnes  
 faciunt semiuocales. Non est igitur H semiuocalis. Quid? quod semiuoca-  
 lium omnium præterquam X, quæ duplex est enuntiatio, ab E uocali in-  
 cipit, et in consonantem, id est, in seipsam definit. At H etsi uidetur qua-  
 dammodo ab A uocali incipere, non tamen exit in consonantem, sed spiri-  
 tus suo terminatur. Ad hæc semiuocales omnes præter X sibi possunt ead-  
 em succedere, et geminari in neclendis syllabis, ut in his, Annus, Terror,  
 Fossor, Commodum, Tellus. H uerò non potest: nulla enim syllaba in aspi-  
 rationem definit, si subsequens ab illa incipiat. Quinetiam in terminatio-  
 nibus nominum semiuocales omnes præter quas dixi, inueniuntur præ-  
 cedere S terminalem, ut Puls, Ars, Hyems, Glans, quod H non facit. Quo  
 efficitur eam nullo modo esse semiuocalem. Ideo autem X excipitur, quia  
 duplex est. Habet enim uim GS, et CS. At erit fortasse muta, sed mu-  
 tæ omnes præter F à se incipiunt, et in uocalibus desinunt, quod de H di-  
 ci non potest. Quid? quod mutæ in eadem syllaba coherere sibi due tan-  
 tum possunt, ut in hac uoce Doctus. Mixtæ autem cum semiuocalibus ad-  
 summum tres, ut in nomine Doctrina. At cum Erichthonius, tertia eius no-  
 minis syllaba à C aspirato incipit, quod statim subsequitur T aspira-  
 tū. Quod si H esset aut semiuocalis aut muta, eā syllaba ex quatuor con-  
 sonantibus simul coëuntibus componeretur, quod lingue latine lex non  
 permittit. His igitur rationibus efficitur, ut cum H, nec semiuocalis sit,  
 nec consonans, litera esse non possit. Nam si nec muta, nec semiuocalis est,  
 consonans quomodo dicetur? et uocalem non esse satis manifestum est. Di-  
 xerit quispiam eam esse literam à Græcis acceptam, ut Z, et Y, quod di-  
 ctu quidem absurdum est. Nam quæ ab illis dasia dicitur, non inter literas,  
 sed pro sodias numeratur. Idemq; est apud Græcos dasia C, cum aspirant  
 uocalibus, quod est apud nos H: nec nisi nota quædam est, quæ supra uo-  
 calem ponitur. Licet P, C, T, cum aspirationem accipiunt, non ut uoca-  
 les dasia notentur, sed proprijs scribantur figuris, de quibus suo loco dicā.  
 Sunt autem apud Græcos prosodie octo, quæ nomina ac notæ sunt:

autem coronant  
 et in ea  
 syllaba.



ἰψία, ἑσρία, περιωμένη, ἰασία, ἰλή, ἀπόροφ, ὕψι, ὕπο-  
 Λιπάλι. Addunt nonnulli βραχίον, ὕ, ἔ, μακρὰν. Hæc tres  
 ἰψία, βερία, ἔ, περιωμένη accentuū notæ sunt, ut apud nos acutus,  
 gravis, ἔ, utrisq; constans moderatus, quem alio nomine circumflexum  
 dicunt. ἰασία nota est densioris ac pinguioris flatus. ἰλή tenuio-  
 ris, siccorisq; ἀπόροφ, ὕ, quæ est de xtera pars circuli, ad summū  
 literæ posita, tum notatur cum ostendendum est deesse uoci ultimam lite-  
 ram, quod à Græcis seruiatur cum uocales concurrunt. Ex qua institutio-  
 ne illud est, quod non modò Plauti, sed etiam Lucretij temporibus ἔ, di-  
 cebatur, ἔ, scribebatur in uersu, magnū est ἔ, multū est, pro eo quod ma-  
 gnum est, ἔ, multum est. ὕψι, cuius nota est lineola repanda, dictioni-  
 bus subijcitur cum duas uoces coisse simul, ἔ, in unam transisse demon-  
 strare opus est. Vt si ostendere uelis maledoctus ἔ, maledanus in unam  
 coisse dictionem, quomodo apud Virgilium antemalorum, ἔ, apud Na-  
 sonem Antemei, ἔ, apud Propertium Semperamicitia, atq; apud Tere-  
 tium Semperlenitas. Contraria est Λιπάλι, ut si particulam nisi ἔ, si  
 cut, non unam, sed duas esse dictiones uelis ostendere. Reliquæ duæ notæ  
 sunt temporum, id est, βραχίον breuitatis, μακρὰ productionis. Ex  
 quibus satis manifestū est ἰασίαν apud Græcos ut cæteras prosodias  
 non esse literam, sed notam quandam, quod idem de H' dicere necesse est.

apophthi

PRÆTEREA cum accadat literæ potestas, quæ ut Prisciano uidetur,  
 ipsa pronuntiatio est, ἔ, item figura qua describitur, ἔ, nomen quo ap-  
 pellatur, ut non solū pronūtiatione, sed etiā figura ἔ, uocabulo alia differe-  
 rat ab alia: neq; propter solam figurā, neq; propter solū nomen, neq; pro-  
 pter utrunq; simul, dicendū est aliquid esse literam. Nam ἔ, numerorū fi-  
 guræ quædam sunt, quas literas dicere nemo audeat, ἔ, lineæ, trianguliq;  
 sua nomina ἔ, figuras habent. Itemq; accentus, ἔ, prosodiæ, quas dixi,  
 quæ tamen literæ non sunt. Eodem modo H', licet figura, ἔ, quasi nomi-  
 ne minime careat, litera tamen non est. At scribitur H' in uersu, scribitur  
 etiam parenthesis, ἔ, lineola, quam uirgulam dicunt, ἔ, nota interroga-  
 tionis, quamuis nihil horum sit litera. Neq; illud dederim, ut uerbum scri-  
 bo, de literis tantum dicatur. Nam scribuntur orationes, scribuntur episto-  
 læ, carmina, uolumina, quæ literæ non sunt, tametsi constant literis. Ex eo  
 enim scriptores dicti. An non legitur apud Valerium Catullum:

Namq; totius uobis frontem tabernæ scipionibus scribam,

Quod quidem sonat ut Plautinum illud,

Quo te legam hoc Scipione.

Quid composita quàm late proferunt significationes suas, A scribo.

Proscribo, describo, ut non potuit pictor rectius describere, quod Plautus dicit de eo, qui hominem quendam quasi suis liniamentis designauerat, & apud Virgilium:

» Descripsit radio totum qui gentibus orbem.

Mathematici enim cœli ambitum ac stellarũ sphaeras, & terræ quam incolimus partes quibusdam distinctas cingulis ac gradibus figurant lineis, et intra circulos cogunt. Vt autem aliquantulum uager, hoc à Poëta de Conone Samio, nobili mathematico, dictum est, non de Claudio Ptolemaeo, ut Maronis interpretes credunt, qui quidem multis post Virgilium annis floruit. Fuit autẽ Conon hic temporibus Ptolemæi regis, à quo propter disciplinam summo in honore est habitus: qui cum cœli situm describeret, quasdã stellas quæ sunt in eo sydere, qui Leo dicitur, crines esse Berenice reginæ cõmentus est. De quo est apud Hyginum in libro de signis cœlestibus. Et apud Valerium Catullum:

» Omnia qui magni suspexit lumina mundi,

» Qui stellarum ortus comperit, atq; obitus.

» Flammeus ut rapidi solis nitor obscuretur,

» Vt cedant cœtis sydera temporibus.

» Idem me ille Conon cœlesti numine uidit.

» E Bereniceo uertice cæsariem, & quæ secuntur.

Sed ad rem redeo. Sit sanẽ H figura quedã, quæ inter literas notetur. Nõ enim id queritur, possit ne H scribi in uersu, & literis admisceri. Sed sit ne H, dum effertur, elementum: sit ne pars minima diëtionis, ut A, ut B. Dũ enim ab aliquo quærimus, sit ne T litera, nõ id queritur, possit ne scribi inter literas. Sed num T sit minima pars cõpositæ uocis, sit ne elementum formandæ syllabæ diëtionis, & orationis.

SVCVRIT etiam illud, quod prætereundum non uidetur, hoc est opinari quosdam debere tum literas appellari, cum scribuntur: elementa, cum pronuntiatur: quorum opinio non me impiedierit, quo minus elementum pro litera, & literam pro elemento indifferenter accipiã. Nam si origo nominis consideretur, litera à uerbo Lego deducta est, à quo & lectio, quæ profectò absq; pronuntiatione & sono esse non potest, quamuis tamen tacentes interdũ legimus. Sed qui primus literam à Lego uerbo deduxit, non illud attendit, quòd interdum sine pronuntiatione literarum figuræ percurrantur oculis, quin tacentes sæpe nobiscum loquimur & disputamus. Loquitur enim secũ animus, & disputat, & tacitus legit: quamquam, nescio quo pacto, moueri et affici tunc in nobis ipsis uocis instrumenta sentimus, adeò tacita etiam lectio nõ sine motu quasi quodam pronuntiationis,

nuntiationis, atq; affectu esse potest. Ad hæc apud eruditissimos grammaticæ artis scriptores indifferenter literam pro elemento poni reperio: ut cum ab eis dicitur litera *b*, non potest continuari cum litera *m* in eadem syllaba, non id dicitur non posse eas sic scribi. Siquidem possunt, sed nequam posse unâ pronuntiari. Ipse quoq; Cicero literam nominat. Quod si litera solum diceretur cū scripta est, uel quod scribitur, falsum utiq; esset, quod à grāmaticis dicitur, literæ accidit potestas. Nā si potestas, ut hi ipsi dicunt, ipsa pronuntiatio est, propter quam figuræ, et nomina inuenta sunt, literæ potestas accidere nullo modo potest. Similiter si dicatur, quod elemento accidat figura, ne id quidem uerū fuerit. Nam si tum dicitur elementum, cum pronuntiatur, figura nullo pacto elemento accidet. Igitur cum doctissimus grāmaticus dixit, literæ accidit potestas, figura, et nomē, literam et elementum simul comprehendit. Quamobrem dari mihi hoc uolo, ut literam et elementum hac præsertim in parte dicere indifferenter liceat. Non tamen desunt, qui literā à litura dictā uelint, quod apud uetustissimos fuerit consuetudo scribendi in tabulis ceratis: quorum opinionem non temere quis accesserit, ut ab eo quod est *Litus*, *Lita*, *Litum*, *litera* dicta fuerit. Cuius uocis apud Virgilium manifesta significatio est: Ut paribus *lita* corpora guttis.

Hoc est, maculis notata et distincta, quod idem dixit alibi:

Sparsis etiam nunc pellibus albo;

Et maculose tegmine lyncis.

Illud autem minime probauerim, ut inde dicta sit litera, quod deleatur oblittereturq; è tabulis, in quibus ut dixi, scribebant. An non absurdum est id asseuerare, ut litera appellata fuerit ab eo, propter quod ipsa esse desineret. Desinit enim esse litera, ubi deleta, et oblitterata est. Manifestum est igitur ex ijs, quæ dicta sunt, licet *h*, et figura, et quasi nomine minime careat, tamen si potestas ei desit, literam esse non posse, quam deesse probandum nobis est.

QUVMADMODVM dixi, placet grammaticis, literæ, aut si mauis elementi potestatem esse pronuntiationem ipsam, nec aliquid aliud ex accidentibus eius esse, quod ostendat elementi cuiusq; proprietatem: qua quidem carere aspirationem affirmant, quasi nō careat, cum et nomen ferē, ut dixi, habeat, et figuram certam propriamq; nimirum literam esse necesse esse. Primum quidem definitio ipsa plane declarat, aspirationē neq; dici, neq; esse pronuntiationem. Si quis enim te interroget, quid est aspiratio respondebis: Opinor eam esse quandam humani spiritus, flatus uel densitatem (namq; utrunq; dici recte potest) aut si id malis, crassiorē quendam

spiritum. Si quis rursus ex te quærat, quid densitas illa sit, scio responsu-  
rum nullo modo uideri tibi eam densitatem esse pronuntiationem. Itaq;  
cum densitas spiritus pronuntiatio non sit, et aspiratio sit densitas spiri-  
tus, H, quæ aspiratio est, pronuntiatio esse non potest. Non aliter quàm  
Susspiriũ, Scloppus, Anhelitus, Suffitus ues, qui spiritus et soni quidẽ sunt,  
non tamen pronuntiationes. Fit autem nomen aspiratio ab eo quod est  
aspiro. Rursus aspiro fit à uerbo spiro, spiro autem à spiritu, ni fortè malis  
Spiritum dici à spirando. Pronuntiatio autem est uox literam, uel sylla-  
bam, uel dictionem, uel orationem proferens ( nõ loquor de oratoria pro-  
nuntiatione ) qui autem expirationem exprimit, nihil tale pronuntiat.  
Est igitur crassitudo spiritus, sicuti tenuitas, lenitas, asperitas, nõ pronun-  
tiatio, sed soni, uocisq; accidens, ut dixi. Atq; ut dcm H esse pronuntiatio-  
nem, dicas uelim quonam modo efficietur, ut H si pronuntiatio est, litera  
sit? Quod enim accidit literæ, non est litera. Cum autem pronuntiatio, id  
est, potestas accedit literæ, non erit ipsa litera, sicut nec figura, nec nomen:  
quanquam literæ accidunt, non sunt tamen literæ, hoc est elementa. Itaq;  
etsi concessum sit H pronuntiationem esse, cum pronuntiatio, id est pote-  
stas accedat literæ, non tamen H erit litera. Nam potestas accedit literæ,  
et non est ipsa litera: quæ ut esset litera, necesse fuerat et pronuntiatio,  
id est potestas ei accideret, non ut ipsa esset pronuntiatio: quod enim pote-  
stas est, litera esse nõ potest. Nam cum potestas sit accidens, cõmune qui-  
dem literæ cum syllaba conuertere non potest, ut dici uere possit potestatem,  
id est, pronuntiationem esse literam. Ex his, ut arbitror, effectũ est H id  
est aspirationem nullo modo habendam esse literam: quæ tametsi litera  
non est, non tamen à Grammaticis, quod tu ipse concedis, plene definitur,  
ut ea sit aspirationis tantum nota. Nam hæc definitio solum complectitur  
cum scripta est, uel quod scribi potest, nõ id ipsum quod est. Quamobrem  
quoniã scio te uehementer cupere eius à me definitionem accipere, faciam  
id libentius causa tua, qui non contentus doctissimorum hominum defini-  
tione, expectes meam.

EST Igitur id ipsum, quod H dicitur aspiratio, qua literæ alicu-  
ius sonus crassior in pronuntiando redditur, cuius figura inter literas scri-  
bi potest. Quam quoniã superius dictũ est solere præponi uocalibus, cõso-  
nantibus postponi: cur id fiat, ratio reddenda est, ostendendumq; cur illis  
interiectionibus, quas dixi, postponatur.

VOCALIS literæ dictæ sunt, quod plenam, absolutamq; uocem  
habeant. Quin et homines uocales dicimus, et Citharam uocalem.  
Vnde Horatius:

Vocalem

Vocalem temere insecutæ Orpheæ syluæ.

Et Propertius de equo:

Qualis et Adraſti fuerit uocalis Arion.

Aspirationis autē ea natura est, ut præposita cum sit, sonoritatem uocalis densitate sua obſtinet, atq; diminuat: quæ res efficit, ut uocalitas illa cum reprimenda est, aspiratione præposita quasi freno quodam coercetur. Consonantiū uerò alia natura est. Hinc enim consonantes dictæ, quod cum uocali sonent, cum ipsæ per se nequeant uocem perficere. Itaq; si quando opus sit ut c', p', t', k', suos augeant sonos, ualentiusq; quam sua ipsarum natura fert, sonent, aspirationē accipiunt intrinsecus: quæ cum postponitur, auget sonum qui consonanti minor est. Atq; hinc effectum est, ut quia uocales maiore non indigent sono, quam qui suus ipsarum est, aspiratio eis præferatur. Contra uerò postponatur consonantibus, quarum soni cohibendi non sunt, quippe qui parū sonent, sed laxandi potius, quod quidem aspirationis admimiculo consecuntur.

CVR tamen ex omnibus consonantibus quatuor tantum aspiſcimus, hæc est ratio, quod cæterarum natura non ferat aspirationem: repugnat enim natura, ut b', ut d', ut m', ut l', ut s', ut n', adijci sibi eam patientur, multo etiam minus f'. Nam o' in dictionibus quibusdam, quas ab exteris nationibus Italica accepit lingua, uulgus aspirat, ut Ghinolphus, quod propriū est, et multa eiusmodi: idq; maxime usurpant hi populi, qui Galliam, quæ cis alpes est, incolunt, quæ hodie dicitur Longobardia, quoniam Longobardi ea loca sub Desiderio rege, alijsq; gentis suæ ducibus diu occupata tenuerūt. Vnde id genti nomen nūc est. Hispani quoq; hoc est, qui hodie uocantur Catalani, aspirant sæpiſſime o' sequenti aut i', aut b', ghi et ghe dicentes, ut Berengherius, Eigherius, Segherius, et id genus multa. Quin etiam apud eosdem Catalanos multa inuenias nomina, quæ in aspiratione desinant. Sed ad Italicos redeo, Ligures, Insubresq; sic hodie locuntur, ut quod latinus sermo non patitur, in plurimis uernaculis uerbis ghe, et ghi pronūtient. Quid? quod cum litera g' apud latinos nunquā iungatur literæ v' ante uocalem in prima dictionis syllaba: Sed aut in media, ut Languet: aut in ultima dictionis syllaba, ut Pinguis: cōdeuentum est, ut omnis Italia non paucas quidem dictiones habeat à Gua, Gue, et Gui incipientes. Video mihi necesse esse, ut uernaculorum etiam uerborum, et eorum quidem barbarorū afferam exempla. Quod quanquā inuitus facio, ueritus ne latini sermonis candorem nouorum ac barbarorum nominum admixtione contaminem, tamen quia præcipiendi ratio cogit, accedam nō quod uoluntas, sed necessitas traxerit. Doctorum tamen hominū uenia prius

implorata. Neq; enim ipse sum condemnandus, sed factorum uis, ac fortuna improbitas accusanda, quæ dominam quondam gentium, ac nationum Italiã seruire barbaris coëgit, ac patrio oblitterato sermone, insuetas asperimasq; accipere dictiones. Est igitur quotidie nobis in ore Guardia, et pro Custodia, et pro Excubijs. Idq; nomen multorum etiam oppidorum est, et Guerra pro Bello, et quod licet latinum tamen corruptum. Guastare pro Vastare, et Gualterius, et Guido, et Guilermus. Quid? quod Varinus Veronensis doctus uir, tamē in hoc à multitudine nō dissentiens, non mini suo, quod Romanum est (à Varo enim, seu malis Vario, fuit Varinus) et præponebat semper, et Guarinum scribebat.

ILLAE uero tres interiectiones Ah, Vah, Oh, in aspirationem desinūt, siue quod uetustissimi dixerent, Vahā, Ahā, Ohā, demptaq; ultima uocali aspiratio manserit, siue quod is animi affectus magis declararetur si in aspiratione, hoc est densiore sono ipsarum pronuntiatio finiat. Nam ut à barbaris eas uoces acceperimus, dictu quidem absurdum est, scilicet latini non prius hos animorum affectus aut expresserunt, aut exprimere potuerunt, quàm has dictiones à barbaris mutuati essent. Vanum hoc est, si quidem hæ uoces nostræ sunt, non barbæræ. Sunt etiam, qui huic interiectioni Pro, quæ exclamandi uox est, aspirent, quod contra usum maiorum est. Differt enim à præpositione Pro, non in aspiratione, sed solo accentu.

Quamquam autem hæc à me in hunc modum dicta et probata sunt, non desunt tamen, qui contendāt h' multum habere literæ, ut quod literæ proprium sit in aliam conuerti, ipsa quoq; in literam mutetur, ut in his, Trabo Traxi, Veho Vexi, et cum dicitur Vesper pro eo quod est Hesper, et pro Cheata Seta, et pro Hex Sex. quodq; nōnunquam ita locetur in uersu, ut eius ui syllaba, quæ breuis præcedebat, producatur, ut apud Virgilium:

17 Dum trepidant it hasta tægo per tempus utruq;.

Quo uno exemplo in primis utuntur, quod in hoc uersu syllaba i r' producatur ui tatum insequentis aspirationis, nō quod natura metri toleret breuem illic syllabā posse collocari. Nam apud poetās in tertijs, quintis, septimis, nonisq; syllabis, quas tritimemerim, pentimemerim, heptimemerim, enneamemerim isti uocant grammatici, Latine autem dicuntur cæsurae, breues interdum statuuntur nulla sequente aspiratione, quod metri lex non semper prohibet, ut apud Lucanum in tertia syllaba:

17 Dum sanguis inerat.

Apud Tibullum in quinta:

17 Te canit agricola magna cum uenerit urbe.

Apud Virgilium in septima:

Et furij:

Et *fiarjs* agitatus amor, et conscia uirtus.

In nona apud Catullum:

*Iam* ueniet uirgo iam dicitur *hymenæus*.

Quamquā sit hic aspiratio, sed aliud in presentia non succurrit. Licet igitur in his syllabarum imparilitatibus etiam correptas aliquando collocare. Scire autem oportet, in metris dimetiendis duas correptas pro una producta accipi. Nam et si pentimemeris uideatur nonnunquam exire in syllabam quæ est septima numero, tamē si de duabus breuibz unam productam subduxeris, quintam esse ratio ostendit. Spondaici enim uersus licet diuersi sint generis, tamen qui proprie dicitur Heroicus, constat spondeis sex, qui sex cōficiūt metra. Vnde dicitur Hexameter. Recipiūt tamen spondei in sede sua dactylos propter temporum parilitatem. Itaq; cum sex spondei XII cogant longas syllabas, hac ratione Hexameter heroicus XII constabit syllabis. Cum autem dactyli recipiuntur, si numerum syllabarum ad spondeos recenseas, et pro duabus breuibz unam productam numeres, inuenies pentimemerim, et quas dixi metrorum figuras cadere semper in locis suis. Loci autem earum proprii sunt principia cuiusq; metri: singuli nanque siue dactyli, siue spondei singula conficiunt metra. In Virgiliano igitur, de quo nunc agimus, dici non potest tritimemerim, id est primam cæsura cadere in locum suum, hoc est in principium secundi metri. Vbi brevis syllaba potest aliquādo collocari. Nam *i* t' particula, quæ est secunda syllaba secundi metri, natura sua correpta est. Ex hoc igitur probatum esse uolunt, h' aliquando literæ uim habere, cum accessione sua præcedentem syllabā, quæ brevis sit, producat, in ijs præsertim locis, qui cæsurarum, quas dixi, proprii non sunt.

CONTRA autem sunt et docti quidam uiri, qui opinentur h', quoniam littera non sit, uim literæ habere nequaquam posse. Negant enim in his præteritis Traxi, Vexi, h' in x' uerti, quod enim littera non sit, non posse in litteram transire. Dicūt enim omnium præteritorum terminationes exire aut in syllabam, quæ duabus pluribus ue structa sit literis, ut Amari, Nupsi: aut quæ ex sola, et leuigata constet uocali, ut Docui, Habui: hanc uerò terminationem Hi', neque ex duabus pluribus ue literis fieri, neque ex pura et tersa uocali: placuisse propterea latinis in formandis his præteritis Traxi et Vexi, mutuari sibi hanc mutationem Xi', quæ multorum præteritorum esset propria: ac tametsi aliās sibi potuissent mutuari, ut Bi', ut Gi', ut Ci', ut Vi', ut Psi', tamen auribus consulentes iudicasse aptius exire Traxi Tractum, et Vexi Vectum, quàm Tragi, Vegi, aut in aliam terminationem: proptereaq; maluisse in Xi' præteritum mittere

quæ proprie uer-  
spondaici



à Traho, & Veho, non quòd Hí in x' uerterent, sed quòd ab alijs uerbis mutuaerentur eam terminationē, quæ aptius caderet. Idq; minime mirum uideri debere aiunt, cum aliquot etiam uerba integra, præterita mutuuntur ab alijs uerbis, quæ sunt Furio Insanijs, Sum Fui, Fero Tuli, Fero Per-  
cussi. Quid enim absurdius esse, quàm cum h' litera non sit, id asseuerare, ut in x', quæ duplicis literæ locum tenet, conuertatur. His addunt, quòd cum prisci dixisse inueniantur Trafo, & Vefo, nihilominus Traxi, & Vexi præterita faciebant: ac propterea multo minus dicendum esse quòd h' uertatur in x' in his præteritis, cum non h', sed s' esset olim in præsentibus temporibus. Nam cū illi Trafo in præsentī tempore, & Traxi in præterito dicerent, non h' sed s' potius in x' uersum esset. In illis autem nominibus Vesper, & Sex similiter affirmant h' non uerti in literam, sed locò eius s' esse positam: quod ut ita esse ostendant, altius quidem repetunt.

PRINCIPIO scire licet non è cælo in terras rerum nomina delapsa esse, sed cum homines ad loquendum aptos natura produxisset, ipsi sibi, rebusq; indidere nomina. quod uel ex hoc licet cognoscere, quòd cum artibus simul sua ipsarum nomina, et instrumentorū quibus artifices utuntur, item rerum earum, quarum artes sunt effectrices, uocabula inuenta sunt. Ante texturam enim inuentam cum homines pellibus, aut librorum, foliorumq; tegumentis operirentur, nec telæ, nec texturæ, nec ipsorum textorum extabant nomina, multo minus texteriorum, ferramentorum, ac uestium, quarū rerum uocabula ne nunc quidem apud Canarios sunt, apud quos nuper compertum est ab Hispanis prædonibus nullum esse telæ genus, sed nudos eos uitam agere, pecudum tantum pellibus quadam corporis parte tectos. Contrà uocabulis illi abundant, apud quos plures artes, disciplinæ que exercentur. An non hodie uidemus genera armorum, quibus nunc utimur, noua pleraq; habere nomina? Sunt enim nuper inuenta. Idem dico de uestimentis, nauigijs, & rebus plurimis. Ex quibus planè perspici posse dicunt, nō naturam, aut Deum aliquem, sed homines ipsos rerum nomina fuisse commentos. Quòd si quæ sola natura absq; hominum artificio laboreq; gignuntur, pro situ regionum ac locorum, quanquam eadem ipsa sunt, qualitates tamen easdem nō retinent, sed illas ita mutant, ut ferè contrarias induant: quid de illis dicemus, quæ homines ipsi cōminiscuntur, ac præsertim de uocabulis? Videmus enim unam, eandemq; rem aliter Græcos, aliter Latinos, aliter Syros, aliter Germanos, aliter alios atq; alios uocitare, ut illos hi, hos illi non intelligant. Quid quòd idem uocabulum apud eos, qui eadem utuntur lingua, iisdem literis non pronuntiat? Hetrusci in quibusdam uocibus pronuntiant ui, populi quidam:



quidam Italiæ bi, Germani si efferunt. quod inde fieri uolunt, quòd apud alios sit hæc quàm illa littera magis, minus uel familiaris et usitata: quod è uernaculis quibus nunc utimur uerbis, aperte potest intelligi. Si enim unum, idemq; uerbum ab Hetrusco, et Longobardo, et Apulo proferatur, misficam uideas et litterarum, et pronuntiationis diuersitatem, ut penè nò idem, quamuis idem sit, esse uideatur: quæ res efficit, ut minus admiremur si quidam Italiæ populi quondam o nò habuerint, sed loco eius (ut grammatici tradunt) v' uterentur. Quam tantam uarietatem nò esse dicunt ex hoc, quòd fiant litterarum conuersiones (quid enim habet Apulus, Hetruscus uel cum Alpino commercij?) sed ex gentium pronuntiationibus diuersis, quodq; hæc quàm illa littera sit uni, quàm alij nationi familiarior, aut minus cognita. Siquidem diuersas gètes diuersis modis uti ad sentiendum, sic ad loquendum pro temporibus etiam, atq; ætatibus affici physicis placet. Itaq; cum dictio Hesper à latinis fuit recepta, quoniã aspiratio uideretur asperior, præsertim cū esset rarissimus eius usus, placuisse quibusdam lenire eam, et quod v' dum consonans est, in uerborum principis esset latinis admodum familiare, ut Valeo, Venio, Vendo, Vereor, Vates, Vita, Vinum, Volo, Vitulus, Vicus, Vitia, Voco, Vultus, Vultur, pro eo quod est Hesper, Vesper dicere maluisse: nec tamen de fuisse, qui Græcè libentius Hesper dicerent, pro quo cum Vesper dicitur, uolunt nò uerti aspirationem in v', sed abijci eam, ac repudiari, et eius loco positam esse eam litterã, quæ prisca esset tantummodo peculiaris. Hispani, à quibus propter regnum Neapolitanum non pauca nomina accepimus, dicunt Hernandum, pro quo nos Fernandum. Dicemus igitur aspirationem uersam esse in v' et minime profecto. Nã Italica, id est uernacula lingua, nullos ad hunc dicm præceptores habuit, quorum institutionibus formati hanc doceamur facere conuersionem, cum tamen natura magistra hoc faciamus. Et ut ætiori bus nos rationibus urgeant, nihil causæ est inquirunt, cur h' mutetur in b', et tamen pro Helena, Belenam dixisse uetustissimos constat, uidelicet quòd illi aspirationem horrebant, b' familiarius utebantur. Nam et Bruges pro eo, quod est Fruges, dixisse manifestum est. Addunt etiam opinari se, si Ciceronis temporibus cum Helena dicebatur, aspirationem Romanus uitare uoluisset, Velenam fuisse dicturum, quia homines illius seculi v' consonante magis uterentur. Quæ quidem omnia nationum, ætatumq; diuersitate fieri affirmant. Quid nonne latine testudo dicitur et capparis? At Neapolitani non t', sed c' primam testudinis faciunt. Contra Hispani primam capparis t' fecerunt. Idem etiam Neapolitani primã syllabam Capparis, quæ est c a' interposita aspiratione et i', chiã expri-

munt, & pro fortuna fortunam dicunt. Seruat hodie quoq; Neapolitanus latinam pronuntiationem huius imperatiue uocis Audi, pro quo Florentinus dicit Odi. Ex transpadanis uero multi oldi pronuntiant, pro au ol dicentes. Quis hæc docuit? natura, non præceptor aliquis. quod latine Planum dicitur, plurimis modis uernacula lingua uariat in prima syllaba. He truscus enim loco l' ponit i', & pia non pla exprimit. Neapolitani loco e' & l' ponunt, c' aspiratū & i'. At Sueffani dempta aspiratione ci a' dicunt, idq; in plurimis dictionibus facile inspicies. Quimetiam soni mutati sunt. Nam o' & e', cum finales sunt, ab Italis in uernaculis uocibus ita quidem pronuntiantur, ut deprehendas eorum sonos, qui latine pleni, & clari sunt, obtundi, & obscurari. Afferunt etiam, Aeoles solitos hiatus causa interponere e', maiores autem nostros v' loco e', ut in nomine Dauus, necnon o' & c' interiecisse, ut in his Redeo, Prodeo, sicubi Comburo, & quod Plautus dixit, mederga, & quod hodie etiam dicimus redinte grare. Dicit hic aliquis: Cur potius d' transibit in e', ut hoc in uerbo afferro, quam h' in v'? ob id profecto, quod d' literam in e' literam transire naturale sit, pronuntiatione ipsa hoc exigente. At h', quod litera non sit, in literam ut transeat, naturam minime pati. Eosdem Aeoles Bretor pro Rhetor, & Brodos pro Rhodos dixisse constat, ea ratione, quod aspirationem fugientes pro ea digamma ponerent in dictionibus ab r' incipientibus, quodq; recusarent digamma in eadem syllaba consonanti præponere, in u' uertebant, brodos, bretorq; dicentes. Quibus adducti rationibus conantior probare aspirationem non uerti in literam, sed uitari potius & abijci. Affirmantq; Aeoles u' magis quam aliam literam, pro eo quod est digamma posuisse, quod in nominibus ab r' incipientibus libenter u' uterentur. Addunt etiam opinari se, & pro certo habere, si Delmatæ ab Aeolibus, quas dixi uoces mutuarentur, quanquā nullos hucusq; habuerint pronuntiandi magistros, non pronuntiatiuros u', ut Aeoles, sed v' consonans, quod sua ipsorum lingua sic exigat. Est enim naturale Delmatis v' consonans præponere literæ r', ac simul cogere, ut cum dicunt urasi & ureche, quæ nomina apud Delmatas duarum sunt syllabarum, quod latina lingua aspernatur, & horret, quanq; hodie non paucas uoces Itali sic pronuntiant. Efferunt etiam Delmatæ v' consonans ante l' in eadem syllaba, ut in his nominibus Vladislaus, & Vlachia: quorum prius apud eos tetrasyllabū est, posterius trisyllabū, quæ nos proferre haud possumus. Nam de priori v' abijcimus, & Ladislaus dicimus. Posteriori aut addimus a', & dicimus, Valachia. Est enim cuiq; nationi sua pronuntiatio, suusq; struendarū syllabarum ordo & compositio. Quid? quod cum i' apud latinos efficiatur consonans,

sonans, nulla consonāte ante se in eadem syllaba collocata, ut Ianus, Iecur, Troia, Peius, Conijcio. In uernacula qua nunc utimur lingua c' ante i' ponimus, et Cia, Cie, Cio dicimus. Quinetiam praeposita semiuocali s', Scia, Scio, atq; interiecta aspiratione Schia Schio proferimus. Sed Illyrici, et Dalmatae, de quibus dixi, suas habent literas. Et cū scribendū est Scia, hac uūtur figura **Ш** Cum aut schia, his **Ш** **Ш**. Nam Hieronymia nis et Cyrillianis utūtur literis. Similiter cū scribunt Glia, utuntur harū notarum alterutra **Λ** **Δ** duabus tantum figuris eam scribentes syllabā, in qua nos quatuor ponimus. Apuli ita locūtur hodie, ut in principijs multarum dictionum loco i' consonantis s' pronuntient, et non lugum, sed Sugum, non Lannem, sed Sannem dicunt. Quinetiam in nonnullis latinis uocibus ante i' uocalē s' ponūt, et Sire pro eo quod est Ire dicūt. Multa quoq; cum etatibus simul mutātur. Actas enim ex Messana Messalam fecit, ex Valesio Valerium, ex Fusio Furium, ex Scitibus Lites, ex Scloteo Locum, ex Remulibus Lemures, ex Sordeo Ordeū, ex Cassantra Cassandram, ex eo quod erat Odysseus Vlyssēm, ex Lebero Liberum, ex Here Hēri, ex Sibe Sibi, ex Coerauit Curauit. Itemq; ex Voloce Velocem, ex accusatiuo Meē Me, ex Duello Bellū, ex Aīio in quo duplicabatur i' Aio, ex Comperce Compeſce, ex Creduis Credas, ex Duis Des, ex Hesprug Hespruginem, et mille talia. Quid etas nostra? nōne ex Nicolao Colam fecit, ex Ioanne Iannem, ex Lodouico Loisium, ex Bartholomæo Meum. Quidam etiam populi stante integro nomine, pro b' pronuntiant m, abijcientesq; ē medio syllabam Lo, pro Bartholomæo Barthomeum dicūt, ex Thoma quoq; fecerūt thomeum, ex Antonutio nutium, ex Antonio tonium. Siculi ex Iacobo fecerūt Iacopinum, de quo demptis prioribus syllabis, nunc non Iacopinum, sed pinum dicunt. A quibusdam etiam ita defleximus, ut ea non sine obscenitate proferamus. Quorsum igitur haec tam multa ab illis afferuntur? ut ostendant etatum nationumq; diuersitatibus fieri uarietates pronuntiationum, ipsarumq; literarum sonum, potestatem, ordinem aliter atq; aliter uariari. Posent his plura addici, quae ab illis quidem adducuntur, sed debemus ijs quae dicta sunt esse contenti. Nunc id agatur, quibus adducti rationibus opinentur in illo Virgiliano uersu n' uim literae non habere. Is si recte meminierat:

Dum trepidant ita hastatago per tempus utrumq;

Hoc in loco contendunt particulam it' praesentis temporis nō esse, sed praeteriti, quae sit concisa de praeterito luit, cuius prima sit producta naturaliter. Quoties enim concisio fit in hunc modum, quantitas syllabae non mutatur. Cū enim dicitur Existimauit, ipsa pronūtiatio docet a' produci

in penultima syllaba: cui si adimas *Vi*, dicasq; *Existimat* pro *Existimauit*, syllaba *Mat* seruabit productionem suam, retinebitq; accentum, quem habebat stante integra dictione. Hoc exemplum ideo posui, quoniam *Donatus* dicit *Terentium* in illo suo prologo posuisse *existimat* pro *existimauit*. Similiter *Immugit* pro *Immugiuit*, & *it*, pro *iuuit*: quanquā cum dicitur *Immugijt*, & *ijt*, dempta tantum littera *v*, corripitur. Nam uocalis ante uocalem more nostro corripitur, nisi fuerit diphthongus, paucis quibusdam exceptis. Quinetiam affirmare audent *Virgilium* reliquisse scriptum non *it*, sed *ijt* cum duplici *i*, cum sequatur uersus habens præteritum tempus, qui est:

» Stridens aduersoq; hæsit tepefacta cerebro,

Nam non hæret dixit, sed hæsit. Siue igitur *it*, pro *luit*, siue lit legatur, uolūt ob eas quas dixi rationes *h* in hoc uersu uim litteræ nullam habere.

Vt autem post hæc omnia paucis ipse tibi aperiam quid de aspiratione sentiam, id est, an quam uim litteræ habeat, ac ne ab officio, & cognitione grammatici recedens, subtilius quam grammatici captus ferat, perscrutari hoc uidear. Siquidem existimo uideri aliquando *h* sapere aliquid, quod sit litteræ, cum tamen littera ipsa non sit, ueluti cum in locum litteræ substituitur, ut in his uocibus, *Hircus*, & *Traho*, in quibus loco *f* aspiratio posita fuit, nam *Fircus*, & *Trafo* dixerūt, et in hoc nomine *Hallux*, quod sit à uerbo *Salio*, de quibus postea latius dicam: aut cum loco eius ponitur aliqua littera, ut in his, *sex* pro *hex*, *Vesp̃* pro *Hesper*. Quid? quod quemadmodum *c* & *d* interijciuntur in compluribus dictionibus hiatus causa, ut in *Prodeo*, *Redeo*, *Redibeo*, *Sicubi*, *Necubi*: eodem modo et *h*, ut in his, *Mibi*, *Prehendo*, in quibus eandem habet uim ad hiatū *h* quam in illis *d* & *c*. Ac ne de grammaticis præcepta tradens philosophum uidear agere, haud negabo habere aliquando *h* similitudinem quandam litteræ, quod quamuis non negem, ut dixi, non tamen dicendum, aut tenendum iudico *h* propterea esse litteram, quod quidem superius ostensum satis est. Nam & coruorum, & psittacorum uoces quædam, uerba nostra immitantes, uim quidem habent intelligibilem, & suam ipsorum uerborum significantiā exprimunt, cum tamen humanæ illæ uoces neq; sint, neq; dici possint. Sed iam ad alia quæ dicenda relinquuntur, transeundum est.

DICTVM est à me *p* & *t* cum aspirationem exigunt, proprias apud Græcos figuras habere, quæ sunt *x* pro *ch*, *phi* pro *ph*, *theta* pro *th*. quod cur in his consonatibus probauerint, in scmiuocali uerò *r* repudiauerint, placet grammaticis hanc esse rationem, quod his elementis aspiratio ita hæret, ut ea ablata pars quasi quædam substantiæ ipsorum adimatur,

itur, tollaturq; propria uocum significatio. Si enim cum pronuntiandum est Chærea, quod est nomen proprium, c' uon aspiraueris, uis proprie significationis interit: quinimmo pro Chærea, quod ut dixi proprium est, pronuntiabitur Cærea, quod est fœmininū huius nominis Cercus: et pro Chære, quod est salutadi uerbum, dicetur Cæræ, qui est genitiuus nominis Cera: quamuis grammatici affirmant abicisse priscos illos aspirationem è uerbo Chære, et Cere dixisse, ut apud Virgilium:

Qui cerete domo.

Vnde et Cerimonias dictas uolunt. Pro eo autem quod est chiron, si ciron dixeris, non significabatur Achillis magister, sed profertur quartus casus nominis, quod est Cyrus. a' uerò cum aspiratione accipit, aliam non habuit figurā quā cum tenuatur: quod cum sit semiuocalis, licet subtrahatur aspiratio, uocis tamen significatio ipsa maneat. Qui enim Rhodon sine aspiratione pronuntiat, quanquā peccat is quidem, rem tamen cuius est nomen illud quod ipse profert, audientibus notā facit. Græci igitur siue his, siue alijs adducti rationibus hoc seruant. Nos uerò antiquum secuti scribendi morem, nec eas ab illis figuras accepimus, nec alias ipsi formauimus. Et quoniam ad promissa propero, aspirationis nota apud priscos super ipsam literam cui aspirari debebat, figebatur, quem usum hodie quoq; in uocalibus Græci seruant. Longo uerò post tempore figuram suam aspiratio adepta est, et inter literas ipsarumq; textum recepta est. Figura autem hæc fuit η', quæ postea mutato scribendi usu è literarum serie eiecta est, et in geminas partes diuisa. Sinistraq; pars figuræ eius super literam cui aspirabatur notari cepta, quod in uetustissimis codicibus licet inspicere. Sunt etiam qui hunc aspiradi morem hodie quoq; sequantur. Græci, ut dixi, eam notam dasian uocant, nostri tum flatilem, tum spiratilem dixerunt: et quam illi psilen, ipsi tenuem exilemq; uocauerunt. Ipsa autem spiratilis nota, id est sinistra pars quam dixi, hæc erat ε'. Recentiores uerò cum etiam formandis literarum figuris ab antiquis illis deflexerunt, hanc no uam aspirationis notam introduxerunt, quæ est η'. Nam quam à priscis inuentam memorauimus, tunc utimur cum aut poeticus uersus, aut orationis ambitus ab aspiratione incipit, aut ubi maiusculis literis (nam maiusculas nunc eas uocamus) utendum est.

SCIRE etiam oportet Barbaros aspirationem semper proferre, Græcos neq; semper ut barbari, neque adeò rareriter ut nos, qui quam rarissime eam proferimus, præsertim cum uocalibus. quotus namq; est qui Hæmum, Hædum, Hinnitum, Hominem, Humum ita enuntiet, ut aspirare cum primis literis possis cognoscere? quanquam cum aspiramus c' ante e'

uel i, ut Cherea, et Chiron, aspirationem ipsam efflamus: et similiter cum post o sequitur statim l, et post l alia uocalis, ut Parthia. At o ita profertur, ut eius sonus aut parum, aut certe nihil ab e differat. Licet autem grammaticis placeat e non adeo fixis labijs, ut o efferri: nemo tamen nostrum adeo pronuntiationis studiosus est, ut id seruare cum possis agnoscere. Nam prima Fabulli, et Phalerij eodem labiorum statu ac motu à nobis pronuntiat.

VETVSTISSIMOS autem parcissime usos aspiratione fuisse, testis uel in primis locuples est Quintilianus, qui etiam tradit his uocibus quæ sunt Hircus et Hædus, minime illos aspirasse: nunc tametsi ea inscribendo frequentius utimur quam illi, rarius tamen eam efferimus: adeo hominibus nostri temporis hæc spiritus densitas inimica est, et à latina pronuntiatione aliena. De qua nostram quod sciam nemo ad hunc diem particulatim præcepit, quâquam adolescenti mihi Paduæ cum agerem, in manus peruenerunt pauca quedam, et ea plena errorum, quæ Apuleij cuiusdam grammatici satis obscuri de aspiratione tantum uocalium esse titulus indicabat. Sed ut ad rem propius accedam, aspiratio quibusdam dictionibus naturalis est, et ab ipsa formatione herens, ut huic uoci heu. Quibusdam adiuncta est differentie causa, ut huic nomini Hæra, quæ uox per aspirationem differt ab æra, cum altare significat. Non pauca etiam uoces trahunt eam ab origine sua, ut sunt dictiones compositæ et deriuatæ, ut habito, et inhabito, ab eo quod est habeo. Aliquot dictionibus adiuncta est hiatus causa, ut his Ychemens, et Mihi. In multis etiam usus præualuit, ut in his Hostis hostium hospitium. In Græcis autem, et barbaris græcos et barbaros sequimur. Sunt quoque nonnullæ dictiones quibus aspiramus hac ratione, quod placuerit maioribus nostris in locum detractæ, aut commutatæ literæ aspirationem ponere, ut hordcum, quod sordcum Sabini dixerunt. Inest igitur aspiratio dictionibus aut natura, aut origine, aut differentie causa, aut etiam hiatus, aut usu, aut imitatione, aut detractio, commutationis gratia.

HIS explicatis, ad ipsa uoces quibus aspirandum est, uenio. Primum quidem de uocalibus, quæ aspirationem exigunt: deinde de consonantibus dielutrus, literarum et syllabarum ordine seruato. Initium autem erit à diphthongis, quas apud nos esse quatuor nemo ambigit. hoc est Ae, oe, au, eu. Velim autem scias secundum ueterem et rectum loquendi usum uerbum Aspiro exigere post se datiuum potius quam accusatiuum casum. Aspiro enim huic uocali libentius, quam hanc uocalem dixerunt, quod ego hic etiam sequor.

Ab diphthongus exigit aspirationem ante c in pronomine hæc, et cum:

cum *foemini*num est, et cum neutrum, ut *hæc arbor*, et *hæc munera*. Similiter aspiramus *hæ*, quod est *foemini*num numeri pluralis. Græci quoque aspirant *ai*, qui apud eos est articulus *foemini*nus, et *muneri* pluralis. Quæ autem apud nos est diphthongus *ae*, apud illos est *ai*. Fuitq; hæc causa cur latini diphthongon hanc soluentes in *ai* uerterent, græcos imitati, ut: *Aulai* in medio libabant pocula *Bacchi*.

Pro eo quod est *aule*. Et apud *Lucretiū*, *Animæ*, *siluæ*, *aquæ*, pro illis genitiuis *Animæ*, *siluæ*, *aquæ*. Quid quod in huiusmodi solutionibus utraque uocales produxerunt ad illorum morem? Cum latina regula uelut uocalem ante uocalen corripit, ut supra dixi. Extant *Beneuenti lapides*, in quibus scriptū legitur latinis literis: *COLONIAI BENEVENTANAI*, pro *colonie Beneuentanæ*. Quæ inscriptio declarat, *Samnites* quanquam latinis uterentur figuris, imitatos fuisse græcos in scribenda diphthongos *ae*, quæ licet apud eos sit ex *á* et *í*, tamen ut nos *ae* pronuntiant. *Festus* etiam refert, antiquos latinos *ae* syllabam græca imitatione per *ai* scripsisse. In urbe *Theate* legitur *CAISARIS* nomen per *ai* non per *ae* scriptum. *Gellius* tamen refert animaduertisse se in commentarijs *P. Nigidij* ita scriptum, atque præceptum ab illo: Si huius terræ scribas, *a* litera sit extrema: si huic terræ, per *e* scribendum est. quæ res indicat non de fuisse qui aliter generandi, aliter dandi casus eorum nominum quæ primæ declinationis sint, scribi uellent. Quæ de re nihil dicturus sum, quoniã tempus hunc ipsum scribendi morem iam pridem obliterauit, et huiusmodi *Nigidij* regula fortasse ambitiosior est. Aspiramus etiam *hæc* cime, ac ne de his pronomiibus hic, hæc hoc aliàs dicendū relinquatur, ubiq; aspirare conuenit, et similiter huiusmodi et huiuscemodi. Inest autem his pronomiibus aspiratio natura. Græci item aspirant *ῥ*, *δ*, *λ*, *σ*. *Prisci* tamen non hic hæc hoc, sed *Hicce* *Hæcce* *Hocce* dixerunt, ut etiam apud *Terentium* inuenias dictum hisce plurali numero pro eo quod est *hi*, cum ait: *Hisce* arbitrat̃ur nunc hoc munere suam esse *Thaidem*. Et apud *Plautū* in *Captiuis*: *Hisce* autem inter se confinxerunt dolum.

Nam qui opinantur hæc in genere *foeminino* aspirationē habere, ut differat ab aduerbio ecce, ij falluntur omnino. Eadem enim fuit ratio aspirandi hæc, quæ et hicce, et hocce. Aspiramus etiam diphthongo *æ*, ante *r*, in uerbo *harco*. Itemq; in deriuatis, et compositis. Sed et de his, et de alijs, quæ aspirationem exigunt ante diphthongon *æ*, in posterioribus suo loco et tempore dicam, id est cum de aspiranda præcipiam.

**A** V diphthongus admittit aspirationem ante *d*, in hoc aduerbio *Haud*, quæ differt à coniunctione *Aut*. Nam quanquam nunc differunt



ultimis literis, apud priscos tamen pro utraq; re cadebant in eadem litera, id est  $\tau$ , quos etiam constat uocem *Ad* et cum esset praepositio, et cum coniunctio, et interiectio, iisdem literis scripsisse. Posterioribus tamen, quos nunc sequimur, placuit, haud, cum esset negandi aduerbium, et *Ad* cum esset praepositio, per  $\sigma$  scribere, ut terminalibus literis differret. Aspiramus etiam uerbo *Haurio* solo quidem usu. Nam ut differret aspiratione à nomine *Auris*, à quo fit auricula, omnino ineptum est dicere. *Auris* enim à uerbo *haurio* ducitur:

” Ut uocemq; his auribus hausi.

Sonus enim *hauritur* auribus.  $\alpha\upsilon\rho\upsilon\sigma$  grecum est, et aspiratione caret. *Auster*, *Australis*, *Austrinus* aspirationem non habent, licet, ut multis placet, *auster* ab *hauri*endo dictus sit. Sed in his non uicit usus, ut in uerbo *haurio*: quod quidem uerbum aut nostrum est, id est latinum, aut est deductum à Græco, quod est  $\alpha\rho\iota\omega$ , cuius primam syllabam Græci tenuat. Itaq; si à Græco ducit originem, aspiratione caret: sin latinum est, non natura, sed usu habet aspirationem. Si enim naturalis esset aspiratio uerbo *haurio*, deriuata ab eo illa retineret, *Auris*, *Auritus*, *Auricula*, quibus non aspiramus. Ex quibus efficitur, ut uerbo *haurio* praeponatur aspiratio, non natura aut alia causa, quam solo usu.

HEI interiectio traxit aspirationem à natura, quod is animi affectus aspiratione melius declararetur. Qui autem opinantur additā huic uoci aspirationem, ut ea differret à pronomine *Ei* in tertio casu, ij falluntur mea sententia. Hanc uocem inter diphthongos ideo locaui, quod apud uetustissimos latinos ei diphthongus habebatur. Nos autem desinimus ei scribere, sed pro ea productum  $i$  ponimus. Illi enim scribebant *heic*, nos hic, ut hæc indicant monumenta, quæ *Capuæ* extant: Q. TIBURTI Q. L. MELO NAVI CVLTRARI OSSA HEIC SITA SVNT. STABERIAE P. L. FLORAE OSSA HEIC SITA SVNT. ROGO TE MI VIATOR NOLI MI NOCERE. FFRIAE, CN. FILIAE MAIORIS HEIC OSSA SITA SVNT. In tertijs quoq; et sextis casibus maiores illi nostri ei scribebāt semper, ut dixi. Inspice antiquas inscriptiones, et ita rem habere intelliges. *Venusiæ* etiam extat monumentum, maiore tamen parte dirutum, in quo scriptum est: AMICEIS SVBIS, pro amicis suis, et SIBI pro sibi. Et item *Capuæ* legitur: HEISCE MAGISTREIS VENERVS IOVIAB MVRVM AEDIFICANDVM COI RAVERVNT PEDES CCLXX. ET LOIDOS FECERVNT SERVIO SVLPITIO, MARCO AVRELIO COSS. Vides heisce prohibere, et magistris pro magistris scribere illos consuevisse. Illud etiam annotandum



notandum est, quod apud Campanos Venus emittebat genitium in Vs, non in Is, & quod loco v in nomine Ludus ponebant o & t, Loidos pro eo quod nunc est ludos dicentes. Et cum latini & finitimi populi dicerent Coctrare per o & c, pro quo nos dicimus curare, v pro ce ponentes, Campani ponebant o & i, & coirauerunt, non coctrauerunt dicebāt, pro quo nos curauerunt. Multa etiam ex antiquis grāmaticis in hunc locum conferre possem, sed non uidetur necessariū. Est enim res satis manifesta.


EV Diphthongus aspirationem habet in interiectione Heu, eadem qua heiratione. Similiter in hoc aduerbio heus, in quo fortasse usus praevaluit, quando Festus uult ductum esse à Græco αἰ, quæ uox doloris est, tenuaturq; apud Græcos. Vnde & ægitudine deducta esse tradit. Eu Græca dictio, quæ multorum nominū compositionem inuit, ut Eugenius, Eusebius, Eustachius, Euxinus, Eutychus, Eudemus, aspirationem non habet.

OE diphthongus in omnibus latinis dictionibus abhorret ab aspiratione. Sed de his dictionibus quæ ante diphthongos exigunt sibi aspirari, tam in primis, quàm in medijs syllabis, plenius dicam in posterioribus suo loco. Nunc satis sit hæc perstrinxisse.

DE VOCIBVS igitur quibus aspirandum est præcepturus, illud præmoneo, composita, & deriuata, itemq; obliquos casus, & tempora, quæ quidem tum per deductionem, tum per mutationem litterarum formantur, acceptam à primitiuo aspirationem retinere in primis præsertim syllabis de quibus nunc præcipiam. Ac primū quidē de A, quæ est uocaliū prima.

A ante B.

VOCALIS A, sequente statim consonante b, habet aspirationem in uerbo habeo, qua differrat à uerbo Abeo Abis Abit, ut multis placet. Deriuata quoq; & composita retinet eandem aspirationem, Habena, Habitus, Habitudo, Habilis, Habitor, Habito, Inhabito, Inhibeo, Exhibeo, Cohibeo, Prohibeo, Adhibeo, in quibus A uersa est in i, quæq; alia et ab habeo, & ab habito deducuntur, aut cum his iunguntur. Redibeo tamen quamuis ex habeo & re particula constet, aspirationem abiicit, acceperitq; hiatus causa d, quæ littera nullo pacto aspirationē recipit post se, natura ipsa hoc prohibente. Quamobrem nō parum admiror nostrateis quosdam doctos sanè homines, & accuratos in uerbo redibeo h semper notare solitos, deceptos, ut opinor, quod existimarent primam uerbi huius syllabā, quæ est Ré, cadere in d, quod erroneum quidem est. Syllaba enim nulla apud Latinos (de primis loquor, ac medijs syllabis) finit in d, nisi quæ sequitur à d incipiat, excepta præpositione ad, quæ multarum uocum compositionem inuit, ut in his Adiuuo, Aduerto. In uerbo autem Redibeo littera d,



intresecta est hiatus causa, ut in his Prodeo, & Redeo, in quibus d' non finit priores syllabas, sed inchoat posteriores: quod cum sit, aspirare nullo modo debemus i' in uerbo redibco. Siquidem litera d' neq; ipsa aspi rationem tolerat natura prohibente, neq; statim post se in eadem syllaba uocalem aspiratam collocari patitur. Nulla enim latina dictio habet syllabam aliquam incipientem à d', sequente statim uocali aspirata. Sunt qui uerbo abundo aspirationem præponant: quod ratio prohibet, sit enim ex ab præpositione, & Vndo Vndas Vndat. Aspiramus de peregrinis Habraam, quod Iudæum nomen est, & Habramios, & Habronichus, quod est Græcum, & hominis proprium.

A' ante C'.

ANTE C' uerò aspirationem exigit A' in illo tantum casu Hac, quæ uox transit etiam in aduerbium loci, retinetq; aspirationem in aduerbio hactenus. Sed de obliquis casibus, ac de uocibus cōpositis, non est mihi particulariter præcipiendum: cum ea originis suæ naturam sequatur. Sunt qui Istanc, & Istunc, & Istac, & Istic, atq; Istinc aspirent: quæ uoces, ut ego sentio, simplices sunt, non ex pronominiibus Iste, Ista, Istud, & Hic, Hæc, Hoc connexæ. Nam uetustissimi dixerunt Isticce, Istæcce, Istocce, ut Hicce, Hæcce, Hocce, pro quibus nos dicimus Iste, Ista, Istud, & Hic, Hæc, Hoc. Neesse igitur erat, ut in quartis casibus dicerent Istunce, & Istance, quod quidem dicebant, paulatim tamen ultimam dementes litteram, dixerunt Istunc, & Istanc, donec Istum et Istam diximus. Istic autē, & Istinc, & Istac dicimus, ut Illic, Illinc, & Illac. Quapropter cum simplices sint uoces, neq; cum pronomine Hic, Hæc, Hoc, aliquid commixtum habeant, nullo modo aspirandum eis iudico, quod latinæ lingue lex minime patitur. Litera enim t' in latinis dictionibus aspirationem post se non recipit, ut suo loco dicemus. Sed in Græcis & barbaris tantum.

A' ante D'.

SEQUENTE autem d' aspiramus A', in his dictionibus, quæ à Græco ductæ sunt. Hadria masculini generis pro sinu maris, et foeminini pro opido, & quæ ab his fiunt, Hadriaticus, Hadriacus, itemq; Hadrianus proprium hominis. Significat autem apud Græcos nomen ἀδρία, quod habet apud nos. Sed necessarium non est, ut enumerem dictiones quibus Græci aspiarent, satis sit eas notare, quas ab illis accepimus. Grammatici nostri temporis pro ea quæ fuit Ariadna, Adrianam dicunt, & quidem imperitè. Nam Græcè non Adriana, sed Ariadne nomen est ei, quam desertam à Theseo Bacchus rapuisse dictus est à poetis. Quod hic tetigissimum est non inconueniens, ne quis aut existimet Hadrianæ illi nomen fuisse, aut si forte

forte dicat ex Ariadna Adriana factam mutato literæ ordine, fallatur credens ei aspirari debere. Nam Hadriana tunc aspirationem exigit, cum est foeminiuum factum ab eo, quod est Hadrianus, quod nomen supra posui: pro eo autem quod est Ariadne, tenuari debet.

A' ante E'.

SEQUENTE E', non aspiramus A' in nostris dictionibus, nisi cum in diphthongum coit. De quibus quidem et dixi paulò antè, et dicam in posterioribus.

A' ante F', et G', et I'.

ANTE F', aut G' aut, I' in nullis nostris dictionibus aspiramus. A' Græci tamē aspirat ἅγιος, id est sanctus, et itē ἅγιος, id est purus et castus, à quo nomine ducitur proprium nomen Hagnes, cui aspirandū est. Haia nomen proprium mulieris, quod uetus indicat inscriptio: HAIAE RVFINAE PARENTES INFELICISSIMI.

A' ante L'.

ANTE L' aspiramus A' in uerbo Halo, Halas, Halat, ut differat, sicut quibusdam uidetur, ab Alo, Alis, Alit. Mea tamen sententia huic uerbo aspiratio natura inest, quippe cui conueniat densitas illa quam significat. Est enim exhalatio uaporum, crassiorumq; ut sic loquar, spirituum densitudo, et Cicero terræ halitum aspirationem uocat. Aspiramus etiā Halitus, et Exhalo, necnon et Hala pro eo quod ait Horatius:

Hirsutus cubat hircus in halis.

et Catullus:

Valle sub halarum trux habitare caper.

Similiter Halium genus oleris, est enim ab halando dictū. Ab eo quod est Halo ueteres Halito dixerūt. Itemq; Hallux, qui est pedis digitus, aspirationem habet, ex eo dictus, quod super proximum digitum saliat. In qua uoce maiores nostri loco s' aspirationem posuerunt. Alij uolunt à Græco ἅλας, siue ἅλας dictum, quod latine dicitur Salio. Scias tamen Græcorū alios uocibus quas supra posui, aspirare, alios uerò non. Aspiramus etiā Hallucinor Hallucinator Hallucinatio, ut Gellius est auctor. Ex ipsa enim aspiratione intenditur exprobratio. In Græcis aut Halys Lydiae fluiuius, et Halicarnassus urbs, Halonnesos insula Aegæi. Halec piscis. Alecus fluuius. Tenuatur similiter et Aloeus gigas, cuius filij Martem dicuntur uulnerasse, et ab eo patronymicū aloides. Haliartus uerò urbs ἁλάρτιος habet, et Halisca mulier, et Halizones gens. Aspirant etiam Græci ἁλῆς pro mari, unde et nos Salem dicimus, et salum, ut:

Et sale tabentes artus in litore ponunt.

Et:

Perq; undas spumante salo, perq; inuiua saxa

Dispulit.

In quibus dictionibus placuit maioribus nostris sponere magis, quam acceptam à Græcis aspirationem retinere. Vnde sunt qui putent Satis aduerbium ductum à Græco Halis esse. Halias genus scaphæ. Halizon, fluvius. Haliacles, nomen persicum. Haliacmon, fluvius Macedoniae. Alcyon pro cui Græci non aspirat, licet fiat ab eo quod est ἄλς. Illi enim, ut grammatici placet, nunquam aspirant α' ante λ', sequente cappa. Cheroboschi grammatici, qui Græcè de aspirandis uocalibus scripsit, uerba hæc sunt:

» Alcyon uerò etsi ab eo quod est ἄλς deriuatur, tamē quia sequitur cappa, tenuatur: et similiter præteritum ἄλτο, licet fiat à uerbo ἄλτομαι.

NAM α' ante λ' sequente consonante, semper tenuatur, nisi fortasse statim sequatur liquidus, nihilominus apud Theocritum est uidere Græcos ueteres huic nomini aspirasse: ac licet ipse uiderim in uetustissimis codicibus nostris huic nomini aspirationem esse prænotatā, hodie tamen aspirat nemo. et similiter huic dictioni Alcedonia, quæ significat tempus, quo Alcyones aues nidificant, quo quidem tempore quanquam media sit hyems, maximam tamen ferunt esse tranquillitatem. Vnde ait Plautus:

» Alcedonia sunt circum forum.

Dixerunt autem ueteres et Alcedo Alcedinis, unde Alcedonia et Alcyon Alcyonis, in quam poëtæ ferunt alcyonem Ceycis uxorem fuisse conuersam. Dies autem nidificationis huius alij undecim esse uolunt, alij nouem, sunt qui septem tantum. De conuersione etiam aliter quidam sensere. Tradunt enim septem fuisse Alcyonis gigantis filias, nominatasq; Phosthioniam, Anthen, Methonen, Alcipam, Palenen, Drimon, Astrien, quæ post patris mortē è canestreo, quæ Pellenes arx erat, dolore uictæ, in mare se deturbarint: hinc locum fabulæ datū esse, creditumq; eas in aues uersas, quæ de patris nomine Alcyones dictæ sint. Ferunt etiā Marpissen Idæi uxorem Alcyonem fuisse cognominatam, de qua hæc traduntur in fabulis, eam cum forma præstaret, ideo qui et ipse formosissimus iudicabatur, in matrimonium parentes collocasse, Apollinem uerò eius amore uictum rapuisse illam, uimq; attulisse. At Idæum iniuriæ huius memorē conatum Apollinem sagittis petere. Erat enim sagittadi peritissimus. Parentes uerò cum diu multumq; deslerent eam, cognominasse Alcyonem, quod et ipsa in infelix Alcyones fatū incidisset. Sed ante q̄ raptā esset, genuisse ex Ideo Cleopatram, quæ postea Meleagri uxor fuit. In cuius amore, delitijsq; requiesse illū dicunt, post maternā execrationē. Meleager enim cū auunculū occidisset, in Altheæ matris irā, execrationēq; inciderat. Quare commotus, cum patria hostili obsidione laboraret, non prius arma capere uoluit, q̄ uxoris precibus expugnatus est. Vnde et apud Nasonē Briseis ait:

Coniugis

Coniugis Oenides uersus in arma prece est. cc  
 Res audita mihi nota est tibi fratribus orba, cc  
 Deuouit nati spemq; caputq; parens. cc  
 Bello erat ille ferox positus secessit ab armis, cc  
 Et patriæ rigida mente negauit opem. cc  
 Sola uirum flexit coniunx felicior illa. cc

Et quæ secuntur. Sed nos ea quæ de altera forsitan Marpisse, uel de hac eadem diuerso tamen modo dicuntur, referre non negligemus, præsertim cū latinis hæc adolescentibus ignota sint, & Propertiani illi uersus grammaticis nostris parum sint noti:

Non Idæ & cupido quondam discordia Phœbo, cc  
 Eueni patrijs filia littoribus. cc

Fabula hæc est: Euenus Apharei filius, Aetoliæ rex, cum Marpissen filiam locare in matrimonium uellet, eaq; propter formæ raritatem à multis peteretur, hanc proci conditionem proposuit, ut curuli certamine inito, præmium illa uictori cederet, uictus uero capite plecteretur, quod domus suæ fastigio affixū penderet. Itaq; pluribus interfectis, Idas Neptuni filius, licet à multis Apharei filius haberetur, equis uelocissimis à Neptuno patre acceptis puellam rapuit, conspiciatus eam Dianæ festo die cum alijs uirginibus choreis indulgere. Quo cognito Euenus, dolore atq; ira percitus, equos ascēdit, Idam insequitur: quem ubi asequi posse desperat, equis confossis in Lycarbon se fluuium, qui post Euenus appellatus est, deturbauit. Idam autem uoti compotem, non passus est Apollo, & ipse Marpisses forma captus, quam etiam rapere cogitasset, securum abire, sed obuiam factus in itinere illum aggressus est. Sed nec Idas certamen detrectauit. Et cum diu pugnatum esset, Iupiter ægre id ferens, Mercurium misit, qui præliū dirimeret, potestate facta Marpisse, ut eius optio esset, utrum sequi ipsa uellet, quæ rem hanc animo uoluens, reputansq; sese mortalem esse, Apollinem uero Deum, ac timens ne ubi uetula facta esset, repudiaretur ab eo, decreuit potius Idam sequi, mortalis mortalem.

A ante M.

ASPIRAMVS etiam A' ante M, in nomine hamus, ut aspiratione differret à uerbo Amo in tertio et sexto casu, quanquam differunt & tempore. Mibi magis placet, quòd natura ei aspiratio insit. Itemq; Hamatus & Hamoteahones: qui, ut grammaticis placet, dicti fuerūt quòd uel pisces, uel cadauera traherent hamo. Nam ut est apud Suetoniū, eorū qui supplicio afficiebātur cadauera iussu principū unco saepe trahēbātur in locū, quem tum gemonias dicebant, quòd significare uult etiam Iuuenalis cum ait:

» Et latum media sulcum deducit arena.

Remanent autem tum in puluere, tum in arena uestigia eius, qui trahitur: et propterea dixit, sulcum deducit, sulcū pro uestigio tracti cadaueris ponens. Similiter et hamota piscator ab hamo dictus. Platus in Rudente;

» Saluete fures maritimi, Conchitæ, atq; hamotæ,

» Famelica hominum natio.

Ammon et Ammonius apud Græcos aspirationem nō habent, quamobrem nec nos quidem aspirare conuenit. Animaduerti tamen hoc nomen Ammō apud Festum positum esse inter uoces aspiratas, quod uel ex eo est, quod ueteres contra usum Græcorum huic uoci aspirauerint: uel quod is qui uolumen Festi ad hanc tām breuitatem redegit, ut indoctus, et parum accuratus in hoc prolapsus fuerit, ut id nomen inter aspirata collocauerit. Hamadryas aspirationem exigit, quæ ex eo dicta, quod unā cum arbore nascatur. Est enim arboris numen. ἄμα enim græce aduerbium unā significat, et habet ἡμαξίαν. Hamaxampeus proprium fluminis. Amilcar sunt qui aspirent, decepti librarium ignorantia.

A' ante N'.

ANTE N' autem in nullis nostris dictionibus aspiramus A', præterquam in accusatiuo Hanc. Veteres tamen parua delubra dixerunt Hanula, loco F' ponentes aspirationem. Fit enim hæc uox ab eo quod est fanum, sunt enim dicta Hanula quasi Fanula. Annibal apud Græcos aspirationem nō habet, neq; apud nos aspirare conuenit. Hanno, quod Punicum est, maiores nostri aliquando aspirasse inueniuntur. Sunt et nunc qui aspirent, mihi magis placet non aspirare.

A' ante O' & P'.

ANTE O' & P' latini nō aspirant A', Græci tamen ante P' aspirant A' in aliquot uocibus, ut in hac uoce Hæspis Hæspidis, quæ uox ab Astrologis nostris recepta est. Est aut Hæspis curuatura et circuli, et cæmæ, et rotæ. Vnde legitur, aurea summæ curuatura rotæ, pro eo quod est Græcè ἄσπερ, curuatur. ἰ poeta dixit græce, ut Choerobosco placet, ἄσπερ habet quod fiat à uerbo ἄσπερ, quanquam sunt qui non aspirent. ἄσπερ, id est, tenerum, et molle, aspirant Græci. Neapolitani ouum hapalum dicūt, quod absq; castr gallina peperit.

A' ante R'.

ANTE R' uerò aspiramus A' in nomine Hara, cum auem significat, differtq; ab ara in qua rem diuinam faciebant: non solum tempore, sed etiam aspiratione. Deducuntur autem ab eo quod est hara, id est auis, Hariolus, Hariolor, Haruspex, Haruspiciū, Haruspicina, quæ uoces omnes aspirationem.

rationem habent. Similiter et *Haringa*, significabat autem *Haringa* apud  
 priscos hostiam, quæ inde dicta erat, quod eius adhaerentia inspicerentur  
 exta. *Arena* caret aspiratione, sit enim ab *Arco* uerbo. Nam epitheton ei  
 est ob ariditatem bibula. Caret enim omni humore, et succo, unde et plu-  
 rimum aquæ ebibit. Nec mouere aliquem debet, quod *arena* habeat primam  
 breuem, *Arco* uero productam. Nam *Tegula* producit primam, licet *Te-*  
*go* illam corripit. Et *Laterna* licet à uerbo *Lateo* dicta sit, quod habet  
 primam correptam, nihilominus producit. Est autem dicta *Laterna*,  
 quod ea lumen lateat, et inclusum noctu feratur. Vnde *Plautus* ait:  
 Vbi tu es qui *Vulcanum* in cornu conclusum geris?

Non desunt tamen, qui *arenam* ab hærendo, id est quod calci coherere  
 dictam uelint, quod minime probauerim. *Aspiramus* etiam quæ græca  
 sunt, *Harpe* gladii genus, et ἀσπίς uerbum, quod significat surripio.  
*Harpasa*, quod fuit oppidum. *Harpalus*, hominis proprium. Et *Harpago*  
*Harpagonis*, quod est genus teli, habentis ferrum incuruum. Est et *Harpa*  
*go* ferramenti genus, quod nonnulli populi canem uocant, quo ferramen-  
 to circi cupis aptantur. Sunt autem *Cupæ* uasauinaria maiora ex ligno,  
 quas satis improprie multi uegetes uocant. Vocari autem *Cupas* id genus  
 uasis *Lucanus* ostendit, cum ait:

Namq; ratem uacue sustentant undiq; cupæ.

*Cupis* enim naues impositæ sustententur in mari. Cū ipsarū latera cari-  
 næq; refarciuntur. Dictæ autem fuere à priscis *Caupæ* à cauo, unde *Cau-*  
*pones* dicti à *Caupis*. Item *Harmonia* *Harmonicus*, *Harmonides*, *Harmo-*  
*dus*, *Harpa*. *Aspirat* etiam Græci ἀσπείρω. quod dictum est ab eo quod  
 est ἄσπυς, id est currus. Nos uero armarium ducimus à nomine quod est  
 arma, qua uoce etiam significantur ferramenta, ut apud *Virgilium*:

Dicendum et quæ sint duris agrestibus arma,

Quæ sine nec potuere feri nec surgere messes.

Et propterea non debemus aspirare.

A ante S.

RECIPIT etiam aspirationem A ante S in hoc nomine *Hasta*, ut ea  
 differat à uerbo *Asto* *Astas*, quod multis placet: mihi magis uidetur huic  
 nomini aspirationem accessisse antiquo usu, quod etiam monumentorū titu-  
 li declarant. Sunt qui opinentur uocem hanc ductam à græco uerbo, quod  
 est ἵσταμι, et ab eo aspirationem traxisse, quod non probauerim. Græci  
*Hastā* τὴν ἀσπί τὴν ἀσπίδιον uocant. Eadem ratio est huius nominis *hasti-*  
*le*. Idemq; seruatur in his uocibus, *hastatus*, *subhasto*, et *subhastatio*. Vo-  
 lunt autem multi *hastā* dictam ab obstando. *Varro* putat dictā, quod stans



soleat ferri. Vt cunq; sit, certè non modò antiqui codices, sed etiam monumentorum inscriptiones declarant huic nomini aspirari iam inde ab antiquis seculis solitum esse. Sunt qui aspirant huic nomini Hasdrubal, quod puto ex librariorum ignorantia natum esse.

A' ante T' & V'.

ANTE T' autem nunquam nos aspiramus A', ante V' uerò consonans placuit maioribus nostris aspirare A', in hoc uerbo Haur, ut differret à sexto casu Aus nominis, ut quidam arbitrati sunt. Indicat hodie quoq; epigramma quod est Salerni: FLAVIA CALEMERA DVLCISSIMA HAVE. Nunc autem uix inuenitur qui aspiret. De uerbo Haurio supra dictum est.

A' ante Z'.

GRÆCI autem ante Z' aspirant A', in hoc uerbo ζῆμας, quod significat ueneror, & colo.

E' ante A'.

AC DE A' quidem, in quibus dictionibus aspirationem exigat, satis dictum est: consequens est, ut eodè ordine de E' dicā, quæ ante A' recipit aspirationem in Græca dictione ἄνδρα, id est seipsum. Vnde ἄνδρα ποδὶν.

E' ante B'.

ANTE B' autem in ijs, quæ nostræ uoces sunt, Hebes, id est retusi in genij. Hebeo, Hebetio, Hebetudo. In quibus aspiratio ipsa natura inest. Augustinus enim exprobrationem in hoc nomine aspiratio, ut in illo nomine Heluo, Heluonis, de quo suo loco dicitur. Hebiones etiam ueteres pauperes dixerunt, quæ uox indicabat contemptum quendam. Sunt tamen quibus placeat Hebiones dictos à uoce Græca βῆδρα, quod sonat modicum: quod si sit, aspiratione caruerit, oportueritq; nomen ebæones scribi per æ diphthongon ante O'. Ego hoc in medium relinquo, quādo hæc uox ab usu iam recessit. Græca uerò imitatione aspiramus Hebdomas, Hebdomadarius, Hebe dea iuuentæ uxor Herculis, Hebræus, & Hebraicus. Ebenus aspiratione caret, est autem genus arboris apud Virgilium:

India nigrum fert ebenum.

Apuleius grammaticus tradit uerbum Hebeo Hebes aspirationem exigere, ut ea differat à uerbo Ebco Ebeas, quod Ebeati sint, ut ipse tradit, qui in miseriam ceciderint. quam opinionem haud scio cur probare aliquis debeat. Nam ebeatum hominem, aut ebeatam scēminam nunquam ueteres dixisse inuenio.

E' ante C'.

DE SUBSEQUENTE C' in nostris uocibus aspirationem non admittit,



tit, præterquam in illo pronomine Hæc, ut dixi, cū de diphthongo æ præciperem. Aspiramus autem quæ græca sunt, Hecate, ἡκάτη, quod apud nos sonat centum, Hecatæus, Hecaton propria hominum. Hecatontapylon centum portarum. Hecuba, Hector, Hectoreus, Hecamedæ Arfmoi filia, quæ dono Nestori data est. Hæc autē capta fuerat apud Tenedū, dum ab Achille diriperetur. Sunt qui putent huic nomini aspirandum. Hecatombe trahit aspirationem ab eo quod est ἡκατόμ. Erat autem Hecatombe sacrificij genus, in quo ritus hic seruabatur, ut centenæ sui generis mactaretur uictimæ, utputa centum sues, centū hedi. Vnde apud Iuuenalem existunt, qui promittunt Hecatomben. Iulij Capitolini in uita Pupieni Maximi, & Balbini IMPER. uerba sunt hæc: Tantum sanè letitiæ fuit in Balbino, qui plus timebat, ut Hecatomben faceret, quod tale sacrificium est: centum aræ uno loco construuntur ex cespite, ad eas centum sues, centum aues mactantur. Iam si imperatoris sacrificium sit centum leones, centum aquilæ, & cætera huiusmodi animalia centena feriuntur. quod quidem Græci quondam fecisse dicuntur, cum pestilentia laborarent, & multis imperatoribus celebratum constat:

E' ante D'.

ASPIRAMVS etiam E' ante D', in nomine Hedus, uel ut differat à uerbo Edo, Edis, uel quòd aspiratio loco E' posita fuerit. Sabini enim Fedum ut Fircum dixerunt. Tradit tamen Quintilianus priscos edum sine aspiratione protulisse: cuius primam syllabam nonnulli diphthongum faciūt, quorum opinioni non uideo cur assentiar. Aedifico, & Aedificium aspiratione carent, sed nō carent diphthongo: ab æd enim faciendā dicitur Aedifico. Hedera uerò aspirationē exigit, quæ differt à uerbo edo, in illis uidelicet temporibus ederam, ederas, ederis, edere. Haud sanè recte opinatus est Apulcius uocem hanc deduci ab hæreo uerbo, & ab eo aspirationem trahere. Non debet, inquit, uideri mirum, quòd prima hedera corripitur, licet eadem in uerbo heræo producta sit, quando unum, idemq; uerbum in præsentī tempore æd diphthongum habet, in præterito uerò ē breuiem, ut cædo cecidi. Quod absurdissimum est: prima enim syllaba Cecidi præteriti, extrinsecus accepta est: ut in his, fefelli, momordi, tetendi, spopondi, quæ in omnibus eodem modo breuis est. Quæ uerò fuerat prima syllaba præsentis, ex diphthongo uersa est in i' productam, & de Cæ factum est ci in præterito. Nam quæ est cæ breuis in præterito, ea (ut dixi) extrinsecus accepta est. Volunt alij Hederam dictam quòd edat, id est consumat ea quibus inhæserit. Alij quòd edita petat, seu quòd hæreat: hoc, ut dixi, non placet. Nam si ab hærendo dicta esset, cum hæreo diphthongum hæ-

beat, nequaquā poetæ primā syllabam corripere. Ne autem credam dici ab edendo, id est quod edita petat, repugnat etiā quantitas syllabæ. Verbum enim edo, unde dicitur editus, habet primam productam: quæ res me inducunt, ut accedam opinioni eorum qui dicunt hederam ex eo diciam quod edat, id est exeat ea quibus inhæsit: quod uerbum habet primam breuem. Conuenitq; etiam tempore, cum prima hederæ, cui postea addita fuerit aspiratio, ut differret à temporibus, quæ supra posui. Forsitan et à Græco deducta est, ut quibusdā nimis ambitiose placet, quod est ἡδύω, id est insideo. Edonius aspiratione caret. Fuere autem Edoni et Edones populi Thraciæ. Vnde apud Virgilium:

Ac uelut Edonij boreæ.

At ἡδύω, pro eo quod est apud nos uoluptas, Græci aspirant. Et ἡδύω sedes. Vnde ἡδύω.

E' ante F' et G'.

ANTE F' in nullis nostris dictionibus aspiramus E', sequente autem G' aspiramus in aliquot Græcis, Hegeppus, Hegesander, Hegesias, Hege-sipyle: in quibus ἡ in E' uersum est apud nos.

E' ante I'.

ANTE I' uocalem non aspiramus E', nisi in interiectione hei, de qua dixi. At ante i' consonantem aspiramus in his, Heiulo, Heiulatus, Heiulatio: quæ uoces fiunt ab eo quod est hei, quæ uox est doloris et gemitus.

E' ante L'.

SEQUENTE autem L' aspiramus E' in hac uoce Heluo, heluonis: licet uerbum eluo, à quo ducitur, aspiratione careat: addita tamen est nomini aspiratio, ut exprobrationis uis aspirando augetur. Vnde et Heluari ueteres dixerunt. Est, inquit Festus, heluo dictus immoderate bona sua consumens ab eluendo, cui aspirant, ut auiditas magis exprobetur: fit enim uox incitator. Eademq; ratio fuit, ut dixi, hebes nominis aspirandi, ut aspiratio uim exprobrationi adderet. Veteres etiam huic nomini quod est Heluacia, aspirarunt. Erat autem heluacia genus ornamenti lydij, dictum à colore bouum, qui est inter rufum, et album, appellabaturq; heluius: quoniam hæc eadem uox apud ueteres Saburræ etiam significaret. Heluius autem et Heluia propria nomina in sepulcris nunc aspirata inuenias, ut in hoc: M. HELVIO CRESCENTI, M. HELVIVS HERMIAS LIBERTO FECIT. Nunc sine aspiratione, ut in hoc: AVRELIÆ VALERIANÆ VIXIT ANNIS XXIII. MEN-SIBVS VII. DIEBVX XIII. ELVIA CHRÉSIA FILIÆ DVL-CISSÆ. Heluctios Galliæ populos in antiquis codicibus aspirationem habere

bere inuenio. In Græcis autē aspiramus ē' ante l' in his, Helena, Helenus, Helinū, herba quæ ē lacrimis Helenæ nata dicitur. Libuit hoc loco notare uetus epigramma, quod Capuæ extat: CESELLIÆ CONLIBERTAB HIMNINIS OSSA HEIC SITA SVNT. HELENA LIBERTA DE SVO FECIT. Heliotropium nomen herbæ, quæ ex eodicta est, quod mane ad solis spectans exortum iter eius sequatur etiam ad occasum. Heliades, Heliodorus, Heliopolis, Heliogabalus, Heliocopis nympha, Heliocrysos herba floris aurei: et quæ dicuntur à nomine Helios, Aelius tamen, et Aelia Romana nomina aspiratione carent, habentq; diphthongon æ. Hellas nomen fluminis. Hellenes, quo nomine fuit Deucalionis filius, à quo Græcos Ἕλληνες nonnulli credunt fuisse nominatos. Hellanicus, Helle, Hellepontus. Sunt qui uelint Elis Elidos aspirationem habere. Helorus Siciliæ fluuius. Fuit et Helorus Istri fluminis filius, qui ab Aiace occisus est in ea pugna, quam Græci cum Telephorege Myſorum habuerunt. Helice urbs Arcadiæ, quam mare absorbit: de cuius nomine uersæ sydius fortasse uocatum est à poëtis, uidelicet quod Calisto Lycaonis regis filia, quæ ex uersa cum filio in stellas uersa est, Arcas fuerit, et fortasse Helicensis. Et Græcis tamen poëtis sunt qui tradant Helicen et Cynosuram Cretenses fuisse, louemq; nutriuisse, quo meritò à Io ue in cælum ambæ tralatæ fuerint. Est et Helice promontorium, Helicon mons Boeotie, Heliconiades. Elleborus herba caret aspiratione. Helpis nomen proprium, licet Græci non aspirent, tamen in quibusdam epigrammatibus aspiratum inuenies, ut in hoc: CLODIÆ HELPIDI CONIUGI INCOMPARABILI GENIALIS MARITVS. Similiter Helpidius et Helpidianus, in quo maiores nostri uidentur Græcos non fuisse secuti. Eruditorum tamen, quos ego noui, nemo nūc his nominibus aspirat. Fuit et Elpes Boëtij nostri uxor, cuius epitaphium est:

Elpes dicta sui Sicule regionis alumna.  
 Quam procul à patria coniugis egit amor.  
 Quo sine mœsta dies, nox anxia, flebilis hora.  
 Non solumq; uiro spiritus unus erat.  
 Lux mea non clausa est tali remanente marito,  
 Maior isq; animæ parte superstes ero.  
 Porticibus sacris iam nunc peregrina quiesco.  
 Iudicis æterni testificata thronum.  
 Ne ue manus bustum uiolet, ne forte iugalis  
 Hec uicrum cupiat iungere membra cinis.

Hellanodices, id est iudex certaminis. Helisabet Iudæum nomen.

E' ante M'.

ANTE M' autem spiramus ē in hac uoce hem, quæ latina dictio est, traxitq; aspirationem à natura. In Græcis autem Hemina genus mensuræ, hemicyclus genus sedis, hemisphaerium quæ uox cœli dimidiū significat. Hemiolius quædam arithmetica proportio, continens aliquem totum numerum, atq; eius dimidium, ut se habent tres ad duo, et quindecim ad x. Hemistichius uersus imperfectus. Et omnia quæ fiunt ab hemi, quod Græcè significat semis. Hemus mons, hemonia prouincia, et hemonides proprium hominis. Atq; in his tribus æ diphthongon scribimus. Hemorrhoides genus morbi, αἷμα enim sanguis ab illis dicitur, recipitq; æ diphthongum: inde αἱμορροῖς. uerbum, quod significat idem quod fluxu sanguinis laboro, et profluuium patior.

E' ante N'.

ANTE N' aspiramus ē, ut heniochus. Huic tamen uoci Henetus, si Atticos sequi uoluerimus, aspirationem non præponemus: sin Acoles, nam hi digamma poncbant ante ē, loco eius aspirationem ponemus, quam pro Heneto Venetum tunc dicimus. Male qui aspirant huic dictioni Enyio, de qua apud Lucanum:

“ Aduersaq; risit Enyio.

Hendecasyllabus uersus undecim syllabarum, qualis ille Catullianus:

“ Passer deliciae meae puellae.

E' ante O' et P'.

Ο' αὐοαυε patitur sibi præcedere ē aspiratū in hac uoce Græca Hecōus, Hecōa, Hecōū, quæ uox fit ab eo quod est ἡὺς, id est dies, et auro ra. Pleriq; tamen Græcorū ἡὺς, id est mane, non aspirant. ē uero in nostris dictionibus nō patitur sibi præponi ē aspiratum, nisi in quibusdam, quas à Græcis mutuati sumus, quæ sunt Heptas, et Heptimemeris. Omnibus autem, quæ fiunt ab eo, quod est ἡεῖα, aspirandum est, ut Heptaphorus nomen hominis proprium, et item Heptaporus Troiæ fluuius. Est et ἡγασδς proprium uiri, et nomen Vulcani. Epodos aspiratione caret. Inuenio in quodam ueteri sepulcro nomen hepennia aspirationem habere.

E' ante R'.

ANTE R' autem spiramus ē in his, Herus, Hera, Herilis, Hercules, Herculeus, Herculanus. Fuit et Herculanum Campaniæ oppidum. Placeat hoc loco mentionem facere cuiusdam uetustissimi sepulcri, quod ipsi in Pelignis inuenimus, in quo titulus inscriptus hic erat: P. MEMISIANAE VXORI CASTISS. ET INCOMPARABILI AFFECTIONE FEMINAE. CVIVS DE OBSEQVIIS DICERE MINVS SVPLET

DOLORS

DOLORE, Q. HERCVLANVS MARITVS, CVM PIGNERIB.  
DE EA NATIS LOCVM CONSECRAVIT. Quo in epigrammate  
cum sit uetustissimum, apparet apud uetustissimos latinos pignus emisisse  
genitiuum pigneris per e, non pignoris per o. Et hoc uerbum supleo, unde  
dicta est supellex, habere unum p. Heraclitus, Heraclēa, Herilus, He-  
ros, Herōus, Herōicus, Herōis, Herōine, Herodes, Herodotus, Herostra-  
tus, Herophilus, Hermus, Hermei populi, Hermes, Hermaphroditus, Her-  
magoras, Hermione, Hermiones olim populi, Hermocrates, Hermolauus,  
Hermippus: quæq; fiunt ab eo, quod est Ἡρμης, id est Mercurius.  
Itemq; Hermæ, quæ sunt lapides quadrati, quos Athenienses solebant po-  
nere tum in priuatarum, tum in sacrarum ædium uestibulis, ut significa-  
retur rationem et ueritatem perinde ut forma quadrata rectam semper  
stare. Dicti autē Hermæ à Mercurio, qui esset deus rationis et ueritatis.  
Ἡρμῆα interpretatio, unde liber περὶ Ἡρμῆος Aristotelis. Hercynia  
sylua Germaniæ, et Hercynij populi, habent i. Herfa, Hersilia, uxor Ro-  
muli, quæ in rorem uersa, templa cum Quirino tenuit. Est autem Ἡρῶν  
apud Græcos, id quod apud nos est ros. Eridanus, et Eremus, et Erigo-  
ne, et Erebus aspiratione carent. Hæresis, et Hæreticus aspirationem re-  
tinent ante diphthongum AE. Fit enim hæresis à Græco uerbo αἵρεσις  
ἔργου, quod est eligo, et capio. Aspirant etiā Græci Ἡρπυς, pro quo nos  
dicimus serpo, et Ἡρπυδιῶν Serpyllum, et Herpes, quod animal inde du-  
xit nomen, quod eo præcipuè sanentur ea quæ serpunt. Aspirant etiam  
huic uerbo Ἡρῶν, quod tum facio, tum sacrifico significat: à quo puto du-  
ctum nomen proprium Herdonius. De latinis uerò aspiramus Hæreo, cu-  
ius aspiratio inest natura cum diphthongo Ae: et quæ ab eo ducuntur,  
hæres, hæreditas, hæreditarius, hæredipeta, hærediolum; id est prædio-  
lum, Exhæredo, exhæredatio, Hæres nomen deæ, cui ueteres post acceptā  
hæreditatem rem diuinam faciebant. At Erciscundus, quam uocem apud  
iuriconsultos sæpius reperies, et Ercius, quem alio nomine Iouem pen-  
tralem Romani uocauerunt, aspiratione carent. Ercium enim antiqua di-  
ctio, unde erciscundum dici uolunt, à coërcendo tracta est. unde et Io-  
uem Ercium puto dictum, quod mala crederetur arcere. Herennius pro-  
prium hominis, aspirationem habet: quod etiam indicant sepulcrorū in-  
scriptiones. Et heri, quod à Græco dici uolunt, et Hernicus: fuere autem  
Hernici Italiæ populi, ex eo dicti, quod asperam, et saxosam incolerent  
regionem. Marfi enim saxa herna dixerunt, et Hernum dixerunt, unde uo-  
lunt herniam dictam, à quibus cum ipso uocabulo aspiratio accepta est.  
quamuis Macrobius uelit hernicos à duce quodā pelasgo dictos, propter-

- eaq; à Virgilio pelisgum quendam hominem Hernicis ducem datum. Et ut ad uerbum hæreo redeam, tamen si ego existimem esse huic uerbo aspirationem naturalem, tamen non desunt, qui arbitrentur additam esse aspirationem, ut differret ab ære, qui est sextus casus nominis æs, in secunda imperatiui persona. Trahitur ab eodẽ uerbo herba, quod fixa solo hæreat, et ab herba Herbidus, Herbosus, Herbaceus, Herbularius. Et quoniã herba est uiride pecoris pabulũ à ueteribus Herbilisander dictus herba pastus; quasi grauidior quam pastus frumento. Eruca autẽ et ærugo, ut dicã quod sentio, aspiratione carent. Neq; enim fiunt ab hæreo uerbo, ut Apuleius uult. Nam ærugo ab ære dicitur, habetq; diphthongum Ae. Ea, ut inquit
- » Plinius, fit pluribus modis. Nam et lapide excoquitur, ut æs deraditur, et  
 » in ære candido perforato, atq; in cadis super acetũ æreo obtutatu opercu  
 » lo, multo probatior, quam si hoc idem squamis fiat. Quidã uasa ipsa candi  
 » di æris fistilibus condiunt in aceto, raduntq; decimo die. Alij uinaceis con  
 » tegunt, totidemq; dies radunt. Alij de lima æris scobem aceto spargunt,  
 » uersantq; spatijs sæpius die, donec absumatur eodem scobe. Alij terere in  
 » mortarijs æris ex aceto malunt, ocyssime uerò contingit tenacior refusa  
 » mentis, in acetum abditis. Hec igitur Plinij uerba declarant æruginem ab  
 » ære dici, quando ex ære fiat. Eruca uerò aut quod urat dicta est. Nam et  
 » linguam pungit, et sanguinem exurit, ut sit eruca quasi uruca, u' in a  
 » uersa. Aut quod fortasse dicta sit ab esu, hoc est ab edendo, et cum principio  
 » esset esuca, postea commutatione literæ facta est Eruca, ut ex Valesio Va  
 » lerius, ex Fusio Furius, ex Auselio Aurelius, et ex Asa Ara, ut Varro est  
 » autor. Ait enim aras primum ansas dictas, quod esset necessarium à sacri  
 » ficantibus teneri. Ansif autem solere teneri uasa quis dubitat? Commuta  
 » tione igitur literarum aras dici coeptas, ut Valesios, et Fusios, et Plusi  
 » ma, pro quibus dicimus Valerios, Furius, Plurima: et ut Festus etiam re  
 » fert, pro Laribus, Ferijs, maioribus, Melioribus, uetres dixerũt Lasibus,  
 » Fefijs. Maiosibus, Meliosibus, et Arbores pro quo nos Arbores. Virgilius  
 » quoq; hoc ipsum significare uidetur cum ait:
- » Talibus orantem dictis arasq; tenentem.

Ergo ut ex ansa remota litera n' Asa primo, post uerò conuersione s' in  
 n' Ara dicta est, sic ab esu primum Esuca, postea Eruca uideri potest dicta.  
 Eruium sunt qui putent aspirationem habere, quod ab herba dictum sit,  
 ut sit eruium quasi herbum. Mihi magis placet ab eruendo dictum esse.  
 Nam ut legumen à legendo, id est carpendo, et Lenticula quasi Legenticu  
 la, sic Eruium ab eruendo, carpitur enim et manu uellitur, ut alia legumina.  
 Nunc Eruium uulgo dicitur. Sunt tamen qui putent è Græco dici, quod  
 est

est ἥρως, & aspiratione similiter carere. Heritius, & herinatus, sunt qui putent ab horrendo dici, atq; exinde aspirationem trahere.

E' ante S'.

DICTIONES uerò quæ habeant ē aspiratū ante s', sunt hæ uidelicet: Hesternus ab eo quod est heri, & hæsito ab hæreo, habetq; diphthongon Ae'. Itemq; Hesperus, Hesperia, Hesperides, Hesperugo, Hesiodus, Ἥσιος, hestiodorus, Hestica oppidum quoddam Actolæ, Hesione Laomedontis filia. quæ uoces omnes supradictæ à Græco trahunt aspirationem, Hesaias, & Hester.

E' ante T' et V', & X'.

E' ante t' apud nostros non habet aspirationem, Græci tamen aspirant ἑταρος, id est alter, & Heteroclitum, quod nos ab eis accepimus, & ἑταρονομία. Prisci Hecam dixerunt quasi Hietam rem minimi pretij, ut est oscitatio, & hominis halitus. Hecam alij uolunt esse pustulam illam quæ in coquendo assurgit, ut uidemus in abenis & caldarijs dum feruent. Ante v' aspiramus ē in his solum Hecus, & Hecus, de quibus dixi. At ante x' in aliquot Græcis, quæ sunt Hexameter, Hexameron, id est sex dierum, & Hexagonus. Fiunt enim à uoce ἑξ, pro qua dicimus sex.

E' ante Y'.

ANTE. ū Græci non modò non aspirant ē, uerum si in aliqua uoce sit ē aspiratum, recipiaturq; post ū, aspirationem abijciunt. Ipsi enim aspirant \*ἥκλος, id est quietus: cum tamen interijciunt ū, & dicunt \*ἥκλος, aspirationem amouent. Simili modo dum pro eò quod est.

ANTE Z' quoq; aspirant huic uerbo ἕζομαι, id est sedeo: male qui Ezecias & Ezeciel aspirant.

I' ante A', aut B', aut C', aut D'.

ENVMERATIS his dictionibus quæ aspirationem exigunt ante ē, dicam eodem etiam ordine de i' uocali, id est in quibus dictionibus ei sit aspirandum. Ac primum de illis, quæ habet aspiratum i' ante A', aut B', aut C', aut D'. Aspiramus igitur huic uoci Hiatus, quæ sit ab hoc uerbo Hio Hias Hiat. Dixere etiam ueteres Hietare Hiarbas, & Hibex, et Hibictus sunt qui aspirent. Iberia aut et Iberus, et Iberna aspiratione carent. Hic, pro nomen etiā cum transit in aduerbiū, aspirationem habet. Hiēcetaon, cuius filius Melanippus, de quo apud Homerum. Extat epigramma in quo est nomen hidis: D. M. AELIVS ANTIOCHVS HIDI BENEME-  
RENTI, QUAE VIXIT ANNOS LI. MENSES IX. LVCIVS  
SEPTIMIVS SATVRNIVS COIVGI CARISS. Quo in monimen-  
to dictio coingi est sine litera n' scripta. Hydmeles proprium hominis.



I' ante E', aut F', uel G', uel L'.

SEQUENTE autem E' non aspiramus i' in latinis uocibus, nisi in illis temporibus Hicm, Hies, Hict. Sed de obliquis casibus nominum, & temporibus uerborum sat sit praecepisse illud, quod obliqui sequantur rectos, acceptamq; ab illis aspirationem retineant: quodq; eodem modo cetera uerborum tempora a suo praesenti aspiratione non differunt. De Graecis autem aspiramus Hieron, Hieronymus, Hieropolis, Hieremias, Hiericho, nomen oppidi, quod erat in Iudaea, Hierosolyma, Hierusalem, Hierarchia. Hiera una ex insulis Acolijs. Fuit et uia sic quondam dicta, quod ea irent sacerdotes ad Eleusiniā Cererem. Appellata est etiā Hiera uxor Telephi regis Mysorum, quae a Nerco interfecta dicitur, cum marito ferret opem, qui ab Achille uulneratus fuerat: ea, ut fabulae tradūt, tantae pulchritudinis fuit, ut etiam Helenam superaret. Hierī, Scythiae populi. Hieropica, genus medicinae. Hicrax uerō nonnulli tenuant i'. In quibus quidem dictionibus, si Graecos imitari uolumus, primam literam uocalem faciemus, eiq; aspirabimus. Sunt tamen qui in consonantem uertant, & e duabus syllabis unam cogant. Nam Graece Hieron triume est syllabarum. Hieronymus uerō quinq; i' autem cum est consonans, aspirationem nullo modo recipit: quae res efficit, ut nomen Ianus aspirationem nō habeat, quam habet Hio primitiuum. Dictum autem esse Ianum ab Hiando, Festus auctor est. Eadem ratio est Ianuae. Ipsius Festi uerba sunt: *ἰάνω* appellat Hesiodus confusam quandam ab initio unitatem hiantem, patentemq; in profundum: ex eo quod *ἰάνω* Graeci, nos hiare dicimus. Unde Ianua detracta aspiratione nominatur, eo quod fuerit omnium primus. Cui primo supplicabant uelut parenti, a quo rerum omnium factum putabant initium. Quamobrem in hoc nomine Hieronymus, si primam, quae Graece uocalis est, consonantem fecerimus, aspiratio demenda erit. Nam i' consonans, ut dixi, aspirationem non recipit. Ad haec scire etiā oportet, i' cum sit consonans, ab aspiratione semper abhorreere, ut a se longe aliena. Hiempsal, quod Punicum est, in uetustis codicibus aspiratum inueni. Nullae Latinae dictiones ante E' uel O' habent i' aspiratum: quamquam Graeci aliquando aspirant, ut *ἰνέω*, id est dux, seu praefectus. At ante i' aspiramus Hilum, cui uoci aspiratio natura inest. Dixere autē ueteres Hilum, id quod est in grano fabae. Fiunt ab hac uoce nihil nihilumq;. Aspiramus etiā Graecos imitantes Hilaris, & Hilarius, & Hilarodus, quae uox apud praefatos significabat lasciuī & elumbis carminis cantorem. Hilaritas, Hilaritudo, Hilaria, quod nomen apud ueteres erat pluralis numeri, & generis neutri, ut Saturnalia, & Dionysia. Hile Hilarum, quae est prisca



uox, significabatq; genus sarciminis, siue, ut Festus dicit, intestina, quæ uteretur hoc nomine appellabant: à qua uoce boillas uicū dictū putarunt, quod eò bos intestina trahens aduenerit. Quod si est, hoc quoq; nomen aspirationē tenet in media syllaba. Ego in uetustissimo lapide scriptū uidi non boillas, sed bouillas cū littera u. Hila Varro putat dicta ab hilo, id est minimo. Hilum aspirationē habere docet nomen filū, quod cum ab hilo dicatur, ut Varro est autor, in h' mutauit aspirationem. Illyrium, Illyria, et Illyricus aspiratione carent. Dixere etiam prisci Hilare, ut in uetere Afraniij uersu: Propter patriulem tuum constituit anhelans hilare deiecta coma. Quinetiā ab eo quod est hila, protulere diminutiū hilla, id est intestina, ut inquit Festus, à Græco uerbo: quod licet Græce δεικνύναι nō habeat, tamen inter aspiratas dictiones ab antiquis collocantur Hilla et Hille.

I' ante M' et N'.

ANTE M' uerò in nulla uoce nostra aspiramus i', in Græcis autē aspiramus Himera urbs Siciliæ, Himerēsis. Imbros aspiratione caret. At ante N' aspiramus i' in aliquot nostris dictionibus, quibus aspiratio ipsa naturalis est, Hinnio, Hinnitus, Hinnibūdus. Hinc, aduerbiū, quod fit ab eo quod est hic, littera N' interiecta. Vfus quoq; cruditorū aspirat etiā his dictionibus, Hinus, qui ex equa et asino nascitur, et Hinulus, et Himuleus.

I' ante O'.

EX OMNIBVS latinis dictionibus unam tantum inuenias, in qua i' aspires ante O', ea est Hio Hias, à quo fit Inbio Inhias, cui aspiratio naturalis est, quod id uerbū uegetiore spiritu debeat proferri. Iocasta caret aspiratione. Iosephus, Ioannes, Ioachim, in quibus i' uocalis est, non consonans, apud Græcos, aspiratione carent, qua tanto magis carebunt apud nos, si primam litteram consonantem fecerimus.

I' ante P'.

ANTE P' aspiramus uocali i' in Græcis plurimis, Hippasus, Hippolytus, Hippolytion, Hipparchus, Hippocrene fons Bæotie. Hippocoon, Hipponous, Hippotion, Hippodamas, Hippodamia, Hippodes populi Scythiæ. Hippo oppidū Africæ. Vnde Hipponēsis, Hippomanes, Hippago genus nauis ad equos deuchēdos. Hippias, Hippotoxotas, id est eques sagittarius. Hippodromus, Hippocrates, Hipficratea uxor Mithridatis. Hippocampus, equus marinus. Hippotamus, equus fluuiialis. Hippomanes, quod ut ait Virgilius:

Sæpe male legere noueræ,

Miscueruntq; herbas, et non innoxia uerba.

Ferunt enim hippomanes uel legi ē fronte pulli equini statim cū alio materna missus est. Vnde ait Virgilius:

11 Queritur & nascentis equi de fronte reuulsus,

12 Et matri præreptus amor.

Vel certe uirus esse defluens ex obscœnis equarum, dum libidinis ardore feruntur. Vnde apud Tibullum:

13 Hippomanes cupidae stillat ab igne eque.

Quod quidem uolunt habere uim insanie. Hippus Neptuni cognomen ex eo inditum, quod ex tridentis eius percussione natus fuerit equus, quem Græci ἵππος dicunt. Hippocomus puer qui & equum comit. Hippocoum genus uini dictū ab Hippo loco eius insule, quæ Cos ab antiquis dicta est. Hippacio, id est celeriter animam duco, quod equorum anhelitus admodum sit cautus. Iphis uerò, & Iphias, & Iphianassa, & Iphitus habent. i. tenuæ.

I ante R.

ASPIRAMVS etiam i ante R in his uocibus, Hirsutus, & Hirtus, quibus aspiratio à natura haret. Sunt tamen qui uelint Hirsutum dici à uerbo horreo. Dixere etiam prisca Hirtipilum, id est Hirtos habentem pilos. Huic nomini Hircus aspiratio loco e præponitur. Nam Sabini fircus dixere: quanquam, si Quintiliano credimus, principio Romani non aspirabant huic uoci. Eadem ratione aspiramus hircus, cum significat eam partem oculi qua palpebræ committuntur: quod nomen satis quidem inepte Apuleius grammaticus inde uult dictum, quod illic hærent oculi. Tradunt etiam Grammatici uocem hanc in hac significatione scribi debere per Q. cum uerò significat animal per C. quod quanquam non improbo, tamen existimo ueteres in utraq; significatione scripsisse per Q. Nam & Hircutulos dicebant pueros ad uirilitatem accedentes, ab Hircorum scilicet libidine. quæ res aperte indicat etiam Hircum pro animali per Q. pronunciasse illos, & Hirquos dixisse: non quod ibi hærent oculi, sed quod signa libidinis, quæ maxima in Hircis, id est Hircis est, illic essent, eorumq; motu declararetur. Arcū etiam per Q. scribebant, & cum coelestis arcus significabatur, & cum arcus quo sagittarij utuntur. Vnde arquites uocabantur ab antiquis, qui postea uocati sunt sagittarij: & qui nunc dicitur Acipenser, ab illis dictus est per Q. Aquipenser, ab aquis uidelicet: est autem Acipenser piscis, aliquando in conuiujs laudatus. Quid? quod pecuniam per Q. scribebant, quod inscriptio hæc manifestum facit: Q. FILIVS L. FILIVS RVFVS Q. AGRIVS Q. FILIVS C. LER PRÆTOR DVVMVIR LANARIAS, ET QVÆ IN HIS SVNT SVA PEQVANIA FECIT, VT EX EO VECTIGALE QVOTANNIS COLONIS MVLSVM ET CRVSTVM NATALE

CAESARIS

CAESARIS AVG. DARETVR. Quo in elogio duo in primis nota  
da sunt: hoc est consueſſe ueteres pecuniam per Q ſcribere, quod ego ali-  
bi quoq; notauī: & ablatiuos caſus nominum tertiæ declinationis, quæ  
neutri eſſent generis, & in e rectum caſum haberent, in e quoq; exire li-  
teram ſinalem. Nam cum dicerent hoc ueſtigale in recto, pro quo poſtea  
ueſtigal dictum eſt, dicebant ablatiuo caſu ueſtigale, ut hic cernitur. Et  
primo caſu mare, ſexto etiam caſu mare. Ut apud Lucretium:  
E mare primum homines è terra poſit oriri,  
Squamigerum genus, & pecudes erumpere cælo.

Hirpinus ſecundum quorundam opinionem habet aspirationem. Hir-  
cius nomen propriū aspirationem exigit, ſiue dictū fuerit ab Hirco, ut ab  
Aſino Aſinius, et à Vulpe Vulpius, ſiue ad Hirto: quod ſi ſit, per t ſcribi  
oportet. Forſitan & ab eo dictus eſt, quod apud priſcos erat Ercius, mu-  
tata litera, de qua uoce ſuperius dixi: quod ſi ſit, aspiratione carebit. Græ-  
ci per t ſcribunt, nec aspirant, quæ res declarat maiores noſtros non aspi-  
raſſe huic nomini. Hirudo ſi dicatur ex eo quòd hærendo ſanguinē ducat,  
aspirationem habebit, ſed non cōuenit in quātitate ſyllabæ. Hirundo auis  
uidetur dicta eſſe à Vere, quod uere ad nos trāſeat. quod ſi eſt, litera v mu-  
tata eſt in aspirationē, quāuis hodie nō eſt qui aspiret. Dixere etiā ueteres  
hirrere, quod tractū eſt à canibus rabioſis. Iros nomen oppidi, quā Home-  
rus ouī matrem dixit. Et Irus propriū hominis, et Iros, id eſt uer, itemq;  
Iris aspiratione carent. Et Ironia & Ironicus. Hiros tamen cum ſacrum  
ſignificat, ἱερὸς apud Græcos habet. Hira oppidum Argolidis.

I ante S.

ANTE S quoq; aspiramus i in uerbo Hiſco, quod traxit aspiratio-  
nem ab Hio uerbo, de quo dixi. Hiſpidus, Hiſpida, Hiſpidū aspirationem  
habet natura ſibi hærentem, quanquā quidam ab horrere dici uolunt. De  
Græcis autem aspiramus Hiſtoria, Hiſtoricus, Hiſtopus genus nauis, Iſter  
uero Iſtrio, Iſagoras, Iſauria, à qua deuicta Seruilius Iſauricus dictus eſt,  
Iſopleuros triangulus habens latera æqualia, Iſomerinos circulus æquino-  
ctialis, item Iſpania, & Iſpanus, hæ uos omnes habent i tenue. Licet qui-  
dam huic nomini Iſpania contendant debere aspirari, quod ego probo, &  
in uetiſtiſſimis quibuſdam monimentis aspirationem habet Hiſpania, &  
Hiſpanus. Caret etiam aspiratione Iſeus nomen oratoris, quod nomen ha-  
bet Aë diphthongon poſt literam s. Nam quòd Iſtrio ponatur apud Fe-  
ſtum inter uoces aspiratas, aut fuit error eius, qui id uolumen in hunc or-  
dinem, quem nunc habet, redegit, aut certe uoluntas hominum illius tem-  
poris, qui contra Græcam inſtitutionem aspirare uoluerunt.

I ante T, & V, & X, & Z.

ANTE T uerò et V, & X, & Z nō aspiramus, nisi in nomine Hiulcus, quod à uerbo Hio aspirationem trahit. Græci tamen aspirant aliquando ante X, & Z, ut in his uerbis, *ἵππου*, & *ἵππου*. ac de litera i factus dictum est.

Υpsilon.

RESTANT pauca quedam dicenda de litera Υ, quod Græci ὀ à soni tenuitate uocauerunt, quoq; nos in græcis tantū dictionibus utimur, aut in quibus græcos imitamur, unde græcum Υ' à posterioribus dicitur. Scire igitur oportet græcos dasia notare ὀ in omnibus dictionibus quæ ab eo incipiunt, quanquam Aeoles hoc non seruauerunt, qui *Ἰακόντιον* fugiebant. Aspiramus igitur Υ' ante Α' in his, *Ἥαδς*. Hyades stellæ quedam in fronte Tauri, dictæ ex eo quòd exortu suo pluuias excitent, uel quòd in speciem Υ' literæ positæ sint in cælo. De quibus alij quidem loquuntur in hunc modum, quòd hæ Bacchi nutrices fuerint, & cum Iunonis iram uererentur, fugerentq; Lycurgiregis seuitiâ, Iupiter eas cælo intulcrit, & stellæ esse iusserit. Alij autem tradunt Atlantem ex Actra uxore Hyam filium suscepisse, quem à leone deuoratum, cum sorores miserabili lamentatione prosequeretur, et mœnore uitam finirent, Iupiter illas miseratus in stellæ uerterit, ut earum pietatis perpetuum hoc esset testimonium, quæ de fratris nomine Hyades ab hominibus dictæ sunt. Hyantis, Hyacinthus & lappis, & flos, & nomen proprium, Hyacinthinus à colore, Hyacinthiasa-cra Hyacinihi. Nec uerò me latet multos contendere, ut prima litera i sit iota, secunda sit ὀ. Hyanteus, Hyampolis urbs Phocidis. Hyalos uitrum, Hyalinus, uitreus. Hyolenses Siciliæ populi.

ANTE B' in his, Hyblæ mons Siciliæ et oppidū, & pars Atticæ, Hyblæus, Hyblon, nomē regis, à quo Hybsci. Hybrida ignobilter natus. Hybris enim tū cōtumeliā, tū flagitium, tum stuprū apud Græcos significat.

ANTE D' in his, Hydaspes fluuius, Hydra, Hydrus, Hydrops, Hydropicus, Hydromātia, Hydraulos genus organi musici. Hydria, uas. Hydrus mons. Hydrus oppidum. Hydarnes, proprium hominis. ac demum in omnibus quæ fiūt ab Hydor, ut Hydrochous, signū cœleste, id est aquarius.

ANTE E' Hyems, si uerū est quod & hyems & humber à græco uerbo ducantur, quod uduum & pluuiosum significat. Nihil magis uidetur ab hyando hyemem dictū esse, quòd, ut Varro ait, anima quæ à nobis flatur, tum appareat. Spiritus enim ipse noster dum spiramus hyeme, quasi in nebulam concretus cernitur. Veteres autem latinos arbitratos esse hyemē ab hiando magis, quàm à uerbo græco dictum, hoc satis declarat, quòd in

uclm-

uettustissimis codicibus per *ī* latinum scripta semper inueniuntur & *hiems*, & *himber*, & *hibernus*: idq; seruandum ipse iudico. *Hiems* enim est dicta quasi *hians*, & quod non solum anima nostra, ut Varro ait, sed & aer ipse *hiet*. Ab *Hieme*, *Himber* dictus, quasi *hiember* detracta litera. *Hieme* enim existunt frequentiones *himbres*. Ab ipso autem *Himbre* fit *Hibernus* dempta *m* litera, ut à patre *paternus*, & à matre *maternus*. *Hyæna*, quam ex foemina in marem uerti fabule tradunt. Est autem serpens quam uno anno marem, alitero foeminam esse tradiderunt. Scribitur etiā *Hyæna* per *Æ* diphthongon. *Hyæi* populi *Locridis*. *Hyella* *Ocnotriæ* oppidum à *Phocen* situm conditum.

ANTE *F*. quæ latina est litera, & scribi non potest, pro qua *ph* in Græcis utimur.

ANTE *O*. *Hygia* proprium nomen. Extat *Neapoli* urna in qua hæc leguntur: M. AVRELIVS NICOLAVS AVRELIAB HYGIAB CONIVGI DVLCISS. B. M. FECIT. *Hyginus* nomen proprium.

ANTE *L*. *Hylas*, *Herculis* puer à nymphis raptus. *Hylagmos* nomen canis, *Hylacus* hominis, *Hyle* materia. *Hyllus* nomen proprium.

ANTE *M*. *hymen*, *hymenæus*, *hymnus*, *Hymettus* mons. *Hymella* *fluuius*, *Hymæus* uiri proprium.

ANTE *N* uocem nullam accepimus quæ habeat & aspiratum.

ANTE *O*. *hyoscyamus* herba.

ANTE *P*. *hyphe*, *Hypsiphile*, *Hypocaustum*, *Hypsenor*, *Hypenor*, *Hypallage*, *Hypanis* & *Hypacaris* flumina *Scythiæ*, *Hyperbole*, *Hyperbaton*, *Hypothesis*, *Hypocrita*, *Hyparcus* id est præfatus, *Hypostasis*, *Hypermeter* uersus qui syllabam superabundantem habet. *Hyperborci* montes, *Hyperiochus* uiri proprium, & *Hyperides*, *Hypermetra*, *Hypatos*, *Hypotheca*, quæq; fiunt ab *ὑπὸς*, & in his *Hyperion*, quo nomine dictus est sol, quod super terras feratur. *Hyperio* nomen nymphæ, *Hyperia* fontis. *Hyperides* nomen proprium. *Hyperborci*, qui habitant super, id est ultra *Aquilonis* flatum, quos tradunt humanæ uitæ modum excedere. *Hypnus*, & *Hypncros* nomina propria, quæ in antiquo sepulcro scripta inueni.

ANTE *R*. *Hyre* oppidum *Bœotiae*, & *Hyrcanus*, *Hyria* etiam uicus *Aulidis*, & *Hyrie* stagnum, seu fluuius *Bœotiae*, *Hyrmine* oppidum *Peloponnesi*, *Hyra* nomen proprium, *Hyrtacus*, *Hyrtacides*. *Hyrtius*, cuius meminuit *Homerus*, refertq; cum ab *Aiace* occisum. *Hyrgis* flumen *Scythiæ*, *Hyroæades* uiri proprium.

ANTE *S*. *hystrix* animal, *Hyssopus* herba, *Hystafes* nomen Persicæ,

*Hyspeus* uiri proprium. Indifferenter quoque *Hyscymus*, et *Hysquias* herba hodie dicitur. Et cum hoc nomen Græce sit quinque syllabarum, à nostris ita pronuntiat, ut quadrisyllabum appareat. Græci dicunt *Hypsipyle*, nos autem *P* abiecta sepe dicimus *Hysiphyle*. Dicunt et *hys*, pro quo nos *sus*. Aspirant etiam Græci *Y* ante *th*. Ἰθάκη, id est *nugæ*, et dictum ridiculum. Sunt qui scribant per *iota* sine aspiratione.

VISSET non parui et certe ingrati laboris uoces omnes colligere, in quibus Græci aspirant huic literæ *Y*. quas si collegissem, non multum tamen inde utilitatis attulissem latinis adolescentibus: quasdam tantum placuit annotare, quæ à Latinis acceptæ in mentem uenerunt, nulla diligentia adhibita, neque enim Græcis hæc præcipio. Atque ut intelligas, quid ipse de huius literæ usu sentiam, sic quidem censo uenia dignum quisquis is sit, qui in eiusmodi dictionibus i latinum scribat, modo aspirationem præponat. Neque enim necessitas aliqua coëgit maiores nostros eam literam à Græcis mutuari, quam ne antiquissimi eorum habuerunt: ex qua accepta haud scio an nobis utilitas parta sit aliqua, an non: pronuntiatio ipsa magis quam figura docere nos poterat, eam literam tenuiter sonare. tamen si non adeo diligentes in pronuntiandis literis sumus, ut hanc differentiam seruet nostrum aliquis, quam ne Græcorum quidem, quos noui, seruet nunc unus. Græci etiam cum producunt ἰ et ὀ, quæ ἰτα, et ὀντα ipsi appellant, alias dederunt figuras: qua in re fuisset profectio non parua utilitas, si illos imitati fuissimus. Sed maiores nostri, quod cum utilitate etiam magna facturi erant, contempserunt: quod autem ab re fuit, secuti sunt: in quo laboris aliquid, utilitatis certe aut omnino nihil, aut parum nobis est additum. Sed quoniam maioribus nostris sic placitum est, studeamus, quoad fieri poterit, ut in quibus oportet dictionibus i scribamus, dum tamen ne dum nimis Græci uideri uolumus, latine nos nos esse obliuiscamur: illud non ignorantes, quod maiores nostri hanc literam in u uocalem sepius uerbebant, et pro *Sylla Sulla*, pro *Thymo Thumus*, pro *Myrto Murtus* dicebant.

O ante B, et C, et D, et F, et G.

AC de i hætenus, nunc de o dicam, quod quidem nec ante b, nec ante c, nec ante d, nec ante f, nec ante g aspirationem habet in nostris dictionibus, præterquam in pronomine *Hoc*, et aduerbio *Hodie*, quod ab hoc, et die fit, c litera eiecta. Legimus etiã ueteres dixisse *Hodie* docos latrones ac uiarum obseffores. Fit enim à Græco ὁδός, id est *uia*. *Hodie* habet aspirationem, fuit nomen præconis. *Ocnus* aspiratione caret, et *Ode*, et *Obeliscus*.

O ante

O ante E, &amp; I, &amp; L.

ANTE E quoq; & I non aspiramus O. At ante L aspiramus, Holus holoris, ea causa, ut quibusdam placet, ut aspiratione differret ab infinitivo olere: fuit enim aliquando tertiæ coniugationis, quod nullo modo probauerim. Nam prisce illi qui non Holus, sed Helus dicebant, nihilominus aspirabant. Dixere etiam heluela, id est minuta holera, & Helusa, pro quo dicimus holera. Ex quo satis clarum esse potest huic uoci naturalem esse aspirationem. Fit ab holus holitor. Græci aspirant Holophernes, & holocaustum, & Holor, quos nos sequimur. Sunt tamen qui olor tenuent.

O ante M.

ANTE M aspiramus O in nomine Homo, ut aspiratione differat ab eo, quod est omen ominis. Ego tamen existimo huic uoci inesse aspirationem naturalem. Nam prisce cum non Homo, sed Hemo per E dicebant, aspirabant ut nunc: & similiter cum dixere Homo Homonis, ut: Mulurus in syluis miserum mandebat homonem.

Quamquam multi pro nomine proprio accipiunt. Quibus in uocibus nulla tunc erat habenda differentie ratio. Aspirabant etiam illi huic uoci Homelium, quod erat pilei genus. Aspiramus etiam quæ Græca sunt, *ἁμοιότης* similitudo partium, quo nomine Lucretius utitur:

Hinc & Anaxagoræ scrutemur Homoionerian.

Fit hæc dictio à uoce aspirata *ἁμοιότης*, id est similis, & *ἁμῶνυμος*, id est eiusdem nominis, & Homonymia. *ἁμοιότης* eiusdem generis. Unde & homogeniū, Homophonos eiusdem linguæ, Homilia, Homelus mons Theßaliae, Homerus, Homericus, Homeromastix, Homolobrus, Homonœa propriū mulieris. Significat autem Græce *ἁμόνοια* cōcordiam. Extat mulieris eius nominis epigramma his uerbis:

Tu qui secunda procedis mente, parumper

Siste gradum quæso, uerbaq; pauca lege.

Ille ego quæ claris fueram prælata puellis,

Hoc Homonœa breui condita sum tumulo.

Cui formam Paphiæ Charites tribuere decorem,

Quam Pallās cunclis artibus erudiit.

Nondum bis denos ætas mea uiderat annos,

Inicere manus inuida fata mihi.

Nec pro me queror, hoc morte est mihi tristior ipsa,

Mæror Athimeti coniugis ille mei.

Sit tibi terra leuis, mulier, dignissima uita,

Quæq; tuis olim perfructere bonis.



- „ Si pensare animas sinerent crudelia fata,  
 „ Et posset redemi morte aliena salus,  
 „ Quantulacumq; mea debentur tempora uitæ,  
 „ Pensarem pro te cara Homonoea libens.  
 „ At nunc quod possum fugiam, lucemq; deosq;  
 „ Ut te matura per styga morte sequar.  
 „ Parce tuam coniux fletu quassare iuuentam,  
 „ Fataq; moriendo sollicitare mea.  
 „ Nil prosunt lacrimæ, nec possunt fata moueri.  
 „ Viximus, hic omnes exitus unus habet.  
 „ Parce ita non unquam similem experire dolorem,  
 „ Et faucant uotis numina cuncta tuis.  
 „ Quodq; mihi eripuit mors immatura iuuentæ,  
 „ Id tibi uicturo proroget ulterius.

ATHIMETVS PAMPHILI TIBERII CAESARIS AVGVSTI  
 II. ANCEROCIANVS SIBI ET CLAVDIAE HOMONOEAE  
 CONLIBERTAE ET CONTVBERNALI.

O' ante N'.

- ASPIRAMVS etiam O' cum præcedit literæ N', in his: Honor, Hone-  
 stus, Honoro, Honoratus, Honorius nomen proprium: à quo Claudianus  
 Honorides patronymicum protulit. Honoraria ludî qui à Romanis fie-  
 bant in honorem Liberi patris. Sed honos, si Varroni credimus, dictus est  
 ab honesto honore: et honestus, quod honus sustineat reip. Seruius quoq;  
 „ inquit: honustus dicitur cui honus ipsum honeri est, ut si quis spolia de ho-  
 „ stibus ferat. Retinet etiam aspirationem, nam ab honore descendit. Quæ  
 uerba indicant honus honeris aspirationem exigere: quod Gellius quoq;  
 affirmat, et nomen honestus, atq; honustus ab honore duci. Sunt tamen  
 et hodie qui neq; honus, neq; honustus aspirent, etiam cruditorum usu acce-  
 dente. Sed cum honor, et honoro honoras aspirationem retineant, quod  
 seruamus in deriuatis, non est abiiciendum in primitiuis. Male qui aspirât  
 Orno, Ornas, et Ornatus. Fiunt enim ab os oris. Honapis flumen Scy-  
 thiaë habet aspirationem.

O' ante P', et R'.

- ANTE P' nos non aspiramus O', quanquã Græci aspirant quibusdam  
 uocibus. Male qui aspirant Opis nomen Nymphae, et Opicus. Fuere au-  
 tem Opici Campaniæ populi, in quibus numerabantur Baidni, Cumani,  
 Puteolani, Neapolitani. Hænanq; urbes Opicorum dicuntur fuisse. Auli  
 „ Gellij ex undecimo noctium atticarum uerba sunt hæc: Percunctanti cui-  
 pian



pian, qui & literarum, & uocum græcarum expertus fuit, cuius nam li-  
ber, & qua de causa scriptus esset, nomen quidem scriptoris statim dixi-  
mus, rem de qua scriptum fuit dicturi hæsimus. Paulo autem post subdit:  
Tam ille Opicus uerbis meis inchoatis & inconditis abductus. Hæc Gel-  
lij uerba aperte declarant, per ea tempora uocem Opicus, obprobrij  
nim habuisse, & in conuicijs in illos dici solitam, qui literas nescirent,  
& incultius, ineptiusque loquerentur. Idq; etiam Iuuenalis uerba in-  
dicant, cum ait:

Opicæ castigat amicæ,

Id est, quæ non latine loqueretur, sed opice. Et quid mirum? cum ab  
Oscis, qui fuerunt Campaniæ populi, deductum sit nomen obscenus. Et Fe-  
stus dicat Opicum pro Osco poni solitum. Et hodie qui uino plus nimio  
indulserit, cum Theutonicum de uitio gentis increpitant, inclamitant. Pri-  
sci quoque uerbum græcari ab eo protulerunt, quod Græci liberius se habe-  
rent in conuiuijs. Multa enim uerba trahuntur à moribus nationum. At  
ante r' aspiramus. Hortus Horti, ut differat à participio & nomine or-  
tus. Dictum autem esse Hortum à uerbo orior, quod aspiratione caret, ex  
eo iudicari potest, quod, ut grammatici tradunt, Veteres etiam uillas di-  
xerunt Hortos, quod ibi orirentur qui capere arma possent. Ab Horto,  
Hortensis, Hortensius, Hortalus. Horreo etiam, & Horror habent aspira-  
tionem. Additur enim ipsi uoci ex aspiratione nescio quid quod affectum  
augeat. Fiunt ab his Horresco, Horridus, Horribilis, Horrisonus. Itemq;  
hordeum aspirationem habet, non quod fiat ab horreo (quanquam sunt  
etiam qui dictum uelint ab oriendi celeritate) sed quod fiat à nomine For-  
dus Forda Fordum, ac loco r' fuerit aspiratio posita. Prisci tamen illi dixe-  
runt Hordus Horda Hordum cū aspiratione, cuius loco posteriores r' po-  
suerunt, atq; inde aspiratio in nomine Hordeo mansit. Significat autem  
Fordus grauidum, ac prægnantem, ut apud Nasonem:  
Fordæ ferens bos est, fecundaq; dicta ferendo.

Quod ex eo etiam iudicari potest, quod Hordeacia dicta sunt ab anti-  
quis sacra, in quibus hostiæ hordæ, id est prægnantes immolabantur. Hor-  
deum igitur dictum est quasi Fordum, id est grauidum, ac prægnans. Ab  
Hordco Hordeacius, Hordeia genus piscis. Hordearium æs, quod equiti  
pro hordco pendebatur. Hordconius nomen proprium. Itemq; Hornus  
Horna Hornum, uel ut differat ab arbore orno, uel quod fiat ab eo quod  
est hoc & annus, ut multis placet. Dixerunt enim Hornam frugem quæ  
hoc anno prouenit. Horreum quoque habet aspirationem, uel quod fiat ab  
Horreo uerbo, quod non probro, uel quod dictum sit à Farre. Nam ueteres

- Farrecum dixere, mutatisq; literis postea ex Farreo factum sit Horreum.  
 Sunt qui à Græco duci uelint. Aspiramus etiam Horatius, nō quod fiat ab  
 Hora, uel ore, aut oro uerbo. Nā si fieret ab oro uel ore, saltem aspiratione  
 careret: sin ab Hora, prima produceretur, quam corripit. Habet igitur  
 aspirationem Horatius, si latinū nomen est, quod ita maioribus placitum  
 sit. Sin Græcum est, traxit eam à uerbo ὁρᾶν, quod significat uideo, et  
 aspicio. Inuenio et Horius nomen proprium. Fieri etiam posset, ut Hora-  
 tius dictus esset ab ὄρᾳ, quæ Græce significat pulchritudinem, mutata  
 quantitate primæ syllabæ, quæ Græce in nomine Hora producta est. Hor-  
 tor, et quæ ab eo sunt, usu ipso aspirationem habent. Ab eo enim quod est  
 Os Oris, Hortor formatū est. Os aut aspiratione caret, et similiter Hortor,  
 si naturam originis sequi uelimus. Sunt tamen qui putent accepisse aspira-  
 tionem differentie causa, ne uideretur esse frequentatiuū uerbi Orior. Ve-  
 teres etiam dixerunt Oriam nauim piscatoriam, ut Plautus in Rudente:  
 Mea opera laborare retc et oria.

Cui debeat aspirari nec ne, affirmare non ausim. Nam si latina uox  
 est, aspiratione carebit. Fit enim ab ora oræ. Cuius uocis significatio ma-  
 nifesta est, ut ora maritima, et ora uestis, id est extremitas. Est etiam ora  
 finis, quo naues ligantur in portu, ut apud Quintilianum:

- Oram soluentibus bene preccmur.

Sin autem sit à uerbo Græco ὁρῶν orco, quod significat moueo et  
 excito, carebit etiam aspiratione. Quod si forte deducere eam uolueris ab  
 illa uoce ὁρῶν, quæ est pars portus, unde hodie à nautis dicitur Hormi-  
 zo, aspirationem exigit. Aspiramus autem quæ Græca sunt. Hora, quæ  
 partem temporis significat. Et item Hora pro dea iuuentæ. Nam et ὁρᾶ  
 Græce pulchritudinem etiam significat. Vnde ὁρᾶν adolescens formo-  
 sus. Significat item plurali numero quatuor anni tempora. Horologium.  
 Horizon, qui latine dicitur finitor. Est autem circulus quidam spheræ.  
 Horoscopus, id est ea coeli pars quæ hora qualibet ab inferiori hemisphæ-  
 rio surgit ab oriente, nostri astrologi ascendens appellant. Fiunt autem  
 hæ uoces Horizon et Horoscopus ab eo quod est ὁρᾶ, id est terminus,  
 et finis. Significat etiam Horoscopus apud ueteres instrumentum quod-  
 dam ad horas ostendendas. Aspiramus etiam Horus nomen proprium, et  
 Horosius, et Hormenus, et Horontes fluuius, et Horthes oppidum  
 Thessaliæ. Orpheus, Orestes aspiratione carent. Itemq; Oreades, quæ di-  
 cte sunt ab eo, quod est ὄρεα ὄρεα, id est mons montis.

O ante S.

- cum præcedit s, in nullis nostris uocibus aspiramus, quanquam  
 nunciat

vincit eruditorum usus in his quæ sunt Hostis, Hostia, Hostio uerbam, Hostimentum, Hostium, Hostiarius. Dixere etiam Hostica pax, id est hostis captor. Hospes, Hospitium, Hospitalis, Hospitor, et quæ ab his fiunt. Hostis, inquit Apuleius, quem iam pudet totiens uocare in iudicium, ideo aspirationem habet, ut genitiuus eius pluralis secernatur ab eo, quod est Ostium in nominatiuo casu, uel quod ab Hostio uerbo ducatur, quod æquo significat, quoniam in hostium conflictu quædam consueuerit fieri ordinum æquatio. Concordat enim, ut ait, in hoc nomine aspirationis signum cum re quæ significatur, quod nota aspirationis secundum ueterem scripturam ita formaretur, quasi biceps gladius inter duas hostiles partes. Ac primum quidem illud, ut secernatur genitiuus eius pluralis à nominatiuo hostium. ineptum sanè est. Hostis enim eodem tempore, quo hostium, accepit aspirationem. Idque seruatum semper esse ne forte dubites, inspicies si uacat, uetustos codices, et me minime mentitum inuenies. Nam quod hostis fiat à uerbo Hostio, fieri id quidem potest: quanquam non minus uerisimile est fieri uerbū Hostio ab eo quod est hostis, ut uestio à nomine uestis, et hospitor ab hospes, et galeor à galea, et gladior à nomine gladius. Sed licet Hostis ab hoc uerbo Hostio esset, non tamen ob id aspirationem sibi usurparet: cum hoc uerbum Hostio aspirationem naturalem non habeat, quod probari ab Apuleio oportebat. Illud autem penitus anile, quod ait de bicipiti gladio. At hæc si Hostire æquare est, aut æquum esse, et Hostimentum est æquamentum, ac beneficii pensatio: et hostes, ut Nonio etiam placere uideo, inde dicti quod æqua causa pugnam siue bellum incant, uel quod uerbum Hostio idem aliquando significaret quod ferio, et offendo: qua nam ratione uetustissimi latini peregrinum ab initio hostem appellassent? Quod etiam Cicero, et Varro, et Plautus affirmare uidentur. Et duodecim tabule indicant. Si enim hostis ab hostiando, id est uel ab æquando, uel à feriendo, seu offendendo, uel quod ex æqua causa pugnam adiret, dictus esset, prisca illi latini peregrinum hostem non dixissent. Non conueniunt hæc secum: Cum qui nunc hostis, id est inimicus dicitur, perduellis ab illis diceretur: et qui ab illis hostis, à posterioribus dictus sit peregrinus. Ciceronis uerba sunt hæc. Equidem iam illud animaduerto, quod qui proprio nomine perduellis esset, is hostis uocaretur, lenitate uerbi rei tristitiā mitigante. Hostis enim apud maiores nostros is dicebatur, quem nunc peregrinum dicimus. Indicant duodecim tabule, aut status dies cum hoste, itemque aduersus hostem æterna autoritas, quid ad hanc mansuetudinē addi potest: eum qui cum bellum geras, tam molli nomine appellare, quanquā id nomen durius effecit.

„ iam uetustas, à peregrino enim iam recessit, & proprie in eo qui arma  
 „ contra ferat remansit. Varro quoq; eadem sentit, ait enim: Multa uer-  
 „ ba aliud nunc ostendunt, aliud antè significabant, ut hostis. Nam tum eo  
 „ uerbo dicebant peregrinum qui suis legibus uteretur, nunc dicunt eum  
 quem tum dicebant perduellem. Ex quibus efficitur, ut non Hostis ab Ho-  
 stio uerbo dicatur: cum hostis non inimicum, sed peregrinum significa-  
 ret apud patres, & autores linguæ latinæ. Vt autem hostio uerbum aspi-  
 ratione acceperit, qua discernetur à sexto casu huius nominis ostio, fie-  
 ri quidem potuit. Sed ut una te absoluiam sententia, omnibus his quas po-  
 sui uocibus aspiratū est usu quodam, quem posteritas quasi regulam quan-  
 dam secuta est: idq; antiqua stemmata, & tituli indicant monumentorum  
 ac sepulcrorum. Nam Hospes inde dictus, quòd hostium nostrum petat,  
 uel quòd ore, id est osculo adueniens nos petat, ac mutuo petatur, quod ma-  
 gis probò. Hostium uerò inde dictum, quòd sit os, id est ingressus domus.  
 Ab Hospite autem fit Hospitium, & Hospitor, Hospitalis. Non desunt ta-  
 men, qui Hostium ab obstando dictum uelint, uel à Græco ὀσῖπ quod  
 est repellere, quod utrunq; aspiratione caret. Qui ita sentiunt, uolunt  
 eum ingressu arcemur aliquo, ab obstando hostium dici: cum ingredimur,  
 aditum ab adeundo. Differunt tamen & alia ratione, dicimus enim Nili  
 fluminis hostia, & tyberina hostia, qua mare intrant, non aditus: & faci-  
 lis est ad regem aditus, non facile hostium. Et hæc sylua nullos habet adi-  
 tus, non hostia. Et fenestra patefacta non hostium, sed aditum furibus præ-  
 buit. Et murorum ruina militibus aditum fecit in urbem ingrediendi, non  
 hostium. Et pulsa hostium, non pulsa aditum. Itaq; aditus, ad plura quàm  
 hostium pertinet. Apud Græcos ostiarius, & ostia habent ὀ sine dasia.  
 Nam & Græce hæc nomina leguntur, quamuis sint latina. Hostis quoq;  
 eum à priscis diceretur peregrinus, uidetur uel dictus quasi Obistis, quòd  
 terras obiret: ut ab eo quod est peregre, peregrinus dictus. Vel quod uero  
 propius est, Hostis, id est qui tunc erat peregrinus, ab ore dictus. Nam eo  
 qui peregre ueniunt, ore, id est osculo accipimus. Fit autem à uerbo Ho-  
 stio, quòd, ut dixi, ferire significabat, Hostia. Vel fortasse ab hoc nomine  
 hostis, quoniam id sacrificium ob uictoriam fiebat, id est pro uictis hosti-  
 bus. Vnde etiam lares Hostiolos dixerunt, quòd hostes ab eis pellerentur.  
 Et Hostilius nomen proprium, & Hostilia, & Hostius. Et Hostia, quod  
 fuit uerum nomen eius puellæ, quam à se amatam Propertius Cynthiam  
 uocauit. Hostorium quoq; ab Hostiendo, id est æquādo dictum. Est autem  
 Hostorium lignum æquatorium, id est baculus teres quo in dimentiendo  
 tritico modij æquantur. Forsitan & Hasta ab hostio, id est æquo, uel serio  
 dicta

dicta est mutata litera. Significabat etiam apud ueteres hostire coërcere, et comprimere, ut apud Pacuuium: Nisi coërcuero proteruitatem, atque hostio ferociā. In perueterna scriptum est: C. OSTORIVS ITALVS C. OSTORIO ANTONIO NICONI LIBERTO B. M. P. CIT. Hac in urna ipsi animaduertimus nomen Ostorius nullam habere aspirationis notam, quæ res satis indicat priscos illos his nominibus principio non aspirasse. Non tamen ignoro, quæd ut ab antiquis Edus nunc sine aspiratione, nunc Fedus cum litera F dictus est, sic et Ostis, et Ostia nunc sine aspiratione fuerint ab illis dicta, nunc cum litera F. Nam fostem, et fostiam dixisse inueniuntur, idque ex Sabimorum lingua: et fortasse Fostis, qui erat peregrinus, à Foris ueniret, dictus est. In Græcis autem aspiramus Hosius nomen proprium. Quæ uox significat pius, et religiosus: Et Hosbion similiter hominis proprium. Osiris autem aspiratione caret, et Ossamons.

O' ante T', et V', et X'.

ANTE T' et V' consonans et X' minime nos aspiramus O', præterquam in nomine houū, ut aspiratione differat ab Ouo Ouas, ut quibusdam placet, quanquam differt etiam tempore: literatorum tamen quos ego noui, nullus hodie aspirat. et Græce ὄνιον ἀσπρίαν non habet.

De V'.

HIS explicatis ad V' transcam, dicamque: quibus in dictionibus aspirare ei conueniat. Ac primum quidem de ijs, quæ ante V'. nam ante A' non aspiramus V'. Habent igitur V' aspiratum ante B' rationabiliter quidem, quanquam usus quotidie multa immutat, Huber, Hubertas, Hubertinus proprium nomen, Hubera, Exhubero, Hubertim, quod Valerius Catullus protulit. Fiunt enim à Græco uerbo ὑβη, ut quibusdam placet, ὀ in V' productum uerso, ac B' litera hiatus causa interiecta. Ego tamen opinatus semper sum Huber deductum esse ab Humeo, ut Tuber à Tumeo, M' litera in B' uersa. Loca enim arida infœcunda sunt: contra quæ humecta sunt, feracia: et mulierum hubera si humore careant, carebunt et lacte: Cogite oues pueri, si lac præceperit æstus.

Vt nuper frustra pressabimus hubera palmis.

Videtur Virgilius indicare nobis uoluisse hubera ab humendo dicta: si, inquit, æstus humorem præceperit, atque arefecerit, frustra hubera, quæ omni humore uacua erunt, exprimemus. Tumeo autem, de quo dixi, licet primam corripiat, tubera tamen producunt, quod in multis, et præsertim ubi sit aliqua literarum immutatio, usu uenit.

ANTE C' aspiramus V' in hoc aduerbio Huc, cui aspiratio naturaliter hæret.

ANTE D', uel F', uel O' non aspiramus, nisi Hudus, Hudus, Hudam, quod sit per concisionem à nomine Humidus, uel, ut quibusdam placet, à Græco, quod paulò ante posui, D' littera interiecta, uel quòd dicatur Hudus quasi Sudus, quanquam nomen sudor uelint etiam à Græco duci.

ANTE I' autem Hui, quæ est uox dolentis: cui aspiratio naturaliter hæret, quippe qua affectus ille animi apertius significatur. Nam de obliquis casibus Huius, Huic, non est particulariter præcipiendum, secuntur enim rectum. eodem modo huiusmodi, et huiuscemodi.

ANTE L' aspiramus Hululo, Hululatus, Hululatio, Hulula nomē auis, quibus aspiratio natura hæret. Est enim Hululatus luporū, qui sine aspiratione satis exprimi non poterat. Hulula quoq; à cantu suo nomen accepit. Hulcus, unde ex hulcero, traxit aspirationē à Græco. Illi enim ἡλκός. Habent etiā nō paucae dictiones nostræ u' aspiratū ante M', quæ sunt Humor, Humeo, Humesco, quas tamē uoces placet quibusdā à uerbo Græco, quod paulò antè posui, originem ducere. Itemq; Humus, Humo, Humas, Humarium sacrificij genus, Humilis, Humilitas. Sunt qui uelint Humum ex co dictam, quòd humorem contineat. Licet non conueniant tempore, sicuti etiam humanus. Nam seu fiat humanus ab eo quod est Homo, ut ego arbitror, seu ab eo quod est Humus, non conuenit cura primitiuo in quantitate syllabæ: licet in hoc conueniat cū uerbo Humeo, à quo tamen non ducitur. Mea quidē sententia huic uoci Humus aspiratio inest natura. Similiterq; uerbo Humeo, et alijs uocibus, quas cōmemorauī. Quin meum quoq; iudiciū est, Humus, quo nomine terrā Poetas appellasse Varro tradit, et Humor, et Humeo, latinas dictiones esse. Fit ab Humo, Humatus. Nam cū sit Humus terra, Humatus dicitur terra obrutus. De uoce autē Humanus, Humana, Humanum sic sentio, quòd ducatur ab eo quod est homo, cui aspirationem naturalem dixi, mutata O' in u'. Veteres enim Romanus dixerunt: ac tametsi differāt tempore, tamen nō omnes deriuatiuæ dictiones secuntur etiam in tempore naturam primitiuarū, uti dixi de tegula et latera, quæ habent primas syllabas productas, licet tego, et lateo illas corripiāt, idq; in alijs multis usu uenit. Aspiramus etiam Humerus, quæ latina uox est, non ducta à Græco ἡμῆρ, quæ dictio apud Græcos aspiratione caret, habetq; ε, id est i productum. Ante alias litteras non aspiramus u', præterquam in quibusdā barbaris, Hungaria, Hungarus, Humus, in quo barbaros ipsos sequimur. Apud Græcos u' non est littera, sed diphthongus connexa ex o, quod dicunt micron, id est correptum, et y quod appellant psylon. cui diphthongon aspirant in quibusdam uocibus, ut in hac uoce οὐτός. Atq; hæc quidem de u' dixisse satis sit.

IOANNIS IOVIANI PONTANI DE  
Aspiratione Liber secundus.



COLLEGI Marine, quanto maiori potui, in pluribus ac maximis occupationibus studio, dictiones eas, quæ in primarum syllabarum principijs ante uocales aspirationem recipiunt: quarum si aliquæ me fugerunt, ut arbitror certè fugisse, memoria accusetur prius quàm quispiam credat meam illas fugisse cognitionem. Concedenda est etiam uenia occupationibus meis. Nam multis, magnisq; districtus curis, si quando me ipsum negotijs subtrahō, quantulumcumq; id est temporis poetice, philosophiæ, & astrologiæ studijs libentius impartior, tamen si ea totum sibi hominē exigant, atq; ad hæc ipsa quasi per diuerticula quædam & de uia digressus perueni. Ad hæc, inter assiduos armorum strepitus, & cōciuentium militum clamores, quis locus datus est uoluminibus euoluendis? Quin & tu ipse scis, sex tantum dies me colligendis his principio impendisse, quæ nunc triennio post rogatu tuo in ordinem redegi. Cum interim omnis mihi uita sit acta aut in castris, aut in perigrinationibus procul non modò à libris, sed à literatis omnibus. Quamobrem oratos omnes uolo, ad quorū manus hæc peruenerint, equos sese ut mihi præbeant. Et si forte aliqua uel imbecillitate mentis, uel occupationum magnitudine prætermissa sunt (nam non pauca prætermissa esse arbitror) ea ut ipsi in locis suis suppleant, subiungantq; occupationum mearū patrocinium suscipientes: quibus tum uidebuntur ueniam ipsi dedisse, cum nō reprehensorum, sed adiutorum partes susceperint. Reliquum est, ut de medijs & ultimis syllabis dicam. Quapropter absoluta omnis mea præceptio, ad illas quatuor consonanteis sese conuertet.

De aspirandis uocalibus in medijs & ultimis  
syllabis. Cap. I.



Vocales in medijs dictionibus, hoc est, inter primas & ultimas syllabas, siue in ipsis ultimis syllabis constitutæ, admittunt aspirationem rarius quidem, & aut ratione compositionis, id est originis, à qua eam trahūt, ut Inhabito, Inhereo, Inbio, Exhorreo, inhumanus, Anbelo, Anbelitus, Anhelus, in quibus a uertitur in e, fiunt enim



ab Halo, & Halitus, aut quòd naturaliter aspiratio illis inheret, ut Aha: aut hiatus ratione hoc suadente, ut mihi, & uehemens. Sed de compositis non uidetur necessarium ut particulariter, sigillatimq; præcipiam. Cognita enim simplicium natura, de quibus satis multa dixi, facile intelliges exigat nec ne aspirationem dictio, de qua queris. Dictiones igitur quibus aspiratio naturaliter hæret, sunt hæc uidelicet, Aha, Vaha, Oho, pro quibus dicimus Ah, Vah, Oh. Item que Ehu, cum duarum est syllabarum, ut apud Virgilium:

- ” Ehu quàm pingui macer mihi taurus in aruo.

Similiter ehem. Neq; etiam improbauerim si quis huic uoci Ohe aspirationem immiscuerit, quamuis Euœ, quæ uox Græca, & bacchantium, caret aspiratione. Traho, & Veho possunt uideri accepisse aspirationem hac ratione, quòd cum traho & ueho dicerent Sabini, & uersa fuerit in eam. Oportet meminisse deriuatorum, & compositorum, qualia sunt Retraho, Contraho, Subtraho, Detraho, Extraho, Traha, de qua Virgilius:

- ” Tribulaq; trahæq; & iniquo pondere rastro.

Cui & addidit literam, nam pro eo quod est pluraliter Trahe, Traheæ dixit, uehiculum. De Veho, Subueho, Aducho, Inueho, et Inuehor deponens, à quo dicitur Inuectiua. Fuit & Vcha genus plaustrum, unde Oscii uecturam Vchaturam dixerunt, & Vchari, id est curru uehere. Atq; ut credam in uerbis traho & ueho aspirationem positam esse loco &, non hiatus causa, adducit me quòd uideo hæc uerba Meo, Beo, Creo, Leo, Doleo, & similia aspiratione carere: & quòd hiatus ratio haberi tum maxime debet, cum eadem uocales concurrunt, ne sonus ipse, qui idem est, inuicem collidatur, ut in his uerbis Reprehendo, Comprehendo. In quibus fit sæpe concisio, ut cum dicimus deprensus pro deprehensus, & comprehendo pro cõprehendo. Item cohors, uehemens, mihi, in quibus eadem uocales hiant. Sunt tamen qui putent hanc uocem Vehemens traxisse aspirationem ab eo, quod est ueho: ut Vehemens dictus sit, quòd uehatur mente: & similiter Cohors, quòd milites se inuicem ad pugnam hortentur. Quod si est, cum uerbum Hortor solo usu aspirationem receperit, in nomine cohors aspiratio erit interiecta aut hiatus causa, aut quòd usus uicerit, ut primitiuo aspiretur. Et similiter in uerbo cohortor, à quo, ut dixi, uolunt dictam cohortem. Siue autem ducatur ab eo uerbo, quod non probor, siue aliunde, certe aspirationem exigit cohors, etiam cum locum gallinarum, & anserum significat, ut apud Ouidium:

- ” Abstulerat multas illa cohortis aues.

Varro uult cohortem uile spatium esse intra maceriem, ubi coercerantur,



tur, id est clausæ teneantur aues altilis. Itaq; si ad Coërcendo Cohors dicta est, mutata litera e' in o', habebit aspirationem hiatus causa. Ego quidem arbitror cohortem militū uel dictam esse à similitudine cohortis alitum, quæ potius uidetur inde dicta, quòd illic sint simul ortæ, quasi coortæ. Unde et Altilis dictæ sunt, eo quòd illic unà alantur. Et propterea à cohorte dicuntur Cohortales. Vel ab horto, quod est uerisimilius. Nam cum ueteres Hortos uicos dicerent, quòd qui arma ferre possent, ibi nascerentur, ut supra dixi, inde cohortem dixerunt manum hominum ex eodem uico ad pugnam exeuntium, quòd illi essent eodem horto, id est uico geniti. Nam et Galli, ut est apud Cæsarem, hoc modo pugnabant, quisq; enim pagus per se, id est diuisus ab alio pugnam capiebat: et pagus dicebatur, quòd pagatim pugnabant. Conciditur etiam nomen ipsum, et pro eo quod est cohors, chors chortis dicitur, ut apud Martialem:

Rauæ chortis aues,

Et hous matrum. Quæ dictio aspirationem retinet, ut uetus etiam indicat epigramma, quod extat Venusiæ in templo Trinitatis. Cuius uerba sunt hæc: G. OPTIO T. FILIO HORATIO LEGATO XII. CHORTIS PRIMVS OPTION PHILARGYRVS. Tradunt Virgilium in nomine abeniū, quod sit ab ære, per diuisionē diphthongi interiectæ aspirationem, idq; uideri factum uolunt hiatus causa, tametsi non eadem, sed diuersæ concurrant uocales. Tum enim maxime habenda est hiatus ratio, ut dixi, cum eadem uocales concurrūt. Mihi uidetur Poëta non tam hiatus rationem habuisse, quàm consuluisset legentibus, ut aspiratione interiecta, declararet diphthongum solutam esse, et ex una duas syllabas factas, quod oculis cernerent antè pronuntiandū. Sed licuerit Poëtæ maximo, ut libuerit, à posteris tamen receptum id non est, quanquam et in hoc, et in aliquot etiam græcis nominibus optime consuluū fuisset, si aspiratio fuisset interiecta, licet ea in Græco nō esset. Si enim Laërtes, Danaë, Pasiphaë, Phaëton aspiratione notata fuissent à nostris, haudquaquam multi et patrum nostrorum temporibus, et nostro etiam tempore decepti fuissent, ut quotidie etiam decipiuntur, existimantes hæc nomina diphthongum habere, nec trium sunt, sed duarum syllabarum esse. Danaë enim, quæ Græcè dicitur Δαναΐς, trium apud illos syllabarum est: nos autem illud », quod apud eos productū est, uertimus in e' longum. Trium autem syllabarum esse nomen hoc etiam apud latinos docent poëtae, ut Petronius Arbitr:

Vxorē ducat Danaën.

Ipsūq; licbit Acrisium iubeat credere quod Danaën.

Et Horatius:

*Inclusam Danaën turris ænea.*

In hoc enim metro secundum locum tenet dactylus. Ad hæc, prima syllaba huius nominis brevis est, quemadmodum etiam illius nominis Danaus. Qui igitur duarum faciunt syllabarum, falluntur etiam in hoc quod patriam syllabam productam esse credunt, cum sit correpta. Phaëton quoque trium esse syllabarum, et habere primam correptam, etiam apud nos docet uersus ille:

- ” Sustinuit genitor si Phaëtonta merops.

Quamuis ex priscais illis poetis P. Varro Phaëton in duas syllabas coegerit, et è breuibz duabus unam productam subduxerit:

*Tum te flagranti deiecit turbine Phaeton.*

- ” Laërtes trium esse syllabarum etiam qui Græca non norunt, ex Ouidij uersibus possunt cognoscere:

- ” Laërtesq; senex Telemachusq; puer.

- ” Sed neq; Laërtes, ut qui sit inutilis annis.

Pasiphaë Græcè quatuor est syllabarum, habetq; secundam correptam. In hoc autem recedit hominum ignorantia, ut dum α ε, quæ duæ syllabæ sunt, unam, id est diphthongon esse credunt, non quatuor, sed trium syllabarum hoc nomen fecerint, produxerintq; secundam, quæ correpta est, ut dixi. Esse autem id nomen quatuor syllabarum, Propertius quoque in suis elegijs docet, ait enim:

- ” Vobiscum Europe nec proba Pasiphaë.

Quibus in nominibus, si aspirationis nota à maioribus nostris inter uocales ipsas posita fuisset, nimirum tam multi in hoc decepti non fuissent. Sed ad alia transeamus. Ahala nomen proprium, aspirationem habet. de

- ” quo ita sentit Cicero: Quinetiam uerba sæpe contrahuntur non usus cau-

- ” sa, sed aurium. quomodo enim uester axilla ahala factus est, nisi fuga lite-

- ” re uastioris? Itaq; ut ex duello bellum, quemadmodum idem auctor tradit,

et qui duellius fuerat, bellum fecerunt, sic ex axilla ahala contractus est.

Interiectam autem fuisse aspirationem ne uox hiaret, ueteres inscriptiones declarant. Isaac, Habraam, Aaron, quæ apud Iudeos sunt nomina pro-

pria, apud Græcos aspirationem non habent. Sed quoniam Latini summo

cum studio hiatum uocalium semper uitarunt, si quis aspirationem interie-

cerit, fortasse non fuerit reprehendendus. Nam Maharbal, quod Punicum

est, in ueteribus codicibus aspiratum inueni. Itemq; Phrahates, quod est Ly-

dium, licet Græci non aspirent. Vtrum sequi quis uelit, non impedio. Ioan-

nes quoque, et Ioachim, quæ Iudæa sunt, aspirationem non habent ante α apud

Græcos.

Græcos, licet nonnulli è nostris illam adiecerint. Proëmium aspirare minime conuenit. Nam Græci, quorum ea uox est, non aspirant. Quamquam propter rationes, quas dixi, si quis aspirationem immiserit, id efficiet, ne diphthongus æ legentibus esse uideatur. Panhormus, & Panhormitanus Græce non habent dasean. Græci enim uix aspirant uocalibus in medijs dictionibus. Nam licet simplicibus uocibus aspirarent, tamen cum uocalis quæ in simplici erat prima, in composito sit media, abijciunt ἀσπῆρας. Homines tamen nostri temporis aspirant Panhormus, & Panhormita, & Panhormitanus, & rectè fortasse. Videtur autem Panhormus dicta à nauis applicatione, quæ undiq; illuc conueniunt. Est ὁρμῶς, ut supra dixi, portus pars. inde nautæ dicunt hormizare, id est nauem ancoris atque retinaculis instruere, quo secura sit in portu à repentinis procellis. Aspirandum esse his uocibus satis apertè declarât lapidum inscriptiones, quæ in ea urbe ab Hadriani temporibus in hunc usque diem extant, in quibus uisuntur uerba hæc scripta: REIPUBLICAE PANHORMII. Quæ uox aspirationem illic habet, & geminum i. Nam & Panhormium dixere, & Panhormum, & feminino genere Panhormus. Nihil, nihilumq; non tam hiatus causa aspiratione acceperunt, quàm traxerunt ab eo quod est hilum. Est enim nihilum ne hilum. Nihil autem fit ab eo quod est nibilum, abieclis ultimis literis, ut Lac ab eo quod erat lacte. Mihi, hiatus causa sumpsit aspiratione, qua naturaliter carebat. Nam ut genitiuus erat mei sine aspiratione, ita datiuus erat mihi, & accusatiuus mee cum duplici e, ut Quintilianus refert. Postea uero hiatus causa, id est ne eadem literæ concurrerent, interiecta est aspiratio. Quintilianus tamen circa tempora Catulli, dicit nimium aspirandi usum erupisse, atque inde durare, ut Vehementer, & Comprehendere, & Mihi aspirationem habeant. Sed ut ad nihil & nihilum redeam, patres nostri præter omnem rationem c' litteram interposuerunt, nichil nichilumq; pronuntiantes, & scribes: qui abusus unde cruerit, non erit alienum ab hac præceptione referre. Nam posteaquam Barbari Italiam occupauere, cum nostras litteras nequireret exactè, ac more nostro exprimere, sed earum sonos inculcarent, aspiratione efferebant horridius, quàm latinitas postulabat: quæ, ubi sequente i' crassius sonat in gutture, præ nimia crassitudine c' litteram, quâuis subobscurè, uidetur referre. Germani enim, quod notare quotidie possumus, & Mauri aspirationem ita coartant, & quodammodo inglomerant in ipsis faucibus, ut nō quemadmodum Latini, Græciq; eam essent, sed uehementius obdensesnt in gutture. Hinc effectum est, ut cum barbaris, id est Gothis, postea Longobardi aspiratione in his uocibus rarius effect-

rent, homines eiusdē temporis nequeuntē illos imitari, nec ipsam aspirationem adeo coartare ut illi, nichil, & michi pronuntiarent, quin et uehemens dixere. Turcæ, & Mauri Mahomet enuntiant o' aspirantes more suo, quorum sonum cum implere ipsi nequeamus, Machomet dicimus. Verum ut ad pronomen quod est Mihi redeam, Leonardus Arctinus cum ab Antonio quodam grammatico contemporaneo suo coargueretur, quod michi per ch scripsisset, in hanc sententiam rescripsit, quod haberet eius rei autores Dantem, Petrarcham, Boccacium, & Colutium, & qui & ipsi ita scripserint, & usus communis idem comprobaret. Quis enim, inquit, ita loquitur, ut dicat Mihi? præter ineptos quosdam, qui ostentare se uolunt antiquarios esse, nec intelligunt ita proferri ab se hanc dictionē mihi, ut Iudæi & Chaldæi, magis quam latini uideantur. Nam illæ quidem nationes sic proferunt coincidentiam earundem uocalium, ut ab imo pectore aspirationem deducant, nec tam lingua, et labijs, quam gutture loquuntur. Si igitur & usus hoc habet, & doctissimi homines nostræ uel superioris ætatis id obseruauerunt, cur ipse mihi non putem obseruandum? usus nempe magister et dominus est sermonis nostri, & quidem nimium, ut ita dixerim, imperiosus, qui non tam ratione & uia, quam pro arbitrio moueatur. Neque enim cum Mihi dixerunt antiqui, rationem secuti sunt, sed uoluntatem usus. Nam ratio quidem, ut analogia ostendit, non mihi, sed mihi dicere iubebat, ut enim me, te, se, sic etiam mihi, tibi, sibi erat dicendum: quod præpotens usus aspernatus est, credo quia ineptum quiddam mihi sonare uidebatur, cum tibi, & sibi melius sonent. Usus ergo qui tunc dominus fuit, etiam hodie dominus est, & potest improbare quod tunc probauit: alioqui uariatio nulla foret in uerbis, nec essent mutata tot antiquorum placita. Nam quid tu magis de hac dictione mihi, quam de ceteris penè innumerabilibus admiraris? nonne optime dicebant antiqui, & pessime? Eodemque modo alia permulta, ut Aeditumus, decumus, lubens, lubenter, & pro Pyrrho etiā Piurū dicebāt, et pro phrygibus phrugibus: præterea siet dicebāt, non sit: et posuerūt, nō posuerūt. Non uerò hæc omnia uariauimus usu iubente. Quinetiā per Ciceronis tēpora causam per duo ss, contrā uerò iussus per unum s scribebant, ut Aulus Gellius testatur, & mō moreis quibusdam monimentis Romæ licet inspicere. Insuper coerauit faciundum dicebant antiqui: nos autem curauit dicimus, & faciendum, non faciundum. C. uero literam, quam nos hodie mihi interponimus, antiqui locis quibusdam interponebant nulla cogente causa præter sonum, ut sicubi, necubi, alicubi. Usus ergo apud illos hoc potuit. Cur igitur idem usus apud nos idem non possit? Nichil quoque eodem modo scribo

et profero, ductus autoribus et rationibus, quas supra dixi. Atque hæc qui-  
dem Leonardus. Contra quem si et ego rationes meas attulerim, nemini  
uideri debet memoriæ eius iniuriā à me fieri, ad quod me nō uoluntas, sed  
susceptæ materiæ necessitas traxit. Nā ut famæ eius detrachere uelim, non  
est uerecundiæ mea. An qui uiuentiū nemini unquam detraxi, detrahā  
Leonardo? qui antequam mortuus est, quā ego ad grammaticum fue-  
rim deductus. Ut igitur ad rem ipsam ueniam, neque à Petrarcha, neque à  
Dante, neque à Boccacio, neque à Colutio autoritas querenda erat Leonar-  
do: quorum scripta (de his enim quæ latine scripserunt loquor) tam par-  
uam præseferunt latine linguæ cognitionem, ut non modò parū latine,  
sed ne grammaticè quidem se penumero loquantur: quod qui non credit,  
eorum libros inspiciat. Quod autem inquit: Quis ita loquitur, ut dicat  
mihi? præter ineptos quosdam, qui ostentare se uolunt antiquarios esse,  
nec intelligunt ita proferri ab se hanc dictionem mihi, ut Iudæi, et Chal-  
dæi magis quā latini uideantur. Nam illæ quidem nationes sic profe-  
runt coincidentiam earum uocalium, ut ab imo pectore aspirationem de-  
ducant, nec tam lingua, et labijs, quā gutture loquuntur. Hæ rationes,  
quod pace eius liceat dicere, indignæ sunt Leonardi. Nam si latine lin-  
guæ instituta repetantur, concessum est nobis latinis aspirare uocalibus  
tantum, consonantibus uerò non, nisi in Græcis, et barbaris uocibus, ut sis  
præ dictum est, et dicetur inferius, et Cicero docet, affirmatque Quintilia-  
nus. Ergo cū latini uocalibus tantum aspirent, Græci autem et barbari etiam  
consonantibus, uidetur potius Iudæus, et Chaldæus is esse qui michi per  
c pronuntiat aspiratum. Nam qui michi dicit, à latinitate non recedit: qui  
michi, discedit à ueteri, et probato latinorum instituto, literæ c non aspi-  
rantium. ac nisi Græcorum obstaret consuetudo consonantibus aspiran-  
tium, uideretur in eo Iudæus esse, et Chaldæus: cum Iudæi et Chaldæi  
consonantibus familiarissime aspirent. Itaque si Leonardo credatur, cum  
dicimus uehemens, comprehendo, aha, trahatur, uehatur, Iudæi crimus,  
et Chaldæi, non latini. Iudæus ergo Plautus, qui Ohe, et Aha protulit:  
quæ tantum abest quo minus dicatur Iudæus, ut linguæ latine pater habi-  
tus sit à ueteribus. Iudæus etiam et Chaldæus Virgilius nostrorum poë-  
tarum maximus, qui dixit:

Denique quid uesper serus uehat.

Iudæi tot linguæ latine autores, quos mihi pronuntiasse constat et  
nihil, et nihilum. Coincidentiam protulit Leonardus, quod uerbum nec  
latinum est, nec si latinum esset, significaret id quod Leonardus putat.  
Grammatici et alij docti uiri Hiatus appellant, aut uocalium congemini-

nationem, utrunq; latinè. Cicero etiam hiare dicit. Coincidentiam quis doctos unquam dixit? sed ne coincido quidem. Quod si quis proferat, puto dicit structum esse ex con et incido. cuius significatio quæ sit, Virgilius docet:

» Atq; mala uites incidere falce nouellas.

Quod si sit, non significabit coincidentia, quod Leonardus arbitratus est. Sin fieri uelit ab incido, ut

» Incidit in Syllam cupiens uitare Charybdim:

Nec et coincidentia de uocalibus recte dicitur, neq; enim literæ incidunt, aut feruntur casu. Quid? quod particula Con nunquam præponitur uerbis, quæ cõposita sint ex præpositione In. nemo unquam dixit Coinuentio, Coinhereo, Coinhabito, Coindolco, Coinfero, aut aliud huiusmodi: quamuis Coinquino dixerint. Nam Inquino, aut simplex uerbum est, aut si est cõpositum, minus apparet eius compositio. Verbum enim illud ex quo grammatici quidam trahi uoluerunt hoc uerbum Inquino, ne temporibus quidem Ciceronis erat in usu. Id autem fuit cunio, dicebant cunire, sterces facere. Meum tamen iudicium est, Maiores illos non coinquinare, sed conquinare dixisse, sicuti cõuenire, et conferre: ac temporum ruditate effectum esse, ut pro eo quod erat Conquino, dictum sit Coinquino. Tolerabilius erat si dixisset Cõcidentiã, à uerbo cõcido, quod sit ex Con, et Cado Cadis: quamuis neque hoc usquequaque fuisset latine dictum, neque enim cadere dicuntur aut uocales, aut consonantes, cum eadem geminantur. Ad hæc, aspiratio uocali præposita nõ tam crasse sonat latinis pronuntiantibus, quàm Chaldeis. nec oportet ut ab imo illam pectore deducamus, ut ipse dicit: neque enim aut heulamus, aut suspiramus, cum aspirationem efflamus, sed ultimo eam palato linguæ ictu explodimus. neque propterea Chaldei sumus, aut Iudei, cum illi suo, nos nostro more sic aspirationem ut quasdam etiam literas proferamus. Nam nõ omnes nationes

» eodem modo natura affectæ sunt ad pronuntiandum. Subdit his: Si igitur et usus hoc habet, et doctissimi homines nostræ uel superioris ætatis

» id obseruarunt, cur ipse mihi non putem obseruandum? Sic intulit: si usus hoc habet, et doctissimi homines id obseruarunt: tanquam usus id uellet, et doctissimorum hominum consensus accessisset. De usu atq; consuetudine loquendi Quintilianus hoc sentit. Constituendum in primis id

» ipsum quid sit quod consuetudinem uocemus: quæ si ex eo quod plures

» faciunt, nomen accipiat, periculosissimum dabit præceptum, non orationi modo, sed quod maius est uitæ. Vnde enim tantum boni, ut pluribus

» quæ recta sunt placeant? Igitur ut uelli et comum in gradus frangere, et

in balneis perpotare, quamlibet hæc inuascrint ciuitatem, non erit con-  
 suetudo, quia nihil horum caret reprehensione. At lauamur, et tondemur,  
 et conuiuiumus ex consuetudine: sic in loquendo, non si quid uitiose mul-  
 tis infederit, pro regula sermonis accipiendū erit. Nam ut transeam quæ-  
 admodum uulgò imperiti loquuntur, tota sepe theatra, et nomen Circi  
 turbam exclamasse barbarè scimus. Ego consuetudinem sermonis uocabo  
 consensum eruditorum, sicut uiuendi consensum bonorum. Hæc Quinti-  
 lianus. Non accessisse autem consensum eruditorum manifestum est. Siqui-  
 dem (ut dixi) Dantes, et Petrarcha, et Boccacius, et Colutus eruditi  
 non fuerunt. Quippe cum sepiissime libantur etiam in grammaticis, et  
 ipse eos quodam in loco irrideat, et cõtemnat, quos tu mihi Dantes, quos  
 Petrarchas nominas? Ante hos etiam aliquot seculis nemo fuit quem lite-  
 ratum iure possis dicere, quo tempore hic, et alij errores passim multi, et  
 magni inoluerunt in lingua latina. Vfus, inquit, magister, et dominus  
 est sermonis nostri. Si hunc quæ dicit usum secutus ipse fuisset, quem homi-  
 nes sui temporis sequebantur, haudquaquã multo quã Boccacius et Pe-  
 trarcha fuisset elegatior. Quinimmo si usum imperitæ plebeculæ secutus  
 fuisset, non tam michi quã mici dixisset. Nam illa ætate, ut hodie Galli,  
 et Hispani, maior Italiæ pars mici dicebat sine aspiratione, idq; etiam num  
 in multis durat: quo maxime modo euitare poterat, ne Iudæus, aut Chal-  
 dæus uideretur. Cum mihi, inquit, dixerunt ueteres, non rationem secuti  
 sunt, sed uoluntatem usus. Mihi quidem uidentur rationem fuisse secuti:  
 cum fugiendi hiatus gratia aspirationem huic uoci interiecerunt. Nam hia-  
 tum uitare in loquendo ratio est, et magna quidem ratio. Cuius studium  
 prisca illis tantum fuit, ut Medergera pro me erga dicrent D' adiecto, et  
 redintegrare, ne uox hiulca esset. Vnde dicimus Redeo, Prodeo. Quin  
 etiam Plautus ut hiatum hunc fugeret, inter dictiones quidem disiunctas  
 D' immisit, et sine te d. arbitro, pro eo quod est sine te arbitro, dixit. Nec  
 uoluntatem usus secuti sunt cum mihi dixerunt, aut usus causa aspiraue-  
 runt, sed aurium, quarum, ut Cicero inquit, iudicium superbissimum est:  
 quod quidem latina lingua sic obseruat, nemo ut tam rusticus sit, quin uo-  
 cales nolit coniungere. Vitare igitur concursum et hiatum autore Cicero-  
 ne, non est propter usum, sed propter aures, ne illæ offendantur: quæ sic  
 offendantur, cum in dicendo uocem finientem in uocali sequatur uox à  
 uocali incipiens, non sine magna ratione. et ut ne offenderentur aures,  
 huic uoci mihi, et nihil, et Vehemens, et Prehendo, in quibus uocales eæ-  
 dem cõcurrunt, et hiant, aspirationem interiecerunt ueteres, idq; nõ usum  
 secuti, sed aurium uoluptatem. Ratio, inquit, ut analogia ostendit, non mihi,



- sed mihi dicere iubebat: ut enim me te se, sic etiam mihi tibi sibi erat dicendum. Quæ hic analogia sit, ego nullo modo intelligo. Cû analogiæ proprium sit referre id quod dubium est, ad aliquod simile de quo non queratur, ut incerta certis probet. Comparat autem extremas maxime syllabas, ut Species Speciei Speciem, Facies Faciei Faciem, Teges Tegetis Tegetem, Seges Segetis Segetem, Gaudium Gaudij Gaudio, Studium Studij Studio, Tu Tui Tibi, et Su (si inueniretur) Sui Sibi. Ego autem, et Tu, quam similitudinem habeat ignoro. In nominatiuo enim Ego nulla omnino est litera earum quæ sunt in nominatiuo Tu. Alterumq; habet rectum casum monosyllabum, alterum duarum syllabarum. Non igitur quod sonarent melius tibi et sibi, quam mihi, usus aspernatus est, ut Leonardus dicit: nec analogia, id est proportio id exigebat, ut mihi diceretur. Casus autem hi Mei uel Mihi, non dicuntur à recto, in quibus Latini uel Græcos imitati sunt, uel sic à principio locuti. Vsus ergo, inquit, qui tunc dominus fuit, etiam hodie dominus est. Eodẽ reuoluimur. Vsus est doctorum hominum cõsensus. Sed postquam usus præpotens est, ut ipse inquit, et potest improbare quod tunc probauit, cur ipse relicto usu sui tẽporis conatus est imitari ueteres scriptores? Illi dicunt, hoc accedit mihi ad gratiã: cur ipse relicto hoc uerbo gratiã, nõ dixit, accedet mihi ad complacentiã? quæ dictio sic adducta est in consuetudinẽ, ut uix aliud uerbũ sit usitatus. Sunt et mille huiusmodi. Puto propterea nõ dixit complacentiã, quia nec apud Ciceronẽ, nec apud quempiã latinorũ scriptorũ id uerbum inuenit, quanq̃ uulgo usitatuẽ esset suo tẽpore. Nõ est igitur uerũ quod usus posuit omnia, nisi cum eruditis uiris quippiã placuerit. Sed qui in alijs usum hominum suæ etatis contempsit, aut nõ secutus est in multis, cur in hoc uno probauit adeo, ut digladiari pro eo uoluerit? quod nec Carolus, nec Varius, nec Ambrosius, nec Philclphus, nec Antonius Panhormita, eruditi omnes uiri, et eius æquales unquam probauerunt. Nonne, inquit, optime dicebant antiqui, et pessime? Aliud est mutare literas, aliud adijcere.
- Sed nulla sit in hoc contentio, transeamus ad reliqua. C' uerò litera, quam nos, inquit, hodie michi interponimus, antiqui locis quibusdam interponebant nulla cogente causa præter sonum, ut sicubi, necubi. An quæso parua causa est sono consulere? Sed alia quoq; illos mouit causa, quod illæ dictiones Sicubi, Necubi, Alicubi, si absq; c' scribantur, uideri possunt non esse iunctæ, sed separatæ, addita fuit igitur litera c', ut quasi uinculum quoddam eas neceret, et colligaret. Nichil, inquit, eodem modo scribo et profero, ductus autoribus et rationibus, quas supra dixi. Sic concludit tanquam magnis se nixum autoribus, ac ueris adductum rationibus id facere



facere ostendisset. Quàm uera autem fuerint eius rationes, illud declarat, quòd nemo eum non modo è doctorum numero, sed ne è scholasticorum turba, aut tunc secutus est, aut hodie sequitur. Hæc habui aduersus Leonardi opinionem quæ necessario dicerem. Plura afferre destiti, ne uiderer subtilior, copiosiorq; quàm oportebat in rebus præsertim minimis. Dicit hic aliquis: cur cum ferè ab omnibus Michi, & Nichil pronuntietur, non eodem modo etiam scribatur? Ratio hæc est, quòd non semper ut loqui mur sic scribimus. Pronuntiamus Amurcam, & Caietam, & Cneum, & Curcutione, sic ut quæ inscribendo est litera c', sit c' in pronuntiando. Pronuntiamus Opsidem, & Opsequium, & quanquã nunc scribimus b' contra maiorum instituta, in pronuntiando tamen non b', sed p' sonat. Igitur cum usus, eruditorũq; ferè cõsensus in his uocibus Mihi, Nihil, Nihilumq; c' aspiratum pronuntiet, in scribendo uerò c' abijciat, & aspirationem tantum retineat, censeo hoc seruandum esse ut absq; c' scribatur semper, quamuis à multis pronuntietur cum c'. Malim tamen absq; illo, si fieri possit, ut paulatim ad rectã, latinamq; pronuntiationem redeamus, quod ego libenter facio. Quod si non dabitur impetrare, ut Cicero de se dicit, usum loquendi populo concedamus, scientiam nobis reseruamus: ut si in loquendo à uera latinitate deflexerimus, non deflectamus etiam scribendo. Erat uerecundie meæ, quod ipse confiteor, aduersus hanc Leonardi opinionem nihil omnino dicere, contentusq; esse poteram illa præcepisse, quæ ratio postulabat. quod profecto fecissem, ni me metus quidam inuasisset, ne si & mihi, & nihil, absq; c' protulero, ut maiores nostri fecerũt, & ego libenter obseruo, Iudæus aut Chaldæus Leonardi conuincar sententia. Frustraq; tot annis contulerim faciendis uersibus, in quibus multo quàm in oratione soluta exquisitius, subtilius, atq; cautius literarum soni attendendi sunt, & earum concentui consulendum.

## De litera C'.

LITERAE C' apud nos adeò tenuis, atq; exilis sonus est, ut ea aspirata, uocaliq; iuncta uix sonet crassius, quàm apud Græcos ι', quod elementum idem est quod apud nos c'. Hanc literam in latinis dictionibus aspirationem non habere, superius à me dictum est: quanquam aliquot dictionibus usus aliquando aspirarit. Nam si uetustos codices inspexeris, ferè in omnibus pulchrum, sepulchrum, lachrimor aspirata inuenies. Catulli enim Veronensis ac Ciceronis temporibus erupit abusus quidam aspirandi. Nam & Præchonem, & Chenturionem, & Chenturiam, & Choronom quidam malebant. Cuius enim rei etiam meminit Quintilianus: idq; damnassee Catullum suo quodam epigrammate tradit, quod et si inte-

grum apud nos hodie non extat, ex uno tamen atq; altero illius uersiculo facile potest intelligi. Reprehenditur enim quidam, qui

- » Chommoda dicebat, si quando commoda uellet
- » Dicere, et insidias acrius hinsidias. Et de eodem:
- » Et tum mirifice sperabat se esse locutum,
- » Cum quantum poterat dixerat hinsidias.

Vides igitur quosdam contra omnem rationem uoluisse Chommodum cum aspiratione pronuntiare, necnon et Hinsidias, et Hionium, ut hic idem poeta eodem irridet epigrammate:

- » Ionios fluctus postquam illuc appulit ipse,
- » Non iam Ionios esse, sed Hionios.
- » Cicronis etiam uerba sunt hæc: Quin ego ipse cum scirem ita maiores locutos esse, ut nunquam nisi in uocali aspiratione uterentur, loquebar sic, ut Pulcros, et Cetegos, Triumpos, et Cartaginē aliquādo dicerē, idq; sero conuicio aurium, cum extorta mihi ueritas esset, usum loquendi populo cōcessi, scientiā mihi rescruauī. Obschenos tamē et mathones, othones, chepiones, sepulchra, choronas, lachrimas dicimus, quia per aurū iudiciū semper licet. Veteres autem latinos tantū uocalibus, ac parcissimē quidem aspirasse, illud etiam docet, quod ē distionibus quas à Græcis acceperunt, detrahebant illam. Hinc est quod hodie quoq; et Arcere, et Agnum sine aspiratione scribimus. Festus enim uult uerbū Arceo deduci à Græco ἀρκεῖν. Coercendi namq; potestatem penes illos esse, qui in magistratu constituti sint. Agnum autem dici, quod pura esset hostia. Est enim ἀγνός purus. Quid? quod Arcitæctum sine aspiratione protulerunt, et Cere uerbū salutandi, unde et Cere nomen oppidi, et Arcippus, et Arcippe, quæ fuit urbs Marforum, lacu Fucino postea absorptæ, scilicet ratione, quod, ut idem Festus ait, Antiquis nostris frequens mos fuerit illam demere. Sed ut ad rem redeam. Nullam ego rationem esse uideo, cur hodie c' subsequente a' aspiremus in his nominibus, ac Lacrimor, Simulacrum, Pulcrum, et Sepulcrum aspiratione notemus. Quamquam nec me Latet Gellium asseuerare ueteres id fecisse studio, et exēplo linguæ Atticæ, cuius uerba sunt hæc
- » in secundo noctium Atticarum. n' literam, siue illam spiritū magis, quam
- » literam dici oportet, inferebant eam ueteres nostri pleriq; uocibus uerborum firmandis, roborandisq; ut eorū sonus esset uiridior uetgetiorq;: atq;
- » id uidentur fecisse studio et exemplo linguæ Atticæ. Satis enim notum est
- » Atticos ἰχθύρ pisces, ἀμαξάρ currum, et multa itidem alia citra morem gentium Græciæ ceterarum inspirantis primæ literæ dixisse: sic Lachrimas, sic Sepulchrum, sic Abenum, sic Vchemens, sic Inchoare, sic Heluari,

luari, sic Hallucinari, sic Honustum dixerunt. In his enim uerbis omnibus  
literæ, seu spiritus istius nullatio uisa est, nisi ut firmitas, et uigor uocis  
quasi quibusdam neruis additis intenderetur. Hæc Gellius. Sūt tamen qui  
opinentur lacrimas à Græco duci, quod minime uerum est. Sunt enim la-  
crimæ dictæ quasi lacerime. Ex animi enim laceratione lacrimæ ciuntur,  
quod Iuuenalis innuit, cum ait: —Mollissima corda

Humano generi dare se natura fatetur,

Quæ lacrimas dedit.

Subdit etiam:

Naturæ imperio gemimus.

Ciceronis etiam et Gellij uerba, quæ à me posita sunt, declarant hanc  
uocem latinam esse, non græcam, ut quidam arbitrati sunt. Est autem si-  
mulacrum dictum à simulando, sepulcrum à sepeliendo, quemadmodum  
ab inuoluendo inuolucrum, et à lauando lauacrum. Nam quod sepulcrū  
sit compositum ex Se particula, et nomine pulcrum, parum mihi placet.  
Pulcrum enim, quod polcrū ueteres dixere, dicitur à pollendo, id est, quod  
polleat forma. Qui magis igitur in his quàm in lauacro, et inuolucro aspi-  
ratione utemur? Vicit tamen usus, cui uix repugnari potest, ut pulcher in  
primo et quinto casu cum aspiratione et pronuntiemus, et scribamus.  
Ex alijs quas dixi uocibus ferè doctorum cōsensu abiecta est aspiratio. Na-  
tura autē non inesse eam huic nomini pulcher, docere hoc satis potest, quod  
diminutiuum eius absq; aspiratione est pulcellus, pulcella, pulcellum. Ra-  
tionabiliter enim ut alacer, et uolucer, sic et pulcer dicere debemus: quod  
Antonium Panhormitā dicere semper aduersti, omnisq; uetus schola idem  
sensit. Sed quid agas? accessit consensus doctorum hominū, cui difficile est  
non assentiri. Quemadmodū autem ab eo quod est uolo, uolas, fit uolucer,  
quod quidem aspiratione caret: ita à pollendo pulcer, quod forma polleat.  
Vidi et in quibusdā inscriptionibus nomen pulcher cū aspiratione scriptū  
ex abusu illo Ciceroniani temporis, quāuis latinæ lingue regula minime  
id toleret, et tam ueterum latinorum, quàm patrū, auorumq; nostrorum  
temporibus huic uoci minime fuerit aspiratum, ut dixi. In Sepulcro autē,  
Simulacro et lacrimis aspirationem minime scribemus, quoniā usus ipse  
non obtinuit, ut sicut in nomine pulcher, aspirationem proferamus: nec ne-  
cessitas ulla nos cogat, ut eam cum aspiratione scribamus. E' Corona autē,  
Cepione, Centurione, et præcone iam pridem eiecta est aspiratio. Nam Co-  
rona, ut grammatici dicunt, aspiratione caret, siue à choro dicta sit, siue  
quod honoret eam cui imposita est. Carthago et Carthaginensis, quoniā  
Græci nō aspirant primæ literæ, nec nos quidem aspirare debemus, præser-  
tim cum apud nos nemo doctus aspi-ret, et latina regula aspirationi repu-

gnet. Hæc litera, ut dixi, apud Græcos habet propriam figuram cum aspirata est, quæ  $\chi$  dicitur, ea nonnunquam in  $\sigma$  uertitur, ut cum ex cheta setam fecerunt: nonnunquam in  $\omicron$ , ut in hoc nomine Galbanus, cuius prima litera apud Græcos est  $\chi$ . aliquando etiam abiicitur, ut cum pro chlena, quod est genus uestis, Lena dicitur, ut apud Iuvenalem:

Non audent homines, pertusa dicere lena.

Sed iam ad uoces ipsas ueniamus, in quibus litera  $\epsilon$  aspirare oportet.

Ch' ante A'.

IN Principijs igitur dictionum, quas à Græcis accepimus, recipit aspirationem  $\epsilon$  ante omnes uocales. Et ut primum de ijs dicam, quæ ante A' eam exigunt: aspirare conuenit Chaos, Chaon, à quo Chaonia, pars Epiri olim sic dicta. Chabrias proprium ducis Atheniensis, Chalcis, Chalcidensis, Chalcidicus, Chalcedon urbs Asiæ. Vocata est etiam Pallàs Chalcedonia, cuius nobilissimum templum fuisse traditur in agro Lacedæmonio. Chalcis auis, Chalcidius nomen proprium. Vidi et nomen proprium Chalchedonius habere aspirationem post  $\epsilon$  in secunda syllaba, non in prima. Est autem monumentum Salerni his uerbis. C. LVCIO CALCHEDONIO. Chalestra urbs Theſſaliæ. Chalinus nomen proprium, significat autem frenum. Calinus qui fuit statuarius, caret aspiratione. Chalybs genus æris, et Chalybes populi, unde Chalybs. Chalais Apuliæ fluiuius. Chalezias lapis. Chaldea regio quædam, habet diphthongum  $\epsilon\epsilon$ . Calendæ sunt absq; aspiratione. Fiūt enim à uerbo  $\chi\alpha\lambda\epsilon\iota\omega$ ,  $\tilde{\omega}$ . id est conuoco. Chamæleon animal,  $\epsilon\epsilon$  genus herbæ, habet diphthongon  $\epsilon\epsilon$  in secunda. Sunt qui falso putent non habere aspirationem. Chanaanæus ab oppido Iudææ, habet eandē diphthongū in penultima. Chamæcyſſos genus hedræ, quod humiliter serpat, habet diphthongum  $\epsilon\epsilon$   $\epsilon\epsilon$   $\delta$ . Character, Characterismus, id est designatio. Charandæi populi iuxta Pontum. Charites, quas latine gratias uocamus, quæ sunt Aglaia, Thalia  $\epsilon\epsilon$  Euphrosyne. Charydeus, Chariaphas, Charilaus, Charinus. Carus, Cara, Carum aspiratione caret, ut antiquæ inscriptiones ostendunt. Est enim aut latinum nomen, aut licet à Græco  $\chi\alpha\rho\iota\varsigma$  ductum sit, aspirationem non retinuit: cum eo tempore acceptum fuerit à latinis, quo uocalibus tantum aspirabant. Ergo multis in sepulchris uidi scriptum nomen Carissimus non  $\epsilon$  litera, sed  $\chi$ . quod probat Græcum esse nomen. Fortasse ductum est à  $\chi\alpha\rho\iota\varsigma$ , quæ dictio Græcè est caput. Quid enim capite carius? ut sit Carus quasi capitalis, id est eius precij cuius est caput. Charta, Chartilago, Charybdis, Charmilus, Charon, Charmandrus, Charopes,  $\epsilon\epsilon$  Charopus, Charondas, Chalcon, Charaxes Scamandronymi filius, Sapphūs frater. Charopæus,

quem

quem fuisse tradunt Herei patrem, exigit diphthongon æ' ante ultimam syllabam. Charismus, Charmosina nomen propriū, genus serici Charmosinum nunc dicitur, ex eo uidelicet quod afficiētes delelet, est enim χαρμῶν gaudium et uoluptas. Chasma hiatus et uorago, neutri generis. At Carcinus morbus, quem latine cancrum dici puto, et Calypso, et Caunus Byblis frater, aspirationē nō habent. Itemq; Carmelus, et Carmelion mons.

Ch ante E'.

ANTE E' quoq; utimur c' aspirato in his: Schedius propriū hominis. Schedia, genus nauigij, quod ex trabibus tantū inter se nexis factum erat. Vnde et mala poemata uolūt schedia fuisse appellata. Chelys, Chelæ. Sunt autem Chelæ signū coeleste. Chelas enim scorpionis brachia dicimus. Schema figura. Prisci latini absq; aspiratione pronuntiabant. Vnde uetusti codices Plautini habent scriptum, cum seruili schema, sine aspiratione, id est, habitu. Schesis orationis figura quædam. Chelydon irundo. Chelydonia herba. Chelonophagi populi dicti à uescēdis testudinibus. Cherronesus, Chersonesus peninsula, Chersidamas nomen proprium. Chesydrus genus serpentis, habet δ. Chere uerbum salutandi, Cherea, Charestratus, Chærephon, Chærecrates, Chæronea oppidum, in quibus æ' diphthongus scribitur. Chemmis Aegypti rex. Cheopses, etiam Aegypti rex, qui celeberrimā illam Pyramidem struxit, habuitq; in ea tam multa hominum millia, opus illic tot annis facientium, ut pro apio, cepa, hallio expensa fuerint mille et octingenta talenta. Choenix, et Choenica genus mensuræ, æ' diphthongon habet. Similiter Schoenobates, Græcè χαινίον funiculus, unde Schoenobates artifex ludendi in funiculo. Chephren Aegypti rex.

Ch ante I'.

IN quibus autem utimur c' aspirato ante i' nomina sunt hæc: Chidnei populi iuxta Pontum. Chidorus Macedoniae fluuius. Chione, Chilon unus ē septem sapientibus. dicunt Græci χίλια labia per ei' diphthongon scribentes, unde Chilones cognominati sunt à magnitudine labiorum. Cilonēs uerò sine aspiratione dicti fuerunt illi, quorum frons erat eminentior. Chilia mille, unde Chiliarchus, qui mille præest militibus, id est, tribunus. Chimæra monstrum, cuius prima corripitur, et habet æ' diphthongū in media. Estq; Chimæra latine capella, Chimæra mons Lyciæ. Significat Græcè χερμῶν, per es, idem quod hyemalis. At Cimmerius non habet aspirationem, geminatq; litteram m'. Cimmerij autem frigoribus occupatas terras incoluerunt, quod declarans Tibullus ait, cum de Ulyssæ loqueretur:

Cimmerion etiam obscuras accessit ad arces.

- » Queis nunquam cadente dies apparuit ortu,  
 » Seu supra terras Phœbus, seu curreret infra.

Inter Baias etiam, et Cumas conuallis fuisse dicitur, quæ cum esset satis edito iugo clausa, neque matutino, neque uespertino tempore radijs solis cōtingeretur: hanc regionem qui incoluerunt, uocati sunt etiam Cimmerij. Vnde et apud eundem poetam legimus Cimmeros lacus, id est, auernales. Fuit enim Cimmerium oppidum finitimū Auerno lacui, cuius ueteres scriptores meminerunt. Chironomia, id est, lex gestus, ut Quintilianus asserit, et manuum motus. Vnde Chironomantem dixerunt. Est enim Græcè χηρ per e manus. unde Chirotechnia, et Chiragra morbus, et Chirodita uestis, Chirurgus, et Chirurgicus, Chirographum quoque, et Chiromantia diuinationis species. Chirade insula lapigie. Chiron habet aspirationem, fuit Centaurus et Achilles magister. Chytrapos tripes in quo collocatur ad ignem olla, habet i. Schisma, scissura, dissensio. Chius insula, cuius prima Græcè corripitur, cum prima possessiui Chius Chia Chium producat, ut uinum Chium, et populus Chius. Horatius:

- » Quid tibi uisa Chios bullati notaq; Lesbos.

Vides primitiuum habere primam breuem, quā possessiuum habet pro ductam, ut apud Tibullum:

- » Vos modò fumosos ueteris proferte phalernos  
 » Consulis, et Chio soluite uincla cado.

Cylindrus aspiratione caret, et habet i. est lapis dictus à uerbo κυλινδρ, id est, uoluere, de quo Virgilius:

- » Area quam primum ingenti est æquanda cylindro,  
 » Et uertenda manu, et creta solidanda tenaci.

Ch' ante O'.

ANTE O' aspiramus c' in his: Choaspes fluuius, Cholera, Cholericus. Est enim Chole fel, et bilis. Cholos, ira. Schola, Scholasticus, Chorus, Choraules, Choreia, Choralistia, Choriambus pes metricus. Chorda, Chora oppidum, Chorasmius nomen propriū, et Chorasmi Asiae populi. Male qui aspirant Corymbus, Corylus, Corydon, Coryphas, Corybantes, Costum, Cois ab insula Co, Cora, quod est proprium rhetoris: quæ omnia aspiratio ne carent. Itemq; Collybus genius monetæ, et Colossus. Colus, Colurus, Colax nomen parasiti ab assentando, est enim κυλακιδης adulor. Cholas tamen Choladis aspirationem habet, pro eo quod significat uiscera et intestina apud Græcos.

Ch' ante V'.

ANTE V' dictiones nullas habemus in quibus c' aspiremus ad primam syllabam, nam Curetes non aspiramus.

Ch'

Ch' ante A' in medijs & ultimis syllabis.

MEDIAE quoque et ultimæ syllabæ in quibusdā dictionibus habēt c' aspi-  
ratū ante A'. quæ sunt Michael, Achæia pars Peloponnesi, Achæicus. Ichai-  
ra, quæ fuit Leucippī filia. Hæc eiuſq; soror Phæbe ab Ida et Lynceſe Apha-  
rei filijs amatæ dicuntur: eas cū Leucippius pater Idæ ac Lynceſe ſpōndiſ-  
ſet, nuptiarū die Caſtor ac Pollux rapere conati ſunt. Nā et hi uocati ad nu-  
ptias uenerant. Etenim Aphareus ac Tyndareus fratres erant. quæ res pu-  
gnā inter illos cōcitauit. Machaon Aesculapij filius, quē cū Podalirio fra-  
tre Agamemnonia ſecutū Philoctetæ uulnus ſanāſſe proditum eſt. de quo  
apud Propertium: Tarda Philoctetæ ſanauit crura Machaon.

Orchades in ſulæ Oceani, & oliuæ genus. Vnde apud Virgilium:  
Orchades & radij & amara pauſia bacca.

Sūt autē dictæ à teſticulo, cuius ſimilitudinē habent. Eſt enim ὀρχη teſti-  
culus. Iſchagoras, Panchaia, unde Panchæicus. Oechalia, de qua Ouidius:  
Gratulor Oechaliam titulis accedere noſtris.

Oechalius fluiuius. Bacchanalia. Archander proprium hominis fuit ſo-  
cer Danaï. Lachana numeri pluralis comprehendit omne genus holeris.  
Orichalcū genus metalli. Bochanos Turcarū dux temporibus Iuſtiniani.  
Leochares nomen ſculptoris, Epicharmus poetæ. Epicharida genus nau-  
culæ. Anachariſis nomen philoſophi. Ancharius nomen propriū, quod ue-  
tus teſtatur epigramā: D. M. MARCIAE MARCIANAE ANCHA-  
RII PROCVLVVS, ET PROCVLIANVS, MATRI SANCTISSI-  
MAE. Acharne maximū olim Atticæ oppidum. At Acarnania aſpirationē  
non habet, quam habent hæc Mechanicus, Zachariæ, Canchaſmos riſus ſo-  
lutus. Achatus propriū, cuius media breuis eſt. Achates Aeneæ comes, Pirri-  
cha genus ludi. Tetrarcha, Monarcha, Polyarcha, Patriarcha, Cōcha, Cal-  
chas, Apocho, Paſcha. Drachma, quidā loco ch' o ſcribunt. Maſtica genus  
gummi, Moecha adultera, Tabracha Africæ fluiuius, Carucha uehiculū, Ty-  
cha Nympſa. Proſeucha domus mendicantiū eſt, Græcè προερχη obſe-  
cratio. Bomilchar nomen Punicum. Rachab, & Achaz, Hebræa nomina.

Ch' ante E'.

VTIMVR etiā c' aſpirato ante e' in his, Achæus, in quo ſcribenda eſt  
diphi hongius æ. Spercheides à Sperchio flumine. Eshecleus, Echebrates,  
Archædicus. Archedice filia Hippia Athenienſis tyranni, quæ à nobis dici-  
tur Carthago, Græcè dicitur Ἰσχυρία. Archegetus Apollo, cuius tem-  
plum celeberrimum fuiſſe ante Naxon Sicilia oppidum memoria proditū  
eſt, eiq; eiuſ ara qui nauigaturi eſſent, oracula ſolitos petere. Archelaus,  
Achelous Epiri fluiuius. Vnde Acheloius, & Acheloides. Enceladus unus  
ē gigantibus, aſpiratione caret, Rachel Iudæum nomen, Archemolus



proprium iuri, & Archemorus, in cuius honorem celebrabantur ludi Nemei. Apud Nemeam autem dicitur Hercules Leonem occidisse. Fit autem à Nemece Nemeus, sicuti à Tegece Tegeus, quæ voces habent geminum ē. quod ideo notare hic uolui, quod multi dum putant habere unum tantum ē, errant in quantitate syllabæ. Fieri autem ab eo quod est Tegece, Tegeus. Propertius declarat cum ait:

» Ergo Musarum, & Sileni patris imago

» Fictilis, & calami Pan Tegeæ tui.

Qui uocatiuus cum habeat triplex ē, declarat nominatiuum habere duplex ē. Similiter apud Virgilium in primo Georgicorum:

» Assis ô Tegeæ fauens.

Vocatiuus ille triplex habet ē. In quo grammatici quidam falluntur, arbitrati uocatiuum illum non quatuor, sed trium esse syllabarum. Quinetiam in hoc peccant, quod primam producunt syllabam, cum sit brevis. Nemeæ habet primam breuem, ut apud Virgilium:

» Vastum Nemeæ sub rupe Leonem.

Et similiter apud alios poetas, eius possessiuū primam quoque corripit, ut apud Nasonem:

» Nempe sub his etiam pestis Nemeæa lacertis.

Si quis hoc possessiuum trisyllabum fecerit, errabit in quantitate primæ syllabæ. Echepolus nomen proprium. Echemmon unus ex Priami filijs. Machæra genus gladij, à quo Macheriphori gens Thracie: habet etiā machæra diphthongum ē. Epichere ma syllogismus quoutuntur maximè oratores. Acheron fluuius infernus, dictus à tristitia, à χέρ enim doleo, & angor significat. Est & Acheron fluuius Thesprotidis. Achærusia palus. Achæras propriam hominis. Acherontia oppidū Apuliæ, unde Acherontinus. Echenes proprium iuri Phæacis. Arcefilas uerò, & Arcefilaus aspiratione carēt. Archetypus, Archetimus, et omnia quæ sunt ab eo quod est ἀρχή, aspirationē exigūt. Onchestius, cuius filius \* Periphas à Marte occisus dicitur. Onchestius auus Hippomanis. Carchesium, poculi genus, et pars mali naualis. Orchestra locus in theatro ē quo spectabant nobiles, quod significat Iuuenalis, cum ait in tertia:

» Orchestræ & populi.—

Vitruuius quoque de eadem ait:

» In orchestra autem senatorum sunt sedibus loca designata, & eius pulpiti altitudo sit ne plus quinque pedū. Greci ducūt hoc nomen à uerbo ὄρχομαι, quod significat salto. Sunt tamen qui opinentur Orchestræ dictam ab urgendo, ut orcus & urceus, quod urgeat, id est capiat spectatores. quod si est,



est, aspiratione carebit. Mea sententia orchestra à Græcis mutuati sumus. Onchestus locus in quo Neptuni templum fuisse Homerus refert. Euficheus nomen proprium. Extat epigramma his uerbis scriptum. M. AVRELIVS BVFICHEVS, SERA VICELIA RVFEN. HANC SEDem VIVI SIBI POSVERVNT VNO ANIMO LABORANTES SINE IVLIANO FILIOLO. Sicheus, qui sua lingua erat Sicharbas. Trocheus pes metricus, recipitq; diphthongū æ'. Similiter Manicheus, unde Manicheorū secta, et Mardocheus, Laches, Lachesis, Paches, Tarchetius nomina propria. Aslyoche Nympha, è qua dicunt poëtae Herculem suscepisse Tlepolemiū, qui fuit dux Rhodiorū, qui ad Troiam profecti sunt, ex eademq; Martem suscepisse Ascalaphum, et Ialmenum. Synecdoche, Psyche. Andromache uxor Hectoris, nā quæ Persei uxor fuit, ea Andromede dicta est. Ferunt enim Casiopeā eius matrem elatā formæ raritate, præposuisse Nereidibus: quod egre ferēs Neptunus cetum immisit, qui oram omnem Aethiopiæ uastaret. Quam tantā calamitatem ut auerteret Cepheus, et Neptuni iram leneret, Andromedam filiam catenis ad scopulum alligatam ceto deuorandam exposuit: quæ aduentu Persei liberata est, et in matrimonium ab illo ducta. Vnde apud Propertium: Non hic Andromedæ resonant pro matre catenæ.

Filia enim pro matris crimine in piaculum expostulata oraculo fuerat, quæ postea in cœlum translata est, et in stellæ uersa:

Ch' ante l'

ANTE l' etiam aspiramus C' in his: Anchialus nomen oppidi, et item uiri. Bacchiadæ, qui è Corintho in Siciliā exules profecti sunt. Malachias uiri proprium, et Dicearchia oppidum Campaniæ, dictum à cultu et principatu iustitiæ, posteriores Putolos appellauerunt. Hiperiochides uiri proprium, et Eutyichides, et Leotyichides. Simichida nomen pastoris, Brachium, Dyrrhachiū urbs, antè Epidamnus dicta. Dulichiū Vlyssis insula, unde Dulichius. Hemistichium dimidiū uersus, Stichiū nomen proprium, Eustochium, Antiochia, Antiochius, Archiater, Archidamus, Archimedes, Archiepiscopus, Archigenes, Archigallus, Anchilia nomen oppidi. Bacchylides nomen poëtæ, habet δ. Fuit autem Chiū, ac de cognatione Synonidæ Poëtæ Lyrici, et ipse quidem Lyricus. Aeschines, Aeschylus habet ι, et Conchylia, ut multis placet. Archippus, hoc nomen uetustissimi sine aspiratione protulerunt, ut dixi. Archimagirus cocorum præfectus, seu coquinæ magister. Archipolemus auriga Hectoris. Oligarchia principatus paucorum, Monarchia unius, Polyarchia multorum, Tetrarchia, Archia. Fiunt enim ab eo quod est αρχι. Echius, Echion, et

Echionides. Pyrrichius pes metricus, Bacchius, & Palimbacchius pedes metrici. Ambracia oppidū aspiratione caret, quā habet Entelechia Aristotelica definitio animæ. Et Aristolochia herba, & Oetychius faber, à quo Aiakis clypeus cōtextus dicitur. & Milichius Iupiter, id est mitis et suavis, cui Athenienses ante urbē faciebāt dialia. Sperchios Theſſaliæ fluvius. Trochilos avis quæ dicitur pasta in ore Crocodili sanguisugas deuorās. Achilles, Achilleides, Echinus. Echidna uipera, quæ uox habet d' in Græco, quā nōnulli uertūt in n'. Telchines populi, quos traditū est oculorū obtutu cōuertisse uisa in quod uellent. Pachynnus habet i, mons Siciliæ. Echinades insulæ cōtra hostia Acheloi, Machina, Machinor, Cachinnus, Cachinnor, Cachinno uerba, et Cachinno Cachinonis nomē. Enchiridiō, Anchises, Anchisiades. Pachisof Siciliæ fluvius Sexti Pompei clade nobilitatus. Architeflus, Architectonica. Puteolis tamē in latere uetustissimi templi est scriptū nomē Architeflus absq; nota aspirationis, adeo qbusdā tēporib. à latinis explosa fuit. Orchitis genus oliuæ, Orchis Græce est testiculus. Prochyta insula maris Tyrrheni habet i. Achiuus, Achius, Achiuū. Inachis, et Inachides, Colchis Colchidos, Parastichis Parastichidos titulus, Bacchis Bacchidis à Baccho, nam Bacis nomen proprium caret aspiratione. Canchis uiridis faba, quā hodie Neapolitani c' in g' uertētes dicūt gongulā: quā condunt nunc porro, nunc cæps, addito pipere, aut cumino. Alij anethum miscent, alij salsamenta tunni, pro cuiusq; gula. Cibus sanē rusticanus est, diffici lisq; materiæ. Colchi Colchorum, unde Colchicus. Achin Iudæum nomen. Ezecl'as uerò, & Ezecl'el, & Eliacim, & Ioacin aspiratione carent.

## Ch' ante O'

ASPIRAMVS etiam c' ante o' in uerbō Inchoo, si uerum est quod dicatur à Chao, quod dixerunt rerum initium. Diomedes tamen refert Verrium Flaccum eruditum uirum uoluisse, eiq; tranquillum assensum esse, ut hoc uerbum in ultima syllaba aspirationem haberet, quod esset à nomine Cohum, quod apud priscos mundum significabat, habebatq; aspirationem ante v', ut mundus dictus esset Cohum, à cohibendo, id est quod omnia cohiberet intra se. hinc etiam dixerunt Cohum lorum, siue funiculum, qui cohiberet, hoc est colligaret temonem buris cum iugo. Vnde homines nostri temporis alij aspirant huic uerbo post c', alij ante ultimū o', quod ego magis probo & propter hiatum, & propter opinionem eorum, quos supra retuli. Sed liberum sit cuiusq; arbitriū, utram uelit opinionem sequi. Veteres tamē, ut dixi, in hoc nomine nō c' sed o' aspirabāt, quod inscriptio hæc declarat: IMP. CAESAR D. NERVAE F. NERVA TRAIANVS GERMANICVS PONT. MAX. TRIB. POT. VI.

IMP. II. CONS. IIII. P. P. INCOHATAM A D. NER  
 VA PATRE SVAM PERFICIENDAM CVRAVIT. In  
 hoc epigrammate habet hæc dictio incohatus aspirationem ante A, quæ  
 res arguit ueteres illos aspirasse in uerbo incho non literæ C, sed uocali  
 O. Melancholia, Melancholicus. Orchomenon oppidum, quod antè Mu-  
 nyum, post Boeotium uocatum est. Archonides, Trachonso infula Nili,  
 Oenochonon flumen Thessaliæ, Philochorus, Anachorita monachus ui-  
 uens in solitudine, Stesichorus, Terpsichore musa, Bacchor, Stomachor,  
 Mæchor, Colchos. Græci etiam aspirant C in hac uoce dichotomos, et  
 dichomenos, quæ significat lunam semiplenam, qua uoce astrologi nostri uti-  
 tur. Echo nomē nymphæ. Est autē Echo uox resultans, dicta à uerbo ἠχῶ, id  
 est sono, et strepo. Horatius cum eam per circuitum uerborum exprimeret, inquit:  
 Simul et iocosa redderet laudes

Tibi Vaticani montis imago. Et Virgilius:

Vocisq; offensa resultat imago.

Iechonias Iudæum nomen, et Nabuchodonasor. Ancora aspiratione  
 caret, quæ Græcè dicitur ἠχονα. nos O in N uertimus, sicuti in hoc no-  
 mine Anchises, et angelus, et Concha. Himilcha nomen Punicum.

Ch ante V

SUBSEQVENTE autem V aspiramus C in his uocibus. Eunuchus,  
 quem latine et exectum, et euiratum dicimus, quanquam et Spado alio  
 nomine dicitur. Stomachus, quem latine uentriculum dicimus. Stichus no-  
 men proprium, Inachus Thessaliæ fluuius. Vicit etiam usus apud maiores  
 nostros, ut Gracchus cum aspiratione scriberetur: nunc uero uix est qui aspi-  
 ret. Bacchus, Antimachus, Iamachus, Nicomachus, Telemachus, Amphi-  
 machus, Eumachus, Eutychus. Eurymachus, quem Homerus tradit ritu  
 puellæ cultum ornatumq; incesisse. Learchus, Plutarchus, Plistarchus,  
 Aristarchus, Clearchus, Demarchus, id est tribunus, Dicearchus, Nichar-  
 chus, Hipparchus, et quæ sunt ab eo, quod est ἑρχωμαι. Iacchus. Est autem  
 Iacchus dictus à clamore, et sonitu: nam Iaccho est clamor, canto, et reso-  
 no, et Iacche sonitus, clamorq;. Amphilocheus, Antilochus, Archilochus.  
 Antiochus. Huius nominis secundam syllabam Græco more pronuntiamus.  
 Nam non exhibamus literam T, quemadmodum in latinis. T enim sequen-  
 te I in nominibus nostris exit quasi in sibilum: ut cum dicimus antiu, ho-  
 spitium, latium, Stadius, Horatius, et huiusmodi nomina. At Antiochus  
 ita à nobis profertur, ut in secunda syllaba non exhibetur uocalis I more  
 latino, sed Græco potius pronuntietur, quæadmodum et Iacchus, quæ uox Græ-  
 co sono à nobis profertur. Psammitichus, qui fuit Aegyptiorum rex. Mu-

nichus nomen proprium, & locus ante Pircum. Phrynichus. Hippolochus, qui fuit Bellerophontis filius. Est autem Bellerophontes apud Græcos primæ declinationis, ut Anchises. Promachus, Orsilochus, qui ab Alpheo flumine genus duxit. Trochus genus ludi, cuius diminutivum Trochiscus. Aristolochus, Axiochus, Deiochus, Ochus, Eniochus nomen proprium, & signum cœleste, nos aurigam dicimus, Græcè ἄρτε ueliculæ dicitur. Monychus unus est Centauris, de quo apud Iuvenalem:

” Quantas iaculetur Monychus ornos.

Hinc Nestor à Pirithoo uocatus ad nuptias, pugna inter conuiuas exorta superauit. Vnde est apud Valerium Flaccum:

” Fert grauis inuito uictorem Nestora collo

” Monychus.

Homerus dat hoc epitheton equis, quod non habeant fissas ungulas. Eurylochus, Moschus, Molorchus, qui Herculem contra leonem profectum accepit hospitio. Vnde apud Tibullum:

” Grata Molorcheis posuit uestigia terris

Amphibrachus pes metricus. Orcus orci latinum esse nomen uolunt, ac per mutationem literarum duci à uerbo urgeo, ut sit orcus, quasi urguis, à quo uerbo & urceus dictus est. Sūt qui uolunt orcum dictum ex eo quod Diu iurabant per stygem. Est enim orcos iusiurandum. Est Orcus apud Homerum Thessaliæ fluuius, qui Peneum olei instar supernatat, ut supra est dictum. Itaque aspirationem nullo modo recipit. Batrachus, Merichus propria hominum, Muschus animalis. Moechus adulter, Nauarchus, Stenachus proprium nomen, Elenchus probatio, refutatio, argumentum. Bruchus bestiola nocens frugibus, Sampsuchum herba. Bocchus, quod barbarum est, inuenies in antiquis codicibus aspirationem habere, & Græci aspirant. Inueni etiam nomen proprium Esichus in quodam sepulchro, in alio nomen Brochus aspirationem habere. Est autem inscriptio hæc, quam uetustatis gratia inscriui: P. LAERTIVS P. F. BROCHVS LARTIA. P. L. HORAEA. BONEIS PROBATA INVEISA SVM A NVLLA PRQBA. FVI PARENS DOMINEIS SENIB. HVIQ AVTEM OBSEQVENS ITA LEIBERTATE ILLEI ME. HIC DEBCORAAT STOLA A PVPVLA ANNOS XX. OPTINVI DOMVM OMNEM. SVPREMVVS FECIT IVDICIVM DIES. MORS ANIMAM ERIPVIT, NON VITAE ORNATVM ABSTVLIT. L. EPRIVS CHILO VIAT. TR. PL. Hæc inscriptio declarat, uetustissimos latinos frequentissime usos diphthongo ei, quæ post oblitterata est. quin etiam præ se fert Oscos, quoniam in Osciis sepulchrum hoc, id est, lapis

*lapis prosepulchro hodie quoque extat, enuntiasset præteritum uerbi decoro in tertia persona non decorauit, sed geminato á decorat, & à pupa Pupulam, id est puellam dixisse.*

DE C' in medijs uocibus aspirato ante v' nihil dixi: quia nulla uox succurrit in qua à Græcis accepta ex illorum instituto c' aspiemus: nisi forte sit conchula, quæ sit ab eo quod est concha, quæ Græcè dicitur *κίχλη*.

Ch' ante L', & R', & N', & Th'.

Et ne aliquid omisisse uidear, quod memoria suppetat, & præceptio hæc exigat, aspiramus c' etiam ante l' in quibusdam dictionibus, quæ sunt: Chloë, Chlamys, Chlamydatum, Chlænæ, quæ uoce, ut dixi, ch abiicimus. Cloris nymphea. Et ante r' Chresimus, Chrysippus Chrysogonus, Chrysothemis Agamemnonis filia, Chryseis, Chrysis, Chrysomelon malum aureum. Chrysolithos, Chrysopassus lapilli preciosi, Chrysendetum, Chrysostomus. Chrysocola terræ genus, quam è Macedonia apportari, & illic fodi auctor est Vitruuius. Chrysidæ, Chrysa ciuitas Phrygiæ. Chrysa insula Indiæ, quam aureum solum habere proditum est. Chrysa fluuius agri Syracusani. Chrysomalon Græci appellant arietem illum, qui, ut est in fabulis, lanam auream habuit. De quo etsi latini poetæ dicunt, quod is Phrixum, & Hellen gestauerit, tamen Græcorum quidam aliter retulere. Fecit enim Neptunum correptum amore Theophanes Althidis filia, illam rapuisse, tralatamq; in insulam Chrymissam in ouem conuertisse, & in arietis forma cognouisse: ex quo compressu aries Chrysomalus natus fuerit. Christus, Christianus, Chrisma, Chremes, Chresimus, quod in ueteri sepulchro scriptum reperi. Chromius, Chronus, Chronius, Chreas Rhetores colores quosdam orationis uocant. In medijs quoque & ultimis syllabis aspiramus c' ante aliquot consonantes. Ante l' Cochlea & Cochlear, dicebantur apud antiquos Cochlacæ lapides fluuiales rotundi, ut cochlacæ. Cochlia nomen uirginis Romanæ. Ante m, Menechmus nomen proprium, & Brachmanes gens celebris propter Solis mensam, et Pyrachmes proprium nomen, quod habet Ae' diphthongum ante ch'. Ante n', techne, dicimus autem technas artes, dolosq; quæ uoce nostri utuntur Comici. unde Cacotechnia mala ars, siue uitiositas, dolositasq; Græcè nāq; *τέχνη* ars est, & dolus. Lychnus cereus, siue lucerna. Lychnites genus lapidis. Vidi & Prochne proprium nomen aspirationem habere post c' in quodam, quod hodie extat epigrammate apud oppidum Apuliæ labellum, cuius uerba sunt hæc. *OPPIA PROCHNE ACVTIANA SECVNDA CREPERIA TIATICAÆ ISIDI.* Græci tamen hodie

per *α* hoc nomen scribūt, quod nos in *α* uertētes nō procnē, sed prognē magis dicimus. Dicunt etiā Græci Arachnea, nos dēpto *α* et aspiratione dicimus aranea. In nomine proprio Arachne uertunt multi *α* aspiratum in *α*, et non Arachnem, sed Aragnem dicunt. Ante *α* quoq; Græci aspirant *α* in medijs syllabis, et ultimis, ut Calēschrus proprium nomen, et Calēschra oppidum, quæ duo nomina habent *α* diphthongum ante *ς*, et Aēschrion similiter. Hic cum esset poëtica studiosus, Alexandrum in eius expeditionibus secutus dicitur. et Ochra genus cretæ, quæ pictores uti dicuntur ad ducendos colores. Catachresis abusus, et Cenchris genus serpentis. Ante *τ* Græci aspirant huic nomini brachtea, unde brachteare, prisci tamen more suo detra xerunt aspirationem. Ante *ι* etiam Græci aspirant *α* in nomine Ichthys, quæ uox piscem significat, unde Ichthyophagi populi quidam dicti, quod uescerentur piscibus. Est et Ichthyocolla genus piscis. Habet etiam Ichthys aspirationem ante *ι* in prima syllaba secundum Atticos, ut dixi. Ennosichthon, epitheton Neptuni. Erichthonius etiam habet *α* aspiratum ante *ι*, ut initio dixi. Hic, ut est in fabulis, è Vulcani semine dum ille Mineruam habere in complexibus contendit nascitur, absconsusq; in cista à Glauro et Pandroso custodiendus à matre traditur. Adultus aut Panathenæa, id est ludos in Palladis Athenæ matris honorem primus cōstituisse, arcemq; et tēplū edificasse dicitur. Et, ut Virgilius inquit: Primus Erichthonius currus et quatuor ausus iungere equos, rapidisq; rotis insistere uictor.

Apud barbaros desinunt etiam nomina in *ch*, ut Enoch, et Lamech, et Sadoch.

#### De Ph

POST hæc de *φ* aspirando præcipiam, quam literam Græci *φ* appellant, etsi de usu eius pauca admodum præcipienda sunt. Huius literæ loco prisci latini *ϕ* libenter ponebant: ex qua cōsuetudine est, ut hodie quoq; in aliquot uocibus, quas à Græcis mutuati sumus, *ϕ* scribamus loco *ph*, ut Fama, Fuga, Fagus. Consueuere etiam maiores nostri de quibusdam uocibus demere aspirationem, et *ϕ* tantum scribere, contrā in quibusdam addere, ut in hac dictione trophæum. ex quo effectum est ut indifferenter dicamus Phylemonem et pylemonē, thermophylas et thermopylas, et alia quædam. Eodem modo Græci hypsipylen et Thermopylas, semper nos libentius ihermophylas et hypsiphylen cum aspiratione, contrā diphthongum magis quā diphthongum. Illi quoq; ut nos indifferenter Persephonem et Phersephonē. At sphaeram et sphinga nos nūquam dicimus, quod

quod latino non conueniat ponere s' ante e' uel p' aspiratum: quanquam in uernaculis quibusdam uerbis, quibus Italici nunc utuntur, s' ante e' sæpe ponatur, ut in hoc nomine Sfortia. E quibusdam dictionibus latine pronuntiationi consulentes, non modò aspirationem, sed ipsum etiam p' abieciimus, ut cū dicimus Apothegma, quod apud illos est Apophthegma, quæ pronuntiationi habet asperum nescio quid, et quasi cōfragosum, quod lingua nostra uehementer horret. Sed ad rem ueniamus.

ASPIRAMVS igitur p' ante uocales in principijs dictionum, quas à Græcis aut mutuamur, aut in quibus eos imitatur. Nam in multis quæ Græca non sunt, Græcum scribendi morem sequimur, ut in Hebraicis. Ante a', ut in his, Phaō, Phalcarius, Pharus, Phaneus, Pharsalia, Phanostrata, Phasis. Ante b', ut Phæacia, Phæax, Phædrus, Phædimus, in quibus e' diphthongus scribenda est. Itēq; Phoenix, et Phœbus, Phœbasq; in quibus diphthōgus æ'. Phercydes, et Phero nomina propria: et Pheræus à loco, cū diphthōgo æ' in secūda. Ante i', Philippus, Philyra, Phineus, Philtrū poculū amatorū, Phirne. Ante o', Phonascus, Pholoë, Phoræus, Phocæ uituli marini, Phosphoros lucifer. Ante v', quæ apud græcos simplex uocalis nō est, sed diphthōgus, nullā uocē habemus in qua Ph' ponamus in principio dictionis. Multi tamen uolūt fucus fuci pro genere apīs, à græco dici.

Ante y', Phyllis, Phylaca custodia, et carcer, Phylacides, Physica, Phycus, Phytō. Similiter in medijs, et ultimis syllabis p' aspiratum locatur ante omnis uocales, ut in his, Aristophanes, Tiphernus, Amphiraus, Theophilus, Symphonia, Periphas, Hyphæ, Iphis, Seriphos, Sophos, Scyphus, Philosophus. Habent Græci accusatiuos casus, non omnium tamen declinationum, in u' diphthongum exeuntes, in quibus ubi natura nominis exigit, phi ponunt, ut delphus. Ante l' quoque et r' et t' et o' locatur p' aspiratū, ut in his, Paphlagonia, Phlebotomia, Phlegethon, Phlerippus, Phrygia, Phryx. Cataphractus, id est equus loricator. Phlegrare gio, in qua dicuntur gigantes coniurasse: est autem Campaniæ pars, in qua est Vesuius mons, et ager Neapolitanus, itemq; Putolanus. Phthia urbs, seu regio, à qua Achilles Phthius: quanquam multi aspirationem tollunt, et Pthius dicunt. Phthisis, Ophthalmos, Ophthalmia oculi morbus, quibus plerique aspirationem detrahunt. Desinunt etiam barbaræ dictiones in ph', ut Ioseph, qui latine dicitur Iosephus. Multa et apud Iudeos, et apud Syros cadunt in Ph', uti apud Germanos in f', ut Astulf, et Rodulf, pro quibus nos Astulphus, et Rodulfus. Et ut omnia, quæ de aspi-  
rando præcipi apud nos possunt, una absoluiam regula: id tibi generatim



præcipio, in omnibus Græcis dictionibus, & in quibus Græcos imitari placuit, ut in Iudæis, & Syris, & aspirandum esse: ubicumq; si uellemus latine scribere, & ponendum esset. De qua re satis sit hæc dixisse.

De Th'.

CONSEQUENS est, ut dicam de litera τ, id est, in quibus dictionibus aspirari ei oporteat: quæ, ut de c' & p' supra dixi, solum aspiranda est in dictionibus Græcis & barbaris. Nam quæ latina uox sit, nulla hoc exigit. Tametsi Cicronis temporibus, ut supra retuli, placuerit Cethegū, & Mithonem aspiratione notare, quem usum hodie quoq; multi sequuntur, & Græci aspirant. Obseruatum quoq; à me est nomen Posthumus in quibusdam uetustis codicibus aspirationem habere. Est autē dictus Posthumus, quod sit post humatum patrem editus. Humatus autem quod sit ab humo, aspirationem habet: quam multi uoluerunt, ut nomen Posthumus, quod est eius compositum, retineret, quod usus assernatur, & ut dixi, latina uetat regula. Habet autem hæc litera cum aspirata est, non paruum cum d' conuenientiam. Hinc est quod ex eo quod est Græce ταῖς, Deū fecerūt. quantum sunt qui putent Deum dictum, quod ei nihil desit, uel quod det mortalibus omnia, quæ commoda illis sint. De qua id primo tradam: Consueuisse Græcos, cum duæ uoces ita cōeunt in unam dictionem, ut necesse sit è duabus se collidentibus uocalibus alteram eijci loco suo, remanente uocali aspirata, τ' in σ conuertere. Nam ταλαρινός, quod nomen sit ex ταρά, & ἰδωρ, accepit σ. Dasea enim, quæ erat in simplici uoce holon, concessit in σ. & similiter Tethrippon, id est, quadriga, habet theta. Dasea enim quæ erat in nomine Hippos, è uocali concessit in consonantem τ', & σ in de factum est.

Th' ante A'.

UTIMUR autem τ' aspirato ante α' in principijs quidem dictionum, in his, Thais, Thalamus, Thallus ramulus, siue germen. Vnde puto dici Thelleam arborem, Thales, Thalassius, Thalia, Thalpius nomē propriū. Thamyras, quem quod cum Musis concertasse ausus sit, & musica & humano sensu multatum Homerus refert. Thamar nomen Hebræum, Tarsos, unde Tarsensis, aspiratione caret. Vetus Iudæorū lingua Tharsis mare appellat. Thaman ei Scythiæ populi. Thanatos mors. Thasus insula, unde Thasius. Tassium uinum si dicatur à Thaso insula, seruat aspirationem: sin à nomine Tasis, quæ est detentio, caret ea. Thaumās, Thaumantius, θαυμάσιον Græci miraculum, & admirationem uocat, Thaumacia Thessaliæ locus, habebant Athenienses mensēm θαυμάσιον.

Th' ante



## Th' ante E'.

ANTEB'. Theano uxor Antenoris. Theanum nomen oppidi, quod ta-  
men in quibusdam monumentis marmoreis sine nota aspirationis scriptū  
insep̄xi, ex uetere illa consuetudine non aspirandi consonantibus. Thea-  
genes, Theagoras, Theate oppidum Maruḡinorū, Theologia, Theologus,  
Theogonia, Theophilus, Theophrasia, Theodorus, Theocritus, Theode-  
cles, Theognis, Theodosius, Theopompus, Theophrastus, Theotimus, &  
que sunt παρὰ τοῦ uel τῆς. Theon proprium pictoris, & Astrolo-  
gi. Item Theos mons, quem ferunt esse ultra campos Panum Satyrorumq;  
perpetuis flagrantem ignibus, Theorema, Theorica. Græce enim θεωρῶ  
significat consydero, contemplor. Theatrum locus ubi spectabantur ludi,  
Thebe nomen urbis, Thebæus, Thebanus, Thebais. Thebæus nomen pro-  
prium, quod habet diphthongum Ae' ante ultimam syllabam. Thebe no-  
men uirginis, e cuius gremio geminæ colūbæ, ut est in fabulis, cum euolas-  
sent, altera ad Ammonis fontē tetendit, & ibidē responsa dedit, altera ad  
syluā Dodonē, ubi futura mortalibus præcinuit. unde à Tibullo dicitur:  
Quid referam ut nolitet crebras intacta per urbes,

Alba Palæstino sancta columba Syro.

Licet hoc referri ad Semiramidem possit, quā in columbā uersam Syri  
credidere: aut sit propterea dictum, quod Syri columbis abstinebant, cū  
Venerem religiosissime colerent. & à Silio:  
Nam cui dona Iouis non diuulgata per orbem,  
In gremio Thebas geminas sedisse columbas.  
Quarum Chaonias pennis quæ contigit oras,  
Implet fatidico Dodonida murmure quercum.  
At quæ Carpathium super æquor uecta per auras,  
In Libyen niueis tranauit concolor alis.  
Hanc sedem templo Cithærea condidit ales.  
Hic ubi nunc arua, lucosq; uidetis opacos,  
Ductore electo gregis admirabile dictu,  
Lanigeri capitis media inter cornua perstans,  
Marmaricis ales populis responsa canebat.

Herodotus tamen non albā, ut Tibullus, & Silius, sed nigram fuisse re-  
fert. Theca, unde Apotheca, Thecla nomen proprium mulieris, Thecla-  
menes uiri, & Thelgon, Thema, Themis, Themion, Themistocles, The-  
misus, Themison, Thensa genus uehiculi, Theranne locus in agro Lace-  
denonio, Thermæ balneæ aquarum calidarum, Therminus nomen pro-

- pruū, Thermocrates, Thermopylae sunt loca angusta in Oeta mōte, in quibus fontes calidi. Thermodon Amazonidū fluuius. Latini ultimū ō, quod est Græcē ō, id est, magnū, ferē semper soluiūt, et Thermodoon dicūt. Aliiter enim ea uox bene locari nō posset in uersu heroico. Ouidius tamē dixit:
- ” Et tu scemine Thermodon cognite turbæ.

Therma, quæ postea uocata est Thessalonica, Thermantia, Theramenes, Theron qui uicit in olympia Pindari carminibus celebratus, Therodamas, Therseus, Therfilochus, Thersites, Thersander, Thericlion poculi genus dictum ab artifice. Theseus, Thesides, Thescis, Thessalia, Thessalicus, Thessalonica, Thesis, Thesaurus, Thesmophoria sacra Cereris dicta, quod Ceres mortalibus leges tulerit. Thestortus. Thestis, unde Thestides, quod nomen fuit et Poetæ, et urbis, et fontis cuiusdam. Thestor Enopis filius, à quo ducitur patronymicū Thestorides. Thestylis, Thesiphone, Theta, Thetis, non cum Tethios, sed cum Thetidis genitium facit.

Th' ante I'.

ANTEI', Thias Thiadis Bacchi sacerdos, et quæ furore agitetur. quidam malūt per y scribere, quod probabilius, Thiasus similiter. Thinacria à Thinacro rege, sine r' post th'. Nam cum dicitur Trinacria, caret aspiratione. Veteres latini triquetram dixerunt, ut Lucretius:

- ” Insula quem triquetris terrarum gessit in oris.

Thisbe nomen proprium, de quo apud Homerum.

Th' ante Y'.

Et ante v', Thyamus Epiri mons, et nomen proprium hominis. Et Thyamis Epiri fluuius secundum Theprotidem. Thyestes, Thyestæus, Thyella nomen Harpyiæ. Thymiana aroma, quod incendebatur in sacrificijs, appellabantq; Græci θυμιατικὰ uasa odorum, quibus utuntur in sacrificijs, quæ maiores nostri acerras dixerunt. Thymum herba, Thymbra herba. Thymbræus Apollo, à loco agri Troiani ubi colebatur. Thymele, Thymelus, Thynnus piscis, quem hodie Thynnium dicimus. Thynus, Thyna, Thynum à loco, ut apud Horatium:

- ” Thyna merce beatum.

Thyoneus Bacchus. Thyse nomen puellæ. Thyreæger, siue oppidū Peloponnesi, de quo pugnatum est inter Spartiatas et Argiuos. Thyrea insula Peloponnesi, Thyrsus, Thyrsiculus, Thyrsis pastor, Thyssagetæ populi Scythiæ, Thyodamas pater Hyle.

Th' ante O'.

ANTEO' quoq; aspiramus t' in his, Thoas, Thoatius, Thoastes, Thoon, Thous.

Thom. Græcè autem *τοδὲ* est uelox. Thootes nomen præconis apud Homerum, Thoota mater Polyphemus, Tholus pars templi, & testudo. Thorax, Thomás, Thon proprium. Errant qui in eo quod est Torus, aspirant τ. Est enim uox latina, & à torquendo dicta: nam Torus erat ex tortis herbis.

Th' ante V'.

PAUCA etiam quædam nomina habent τ' aspiratum ante v', quæ sunt Thucydides historicus, Thules Aegypti rex. Thuria oppidum quondam Calabriae, unde Thurius, & Thurinus. In quodam ueteri epitaphio inueni nomen Turia pro nomine mulieris, scriptum sine aspirationis nota. De Ture, & Tuscia post dicitur.

Th' ante A'.

IN medijs autem & ultimis dictionum syllabis utimur τ' aspirato in ijs, quæ sunt: Ithaca Ulyssis patria, unde Ithacus, & Ithacensis. Ithacus quoque nomen proprium. Declarat hoc etiam lapis, qui hodie quoque Capuæ extat, in quo uerba hæc leguntur: INFERRI HOC NON LICET NISI QVORVM NOMINA SCRIPTA SVNT ET QVIB. CAVERO. M. POMPEIO ITHACO POMPEIÆ VRBANÆ ITHACI LIBERTÆ. Cartago aspirationem non exigit, præterquam si usum quorundam probaueris. Fuit tamen Cartha urbs haud procul Tyro, unde fortasse & Carthago habet th' aspiratum, sicut habet Cartha urbs. Ereuthalion, quem Nestor uicit singulari certamine. Athamas, Athamantius. Epithalamium carmen nuptiale. Bethania quæ fuit in Iudæa. Athanatos immortalis. Biothanatus uiolenter mortuus. Bathani populi Gallie, Rheno cincti. Amythaon, unde Amythaonius. Spintharus nomen poetæ. Pythacusa insula, Pythagoras, Pythagoricus. Agatharchidas, Cithara, Citharædus, Citharistius. Titaresius aspiratione caret. Est autem Thessalie fluuius, qui Peneon intrat, & ut Poëta inquit, Nec aquis confunditur illis.

Sed olei instar innatans excurrit: quem etiam ferunt à Styge manare. Cantharus uas, & Cantharus qui fuit Comicus Atheniensis. Cantharides species Scarabæi, siue uermiculi. Lethargus, Lethargyrium argenti spuma dicitur. Scythia, Agatha, Cymætha nomen capræ. Egestha, quæ Acetem genuit ex Crimniso fluuiio. Iugurtha Punicum nomen, Spatha ensis, Cerintha herba. Menta Græcè habet aspirationem, quam Latine non

retinuit, quod diminutivum ostēdit. \*Oetha mons Thessaliæ, clarus rogo Herculis. Et quæ Iudæa sunt nomina, Martha, Golgotha, Nathan, Ioathan, Matthæan.

Th' ante E'.

EXIGUNT etiam T' aspiratum ante E', Althea, quæ habet diphthongon æ', Leucothea Cadmi filia. Nabathea regio ad orientem sita. Amalthea nymphea Cretensis, quæ Iovem caprino lacte nutrisse dicta est. Pasthea, Pithea, Pitheus. Critheis mater Homeri. Pâtheon, id est tēplū omnium deorum. Pentheus, Pytheas nomen Rhetoris habet i. Entheus, Enthea, Enthēū, id est diuinus, et furore afflatus, quo uerbo frequenter usum inuenies Statium in libris Sylvarum. Ethea Cibeles à monte Etheo, unde Martialis: Quem seclâs matris hululat Etheæ gallus.

Anthedon oppidū Boeotiæ. Cercopithecus animal. Cathedra, Lethæus Cretæ fluuius, apud quē Harmonia Veneris filia Cadmū dicitur fuisse oblita. Apophthegma, Anathema, Anathematizo, id est deuoueo. Chrysothemis Agamēnonis filia, Anthemus urbs. Ethemō uiri propriū. Athenæ, Athenæus, Atheniēsis, Panathenæica siue Panathenæa, ludi qui Athenis celebrabatur in honorē Palladis Atheniensis. Athenagoras, Parthenius Arcadiæ mons, et Paphlagoniæ fluuius. Parthenias, Parthenopæus, Parthenope, Prothenor, Althænos nomen fluuij habet æ' diphthongū. Timosthenes. Plisthenes, fuit autem hic uerus Agamēnonis et Menelai pater, quo mortuo cum paruuli infantes ab Atreo, qui illius frater erat, summo cum studio educati essent, ætas posterior arbitrata est, non Plisthenis, sed Atrei filios eos fuisse. Ouidius hoc sentiens inquit: Illam Plisthenio gaudia ferre uiro.

Fuit et Plisthenes ut impudicus à poëtis infamatus, quemadmodum Nereus ut imbellis. Eratosthenes, Borysthenes flumen, à quo Boristhēni dæ gens Scythiæ. Sunt qui uelint aspirationem nō habere. Barabosthenes mons Peloponnesi. Cythera Veneris insula, et urbs Cypri. Cytherea, et Cytheriacus, Cytheron mons Boeotiæ. Pantherus nomen propriū, Panthera animal. Statira à nōnullis Græca esse dictio creditur, et aspirationem exigere. Eleutherius, Matheſis, unde mathematicus. Epēthēsis, Synthēsis, Hypothēsis, Parenthēsis, Metathēsis, Antithēsis, et quæ cū eo quod est Theſis compositionem incunt. Demosthenes, Alcisthenes, Antisthenes, Calisthenes, Clisthenes, Epitheaton, Atheſis Galliæ Cisalpinæ fluuius, qui hodie quoq; nomen seruat. Græci huic nomini aspirant, uetustissimos latinos puero non aspirasse, quippe qui solis uocalibus aspirabant. Penthesilea regina

Amazonū. Antitheton, Syntheton. Logotheta magistratus regni Neapolitani, et Imperatorum Byzantinorū. Prometheus. Menethcus, hoc nomen cum habet α' diphthongon in penultima, caret aspiratione, et est Græce quatuor syllabarum. Eurysteus, Mnesteus Petei filius, et Meneſteus Peleiniſepos ex Polydora filia, quam Sperchion fluuium amasse, et comprefiſſe ferunt. Gytheus uiri proprium. Matthæus, et Oriſtheus habent poſt ο' diphthongum ε'. Antithcus. Pythcus habet ι, et Pythermus. Epimetheus Iapeti filius, Epitherſes, Acther, Alethes, Scythcs, Coccothcs uitium, Polyanthes, Euanthes, Cleanthes, Ariapithes nomina propria. Lethæ fluuius infernus, unde Lethæus. Anthe Alcyonis gigantis filia. Lapiſthæ populi, unde Lapiſtheius. Scuthes Thraciæ rex, et Ianthe nympħa τ' aſpiratum exigunt.

Th' ante ι'.

Q V A B autem exigunt τ' aſpiratum ante ι', ſunt Aethiopia, Aethiops, Aethiopicus, Anthia nomen urbis in Argolide, Ethica Ethicorum plurali numero, Alethia, Parthia, unde Parthicus. Scythia, unde Scythicus. Pythia, unde Pythicus, et Pythius. Pythia quæ dabat reſponſa. Acmathia, Acmathius, Acmathion, Melanthia Deucalionis filia. Mathias, Salathiel Iudæum nomen, Cynthius, Cynthia, Tiryntius Hercules. Tiryntia urbs. Zacynthius à Zacyntho inſula. Corinthius, Melanthius. Struthion auis. Mythicus, Mythica, Mythicum, id eſt fabuloſum. Eſt enim Græce μῦθος fabula. Anthylla habet γ', urbs Aegypti, quæ pecularis dabatur in calciamenta uxori eius, qui in Aegypto regnabat. Erythius mons Paphlagoniæ. Tethippobata populi Africæ. Damafythinus proprium hominis. Xanthippus, et Xanthippa. Anthiſſa quæ ex inſula cōtinens facta dicitur. Amethyſthus lapis pretioſus, dictus quod ebrietatē prohibeat. Patigites nomen Perſicū aſpiratione caret, Crathis flumen aureos reddens capillos: à quo flumine, ut arbitror, Scylla Cratheis dicta eſt. Pſithium genus paſſi. Ariathis proprium uiri, Abſinthium herba, Euthathius uiri propriū. Parnes nomen cuiuſdam montis Græciæ, emittit genitiuum Parnethis cum ο'.

Th' ante γ'.

A N T E γ' habent etiam τ' aſpiratum, Ilithya Lucina, Orithya, Talchybius, qui fuit præco Agamemnonis. Bathycleus, qui fuit Chalconis filius. Catabathynos Aegypti latitudo deſerta, ac decliuſ. Euthymedon uiri propriū, et Euthymedes, Euthymedus, Euthyedes, Bathyllus, Ichthyophagus, Methymna, Methymneus. Enthymema ſyllogiſmus rhetoricus.

Dithyrambus, quem Græci ferunt Arionem primū et fecisse, et docuisse. Ithyreus, unde Ithyreos arcus dixit Virgilius. Acanthys auicula, quæ latine est carduelis. Bethys Hispaniæ fluvius, unde regio Bethyca. Athyr proprium hominis. Agathyrsi gens Scythiæ, de quibus Virgilius:

» Dryopesq; fremunt pictiq; Agathyrsi.

» Pomponij Mele de Agathyrsis uerba sunt hæc: Ora artuq; pingunt,  
 » ut quisque maioribus præstat, ita magis uel minus. Caterum hisdem omnes notis, et sic ut ablui nequeant. Quo magis admiror Virgilij interpretem Sergium dixisse intelligendum esse picti, non stigmat a habentes, sed pulchri, hoc est coma placentes. Tethys Tethyos Oceani coniux. Nam Thetis mater Achillis habet aspirationem in priori τ, neq; scribitur per ι. Vxor uero Oceani in priori τ non recipit aspirationem, sed in posteriori tantum, et habet ι.

Th' ante O'.

HIS subiungam uoces illas, in quibus ante o' aspiramus τ. Sunt autem Leucothoë, Alcathoë, Cymothoë, Amphithoë, Acathous Thraciæ oppidū. Alcathous Esij filius, cui ob uirtutem Anchises Hippodamiam filiam, quæ inter alias forma præstabat, uxorem dedisse dicitur. Prothous, Prothoon, Arethous, Phaëthon, unde Phaëthonthius, Hippothous, Panthous, unde Panthoides, Pirithous, Methodus doctrina, uia, et ratio. Bartholomæus Hebraicum nomen. Catorthoma rectum officium, et facinus, lithome oppidum, Catholicus uniuersalis, Tithonus, unde Tithonius. Orthographia. Orthoëpia sine diphthongo, recta et suauis uocum expressio. Orthogonius angulus rectus, Arganthonius. Lithotomie lapicidina, ab eo quod est λίθος, id est lapis. Lithostraton, Methone oppidum. Citorus Paphlagoniæ mons buxo abundans, de quo apud Catullum, caret aspiratione. Diphthongus, Python oppidum Phocidis, Bethorium proprium loci, Anthores uiri, Python serpens, Aethon unus e quorum Hectoris, Crethon Orsilochi frater, eodem partu editus. Amithon Philoctetæ patria, habet penultimam produclā. Sithonia pars Macedoniæ ad Athon montem, Athochari Scythiæ populi, Orithos urbs Macedoniæ. Marathon et mōs, et portus, et locus Atticæ, unde Marathonius. Pathos, qui latine affectus dicitur, a recentioribus etiam passio. Phlegethon, unde Phlegethontæus. Mythos fabula, Athos mons, Clotho parca, significat Græce clotho uerbum id quod neo, torqueo, et circumuoluo. Otho Othonis, Sethon nomen proprium, rex idem et Vulcani sacerdos. Melantho nomen proprium, Carithos una ex Cycladibus insulis. Agathocles, et alia quæ fiunt ab Agathos.

Cothon

Cothon proprium, unde patronymicum Cothonides: est & Cothon poculigenus, Græci arbores quasdam uocant Cothonisteria. Menestho, & Pitho nomina puellarum, & uicem filiarum Oceani. Antho filia Amulij regis Albanorum. Gnatho nomen parasiti. Sed ut sæpe dictum est, uetus consuetudo multis è uocibus aspirationem detraxit.

Th' ante V'.

ULTIMVS locus est illarum dictionum quæ habent r' aspiratū ante v', hæ sunt: Arethusa fons. Phaëtusa Solis filia ex Neæra suscepta. Cothurnus, Cothurnatus. Nothus, qui alio nomine dicitur Spurius. Nam pro uento caret aspiratione. Chrysolithus. Corinthus, unde Corinthius. Olynthus oppidum, unde Olynthius. Marathus. Hyacinthus, unde Hyacinthinus. Erymanthus mons, unde Erymanthius, et Erymantheus. Carpathus insula, unde Carpathius. Melanthus, Vithus. Zethus Amphionis frater, nam pro filio Boreæ caret aspiratione. Cynthus, unde Cynthius. Tirynthus. Berecynthus, unde Berecynthius. Sunt tamen qui uelint habere aspirationē pro mōte Deli, pro monte uerò Phrygiæ minime. Cyathus, Parthus, Xanthus equus Hectoris. Xanthus Lyciæ fluuius, de cuius nomine & urbs quondam dicta. Panthus, Aegisthus, Xuthus propria nomina, & Cloanthus. Labyrinthus, à quo labyrinthæus. Fuisse autē dicitur Labyrinthus commune opus duodecim Aegypti regum, quem Dædalus postea imitatus est. In hoc nomine sequitur i post b' non o'. Amathus urbs Cypri, unde Venus Amathusia. Græce hoc nomen Amathus habet diphthongū ou, unde Virgilius longam protulit ultimam syllabam:

Est Amathus, est celsa mihi Paphos, atq; Cythera.

Nam si Græce fuisset Amathos, in us' correptum uerteretur. Ratio igitur diphthongi producit eam syllabam. Qui aspirat Cetegeus, secūtur abusum Ciceroniani tēporis. Calathus à quo et Calathifcus, ut apud Catullū: Vellera uirgati custodibant Calathifci.

Rhadamanthus. Calamenthus herba, quam latine Nepetam dici puto. Tementhus genus stirpis. Terebintus arbor. Cerinthus nomen propriū hominis, et oppidi. Nycithus proprium hominis. Bumasthus genus uicæ. Lapathum herba, & Anchum. Acanthus oppidum Thraciæ, & nomen spine atq; herbe, de qua apud Virgilium:

Et mollis circum est ansas amplexus acantho.

Atque ut aliquantulum uager, repetam historiam non iniucundam. Tradunt uirginem quandam Corinthi decessisse, nutricem uerò eius pocula quibus illa delectata admodum fuerat, collegisse in calathō, delataq; ad



tumulum illic collocasse, et ut diutius sub dio permanerent, tegula etiam texisse. Eum calathum forte super acanthi radicem fuisse collocatum, radicem uero pressam calathi pondere folia cauliculosque profudisse, eosque secundum calathi latera crescentes, ab angulis tegule pressos circumflexisse sese, ac delectabilem speciem uisentibus præbuisse. Tum Callimachum architectum nobilissimum delectatum genere et formæ nouitate, ad id exemplar columnas fecisse, quas posteriores Corinthias appellarint. Quinobrem arbitror Virgilium huius historie memorem dixisse Alcimedontem illum suum ansas poculorum flexibili acantho fuisse complexum. Græce acanthias est cicadæ epitheton, unde Propertius lenam illam acanthidem nominauit, à sermonis tædio, et loquacitate, et aurium offensione. Sed ad nostra redeamus. Tus, ut multi uolunt, latina uox est à tundo dicta: quod si est, aspiratione carebit. Maior tamen et probabilior est illorum opinio, qui à Græco dici uolunt, quod est *θύς*, id est sacrifico, unde *θύσια* sacrificium. Eius arbor est libanotis sine aspiratione. In his uocibus Tuscia et Tuscus quidam nunc aspirant primæ literæ, quod à thure, id est sacrificio ritu Tuscia dicta sit. Non aspirasse autem ueteres, et codices uetusti et monumentorum inscriptiones indicant, quod ego sequendum arbitror: cum Tusciam non à ture, licet ea gens dedita reli glori fuerit, sed à Tusco rege dictam magis censeam, quod et ueteres probant grammatici. Similiter etiam Tusculum nomen oppidi, et Tusculanus aspirationem non exigunt apud nos secundum ueterem consuetudinem, et regulam: quanquam sunt qui nunc aspirent, quos sequendos esse non censeo. Luthum, unde luthus est color purpureus, secundum Græcam deductionem aspirationem exigit: quod si latinum putaueris, ea carebit. Scias tamen à priscis illis etiā è Græcis dictionibus fuisse aspirationem eieclam, ut sepius dixi.

Th' ante L' uel M', uel N', uel R', uel S'.

QVID quod *Θ* in multis dictionibus inuenitur positum ante L' ut in his, Athleta, Achleticus. Mesthles nomen proprium. Pentathlum genus exercitationis, quod alij quinquertium, alij quinquatrium dixerunt. Thrull laferamentum cementarium, quo utuntur ad parietes calce illiniendos, quod thrullisare appellat Vitruuius: est autem Græcū uerbum *θρύλλω*, cui tamen non omnes Græci aspirant. Trulla uas aspiratione caret, sitque à trua per diminutionē. ANTE M' in his: Isthmos mons inter duo positus maria, Isthmicus, Isthmoncus. Isthmica ludi à Theseo in honorem Neptuni instituti. Rhythmus, Rhythmicus. Arithmetica, Arithmeticus. Tmo



lus Lydiæ mons aspiratione caret, cui ad primam syllabam poetæ aliquando adijciunt literam i, ut Quidius:

Deferuere sui nymphæ uincta Tîmoli.

Habet etiam r' aspiratum ante m' Eurythmia, qui est motus corporis aptus, et decens. Itemq; Porthmeus, in qua uoce semiuocalis r' præcedit e', quam semiuocalem multi abijciunt leniendæ uocis gratia. Est autem Porthmeus qui aliquem mercede ad alterû litus nauicula transuehit. Nam Porthmos est mare angustius, id est fretum quod inter duas terras immissum illas dirimit, ut Hellepontus. Vnde Iuuenalis eum quem Maro latine portitorem uocauit, ut

Portitor ille Charon:

Ipse Porthmea Græce appellauit,

+ Tctrumq; notatius horret

Porthmea. —

Est etiam <sup>anteposito</sup> traicio. ANTEN', Ethnicus. Sunt autem Ethnici gentiles, quos Paulus infectatur, dicti ab Ethnos, id est gens. ANTE r', Thryios nomen oppidi, habet t, est ite fluius Elidis. Thriceffa habet ce diphthongû. Erythræ Boeotiæ locus. Erythra urbs, Erythraeus. Erythræbolus urbs, in quam omnes mulieres coniectas concremauit Pheron rex. qui accepto oraculo lauandi oculos urina mulieris uirum suum tantum expertæ, cum uxorem plurimisque fuisset expertus, nihilo magis cernebat: quibus ob hanc causam concrematis, unius deinceps expertus urinam cernendi sibi uim restitutam sensit, eamq; in uxorem duxit. Theuthramides proprium uiri. Aethra mater Thesei et Helena ministra, uxor Atlantis, et pro eo quod ait Virgilius:

— Nec lucidus æthra

Siderea polus. —

Atræus, et Atrides aspiratione carent, quâ habet Mithridates. Othryomeus, qui Cassandram cum sibi etiam indotatam peteret, eâ que spe egregiam in bello operam nauaret, ab Idomeneo occisus dicitur. Et anthropophagi inde dicti, quod humanis carnibus uescerentur. Erythron mare rubrum. Et Othryades. hic cum inter Spartiatis et Argiuos conuicnisset, ut triceni utrinq; delecti de agro quodam inter se decernerent, et utri superiores extitissent, eorû regio foret, unus hic è Spartiatis superfuit, spoliatisq; Argiuorû cadaucris eorû arma ad suorû castra contulit, se que in suo ordine tenuit: cû hi duo, qui ex Argiuis reliqui erant, Argos abiisset, castris suorum relictis. Aiunt tamen Othryadem cum puderet Spartam reuerti ob socios interfectos, illic apud Thyreas (id enim loco nomē erat)

mortem sibi consciuisse, de quo Ovidius in libris Fastorum:

» Nec foret Othryades coniectis meris in armis.

» Heu quantum patriæ sanguinis ille dedit.

Thracia, Thrax, Thracius. Triumphus, quem Græci θριαμϕος, et triumpho uerbum, quamuis triumphus, et triumphator in antiquis epitaphiis sine aspiratione legantur: et Cicero affirmet maiores non aspirasse, quod prisca consonantibus non aspirarent: placet tamen Prisciano aspirationem fuisse detractam literæ τ, et additam literæ ϕ. Nam qui Græce est θριαμϕος, Latine factus est triumphus. Thraso, Thrasonicus, Thrasimenus lacus. Thrasyllus, qui fuit astrologus suo tempore nobilis. huius à Iuvenale fit mentio, ait enim:

» Numeris reuocata Thrasilli.

Thraseas, Thrasymbulus, Thrasymedes Nestoris filius. Multa etiā alia componuntur cum eo, quod est Thrasos. Extat etiam monumentum in quo nomen Trasidius est sine aspiratione scriptum: D. M. TRASIDIO AMARANTHO VLPIA. M. FILIA FELICISS. CONIUGI SANCTISS. Trasia nomen oppidi, caret etiam aspiratione. Threpius nomen proprium, quod inueni in uetere sepulchro: et Dathrepio, pone ad threpium, apud Iuvenalem. Thronus solium. Thranum nomen oppidi, Barathrum, Anthrax. Inueni tamen in ueteri epitaphio nomen proprium Antrax, quod fiat ab antro, aut quod sit detracta aspiratio prisca more, aspirationem non habere. sed prius nomen à medicis nostris receptum est, habetq; aspirationem: significat autem tuberculum, quod sepe fit in locis corporis magis periculosis. id nomē Græcè carbonem significat, unde et medici Anthraces carbunculos appellant. Anabathra, sunt autem Anabathra gradus ad sedendum dispositi, id est, subsellia, è quibus spectatur in ludis. Quem nos articulare morbum, Græci uerò ἀρθρῶν νόσος uocant, ἄρθρον enim articulum dicunt. Teuthras nomen proprium.

ANTE s' ponitur o' in hoc nomine Bethsaida, quod est Iudæum.

IN quibusdam o' habet ante se c' aspiratum, ut in his Erichtho, Erichthonius, Erichtheus, Erichthides, damas Ichthone, Erichthone, Ichthyocolla piscis. In quibusdam o' habet s' sibi præpositum, ut in his, Sthenelus, qui fuit Capanei filius. Sthenelaidas, Sthenoboea Præti uxor. In quibusdam etiam habet ϕ' aspiratum, ut in his, Phthia pars Thessaliæ. Phthius, unde Horatius ait: Phthius Achilles. Phthongus uox, et sonus, et ab eo diphthongus aspiratione de litera ϕ' dempta. Similiter phthirias

sis morbus à pediculis dictus, et Phthifis, quæ Græcè scribuntur per *ε*. Non Græcè *πεῖς* est pediculus, et *πεῖς* corrumpto. At Ptyfis quando describitur per ypsilon, caret aspiratione, et sit à uerbo quod significat spuo. *πτύω* Græcè. Habet duo priora Ph' ante Th', uerum à nostris depta est aspiratio literæ *υ*. Similiter è nomine Neptholim, quod scribitur per *τ* aspiratum, est Iudeum nomen. Desinunt Rhuth, et Seih in *τ* aspiratū.

## De R'.

Ex literis semiuocalibus sola R' apud Græcos aspirationē recipit, quæ propter rationes, quas dixi, propriā apud illos figurā nō habet, ut *ο* et *κ*, sed *α* seā notatur. In dictione autē latīna nunquā utimur R' aspirato, sed in Græcis solum dictionibus, et in barbaris quibusdā, ubi Græcos imitari placuit, ut in nomine Rhoba, quod Hebræū est. Huic literæ Græci familiārissime aspirant, etiā ubi geminatur, ut Tyrrhenus. Maiōres tamen nostri, quoniā superuacua uisā esset eius literæ aspiratio (quippe qui initio, ut Cicero tradit, ea solū in uocalibus uterentur) illā de Græcis dictionibus aut detraxerūt, aut retinuerūt in paucis. Roma enim græca uox est, et robur, ualentiamq; significat: cui licet Græci aspirent, Latini tamē in hoc eos imitari non sunt. Raphanus quoq; Græca uox est, radicemq; significat, habetq; R' aspiratū apud illos. Similiter Regiū urbis nomen, unde Reginus. Quis unquā è nostris aspirauit his uocibus? hodie tamen in plerisq; Græcis ac barbaris Græcū scribendi morem sequimur. Aspiramus quoq; R' ante uocales, tam in primis q̄ in medijs et ultimis syllabis, ut Rhadamāthus iudex inferorū. Rhannusius à loco, unde et Rhannusia fortuna. Rhea Saturni uxor. Rhenus fluuius, qui Gallos à Germanis diuidit, siue Græcū nomen id sit, siue barbarū. Et Rheda, quæ habet diphthongū *ε*. Rhemus frater Romuli, quanquā huic nomini pauci nūc aspirant. Et Rheminius propriū hominis, et Rhesus, et Rhethcius à loco. Fuit enim Rhetū oppidum agri Troiani. Rhetor, Rhetorica, Rhoetus propriū Centauri, et Rhœbus equi, de quo apud Virgiliū. habēt hæc duo nomina diphthongū *ο*. *ῥ* Græcè significat id, quod apud nos fluo. Ab hoc uerbo Reuma, id est, capitis fluxus, ducitur. Cui uoci, licet ea nuper recepta fuerit à medicis nostris, nemo tamē est qui aspiret. Rhinoceros animal, *ῥ* Græcè nasus dicitur, unde id animal nomen duxit. Rhindacus propriū hominis. Rhythmus, habet hæc uox *ι*. Rhodus insula, Rhodius, Rhodope Thraciæ mons, unde Rhodopeius, Rhodanus Galliæ fluuius, Rhombus piscis, Throsolani populi, Pyrrhus, Pyrrha Deucalionis uxor, à quibus humanum genus post diluionē illam iaculo lapidum institutum Poëtæ fungunt. Rhabbi, Rhacca, Rha-

ma, Iudae dictiones habent apud Græcos *Ἰουδαίως*. Apud quos etiam sunt qui hoc seruent. Post geminum *α* daseam habet, Dyrrhachium urbs, quæ prius dicta est Epidamnus, & Cherrhonesus. Ac de aspiratione aspirandisq; dictionibus satis dictum sit.

**H**ABES Marine de aspiratione librum, quem tibi cum compatri nostro communem esse cupio. At tamen si alio in tempore tuæ libentius paruissem uoluntati, tibi tamen hæc multis etiā grammaticæ studiosis profutura petenti, negare qui nam aut potui, aut debui? Cum & magni uiri in scriptitandis his studiosissime uersati fuerint, & grammatica ipsa non solum sit necessaria pueris, sed senes quoq; delectet, ac longe plura præstet, quàm primo fuerit aspectu pollicita. Admirari autem nemo debet, si præcipiendis ijs, quæ ad hanc literaturæ partem pertinent, librum & cum quidem grandem impleuerim: cum & Messala disertissimus orator de literis scribens, librum integrū occupauerit. Et tamen multa tradendis his omissa esse satis scio, non tam negligentia, quàm rerum occupatione plurimarum. Quamobrem uos ipsos, ceterosq; omnes, qui hæc legent, iterum atq; iterum rogo, ea ut addere cura sit: etsi qua minus probantur, illa aut delere, aut mutare. In quo uterque uestrum utetur iudicio & amicorum, & suo, quo liber emendatior prodeat. Nam quanquam detractores ipse fugio, emendatores non fugio.

FINIS.

IOANNIS

dici potest magnifice de uirtute locutus es? Ac per Plutonē oratio ista homi-  
num expreſſit felicitatem, quam parum tamen animo cernentes, cecitate  
ſua in perniciem magis uolentes eunt, quàm coacti trahuntur. Quotus  
enim ex ijs, quos innumerabileis quotidie tranſucho, non ſeipſum incu-  
ſat? non ſtultitiam, quanquam ſerò, queritur ſuam? Quo magis optimi ho-  
ſpites ueſtrū utriq; gratulor, qui & in agendo, et in perſpiciendo ueritatē  
hic ſecuti, atq; adepti fueritis, ut quàm à uulgi ignorantia longiſſime reſeſ-  
ſiſtis, tam ad felicitatem proxime acceſſiſſe uideamini. Sed iam ut uidetis  
curſum hunc conſecimus, & me traijciendis alijs opus eſt regredi, uos ut  
deſcendatis. Ite igitur felices, & quo animo uitam traduxiſtis, mortem  
etiam ſeratis, per quam iam eſtis immortalitatis uiam ingreſſi. Tu uerò ſa-  
pientiſſime Mercuri gregem hunc coge, & ubi uidebitur ad iudices pro-  
pera. MER. Ego uerò propcro, uos ſequimini.

## GREX VMBRARVM NOCENTIVM.

Pergamus miſeros uiſere manes.  
Flendo in lucis prodimus auras.  
Flendo tranſigimus tempora uitæ,  
Tristem flendo nauimus anmem.  
Et quod reſtat iter, hoc quoq; flendo  
Infelices conſciamus.  
Mimois miſeris ora ſerenda,  
Et formidata Aeacus umbra,  
Spectandusq; truci cum Rhadamanto.  
Nos latranti Cerberus ore,  
Nos & multiplici gutture ſerpens,  
Paſcetq; atro trux leo riſlu.

## GREX VMBRARVM INNOCENTIVM.

Nos Fauoni lenis aura,  
Et uirenti prata flore,  
Nos beatis rura campis,  
Perpetuiq; manent tempora ueris.  
Mella nobis ſponte manent,  
Vina largo fonte ſudent,  
Ac liquenti lacte riui,  
Grataq; decutiant baſamarami.

FINIS.

mis ac maxime grauibz morbis curandis uersatus sit ipse diutius. Militēs ab assuetudine perpetiendorum laborum exanclatisq; periculis laudari: nullos deniq; artifices claros euadere, praeterquam quos assiduus labor, longaq; exercitatio docuisset. Optimo itaq; et fortissimo cuiq; labores ac molestias offerri à Deo, eamq; ueluti materiam praebere in qua sese exerceat, cum excellentia hominum ceterorum. Tum Imperatores ipsi quos praecipue ament, et quorum uirtus est prospectior, ijs grauissima et periculosissima quaeq; demandent. Atq; hanc quidem ipsam, non quae praedam quaeritaret, maxime illustrē militiā esse. Et uero ignaui esse, imbecilli, defidis, odisse labores, fugitare molestias, uelleq; in ocio, ac sub umbra marcescere. Sed cum Antonio optime iam actum fuerit, ad te hospes potius reuertar. Haec, inquam, illa est porticus in qua sedere solebat ille senum omnium festiuissimus. Conueniebant autem docti uiui, nobilesq; item homines sanè multi. Ipse quod in proximo habitaret, primus hic conspici, interim dū Senatus, ut ipse usurpabat, cogeretur, aut iocans cū praetereuntibus, aut secum aliquid succinens, quo animū oblectaret. Vt nuper paucos ante quam morbo aggrauaretur dies recitare eum memini, cum ego adessem unā, et Herrius iste Pudericus, quem hic uides. Est autem carmen quo uti oppidatim dicebat Apulos, ad sanandum rabidae canis morsum, insonnes enim nouies sabbato lustrare oppidum Vithum, nescio quem è diuorum numero implorantes: idq; tribus sabbatis noctu cum peregissent, tolli rabiem omnem, uenenumq; extingui. quod carmen quia memoria teneo, referam illud si placet. HOS. Atqui pergratum mihi feceris. COM. Alme Vithe pellicane, oram qui tenes Apulam, litusq; polignanicum, qui morsus rabidos leuas, irasq; canum mitigas, tu sancte rabiem asperam, ritusq; canis luridos, tu saeuam prohibe luem. I procul hinc rabies, procul hinc furor omnis abesto.

HOS. Sanè luculentum carmen, et perquam facilem Apulis ipsis Deum. COM. Felicissimos omnium eos mortaliū dictitare solebat Antonius. HOS. Qui regionem incolerent tam intemperatam? COM. Etenim ceteros quidem homines cum nulli non stulti essent, uix stultitiae suae ullam satis honestā asferre causam posse, Apulos uero solos paratissimam habere insaniae excusandae rationem. Araneum illum scilicet, quam Tarantulā nominant, è cuius ammorso insaniāt homines, idq; esse quam felicissimū: quod ubi quis uellet, insaniae quem suae fructum cuperet, etiam honeste caperet. Esse autem multiplicis ueneni araneos, atq; in ijs etiam qui ad libidinem commouerent, eosq; concubitarios uocari, ab hoc araneo ammorderi quam sepiissime solere mulieres, licetq; tum illas, fasq; esse li

Equidem & te syderum progressionem obseruasse reor, quando astrologorum est has clades prædicere. PER. Certiora affcro. Maxima in singulis non modò oppidis, sed penè domibus uis est gallorum septennium: eos satis compertum est anno septimo parere, enasciq; basiliscos serpentes, quorum obtutu homines infelici pereant. Quod nisi à rege probè prospectum fuerit, actum est de regni Neapolitani populis. Opus autem esse, ut singulis in oppidis, singuli deligantur cauti & solertes uiri, qui hæc mala gallorum ce de procurèt, uideantq; ne quid respub. detrimenti capiat. Ego hac de causa, atq; ut reipub. prosim meæ, ad regē eo, uos ualete. COM. Abi bone ciuis, deq; patria benemcite. Dij boni, quàm multiplex est hominū stultitia? quàm inanes cogitationes? quid uanitatis in uita? quanta inanissimarum etiam rerum sollicitudo? An est hospes quod irridere hoc homine magis possis? si ridenda quàm miserāda potius stultitia est nostra. HOS. Quid obsecro ad hæc Antonius? COM. Fabellam hic aliquam subtexuisset, qua declarare amplius posset hominū leuitatem. Calletiam olim mulierculam uictum queritasse Caietæ. Hanc cætera uitæ munera obijisse satis laboriose atq; industrie. Cum autem Alphonfus rex Caietæ diuersaretur aliquando, uideretq; Calletiam, tum uiros, tum matronas, omnes deniq; id agere, quo maximè modo regem honorificentissime exciperet, eā pannis supra pudenda conuolutis, proficiscentem ad rem diuinam regem, & præcedere in pompa nudato femore, & recedentem in regiam eodem habitu reducere solitam, nullisq; abduci potuisse rationibus, quin hoc honoris genere (sic enim dicebat) regem prosequeretur. Quocirca explicandis fabellis Antonius uel improbare quippiā solebat, uel laudare. HOS. Bellissimum hominem. Sed præconem hunc audiamus, qui tantā sibi facit in populo audientiam. Regium uidelicet edictum. nunquam uidi turgidiores buccas. Puto ego hominem fermento uesci. quos clamores dij boni? PRÆCO: LICERE, FASQVE ESSE IOVIANVM PONTANVM, QVI HABITAT IN PROXIMO, TV TO EGREDI DOMO, TV TO PER VRBEM INCEDERE, TV TO ETIAM DE REBUS LATINIS LATINVM HOMINEM DISSERBRE, ISTOS VERO GRAECISSANTEIS HOMINES, ATQVE ITALOGRÆCOS, NIHIL EI MALEDICERE, NIHIL INCESSERE, NON OCVLIS, NON BARBA, NON SUPERCILIIIS, NON DENIQVE VLLA GRÆCA ARTE ILLVDERE. HOC REGEM IPSVM EDICERE. SI QVIS SECVS FECERIT, BARBAM EI EVELLERE IMPVNE LICERE, PILLEVM AVERRE,

CREPIDVLAS ERIPERE. QVOD EDICTVM SANCTVM ES  
SE OMNES SCIUNTO, IDQVE TVBA HAC TESTOR.

HOS. Quid obsecro? Iouiano huic Græci ne tam sunt infesti? COM.  
Quin ipse Græcorum est studiosissimus, eorumq; ueneratur disciplinas,  
ac sufficit ingenia, nec est quod Græcos timeat. Esse autē nostratris quos-  
dam adolescentes, eosq; nuper ē Græcia rediisse: qui cum nec Græcē sciāt,  
nec Latine, esse tamen gloriosissimos, quibus si barbam, pilleolumq; ade-  
meris, nihil omnino Græcum habeant. Eos ait & Græcæ, & Latine ora-  
tionis inculcatores esse, ubi cum Græcis fuerint, musitare, cū Latinis au-  
tem mirum esse quā Græcē omnia: hinc illos irasci & penē furere, ho-  
rum timeri audaciā, ceruicesq; insolentissimas. HOS. Quid ipse didi-  
cit ne Græcas literas? COM. Eas adolescens attigit, sed in Italia: nam  
in Græcia magis nūc Turcaicum discas, quā Græcum. Quicquid enim  
doctorum habent Græcæ disciplinæ, in Italia nobiscum uiclitat. HOS.  
Satis hæc noui. Sed obseruemus pilleatulum hūc. COM. Recte mones.  
HOS. Quidnam is succinit? at uide quā sibi placet, atque utinam præ-  
teriens salutaret. PER.

ἄλλος μὴ ὄψωρ.

Quid sibi hæc uolunt uerba? COM. Rem optimam ait esse aquam.

HOS. An hic nos accusat ut parum sobrios? ego tam insignem iniuriam  
non feram. COM. Parce hospes, Pindarica est sententia, etiam ab Ari-  
stotele laudata. PER.

- ὁ δ'

ἄλλος δὲ αὐτὸ μὲν πρῶτον

ἔτι δὲ διακρίνει τὸν

ἄλλο μὲν αὐτὸν ὅτι φαίνομεν.

HOS. An pergit maledicere? COM. Desine cōmoueri, aurum laudat.

HOS. Heus tu græcanice homo, quid malam in rem non te hinc prori-  
pis? Iudæis aurū & foeneratoribus laudato. COM. Iram ponito, abiit.  
Hos uentris crepitibus similes dicebat Antonius, nares tantum offendere,  
cætera uentum esse, siquidem uentosos esse ac putidos. Sed quando suffar-  
cinatulus iste iam abiit, nos ab Antoniana consuetudine aut quærendi ali-  
quid, aut dicendi ne recedamus. Et iandudum uideo Herrium hunc di-  
cere aliquid uelle. Quamobrem dicentem audiamus.

HERRICVS PVDERICVS, ADOLESCENS,

SENEX, HOSPES.



Monuere me qui nuper præterire adolescentuli Neapolita-  
ne nobilitatis, quæ propē iam interiit. Etenim cum conside-  
ro iuuentutem nostram præter maiorum instituta domi ac sub  
porticibus



porticibus desiderare: eos uerò, qui rempub. administrant, publicorum obli-  
tos morum, nihil nisi suas tantum res agere, atq; in priuatū consulere: non  
possum non deplorare nostræ nobilitatis interitum. Dij boni, Ladislao re-  
ge, quæ nostrorū ciuium domi, forisq; erat industria? quam honesta de o-  
mni uirtute contentio? Certamen erat, domi ne senes æquitate atq; consi-  
lio, an foris iuuentus fortitudine ac fide maiore rempub. gererent. Itaque  
uideres seniores præsidere prouincijs, moderari populos, iuuenes in ma-  
ximis rebus, ac periculis regi adesse, certare qui fortiozem nauare posset  
operam. Adolescentulos mirum in modum à primis annis meditari pa-  
trium decus, æquitando, iaculando, semper aliquid agendo, quo ipsorū ap-  
parere posset industria. Nunc placet ocium atq; mollires: sequimur scor-  
ta, desideramus in ganeis, alca in manib. est, atq; fritillus, turpissima quæq;  
habentur in pretio. Contentio est, cuius uxor, soror, filia pluris ueneat,  
nullumq; inter ignauos, fortesq; discriminē, nisi quod fortitudo odio est atq;  
contemptui, ignauissimus quisq; maximè carus, acceptusq; multitudini.  
Iura, pietas, decus, demum omnia uenalia. Sed me ipsum compeſcam, reuer-  
tarq; ad Antonium, atq; hunc qui præterit potius adolescentem percutia-  
bo. Amabo unde tantum hilaritudinis tecum affers bone adolescens?

ADOL. Meo ab antistite. HER. Obsecro nisi præproperas, hilaritudi-  
nis tantæ nobis rationem explica. ADOL. Laborabat ex intestini ple-  
nioris morbo meus antistes, de cuius salute medici cum desperassent, unus  
Panuntius archiater, solam hanc salutis reliquam spem docuit, si disſo-  
luto intestino animam inclusam expederet. Eum igitur, cum diem totum deos  
orans cōtriuisset, nec aliquid exploderet, reuersus Panuntius monuit uti  
corporis salute desperata, pro animæ salute deos fatigaret. Tū ille in deos  
deasq; conuersus, integram ferè noctem in gemitu lamentationibusq; exe-  
git, dum peccatorum condonationem, ac uitæ cœlestis tranquillitatem  
cœlites ipsos orat. Aderat familiaris ingenio non adeò superstitioso, qui  
antistitis questus, precesq; non satis æquo ferens animo: Ecquæ nam tan-  
dem, inquit, pater dementia ista est, putare Deos, cœli tibi particulam do-  
naturos, qui ne leuissimi quidem pediti liberales esse uoluerint? hac urba-  
nitate captus antistes, cum in risum solueretur, intestinum exoluit: quo  
de risu in crepitum exoluto, statim morbo liberatus est. Hæc letitiæ meæ  
causa, hæc uoluptas est, qui herum saluum factum tantopere gaudeam. Is  
igitur post aliquot dies cōfirmatis ac refectis uiribus, cum ludere quantu-  
lum cupiat, Frontonillam arceſsit, quā intellexit non multos ante dies fa-  
cere quæstū coepisse: me qui scortillum noſſem, rogatū mittit, uti cū lauerit  
leueritq; ad coenam eat. Dixi quæ cupiebatis, ab eo, nos ualete. HER. O

secula, ô mores. fuit fuit olim in sacerdotibus christianis continentia et castitas, dum innocentia in honore, dum paupertas in pretio fuit. Nunc (prò pudor) quæ non sentina mundior sacerdotio est? Ecce autem qui leuare dolorem hunc queas, senex præterit, octogenarius, cantitans, amore infans. è media scilicet Valentia delatū hoc est. Audiamus si placet? SEN.

Ne rugas Mariana meas, neu despice canos.

De sene nam iuuenem diareferre potes.

HER. Bellissimum senem. Videtis quàm blande salutat fenestellas? quàm largæ etiam manu rosam spargit? quid hoc sene delirius? SEN.

Digna Iouis thalamis ô et Ioue digna marito,

Quid mirū si me cādida nymp̃ha fugis? HER. Etiā lacrimatur. SEN.

Delitiæ Mariana meæ si digeri annos,

Iupiter hac fiet iam ratione senex.

HER. Lepidissimam argumentationem. SEN.

Et cani flores, orientia sydera cana,

Canāq; quæ torquet spicula blandus amor.

HER. Canitiem sanè iuuenilem, sed compellemus hominem. Amantissime adolescens, per eū quem colis amorem, perq; uiridem, atq; florentem ætatem tuam, eamq; quam deperis uirginem rogatus, et nos de anoribus sollicitos nostris adi atq; alloquere. Equidem uel ex te uno iudicari planè potest, recte sensisse illos, qui Venerem elegantiarum deam fecere. quid enim te qui in Veneris contubernio uiuis, elegantius? Age amabo quàm tibi cum amoribus tuis blande? quàm è sententia? SEN. Suauissime, quippe cū decreuerim quæcumq; in amore hoc mihi accidant, iucundā in partem accipere: irascitur, auersatur, contemnit, fugit, ad uoluptatem refrō: grauissimeq; obiurgandos censeo, qui regnum amoris accusant, bellissimi pueri, lenissimi heri, indulgentissimi dei. hic munditias, nitorem, ornatū, lepōrem, comptum, ludos, iocum, carmen, elegantiam, delitias, omnem deniq; uitæ suauitatem inuenit. Me qui senex sum, ætatis huius molestiarum oblitum, non tantum non inuitum, sed uolentem quoque ad suauissima quæque secum trahit. Sequor conuiuia, cantus, hymenæos, choreas, pompas, festos dies, theatra. Sed iam asserenascit. illam ego ad fenestram uideo, quæ me immortalium uitam agere inter mortales facit. ô fulgentissimum iubar, ac rerum specimen. HER. O inane, et lubricum caput. Ne autem delirantem hunc senem hospes mirere, ciuitas nostra tota delirium est. ut inanē, non tam uere, urbem hanc solam liberam esse usurpasset Antonius, in qua una cuiq; quod libitum esset liceret. Sed comprimenda est oratio. Euphorbia transit. Assurgamus mulieri, atque offam hanc

Cerberō.

Cerbero obijcimus. Et iam præterijt, abiit: bene habet, salua sunt omnia. Memor es hospes belluæ illius quam dux Pœnorum Annibal uidit in somnis, siluas, agros, uillas, oppida, quaq; incederet cuncta uastantem? Hæc illa est bellua, nequaquam tamen ut illa somnium, sed historia, et uera quidem bellua. Ciues quidem cæteri, aut horologium, aut galli cantum secuti, è somno cubilibusq; excitantur. at uiciniam nostram Euphorbiæ clamores ne uidere quidem somnum noctibus patiuntur, quasi dies agere quietos ualeamus. Clamat, inclamat, frendit, dentitonat, hinnit, fremit, rixatur, furit: uerus, pelues, patinas iaculatur, titionatur, cædelabatur: nouis enim uocibus nouus belluæ huius furor exprimendus est, atq; utinã exprimi placere posset. ancillas alias delibat sustibus, alias mutilat gladio, has unguibus excæcat, illas pugnis exossat. quid multis opus est? pestis quidem ipsa, Euphorbia pestilentior non est. Ferunt Germanos olim prædicare solitos, se à Dite patre ortos. Ego uel deicere ausim, treis illas furiarum, heredium quoq; ipsum Euphorbia prognatos esse. hos. Dij talem pestem auertite. Quid obsecro de hac Antonius? HER. Optime consultum iri Romano Pontifici, si Euphorbia hæc in summo alpium iugo constitueretur: cuius uociferationibus, momẽto codẽ Germaniæ, Galliæ, Britaniæ, ad concilium arce siri possent, orbis enim terrarum campanam Euphorbiæ esse. hos. O salsum atq; urbanũ hominem. Sed qui nam hi sunt quos composito admodũ gradu, uultuq; adeo graui, concedentes ad nos uideo? HER. Iunior ille Elisius Gallutius, suauis uir ingenio, Andreas alter Contrarius, facundus, ac præstans rhetor, grauissimi uterq; uiri, nostroq; ex ordine, quibus aduenientibus de more collegij huius assurgendum est.

ANDREAS CONTRARIVS, COMPATER

HERRICVS, ELISIVS.



Alutem uobis multam, atque opulentam dicunt Elisij Camenæ. COM. At nos et Elisium aures, et Andream opulenter saluum esse iubemus: neq; enim grammaticos adeo ueremur, ut opulentiam cum salute coniungere timeamus. AN. O minime superstitiosum hominem.

Sed ut hoc facilius cõdonetur à nobis tibi, tamẽn in grammaticorũ iram incidas etiam atq; uide. COM. An oblitus es Antonij? catellorum (hoc enim uerbo utebatur) eos persimileis dicẽteis, qdẽ ofibus, deq; frustillis, ac miculis, si quæ forte sub mensam decidunt, rixentur. Odi ego cimiũ genus, stomachorq; agrestem acerbitatẽ, ac putidas inscëlaciones. Sed amabo quinã inter uos sermones erãt? AN. Hoc ipsum agebamus, aut potius indignabamur, ab rabiosa eorũ garrulitate tuti nihil esse, siue uersiculum

Cora grima

edideris, siue epistolam scripseris, quorum ipsorum scriptis oculum si ad-  
 moris, nihil inertius, nihil inconcinnius, nihil oscitatus uideas, quippe cū  
 nihil supra grammaticum habeant. Et tamen operæpretium est uidere, ne  
 glecto, aut potius abiecto Cicerone, quantum præ se ferant dicendi artem  
 atq; scientiam. Inuasere rhetorum materiam, quorum etiam agros depopu-  
 lati, quod uideant acutiora quædam, ut ipsi putant, à Quintiliano tra-  
 di, in Cicronem sublatis signis, agmineq; instructo procedunt: nec intelli-  
 gunt Cicronem sic à Quintiliano laudari, ut hūc suspiciendum, hūc imi-  
 tandum esse moneat, dono quodam providentiæ genitū, in quem totas uir-  
 tutes suas eloquentiæ experiretur. Id deniq; non immerito cōsecutus, ut  
 Cicero iam nō hominis nomen, sed eloquentiæ habeatur. Quod si loqui ue-  
 ra uolumus, illa uel summa Quintiliani laus est, quod diuinæ Ciceronis  
 eloquentiæ diligentissimus obseruator atq; inspector fuerit. Quid enim  
 quamuis acute ab eo in dicendi arte præcipitur, quod non ē Ciceronis fon-  
 te haustum sit? quid tam rarum, aut sepositum ostenditur, quod non Cice-  
 ronis orationū exemplis testimonijsq; doceamur, illum orantem egisse,  
 quæ post à Quintiliano, rhetoribusq; alijs cōsiderata, atq; animaduersa  
 scriptis obseruanda tradantur? Arguitur Ciceronis de oratoris fine senten-  
 tia, quod non sit dicere appositè ad persuasionem, sed sit solum benedicere  
 oratoris finis: nec uident acutissimi homines duplicem in oratore finē con-  
 siderandum esse, quod Boëtius quidem uidit, si non tam acutus grammati-  
 cus, at certe rerum naturæ peritissimus, ac definiendi magnus artifex. Ait  
 enim, quod inter dialecticā atq; rhetoricam interest, id in materia nō cer-  
 ni, quippe cum utraq; thesim atq; hypothestim subiectā habeat, sed in usu,  
 cum altera interrogatione, altera perpetua oratione utatur, ac dialectica  
 integris syllogismis, rhetorica enihymematibus gaudeat. Itē in fine, quod  
 dialectica quæ uult, extorquere ab aduersario conatur, rhetorica iudici  
 persuadere. Siquidem dialecticus dialecticum tantum habet aduersum se  
 constitutum, orator uerò habet etiam iudicem, qui inter se atq; aduersa-  
 rium sententiam ferat. Quocirca oratoris finem duplici ratione conside-  
 randum esse censet, alterum quidem in oratore ipso, in iudice uerò alterū.  
 In ipso quidem benedicere, quod quid est aliud, quàm dicere appositè ad  
 persuasionem? In iudice uerò persuadere, neq; enim si qua impediunt ora-  
 torem quominus persuadeat, dum officium suū fecerit, idcirco finem con-  
 secutus non est: siquidem qui officio suo cognatus est finis, eum facto offi-  
 cio consequitur: ac tamen si cum qui extra positus est, finem non semper at-  
 tingit, sine tamen suo contentus esse potest, sentiens artem ipsam, qui suus  
 est fine non fraudari. Etenim medici opera cum in sanitatem intentā sit,

Impera-

Imperatoris in uictoriam, licet neuter finem qui extra constitutus est, non nunquam adipiscatur, uterq; tamen suum assequitur, si alter agrotum recte curauerit, alter exercitum, ac rem bellicam bene administrauerit. Duplex igitur oratoris finis est, bene dicere, ac persuadere, quod utrūq; Cicero cōplexus est: & cum ait, oratoris officium esse, dicere appositē ad persuasionem: nam qui appositē dicit, bene quidem dicit, id quod Quintilianī sententiæ conuenit, iudicantis rhetoricæ finem ac summum esse benedicere. Et cum post subdit, oratoris finem esse, persuadere dictione, quia oratoris dictio apud iudicem est, completitur qui sit pro suscepta causa benedicendi finis. Quod si orator dicendo persuadet, neq; enim temere à Cicero dictum est, persuadere dictione, nec Quintiliano, nec oblatratoribus his dicere opus est, quod pecunia etiam persuadet, quod forma, quod alia etiam multa: nam nec pecunia dicendo persuadet, nec forma, trahit enim animos hominum pecunia rerum utilium cupiditate ac gratia, forma uoluptatis. Ostendere autem cicatrices inde susceptū est, quod insitus est homini naturaliter misericordiæ affectus, qui tum uidendo, tum audiendo mouetur, idq; consilij prudentiæq; est agere. Quo orator cum uititur, non quidem dicendo, sed agendo persuadere conatur. Licet huiusmodi actiones oratoris propriæ sint, unde agere dicitur, quibus etiā uerba, gestūq; idoneum accommodat. Et cicatricum quidem ostentatio non multum habitura est uirium si oratio defuerit, quæ lacrimas ac misericordiam excitet. Nā autoritas, dignitas, aspectus, si mutus fuerit, quomodo persuadeat, aut quid persuadeat? quod uerò ad meritorum recordationem attinet, an parum tibi loqui merita ipsa uidentur? quæ beneficiorum in reipub. quæ rerum fortiter gestarum memoriam reuocent, quæ gratitudinis admo-  
neant? Etenim eorum qui diem obicre, siue amici, siue inimici fuerint, cum recordatio nos subit, quod ab ijs recte aut male facta, quæ in mentem ueniunt loquendi uim quādam habeant, uel excitatur in nobis desiderium, uel odiū renouatur. Quocirca loquuntur hæc quodāmodo per se, ac nihilominus ut iudices, ut auditores moueant, dicente indigent, qui quo fuerit eloquentior, eo magis commouebit. Ac mihi quidem uidetur Cicero, tum addendo appositē ad persuasionē, tum dicendo persuadere dictione, auertisse à se id quod Quintilianus, pace eius dixerim, non modò non auertit, sed ne uidit quidem. Si quis enim, quod declamatores faciunt, nullo dato iudice causam domi fingat, & utriusque, id est, suas, & aduersarij partes agat, hinc accusando, illinc defendendo, huius nimirum erit finis tantum benedicere. Quid enim aliud in causa domi composita, nullo uerò aduersario, nullo iudice quæretur nisi solū benedicere? Quo fit, ut in causa ficta

idem sit finis, qui est in uera, benedicere: neq; inter fingere, & apud iudicem uere agere aliquid intererit. quo quid magis absurdum? Hoc uidens Cicero declamatorem sic ab oratore sciunxit, ut quod unum intererat, id officium ac finem oratoris ostendēdo exciperet, cauillumq; auerteret. Inter officium autem & finem parum interesse Cicero ipse ostendit, cum docet in officio quid fieri, in fine quid officio conueniat considerari. Videtis quā planē per officium expresse finem, qui in oratore consideratur? cum quid fieri conueniat, ait. Porro quid facere oratorem cōuenit, aut quæ eius officij partes sunt, nisi benedicere? quod quibus artibus, & quæ faciendo assequi possit, ipse iam tenet: per finem uero ostenderit, id quod benedicēdo quæritur, persuadere. Nam cum ipse hominū actiones ob finem aliquem suscipiantur, ac finis alius alium respectare uideatur, finis ille quem in oratore ipso constitutum diximus, hoc est benedicere, in alium illum finem intendit, qui extra positus est: sicuti recte curandi finis ægroti sanitatem, ac rei bellicæ bene administrandæ de hoste uictoriam respicit, ab illis enim ad has est uia. Etenim cum finis in rebus humanis sit, ut opinor, ad quem cuncta referantur, & cuius gratia fiunt cætera omnia, nimirum ut sit finis oratoris benedicere, benedicendi ipsius finis est persuadere. Itaque si oratorem considerare uolumus ut dicentem tantum, finis eius erit benedicere: si ut agentem in foro, ac iudicis animū quibus potest artibus in sententiam suam atq; in causam, quam agendam suscepit trahere contendentem, Ciceronis de fine sententia erit absoluta, Quintiliani uero manca, atq; imperfecta. Non considerari autem forum, forensisq; actionis finē ab eo, qui dicit oratoris finem esse benedicere, quamuis paucis, manifestò tamen ostendemus. Quintiliani ipsius cum de rhetoricæ nomine latine interpretando loquitur, uerba hæc sunt. Nam oratoria sic efferetur ut elocutoria, oratrix ut elocutrix. Illa autem de qua loquimur rhetorice talis est, qualis eloquentia. Igitur si rhetorica eloquentia est, & orator erit eloquens. Eloqui autem aliud non est, quā benedicere: qui enim eloquitur, benedicit: & eloquentia erit benedicēdi siue facultas, siue ars, siue scientia. Quare dicere oratoris finē esse benedicere, eius est qui nec susceptæ in foro dictionis finem considerat: ut si quis oratoris finē dixerit, bene arare, cum bene arandi finis sit serere. Nec clientem respicit, non secus ac si quis dixerit medici finem esse, bene curare: quæ de finitio ægroti ipsius, qui medicum sibi adhibuit, nullam uidetur habere rationē. At qui dicit oratoris finem esse, dicere appositè ad persuasionem, & eius qui dicit, & eius pro quo dictio suscepta est, rationem cōplectitur. Quæ finitio perfecta quidem est, cū & officiū eius qui dictionem suscepit ostendat,

dit, & causam, id est finem, cur officium susceptum sit, declaret. Quatamen in re pertinaciores non erimus, ut qui onus hoc defendendi Ciceronis aduersus Quintilianum non suscepimus: quippe qui non oblatrandos, sed querendo modestissime oratoris finem inuestigare nititur, quæ quodam in loco dicentem audiamus. Nam illud genus ostentationi compositum, solam petit audientium uoluptatem, idcoq; omnes dicendi artes aperit, oratumq; orationis exponit: ut qui non inuidetur, nec ad uictoriam, sed ad solum finem laudis & gloriæ tendat. Quare quicquid erit sententijs popularæ, uerbis nitidum, figuris iucundum, tralationibus magnificum, compositione elaboratum, uelut insitor quidam eloquentiæ intuendum, et penè pertractandum dabit: nam euentus ad ipsum, non ad causam refertur. At ubi res agitur, & uera dimicatio est, ultimus sit famæ locus. Videtis ut his uerbis uictoriam queri, nō benedicendi laudem, & gloriam ostendit? Sentitis quid dicat, cum euentum non ad ipsum, sed ad causam referri dicat? Et quod hoc fortasse minus apertum esset, subdit: ubi res agitur, & dimicatio uera est, ultimus sit famæ locus. docens in uictoriâ totis uiribus incumbendum, quæ quidem nisi persuaso iudice, ac benedicendi arte, uiribusq; eloquentiæ expugnato comparari nequeat. Verum aduersus grammaticos, istos inquam grammaticos hæc dicenda suscepimus, quorum dentibus ut nihil mordacius, sic morsibus uenenosius nihil est: errasseq; nō parum uideri potest Antonius, qui catellorum eos persimileis, ac non canes, immo rabidas canes, aut uenenosos potius aspidēs diceret. Operæpretium est etiā uidere quibus latratibus, quoq; impetu in Ciceronianâ statum definitionem ferantur. Sed nolo uobis, hospiti præsertim huic, esse molestior. COM. Et hospiti huic, & ceteris qui assunt, rem gratissimam feceris, quod declarare nostrum omnium tibi abunde perspectum in Ciceronis studium potest, & hospitis tanta in te audiendo attentio. Sed de Antonio aliter tibi persuadeas uelim. Narrare enim solbat, grammaticorum rationem nullam esse prætoribus, quippe qui furentium in numero haberentur. Cuiq; furoris atq; amentię genera licet diuersa, comprehensa tamen à Phisicis essent, solam grammaticorum uesaniam non modò incomprehensam, uerum etiam incomprehensibilem esse, quam nouo quodam ficto nomine Labirynthplexiam uocabat. Referebat enim Sibyllam nutricem suam quoties grammatico cuidam, qui per id tempus Panhormi docebat, obuiam fieret: carminibus, quo Siculi aduersum canes rabidas uterentur. Solæ etiam grammaticorum animas post mortem non expurgari, quodq; infernus eas expiandas non caperet, statim redire in corpora, ac propere coningere, ut indies, atq; in secula grammatici dementiores essent, Pla-

*grammaticorum  
uesania*



tonemq; hoc ipsum latuisse, item Virgilium, Dantemq; qui de rebus infer-  
 nis ultimus scripsit. Hæc habui, quæ pro Antonio excusando dicerem. Tu  
 perge Andrea, et Ciceroniani status defensionem aduersus Antonianos  
 catellos, uel tuas potius aspides aggredere. AN. Faciam eo libentius,  
 quod Herricum nostrum uideo ex oratione hac, quæ aduersum gramma-  
 ticos habita est, mirificam uoluptatem cepisse. HER. Dici uix potest  
 quam me sermo iste delectet, præsertim cum in memoriam ueniat, inter  
 duos olim grammaticos gladijs actam rem esse, dum alter alteri uitio da-  
 ret, quod uerbo impleo generandi casum adiunxisset, ac neuter memor es-  
 set Lulij, hoc ipso casu utentis libro quarto: Ne ita omnia Tribuni potesta-  
 tis sue implerent, ut nullum publicum consilium sincerent esse. Item quin-  
 to libro: Ipse multitudinem quoq; quæ semper firmè regenti est similis,  
 religionis iuste impleuit. Sexto etiam casu utitur, cum ait: Carcerem im-  
 pleueritis principibus. Adeo promiscue ueteres uerbū hoc et secundo, et  
 sexto casui iunxere, quod docti illi, et acuti grammatici dum ignorant,  
 dum alter alterius sinum atq; os despuuit, res ad gladios uenit, tandemq; à  
 grammaticis ad chirurgos. Sed quæ mihi multa generis huius in mentem  
 ueniunt, referre desinā, ne tibi sim impedimento: quare quod cepisti, per-  
 ge exequi, ac uoluptate hac nos exple. AN. Primo loco Ciceronem ui-  
 deamus. Constitutio est prima conflictio causarum ex depulsione inten-  
 tionis profecta, hoc modo fecisti, non feci, aut iure feci. Deinde Quintilia  
 nisi status quis sit, ex ipsius uerbis intelligamus. Statum quidam dixerunt  
 primam causarum conflictionem, quos recte sensisse parum elocutos pu-  
 to. Non enim est status prima conflictio, fecisti, non feci, sed quod ex pri-  
 ma conflictione nascitur. Et paulò post: Si enim dicat quis, sonus est duorum  
 inter se corporum conflictio, erret opinor: non enim sonus est conflictio,  
 sed ex conflictione. Hæc uterq; de status constitutionisq; definitione. Nos  
 quid definitio ipsa sit, primum uideamus: quæ, ut doctissimis uiris placet,  
 oratio est explicans quid sit id, de quo est questio. Quocirca propriū de-  
 finitionis esse uidetur explicare, hoc est, distīcte atq; expresse demonstra-  
 re rei quæ definitur, substantiam, seu quid illud ipsum de quo queritur sit.  
 Hoc enim intellecto, ipsa res ut intelligatur oportet. Siquidem id quod an-  
 te definitionem erat, ut ita dixerim, confusum et complicatum, ubi defini-  
 tio accessit, distīctum atq; explicatum cernitur. Etenim cum hoc ipsum  
 nomen homo, parum expresse quid homo ipse sit indicet, ubi dixeris ho-  
 minem esse animal rationale mortale: quod erat inuolutum, nec satis pa-  
 tebat, fit expressum et clarum, ipsaq; substantiæ explicatio fit, quoties ge-  
 nus quo quid continetur, et species illæ, quæ differentiæ uocantur, defini-  
 tionem



tionem ipsam abunde simul constituunt, qua hunc in modum constituta, quæ cōfusa erāt, diffusius tractata cernuntur. Ex quibus efficitur, ut genere, differentijsq; monstratis, substantia ipsa appareat. His sic explicatis, uideamus harum utra definitionum, rem quæ definitur, melius clarijsq; ostendat, cum uideamus de re ipsa quæstionem non esse. Siquidem Quintilianus ipse, qui hac definitione usi essent, recte quidem sensisse, parum tamen elucos putat. Ciceroniana, ni fallor, definitio, quod genus et differentias explicat, substantiam profecto ipsam explicat. Nam Cōflictio generis locum obtinet, omnis enim status cōflictio est, non contrā: siquidem non soli oratores cōfligunt, perinde ut non solus homo est animal, sed athletæ, sed milites, sed exercitus etiam cōfligunt. Prima uerò cum dicitur, species ac differentia indicatur. Siquidem plures quæstionum status esse eadem in causa possunt, quod ipse quoq; Quintilianus ostendit. Prima igitur cōflictio, species quædam cōflictionis est, sicuti rationale species quædam animalis. Deinde additur, ex depulsione intentionis profecta. Quo additō planè declaratur cōflictionem hinc ex intentione, illinc ex depulsione nasci: ut intelligatur quemadmodum non omne rationale animal, ut Plato putat, mortale est, sic non omnem cōflictionem, ex telorum missiliumq; iaculatione, ac manuum cōfensione, cuiusmodi militaris cōflictus est existere. Videtis ut his in definitione simul positīs, res ipsa non implicata, et in abdito posita, sed explicata atq; in lucem cernatur exposita? Contrā, Quintiliani definitio non solum rem ipsam in lucem non educit, sed audientem statim turbat, et cogitationem eius ad plura ac diuersa trahit. In lucem autem non exponi rem ex Quintiliani definitione, hinc probatur, quod genus ipsum nimis remoto è loco apparet, cum sit res, siue, ut hodie dicunt, ens. Dicitur enim id quod ex prima cōflictione nascitur, id est, res quæ inde nascitur. Ac tametsi uerum est, quod cōflictio causarum sit res, sit ens, tamen hoc ipsum ens maximè generale est. Siquidem et lapis, et lignum, et lana, et corpus, et color, et uox, et forma, et statura, et cœlum, et animal, et quodcunq; in naturalibus est, ens, ac res est. Itaq; genus hoc confundit, magis quàm explicat, dum auditoris mentem in tam multa ac diuersa rapit. Illud deinde, quod ex prima cōflictione nascitur, magis ac magis et turbat, et cōfundit, et quasdam quasi tenebras illorum qui audiunt mentibus offundit: ut cū dicimus, homo est, id quod ex corpore et anima constat, quod ipsum non modò de boue, crocodilo, ape, serpente, pisce, accipitre, sed de arbore, herba, fruticeq; dici potest: nec aliud est dicere, q̃ quod animans est, quod genus plurima, diuersaq; cōplectitur. Siquidem et arbores, et herbæ, et frutices animantes sunt,

anima enim constant, et corpore. Quod si dicere malueris, homo est id quod ex animali rationali mortali est, hominis substantiā non solū non explicabis, neque in apertū proferes, sed rem ipsam magis ac magis implicabis. Neque enim homo solum est ex animali rationali mortali, sed coniugium, sed familia, sed ciuitas, sed humani generis societas. At dicere, homo est animal rationale mortale, non solū mentem nō cōfundit, sed rem ipsam planē ostendit. Idq; quod definitur, et quod definit, ita sibi inuicem conueniunt, ut mutuam conuersionem alternatim faciant. Siquidem et animal rationale mortale est homo. id quod non usu uenit cum dicitur, homo est id quod ex corpore et anima est: et quod ex corpore et anima est, homo est: cum possit esse accipiter, piscis, equus, apes, ulmus, brastica, uitis, ligustrū, quæ quod animantes sunt, et corpore et anima sunt. Itaque cum dicimus, constitutio est prima cōflictio causarum, nata ex intentione depulsionis, ita sibi quod definit definiturq; inuicem consentit, ut conuertere liceat pari maximeq; conueniente consensu: recte enim explicateq; diceretur, prima causarum cōflictio ex intentionis depulsione nata, constitutio est. Contrā cōfusa nimis definitio erit, nec cum eo quod finitur, pari modo cōfentiens, si dixerimus, ut Quintiliano placet, status est id quod ex prima cōflictione causarum nascitur: idq; quod ex prima cōflictione causarum nascitur, est status. cum ē prima cōflictione, in qua causa consistit, plura nascantur, quæ ad statum, et causam faciunt, ut cum signa ex quibus coniectura capitur afferuntur, cum testes in medium adducuntur, cum leges recitantur, cum de legibus pugnatur, et huiusmodi alia, quæ non modo cōflictionem sequuntur, sed absque ijs cōflictio esse nequeat. Age consideremus rem maxime similem, militarem cōflictum, non sonum ut Quintilianus. Si quis dixerit militarem cōflictum esse id quod existit ex militum certamine, manibusq; cōfertiis, primum nec rem ipsam distinxit explicabit, nec cōuertere alterum in alterum tam æqua reciprocatione poterit, ut recte dicatur, id quod ex militum certamine manibusq; cōfertiis existit, cōflictus militaris est: neque enim ex militum certamine, manuūq; cōfertione solus cōflictus existit, sed cædes, mutilationes, percussiones, uulnera, fuga, uictoria. Itaq; cum hæc audiuntur, quod quid potissimum intelligere habeatur incertum sit, distrahetur hic, atq; illuc animus, rapieturq; in plura atq; diuersa. At si dixerō cōflictum militarem esse militum manum cōferentium certamen, statim genus apparebit, id est certamen. Omnis enim cōflictus certamen est. At non contrā certamen omne cōflictus est, nam et puellæ certant de forma, et reges de magnificētia. Cum addo, manum cōferentium, speciem, differentiamq; sic exprimo.

exprimo, ut nihil dubium, nihil in confuso relinquatur, licebitq; magno  
 utrinque consensu conuertere, militum manuum conferentium certamen  
 conflictum esse militarem, ac militarem conflictum conferentium manuum  
 militum certamen esse. Illud igitur inter Ciceronis Quintilianiq; defini-  
 tionem interest, quod inter has quas modo posui militaris conflictus defini-  
 tiones. Ac si loqui uera uolumus, altera, id est Ciceroniana est philosophi-  
 rem explicatis, atque ante oculos ponentis: altera eius qui id potius que-  
 rere uideatur, ut qui audiūt cæcutiant, magis quam ut recte uideāt. Quo-  
 niā igitur Quintilianus ipse recte quidē sensisse, parum tamen elocu-  
 tos putat, qui sic statum definire, uidete obsecro uter ipsorum rem eloqua-  
 tur. Mihi quidem Cicero eloqui rem et explicare, Quintilianus uerò bal-  
 butire quodammodo (tanti uiri pace dixerim) uidetur. Poteram multa  
 quæ de ratione definiendi à doctis uiris traduntur, hunc in locum confer-  
 re, quæ non duxi esse necessaria, contentus paucis his ostendisse Cicero-  
 nem bene, expresse, caute, planè statum definisse. Quam nostram defen-  
 sionem tantū ab accusando Quintiliano abesse uolumus, ut uideri uelimus,  
 non aduersus Quintilianum causam suscepisse, sed ut qui potius Cicero-  
 nem à grammaticorum qui nunc uiuunt, rabidis morsibus liberare stude-  
 remus. Tu uerò Herrice uicem redde, et quam aduersus grammaticos bi-  
 lem paulo antè conceperas, meo etiam rogatu euome. Aut si te capitis for-  
 tasse grauat abscessus, Elisio nostro prouinciā hanc delega. HER. Quin  
 potius quando in Virgilium quoq; dentes exacueris, et me tussis male ha-  
 bet, maximi Poëtæ studiosissimus poëticæ Elisius patrocinium suscipiat.  
 Quod te Elisi suauissime per Antonij nostri manes, quando quate maiore  
 obtestatione cogā nō habeo, oro atq; obtestor. BLIS. Et poterat Andre-  
 as, et sponte etiā debebat, prouinciā hāc pro Virgilio suo suscipere. Quis  
 enim Andrea Virgilij studiosior, ac dignitatis, excellentiæq; carminis,  
 atq; operis eius inspectior acutior? Sed tua me uel obtestatio ad hoc impel-  
 lit, uel quod abunde multa memini quæ de Virgilij laudibus dicere solebat  
 Antonius: cuius memoriam hospiti huic ut Siculo, quem esse Siculum orna-  
 tus ipse indicat, arbitror quamgratissimam. Cæterum Andreas et quæ à  
 me referentur locupletare rationibus poterit, et tanquam iudex aduer-  
 sus Virgiliocarpus sedere. Quos magis enim dicere Virgiliomastigas li-  
 ceat? Atque hinc potissimum incipiam, de quo me paulo antè Claudianus  
 admonuit. Cuius uersus sunt de monte Actna:  
 Nunc mouet indigenas nimbos, piceaq; grauatum  
 Ecceat nube diem, nunc motibus astra lacescit,  
 Terrificis damnisq; suis incendia nutrit.

Virgilij sunt:

Portus ab accessu uentorum immotus et ingens  
 Ipse, sed horrificis iustà tonat Aetna ruinis.  
 Interdumq; atram prorumpit ad æthera nubem,  
 Turbine fumantem picco, et candente fauilla,  
 Attollitq; globos flammarum et sydera lambit.  
 Interdum scopulos, auulsaq; uiscera montis  
 Erigit crucians, liquefactaq; saxa sub auris  
 Cum gemitu glomerat, fundoq; exæstuat imo.

HOS. Fauorinum philosophum dixisse aliquando Gellius scribit, à Virgilio inchoatos magis quàm factos, quòd absolui quando mors praeuenterat nequississent. Et Fauorinus quidem ea uerecundia usus uidetur, ut excusasse magis quàm incusasse Virgilium uideri possit, quem Antonius nò poterat de moderatione hac non laudare. Cæterum non omnium esse de liniamentis, inumbrationibus, artificioq; poëtarum iudiciū ferre, quæ præterquam à poëtis ipsis uix cognoscerentur: quod in pictura quoq; contingit, in qua multa sunt, quæ nisi summi etiam artifices non uideant. Aetnae montis naturam, id consilij non fuisse sibi Virgilius ipse præ se fert, ut uellet pro assumpta, et quodammodo destinata materia describere: nec rei causam exquirat, ut Claudianus, nec spumantis materiae flumina ostendere uult, ut Pindarus: sed cū describere portum Aeneae ore coepisset, dixissetq; ab accessu uentorum immotum, et ingentem ipsum quidem, subdidit rem maximè admirabilem, adeoq; monstruosam, cuius Aeneas ipse memor factus esset, ut à portus descriptione, rei ipsius miraculo auerteretur.

» Ipse, inquit, portus ingens quidem, hoc est, nauium plurimarū capax: sed  
 » uisu, sed auditu mirabile est Aetnam montem terrificis iustà ruinis tonare.  
 » qua commotus admiratione, atq; à portu auersus, in illa explicanda pri-  
 » mum ab auditu coepit. Videtis artificiosi poëtae prudens consilium, quòd  
 » in admirabili re enarranda tractum se ammiratione ipsa ab initio statim  
 » ostendit? Audire est, inquit, cum nulli corporum uideantur cōflictus, e qui  
 » bus soni fiunt, non sonitum modò, ac si parum esset sonitum dicere, sed to-  
 » nitrum ex horrificis montis eius ruinis. Quæ in aëre maximo cum ter-  
 » rore fierent, ea dixit sub terris fieri. Simul cum rei miraculo causam quoq;  
 » leuiter attingit. Nam neq; decebat Aeneam causas incendij atq; fragoris  
 » illius exactius querere, aut aperire. Tantus autem fragor nisi è fractione  
 » esse non poterat, quam fractionem ruinas nominans ostendit. Cum etiam  
 » dicit tonat, montem confragosum innuit. Namq; cōflictus illi, et tanti sub  
 » terris fragores, nisi in concauo et cauernoso fieri nequeunt: eaq; confli-  
 » ctiones uentorum atq; ignium in cauernis esse dicit, ut confligentium nu-  
 bium

biū tonitrua imitentur. Singulis uerbis rem auditu mirabilem facit, quod  
quod tonat, quod ruinis et quidem horrificis, cum horror absq; membro  
rum concussione, animiq; consternatione non contingat. Dehinc cum au-  
ditui satis fecisset, transit ad uisum aliquanto longius in parte hac immora-  
tus, ut per hūc sensum rem admirabiliorem redderet, quod uidendo quā  
audiendo apparere plura soleant. Utq; audientium animos magis ac ma-  
gis rei miraculo afficeret, non se cernit ea quæ noctu, quæ uel interdum uide-  
rentur, ut Pindarus. Dicit, interdum, id est, nunc hoc, nunc illud, dum non  
uult diem à nocte secernere,

Atram prorumpit ad æthera nubem,

Videtis ut à se non recedit, dixit tonat, dicit nubem: tonare enim  
nubescere in aëre contingit. Cernitis ut rem effert, cum nō sumum, sed nu-  
bem, et quidem atram, et prorumpit, quod uiolentum uerbū est, et æthe-  
ra potius, quā aërem, ut nimium impetum absolueret. Fumantem, non  
ita quidem ueritatem uelat, ut non suis aliquando nominibus rem expri-  
mat. Fumi enim ex aspiratione ignea, nō nubes exurgūt. Turbine piceo,  
et impetum, et colorem nō sine quadam animi cōmotione designat. Est  
enim turbo uentus et tortuosus, et uiolentus, et fortasse respexit turbinis  
ipsius glomerationem. Ad hæc piceus color in nubibus terrificus est. Duo  
hæc simul coniunxit, ut rei miraculum auget. Necnon flammæ, fumo,  
lucem, tenebras, fauillas simul miscet, et turbinem piceū, et fauillam can-  
dentē. quid amplius? globos etiā flammarū at tollit: et quod satis hoc non  
uideretur, lambit etiā sydera, ut quō ultra prodiret nō haberet. Non pos-  
sum primo loco nō magnopere Gelliū admirari, uel potius ridere, qui Vir-  
giliū arguat, quod dixerit fumantem turbine piceo, et fauilla candente:  
cū nec fumare soleant, ut ipse dicit, nec atra esse, quæ sunt candētia: nisi si  
peruulgate dixit et improprie, candente nō pro feruēte, nō pro ignea et  
relucētī, quod candens est à candore dictū, nō à calore. O bone Gelli, cū  
noctis istas Atticas scriberes, nō potuisti non aliquando dormire. Igno-  
rabas an parum animaduertebas, antiquissimum et latinissimum hunc  
loquendi morem Virgilio etiam familiarissimum: neq; enim dixit, fuman-  
tem candente fauilla: sed, nubem candente fauilla. ut puella forma ad eū ue-  
nusta, et magno uir ingenio, et quod in loco maxime simili legitur.

Ipse quirinali lituo, paruaq; sedebat

Succinctus trabea. —

Atq; ut ibi non succinctus quirinali lituo, sed succinctus parua tra-  
bea, quirinalemq; tenens, seu gestans lituum: sic neq; hic nubem fuman-  
tem fauilla candente, sed fumantem turbine piceo, et emittentem seu spar-

gentem, atq; efflantem simul candentem fauillam. Expressit autem, quod fieri sæpiissime in aëre uidemus, ut è nigerrimis nubibus post tonitrum erumpant fulgura, & coruscationes, uideaturq; interdum cælum dehisce-  
 scere, flammâq; euomere. Dicitur nō potest, quā sibi undiq; in eorum quæ sunt in aëre, similitudine constet. Solebat irridere Antonius, qui Virgilium dicerent uoluissē montis Actiæ flagrantiam ad Pindari imitationem exequi, eosq; censebat et cæcutire, et delirare, nec Fauorinū, sed Fabarinū naso suspendere: cū nemo tam auersus, aut parui esset ingenij, qui nō palam uideret Virgilium se totum à Pindarica enarratione auertisse, ut nec uerbis, nec translatione qua ille utitur, parte aliqua similis esse uellet. Etenim Pindarus ad fontium, fluminum, fluctuum similitudinem rem omnem exequitur, amnes in incendij enarratione imitatus. At noster nulla huiusmodi similitudine usus, rebus ipsis inherens, & quā potest, & Aeneæ narrantis dignitas patitur, uerbis explicans, ab ipso igne, & à nubibus, & ab ijs quæ in aëre fiunt, non recedit. Et Pindarus quidem solum fluxum, & scaturiginem habet, quā in aquis imitetur. Virgilius omnia pro materia proq; suscepta explicatione à rebus ipsis, non aliunde sibi dicenda, atque ostendenda assumit. Videriq; Virgilius potest, parum hac in parte Pindarum probauisse, qui dum se totum ad amnes, ad fluctus, ad scaturiginem uertit, cruciationē ipsam, quæq; inter erumpendum, cruciandumq; contingent, inexpressē leuiterq; attigerit, nec monstrū illud suum, tum auditu tum uisu mirabile plene absoluerit. Referam Pindari uerba à Gellio ipso conuersa. Sanè cruciantur inaccesi ignis purissimi ex imis fontes. Flumina uerò interdum quidem inuudant fluctum feruentem fumi. At per noctes punicea proglomerata flamma ad profundū ponti fert solum, cum strepitu illa Vulcani fluente serpentina emittit scissima, monstrum profecto tum uisu, tum auditu mirabile. At Virgilius & aures, & oculos, & animum admiratione implet, cum montem tonare ait, et è terræ penetralibus atras nubes prorumpere, fumare pictum turbinem, uolitare candentem fauillam, attolli globos flammarum. quid amplius? lambere etiam sydera. & tamen à rei natura non recedit, siquidem cruciatio illa talis est, præterquā quod sydera non lambit. Sed hæc exuperantia poetarum est propria, & haud scio an alibi magis, quā hic deceat. Ac tanquā minora hæc quæ dicta sunt essent, quippe quæ frequenter cōtingant, & subdit quæ ut maiora, & rarius contingerent, & longe monstruosiora essent. Itaq; et scopulos erigit, & auulsa montis uiscera erumpit, & saxa sub auras glomerat, & quidem liquefacta, & cū gemitu. Ac ne quid quod mouere admirationē posset, prætermitteret, quid ultimo loco ponit? fundoq; exesuat  
 imo,

imo: quod cum oculis exponere non posset, animis existimandum permittit. Quid hoc Virgiliano monstro absolutius? et tamen docet glomeratus eos ficti non posse nisi uento, igneque intus aestuante. Ac Pindaro quidem dare potest ueniam lyricum carmen. At Virgilio implenda erat tuba illa heroica, et magno personandum ore, neque ut illi succinendum, qui à lyra sua non ita longe recessit. Quocirca noster Heros tubam sic implet, ut monstrum Pindaricum, per tonitrum, ruinas, turbinem, picem, candentem fauillam, erectos scopulos, auulsa uiscera, saxa liquefacta sub auras, ad sidera usque intonet, et aures, oculos, animos admiratione simul atque horrore compleat. Tonat Aetna ruinis. Cœpit Virgilius à tonitru, in quo Pindarus obmutescit. post etiam tempus nullum secernit, tum ut rem admirabiliorem faceret, tum ut qualis res ipsa esset, exprimeret: neque enim noctu solum flammarum illi globi cernuntur, sed etiam interdum, quoties et aer est nubilus, et cacumen montis exhanelatis incendij fumigationibus caligat, atque offunditur. An non die medio, cum cœlum maxime nubilum est, uidentur coruscationes, et medijs è nubibus ignes emissi? quod poeta noster sentiens, non antè dixit, candente fauilla, quam præmisit, turbine picco, ne à rerum natura recederet. Ad hæc non nisi post multos annos contingit annes illos Pindaricos fluere, cum Virgiliana tonitrua, fragoresque, et fumi picci, et prorumpentes in cœlum nubes, fauillaque frequentiores contingant, præsertim flante aut impendente austro. Ac nihilominus post liquecere saxa, et auelli montis uiscera ostendit, adeo nihil prorsus omittit. Videturque noster Maro rem ipsam et loci situm contemplatus, siquidem cacumen montis qua tanta fumigatio emittitur, hiatum habet profundissimum ac late amplum, quæ dixerunt Craterem, hodie plerique os uocant, excisis undique, atque exustis rupibus. Quocirca non uti è fontibus fluere ignes possunt, sed materia ipsa uiuentorum incensa, et diutius intra cauernas exagitata, tandem euomitur, magnoque in aerem impetu effertur, post in partem qua uentus inclinat decidens, igne liquefacta defluere incipit. Vnde alibi ut rei huius peritus dixerat:

Vidimus undantem ruptis fornacibus Aetnam  
Flammarumque globos, liquefactaque uoluere saxa.

Et hic uere, ac naturaliter dicit:

Interdum scopulos, auulsaque uiscera montis  
Erigit eructans, liquefactaque saxa sub auras  
Cum gemitu glomerat.—

Prudentissime omnia. Nam interdum, quia non semper. et cum gemitu,



quia tanta ebullitio, & pugna illa intra cauernas, uentorumq; ac concepti ignis uiolentus, ac præceps exitus, absq; ingenti fragore fieri nequit. Et crigit crucians, quia ruptis caminis, effractisq; (ut ita dixerim) claustris, igne, uento, uaporibus, quæcumq; obuiam facta sunt, in altum tolluntur. Et cū dicit glomerat, ostendit pugnam cōfligentium corporum: & cū dicit, uiscera, & liquefacta, & auulsa, designat tum ingentissimam uim uentorum, tum quòd ignis est excoquere, ac liquefacere lapides, tum quòd materia ipsa monte continetur, atq; illic generatur. Dicit aliquis, at fluere liquefcentem illā materiam mare uersus, omisit. Primū nec mare uersus semper fluit, nam et sæpenumero in mediterranea elabitur: deinde quod cū dixisset, sub auras glomerat, uisum est poëtæ tam defecati iudicij, quod cumque adderetur minus esse: & profectò minus mirū est fluere decidentem illam, liquefactamq; materiā, quā ex imis terræ uisceribus ad auras maiore quā exprimi possit impetu ferri. Itaq; hoc omisso, imò despecto, ac repudiato, concludit, fundoq; exæstuat imo: relinquens in audientium animis, quæ non cernerentur cum admiratione cogitanda, atque qui intus æstus, quæ ruinae, quanta etiam certamina ex ijs quæ oculis obijcerentur existimanda. Quinetiam ad fabulosum commentum ut mirificum, ut ad deos relatum transit, adeò nihil quod audientium animos admiratione impleat prætermittit.

- » Fama est Enceladi semustum fulmine corpus
- » Vrgeri mole hac, ingentemq; insuper Aetnam
- » Impositam ruptis flammam expirare caminis,
- » Et fessum quotiens motet latus intremere omnem,
- » Murmure trimacriam, & cœlum subtexere fumo.

Quamobrem Pindarum non solum imitandum à se Virgilius non iudicauit, sed ab illo sic recessit, ut non uerba, non rei faciem, non ullam sit Pindaricæ descriptionis adumbrationem secutus. Nunc ostendat nobis Fauo rinus iste tam enucleati iudicij, tamq; teneri auditus philosophus, ut opimam & pinguem Pindari (ut ipse cum Gellio fortasse nō recte sentiebat) facundiā prætereanus, ostēdat inquā ubi nā Virgiliana insolentia? ubi tumor: mihi quidē cū duobus maxime modis cōcipiatur tumor, re, id est, sententijs atque oratione, ubi sunt uerba ista tumentia, ubi res insolentiam parientes? At dixit, tonat Aetna, quia tonat aēr, & nubium conflictus tonitrum facit, prorumpit ad æthera nubem atram: nihil hic insolens, nihil tumidum. Nam prorumpo uerbum sic uiolentum est, ut eo etiam historici utātur. & nubes atra, ut nox atra. Turbine piceo. an quo uerbo uel impetum, uel colorem expressius potuisset efferre: cum ē pice densissimus, id est,



est nigerrimus halet fumus, & turbo cum impetuosus, tum etiam tortuosus, atq; glomerosus sit, & fauillæ flammæq; seu coruscationes è nigerrimis nubibus erumpere sic soleant, ut candere uideantur, nihil à natura recedit, & uerba rebus accommodat. Non dicet poëta globos, cum idem uerbum ab historicis non reformidetur? non dicet lambere sydera? Atqui honestiori uerbo uti nō potuisset, ut leuem, ac fluitantē ignis, ut ita loquar, attactum significaret. nec cum dixit candente fauilla, Pindari uerba fluxū fumi calidi significātia, nec cū globos flammarum ignis fluentia, crasse, duxerit, atq; improprie interpretatus est, hoc est ποδὲ λαπιδὸς αἰθρῶν & λεπιδῶν. quippe qui ne interpretatus quidem sit, cum illum non modò imitari nollet, uerum etiam hac in parte non probaret, propter eas quas attulimus rationes: uelletq; rem ipsam, ut admirabilem, ut horroris plenā uerbis suis ante oculos ponere, animisq; infigere, ac tubæ suæ canorem tenere. Nec cum dixit scopulos, & uiscera auulsa, & liquefacta saxa, & lambit sydera, & exastuat imo fundo, uerba & strepitum uerborum conquiri, rem inquam, ipsam inquam rem suis atque heroicis uerbis enarrat. Ad hæc quod nō semper ignis fluat amnes, interdū hoc fieri dixit, atq; ubi fuit, non diffuere è cratere illo perinde ac è fonte, aut è fornace massæ illius riuos, sed iactari in sublimi materiā per frustra, per saxa, p scopulos, quæ post in terrā decideret, & in fecis ac liquefcentis spumæ modū coacta flueret. Quocirca bone Fauorine ad philosophiam tuam redi, & syllogisimo, deq; bonorum finibus tantum sententiā laturus: quando nec mihi satis magnus phisicus uideris, qui montis Aetnæ naturam ignores, ac poëtarum figuras, lineamentaq;: et quid carmini cōueniat, quid materiam suspectam deceat, quæ ratione humilis res tollatur, quæ elata prematur, iudicandum, pensitandumq; poëtis ipsis relinque. Vidimus in Aenaria insula factum, quod Virgilius de Aetna scribit, cū è quadā eius parte ignis erupisset centū antè annis, aut paulo amplius. Nam & ad mare, & sparsim per agros, præter fluxum illum magna mole lapides iacent, & in ipso litore, & paulum etiam intrā mare grandes eminent scopuli adeo excocti, exustiq;: ut hodie quoq; appareat spumosa illa liquefactio: quinetiam Pindari ea fluentia lapidum sunt in spumam solutorum, non materiæ continuæ liquefcentisq;: quale liquefactum fluere & solet. Cur autem præter naturam cuiquam uideatur ab incluso sub Aetna igne torqueri lapides, cum uideamus æneis è tormentis, quæ bombardæ dicuntur, tāto impetu pilas torqueri lapideas? turbinesq; illos piceos glomerari? tanto etiam fragore, ut ad sexaginta passuū milia exaudiantur. Hoc quod in Aenaria factū diximus, legimus scriptum in monumentis Caroli Neapolitanorū regis: quo

incendio etiam castellū haustum est. AN. Quamquam Aenariæ exemplo potes esse contentus, tamen & Vesuvij montis ruina & ager squalore oblitus, ad sextū ab Neapoli lapidem, hoc ipsum quod de liquefactis igne saxis à Virgilio traditur, docere abūde potest. Est enim passim uidere hic exustorum lapidum erectos cumulos, illic excussa summo è monte miræ magnitudinis saxa impune sparsa, alibi profluentis riui lapidosos decursus, nec uno in loco saxorum strues simul congestas, ut facile appareat materiam illam omnem è lapide constare, cietam uiuaporum, atque ignium, longiusq; agglomeratam, quæ uidere cuius in promptu est. Sed redeas ad quod Elisi coeperas, & Macrobiū aduersus Aeneam à Latinis moti belli causas tanquam leueis ac puercileis ridentem, ut rudem & grammaticorum omnium importunissimū ferula sua feri, atq; intra cancellos grammaticæ redire coge, audentem se quoque uiris conferre. ELIS. Recte mones. Hunc hominem Antonius cum nebulonem aliquādo obiurgari sensisset nimis, parce inquit, potius, quādo nemo unquam plura sibi præsumpsit aut permisit. Quæso Macrobi poetarum iudex tam sobrie, quæso inquam quæ inter Latinos Troianosq; belli causa excogitari accommodatior poterat? nam nec Latini per id tempus mercaturam nauibus exercebant, nec Aeneas piraticam, ut per causam prædociuij excitari bellum potuisset, nullæ antecedeant inimicitie: & Aeneas eo consilio in latinum litus descensionem fecerat, ut in terrafato debita sedes profugis statueret. Itaq; non belli, sed amicitie potius causas quærebat, ut qui conciliare sibi finitimorum animos studeret, missis etiam oratoribus cum muneribus. Vidit acutissimus auctor fortuitam causam, quam lippus cæcutiensq; grammaticus quomodo uideret? Moris est classiariorum militum, ne piratarum tantum putes, sæpius in continentem descendere, carnis ut ipsi dicunt faciendæ gratia: nec solum ex hostico, sed ubi maior cogit inopia, etiam ex pacato pecora abigere. Quam ob causam, ut quotidie uidemus, inter socios amicosq; indigne multa committuntur. Hanc occasionem & quidem fortuitam, cum Aeneas nihil minus quàm bellum quæreret, naclius Virgilius, non armentalem, aut aratorum bouem, sed regij iullicæ ceruum, atque in delitijs habitum, & agrestibus notum uulnerat: quo facilius multitudo cogniti cicuris gratia ad tumultum concurreret, Troianosq; non tantum ut abactores, sed qui regias res uiolare ausi essent, armis ulciscerentur, atque è finibus pellerent, quos egerrime ferrent illic considere, perindeq; ut exteram, atq; ignotam gentem hodie persequerentur. Quæ opportunior excogitari occasio potuit, muliere præsertim agrestes exuit, antequam uim passa uideri posset, cum etiam lunonem belli causas quæ-

rentem

rentem introduxisset. Atque hæc quidem tanquam scintilla furi im elapsa, quæ paulatim serpens, mox uento exorto illapsa stipulis, agros, sylvas, obuia simul cuncta deflagrat. Quid aliud? tanquam duos è diuerso mundi cardine spiritus, qui accensum ignem excitent, exuscitat: alteram è cælo delapsam Deam Iunonem scilicet, alteram Furiarum maximam, herbeo excitam, cogentem buccina populos, & duces uocantem in bella. pro' que stipula subijcitur armata mulier, mater, regina, importuna quidem mulier, mater indulgentissima, regina foeminarum choros sollicitans, ad hæc Latimus senio confectus ac uix sui iuris. Incensa igitur stipula agri syluæq; exuruntur. Tela nouant atina, uomeres in enses excoquantur, scribuntur exercitus, leguntur duces, primus que Mezentius bellum sic init, ut ne mulieres quidem arma detraherent. Videtis è parua fortuita que fauilla quantum incendium accenderit? ut subrigantur quidem legentium animi, quotiens crimes illi anguinei subriguntur. Quid hoc artificiosius? quid magis sepositum, atque à uulgo abductum? cognouit admirabilissimam excogitatissimam que inuentionem Iuuenalis, cum dixit:

Caderent omnes à crinibus hydri,  
Surdæ nihil gerneret graue buccina.

Quam si dijs placet, cognoscet Macrobius sordidæ locutionis, ne dicam orationis grammaticus. Quid tu peregrine homo de maximi poetæ admirabili artificio, nobilissimisq; inuentis te iudicæ statuis? qui ne Latine quidem loqui scias. Maluisssem, inquis, Maronem & in hac parte apud auctorem suum, uel apud quemlibet Græcorum alium quod sequeretur habuisset. Scilicet non uis fingere Virgilium, non uis optimum artificem arte sua uti artificioso? at ego maluisssem te, cum Latine loqui uis, Cicronem, aut quem alium è doctissimis in loquendo sequi. An tu apud Cicronem, Sallustium, Cæsarem inuenisti, in diggericæ concoquere, in memoriâ atq; in ingenium ire, in incrementum succrescere, tale præsens hoc opus uolo, natia Romani oris elegancia, noscendorum cõgeriem polliceri, & mille his etiam absurdiora, magisq; barbara, quibus tu ineptissime cū sis, ipse ineptissimus uteris? Atqui audacissime grāmattice, cū fateris te sub alio ortu cœlo à lingue latine uena nõ adiuuari, cur de maximo, deq; alieno poetâ tanquã prætor iudicas? Vnũ tamen dare tibi ueniã potest, quod cõuiuas, quod satur, quod inter rorantia pocula, quod in saturnalibus hæc proferebas. O bellissimũ hominẽ, q cõuiuã iudicẽ, q mensam prætorii statuas. Sed ad imitationẽ, quã in Marone desideras, redeamus. Cicronem si legis, non solũ Latine loqui, sed recte quoq; de scriptorum ingenijs, deq; scriptis

ipsis sententiâ ferre didicisses. Ait & orator & philosophus eminentissimus, nostros aut melius inuenisse, aut inuenta à Græcis fecisse meliora. Quòd si poetæ cuiusquam fuit inuenta ab alijs meliora facere, hæc mihi laus Virgilij propria uidetur. Sed neq; melius inuenerint nostri, neq; fecerint aliorum inuenta meliora, non tamen cæcutientis grammatici sententiæ standum est. Quò nam autore usus est Homerus in fingendis tot monstribus? quem imitatus est Orpheus in commentis adeò fabulosis? quem secutus est qui primus sinxit Castorem, Pollucemq; ortos ouo? qui primus commentus est Plutonem in inferno regnare, hydram septicipitem esse? natos è serpentū dentibus armis instructos homines? Deniq; ab quo accepit Homerus autore, arma à Vulcano Achilli fabricata? uulneratam à Diomede Venerem? perlatum utribus Vlysem? & mille talia. Atqui poetarum hæc non modò licentia, sed penè ars est. Quinetiam ab alijs enarratas fabulas in aliam atq; aliam formam conuertere permittitur? ne dum fingere nouas liceat. Sed ueniamus ad aliū locum, uideamusq; quàm intempestiuus canis huius latratus sit.

» Parua metu primo mox sese attollit in auras,

» Ingrediturq; solo, & caput intra nubila condit.

Homerus, inquit, cōtentionem à paruo dixit incipere, postea ad coelū usq; succrescere. Hoc idem Maro de fama, sed incongrue: neq; enim æqua sunt famæ contentioniq; argumenta: quòd contentio etiam si ad mutuas usq; uastationes ac bella processerit, adhuc contentio est, & manet ipsa quæ creuit. Fama uerò cum in immensum prodijt, fama esse iam desinit, et fit notio rei iam cognitæ. Quis enim iam famam uocet, cū res aliqua à terra in coelū nota sit? Deinde neq; ipsani hyperbolæ potuit æquare. Ille coelum dixit, hic auras et nubila. Atq; ut ab ultimo incipiamus, nesciebas puto grammaticæ uersus facere, qui non uideris tribus tantum syllabis potuisse hyperbolæ æquare: & caput intra sydera condit, dicere. ô crassum & supinum ingenium. Atqui noluit Virgilius intra sydera dicere. Nam cum intelligeret famam plura sepe quæ certa non essent diuulgare, ac uera falsis miscere, & facta atq; infecta nuntiare, caput eius condit intra nubila, cum cæterum corpus uideri dicat. Itaq; & magnitudinem eius ostendit, cum attollit eum in auras: & uersari inter homines docet, cum ingrediam solo facit: & quòd multa secum ferret, quæ non statim cernerentur uerâ ne an falsa essent, intra nubila caput abscondit: etenim cum oculis nostris offusa nubes est, ueras cernere rerum species nequimus. Vnde ipse alibi, nubem quæ mortales hebetaret sensus, caligareq; oculos circum cripit. Agnoscitis singularem Maronis prudentiam, grammaticis nō modò

modò nō perspeclam, sed ne nisi quidem maximis poëtis perspeclabilem.  
 Non sunt, inquit, æqua famæ contentionisq; argumenta. Detur ignoran-  
 tiæ hominis non esse paria. Sed tu mihi uideris bone Macrobi fama quid  
 sit non intelligere, qui dicas, eam postquam in immensum prodijt famam  
 esse desinere, ac rei cognitæ notionem esse. quod si sit, passim Liuium, Sal-  
 lustium, Cicronem, et rerū scriptores alios errare inuenimus. Nec per-  
 missum nobis erit dicere, fama prælij ad Cannas facti adhuc manet, nec re-  
 rum à populo Romano gestarum fama perpetua erit. Nec Atheniensium  
 res gestæ minores aliquando fuisse quàm fama feruntur, nec famæ consu-  
 lendum est. Atqui scriptores famæ potissimum student. Et Cæsar, Alexan-  
 derq; plura famæ gratia fecisse uidentur: nec temere Alexander dicebat  
 fama bella constare. Aliud est igitur fama, quàm quod tu grammaticæ pu-  
 tas: nec fama esse desinit, cum in immensum creuit, efficiturq; rei cognitæ  
 notio, ut tu ipse garris. Nam et Cicronem cōsulem planè fuisse scimus, ta-  
 men famam cōsulatus eius dicimus magnam adhuc esse: et Annibalem in  
 Africa superatum fuisse à Scipione notissimum est, tamen famam uictoriæ  
 eius extare dicimus. Cæsarem maximas res gessisse, etiam mulierculis co-  
 gnitum est. Num propterea minus dicimus, rerum à Pompeio quàm à Cæ-  
 sare gestarum famam maiorem esse? aut Alexandri famam nulla posse ue-  
 tustate obliterari, licet eius facta sint cognitissima? Et quòd ab occasu solis  
 ad ortum usque Herculis labores cogniti sint, famam propterea laborum  
 Herculis dicere non licebit? Desine igitur oblatrare catelle, et fama quid  
 sit, quot etiam dicatur modis, discere: nam et uetustissimarum rerum cele-  
 britas fama dicitur, et quæ nunc à Turcarū geruntur rege, fama per or-  
 bem terrarum feruntur. Et Theodorus Græcus, qui diem nuper obiit, ma-  
 gnæ ingenij sui famam posteris reliquit: et qui nunc scribundis annali-  
 bus dant operam, famæ suæ, illorumq; de quibus scribunt consulunt: et  
 fama est gentes quasdam uaganteis, atq; incertis sedibus uitam agere: et  
 nescio cur pecuniæ magis quàm famæ seruiendum sit. ac si quibus alijs mo-  
 dis fama inter loquendum scribendumq; usuuenit. Damnatur etiam Vir-  
 gilius ab occultatissimo hoc exploratore, quòd immodicè sit usus exemplo  
 illo Homérico de Diomedis armis. nam et de Turno ait: Tremunt in uer-  
 tice cristæ Sanguineæ, clypeoq; micatia fulmina mittit. Et alibi de Aenea:  
 Ardet apex capiti, cristisq; ac uertice flāma Funditur, et uastos umbo uo-  
 mit aureus ignes. Hoc, inquit, importune positum est, quòd neq; tum pu-  
 gnaret Aeneas, sed tantū in naui ueniens apparebat. immo magis oppor-  
 tune non potuisset, si quidem apex ille ardere uisus, et Troianis obsidio-  
 ne laborantibus, ac tantū non expugnatis castris, magnos addidit animos:

unde uiso clypeo clamorem tollunt ad sydera, spesq; addita iras suscitât, iaciuntq; manu tela, & Ausonijs ducibus nedum militibus is metus incitatus, ut soli Turno fiducia non cesserit. Quinetiam Aeneas ipse, ut qui sentiret quantum armis illis opis, quantum opinionis atq; spectationis inesset, celsa stans in puppi, sinistra clypeum extulisse inducitur, cum primum in suorum atq; hostium conspectum uenit. Itaq; non potuit magis opportunum tempus seruari, cum suorum res tam in angusto, hostium tantus esset successus. & profectio armis illis caelo missis, nec tempore magis necessario sese instruere Aeneas potuit, cum de summa rerum contendendum esset, et primus illorum aspectus necesse erat, ut uim diuinitus insitam, et Troianis, & Rutulis cum spe, metu, horrore, fiducia, atq; admiratione praesereret. Damnatur etiâ quod importune allatis recensitis armis Aeneas miratur:

» Terribilem cristis galeam flammâq; uomentem.

An non diuinum illud opus mirabitur? & cum illa manu traclaret, uersaretq; inter brachia, non conciperet magnam spem, praesertim in rebus tam asperis? non animos inde sumeret, uidens quantum terrorem galea illa terribilis incussura esset hosti? quæ tum ipsi quoq; flammâs uomere uideretur. Quomodo igitur expleri letitia non potuisset, nisi iam animaduertisset quantus illorum usus aduersus hostem futurus esset in praelijs, quæ etiâ tum sub quercu posita (neq; enim temere sub quercu posita dicit, cû corona querna ciuium liberatores donarentur) terribilia apparerent. Quocirca, ut dictum est, cû primum in hostium conspectum uenit, illa statim extulit. Videtis quod sibi Virgilius cõstet? qui nihil inaniter dicat, et singula exactissime pensitet? parum hoc uisum est. Condemnatur etiâ quod de Turno dixit:

» Cui triplici crinita iuba galea alta chimeram

» Sustinet, ætneos efflantem faucibus ignes.

» Tam magis illa fremens & tristibus offera flammis,

» Quam magis effuso crudefcunt sanguine pugnae.

Turnum hostium ducem ad bellum missurus, sanè illum qui tot malis Troianos, sociosq; affecturus esset, qui bellum tanti animis suscepisset, quæ morte sua Aeneam esset nobilitaturus, non una è parte artificiosissimus poeta cõmedat:

» Ipse inter primos præstanti corpore Turnus,

» Vertitur arma tenens, & toto uertice supra est.

Facit enim uersari inter primos, quæ è re ad singulare animi robur, corporis quoq; uires adiungit. Et cum dicit, Vertitur arma tenens, corporis dextritatem sub armis, atq; animi uigorem significat. Et cum adiungit, Toto uertice supra est, corporis proceritate suis admirabilem, hostibus formidolosum apparere facit. Ad has corporis atq; animi dotis addit

armorum

amorum horrorem, ex triplici iuba, atq; è monstro flamas efflante. Quippe cum quæ chimera aspectu ipso ante pugnam terrificata esset fletoris artificio, ubi ad manus uentum esset, tunc ea maximè et uoce fremeret, et flamas euomeret, ut de gemitu, deq; afflatu, campi sanguine caesorum nataret. Atq; ut nihil desit, post leuem atq; extersum clypeum, siquidem qui de re militari scribunt, ad præstringendos aduersarii oculos armorum in primis fulgorem commendant, post altam galeam et ignes efflantem chimeram, addit nimbū peditū, et totis castris agmina clypeata densat. An est quod aliud desiderari in extollendis aduersarii siue ab insitis à natura corporis, atq; animi uiribus, siue ab externis possit rebus? Num igitur importune galea alta chimeram sustinet, præsertim post tot enumeratos, armisq; decoratos duces? Atq; hoc quidem non tanti faciendum uideatur accusari, aut potius damnari à grammatico eximium poetam, neq; enim Indus Elephas curat culicem. Illud me uehementer mouet, quòd uideo doctos quosdā uirōs, dum grāmaticis nimis tribuunt, et ipsos delirio eodem uexari, tū in ijs locis, quos posuimus, tum quòd existimant parū prudenter à Virgilio inductum Iouem in primo, quarto, et nono uolumine, qui loqueretur sine tumultu, et absq; mundi obsequio, post uerò eo dicente:

—Deūm domus alta quiescit,

Et tremefacta solo tellus, silet arduus æther,

Tum Zephiri posuere, premit placida æquora pontus.

Ac si non idē esset, qui antè locutus fuerat. Immo idem erat, sed nec ante Venus, Iunoq; ad contentionem et iurgia Ioue coram proruperāt, quæ è re uario assensu ob factionis studiū cœlicolæ fremebāt. Itaq; ut ostenderetur cōcionātis Iouis ea maiestas fuisse, ut musitare ultrā nullus auderet, opportuniissime dicitur, summaq; cū prudentia, quòd nō solum eo dicente Deūm domus silentiū tenuit, sed orbis totus summi Dei superciliū ueritus est. Etenim poeta ex uerbis ipsis uult innuere Iouem superciliū obduxisse, ob dearū iurgia, et cœlicolarū fremitū, ac partiū studia, ut qui speciem irati præ se ferret. Vnde quodam cum supercilio ait: Rex Iuppiter omnibus idem, Iuratq; per pice torrentis ripas. atq; ut dictis pondus adderet, caput mouet, totumq; nutu tremefacit olympum. Sed nec mihi Iulius Hyginus æquior uideri potest, qui Virgilium accuset, quòd litus uelinum ex ore Palinuri dixerit, cum Veliā Seruio Tullio regnante conditam fuisse tradat, sexcentesimo post Aeneæ aduentum in Italiam anno, aut etiam amplius: ac si poetis permissum non sit quædam etiam ad sua tempora in carmine referre, ut locorum, ut fluminum nomina, ut armorū genera. Dicat mihi uelim Hyginus, cur nō etiā accusat Virgilium, quòd Aeneam qui:



Troianus esset, Latine loquentem inducat? Faceſſat igitur diligentia tam arceſſita, & huiusmodi multa permittantur poetis. In quæ etiam uolentes incidunt, non rerum ignorantia decepti. Idem reprehendit, quòd cum  
 » antea dixiſſet Virgilius Theſeum ſuperas euafiſſe ad auras: poſt dicat, Se  
 » det, æternumq; ſedebit. Atqui Theſeus uiuens Herculem ad inferos ſecu-  
 tus. Inde Herculis ipſius præſidio euafiſit, ut eſt in fabulis. Poſt mortem ue-  
 rò cum anima eius ad inferos delata eſſet, nunquam ad uiuentis redijt, ſed  
 propter filium iniuſte occiſum, ſedet illic, atq; æternum ſedebit, iniquiſſi-  
 mam Hyppoliti mortem inſelicitè deplorans. recteq; & ante uiuum re-  
 diſſe ab inferis ait, unde argumentandi locum Aeneas capit, & poſt in-  
 ter eos qui mortui eſſent, enumerat. Neque enim hæc ſibi aduerſantur.  
 Erraſſe etiam dicit in his uerſibus:

- » Eruet ille Argos Agamemnoniasq; Mycenæ.
- » Ipſumq; Acacidem genus armipotētis Achilli,
- » Ulctus auos Troiæ, templæ & temerata Mineræ.

Quòd & perſonas confundat & tempora, cum neque eodem tem-  
 pore, neque per eoſdem duces cum Acheis Pyrrhò que pugnatum ſit.  
 Siquidem Pyrrhus quem Acacidem dicit, ex Epiro in Italiam tranſgreſ-  
 ſus cum Romanis, depugnauit aduerſus Curium belli eius ducem. Ar-  
 giuum autem bellum, id eſt Achaicum multos poſt annos à L. Mumio Im-  
 peratore geſtum eſt. Itaq; cenſet medium uerſum eximi poſſe, qui quidem  
 de Pyrrho importune inmiſſus eſſet. Quem Virgilius proculdubio ſuiſe-  
 ſet exempturus. Non poſſum non admirari etiam ad riſum uſq; tum Hy-  
 ginum, tum Gellium, qui ſtudio quodam reprehendendi præcipientes in ma-  
 ximos errores inciderint. Primum, quòd de Pyrrho dictum, non de Per-  
 ſa rege putent: neq; enim Pyrrhus à populo Romano uictus eſt, neque re-  
 gnium Epirotarum Pyrrho uiuente captum, atq; in prouinciam redactū  
 eſt. Sed Perſes, qui à Paulo ductus eſt ante triumphum, quo capto Mace-  
 doniaq; ſpoliato, Acacidarū imperiū finiuit. De quo etiā Propertius ait:

- » Et Perſen proauſtiſſimum pectus Achilli.

- » Quiq; tuus proauus fregit Achille domos.

Hoc igitur ſuperato, regnoq; Acacidarum deletò, populus Romanus  
 uideri potuit Troiæ ruinas ulctus fuiſſe. Deinde non animaduertere, in-  
 duci à Virgilio Anchifeu nequaquam ſingulos referentem, qui ab Aenea  
 originem ducturi eſſent, ſed quosdam tantum, neq; tempus ordinem ueſer-  
 uari: quippe cum de Cæſare atq; Pompeio, antè quàm de Fabio Marcello,  
 Scipionibus mentionem faciat: ſatis enim habebat Anchifeu, quibuſdā no-  
 minatis, quibuſdam à rebus gerendis ſignificatis, ſpe atq; gaudio futuræ  
 ſtirpis



stirpis Aeneam implere. Quare cum dicit:  
 Ille triumphata capitolia ad alta Corinthe,  
 Victor aget currus caesis insignis Achivis:

Iure potest uideri Mumium, qui Achaicus cognominatus est, quique Corinthum susulit, significare. Post uero cum addat, Eruet ille Argos Agamemnonisque Mycenae, alium profecto significat. Et hic quidem Paulus est, qui Persen uicit, regnumque Acaidarum subuertit: quanquam autem Paulus neque Argos euerit, neque Mycenae, hoc tamen ut Aeneam soletur, ab Antichisa dicitur, cuius ipsius posterius euerfuri essent Argos, siue Achaicum, quae arx uidebatur Achaeorum, quorum principes aduersus Troianos conitauerant, siue Theffalicum, quando ducum Theffaliae uirtus in eo bello plurimum enituerit, et Mycenae Agamemnonis patriam, qui fuit Graecorum ac belli dux. Quocirca dum Virgilium non minus imprudenter, quam impudenter accusant, uterque et Hyginus sententiae huius aduersus Maronem autor, et suffragator eius Aulus in errorem maxima animaduersione dignum incidere. His tam iniquis calumnijs cum indigne ferret Antonius eximium poetam affici, ac uenenosis grammaticorum morfibz laniari, quid mirum, si catellorum persimiles dicebat, si doctos quosdam ut deliros ridebat? Poteram etiam multa addere, quibus Antonij aduersus grammaticos iram iustissimis est causis conceptam ostenderem: sed me ipse continui, quod uidebam in Virgilij laudes prorumpendum esse, quibus explicandis cum sentiam me imparem, temperare malui. AN. Eadem et me ratio te dicente cohibuit, ne quae a te praeteriri uidebam consilio, ea ipse subijcerem: quippe cum laudabilior sit Maro, quam ut a me praefertim laudari satis digne queat. COM. Et apposite quidem atque accusulate aduersus grammaticos, ex Antonij sententia disputauit Elifius, et Andreas pro moderatione sua, quae sedulo ab Elifio praeteriri uidebat, subijcere noluit: non tam ut mihi persuadeo, uiribus diffusus, si in Maronis laudes descendendum esset, quam quod locus hic explicandis summi poetae uirtutibus satis idoneus non est. Verum bone hospes, ut cupiditati tuae pro uirili satis facere et ipse studeam, referam quanto paucioribus quidem potero, Antonij sermonem eum, quem aliquando eodem hoc in loco habuit, de recensendis ducibus, qui aut Aeneam, aut Turnum in expeditionem secuti sunt: sentientes condemnari Virgilium, tum quod oppida, urbesque non eo quo sitae sunt ordine referret, tum quod nonnulli pugnantes inducantur, qui non essent in belli apparatu numerati: cum Homerus eosdem illos quos retulisset, in catalago solos pugnantes dicat, et Graeciae oppida, locaque per ordinem referat. Dicebat igitur similibus in rebus siue agendis, siue

scribendis, nō idem semper aut agenti, aut scribenti consilium esse, nec eundem ad finem eadem in re ubiq; contendere. Homerum quidem uoluisse in enumerandis auxilijs, Græciæ urbes, loca que describere, ordineq; Græciæ situs Catalogum exequi, quippe cum uniuersam Græciam aduersus Troianos coniurasse ostendat. At nostro poëtæ consilium non fuisse Italiam describendi, neq; enim omnes Italiæ populi aut pro Aeneâ, aut cōtra Aeneam stetere, quando Hetruscorum etiam multi belli se medios præbuerunt. Quinimmo maiore est parte uetustissima oppida, et ea maxime quæ est memoria exciderant, cōquirunt, ut qui restituere illa in lucem uelit. Quodq; historici etiam latini seruant in enumerandis auxilijs, regiones non describit, ac satis habet duces ipsos et loca, è quibus auxilia uenerint, nominare. Quo enim consilio, aut Italiam, aut Hetruriam uniuersam describeret, qui neque Italiæ, neque Hetruriæ totius populos sciret aut pro hac, aut pro illa parte arma cepisse? Iure itaque contentum fuisse illis tantum populis ac ducibus, qui in expeditionem profecti sunt, nominatis. In quibus referendis necesse non fuit situs ordinem tenere, cum uniuersæ regionis populi non enumerentur, et Mantuam solam est tot trans Apenninum populis nominet, uidelicet ut patriæ assurgeret, atq; ut auis diuitem laudaret, caputq; populis statueret. Affirmabat præterea Virgilium imaginem quandam secutum pugnarum, atq; oppugnationum, quæ in rebus in Gallia gestis à Cæsare describuntur: fecisse etiam Ascanium nudato capite pugnare, quod de Cæsare ipso legitur: deflexisse quoque in quibusdam ab Homero de industria, ut qui Romanæ militiæ disciplinam potius sequi uellet: eam que ob rem singulos duces pugnanteis minime inducere, quos nisi cum necessitas uocauerit, obiectare sese periculis, aut manum conferre non deceat: quodq; plures inter pugnandum nominaret, qui in enumeratione auxiliorum dicti prius non essent, in hoc quoque à Romanæ historiæ consuetudine non recedere. Siquidem Romanarum scriptores rerum nominatis consulibus prætoribusue, aut dictatore, atque equitum magistro, alios in suscipiendis expeditionibus uix nominant. At cum pugnat describunt, et qui in bello desiderati sunt recensent, tunc milites, centuriones, præfectiq; nominatim dicuntur, quorum in apparando exercitu nulla mentio facta est. Referuntur fortia, tum peditum, tum equitum facta, et nauitate ab infimæ etiam ordinis militibus operæ, de quibus nihil antè dictum est. Hanc igitur fuisse rationem censebat, cur Virgilius partim ad Homerici exemplum duces quosdam pugnanteis induceret, ne ab illo cuius maxime similis esse uellet, omnino recederet: partim ad Romanæ militiæ disciplinam, nō omnes pugnanteis faceret, sed militum potius

tius qui sub illis militarent, uirtutem referret, cum inuidia quædam uideri possit suis milites laudibus defraudare. Ad hæc cum de Romanæ militiæ disciplina esset, mitti supplementa, qui à Virgilio post nominantur, perinde ac cum supplementis ad Aeneam Turnum ue profectos intelligi uult. sic Oximum regem, sic alios quosdam ab eo post nominatos, ac si cum supplementis postquam in expeditionem ab Imperatoribus itum esset, in castra profecti sint. Plures quoque cognomines, id est eiusdem nominis ab eo referri, quod Romanorum plurimi eodem nomine uocarentur, indeq; tot prænomena agnominâ que inuenta esse. Reges quoque sub Imperatoribus militare, et hoc quoque Romanum esse, cum reges multos socios haberent, quos sub Imperatoribus, consulibusq; pugnasse, satis comperitum est: atq; ad hoc ipsum Homero nonnunquam relicto uoluisse Virgilium al ludere. Illud uerò maxime nefandum esse, et quouis animaduertendum supplicio prædicabat, quod essent nonnulli adeo improbi, ut non alia se magis ratione doctos atque in literis claros haberi posse persuasum habeant, quam si Virgilio detrahant, si in poetarum nostrorum principem dentes acuant. Qui si quando pro rei, lociq; natura uariantior, et ut ita dixerim, festiuior est, hic Homeri simplicitatem magis probant: ubi simplicior atq; castigatior, tum copiam illius et ornatum requirunt maiorem. nunc quod Homeri ipsius nimius scclator fuerit, nunc quod ab illius imitatione longius recesserit, accusant. aliâs non probant tantum antiquitatis studium, aliâs quædâ sine ullo exëplo protulisse damnât. Interdum supercilium eius, interdum iucunditatem insecantur. Deniq; esse inuentos, qui dicerent scripta eius mera furta esse, qui censerent Ennium quâquâ rudem et inconditum ei antepo nendû, qui nullo demum ingenio, nulla inuentione fuisse nugarentur. Hoc loco rei indignitate commotû exclamare Antonium nunc mihi, improbos, facinorosos, detestabileis eos dicentē, Iouēq; ausos regnis detrudere. Quippe qui Romanæ poëticiæ principē, et quasi Deum quendam suo è regno, suo è solio pellere ac deturbare conarētur. Sed nec meliore usum fortuna, patrem ipsum poëticiæ omnis Homerum querebatur: laceratû, uexatû, discriptû etiam ab ignorantissimis fuisse, hocq; de posteris meritû, quibus lumen accendisset retulisse, ut etiam grammaticorû cæcutienti ignoratiæ obnoxius fuerit. Censebat igitur duos hos in duabus nobilissimis linguis Græca Romanaq; summum iure principatum tenere, et alterum Græcæ, alterum Romanæ poëticiæ regem esse, horum dicta inuenta que locum, uim, auctoritatemq; legum habere. Hos uenerandos, hos patres patriæ publicis, priuatisq; honoribus prosequendos, his ubiq; atq; ab omnibus asurgendû. Qui contrâ sentirent, rebellium, atq; hostium in numero habendos esse, atque

uti subiectis populis popularibusq; nullum ius, nulla iurisdiclio esset in regibus, quorum præscriptis, imperijs, decretisq; ab illis parceretur, sic à literatis omnibus, quæ duo hi reges decernāt, ijs ubiq; parendū esse. Qui aliter sentiret, contrā ue auderet, aqua & igni interdicendum, atq; in loca deserta exterminandum, feris uē obijciendum statuebat. Hæc Sicule hospes dicere Antonium in Virgilij causa memini: quæ tibi propterea referenda duxi, ut quod eius iudicium, quæ etiam doctrina fuerit, perspicere hinc possis, relaturus etiam quæ aliquando in defendendo Cicrone copiose, acute, magnificèq; differuit, ni Hericum hunc dicere nescio quid uelle animaduertirem. HER. Dij boni, uidco ne ego Antonianum sapientem? est ne ille Iuratus Suppatus. Certè ipse est. O' diem iucundissimum, per ego Cicronem, perq; diuinam Cicronis eloquentiā oro obtestorq;, uti ualere aliquantulum iussis grammaticis, Antonianum sapientem de sapientia differrentem, placide audiat. Nihil est, mihi credite, homine hoc urbanius. Videbitis, quod loquendi principium adueniens dabit.

## SVPPATIVS, HERRICVS.



T sapere uos & corde uti quācordatissime iubeo. HER. At nos ualentissimi capitis hominem, oppido ualentem aduenisse gaudemus. SVP. Est ne hic Pudericus meus? O' desideratissimum mihi amicū. ut cordate? HER. Satis quidem cum corde recte, cum capite tamen parum sanè, de abscessu enim uix utor oculis, amicissimum tamen, ac sapientissimum hominem libentissime & uideo, & alloquor. SVP. Cui cum corde bene est, huic ualetudo nisi secunda esse nō potest. HER. Vnde bonè? SVP. A sapientibus queritandis. Fui Senæ studiōrū fama ductus, ibi mirificum hoc uidi, in maximo populo, in urbe quam ipsi ueterem agnominant, uix unum atq; alterum senem esse, qui autem rempub. administrarent, plerosq; adolefcēculos esse, adeo uetus Sena uix quicquā habet quod senile dicas. Fui Pisis, urbe tum antiqua, tum Græca, ut uolūt, ibi senes plurimos, omnes quidem corio, cordi deditum esse neminem: quem enim cor datum apud eos inuenies, qui domesticas ob seditiones, ciuiliq; odia tantam tam breui rempub. amiseret? Hinc Lucam concessi, quorum hominum deum cum tam crasso capite animaduertissem, cōiecturam cœpi, nihil nisi crasse sapere Lucensem populum posse. Pratum inde profectus, quo mortales multi conuenerant (festus enim dies erat) ciues, incolas, aduenas, ita in cingulū illud diuæ matris intentos uidi cunctos, uti confestim inde abierim. Quæ enim scabies superstitione scabiosior? Veni post Florentiam, in qua

qua quod mulieres formæ nimium studerent, quosdā ab ijs diquantis alieniores animaduerti. Vna mihi ciuitatis eius mirum in modum disciplina placuit, quod singulis in domibus singulas stateras uidebam appēsas: eos autem qui magistratus gererent, duplici etiam statera uti, altera enim ciuitatis, altera Italiae res expendunt. Hinc Bononiam cum uenissem, uiuum illic sapientem inueni neminem, mortuos uerò multos, eosq; in catenis habitos. Gallia ceterioris urbes uidi tantum, quæ quod tyrannis seruirent, quomodo sapientem in illis quærerem? Tamen animaduerti pullulare aliquando apud eas sapientiam cœpisse. Consueſſe enim tyrannos à popularibus occidi, libertatē uerò retinere diutius ciues nescire. Volui uidere Genuam, quam ubi uidi, dii boni, beluam illam multorum capitum uidi. Annus ipse neq; tam uariis, neq; ad cō mutabilis, quàm Genuensium ciuium sunt ingenua. Vnde secunda nauigatione usus, atq; in Telamonis portum delatus, animaduerti tertium quoddam illic hominum genus esse physis ipſis ignotum. Nam cum hominum alij uiui, alij mortui dicantur, qui Telamone agunt, eos nec uiuis, nec mortuis annumerandos cenſeo. Fugit statim laruarum gregem, ac Zephyro spirante, Romam deuectus, ibi biduum egi tum monimentis ueterum cognoscendis, tum sacris perscrutandis. Tertio die, dum sapientem quæro, uenio ad Floram, præter popinones, lenones, ganeones, uix illic uideo alios. Venio ad pontem, omnia inuenio plena foeneratorū. Eo Lateranum, soli ibi coqui, sole tabernæ merito riæ. Perreſſo diuerſa urbis loca, regiones, angiportus, compūa, greges, cuiusq; modi generis hominum incompositi paſſim obuiam fiunt, omnes ut mihi uidebantur, uentri dediti. Dum sic per urbem uagor, duo maxime periculosa contigere: nam et meretricum manus uix euasi, pallio etiam timens, et sacerdotum mulabus penè subtritus sum: quorum uitam, mores, instituta dum nouiſſe curo, inuenio ex his non paucos, quos reliquis mortalibus ad omnem uitæ partem optime agendam exemplum iure ſtatuas, quosdam tamen quos uere dicas nihil niſi uoluptatem quærerere, eamq; ſolam ſequi. Captus itaq; ſcīma unius atq; alterius sacerdotis, dum eos quærito, factus eſt mihi obuiam literator, qui me pugnis male habuit, cum inter loquendum excidiſſet ut dicerem, ocio illic marceſcere homines, quod huiusmodi uerba ſplendeſco, tabeſco, liqueſco, caſum illū reſpuant. ac dum Ciceronem teſtem adduco: Nihil eſt quod non ſplendeſcat oratione: Dum Virgilium:

Cera liqueſcit uno eodemq; igni,

Et molli paulatim flaueſcet campus ariſta.

Dum Columellam: Multa ſunt, ut dixi, quæ negligentia exoleſcant.

Dñm etiam Plinium: Igne spiffatur, humorem frufcit. ille in iram ac iurgia prorumpens, miferis me modis habuit. Ego fatis habui incolumi pallio inde me proripere. Itaq; dum Romæ sapientem quero, mercedem hâc accipio. Illud etiam quamincorimodiffime accidit, quòd dum ab hoc literatore uix me auello, in alterum incidi, cui percunctanti, iniuriam ne aliquam accepiſſem, quòd uideret male me fuiſſe acceptum, cū reſponderem, inſignem me à grāmatico iniuriam paſſum, quamreſtiſime inquit grammaticus ille: Quid malum? non te pudet ſceni loqui latine neſcire? ubi tu gentium reperciſti, iniuriam patior? Atqui, inquā, apud Ciceronem in Philippica tertia: Acquo animo belli patitur iniuriā, dūmodo repellat periculū ſeruitutis. Et in Lælio: Is in culpa ſit qui faciat, nō qui patiatuſ iniuriā. Hoc uix diſto, quòd is iam pugnos ſtringeret, dedi me in pedes, ac Roma egreſſus, Velitras quamcitatiſimo gradu petiſ. Ex eoq; decretum eſt mihi ualere ſapientē ſinere. HER. Cur obſecro trans Alpes nō profeſſus? SVP. Quòd ſcirem Gallos maxime ſtolidos eſſe, corporūq; curare magis, quām animum colere: regemq; eorum quamuis ſplendidiffimum, tam breui tamen ueſtitu incedere, ut pudenda non uelet, ac ſi Cynicorum ſecta tor ſit inſtitutorū. HER. Satis magna cauſa. Hiſpanias uerò adire quæ te ratio uetuit, ubi genus hominum acre atq; ingenioſum? SVP. Ne dū ſapientē quero, in piratas incidere, remog; adijcerer: neq; enim tam Sicilia tritici, quāmpredonū Hiſpania ſerax eſt. HER. Venetias cur non uiſiſti, quam ſapientium urbem ſunt qui dicere audeant? SVP. Deſtinaueram animo ultimā hanc petere, pluſculumq; illic temporis agere, dū mores ciuitatis, dum ciuium ingenia, leges, ritus, reipub. temperationem noſcerem, et fama quidem acceperam ſenes illic moderari. Nec me deterruit, quòd elatiſſimi mortalium dicuntur omnium, ſed quòd, ut dixi, decretum eſt mihi poſthac meas tantum res agere: nec me grammaticis credere, quos audio ibi regnare, quosq; malo meo fato genitos ſcio: neq; enim Romæ ſolū, ſed Velitris, ſed Terracinae peſſime ab illis habitus atq; acceptus ſum. At uidete obſecro. quam ob cauſam. Adieram medicum ſeiſcitaturus, an diſtillationi friſtio eſſet utilis. Aderat forte grammaticus audacia tam importuna, ut reſpondere medicum non paſſus, obiurgare me ſtatim coepit, quòd friſcatio non friſtio diceretur: nomina enim, quæ à primæ coniugationis uerbis deducerentur, ſupinū habētibus in itū, uel in ſtum, præter cæterorum uerborū legem exire in atio, non in itio, nec in ſtio. Itaque friſcatio, non friſtio dicendū eſſe. O bone inquam, uerbalia in io, aut à ſupinis ipſis, aut à genitiuis participiorū præteriti temporis ſiūt, quæ ab ipſis ducuntur ſupinis, ut Oratus orati, oratio, Auditus auditi, auditio, Auctus

aucti,

*aucti, auctio, Profectus profecti, profectio, Largitus largiti, largitio. Quo  
 circa nomina de ducta à uerbis supini, positionem habentibus in Ætum, cu-  
 iuscunq; sint coniugationis, in Ætio exeunt, non in catio, ut perfectum per-  
 fectio, non perfectatio, Distractum distractio, Lectum lectio, Actum actio,  
 Sanctum sanctio, nec aliter: sic frictum frictio, non fricatio: nam ex inter-  
 nectio, ut quidam uolunt, C littera dempta est suauioris soni gratia. Simili  
 modo sectum sectio, non secatio. Sic Cæsar, sic Quintilianus sectionem, nō  
 secationem: & Plinius, Celsusq; frictionem, non fricationem dixere. Nec  
 te moueat explicatio & uetatio, quorum supina in Ætum nō exeunt, qua-  
 re ne te librariorum imperitia decipiat uide. Dij boni, ac si nō uerba hæc,  
 sed uerbera fuissent, ita in me irrui, ut nisi medicus quiq; ciues aderāt, ab  
 illius me unguibus eripuissent, actum de Suppatio tuo fuerit. Vide pal-  
 lium conscissum, & faciem dissectam uide: cum urso, leonē ue, non cum  
 homine mihi esse rem putauī. Grammatico ab alio tumidum supercilium  
 fero, ac bene mecum actum puto, quod non ex eo pugno oculum amise-  
 rim. At quam ob causam? quod affirmarem post negandi aduerbium li-  
 cere etiam copulationem ponere, quæ negationem ipsam redderet, exem-  
 plo Cæsaris commentario septimo: Tanto accepto incommodo, neque  
 se in occultum abiderat, & cōspectum multitudinis fugerat. Item, quod  
 in conspectu omnium res gerebatur, neq; tegi ac turpiter celari poterat.  
 Licere item dicere ē contrario, autoritate eiusdem Cæsaris eodem com-  
 mentario: Vt reliquorum Imperatorum res aduersæ autoritatem mi-  
 nuunt, sic huius ē contrario dignitas incommodo accepto indies augeba-  
 tur. Necnon uerbis, significo, addo, & peto, accusandi casus loco casum  
 auferendi cum præpositione apponere autoritate Cæsaris eiusdem, com-  
 mentario eodem dicentis: Conclamare & significare de fuga Romanis  
 coeperūt. Et quinto commentario: Addunt etiam de Sabini morte. Item,  
 De suis priuatim rebus ab eo petere coeperunt. Quinetiam nomen unus  
 una unum plurali numero licere etiam adiungere nominibus, quæ singu-  
 larem numerum haberent, quod Cæsar etiam faceret commentario pri-  
 mo: Animaduertit Cæsar unos ex omnibus Sequanos, nihil earum rerum  
 facere quas ceteri facerent, sed tristes capite demisso terram intueri. Com-  
 mentario quarto: Sese unis Sueuis concedere, quibus ne dij quidem im-  
 mortales pares esse possint. Commentario sexto: Erant Menapij propin-  
 qui Eburonū finibus, perpetuis paludibus syluisq; muniti, qui uni ē Gal-  
 lia de pace ad Cæsarem legatos nunquam miserant. Cicero tertio Rhetori-  
 corum: Duplices igitur similitudines esse debent, unæ rerum, alteræ uer-  
 borum. Latine etiam dici quinam & quisq; de duobus, non aliter quam*



„ uter & uterq; exemplo Caesaris, qui ait Commentario quinto: Erant in  
 „ ea legione fortissimi uiri Centuriones, qui primis ordinibus appropinqua-  
 „ rent, Titus Pullo, & Lutius Vorenius, hi perpetuas controuersias inter se  
 „ habebant quinam anteferretur. Et commentario septimo, cum de contro-  
 „ uersia Conuictolitanis & Cotti Heduarum mentionem faciens inquit: Suas  
 „ cuiusq; eorum clientelas. Quintilianus libro decimo: Nam Macer & Lu-  
 „ cretius legendi quidem, sed non ut *παροιμ.* id est, ut corpus eloquentiae  
 „ faciant. Elegantes in sua quisq; materia, sed alter humilis, alter difficilis.  
 „ Pristinum quoq; diem recte dici commentario quarto docet Caesar: Mili-  
 „ tes nostri pristini dici perfidia incitati, in castra irruerunt. Quinetiam  
 „ utraq; & utraq; numero plurali, exemplo maiorum Romane dici de his  
 „ quae duo duae uel tantum essent, aut singulari numero proferentur. Sallu-  
 „ stius in Catilinario: Agitabatur magis magisque indies animus ferox ino-  
 „ pia rei familiaris, & conscientia scelerum. Quae utraq; his artibus aux-  
 „ rat, quas supra memorauimus. Caesar commentario primo: Duae fuerunt Ario-  
 „ uisti uxores, una Sueua natione, quam domo secum duxerat: altera Nori-  
 „ ca, regis Bothonis soror, quam in Galliam duxerat à fratre missam: utraq;  
 „ in ea pugna perierunt. Inique etiam accusari Lactantium, qui dixerit: Ma-  
 „ xime tamen Erythraea, quae celebrior & nobilior inter ceteras habetur.  
 „ Cum Caesar dicat commentario quarto: Ad alteram partem succedunt Vbijs,  
 „ quorum fuit ciuitas ampla & florens, uti est captus Germanorum, qui pau-  
 „ lo sunt eiusdem generis etiam ceteris humaniores, propterea quod Rhe-  
 „ num attingunt. Et Plinius ad Gallum: Terra malignior ceteris, hac non  
 „ deterior. & ad Caninium: Quo in certamine puer quidam audentior cete-  
 „ ris in ulteriora tendebat. Itaque permixtum esse uti comparatione etiam ad  
 „ eos qui sunt complures eiusdem generis. Falso etiam tradi, quod instruo  
 „ puerum, aut instruit magister discipulum, latine non dicatur, cum libro pri-  
 „ mo, Quintilianus dicat: Quae non eorum modo scientia, quibus quidam no-  
 „ men artis dederunt, studiosos instruat, & ut sic dixerim, ius ipsum rheto-  
 „ rices inter pretetur, sed alere facundiam, uires augere eloquentiae possit.  
 „ Item libro secundo: Ita ipse quoq; historiae atq; etiam magis orationum le-  
 „ ctione susceptos à se discipulos instruxerit. Non minus falso etiam praeci-  
 „ pi, quod substantiuus gerundiuum tantum, non infinitiuum addendum sit,  
 „ cum Caesar dicat commentario septimo: Prius quam munitiones ab Roma-  
 „ nis perficiantur, consilium capit, omnem à se equitatum noctu dimittere.  
 „ Cicero tertio rhetoricorum: Tempus est ad ceteras partes rhetoricae ora-  
 „ tionis proficisci. Sallustius in Catilinario: Non fuit mihi consilium socor-  
 „ dia, atq; desidia bonum ocium conterere. Quinetiam ineptissime sentire

eos qui negent latine dici, non habeo plus uno prædio, cum dicat Quinti-  
 lianus libro tertio: Simplex autem causa, etiam si uarie defenditur, non po-  
 test habere plus uno de quo pronuntietur, atq; inde erit status causæ. Itē:   
 Ideoq; in eo statum esse iudicabo, quod dicerem: si mihi plus quam unum   
 dicere nō liceret. Quæ quammolesce bonus hic grammaticus tulerit, meū   
 hoc supercilium docet. An tibi uideor grammaticorū furis amplius obie-  
 ctandus? Facebant posthac igitur sapientes, dum à grammaticis me in li-  
 bertatem uindicerem. Fundis Hytrijsq; fucere mihi res aliquāto quietiores,  
 ubi ne dum literatores, nullos quidem literatos inuenio: quippe cum op-  
 pidani non urbanam colant, sed uillaticam Palladem, omnes enim oleo de-  
 diti sunt. Post Caietam ingressus, obuiā habui mulierculā, quæ me blande  
 appellatum, deq; uia fessum, ad umbram inuitauit, frigidamq; qua me-  
 perluere uitreo quamcōspicatisimo protulit. Delectauit me familiaritas,  
 cœpitq; de patria, deq; re familiari percunctari, cum statim puella nō in-  
 honesta facie, nigricantem gallinam ac nouem simul oua detulit, quæ die  
 Veneris nata esse diceret. Nec multo post uenit ancillula cum anaticulo,  
 et albo filo, abire ambas iussit redituras accensis facibus, tertium cum lu-  
 næ diem esse admonens, atq; ad me conuersa: Ex quo, inquit, uirum amisi,  
 cum mihi nihil moriens reliquisset, quæstū facere hunc cœpi. Et profecto  
 Caietanæ mulieres cum sint superstitiosulæ, satis cōmode hinc uiclitarem  
 ni fratres quidā prouentum interciperent, dum somnia conijciunt, dum  
 iras deorum uenditant, dum uiros nubilibus, mores grauidis, prolem scri-  
 libus promittunt: quodq; scelestissimum duco, quia Caietana plebecula  
 piscatui pleraq; dedita est, noctu ad plebeiorum uxores domum uentitāt,  
 quas interdum per speciem religionis in templo audiūt. Ac ne decipiari ho-  
 spes, quā uidisti ancillulam, ea heræ iussu quæ grauida è fraterculo est, ad  
 me cōsulendam uenit. quæ prior uenerat puella spōsum habebat, cuius for-  
 ma captus bonus nescio quis, Deoq; percarus fraterculus suis artibus se-  
 ductum, inducere cucillum suasit, ac nunc secum habet in cellula. Improbe  
 inquam factum, sed tu uelim ne fratres in te commoueas, quos uideā in Ita-  
 liæ urbibus regnare. Tum illa, desine timere obsecro. Nam ex quo inuen-  
 cularam, cōuentus custodem cognoui, ac ni fallor, is est quem huc uenien-  
 tem conspicaris. Confestimq; hoc dicto, domum ingrediens, me ualere  
 iussit. Ab eo inde ad mare, gregem illic piscatorum inuenio, ac dum singu-  
 los cōtemplor, optimos quosq; pisces seligi ab eis uideo. Quæro, uenales  
 ne habeant: respondent, asseruari fraterculis, seq; Deo illos uelle offerre.  
 Tum ego mecum, macti, inquam, pietate, adulteros tam delicate qui pasci-  
 tis. Eo hinc ad meritoriam, cumq; inter prandendū repente in proximo

muliercularum pugillatus exortus esset, harpyiarum uitare iras constitui, meq; propter Vitruuij sepulcrū, Molam, quæ in Formiano est litore, atq; inde Sueffam contuli. Ibi mane in foro spectatcm me scitulas puellas, cum biferarum quasillis, mulier compellat eloquentia nō uulgari, et quod pal liatum uidebat, postquam benigne salutauit, amabo, inquit, quā tibi mo res nostri placent? Credo admiraris scitulas has. Credo Platonis legisti rempub. quam si ciues nostri non omnino probant, uitam certè aliquando liberio rem non improbant. Hæ puellæ partim nuptæ, partim sponsæ, quæ dam etiam nondum uiris collocatæ sunt, licet tamen cum ijs et iocari, et liberiorius etiam ludere: ne te igitur deliciarū pudeat, blandulæ sunt, uirosq; ad se holcrum ac frugum gratia inuitant, cupiunt uendere: sic se ciuitatis nostræ mores habent. Neq; enim, uir bone ignoras probum, improbumq; pro locis, populis, nationibus iudicari, neq; tam naturam quā leges atq; instituta sequi, aliq; alibi laudari. Quid multis? cœpit etiam de uirtuti bus deq; Deo tandem differere. Ego uix auellere me ab ea potui, tandemq; digressus, notum quæ mihi hominem percunctatus, unde tantam mulier doctrinam hausisse: cum suspicerem tum rerum cognitionem, tum dicen di copiam: neq; inquit, nostra hæc fabulosum illum musarum fontem hæ sit, sed Theologi linguam compluribus annis ore suo uersauit: neq; ut pri scus ille Ennius in Parnaso somniauit, sed uigilans in toro atq; in Theolo gi complexibus cubuit. Ex huius ipsius lingua manat eloquentia tam sua uis, ex ore Theologi orat tam copiose atq; inuoluer, spiritum huic ille inspirauit roremq; instillauit, unde oratio eius spirat, stillatq; tam suaue. An igitur posthac Herrice habes, quod aduersus institutionem edisseras? Vides quantum ars, quantum disciplina, quantum domestica consuetudo ualeat? Intelligis quantum doctorum familiaritas possit? Quanta in om ni genere institutionis uis sit assuetudinis? mulierculā eloqui? femellam sapere? hoc est profecto cur contempta grammaticorum importunitate, libeat sapientem adhuc querere. HER. O gnaue ac sapiens Suppati, scis quid de Theologis his nostris sentiret Antonius, quādo Sueffanā istam tuā hausisse à Theologo eloquentiā cum scientia dicis? scis inquam quid de ijs sentiret Antonius? optime cū ipsis agi, quod in elaustris atque in solitudi ne uiuant, quod plebecula uanas eorum disputationes non intelligit: fore enim si in publico uitam agerent, si eorum dissertationes notæ uulgo essent, uti sutores formulis, ferrarij mallecollis, indusiarij forficibus insectaretur. Primum quod minime castam agant uitam, deinde quod inanissimis de re bus ad insaniam differunt, ac si qui sunt qui ueterem probatamq; Theolo giam sequuntur, contemptui eos habent. Verum si placet optime Suppati,

relictis.

relictis his, peregrinationem perficias oro, ac siquid Capuæ, siquid Auer-  
sæ uideris, noueris, compereris, explica. SVP. Capuam ingressus obuiū  
habui, qui quòd physicum profiteri me crederet, consuluit quid oculis ma-  
ximè conferre ducerem. Respondi, si causidicum aduocatūmq; nunquam  
uideris. Quid auribus? si nullam domi mulierem habueris. Quid stoma-  
cho? si nunquam in mensa cum sacerdote Cardinale accubueris. Consuluit  
quid item rei familiari multum prodesset? à Catalano mercatore mutuum  
nō accipere. Quid ad uitæ tranquillitatem? aulas dominantium nunquam  
ingredi. Quod tempus minime esset utile? quod audiendo fratri Frācis-  
co cui Hispano cognomen est, impenderetur. Hūc ego ubi uideo plura quoq;  
paratū querere, quando, inquā, faciendo itineri occupatus sum, quæ so mu-  
tuū mihi redde, et comite quo Neapolim usq; cōmodiore uti possim, edoce.  
Tum ille agrum, inquit, hunc nostrum peragranti, si bene tibi consultum  
uelis, lupum comitem adhibebis: neq; enim comite alio tot, tātōrumq; mo-  
lossorum rabiem cui taueris, atque utinā unus tibi satis sit lupus. Atqui,  
inquā, meus hic asellus uni lupo satis non est. Egressus igitur Capua pue-  
rum, quòd aliquantum de uia seffus esset, asino impositū præcedere cum  
iussissem, ipse pōst sequebar: nec multū uia progressus, audio irrideri me  
à uiatoribus, ac fatuum dici, quòd senex ipse ac pannis inuolutus pedibus  
iter facerem, puerum firmis pedibus, atq; expeditum asino anteducerem.  
Itaq; haud multo pōst cum iussissem puerū descendere, ipse asino uehi cœ-  
pi: nec ita multum itineris confeceram, ecce qui me accusare cœpit, quòd  
ualidis uiribus, puerum atq; aetate tenera atque imbecilla, ire pedibus paterer,  
ipse asello ucherer. E quo statim, crimē ut auerterem, descendi, bestiolamq;  
ducere capistro cœpi: nec multum ab Auerfa aberam, ibi miris me modis,  
ab ijs qui et ipsi oppidum petebant, meq; sequebantur, condemnari, atq;  
ut ita dixerim, excachinnari sentio, quòd cum puero unā à ferri asello com-  
modissime possem, uacuum tamen illum atq; expeditum recte ducere.  
Quibus ut satis facerem, ascendi cum puero asellum: uix autem oppidum  
intraram, cum sublati primo cachinnis, pōst etiam clamoribus intelligo  
me à popularibus incesse: O senem delirum, ô asellum miserimum. Non  
corrui infelix sub tanta sarcina? non crepuit misellus? uidetis ne asinum  
asello uehi? sentitis quadrupedem beluam, quā bipes belua est, non adeò  
quidem beluam esse? Denique pueri lapidibus me insectari cœpere, qui-  
bus instigatus asinus currere cum cœpisset, me cum puero unā in lu-  
um excussit: nec desuere, qui pallio pedibus insultarent. Irrisus, contem-  
ptus que, lutosam urbem luto collitus transeo: nec iam Suppatius ab ijs,  
quibus essem cognitus, sed Lutatius uocitabar. Atque hic quidem su-

scriptæ ob queritandum sapientem profectionis exitus ac finis fuit. Habes Hærrice bone, ac uetus amice peregrinationis meæ rationem, quæ utinam Antonio nostro cognita esse posset. Verum cum illo melius actum est, quod solutus humanis curis, inter beatos nunc agit, nec de sapientia ulterius sollicitus est, cuius me studium, ut intellexisti, ad asinum redegit, tibiq; persuadeas uelim, multos diuites, non paucos doctos recte dici, et quidem esse, sapientem autem neminem. Qua de re post etiam plura. Nunc Pontanum nostrum ut uisam eo, quem Capuanam ingressus, dextrum crus fregeisse accepi, atq; è dolore uehementer laborare.

HOSPES, COMPATER, LVCIVS FILIVS.



Multa quidem à Siculis meis audio de Pontano prædicari, eiusq; in primis facilitatem atq; mansuetudinē laudant: cupercimq; illum nosse atq; alloqui, ac per familiarem aliquem aditum ad eum habere, sed lenito dolore, qui dum crudior est, non tam facile uisitationem admittit. Interim contentus ero, qua facie sit nouisse. com. Bona et recta statura, fronte lata, caluo capite, supercilijs demissioribus, acuto naso, glaucis oculis, mento promissiori, macilentis malis, producta ceruice, ore modico, colore rufo, adolescens tamen perpalluit, reliquo corpore quadrato. Vnum nunc illi male contigit, nobis amicis non incommode, quod pede altero debilior cum sit factus, in deambulationibus remissior futurus est. Sed bene habet, eius filiolus domo egreditur, quem compellasse non iniucundum fuerit, cum sit bona et leta indole, atq; ut uideo, ad nos uenit. Luciole, quid agit pater? LVC. Cum matre litigat. Acceffit ad eum adolescentulus cum mandatis, putat illum mater missum à pellice. eam uociferantem quo magis ridet pater, eo uehementius irritat. ego è cubiculo me proripui, atq; eo libentius, quod sacerdos ad eum ingressus est, uult enim mater sacerdoti se ut purget, ac peccata nudet, rem sane importunam: sat enim scio, matrem et suam, et patris peccata nudiustertius sacerdoti ordine aperuisse. Nam cum ipse ad confitentis matris genua assedissem, mater nam confessionem, aut rectius questum, attentè aucupatus sum. Bone sacerdos, maritus meus amat ancillulas, si quas facie liberali uidit, sectatur ingenuas puellas. Anno superiore Tarenti cum esset, cognouit non unam. Anno autè in Hetruria cum Gaditanula deprehensus fuisset. Iocatur etiam domi cum Aethiopijs, nec pati possum eius intemperantiam. Ille ridet, ego dirumpor: perreclat urbem ac principum aulas, ego domi inter pedissequas portior pensa. Nam quid ego illum cum sodalibus, quibus quam familiarissime dies ac noctes utitur, nisi de amoribus, de que uoluptate loqui

loqui, atq; agere putem? cum interim misera in cubiculo de re familiari sollicita domesticis curis macror. Dij me omnes aspexere, quo die crus fregit, non licebit claudum totis diebus domo abesse, singulis horis prostibulas adire. Rideat nunc, urbem inambulet, frequentet sodalium domos, audiat uia in media pellicū pueros: ego uel ex hoc Deos æquissimos iudicauim, quod tādē iusto cum supplicio affecere. Quid igitur opus patrem errores iterato confiteri, quos mater tam aperte explicauerit? Nuper notus quidam et uetus, ut arbitror, familiaris, patrem cum adiret, ubi eum uidit mater, exclamare statim cœpit: Scilicet ab Hetruria? ab scortillis? Quid agunt Pisatiles meretriculæ? præ ira non Pisanas, sed Pisatiles dixit. Vt ualeat Gaditana illa? ut memor est amorum hircuituli huius? detuli si ne ab ea literulas, cum mandatis? ubi munuscula? ubi monumenta ueterum delitiarū? ac tantū non manū iniiciebat, quod ille ueritus retro ad ianuā mature concessit, atq; actutum abiit. Mihi pater, ut cederem, innuit. Ipse carmen decantare euomium cœpit. HOS. Scitum puerum. Sed obsecro carmen euomium quod sit edoce? LVC. Qui carmen dicit in mulierem furore percitam cōuersus, ter despuat, illa statim bilē euomit, ac rabie leuatur. Ipsum aut carmen est: Triceps est Cerberus, ter te ego despuo. Triplex est Eumenis, ter te ego despuo. Vomas dico uomas, ter uome, et improbā Pectore purgato rabie ad Phlegethōta remitte. HOS. Mirum huic carmini uim tantam inesse. LVC. Ipsares docet. Sed desine obsecro, mater est in fenestra, cuius conspectum uereor. Valetē bellissime.

HERRICVS, SUPPATIVS, LYRICEN HOSPES.



Pinione citius redit ad nos Suppatius. SUP. Hoc deerat ad queritandā sapientiam, mulierem irritatam adire, ne id uelit sapientiæ ipsius pater Iupiter. Et disputant adhuc sapientes quidam de uxore ducenda? Non quidem si ipsa sapientiā ducenda sit, uxor mihi ducenda uidetur. Bonus tamen hic et constans Pontanus ridebat, et uultu quidem quammaximē tranquillo. o confirmatissimi pectoris hominem. Mihi quidem si hæc uita est maritorum, ne ipsa quidam constantia uideri uirtus potest, quæ uita iniquitudinem ac miseriam alat. Quid enim affirmatio tam constans ac perpetua, nisi continuæ rixationis alimonia est? Valeat, ualeat uirtus ista coniugalis, litigiorum nutricula. Valeat maritalis uita. Ego me ad Hericū refero. HER. Quæso cur tam cito? SUP. Dormiscere aiebant, atq; à dolore paulum modò requiesse. Interea dum edormiscat, Anto-

niano munere, si placet, fungamur. HER. Placet, ac perquam opportu-  
ne Lyricen, & quidem non malus sese offert. Ades lepide homuntio. Ly-  
ram tãge amabo, sepositumq; aliquid succine. L Y R. Perquã libenter:  
Ne faciem Telefina colas, neu finge capillum.

Bella satis, soli si modò bella mihi.

Munditiæ Telefina iuuant, fuge candida luxum.

Munditijs capitur delitiosus amor.

Luxus obest formæ, forma est contenta pudore.

Ipse pudor ueri iura decoris habet.

Simplicitas nam culta sat est. Tu lux mea cultum

Effuge: bella quidem simplicitate tua es.

HER. Accipe mercedulam, & carmen ipsum itera.

L Y R. Quin aliud potius.

Sirenes madidis canunt in antris,

Dum captas male subruunt carinas.

Sic mortalibus ipsa uita, blande

Illudens, canit ut dolosa Siren,

Donce uel grauis ingruit senectâ,

Aut mors occupat, estq; nil quod ultra

Iam restet, nisi fabula, atq; inane.

HER. Lepidissime, atq; utinam nō tam uere. Quæ autem facilitas est tua,

etiam aliquid quod nouum sit. L Y R. Quamlibentissime, Suppatij præ-

sertim gratia, senis tum iucundi, tum etiam musicæ huius non imperiti:

Dulce dum ludit Galatea in unda,

Et mouet nudos agilis lacertos,

Dum latus uersat, fluitantq; nudæ

Acquore mammæ.

Surgit è uasto Polyphemus antro,

Linqvit & solas uolucer capellas.

Nec mora, & litus petit, & sub altos

Desilit æstus.

Impiger latis secat æquor ulnis.

Frangit attollens caput, & per undas

Labitur, qualis uiridi sub umbra

Lubricus anguis.

Illâ uelocis mouet acris artus

Dum peti sentit, simul & sequentem

Incitat labens, simul & deorum

Numina



Numina clamat.

Illicet diuūm chorus hinc & illinc  
Fert opcm fessæ. At Polyphemus antè  
Non abit, lassus licet, & decorum  
Vocē repulsus.

Quam ferox nymphæ tumidis papillis  
Iniicit dexteram, roscōq; ab ore  
Osculum uictor rapit, illa mœsto  
Delitēt amne.

SVP. Habetur à me tibi non parua gratia, habebitur et abunde quidē magna, si ut in Herrici gratiam, sic in meam quoq; adhuc aliquid dignum te, dignū hoc confessu, dignū etiā noua, & rediuiua ista disciplina. L Y R.  
Geretur à me tibi mos. Utinam tamen is essem, cuius ingenio musicæ ipsi aliquid collatum esset. Ac ne ex corum sim numero, qui ut ab Horatio iure irridentur, nunquam rogati cantare inducunt animum, etiam hoc accipe, in tuam atq; Herrici ipsius, si tibi non displicet, gratiam:  
Ad quercus Amarylli ueni, dum retia seruo,  
Aere dum timidas fundā detrudo palumbes.  
Ipsa dolo errantem per deuia falle sororem.  
Ipsa ades ô Amarylli, recens tibi caseus, & lac  
Ad fontem, pendetq; grauis fiscella sub alno.  
Te cucumis uiridisq; pepon, hortensia dona,  
Te seruata cauo iam pridem subere mella  
Expectant, bini lento de uimine quali  
Seruantur, quis labra niger flauentia claudit  
luncus, & in te xto dependent cornua ceruo.  
Percurrit medius lacrimoso flore hyacinthus,  
Et niger auratas suspendit gracculus ansas  
Gracculus, à dextra serpens latet, & fugit ala.  
Quid cessas Amarylli? duos tibi pascimus agnos,  
Hinnulosq; duos, quos matris ab ubere raptos  
Inter lactanteis ipsi saturauimus hedos.  
Nec dominum ignorant catuli, ueniuntq; uocati.  
Est mihi præterea thalami seposita supellex  
Supparus, hunc neuit Lyrineia, textit Alcon,  
Palladi dilectus Alcon, cui tortile collum  
Nectit ebur, leui stringit noua fibula buxo.  
Brachia ceruleæ decurrunt tenuia lanæ.

*Lanæ, quæ mediis pauo nitet intertextus?*  
*Filaq; purpureus miscet uariantia limbus.*  
*Hæc tibi seruatur festis Amarylli diebus,*  
*Rara chlamys, rarum specimen, mirabile textum,*  
*Vel tibi ut inuideat Lalage, rumpatur ut olcas,*  
*Spectatum ueniant ut munera ad ipsa Napeæ,*  
*Mæonis ut tantum decus admiretur Arachne,*  
*Obuius ad corylos uenio tibi, hic mihi primos*  
*Amplexus Amarylli dabis, dabis oscula prima.*  
*Lenta lego ad cerasum duo succina quæ tibi seruo.*  
*Altera celat um culicem stridentibus alis*  
*Includunt, tenui sub cortice murmurat ales.*  
*Altera nutantem sub iniquo pondere celant*  
*Formicam. Illa oneri incumbens trahit horrida færra,*  
*Hec primo pro complexu tibi munera sunt.*  
*Quid moror? en coryli iam summa cacumina motant,*  
*Iam strepitant uirgulta, Lycas latrat, cia age thyrsi,*  
*(Ipsa uenit) propera, miscrum me, num strepit aura?*

HER. Plenos uoluptatis nos relinquis, ac bonæ spei suauissime homo.  
 Nam quanquam multum tibi ætas debet nostra, qui ex agresti illa musica  
 sic emergeris: debituri tamen plura multo sunt posteri, si qui te uolent  
 imitari. Fore enim speramus, si quos tui similes reliqueris, uti pristina in  
 dignitatem excellentiamq; restituantur: tametsi quantum ipse hac in re pro-  
 feceris, non ignoramus. LYR. Siquid profeci, gaudeo: quamuis quid pro-  
 fecisse potuit homo tantis tum suis, tum alienis impeditis curis? Voluntas  
 certe non defuit, defuere ocia, quodq; paucos admodum nouimus, qui stu-  
 dijs his delectarentur. quæ re uoluntas ipsa non parum pertcepit, et  
 ut uerius loquar, refrixit. In magnis tamen occupationibus et seculorum  
 iniquitate, si quid ætati nostræ attulimus ornamenti, letamur: nec laboris  
 poenitet, quos grauissimos ab adolescentia ipsa suscepisse non diffitemur:  
 qui minus quidem apparent propter castrenseis molestias, quæ optimam  
 uitæ partem studijs eripuerunt. Sed de sinâ de ijs dicere, ne de me ea ipse prædi-  
 cem, quæ ab alijs coram prædicari non paterer. Satis enim et olim habui, si  
 per paucis, et nunc habeo si uobis grauissimis senibus musa nostra non di-  
 splicet. Nec est quod ullas à uobis expectem gratias, tantum oro, ut abire  
 me quamprimum postquam aliqua ex parte uobis satisfeci, æquo animo  
 feratis: inuitatus enim ad amici nuptias propero, hymenæum decantatu-  
 rus. HER. Et abire te quam æquissimo animo patimur, quamuis utinam  
 nobiscum

nobiscū esse te et sepius et diutius liceret, et gratias etiam quātas possu-  
mus maximas agimus, qui animos nostros tam suauiter, uarieq; delinie-  
ris. *LYR.* Valet igitur continentissimi senes. *HER.* Et tu lepidissime  
homo abi quamauspiciatissime. Admiraris bone hospes homuntionis huius  
canendi ut uideo suauitatem, ac sub tam remisso incessu ingenij nobilita-  
tem tantam. Scias uelim usurpare solitum Antonium, cæteros ferè omnes  
huiusce artis studiosos ingenij sui ostentatores esse, hūc autē dissimulato-  
rem: et quod ipsi sepe audiuius, cum alijs plurimū tribueret, sibi ipsi  
uel accrime detrahentē. Sed quæso uitor ne ego recte oculis? quæ nā hæc  
pompa est? Dij boni qui grex personatorū? Et hoc quoq; recens cisalpina  
ē Gallia allatum est. Decrat unum hoc ciuitatis nostræ moribus tam con-  
cinnis. Prægreditur tubicen. Sequitur hedera coronatus, quasi populo re-  
citaturus. quis nouus hic uates, tantum secū adducens personatorū? o lar-  
uatorū urbem, o fanatica ingenia. Quid quod pulpitum, ac subsellia ex-  
truunt? an sibi audientiam parant? O iucundissime Antoni ubi nunc es?  
ubi risus ille tuus, leposq; tam falsus? Ascendit uates pulpitum, auditores  
consedēre. Canit iam tubicem, audiant otio qui abundant. Me satis quidem  
fuerit in adolescentia delirasse. ætati huic cōpositiores sunt mores induen-  
di. atq; ut uideo experfectus somno Iouianus nos per puerum ad se uocat.  
Licet et te Sicule hospes nobiscum ad amicū, et perhumanum hominem  
ingredi. *HOS.* An est quod magis cupiam? uos præcedite. Ego sequor.

## HISTRIO PERSONATVS.



Acete atq; filete, atq; animum aduortite,  
 Nouam asserimus uobis quæ uetus est fabulam.  
 Muti tacete, mutos tamdiu uolo  
 Silentium dum rumpat, plausus, editus  
 Lingua, manu, pedibus quam clarissimus.

Hoc qui faciet, plausum post editum bibit.  
 Tacent, nimiram sitiunt omnes maximè.  
 Atqui licet potare plausum ante editum.  
 Adest cadus, caupo guttum, atq; urceus.  
 Caveat tamen qui bibit, ebrius ne cubet.  
 Silentium non somnum mutamus mero.  
 Illi promito caupo, sedet qui ultimus.  
 Vinosum eum esse non somniculosum indicat  
 Productus nasus, eminens, tuber, rufus.  
 Ipse hoc fatetur, ridet: habent hoc ebrij,

Rident libenter, risus nam sit im excitat.  
 Nouum tamen poetam ridere abstine.  
 Cœnabis post silentium, pretium hoc erit.  
 Immo potabis large, abunde gallice.  
 Ridere sed iam desinas post quàm satis  
 Potasti, nasum emunge, atq; aures arrige.  
 Nouum dum uates carmen pulpito intonat,  
 Prius tamen argumentum hoc explico tibi.

Dum castra haberet ultimis in finibus  
 Hispaniæ Sertorius, dumq; aggredi  
 Parat Pompeius ex improviso eum,  
 Fit per exploratores ipsa certior.  
 Cogit in campis copias. committitur  
 Ab equitatu certamen sæuum, atrox, dubium.  
 Equi uiriq; hinc illinc confossi cadunt.  
 Duces accurrunt prope instructo agmine.  
 Pugnatur ui, dolo, fraude, audacia.  
 Nox prælium, ac Dianæ nuntia dirimit.  
 Habetis argumentum ueteris fabule.  
 Heus tu qui dexter asides, subrigito  
 Oculos, ac mentulum. quid spectas humum?  
 Paulatim sic ut uideo somnium prouocat.  
 Ridetis. dixi mentulum, non mentulum.  
 Nec est peccatum, à mento, non menta editum est  
 Vocabulum. Nouus sed uates incipit,  
 Demulsi barbam, hedera capiti implicuit.  
 Tacete, atq; filete, atq; animum aduorite.

## POETA PERSONATVS.



Pse autem auratis fulgens Sertorius armis,  
 Agmina cogebat campis: huic filius astat  
 Hemicus, hispanaq; satius de matre Marullus.  
 Hic peditem, ille equitem addensat, sua signa tribuni  
 Expediunt, portis ruit indignata iuuentus  
 Præuenisse hostem, et montis iuga celsa teneri.  
 Non aciem campo statui, aut dare signa manipulis  
 Pompeianus eques patitur, uolat agmine facto  
 Præcipitans. Primi Mariusq; acerq; Scuerus

Occultans

Oculta nam nacti uallem, qua proxima ducit  
 Scmita, limosumq; ferunt uestigia ad amnem.  
 Astitit in ripa Marius prior, hunc uada nantem  
 Accipiunt tranquilla, ferox sed flumina seruat  
 Manlius. hic duro traiecit pectora conto,  
 Percussitq; ferum saxo, caput abdidit aluco  
 Attonitus sonipes. Marium rapit unda dehiscens,  
 Atq; hastæ rotat infixum. fortuna Scutro  
 Haud melior fuit. Acta manu caua tempora quassat  
 Funda leuis, cerebroq; lapis compactus adhæsit.  
 Decidit exanimis, uitamq; effudit in undis.  
 Ter fluuiio emerfit iuuenis, ter gurgēs anhelum  
 Hausit hians, mox et trunco suffixit acuto.  
 At Catulus, Catuliq; genus Quintillus, et asper  
 Tertullus, patriq; hares cognominis Oseus,  
 In leuam flexere. Comes simul additur illis  
 Hispanus Bicia, exclamans: Quo uertitis? huc uos  
 Huc iuuenes. Ite ad pontem. Dux ipse uiarum  
 Præcedo. Dixitq; et per uestigia nota  
 Delatus, pontem ingreditur, tum cætera pubes  
 Insequitur, furit immixtis equitatus habenis.

Obuius his equitumq; ciens, peditumq; cateruas  
 Fit Rutilus, Rutiliq; gener Veranius, et qui  
 Prima puer musis dedit otia, moxq; secutus  
 Arma, tulit meritum primæ legionis honorem  
 Pontius, à quo etiam ducta est Pontana propago.  
 Quem sequitur uolucerq; Melas, alacerq; Metiscus,  
 Et Pardus gladio melior, Chariteius hasta,  
 Insignes hederis, meritaq; ad tempora fronde,  
 Et cui casta comas tegit insula, certus et arcu  
 Et certus conto pugnax Coruinus acuto.

Primus in aduersum torquet Veranius hastam  
 Quintillum, quæ præcipiti delapsa ruina  
 Per clypeumq; femurq; uiri, penetrauit ad imum  
 Pectus equi, gemuit sonipes. Dumq; excutit illam  
 Imitens, dum ferratis hic calcibus auras  
 Verberat, excussa Quintillus labitur hasta.  
 Accurrit pater, ac telo per tempus adactos

Deturbat Rutilum. Inde Melas dum feruidus instat,  
 Dum catulo cadit auulsus de pectore thorax,  
 Exegit medium prædia ad intima ferrum.  
 Labenti dum ferrum iterumq; iterumq; coruscat,  
 Sensit præcipitem uento stridente sagittam.  
 Quam dum declinat iuuenis, forte ilia in oscum  
 Obuertit, lateri & telum crudele recepit.  
 Extraxit telum obnitens, ac talibus infit.  
 Non tibi mentitum osce genus, uetere sq; parentes  
 Profuerint, Fauno aut mater dilecta petenti.  
 Tum clypeo asiliens, enssem quatit, & ferit ora  
 Nuda osci, cum forte leuis ceruice reflexa  
 Cassis hiat, cruor auratis diffunditur armis.  
 Ingeminat perq; ora Melas, perq; ilia ferrum.  
 Ipse iterum lateri accepit moribundus acutum  
 Enssem, auratum enssem, mox corruit, acer & unâ  
 Corruit oscus, & ingenti premit arua fragore.

Attonitæ stupuere acies. At Pontius instat:  
 Ite uiri, mecum ite uiri. Succidite pontem  
 Dum trepidant, nullo & liber custode tenetur.  
 Hæc ait, & rapta primus uolat ipse securi,  
 Desiliitq; pedes: Sequitur cuneata iuuentus.  
 Tū Bicia increpitās, Quo nūc Tertulle? quid hæres?  
 In ferrum Romane rue. Atq; hinc talia fatus  
 In medium incurrit peditem: nec defuit illi  
 Tertullus: uolat aurato conspectus in ostro,  
 Nunc iaculo, nunc ense micans, fit ui uia. Sæuit  
 Effera uincentum rabies, rabiesq; cadentum.  
 Forte ut erat prolapsus equo Veranius, alte  
 Sustulit attollens oculos, telumq; uibrantem  
 Suspexit Biciam. Quò tu quò pessime telum  
 Carpetane uibras? en hoc ait accipe. & armos  
 Unâ haurit, simul abreptas detruncat habenas  
 Bellatoris equi, tum comminus ense reducto  
 Perforat, ingentemq; alta prosternit in herba.  
 In Biciam se cuncta cohors stipata ferebat.  
 Pro Bicia ferus assurgit Tertullus. At illi  
 Succidit iugulum Parca indignante Metiscus.

Concidit

Concidit ut tenuis cum flos eneclis aratro est,  
 Insignis facie puer, et florentibus annis.  
 Nec mora siue aliquis, dubium, miles ne deus ne  
 Sustuleritq; manum, iaculumq; intorserit, intrat  
 Loricam galeamq; inter ferratilis ornus,  
 Qua ceruix commissa humeris: nam fuit Metisco  
 Nec sua non properant, Bicia seu cana senectus,  
 Cui caput auulsum collo Maurifius Atlas  
 Atq; haste infixum ostentat. Quo territa retro  
 Pompeiana acies, pontem turbata petebat.  
 Vrgebat fugientem hasta Chariteius, ut se  
 Proripit et specula. Simul et clamore premebat  
 Iuncta cohors. Illi abruptis referuntur habenis.  
 Senuit at hic gladio incumbens Coruinus et harpe  
 Ut quondam lupus in pecudes furit. omnis ab uno  
 Grex fugit. Ille atrox et dente cruentat et ungui.

Pontius ut sensit strepitum, ac nutantia uidit  
 Robora, et attrahere immanem tabulata ruinam;  
 Cede inquit generosa phalanx fugientibus. ipsi  
 Ferratis ad ripam hastis incumbite, quae se  
 Voluit agens, retroq; uagus conuertitur amnis.

Hic uero turbatus eques clamante tribuno  
 Constitit. Instaurata acies. Tum Pardus et actor  
 Sulpitiusq;, Aniusq;, et auiti nominis Arunx  
 Incumbunt, uariusq;, et Pæno è sanguine Hiensal,  
 Marmaridesq;, Mahar, Atlantiadesq;, Maharbal,  
 Et Bostar Barceus, et Pyreneus Hierus,  
 Androclidesq;, Maron, Antenoridesq;, Boriscus,  
 Atq; alij, decus egregium, quos traxit in arma:  
 Quiq; repostus equo Veranius, egra trahebat  
 Corpora, sed uincit famæ generosa cupido.

Meoniæ nunc plectra Deæ cantusq; ciète,  
 Et bello decus, et decori longam addite famam.  
 Non aliâs equitum maior, seu maior equorum  
 Ardor, utrinq; duces stimulant, utrinq; tribuni.  
 State uiri, pugnate uiri, clamatur utrinq;.  
 Quo ruitis? Pompeius adest, incumbite fessis,  
 Impiger aduenat Seritorius, armacruore



Sparsa madent, crepitantq; enses, clypei; resultat  
 Impacti clypeis, fractæq; hastilibus hastæ.  
 Tū uarius clamorq; equitū, atq; hinnitus equorum,  
 Dissultant ripæ, et uoces nemora alta remittunt,  
 Non aliter quàm cum bello flagrante gigantum  
 Acoliam ad Liparen sudat Vulcania pubes.  
 Fit strepitus, ferriq; fluunt, ærisq; metallâ.  
 Antra sonant ualidis incudibus. itq; cauernis  
 Immissus fumo sonitus. caua murmurat Actna,  
 Vicinæq; fremunt ualles, maria ipsa resultant,  
 Ac longe fragor ingeminans defertur ad auras.  
 Hic pardo suffossus equus. cadit impiger acto  
 Androclidesq; Maron. traiectus et ilia conto  
 Corruit infelix Arunx, Bostarq;, Maharq;,  
 Ense Mahar, iaculo Bostar per pectus adactio.  
 Sulpitius dextra excelsa, leuâq; Maharbal  
 Innuiti excedunt pugna. Veranius hastam  
 Crure trahit. Dumq; illâ Annius conuelleret tentat,  
 Accipit aratam per colla exerta bipennem.  
 Tum uerò turbata phalanx cedente Borisco,  
 Quem clypeo exutum et galea Catilina premebat.  
 Syllanum genus, et rara uirute tribunus,  
 Vociferans: En qui Hesperiam sua præmia poscunt,  
 Oceano et regnare parant? Simul exigit harpen  
 Ore tenus, dictisq; ferox insultat amaris:  
 Hesperiam quam quæris habes. Patauina colebas  
 Rura miser, nunc auratis occumbis in aruis.  
 Tum Fabium, Titiumq; ferit, flauumq; Libyscum  
 Fonteiumq;, et quos Elice de matre gemellos  
 Sustulit Eleis prætor Vipsanius oris,  
 Almonem, Andronemq;, et Cumanum Abeonem.  
 Dat lecto Laufennum, et amicum Nerea musis,  
 Nerea præstantem forma, et puerilibus annis,  
 Quem liquidis Sebethos aquis, quem cerula fleuit  
 Parthenope, quem Nereidum chorus omnis, et uadæ  
 Sirenes conturbatis fleuere sub antris.

Has inter strages, Variusq; et fortis Hienfal  
 Stabant inuicti ferro, truduntq;, trahuntq;,

Vulnere

Vulnera dant, sternuntq̃. prior sic fatur Hiensal:  
 Macle Vari uirtute, uides qua sorte ruat res?  
 Fraude opus est. hunc ipse locū cape, dū mihi segnis  
 Fit fuga. Vix hæc effatus uestigia uertit.  
 Insequitur Catilina, fugam celerabat Hiensal.  
 Itq̃, reditq̃. iter inceptum, fallitq̃. sequentem,  
 Dum Varius iaculū incoctum post terga sub ipsum  
 Infigit semur, & dictis ferus increpat. Ille  
 Saucius ingemuit, uixq̃. ad sua signa recepit.  
 Incumbunt tum uictores, uictiq̃. successunt.

Pontius interea positis uada ad ipsa manipulis  
 Hos cogebat, & hos, ut quem fors ipsa ruentem  
 Obtulerat, tumulumq̃. leuis delatus in altum,  
 Euentum pugne ut uidit turbatus & amens,  
 Huc iuuenes, simul ad pontem uestigia uertit.  
 Insequitur pedes, atq̃. eques, agglomeratur eodem  
 Cuncta manus. Simulecce etiam fulgentia signa  
 Cernere erat, uolat admissis Sertorius alis.  
 Parte alia de colle procul Romana ferebat  
 Se legio, uolitant aquile. Petreius ante  
 Agmen agit, primusq̃. uias et flumina monstrat.  
 Ut uentum ad ripam, stetit impiger, & monstrato  
 Ponte, iubet primam confestim antecire cohortem.  
 Ingemuere trabes, succisaq̃. robora nutant  
 Assaultu peditum uario. Tum pulsus ad amnem  
 Cedebat Catilina, omnisq̃. equitatus habenas  
 Laxabat, præmissa cohors tabulata tenebat  
 Vltima, per medium raptat uestigia pontem  
 Pulsus eques. Ruit ecce trahens peditumq̃. equitēq̃.  
 Pons secum, præcepsq̃. cauo deuoluitur aluco.  
 Substitit amnis: tum ripæ intumuere profundæ,  
 Conuersusq̃. nigras fluuius raptabat arenas.  
 Attonitus casu tanto Petreius amnem  
 Spectabat, uolabat acta manu corybantis arundo,  
 Atq̃. ocreis illapsa, semur penetrauit ad imum.  
 Pontius è ripa exclamat: Nunc uadite segnes,  
 Etripam tentate dolo. Cum talia fatur,  
 Diffundit sese in parteis, ripasq̃. relaxat

Turgidus amnis aquis, uoluitq; ad littora fluctus  
 Arma, uiros, tabulas, & corpora quadrupedantum.  
 Stant pedites innisi haustis, uersantq; ruuntq;  
 Semineces, spoliant alij, passimq; secundum  
 Flumina suspendunt alte spolia indita ramis.  
 Exanimem implicituq; ulua fluctusq; uomentem  
 Eruptant undæ Catilinam. Ille æra ut alnum  
 Haussit, & accepit gratæ spiramina uitæ,  
 Apprendit raram dextra, tenuitq; prehensum.  
 Hinc illinc oritur clamor, pugna aspera surgit,  
 Fundarum crepitat lapidosis ictibus amnis,  
 Turbibus, & multo sub uerbere disilit ær.  
 Exceptus tandem à socijs conamine magno  
 Curuatis trahitur contis, ripaq; locatus  
 Vltiore, uomit madidas de pectore arenas,  
 Cum subito rapidum affertur Sertorius amnem,  
 Et pugnam tuba terribili ciet horrida cantu.

## HISTRIO PERSONATUS.



Vicuit ut uidetis uates istricus.  
 Sitim pati non potest, quod homericum  
 Ait fuisse, seq; similem illius  
 Mero potando noctu, atq; interdiu.  
 Bonum poetam nisi uinosum neminem  
 Ait, & id recte, & quod ait re comprobat.  
 Heus tu cui nasus, ora, labra, guttura  
 Rubescunt, uini potando hoc experirer?  
 Taces, fateris uictum, nunc hoc accipe.  
 Vides fort una uariet ut hominum uices?  
 Pugnant illi de uirtute & gloria,  
 Nos de mero: pugnant ferro hastilibus,  
 Nos uitro, nos argenteis carchesijs.  
 Hoc nunc agite spectatores optumi.  
 Duces decoris pictos armis noscite,  
 Et gesta Marte dubio certamina,  
 Ac sæuienteis campis ignium globos  
 Vento rotatos, & flammaram turbines,  
 Agros, nemora, peditumq; ambusta corpora,

Vnā absorbentem, et cælo labentis faces.

Audire pulchrum est strages, et cadentium  
Aceruos, ac cruore stagnanteis agros,  
Ipsum tranquillo, et tuto sistere in loco.

Illuc redeat unde digressa oratio.

Prius quicquid noster hic uates siti,  
Nunc somno, uinum ut edormiscat scilicet.  
Homeri hoc tantum habet, quod persæpe ebrius:  
Maronis unum, nimio marcet ocio.

Sentitis ut apertis stertit faucibus?

Hiat, muscas uenatur. Sanè hoc est nouum  
Aucupium. os aperit, stringit iam, tene, tene  
Lepidam auiculam. heus uitule, heus marina bellua,  
Deliciæ Oceani, surge atq; expergiscere  
Postquam uenatus. Euge, iam erigit caput,  
Iam defricat oculos, iam ascendit pulpitem.

Taceo. Vos spectatores animum aduortite.

POETA PERSONATVS.



Constitit hic lustrans oculis loca, mox ita fatur.  
Haud paruo fraus hæc steterit tibi magnæ, nec cultra  
Cunctatus uocat armatos ad signa tribunos.  
Vos Musæ memorate, etenim memorare potestis.  
Vobis Pyrene, Arcitencens Dea rettulit illi.

Vos memori egregium facinus producite fama,  
Quod iuuat et meminisse, et commemorasse minores.

Alcilius fraterq; Lycon prima agmina ducunt,  
Præstantes animis iuuenes, quos Nursia mater  
Marte satos, sicut im patrijs mandarat alendos  
Montibus, et succis herbarum, et lacte lyciscæ.  
Testatur nutricem auro galea alta lyciscam.

At clypeo quatit ingentem Mars efferus hastam.

Proximus syluano clarius patre, clarior armis  
Agmina agit Marsus, clypeo lacus enatat ingens.  
Ipse antro fundit liquidas et Fucinus undas.  
Pandit se cono aduolitans argenteus anser  
Addictus puero custos, cum paruus ad amnem  
Ludit au, puer et uitreos maris innatat æstus.

Hinc iaculo bonus, ense bonus, melior tamē arcu  
 Actius insequitur, argento auroq; coruscus.  
 Neuit acu chlamydem coniux, quam lucus opacat  
 Hesperidum, pendentq; suis poma aurea ramis.  
 Argento serpens riget, et trahit horrida cauda  
 Septem orbis, micat et linguis furiata trifurcis.  
 Sub leuam uagina auro, uiridiq; smaragdo  
 Irradiat distincta, et iaspide fulgidus ensis  
 Ad capulum, nitet et nexu noua fibula cburno.  
 Aurea mandebat sonipes frena, aurea cassis  
 Emicat, auratos spargit sol aureus ignes,  
 Ac serpunt hederæ per leuia tempora nigrae.  
 Lunat Amazoniū in morem pelta horrida mostro  
 Lernæo, septemq; illi capita alta tumescunt.  
 Et latos pandit rictus fera, defluit atrox  
 Virus, et effuso liuescit parma ueneno.  
 At dorso pugnacis equi terga aspera pendent  
 Illa bouum, tegit et crudus gēnua ultima pero.  
 Hæc uariat nemus idæum, atq; ad pocula raptus  
 Dardanius puer, et cupido præda acta tonanti.  
 Ter puerum inuadit præpes, ter præpetis alas  
 Euadit puer. hinc rostro sacrales adunco  
 Abreptum, implicitumq; ungui, multumq; sub ala  
 Percussum, frustra auxilium, diuosq; uocantem  
 Ante Iouem cælo statuit, mox uersus in astrum  
 Inter sydereos ales micat aureus ignes.

Quæ post uenatore satus patre, maximus armis.  
 Compater, huic apri clypeo riget horrida pellis,  
 Incoctumq; urfi tergus, latrat aspera cassis  
 Ora canum, duraq; horrent uenabula dextra.  
 Lartius hunc pater amissa genitrice, lupina  
 Pelle fouet tectum folijs, subq; ubera adactum  
 Lactentis quam cum catulis deprenderat urse.  
 Mox puer exagitare feras assueuat, et acto  
 Venatu tolerare famem, atq; inhiare cruori.

Qualis mane nouo cum fulgidus igne nitenti  
 Lucifer irradiat cælo, mirantur et illum  
 Pastores, gaudet caro Venus aurea signo,

*Acratam*

Acratam sic ante aciem nitet ora Camillus,  
Insignisq; coma puer, et fulgentibus armis,  
Miranturq; ut tela manu, atq; ut torqueat hastam.  
Ut gladium stringat dextra. Sertorius ipse  
Concipit optatæ iandudum gaudia palmae.

Tum uates Phoebæ carus Saxonius Astur,  
Idem augur, cui uox auum pennæq; patebant,  
Et curare manu doctus cantuq; leuare  
Vulnera, non tamen ense minor, minus utilis hasta.  
Laurea cingebat galeam, tegit insula crines,  
Serpebant hederæ clypeo, uiret hasta corymbis,  
Et capulo insignis radiabat acinacis aureo.

Hinc Aspar Garamas, quo non præstantior alter  
Aut torquere manu iaculum, aut dare uulnera funda.  
Ceruleus capiti trifido micat ore Ceraestes,  
Ter caudam collo implicitans. puer Aspar et illi  
Assuevit, cantata daret cum pabula et aspis  
Luderet infantis manibus, cum lambit et ora  
Ora genæq; simul, et collo lubricus errat.

Horret et insutus cetræ leo, cruda draconum  
Terga humeros, crudumq; tegit thoracæ elephātus.  
Ipse arcū pharetramq; humeris, clauamq; trinodem  
Incoctamq; sudem dextra gerit, et quatit acer,  
Mamaricoq; subinde hūlulans uocat agmina cantu.

Ecce decus belli rarum Tritonia Birse,  
Ipsa pedes quamuis, equites tamen eminet inter  
Vertice iam toto, et passu præuertit euntis.  
Nodosam lateri clauam fert, dextera pinum.  
Ingentem quassat pinum, quam fulua bipennis  
Asperat. Ipsa exerta humeros, et brachia et ipso  
Poplite nuda tenus. non illi pectora thorax,  
Non galea abscondit crines, sed tornulus aureus  
Circuit ingentem lato curuamine frontem,  
Et multo pectus communit balteus ære.  
Palladis armifonæ donum fatale, quod illi  
Ferre dedit, tutum armatos munimen in hostes.  
Hanc Fauno, et nymphea genitæ Garamantide, mater  
Dum partum celat, tergo bouis indit, et aspris

Sentibus impositam, nymphis nemorūq; relegat.  
 Quam dum forte lauat Tritonide Pallas in unda,  
 Oblatam ut tenuit gremio, miratur et ora,  
 Et latus humeros, et membra ingentia: quodq;  
 Nec uagit, fertq; aspectum non territa diu,  
 Quodq; hastam galeūq; oculis, atq; ægida lustrat.  
 Commendant matri Tritonidi: sedula mater  
 Educat. illa ut primum ætas tulit, ire per altas  
 Nuda genu sylvas, latebrasq; intrare ferarum,  
 Sectari ceruam cursu, uenabula in aprum  
 Dirigere, et filium iaculo attentare leonem.  
 Finitimis etiam bellis assueta, nigrantem  
 Gerionistheniden claua abstulit. hunc tremit omnis  
 Aegyptus, tremit extremi domus abdita Nili.  
 Egregium, ac cœli columnen Maurisus Atlas,  
 Accipit ob meritum donum immortale Minervæ,  
 Auratam fronti uittam, atq; ad pectora balteum,  
 Exultat quibus in bellis inuicta uirago.

Hemicus extremas acies, atq; ultima claudit  
 Agmina. nam iussus properare in castra Marullus,  
 Communire manu uallum, portasq; tueri.  
 Ipse ostro chlamydem intextam, argentoq; nitentē,  
 Aurea quam lato percurrit linea tractu  
 Insignis, fuluocq; comam nodante Pyropo  
 Irradiat, ueluti roseo cum solis in ortu  
 Percussum radijs splendet mare, iam tremit unda  
 Iam feriunt sese radij, iam dissiliit ardor  
 Huc illuc, nequeunt tum lumina nostra tueri.  
 Quin etiam auratos spargit de casside fluctus  
 Oceanus, splendet cano sub marmore Triton.  
 Fluctuat, et clypeo per cerula concita delphin  
 Argento assurgunt undæ. Tum litora gemmis  
 Sparsa nitent, micat aduerso sub lumine pontus.

Hos Arno genitus nymphæq; Euarchide uates,  
 Quem Musæ aonio puerum fouere sub antro  
 Puttijs ad pugnam uocat, atq; hortatur eunteis.  
 Diuobis sunt tela iuri. Mars dextera cuiq; est,  
 Vicinus ipsa suas uictoria concutit alas.

Pax

Pax parta. Hesperius nobis regnabitur orbis.

Vt uentū est sub signa, ducem sua quēq; secuta  
Est legio, ac densis cogit se exercitus armis.

Intenti expectāt signum, morāq; omnis iniqua est,

Oceano ueluti in magno cum cœcula Proteus

Agmina agit stabulis, cœunt immania monstra

Sub duce quæq; suo: feruent freta. pastor ad ipsas

Stat caulas, baculoq; greges, et uoce cœrctet.

Non casses, ipsi nequeunt retinere magistris.

Interea cæsos equites, primāq; cohortem

Haustram undis, ripasq; et flumen ab hoste teneri

Nuntius attulerat magno, famuliq; ferebant

Impositum clypeo Petreium. ægerq; dolensq;

Substitit ad medium collem, secum ipse uolutans,

Incertus casu tanto, pugnam ne retractet

Paulatim colle excedens, an flumina tentans

Implicitum eliciat ripis fluuiialibus hostem,

Fidentemq; equite, atq; recenti cæde tumentem.

Hæc secum. mox accito iubet arma Cethego

Inferri ripis, peditemq; ad signa uocari,

Ipse inuectus e quo. Nunc o fortissima bello

Pectora, nunc certate manu. Tot flumina nando

Emensos torrens tenet, atq; ignobilis amnis?

Vincite iam uictos, unaq; absoluite pugna

Reliquias tot bellorum. Dum talia fatur

Magnus, ab impigro pugna est commissa Cethego.

Nanq; ultra aduersam ripam uada nota secutus

Pontius insitit, campo congressus iniquo,

Dum fossas, et saxa inter uersatur, equesq;

Confossus cadit, et pediti pedes additus instat.

Quod postquam longe aspexit Sertorius, et quæ

Sit fortuna uidet: nulla est mora: protinus agmen

Ire iubet, dictis stimulans. Nunc lecta iuuentus,

Nunc uictrix manus ad ripas, uada peruia. et ipse

Pontius insultat campo. non audet et hostis

Aut conferre gradum, aut descendere montibus altis.

Hesperiam dextra gerimus. Spes omnis in armis.

Altilius fraterq; Lycon trans flumina primi



Consistunt, sequiturq; hastis innisa iuventus:  
 Pars capiti scuta alta gerunt, pars insita pilis,  
 Pone trahunt alij. Siftunt & flumina cursum  
 Mole uirum, atq; undis illis a remurmurat unda.  
 Tum ripæ clamore sonant, collesq; resultant,  
 Offensa & nemorum assultu respondet imago.  
 Vix aliâs tantis animis in prælia uentum est.  
 Successus certamen alit, dum cedere neutris  
 Decretum est, urgetq; ducum præsentia, & ardor.  
 Ingeminat uires, crescit certamine uirtus.  
 Crudescent gladio Mauors, nec iam eminuit hasta,  
 Commixtus ense agitur, humescunt sanguine campi,  
 Cæde natant fossæ. Tum territa terra cadentum  
 Corporibus tremit, & gladijs micat æreus æther.

Tercentū clypeata phalāx, hinc sub duce Hiarba  
 Illinc Suffeno, stabilis pedes, arma manusq;  
 Contulerant, ut forte alius radice reuulsa  
 Conciderat, ramisq; ingens iter occupat, ut nec  
 Aut his aut illis pateat uia. Sæuit utrinq;  
 Effera uis, duriq; crepant per scuta molares,  
 Ut cum se Orionis iniquo fidere grando  
 Præcipitat, uasto crepitant sub uerberere tecta.  
 Hinc Tacio, Lepidoq; caput ceruice reuulsum  
 Ense Tagi, cadit ense Remi Turnusq; Ligusq;  
 Nam Liguri semur exelsum, Turno ilia & ipsas  
 Traiecit costas, ac pectora feruidus ensis.  
 Per galeam cerebrūq; ac tempora guttur ad ipsum,  
 Assaracum secat Vſentis sublata bipennis.  
 Illinc & Marus, & Bassus cum fratre Faliscus,  
 Theſſalicūq; Maronides, & Lydius Hypseus  
 Conciderant, Siculusq; Corax, & Maurus Iopas.  
 Idem omnes eodem gladio ferus abstulit Ancus.  
 Hic genitus Vulcano, atq; Aetnaea Cianeæ,  
 Fatiferum à patre ensē, atq; immedicabile ferrum  
 Accepit, Stygia genitor quod tinxerat unda.

Dumq; alnum truncosq; super leuis insilit Anſer,  
 Accipit aratam infelix per guttura cornum,  
 Spiramenta animæ clausit telum. Ille uoluit

Singul-

Singultantem animam pronus uomit. Eia age Hiarbas

Exclamat, spolia illa uiri. cum talia fantem

Ora per increpitans alis penetrauit arundo.

Insultans cui Suffenus, spolia accipe uictor

Ista tibi. iaculumq; quatit, suffigitur hasta

Dextera, dum excusso properat torquere lacerto.

Hic cedes miseranda oritur super Anserem tracto,

Dum spolia exuuiisq; uiri cupit hostis, et hostis

Pro decore haud timet aduersis incurere telis.

Huc omnis legio uersa, huc sua signa Cethegus

Inferri iubet, huc contra Altiliusq; Lyconq;

Accurrunt, paribusq; animis certatur utrinq;.

Dū primā ferus ante aciem mouet arma Cethegus,

Ac iaculo ferit lasium, sternitq; Volenum,

Murano clypeum auellit, transfigit utrumq;

Quercenti femur, ingeminat per uiscera ferrum

Quintilio, atq; uia morientem extendit in herba.

Interea per scuta uirum, per tela, per enses

Altilius ruit infrendens, caput amputat Istro,

Brachia Segnitio, nares et labra Mecillo,

Tempora diffringit Catio, prosternit Omasum,

Vmbritioq; haurit iugulum, forat ilia Cosso,

Precipitemq; inter fossas dat Amintora saxo.

Tum leua de parte Lycon furia tus et amens

Quintilio extincto, quid tu generose Cethege

In plebem furis? exclamat. cui talia contra

Ille refert, O Mauortis præclara propago

Mentitum genus in syluis, quid prælia differis?

Est clypeus, sunt tela tibi. simul inicit hastam.

Auertit uenientem umbone. ea lapsa pependit

Marmarici clypeo, contra uenabula torquet

Dura Lycon. Salto deuitat tela Cethegus.

illa ocreis illapsa Tagi, femora ultima et inguen

Extremum rupere, cadit Tagus, aduolat Ammon,

Elatanq; alte subigit per colla securim,

Et caput affigit conto. clamore secuta est

Leta cohors. tum tela Lycon, tum saxa Cethegus

Ingeminat, stringunt acres et comminus enses.

Interea paulatim acies, ac signa mouebat  
 Pompeius, seq; ad ripas non segnis agebat.  
 Ipse ostro insignis humeros, auroq; coruscus  
 Fertur equo, quem Neptuni de gente creatat  
 Mater, ab aduersi conceptum flatibus Euri.

Fortè ut erat de cæde equitum, de cæde uirorum  
 Ecclusus, et extremum seruabat Pontius amnem:  
 Vidit ut incensa stipula exagitantibus aëris  
 Hæserat arenti trunco uapor. ille uolutus  
 Per frondes urgente Euro conceperat ignes,  
 Et latè ramos flamma crepitante cremabat.  
 Admouit dextram trunco, auulsitq; trahendo  
 Pontius, et campo rapidus iacit, atq; ita fatur.

Eure pater, cui pars cœli pulcherrima seruit,  
 Cui parent auræ Oceani, cui regia solis  
 Ampla uacat, quiq; et terris, pelagoq; sonanti  
 Imperitas, quate nigramtem rex magne procellam,  
 Nunc exerce auras, et pennis aëra uerre,  
 Ac mecum insidias, hostemq; ulciscere uictor.  
 Sacra tibi ante aras statuam uotiuâ quotannis  
 Candentis foetus ouium, intactamq; iuuenam.

Annuuit, excussitq; alas Deus. Illicet ingens  
 Tempestas cœlo exoritur, fremit arduus æther,  
 Danit syluæ sonitû ingentem, cauâq; antra resultât,  
 Pulcreus sequitur confusa per agmina nimbus.  
 Dispergitq; undas flammaram, atq; omnia late  
 Inuoluit, iactatq; furens incendia uentus.  
 Tolluntur cœlo fumi, glomerataq; flamma  
 Peruolitat, simul absorbens stirpesq; uirosq;.  
 Et quamuis trepidum canerent iam signa receptum,  
 Telaq; proijcerent dextris, clypeosq; sinistris,  
 Flammatis tamen ante acies euadere non est.  
 Varenum lasiosq; duos, Ligurcmq; Labullum,  
 Cretensemq; Gian, Gaditanumq; Liertem,  
 Assyriumq; Naban, Pyrcneumq; Biantem,  
 Tris Alcmeonidas, et clarum Hypsenora cantu  
 Erumpens atra primum de subere fumus  
 Inuoluit, mox flamma rubens unâ hausit, et alte

lactati

Iaculati, mox flagranti cecidere ruina.

Constiterat forte ad saxum tardante sagitta  
 Narnius Imbrasius, dumq; illam auellere tentat,  
 Exanimum exustumq; alta suspendit in ulmo  
 Fulmineus globus, inde Euro torquente rotatus  
 Alconem rapit, huic barba crinisq; reluxit,  
 Sublatumq; alte coelo intulit, inde nigrantem  
 Ruptantemq; ignes, nec dium deturbat in amnem.  
 Perstridere undæ attactu, fumumq; dedere,  
 Ut cum uersatum ardenti fornace metallum  
 Canduit, exceptumq; tenaci forcipe tingit  
 Ipse lacu faber. effruit lacus, obstrepat undæ,  
 Et fumus petit aduolitans nigrantia tellus.  
 Tercentū huic capita hirta bouum, totidemq; iuuenæ  
 Pascebant Sila in magna. famam ipse secutus  
 Deseruit patriam, et dulcis cum coniuge natos.  
 Bis septem Ausidio nati præclara iuuentus.  
 Surrenti domus ampla, æquano in litore turris,  
 Felices Baccho colles, tot iugera campi,  
 Totq; greges, Sarnusq; fluens per florida rura.  
 Et natos tamen et patriam, dulcisq; recessus  
 Sirenum (potuit tantum ambitiosa cupido)  
 Posthabuit. cui primum oculos flamma abstulit, inde  
 Torruit ambustam dextram uento acta fauilla.  
 Post tortus iaculante Euro per uiscera truncus  
 Canduit. ipse atros spirans de uulnere fumos  
 Et Sarni fontem, et liquidos reminiscitur amnes.

Fatidica Vrsidio mater prædixit eunti  
 In bellum, fuge nate ignes, incendia uita.  
 Correptus flammis queritur, matremq; deosq;  
 Veriloquos, quodq; humentem liquisset et Arnum,  
 Et Fesulas natale solum, florentiaq; arua.

Tercentum sub rupe caua, sub sentibus aspris  
 Deliterant simul insidijs delecta iuuentus:  
 Tercentum simul absumpsit glomerata fauillis  
 Aura nouis, ut cum frondosa in ualle sub astrum  
 Pleiadum, tacta alta Iouis de fulmine quercus,  
 Vno omnis simul afflatu per pascua circum

Grex cadit, exitioq; ruunt armenta sub uno.

Ter flammam pedibus pernix euaserat Vfsens,  
 Infelix ora obuertit: uidet ægra trahentem  
 Crura patrem, exanguemq; metu, uestigia recto  
 Præcipitat, prensūq; manu, ac ceruice reclinat  
 Impositum trahit, et labens incendia uitat.  
 Improuisum anguem pressit grauis. Ille repente  
 Implicuit plātæ agglomerās. Dū se explicat Vfsens,  
 Dum se uit coluber, squamosa uolumenta torquens,  
 Exiliit fienosa uomens incendia turbo.  
 Absorpsitq; Vfsentem unā colubrumq; patremq;  
 Vfsentem, quem ceruleis Feronia in antris  
 Nutrirat, puer et uiridi consueuerat umbræ.  
 Hunc sacrum nympha nemus, hūc fleuere Napeæ,  
 Circæiq; sinus, hunc Anxuris ora, lacusq;  
 Setini, et tacite rupere silentia Amyclæ.  
 Peruolat turbo inuoluens syluasq; strasq;  
 Densatur cælum fumo, caligine montes  
 Conduntur, fluitantq; atræ per summa fauillæ.  
 Mox seui erumpunt ignes, flammæq; coruscant,  
 Et cælum lambit rutilans et sydera uortex.  
 Hinc rursus torquente Euro per inane uolutus  
 Incumbit campis, truncosq; ambusta; uersat  
 Robora, candentemq; rapit sese ante procellam.  
 Suffenum, amigerosq; duos eadem aura peremit  
 Cum geminis Vargunteijs, Libycosq; Gylussa.  
 Umbronem, Hispanemq; lacetenūq; Biorem,  
 Hastatosq; Numantinos, Nomadumq; cohortem,  
 Cetratamq; manum, præerat cui turdulus Iscon,  
 Iscon auis at auisq; genus qui ducit ab orco.  
 Unā omneis rapit unda, rapit Varumq;, Macrūq;  
 Gisconemq; Syracosium, Garamantaq; Bocchum;  
 Mox raptos flammarū hausit circum acta uorago.  
 Ut cum Trinacriæ campis de uertice summo  
 Aetna uomit rapidos æstus, it turbine denso  
 Sublatus cælo fumus, mox rumpit in auras  
 Flamma furens, uolitant rutilæ per inane fauillæ.  
 Pōst iaculante Noto agglomerans fleclitq; rotatq;

Huc

Huc illuc. ea lapsa faces iaculatur, & altis  
 Illis arboribus, syluas, saltusq; uagatur  
 Incensos. ruit interea mirabile uisu  
 Flammarum torrens rapidus, liquefactaq; saxa  
 Præcipitat, simul inuoluens stirpesq; ferasq;  
 Teclaq; pastoresq; furit Vulcanius annis,  
 Per ualles, per culta, ingens metus urget agrestis,  
 Vicinæq; suis diffidunt mœnibus urbes.  
 Haud aliter pauor inuasit, fuga coepta per omnes  
 Est acies. Ite, exclamat Sertorius, ite,  
 Ite citi, uada nota citi peruadite. & annem  
 Primus obit: sequiturq; ducē sua quēq; iuuentus,  
 Et circumstetit armatus trans flumina miles.

Forte sub annosa quercu in conualle silenti  
 Arcitenens Dea, sæuarum de cæde ferarum  
 Lassa quiescebat, trepido cum excita tumultu  
 Surgit, & ascendit summi iuga pinea montis.  
 Constitit hic lustrans oculis loca, cernit utraq;  
 Effusam campis aciem, uidet agmina, & ipsos  
 Hinc illinc instare duces, sæuire proteruum  
 Eurum, atq; in medijs uolitare incendia syluis,  
 Tot strages, tot fumanteis & corporum acruos.  
 Ingemuit, traxitq; alto suspiria corde  
 Aduentare diem quo dux Nursi nus acerbo  
 Casurus fato, Hesperijs occumbret aruis.  
 Nam puerum templo admotum cum sedula mater  
 Cōmendat triuie, atq; adytis Dea grata recondit,  
 Consuluit fratrem, frater fata abdita pandit,  
 Ingentem fore, & Hispanis per bella, per enses  
 Regnaturum oris, tamen illum haud tarda manere  
 Funera, cum pariter flammeq; undæq; fauerent  
 Pugnant, armatumq; Eurum prosterneret hostem.

Fatorum Dea facta memor de ualle propinqua  
 Pyrenen iubet acciri. hæc nam fida ministra,  
 Hæc comes, huic omnis thalami quoq; credita cura.  
 Illa uolat, dictis cui sic Dea fatur amicis.  
 Nota soror tibi fata ducis, quæ certa propinquant.  
 I, prospera, sac signa retro, sac agmina uertat.

Pugnatum satis est. nec plura effatur, at illa  
In ceruam conuersa, Noto non segnior ibat.  
Ipsa arcum leua stringens, dextraq; sagittam  
Lunauit, simul ut capita accuruata coirent:  
Laxauit, simul ut flammæ elapsa sagitta  
Conciperet. fulxere auræ, traflu illa corusco  
Emicat, & ducis ante pedes affixa reluxit.  
Obstupuit tanto monitu Sertorius. Ecce  
Cerua per attonitas penetrat non cognita turmas.  
Agnouit Triuiæ famulam dux, ac prior inquit,  
Nota uenis, nec me fallit Dea, quadrupedemq;  
Conuertit ripæ appropinquans, præcedit euntem  
Pyrene, pedibusq; micans & cornibus aureis.  
Signa canunt reditum. Sequitur tum ferrea pubes,  
Occanoq; egressa polum nox occupat atra.

F I N I S.

P E T R V S

PETRVS SVMMONTIVS FRANCISCO  
Puderico, patricio Neapolitano, S. D.

**P**ersuasit mihi autoritas tua Franciscæ Pudericæ, ut Pontani Actium secunda hac excussione potissimum ederem, rarum sanè de numeris Poëticis, & lege Historiæ dialogum. Nam cum illius opera tam multa sint, & ea æque egregia omnia, hinc mihi hoc, hinc illud edendum prius occurrebat, fiebatq; ut difficilis redderetur electio propter pulchritudinis paritatem. Sed cum postea tecum sentire Suardinum Suardum Pontani nostri familiarissimū audirem, currentem quasi me doctus uir, & grauis incitauit. Quam quidem sententiam eo libentius secutus sum, quod cum superiori sætura carmina præcesserint, exornandi postea & carminis ratio, quæ hoc uolumine tradit, subsequi debebat. Digna profectò inuestigatio, quæ ad communem hominum utilitatem, quamprimum omnibus nota esset. Non enim ab aliquo fortasse grammatico de re Poëtica, deq; Historica disputatur, sed ab illo præcipitur Iouiano Pontano, cuius quidem in utroq; genere, post tot annorum deprauationem, noua quædam, admirandaq; apparèt felicitas. Vt non iniuria sæpe à te illud usurpatum sit, cœpisse eum, ut de CHRISTO Opt. Max. dicitur, & facere pariter, & docere. Nec uerò mihi dubium est, quin iucundum tibi futurum sit officium meum. Nam præterquam quod Actij Synceri loquens persona, à quo opus hoc denominatur, nō parum te pro ueteri amicitia delectabit, tuæ quoq; hic tibi sunt partes, nec res ipsa tota, de qua agitur, nō in primis ad te pertinet, cū Poëticæ concinnitatis, cuius maxime ferax est Pontana Academia, semper ipse & studiosus obseruator fueris, et censor acerrimus, uix que summis, (ut ita dixerim) naribus, adeo omni de carmine exactè iudices, ut merito te omnes emunctæ naris hominem (ut ait Horatius) appellent. Par in historijs censura est tua, quarum tenacissimam in te uidemus memoriam, & grauitatem simul in te tantam, modò refellendis fabulosis, modò ueris comprobandis, comparandisq; scriptoribus ipsis, nemo est nostrum qui non admiretur. Quo fit, ut omni è parte iucunda, tibiq; maximè propria, hæc sit prorsus lectio futura. Tuum igitur tibi Actiū habe, libroq; hoc, & Synceri ipsius oprato è Gallijs reditu, quod facis, magis magisque latare. Nam ut omittam summā eius in Pontani scripta pietatem, quæ post illius obitum sopita ac neglecta, è tenebris primus in lucem, tum Francisci Actij cōsilio, tum opera usus mea reuocauit. Aduexit nuper ex Heduoꝝ usq; finibus, atq; è Turonibus dona quædam, mirum in modum placi



nura literatis uiris, Marcialis, Aufonij, & Solini codices, noue, atq;  
 incognite emendationis, tamq; a nostris diuersos, ut hos certo ac  
 legitimo partu natos, reliquos uero liceat spurios existimare. Pre-  
 tereo epigrammata, quæ tam multa hic leguntur, alibi hætenus  
 non uisa. Immo Solini liber hic autore ab ipso, quod iam titulus  
 indicat, nec eius negat uetustas, & recognitus est, & editus. Is enī  
 ad nos attulit Ouidij fragmentum de Piscibus, Gratiij poetæ Cy-  
 negeticon, cuius meminit Ouidius ultima de Ponto elegia: Cy-  
 negeticon itē Aurelij Nemefiani, qui floruit sub Numetiano Im-  
 peratore: & Rutlij Namatiani Elegos, quorū tenuitatem & ele-  
 gantiam ē seculo illo agnoscas Claudiani. Atq; hæc quidē omnia  
 statim post Pontani libros emittentur. Nōne applaudendū iure  
 fuit redeūti Actio nostro, ueluti nouo rei literariæ Camillo: nōn  
 ne gestanda & illi ob ciues seruatos merito Querna? Adde exqui-  
 sitissima Actij ipsius, quibus iunior lusit, partim Lyrica, partim  
 Elegiaca, nostro etiam charactere propēdiem excudenda: cumq;  
 his nouas illas piscatorio genere Eclogas: denique diuinum de  
 CHRISTO opus, cui summam nūc imponere decreuit manum.  
 Ut post nescio quos Sedulios, & Prudentios, in quibus penē ni-  
 hil, præter nudam religionem inuenias, Marones tandem Chri-  
 stianos habeamus. Quocirca triste Pontani desiderium, Actij no-  
 stri uita pensemus, ac lætemur porius, benigno agi fato cum pa-  
 tria nostra, cui nunquam ferē Pontanus aliquis uideatur defutu-  
 rus. Illius itaq; nomine illustrati, tantoq; instituti magistro cōgra-  
 tulemur nobis: cuius præter æterna librorū monimenta, ea quo-  
 que fuerint in literis, dum uixit, exempla, ea consilia, ea doctrinæ  
 communicatio, ut perfacilem alijs eō perueniendi uiam ostende-  
 rit, quò sine aliquo duce felix ipse peruenit. O' præstantis ingenij  
 & doctrinæ uirum, o de temporibus nostris optimè meritum, &  
 per quem nō inuidemus antiquitati. Clamantē te nō temere to-  
 ties audiui Puderice, ut qui ab Errico patre ad eum puer dedu-  
 ctus, eoq; semper familiarissime usus, probè hominē nosset: Aspi-  
 cite uiuum hunc amici, dum licet: huius, dum licet, aspectu exatu-  
 rate oculos, non multos dabitur intueri Pontanos. Quām uerū  
 tuum illud iudicium fuit. Etenim eius ingenium penitus qui per-  
 spicit, iure illum optimo alteram quasi naturam appellabit. Quip-  
 pe (ut alia taceam) in describendis, informandisq; rebus, ita illum  
 uides quodcunq; proponit, absoluerē, ita perficere undiq;, ut ni-  
 hil tanquam integro corpori, singulis ue membris deesse. Quòd  
 si comparatio sit de eo facienda, multos, qui opponendi tanto uir-  
 ro fortasse uideantur, cultos illos quidem & elegāteis, aridos tan-  
 dem inuenias, ac steriles. Hūc uerò in summo cultu splendoreq;  
 uberrimum,

suberrimum, fecundissimum, nulla in re non profluentem suspicias: hunc natura ab ipsa raro exemplo creatum existimes, quicquid ingenij magnitudine nulli omnino cesserit antiquorum. Hinc tenendi omnia, Pontani illa felix audacia. Genus autem dicendi, in quo maxime aetas nostra decipitur, ita ad antiquorum imitacionem effinxit, ut nihil te in eo peregrinum offendat, nihil conquiritum, utque ipse dicere solebat, violatum, sed unumquodque plane Romanum uideatur. Quo magis ridenda censeo quorundam iudicia, de tanto uiro parum pie loquentium, qui hoc ipso nullius se omnino iudicij arguunt, quod Iouianam sublimitatem non cognouerunt. Verum ut ad editionis huius rationem redeam, illius enim laudes quis enumeret? non omiserim hoc loco id quod in eiusdem quoque carminibus feci, quodque tu mecum saepius egisti, omnes qui haec legent, admonere prius, & per Iouiani manes obtestari, ut habita praemortui ratione, aequos se in his iudices praebent, quae cum nonnullis alijs, nostra posthac opera edendis, non dum ab illo fuerint emendata. Sed quid ego nunc exorare quenquam hac in parte studiosius laborem? cum Pontanus, ut spero, ipse per se satis omnino sit unicuique superque facturus. Quod uero ad me attinet, qui huius rei curam tam libenter suscipiam, non uerebor, quod grauissimus uir Aetius Syncerus iam pridem de me scripsit, epistolae huic carmen subnectere. An placere mihi dissimulauerim, pietatis erga amicos nomine probari? Liceat itaque mihi non immeritam fortasse mercedem hanc exigere laboris mei. Vale..

EX LIBRO EPIGRAMMATVM  
ACTII SYNCERL

Excitat obstrictas tumulis Summontius umbras,  
Impleat ut sanctae munus amicitiae.  
Utque prius uiuos, sic et post fata sodales  
Osseruat, tristes et sedet ante rogos.  
Nec tantum uiolas cineri, ac bene olentia ponit  
Serta, sed et lacrimis irrigat ossa pijs.  
Parua loquor: cultis reparat monimenta libellis.  
Cum possint longam saxa timere diem.  
At tu, uiuaci quae fulcis nomina fama,  
Poscenti gratas Musa repende uices.  
Ut quoniam dulces optat sic uiuere amicos,  
Viuat, et in libris sit sacer ille meis..

# IOANNIS IOVIANI

## PONTANI ACTIVS DIA

### LOGVS.

CAEPARIVS, ET SEGNIIVS, ET ACTIVS  
COLLOQVNTVR.



ASCVTIVS CAVLITA, PASCVL  
li Caulitæ filius, Sarnensis Sarcularius, cum  
Pignatia Nigella, quæ uiro suo nunc hic ad-  
est, et suo et uxoris nomine uendit Segni-  
tio Funestillo, Acerrano uiatori, qui ipse  
emit sibi, liberis, nepotibus, pronepotibus,  
abnepotibusq; suis cum omni posteritate do-  
munculam. SEG. Adde illud, et anterita-  
te: utraq; enim parte anteriore, ac posteriore domus cõstat. CAEP. Cau-  
te agito mi Caulita. Ea domuncula. SEG. Mater eius Macronilla nõ do-  
munculam, sed democulam uerbo suo nominabat. Quo enim die Suera-  
tus Pasculli pater in illam ab harula demigrauit, cum familia, et sue, ocu-  
lum male auspiciato ingressus amisit. CAEP. Scite, caute, aueruncate  
adnones, pergam. Sita est Sarnensi in suburbio secundum flumen. SEG.  
Atqui prouerbio cauetur, secundum flumen emundum non esse. CAEP.  
Riuum uolui nõ flumen dicere, euincet tamen illam tibi cum omni quoq;  
posteritate Pascutius. SEG. Et anteritate quoque memor uti suas facito.  
CAEP. Tribules, ac uicinos bonos habet Pilutiu Rufillum. SEG. Grex  
mibi suillus uenum si daretur, pilus hic nequaquam placcret. CAEP. Se-  
nex est, et cassus iam sanguine, institutusq; illi est hæres Hordcatius Pa-  
nicocta, et quidem bene auspiciata successio. pergam. Cocleatium quoque  
Surriponem. SEG. Quid (malum) istud est et nominis, et cognomi-  
nis? quasi cochlea bonam anni partem, domi inclusus succose suo pascat,  
mox prodicens raptò ac surrepto uiuat. Apage à me uicinos tã male nomi-  
natos. CAEP. Hoc uide Segniti, quod nec tibi, nec patri tuo Funestillo  
nomen satis bene ominatum est: Audibis reliquum. Itemq; Lardatium Fa-  
baronem, probum uirum, agricolam bene unctum, abundeq; triticatum.  
Neq; tibi uerendum est illud, uicini ne mories fame, atque inopia impuls-  
tuam incruer à nocturni irrepant: proba est domuncula tota, proba con-  
tignatio, probus paries, tectum ipsum probe canteriatum, asserulatumq;  
quernis

quernis etiam scandulis Autrunconis fabri, proba cisterna, sine ullo stilli-  
cidij uitio, aut latrine seruitute, fundamenta bene iacta, uolutabrum lutu-  
lentum, in quo uicinie totius sordes desideant, harula ad solē medidanium  
exposita, firmiterq; quaternata. Age igitur argentum ē uestigio dinume-  
ra Deo cum bono. et illud uide, confestim eō uxor uti traducatur, est enim  
domus ipsa foccunda, cupioq; mirandū in modum egnatum iri ex te quā  
primum, qui et cognato nomine, et pascendi greges solertia, patrem tuum  
Sueranum referat Funestillū. Vnicabis itaq; praepropere digitulatimq;  
pecuniam, unciolae tres precium est. SEG. Duillabo illas potius: bina-  
tim enim quā singulatim ē uestigio magis numerabitur precū. CAEP.  
Tu Pascuti acceperis argentū omne et numeratum, et perpensum probe.  
Tibe uerō Segniti ea domuncula solenni more est à Pascutio euincunda.  
SEG. Ab ipsis etiam fundamentis tota, cum tecto, asseribus, canterijs,  
clauiculis, scalis, foribus, culinae uolutabri quae decursibus. Quid enim si  
quispiā edificandū inferius superius ue curauerit, tentauerit ue? quid in-  
quam, euinci mihi summum etiam cœlum, et ipsum terrarum soli pro-  
fundum uolo, caueoq;? CAEP. Haud iniuria, hoc ipsum ago. Pascutius  
Caulita, Pasculli Caulitæ filius, domunculam ipsam euicturum spondet ab  
infimo solo ad usq; cœli subsellium, cū ipso etiam cœlo, cumq; terræ imis,  
ac perimis, infermisq; Segnitio Funestillō Acerrano uiatori, eiusq; poste-  
ritati. SEG. Tute et uiatorem interrogato, et illud caueto, anterita-  
tis bene memor uti sies, et item fiani, qui est sinistrum ad latus, triangu-  
lum enim domicilium ipsum est, piscationis quoq; diurnæ, nocturnæq; ha-  
marie ac retiariæ. CAEP. Sistet autem in omni foro et causa, festis pro-  
festisq; fastis ne fastisq; diebus. Segnitioq; ac Segnitij posteris euincet, ad-  
uersarios uerō uinciet. Pro quo prestando prædia, supellectilemq; suam,  
et cum ea bacem, cosinos, riscum, ac rete triplumbatum obligat, seq; sta-  
tutū in prætorio ad iudicem. Tu Pascuti fuste illum inuestito. Tu Segniti  
fustem ipsum manu capito. Hæce uti uera sunt, sciens, uolensq; suæq; spō-  
tis, atq; ex cōuento, utq; inter bonos decet, uterq; agitis, meq; ut scribam  
rogatis, iureq; iurando cuncta hæc confirmatis uerbis conceptis, quæ ego  
præeo. Dice tu Segniti, per Pedianum Deum, qui noctu primus iter iuit,  
primusq; cauponam est cauponatus. Sequere tu Pascuti, per et Verronē,  
quem pastores colimus, primus sues mactales qui fecit, primusq; et fabam  
torruit, et glandem deglubiuuit. Hæce acta sicce sunt. Testes ad sunt de  
more acciti, rogatiq; uiri utiq; probi, Aclius Syncerus Sannazarius, Fran-  
ciscus Pudericus, Ioannes Pardus, Gabriel Altilius, Petrus Cōpater, Pan-  
lus Praeficius, Petrus Sūmontius. Hæce sicce conuenere, hisce uerbis, hisce

ita differuit, uti qui aderant, commiseratione omnes horum temporum in lacrimas uerterentur: Nam & Ferrandus apprimè disertus erat, & indignationis maior ipsa uis, cōmiseratioq; indignationi haud indecenter coniuncta, uerba quidem ipsa, mirificamq; illam uerborū affluentiā, ad dolorem, lacrimasq; commouendas uberrime, excitatissimeq; subministrabant, non minore cum animorum qui aderamus nostrorum commotione, quā eius ipsius, qui discretebat, affectu. Qui si conuentioni huic paganorum affuisset hominum, uenundariq; audisset cœlum, an putatis, quod Cicerō etiam indignanter facit, sola cum illa exclamatione fuisse cōtentum: *ô tempora, ô mores!* Christum ipsum ab aula illa (mibi credite) euocasset imprecationibus, et manes illos Poeticos uociferatu eruiisset heulationeq; ab inferis. Sed cum illo bene actum quis non uidet? Cum eiusmodi præsertim procella paulo post eius obitum ab alpibus proruperit, quæ & Italiā uniuersam concusserit, & regnum hoc Neapolitanum exhausserit populis, spoliaueritq; fortunis, excisis funditus, aut incendio uastatis tot urbibus. Itaq; cum illo bene actum cum iam fuerit, desidio certè consuetudinis orationisq; eius uiri afficior quotidie magis, officiarq; quandiu ipse uixero. PAUL. E nostro omnium uultu intelligere, uel facile quidem Sincere potes, quā iucunda nobis fuerit Ferrandi recordatio. Quantum autem, quā etiam ualide fixa insideat mentibus nostris illius memoria, consuetudo quidem tam suauis eius, nulliq; non ciuium ac peregrinorū, qui illum nouerant probata, docere te oppidò abunde potest. Vt autem sermo de ueterum patrum castimonia & fide à te tantopere laudatus, desiderium in nobis eius renouat (de me ipse ut loquar) non minus fortasse etiam afficit, & penè dixerim confirmationis simul, atque admirationis magis ac magis implet oraculum illud tibi ab eo in somnis editum: quod mihi quanquam Puderico ab hoc fideliter recitatum, audire tamen ex te ipso coram uel mirificè aueo: cum ad animæ immortalitatem confirmandam, uel mirandum in modum conferat. & si de ea ita persuasum Christiani habemus omnes, ut illorum qui diem obierunt animas sua quandoq; redituras in corpora, nosq; itē ipsos ubi è uita hac disceserimus, statuto quodam tempore resumpturos nobis illa & teneamus, & promittamus. ACT. Memoratu quidē dignares est, audituq; iucunda, è me Paule quam requiris, explicatu tamen difficilis. Multa enim somniantes cernimus, quæ planè referri, qualia uisa ipsa sunt, nequeant, ut figuræ quædā neq; ipse uise aliās, neq; satis p se explicabiles, tū nouitate, tū cōplicatione sua. studebo tamen uolūtati corūq; qui hic assunt omnū, quīq; mihi idē hoc innuūt, tuāq; præsertim Paule satisfacere. Illud tamen uobis cognitū,

uestrosq; apud animos testatum uolo, qua nocte oraculum, ut ipse appellas, est editum, nullas ea quæ noctem antecessit die cogitationes à me initas susceptas uel de animæ immortalitate, nullas de reuersione eius ad corpora, nullum quamplurimis antè diebus aut sermonem ijs de rebus cum doctis uiris habitum, aut apud me ipsum modo esse aliquo dubitatum. Liber utiq; curis ab omnibus, atq; ab ijs potissimum cogitationibus uacuis, cum ipse cubuissem solito in lectulo, quæq; sæpenumero ante cubitum lectio, quidā quasi animi cibis sumitur, nulla prorsus diuinis de rebus præcessisset: ubi diutius quicuissem, et iam aurora illa Iouiani nostri, quæ cœli postibus affixa est custos, Solē excitasset è somno, uidere uisus sum, quin hæc loquens uidere ipse iam uideor adesse mihi Ferrandum. Quæras fortasse, unde aduenerit mortuus, qua uia profectus, ac tam repente clausis foribus insinuatius astiterit. nesciā, nesciā, affuit certe, qualem uiuū et uidebam penè quotidie, et alloquebar congregientem. meq; statim desyderatissime complexus cum esset, ut qui diutius non uidisset, uultu iucundus, risubularis, salutatione blandus, et osculo, ut ei mos erat, sanequā familiariter petiuisset: An, inquit, cōsuetudinis me nostræ oblitum rebare, amicitieq; tam diuturnæ factum tam breui immemorem? Redeo igitur ad te, et quidem tanquam legatione functus aliqua, ut uiuens censuecram, confectio munere, maximaq; profectō cū uoluptate ad te redeo. Reducem igitur ac sospitem ipse me uidēs, atque antè expectatum tibi me et uegetum, ualentemq; et amicorum, tuq; in primis memorem, tuum apud cubiculum sisto. Atque his dictis blandiusculum in modum et surrisit, et penè sublacrimatus est: quod euenire solet inter uiuenteis, ubi longa è peregrinatione regressi sunt in patriam, ex anlatis periculis reduces, quo tempore renatura ipsa contrarios unā miscere affectus consueuit, et præteritorum periculorum, longiorisq; absentie memores, et præsentis uoluptatis, ac Letitiæ indices. Hoc est autem illud Paule, uosq; amicissimi uiri, hoc inquam illud est, quod ne inumbrare quidem suis uerbis, nedum figurare queam, aut explicare oratione. Cæpit eodem me puncto temporis mira uoluptas amici iam reducis: cæpit admiratio, quod mortuum inuiduum illum esse subiit recordatio: cæpit rursus dubitatio, quia uiuum illū cernebam, et loquentem quidem, et uiui hominis munus, sermone, uultu, affectibusq; implentem. num mortuū arbitrarer? an potius illius mihi obitus somnianti effectus uisus, qui re ipsa iam uiueret? itaque dum ipsi inter sese recursant affectus, mentisq; in diuersum abit cogitatio, meq; silentij longioris pudet, unā et in hilaritatem pariter profusus sum, et in lacrimas iam prorupi. Veterem igitur, atq; desyderatum amicū arctius complexus, ut

pergre

peregre redeuntem, ut sospitem: nec minus etiam subueritus, quæ somniantium est consuetudo, ne, quod haud multo post contigit, repente euanesce-  
ret, multa quidem, proque ueteri nostra consuetudine, paucis cum eo tamen,  
non minus iucunde, quam pie, domesticisque transigi, mutuoque ille me cum  
peramanter et grate, quodque Ferrandus ipse dum uiueret, quotidianis in  
disceptationibus multa saepe de animæ immortalitate querere esset soli-  
tus, subiit tempus esse idoneum interrogandi illius, eorum ne de quibus  
olim dubitasset, factus esset iam certior: nec ausus ipse in primo statim ora-  
tionis uestibulo, ac ueluti ex abrupto hoc ipsum exquirere, coepi prius sci-  
scitari, num ea quæ traderentur de mortuis tam acerba, de poenarum ma-  
gnitudine, de suppliciorum immanitate, cruciatuumque perpetuitate, uera  
essent, ut ea ipsa sunt prodita. Tum ille suo de more, ut quippiam assue-  
rātius erat dicturus, supercilijs obductis, silentioque paulisper habito, qua-  
si etiam presagiret quæ sciscitanda post à me essent: Dicam, inquit, Syn-  
cere Acti, dicam uere, fatebor ingenuè, assuecabo constanter, nos qui è ui-  
ta iam migrauimus, eo desiderio teneri, in uitam illam remigrandi, quæ  
animæ cum corpore est communis. Atque his dictis, demissis, isdemque con-  
iuentibus oculis, ac supercilijs quasi abiēs saluaret, discessit. Ego statim  
somno solutus sum. Habes Paule somnium quale me illud fuerit, plenum,  
ut opinari te etiam uideo, diuinitatis, ex eo mihi et uita hæc habita est sua  
uior, quæ perfectio quasi quædam animæ uideatur: nec mors futura est tam  
grauis, postquam suo quidem et statuto tempore membris hisce uernacu-  
lis, sibi que peculiariibus, quorum ministerijs principio ab ipso uitæ, societa-  
tisque est usa, sit iterum quoque usura, corporeque in hoc, perinde atque in do-  
mo ac patria sua rursus etiā diuersatura. Eūgamur igitur eo libētius in hac  
ipsa animæ corporisque societate uiuētes, uitæ ipsius muneribus, quodque me-  
dij quasi quidam ex anima consistimus ac corpore, mediocritatem sequa-  
mur eā, quæ digna sit homine. Et quāquā degener est corpus, illud tamē  
ita colamus, uti solertes ac boni agricolæ agrū, ijs ferendis frugibus, qua-  
rum animasque; Cicroni magis placet, animus sator est idē, et cultor. Ni-  
hil ciui bene instituto patria sua est carius, quoniam in ea honores assequi-  
tur ac titulos, remque illic familiarem cumulat, peculiumque omne sibi com-  
parat. Corpus autem hoc nostrum, perinde ut proprium illi domicilium et  
penē patria est: quocirca corporis ipsius non immemores ita quidem cri-  
mus, ut hospitiam et quasi patriā eam animi ipsius, domumque uita in hac  
existimantes, bene illud constituamus, quo animus ipse honores, magistra-  
tus muneraque; ciuilia, dignasque homine actiones in illo gerere, eiusque etiā  
opera exercere, atque administrare cū dignitate ac decore ualeat suo, quan-



nitum. Quod si quis hæc forte contemnat, idem hic quo' nam ore negauerit, maximos quoq; duces, monentibus in somno dijs aut maximas insperatas que sibi comparasse uictorias, aut euitasse, ne uicti ipsi essent, copijs profligatis? Ad hæc, non pauca etiam sæpe monstrantur nobis inter dormiendum, quorum antea cogitatio nulla præcesserit, nihilq; illa priuatim ad nos ipsos, res que nostras attineant, quæ que neque sensus ipsi uersandis, atq; examinandis illis agitati antè, post dormientibus offerunt, nosq; laceffunt etiam inquiete. Sacerdos equidem ipse sum, nec à studijs, quibus tantopere delectari te mirifice lætor, omnino alienus: plena est historia ueterum illorum patrû oraculis, plena uisionibus, tum adhortantibus ad fortitudinem, ad pietatem, ad contemptum rerum humanarum, tum à uitij deterrentibus. quibus ego confirmandis his quæ dicta sunt, commodissime uti possem, uerum neque in hoc præsertim conuentu necesse esse duco, Christiani enim cuncti sumus, solamq; pietatem sequimur. Teq; Par de uideo iam pridem pensitare, quid ad hæc dicturus sis, itaque te ipsum potius audiamus. PAR. Pensitantem me Paule Præfici quæ à te dicta non minus sunt recte, quàm à nobis grate accepta, subiit Aristotelicum illud, fieri quidem posse, ut ob mundi ipsius conuersionem, habitu aliquo inducto, quæ fera sunt animantium genera, ea ut mansuescant singula, idq; usu uenire in locis nonnullis, ut ob insitam bonitatem, sponte sua, nullo quidem cultu adhibito, mitiora illic nascatur, quàm quæ alibi summo etiam studio, operaq; adhibita diligentiore mitescunt. In tanta igitur nascentium multitudine, tam uaria etiam locorû diuersitate, mûdiq; ipsius agitationibus tam continuis, ipsdmq; tantopere uariantibus, cû natura ipsa semper ad unum aliquod suo in genere perficiendum contendat, quid mirum, et si rarum, tamen in multis quoq; seculis, oriri aliquem, cui natura, et studio cum primis suo, et bonitate seminis, stellarumq; ipsarum, hoc est mundi ipsius beneficio, et opera, omni è parte genere in illo consulat aut facultatis, aut scientiæ? Cum nulla uirtus corporis, nulla sit animi ingenij que præstantia, nullus honorum, aut externorum bonorum gradus, in quo non diuersis quamuis temporibus, nature ipsius summus ille conatus, effectus ipso non sit etiam manifestus et cognitus, et perspectus, pro temporum uidelicet, nationum, patriæq; constitutione, et cœli ipsius, à quo cuncta mouentur, agitati. Abstinebo exëplis, ipsa enim res est per se quamnotissima. Verum nature ipsius opera, præsertimq; excellentissima quæq;, Deum ad ipsum referenda mihi uidentur, idq; si cuiq; nationi, genti, sæclæ, Christianæ cum primis religioni conuenire arbitror, quæ uirtutû omnium, earum dico quæ ad animum referuntur, et fuit, et est quam studiosissi-



ma. Hæc habui, quæ pensitabundus apud uos dicerem, aliàs fortasse eadem hac de re commodior offerretur querendi ac differendi locus. Quoniã autem, ut scitis, toto sum corpore ac pedibus præsertim imbecillis, confidendum hac sub porticu censeo, de more maiorũ nostrũ: confidentibus enim nobis, ocio magis tràquillo & querere licuerit, & disputare: & qui prætereunt, tum ad sedendi ocium, tum ad certamen differendi inuitare, honestius multo fuerit. COM. Ego uerò quoniã à consuetudine huiusce porticus, meoq; ab instituto recessurus non sum, præsertim cū pransi hic confederimus, sequendum illud arbitror, quod præstantissimi etiam uiri secuti legũtur, uti leuioribus de rebus, deq; grãmaticis præcipue post accubitum differrent. primumq; cognoscere ex te Paule aucto, quid (malũ) quasi latinitatis oblitus paulo antè dixeris, plena est historia oraculis, plena uisionibus. An non puellulus cruciabas Terentianum illud unum, ac Ciceronianum alterum, plenus rimarum sum, & haud magna cū re, sed plenus fidei: adde & Stultorũ plena sunt omnia. PAUL. Et de more Com pater tuo feceris, & nobis non ingratum, si quanquam studijs maioribus deditus, tamen meridiani quoq; temporis memor ab his ad ea nos aduocaris, quæ cum leuiora ipsa sunt, tum ijs etiã è studijs, quæ pueris nobis prima inhesere. Quocirca ne diutius te suspensum teneam, & si tentandum loqui te certò scio, dicas uelim, sis ne & ipse oblitus Ciceronis tui scribentis ad Tironem: Noctem habui plenam timoribus ac miserijs. Et ad Atticum: Ex tuis literis plenus sum expectatione de Pompeio, quid nam de nobis uelit ut ostendat. Et ad Plancum: Sub eas statim recitate sunt tuæ, non sine magnis quidem clamoribus, tum rebus enim ipsis essent, & studijs beneficijq; in reipub. gratissimæ, tum grauissimis uerbis atq; sententijs plenæ. Qui si contentus his minime futurus es, Tacitiq; haudquam meministi dicentis in dialogo de Oratoribus: Illud certè cõcedet instructum, & plenum his artibus animum longe paratum ad eas exercitationes uenturum. Item in libro Historiarum xvii. Opus aggredior plenum uarijs casibus, atrox prælijs, discors seditionibus. Et paulo post: Magna adulteria, plenum exilijs mare. Et Plinij in quinto naturalis historie: Polybius annalium conditor, ab eo accepta classe scrutandi illius orbis gratia circumuectus, prodidit à monte eo occasum uersus saltus plenos feris, quas generat Africa. Poteris tutemet reuocare tibi in memoriã alia quoq; Ciceronis loca, in quibus legitur: Plenus officio, plenum uigilantia, celeritate, diligentia. Poteris autorum item aliorũ meminisse, qui & ipsi principem inter Latinos scriptores locum obtinent. Ac nihilominus quoniã in hunc sermonem uolens incidisti, potes & de alijs huiusmodi sciscitari,

scitari, siqua dubium tibi forte animum, atque incertum faciunt. COM. Bene profectò à te satisfactum arbitror, nec arcessendis opus est testibus, aut cōprobatoribus, ubi Cicero est ipse autor. Quo igitur inceptum prosequamur, explicari à te peruelim Parde: Qui nam maiorū nostrūm potius quàm nostrorum paulo est à te antè dictum, cum usurpatissime scriptum legatur, maiores nostri? PAR. Nec inepte hoc ipsum à te Compater queritur, nec à me sine magnis quidem autoribus dictum est, cū etiam à Sallustio scriptum legatur in oratione illa Lepidi: Clementia et probitas uestri Quirites, quibus per cæteras gentes maximi, et clari estis. Tā etsi scriptura ipsa, ut iā uideo, deprauata est à literatoribus: quod in alijs quoq; compluribus animaduerti, et ab illis præsertim, qui noua hac scribendi ratione libros hodie imprimendos curāt. Quia in re Sallustius etiam Græcorum loquendi morem secutus uideri potest. Verūm ne à Cicerone nostro recedamus, quid si à me ita pronuntiatum est nostrūm, ut sit nostrorum, ut sestertiūm, numūm, numorūm, ut diuī uirū duorum uirorum, ut Deūm fidem deorum, ut præfectus fabrūm fabrorum. hac enim uerborum contractione uetustas illa uebementer gauisa est, nanque apud eundem Ciceronem leges ueteris poëtæ dictum: Patris mei meūm factūm pudet, pro meorum factorum. Item, Ciues antiqui amici maiorum meūm, hoc est meorum. Quæ quāquam oblitterata magna ipsa è parte iam sunt, tamen in paucis quibusdam è Ciceronis sententia, et plenum uerbum recte dicitur, et imminutum usitate. COM. Accipio et rationem, et auctoritatem, uideoq; quod à priscis illis longius deflexerimus, multa recentibus ab his literatoribus magis damnari ob ignorantiam, quàm repudiari ob uetustatem. Oblatus est mihi diebus his libellus sanè peructus, in quo scriptum erat, Rhinocerōtis: uetustis enim in codicibus dictiones has Rhinocerontis et Aegocerontis ubique inuenias nō literam retinere: quam quidem literam à Grammatista nescio quo, quod Græcum in odoratus aliquantum esset, atramento oblitam animaduerti, uidelicet quod recentiores Græci, quiq; Attice loquantur, Aegoceros Aegocerontis, et Rhinoceros Rhinocerontis enuntient. Neq; tamen argutulus hic id animi pendit, quin ignorare se confessus est, è Græca fuisse olim gente, ut Siculos, Italicam nationem, ut Calabros, qui dicerent Aegoceron, et Rhinoceron, et Mimon, atque huiusmodi alia, indeq; esse Rhinocerontis, Aegocerontis, et Mimonis, quod Cicero etiam ipse protulit. Accepta igitur à priscis Latinis terminatio hæc Sicula mansit apud nostros: nec est cur accusetur, si quis morem tot seculorum seruatum à maximis autoribus et ipse quoque seruauerit, quando cognitum, ac certum est Græcos quoque autores Siculos sci

licet, ac Brutios ita esse locutos. Cum etiam abunde notum sit, quanta inter Græcos sit ipsos uarietas et terminandorum, et fleclendorum nominum.

Quinetiam Germanicus Aratco in carmine protulit Aegocærus, ut cū ait:

» Et sedem Aegocæri Cythereius attingit ignis. Item:

» Clara sagittiferi tetigit cum lumina signi

» Aegocæri semper cælo leuis excidit imber.

Auditi non semel, et quidem persancte iurantem, eruditum apprime, et obseruantem uetustatis hominem, se complures codices et Horatij, et Ouidij, et aliorum poetarum legisse penè uetustate ipsa cōsumptos, in ipsiq; scriptum obseruasse non Cluius, sed Cluios: non Didus, sed Didos: nō Eratus, sed Eratos: quod priscis illis temporibus maiores nostri genitiuis casibus Græco more his in nominibus minime uterentur. Cum qui Græci sunt Di doos, Eratoos, Cluios, contraherent in o productū Didos, Eratos, Cluios, qui casus Atticè sunt Didus, Eratus, Cluius. At nunc quis est è literatoribus adeò compositis moribus, quin ora sinusq; ipsos impudentius cōspuat, ubi quem aliter locutum senserit? Me ipsum maledictis quoq; incepsitum, nedū acrius increpitum satis quidem scio, quod Sapho uno, id est simplici tantū v', ac non uti à Græcis scribitur et ipse scripsissem: nec animaduertit erudituli uiri latinam linguam post v' statim alterum v' non admittere, cui tamen insit aspiratio. Itaq; dum Græci nimium esse uolunt, latinum quid uelit, non uident. neq; enim patribus ac principibus illis latine locutionis cura maior fuit ulla, quàm ut peregrina lenirentur nomina, utq; Palemon usurpat, quàm ut latinitatem musficarent, quo uoces lenius illaberentur in aures. Hinc qui Græcè est Ὀδυσσεύς, factus est Vlysses, Ἀχιλλεύς Achilles, Ἴδωρ Ajax, Ἑσκληπίδης Esculapius, Πόλυδαιμον Pollux, alià que id genus plurima. Eò autem uecordiæ, ne dicam ignorantia processum est à supinis quibusdam ingenijs, ut inobseruato Cicerone, ne dicam contempto, mordicus incurserent, si quis ita locutus fuisset, uti cōiunctione s has, Et si, et Quamquam, præterquam indicatiuis temporibus cōiunxerit, cum et optatiuis, et coniunctiuis modis passim coniunctas apud illum inuenias. Audite quæ æquo animo Ciceronè tam multis in locis non uni dum taxat modo, hoc est, indicanti coniungentem. Ad Atticum enim quadam

- » in epistola: Sed postea quamprimum Clodij absolutione leuitatem, infir-
- » mitatemq; iudiciorū perspexi, deinde uidi nostros publicanos fatilè à Se-
- » natu disungi, quanquā à me ipso non diuellerentur. Alia in epistola: Rho-
- » dum uolo puerorum causa, inde quamprimum Athenas, et si Etesia ual-
- » de reflauerint. Ad Dolobellam quoq;: Quamquam mi Dolobella hæc enim
- » iocatus sum libenteris omneis meas (si modo sunt aliqua meæ) laudes ad

te transfulerim, quàm aliquam partem exhauserim ex tuis. Ad Seruium  
 Sulpitium: Accedit eò, quòd Varro Murena magnopere eius causa uult o-  
 mnia, qui tamen existimauit, etsi suis literis, quibus tibi Manlium com-  
 mendabat, ualde confideret, tamen mea commendatione aliquid accessio-  
 nis fore. Ad Marcum Varronem: Etsi quid scriberem, non haberem, ta-  
 men amico ad te eunti, non potui nihil dare. In primo Academicorum li-  
 bro: Certè enim recentissima quæque sunt correctæ & emendata maxi-  
 mè, quanquam Antiochi magister Philo magnus uir, ut tu existimas, ipse  
 negaret. Item: Tertia deinde philosophiæ pars, quæ erat in ratione, & in  
 disserendo, sic tractabatur ab utrisque, quanquam oriretur à sensibus, ta-  
 men non esse iudicium ueritatis in sensibus, mentem uolebant rerum esse  
 iudicem. Et in secundo de Oratore: Erant quæ multi, qui quanquam non  
 uia se rem habere arbitrarentur, tamen quo facilius nos incensos studio di-  
 cendi à doctrina deterrent, libenter id quod dixi de illis oratoribus  
 prædicarent. Item sese, siquam gloriam peperisse uideatur, tametsi ea  
 non sit iniqua merces periculi, tamen ea non delectari. Ad hoc Cicero-  
 nis testimonium etsi aliud nullum abs te requiri certò scio, non præter-  
 mittam tamen, quæ è Sallustio, Liuius, Tacito quæ mihi nunc in mentem  
 ueniunt. Sallustij enim uerba sunt hæc: Nam ui quidem regere patriam  
 aut parentes, quanquam possis, & delicta corrigas, tamen importunum  
 est. Et Liuij x x v i. Itaque quanquam omnibus omnia deberet, præ-  
 cipuum muralis coronæ decus esse eius qui primus murum ascendisset.  
 Et libro x x i x. Mauris inde secuti conuenerat retro ad regem re-  
 missis, quanquam aliquanto minore spe multitudinis nec unquam tan-  
 tam rem aggredi satis auderet. Taciti autem quæ sequuntur: Non nume-  
 rauim inter Germaniæ populos, quanquam trans Rhenum, Danu-  
 bium quæ confederint, eos qui decumates agros exercent. Item uera sta-  
 tim & incorrupta eloquentia imbuebantur, & quanquam unum seque-  
 rentur, tamen omnes eiusdem ætatis patronos in plurimis & causis, &  
 iudicijs cognoscebant. Tamen hæc tolerabiliora. Discissum, dilaceratum-  
 que ab iisdem satis scio haud indoctum hominem, quòd particulam Ne-  
 dum, ac Ne modo, præponere sit inscribendo ausus. Nec meminunt Ci-  
 ceronem scribentem ad Atticum, nec Balbum & Oppium ad Ciceronem:  
 eorum quidem alterum dixisse: Tu quoniam quartana cares, & nedum  
 morbum remouisti, sed etiam grauedinem, te uegetum nobis in Græcia si-  
 ste. alteros uerò: Nedum hominum humilium, ut nos sumus, sed etiam am-  
 plissimorum uirorum consilia ex cuntu, non ex uoluntate à pleris-  
 que probari solent. Liuius quoque libro x x i x. inquit: Hanno nequa-

nedum mo-  
 sedo graue  
 depellere

„ quam satis ualido ne modo ad laceſſendum hoſtem, ſed ne ad tuendos qui-  
 „ dem à populationibus agros equitatu accepto id omnium primum egit, ut  
 „ per inquisitionem numerum equitum augetet. Nec alienum forte fuerit,  
 „ Plinij quoq; uerba è nono naturalis hiftoriæ libro adducere. Lolliæ Pauli  
 „ nam, quæ fuit Caij principis matrona, ne ſerio quidem aut ſolenni cerimo-  
 „ niarum aliquo apparatus, ſed mediocrium etiã ſponſalium cœna uidi ſma-  
 „ ragdis, magaritisq; opertam. Hæc autem quanquam ſunt huiusmodi, mo-  
 „ uent tamen doctos uiros. Indignantur enim non permitti ſibi maiorum  
 „ autoritate uti, tutoq; euagari per orationis latine fines: qui latiſſimi qui-  
 „ dem ſunt. Nã et ſi poſſunt cõſcientia ipſi ſua cõtenti eſſe, tamẽ ne ſcio quo-  
 „ modo præſtãtibus in ingenijs uſu uenit, quod in equis generoſis, ut nolint  
 „ pungi, auerſentur ſtagella, ad ſcuticæ ſonitum ex æſtuent. Nanq; ipſi etiã  
 „ reges miſcas fugitant. Equidem memini, quin uidere quidẽ uidetor digla-  
 „ dianteis grammaticos ſuper Virgiliano uerſu, qui eſt:

„ Inſtar montis equum diuina Palladis arte

„ Aedificant.

Dum quid inſtar ſignificet, parum intelligunt. Neq; enim Ciceronem  
 „ animaduertunt ſcribentem ad Atticum: Mearum literarum nulla eſt ſy-  
 „ nagoge, ſed habet Tiro inſtar ſeptuaginta, et quidem ſunt à te quædam  
 „ ſumendæ, eas ego oportet perſpiciam, corrigam, tũ deniq; edentur. Et in  
 „ Oratore ad Brutum: Nam inuenire, et iudicare quid dicas, magna quidem  
 „ illa ſunt, et tanquam animi inſtar in corpore. Quid idem cum dicit Ci-  
 „ cero ex ore Antimachi in Bruto: Plato enim mihi unus inſtar eſt omnium:  
 „ an ſibi uult aliud, quàm quòd Platonis unius audientia idem ualeret apud  
 „ eum, tantumq; haberet autoritatis, quantum ſi uniuerſus Athenienſis  
 „ populus ad audiendum conueniſſet, intentuſq; recitante ſpectaret, quod-  
 „ q; inuentio, ac iudicium in oratore idem quidem polleat, quod in corpore  
 „ ipſo animus? Verùm hæc à nominis ipſius deductione aliquãto ſunt remo-  
 „ tiora: cum tamen et Cicero, et Virgilius eam innuant, ut quæ inſtar aut  
 „ ſunt, aut habent, ea quaſi oculis, ac menti inſtent, illisq; perinde ut exem-  
 „ plar quoddam ſint propoſita. Quod fabris, atq; artiſtibus uſu uenit, qui  
 „ propoſitum ad exemplar fabricantur, ad illudq; opus ſuum dirigunt. id  
 „ quod Virgilij uerba præſerunt, dicentis equum illũ Troianum ædifica-  
 „ tum ea uſtitate, ut quaſi uſti imago montis fuiſſet propoſita ædificatori-  
 „ bus, quã et ipſi imitarentur, et equus ipſe illam referret. quod ipſi alibi  
 „ declarat, cum ait:

„ Hanc tamen immenſam Calchas attollere molem

„ Roboribus textis, cœloq; educere iuſſit.

Et Cicero

Et Cicero cum respondet Attico, habet Tiro instar septuaginta, an aliud significat, quàm quod cum ipse efflagitatarum ab illo epistolarum nullum haberet penes se exemplum, originales quidem epistolæ (sic enim hodie non pauci loquuntur) quasq; ipse dictasset, à Tirone asseruarètur, quodq; de exemplaribus illis ut pote archetypis exemplum esset sumendū? Idem Cicero declarat hoc apertius, scribens ad Varronem: Equidem hos tuos Thufculanos dies instar esse uitæ puto. Ac si diceret, uitæ genus dierum illorum quibus fuisti in Thufculano, esse alijs uitæ suæ exemplum ac specimen debere iudico. Itaque tū exemplar, tum exemplū uidetur instar significare. quod et Virgilius cōfirmat cum dicit: Quantum instar in illo. Recentiores tamen, ut Plinius Secundus, alia quadam ratione uidentur hac ufi dictione, neq; improprie tamen, neq; indecenter, ut cum ait de Traiano: Instar reflectionis existimas mutationem laboris. Nam et apud Cicero nem legitur, instar mortis. itemq; et alibi: Instar ulctionis uideretur cer- nere laccros artus, truncata membra. Item, maximum beneficium uerte- batur in grauiissimam iniuriam, ciuitasq; Romana instar erat odij, et discordiæ, et orbitatis. PVD. Ego uerò Petre Compater facile sum passus, ægrefertem te Grammaticorum importunam diligentiam euagatum longiuscule: omnis tamen dicendi oblectatio uacare debet tædio cum primis audientium, ac defatigatione. Quamobrem redeat iam Pardus ad insomnia, quo Horatianum illud punctum, dum iocis miscemus seria, è di- elutionibus his nostris, ab ijs qui audiendi nobiscū hic gratia cōsederint, referamus: sintq; posthac res inter nos Grammaticæ, leuatio quasi quædam rerum difficiliorū, quæ in sermonem uenient, non autem differendi materia. PAR. Reuocas me, ut uideo, Pudrice ad somnia, uel potius aut in pellis, aut trabis. Atq; equidem uereor, ne de his differentem me uberius, ad somniandū adigas etiam uigilantem. Dicam tamen quæ sentio, quæq; ut probentur à multis desyderari quidem potest, utinam uerò id consequamur ut à paucis. Externam quidem esse mentem putat Aristoteles, eamq; ueluti peregre aduenientem (ut sentire illam arbitror) in animos hominum illabi: idemq; animis præstare ipsis officium ad cogitandū, peruestigandumq; deniq; ad iudicandum, quod artificibus ipsis ad conficiendum destinatū opus præbeat dextra. Ac mea quidē sententiā, perinde ut de luce per orbem à Sole diffusa lumen oculis accenditur ad uidendū, atq; discernendum ea, quæ oculis obiecta sunt, nam et lux externa, id est cœlestis res est, eaq; cœlo à Sole diffusa peregre ad nos aduenit: sic à cœli ipsius, syderumq; cōmotionibus, per eam quæ σμυκτὴ Græce est, Latine cōtagione fecit Cicero: mihi magis placet appellare contagem, quando conta-

gio in malam ac pestilentem hodie partem accipitur: sic inquam à coeli stellarumq; agitu perpetuo, animis nostris mēs, id est illa cogitanda tam acuta, & solers, tamq; etiam sibi constans, dono dei infunditur. Nec uerò ea quæ nunc dico accipi sic uelim, ut non & ipse de Deo, deq; animæ immortalitate, eiusq; creatione ea sentiam, quæ Christiani sint hominis, & pij quidem hominis: sed differentem de somnijs, par est quædam tanquam somniantem asserere in medium. Neq; uerò oblitum te illorum arbitror, quæ paulo à me antè dicta sunt de monitis, persæpe sanctissimis illis patribus à Deo traditis inter dormiendum. Ne igitur à proposita re discedam longius, quæ in somnis offeruntur simulacra, & uisa, ea partim à cupiditate, studio, affectionibusq; hominum maioribus excitantur. quod uidemus etiam incanibus, et ut Claudiamus ait,

*lacrma in  
offruntur.*

- ” Venator de fessa toro cum membra reponit,
- ” Mens tamen ad sylvas, & sua lustra redit.
- ” Furto gaudet amans, permutat nauis a merces,
- ” Et uigil elapsas querit auarus opes,
- ” Blandaq; largitur frustra sitientibus agris
- ” Irriguus gelido pocula fonte liquor.

Est enim locū hunc Poëta ille luculentissime prosecutus, partim etiā à quadam tum colluue humorum, tum malo ab habitu corporis: hiq; excitantur in corpore, cum dormitur, unde etiam uisa ac simulacra illa non nisi conturbata uidentur, & persæpe terrent: multum quoq; ad hæc ipsa conferunt tempestates, syncerus ne sit, an perturbatus aeris ipsius status: anni quoque partes, qualis est autumnus propter inconstantia, ac uarietatem, ut in somnis quidem contingant ob has ipsas causas pleraq; omnia quæ nostrorum sunt sensuum, cum & uigilant, & exercentur. Quippe cum dormientes uidemur etiā cœnare, potare, Veneris rebus uti, ridere, letari, timere, lacrimari, sequi, fugere, audere, demum quæ uegetantis, quæq; sentientis sunt animæ, pleraq; inter dormiendum ipsis in uisib; ac cidere, ut hæc ipsa ferè sine sympathia illa coelestifiant. At quomodo inquam fient, quomodo absq; syderum contage & coeli, uisiones illæ diuinæ quidem ac sanctitatis plenæ, futurorumq; cognitionis, atq; (ut Christiani dicimus) arcanorum mysteriorum? Quemadmodum igitur mens illa cœlitus Sibyllis offertur, uatibusq; præclarissimis, perquam remotissimas quoq; res, nihilq; ad se spectantis, ne cogitatas quidem prius, nec concupitas uates ipsi & prædicunt, & præuident: eundem ad modum cœlitus uisiones illæ offeruntur dormientibus, ijs quidem ut nullis occupatis aut curis, aut cogitationibus, ipsis uerò sensibus ita liberis, ac uacuis, ut  
nihil



nihil utiq; humanum eis inesse uideatur. Sicuti recte quidem à poëtis describitur furor ipse uaticinantium, qui quòd præter humanos fiat sensus. furor est appellatus. Qui igitur in uatibus furor est, in dormientibus caret nomine: pie tamen magis quàm proprie à bonis quibusdam uiris, tum uisitatio, tum apparitio diuina dicitur, quasi Deus in somnijs illos inuaserit, aut numen ijs aliquod apparuerit quiescentibus. quo factum est, ut monita ipsa perinde ac diuino ex ore prolata, quidam appellarint oracula. Vt autem non omnibus, sed per quàm paucis diuini illius spiritus concessa est familiaritas, uisq; ad uaticinandum, sic non multis est attributa somniant diueritas, uel, ut rectius loquar, sanctitas, atq; castitudo. Quam paucissimi uel rarissimi potius existunt Poëtæ, quorum ingenij etiam uis è cœlo manare credita est. Quibus itaq; diuinis cum uisionibus hæc inest familiaritas, et tanquam hospitij ius, et illa quoque eisdem inest à cœlo informatio, accipiendis apta uisis, quæ de cœlo per contagem illabuntur. Quæ de re ab illis qui syderalis scientiæ, quæ ἀστρολογία Græce dicitur, studiosi sunt, permulta traduntur, quæ nos ad illorum hæc in parte disciplinam relegamus. Te ipsum equidem Paule Præfici dicentem audiui sæpius, multum hanc ad rem conferre tum Veneris stellam, tum Iouis, magis autem Veneris, qualem scilicet à sese in genitura habuerit, præsertim aduersus signum illud, quale quæ signum illud fuerit, quod nonum tunc cœli locum tenuerit aut primum, cum quis in lucem uenit. Inter signa uerò omnia, cui Virgo nomen est inditum, illud esse diuinatione huic quam accommodatissimum. Quippe quòd eam in constituendo corpore retineat temperationem fermentandis humoribus, qualem fermentationem esse oporteat fabricæ illius, quæ simulacrorum huiusmodi familiaris futura sit, atq; hospita. Omnino autem fermentatio illa corporis, quæ bilis atræ secum habet permultum, rei huic est per quàm appositæ, de cuius natura quædam etiam admiranda traduntur ab Aristotele. Ea enim ipsa terrenam ob qualitatem, quod atro in uino apparet, ubi cœcaluit iā, spumā quandā uberiorē excitat, de cuius excitatione spiritus, et quidē uehemētiore gignitur, Atqui spiritus quidē ipse aërius cū sit (nā qui Græco nomine est αἶρ, Latino dicitur spiritus) efficitur, ut quæadmodū per aërē à natura ipsa uisus, qui oculorum est sensus exercetur, et qui aurium est auditus, item et olfactus, eundē ad modum cōtages ipsa cœlestis, supernaq; illa affectio per aërē, perq; spiritus illos tāto per se suscitatos sese in sinuās exercet mētē in uaticinibus, plus tamē, minus uē, pro natura fermentationis ipsius, eiusq; tēperatione: quod itē efficitur in dormientibus, pro fermentationis eiusdē ratione et habitu, corporisq; illorū cōcretionē. Itaq; neq; Augustinus summatū



doctrina, tum etiam sanctitate uir, neq; doctissimi è nostris theologi, neq;  
 è philosophis Stoici acutissimi, iidem que disputaces homines ( utar enim  
 nouo hoc nomine, quando eiusmodi Academia quidem fuit ) somnia uisio-  
 nesq; probare dubitauerunt, quæq; in somnis traduntur monita: quæ qui  
 dem etiam sunt qui uocauerint oracula, neque defuere qui arbitrati sint,  
 Prophetarum pleraq; per somnia eis, et oracula diuinitus demonstrata.  
 Et Syllam felicissimum tum ciuem tum imperatorem consulenti Lucullo,  
 in re militari quid seruaturus esset potissimum, somnia cū primis animad-  
 uertenda respondisse boni autores tradunt. Hec igitur Puderice, siue sua  
 sus à te, siue compulsus, quando et Syncero satis iri factum intelligebam,  
 de somnijs dixi: abstinebo à pluribus, ne quod paulo antè dixi uel uigilans  
 uidear somniare. Quodq; Poëtica uis uaticinantium habetur persimilis,  
 unde Poëtæ et ipsi uates dicuntur, Synceri ipsius, Poëticæ quam studio-  
 sissimi, uel Poëtæ potius et quidem elegantissimi, officium neq; indignum  
 fuerit, neq; ingratum, si et ipse cōfessu in hoc de Poëtis afferet in medium  
 aliquid, quo confessores hos dormitantes iam auocet à somno, quando lo-  
 quens ipse de ijs quæ inter dormiendum offeruntur, somnum iam uideor  
 audiendentibus prouocasse. Quam ad rem locus ipse nō minus quàm ora-  
 tio hæc mea adhortari te debet Syncere Acti, quem et Panhormita olim  
 Antonius dum uiueret, et senex nunchic noster dignum uterq; uel iudi-  
 cauere, uel fecere ipsi potius, in quo de omni disciplinarum genere disputa-  
 retur à doctis uiris, qui non minus libenter, quàm ad eū sepe cōueniunt.  
 ACT. Et exuscitaſti nos Parde à somno, dum de somniorū natura et cau-  
 sis argute non magis quàm uere differis, et nūc me ad dicendum excitas,  
 deq; ijs præsertim studijs: quæ (quod pace dictum sit uestra) quanquam fā-  
 teor esse communia, tamen quòd in ijs ita laboraui hæctenus, diesq; labo-  
 ro ac nocteis, sumi que sedulo laboraturus, si mea ea dixerim, uidear iure  
 ipso dixisse. Est tamen hæc ipsa res maioris ocij, curæq; uigilantioris, dis-  
 serere de Poëticæ excellentia. quo utar autem hoc uerbo, senis nostri auto-  
 ritas efficit, quem finientem sæpius audiui, Poëtæ siue officium, siue finem  
 esse, dicere apposite admirationem. Nihil autem nisi excellens admodum  
 parit admirationem. Quod nisi tāta illa moueret Aristotelis me maiestas,  
 uel ausim abdicare à mediocritate Poëtam, quæ tamen in hoc ipso alio quo-  
 dam modo et requirendæ est, et laudanda. Quodq; admiratio ipsa mul-  
 tis, ac maximis comparatur uirtutibus: quibus explicandis haud est satis  
 idoneum nunc tempus, cum sit res ipsa multiplex, ac laboriosa admodum,  
 multæq; animi pensionis. Ne nō Pardo tamen uel petenti, uel iubenti mo-  
 rem geram, cuius attingam uel magis feligam eam partem, quæ tota uersa-  
 tur

tur in numeris. Et si numeri sunt ipsi è uerbis, quæ uersum cõstituunt: qui bus inter nostros quidẽ eminere uidetur Virgilius. Numerus autẽ ipse cum primis et mouet, et delectat, et admirationem gignit. Eius autem prima illa laus est, quod uarietate parit, cuius natura ipsa uidetur fuisse uel in pri mis studiosa. Quid enim uel inertius, uel, ut ita dixerim, oscitantiũs, quàm eodem semper sono ac tenore syllabas, et uerba compangere? Quo uitio è posterioribus Poëtis sunt qui laborauerint: quæ res nõ minus modò illos reddidit admirabileis, uerum etiam longe minus graues. Siquidem ipsis è numeris, tum collidendis uocalibus, tum sustinendo, ac remorando sono, aut contrà uocibus syllabisq; præpropterandis, comparatur etiam dicen di quædam tum grauitas, tum ea quæ dignitas suo est nomine: quanquam harum utraque aribus etiam alijs comparatur. Hæ autem admirationis ipsius præcipue quidem sunt nunc comites, nunc uerò et duces. Quæ res quoniam exemplo quàm dictione fit manifestior, sumã principio ex ipso Aeneidos uersum illum:

—Multum ille et terris iactatus et alto.

Plenus hic quidem est uersus, canorus, grauis, numerosus: quæ laus to ta existit de collisione uocaliũ statim repercussa, eaq; ingeminata. Quod si dictionem eam subtrahas, quæ est, ille, ac dicas, Multumq; et terris iac tatus et alto, mirum est, quantum de uersus ipsius dignitate, grauitate, magnitudine detrahatur. Quod quidem ipsum fit etiam ob accẽtus unius detractionem. Etenim pars ea, quæ est, multumq;, unum tantum secum adducit accentum, eumq; subinclinatum: at multum ille, duos: quos utiq; collisio ipsa et coniungit simul ambos, et eos efficit tum pleniore, tum etiam magis sonoros. Videamus et alium, qui est:

Multa quoq; et bello passus, dum conderet urbem.

Qui si dicas, Multa etiam bello passus, tu met intelliges, quanta fiat so noritatis imminutio, et quidam quasi langor, ob soni ipsius exilitatem, quam dictio illa, quoq;, non solum exterminat, uerum ipsum et auget et implet sonum: quem nequaquam etiam impleffet, si dixisset, Multa qui dem et bello passus. nam paulo antè cum dixisset, multum ille, in ea quæ statim sequebatur copulatione, non erat à numeri plenitudine corruen dum. dixit igitur, Multa quoq;, nam tum, etiam, tum quidem, sonum fa ciunt satis exilem: contrà dictio, quoq;, implet eum. Quocirca uel exqui sitiissime exigitur in Poëta literarum delectus ac selectio. Habet autẽ uer sus tot accentus, quot et uerba, etsi particulaq; et uẽ, non faciunt ipse per se accentum, sed illum ad se trahit præcedentibus à syllabis. quæ re à grãmaticis dictæ sunt in clinativæ. Quo fit, ut quatuor hæc uerba, Multa,

quoque et bello, quatuor etiam accentus habeant: at, Multa etiam bello, treis tantum. Nam præterquam quòd sonant tenuiter, uno etiam superantur accentu. Hunc ipsam autem soni ac literæ plenitudinem, haud multo post, quòd locus ipse ab illa esset alienus, Virgilius reiecit, solertissimarum aurium solertissimus subblanditor, dicens:

» — Tot adire labores.

Qui si obire dixisset, in asperitatem quasi quandam, et confragosum incidisset sonum, coniungens statim, tot et ob: cum alibi quòd extollenda uox esset, dixerit:

» Et lituo pugnas insignis obibat et hasta.

Tenuitas enim anteccedētis syllabæ suffragio egere subsequētis uidebatur. Sed omittamus nunc quæ tū ad literas spectant, tum ad syllabas. Quid causæ fuit, quid iniquæ causæ? cur exponere se Virgilius maledicentiæ græmaticorum uoluerit, cum dicere,

» Fluuiorum rex Eridanus, —

maluit, quàm Eridanus fluuiorum rex, quod per uersum licebat. an quod aurium pluris faceret uoluptatem, quàm tetricum literatorum iudiciū? Languet enim sic uersus, fordescitq; in ore quodāmodo, cōsideratis præsertim et quæ statim præcedunt, et quæ post sequuntur dictionibus. Quocirca implere illum maluit artificiosa uerborum commutatione. At uidete quàm concinne inter dictiones, quæ ambæ quatuor constarent è syllabis, interiecit, rex, quæ est unius: quippe quæ post collocata, et structuræ ineptitudinem argueret, et sonoritatem illam tam suauem auribus ipsis inuidet. Hic igitur è commutatione uersus ipse redditus est spectabilis, qui aliter ridiculus esset, atq; abiiciendus. Claudii sæpè numero Virgilius plures uersus sustinendo sonum, illumq; remoratur, ne ipsa aut deliqueat sonoritas, aut precipitetur. At uidete obsecro, quàm appositè, q̃ studiosè præstruit tribus è dictionibus uersum, ijsq; dissyllabicis, et tanquam prima in acie spondeū collocat solutum quidem, ac liberū, indeq; præterita secunda alterum, atq; alterū in tertia et quarta acie. Inter primū autem spondeū ac secundum unum quidem secunda in acie statuit dactylum, et ait:

» Tantæ molis erat Romanam condere gentem. Et alibi:

» Siqua fata sinant, iam tum tenditq; fouetq;.

At si inuertas, Molis erat tantæ, et Fata sinant siqua, omnis illa uocalitas iam exhalat: quod Virgilius ut prohibeat, solutum ab omni connexionē spondeum in principio collocat, ut alio in loco cum ait:

» Curru iungit Alesius equos. —

Potuisse cum dicere, Iungit Alesius equos curru. Numeris tamen maluit,

luit, auribusq; consulere. Dilabi enim uidetur sonus, et penè fugere, cum dicit, Iungit Alesius equos, tali præsertim in loco, apparet enim Elegiacus semiuersus, contra uerò cōsistit uox, et sibi ipsi præsidio est, ne (ut dixi) exhalet, ac diffuat, cum dicitur, Curru iungit Alesius equos. An se ipsum auresq; ignorauit suas Virgilius, cum dixit:

Bina manu lato crispans hastilia ferro?

Cum enim hac in structura, singulisq; in dictionibus dissyllabis primas ad syllabas statuatur accentus, quadrato quasi agmine (quaterni nanque accentus è quaternis illis dissyllabis dictionibus in aciem simul prodeunt) quaterni simul accentus eodem spatio cōsonant. At nihil generosum habuerit, nihil selectum, si protuleris:

Ferreæ cum ualida crispans hastilia dextra.

Plebeiusq; hic uersus fuerit, ille uerò Maronianus. Et cum alibi dixit: Contra tela furit.—

an non poterat, Tela furit contra? sed noluit esse in accinendo præpropere. Sic cum dixit:

Turno tempus erit.— Et,

Parce fila legunt.—

Possẽ hac in parte excitare è somno aliquos, qui dormire mihi uisi sunt in hoc ipso genere numerorū, à quo quidẽ cōsilio longe ipse sum alienus. Sat mihi fuerit, dū Pardo, uobisq; q; hic adestis, morẽ gero, explicare paucis quæ sentiã, quæq; à me studio quodã Virgilianæ diligentiæ fuisse obseruata. Claudit penè ipsã muneris cōstructionem illã Valerius Catullus:

Cum lecti iuuenes, Argiue robora pubis

Auratam optantes Colchis auertere pellem,

Ausi sunt uada salsa cita decurrere puppi,

Cæruleuerrentes abiegnis æquora palmis.

Sanè quàm ridiculum uideatur, ac despicabile, si narrare incipias, Ausi sunt uada salsa cita decurrere puppi Cū lecti iuuenes. Ac nihilominus Virgilius et ipse duce tamen dactylo (tãta est in numero ipso uis) incipit explicationem illam coniunctis statim quinq; uocibus, ijsq; dissyllabis:

Larga quidem semper Drance tibi copia fandi.

Etsi alibi incipit à spondeo. ut,

Salue sancte parens, iterum saluete recepti.

Adcò ubiq; consulendæ sunt aures. An forte quòd à conuicio exordiretur, remorari uocem magis, ac magis numeris illis quinque eodem tenore, et spatio ingruentibus uoluit? Quod mihi quidem satis fit probabile. An non idem ipse duce quidem dactylo à crebritate eadem numerorum

cœpit in enarratione illa tam eximij apparatus?

- » Primus mit bellum Tyrrhenis asper ab oris
- » Contemptor diuim Mezcentius, agminaq; armat.

Quo in loco rem ipsam ut magnam, ut horribilem futuram, quo adequaret numeris, taliq; principio finis quoq; ut consonaret, intulit, Agminaq; armat. parū nūq; cōsummatissimis aurium eius sensibus uisum est, si conclusisset, Agmen et armat, aut Agmina cogens. Itaq; ab ipsis extulit pulmonibus, Agminaq; armat. Vide igitur quid collisio faciat, suo in loco adhibita, quid artificiosus assultus contudentium sese uocalium. Numerus igitur alibi sedatus esse debet, perinde ut oratio, ut uerba, e quibus oratio ipsa constat: quales sunt narrationes eæ, in quibus nō exigitur uel magnificencia uerborum, uel pondus sententiarum, sed paratur tantū audientium attentio, ut Rhetores præcipiunt, qualis est illa:

- » Conticuere omnes, intentiq; ora tenebant.
- » Inde toro pater Aeneas sic orsus ab alto:
- » Infandum regina iubes renouare dolorem.

Fluunt uerba, labitur oratio, nihil confragosum, nihil cæsum, aut ex arte ut uideatur collisum habens. Quid explicatione illa mundius?

- » Sic fatur lacrimans, classi q; immittit habenas,
- » Et tandem Euboicis Cumarum allabitur oris. Quid alia illa sedatiū?
- » At regina graui iundudum faucia cura
- » Vulnus alit uenis, et cæco carpitur igni.

Fluunt itaq; numeri ipsi, quibus nihil profecto lenius, ut nulla uideatur ars adhibita, nulla ipsi appareant cura temperati. At subrigendum supercilium cum fuerit, et magno tonandum ore, numeri ipsi confertis, tanquā conferta in pugna milites esse debent, atq; ubi est opus, ut et ipsi quoque horrorem incutiant: quin et literæ, et syllabæ uastiores conquirendæ sunt, nonnunquam etiam asperiores, aut hiulcæ. Age quæso quid tibi hac ipsa de exaggeratione uidetur?

- » —Iam Deiphobi dedit ampla ruinam
- » Vulcano superante domus, iam proximus ardet
- » Vcalegon, Sigæa igni freta lata relucet.
- » Exoritur clamorq; uirum, clangorq; tubarum.

Quæ uerborum, quæ tum literarum, tum syllabarū selectio, clamor, clangor, uirum, tubarum? qui accentus penè quaterni tam accommodati. Sigæa igni freta lata? Quid ille qui è uestigio sequitur, duarum dictionum ab eadem litera incipientium conuocalis sonus?

- » Arma amens capio.

An est Parde quod aures ultra exigant tuæ? Sed adhuc aduerte quæso admirabilem in ijs uerborum conquisitionem: uoces illæ ambæ dissyllabæ, clamor, & clangor, à syllabis incipiūt rigidioribus, desinunt in horridis: illæ alteræ, uirum, & tubarum, quæ copulationem finiunt, in syllabis desinunt subobscuris: obscuritas uerò omnis horrore incutit, quod idem poetâ seruauit in illa tempestate, cum dixit:

—Clamorq; uirum, stridorq; rudentum.

Quo in uersu singulæ dictiones uersum constituentes, literam habent asperam: quæ multiplicata, horror quasi quidam gignitur loco illi debitus. Ipsæ quoq; inclinatiuæ particulæ, dum accentus ad se rapiūt, horrore etiā ipsi non parum adiungunt, clamorq; stridorq;. Quando autem propèra re numerus debeat, & quomodo properatio ipsa fiat, docet uersus ille:

Atq; leuem stipulam crepitantibus urere flammis.

Cupiens enim poetâ artificiosissimus flammarum, concremationisq; illius celeritatem numeris suis reddere, uersum è dactylis struxit, coëgitq; dictiones celeritati perquam accommodatas. Quid? quòd ut strepitum quoq; accensarum referret stipularum, selegit etiam syllabas interstrepentis, quales sunt primæ stipulæ, & crepitantis, nulla arcessita collisione, aut adhibita inclinante particula. Rursus quæ uia sistendum sit, & tanquam standum in acie, habent rei huius instar insequentes uersus:

Stabant orantes primi transmutere cursum.

Et,

Tum demum admissi stagna exoptata reuisunt.

Et,

Extemplo Aeneæ soluuntur frigore membra.

Quæ etiam ratione seruanda sit mediocritas, collocatio quidem ipsa da Syllorum mistim, alternisq; cum stondeis monstrare potest, qualis scilicet est uersuum qui sequuntur:

Et mulcere dedit fluctus, & tollere uento.

Gens inimica mihi Tyrrhenum nauigat æquor.

Talia perstabat memorans, fixusq; manebat.

Illâ solo fixos oculos auersa tenebat,

Talia flammato secum Dea corde uolutans.

Quo tamen in uersu quasi erigere supercilium iam pararet, treis illas dissyllabicas dictiones in acie quasi media collocauit. Omnis igitur illa siue dignitas, siue grauitas, magnitudoq; numerorum à numerositate ipsa gignitur accentuum, de dictionum collocaione, syllabarumq; delectu profecta. Quippe cum syllabæ, dictionesq; accentum, accentus uerò numerum, numerus autem & plenum, & generosum, & admiratione dignum uersum statuât. Quanquam autem nedū Cicero ipse eloquentiæ pater accen-

tum uocat, sed etiam literatores uniuersi, quorum quidem proprium est loqui de literis, syllabis, dictionibus, atq; earū qualitibus. Vtimur tamē hoc nomine eo libentius, quod canere dicuntur poëtæ, & Virgilius exordiens uerbo est hoc auspicatus, Arma uirumq; cano. Licet uidere in uersibus, quos paulo post afferam, quandam quasi fluctuationem nunc sistentium, nunc profluentium dictionum, qua ē re necesse est, ut accentus quoq; ipsi incertitudine, ac uarietate fluctuent sua, inuicemq; alternentur.

- " Quis globus ô ciues caligine uoluitur atra?  
 " Ferte citi ferrum, date tela, & scandite muros.  
 " Hostis adest, eia, ingenti clamore per omnes  
 " Conduunt se Teucris portas, & moenia complent. Alibi:  
 " Sternitur infelix Acron, & calcibus atram  
 " Tundit humum expirans, infractaq; tela cruentat.  
 " Atq; idem fugientem haud est dignatus Orodem  
 " Sternere, nec iacta cœcum dare cuspide uulnus.  
 " Obuius aduersoq; occurrit, seq; uiro uir  
 " Contulit, haud furto melior, sed fortibus armis.  
 " Tum super abiectum posito pede nixus & hasta,  
 " Pars belli haud temnenda uiris, iacet altus Orodes.  
 " Conclamant socij lætum Pæna secuti.  
 " Ille autem expirans: Non me quicumq; es inulto  
 " Victor, nec longum letabere, te quoq; fata  
 " Prospectant paria, atq; eadem mox arma tenebis.  
 " Ad quem surridens mista Mezenti ira:  
 " Nunc morere, ast de me diuū pater atq; hominum rex Viderit.

Quæ igitur uocum uarietas, accentuumq; fluctuatio his sit in uersibus ipsi uidetis. Dicentem audiui sæpius senem hunc nostrum, quoties locus incideret aliquis, in quo sordescere posset oratio, numeri; relāguescere, sustentandum illum esse crebritate accentuū, non minus q̄ uerborum delictu, quibus spondei quidem permixti essent, eosq; ueluti grauem armaturā primos statui in acie oportere, inde dactylos summitti, qui tristitia iam illam exhilararēt. Quod ipse secutus esset in toto illo loco, q̄ est de Pristi ce:

- " Ipsi de rate turrigera, aut è puppibus altis  
 " Ferratis instant hastis, iaciuntq; tridentes  
 " Pinnigeros, imo referunt sese icta profundo. Nec multo post:  
 " Agmina perturbat, uideatq; indagine in una  
 " Vrgeri armentum uasti æquoris. ille trucidat  
 " Ense ferox, hic sublata secat ossa securi,

Aut



Aut unco trahit ad litus, prædâq; superbus  
 Ingentis media tauros resupinat arena.      Post etiam subdit:  
 Hic latis strata in tabulis, suffixâ ue aduncos  
 Ferratos duplici horrescunt pendentia dorso,  
 Et squamosa rigent duris ad tergora pinnis.  
 Vrbis ipsa armentum ad Nerei, et spolia effera currit,  
 Ac montana ruit longe ad spectacula pubes.

Extulit idem hic exilem sanè rem, solis quidem numeris, delectu tamè  
 uerborû adhibito, conquisitisq; rebus aliquâto remotioribus, in primisq;  
 literarum sonis, e quibus numeros et graecis, et plenos eliciit:

Ast Tingin, Bochiq; domos, habitataq; Mauris  
 Testa, deosq; humeris, cœlumq; Atlanta ferentem,  
 Insignisq; auro et pomis radiantibus hortos  
 Hesperidum, ac deserta siti Getula, leonumq;  
 Arua fame, Mars armipotens, et Scorpius ardens  
 Inspectant læti cœlo, et sua iura tuentur,  
 Hic chelis, ille ense potens. —

Quid autem exilius, quàm quòd dicturus erat, Getuliam ac Tingita-  
 nam subiectas esse Scorpio? Afferam et alium locum huius similem, cum  
 dicturus esset Africam ac Numidiam Cancro esse subiectam:

Ac Cancer, noctisq; decus Latonia uirgo  
 Lotophagum sedes tenet, et quos Bragada saltus,  
 Infidusq; secat Cyniphs, et Punica late  
 Litora, quaq; uagus se soluit in æquora Triton,  
 Et formidatas olim Carthaginis arces,  
 Ac latebras Masinissa tuas, cauaq; antra leonum.

Scimus etiam eundem ipsum fuisse sollicitum eo de uersu, qui est in An-  
 dromeda:

Virginibus præferre maris sese ausa, suumq;  
 Ostentans decus. —      Sic enim initio scripserat.

Verùm quòd tristem iudicaret ac lugubrem materiam, tarditate potius  
 numerorum, quàm festiuitate prosequendam esse ab exordio præsertim  
 ipso, commutatis dictionibus remoratus est celeritatem. Etenim, ut Aristoteli  
 etiam assueuerat, celeritas acumen soni gignit, tarditas grauitatē. Itaq;  
 subtrahit inde dictione quadrisyllaba, ac commutatis locis, collocauit ibi  
 dictiones dissyllabas quidem duas, adiecitq; statim monosyllabam, ac dixit:

Ausa maris se uirginibus præferre, suumq;  
 Ostentans decus, æquoreas armare sorores.



Quo factum est, ut tenor ipse primi pedis, qui uno constabat ex accentu, ac fluitabat, altero statim adiecto substetaretur, atq; ingrauesceret. Siquidem è Virginibus, unus tantum consonabat accentus: at Ausa, cum unū ex sese accentum efflet, & quidem circumflexū, Maris alterū, cumq; acutū, efficitur ut sonus ipse dactylicus duplicetur: qua è re tenor ipse & sistitur, & ingrauescit. Idem hoc seruauit alio in uersu, qui primo fuerat:

” Et de marmorcis guttas stillare columnis.

Cumq; iudicaret eo in loco opus esse soniremoratione, usus est eadem commutatione dictionum:

” Et guttas de marmorcis stillare columnis.

Numerus enim ille è Marmoreis, quadrisyllaba dictione constitutus, quòd esset ipse festinantior, reddebatur aliquanto fluentior & penè lubricus: at terni illi accentus tribus è dictionibus constati, confertimq; assonantes, alter alteri quasi manum de proximo sibi porrigunt, aciemq; ipsam sustinent. Attulimus hoc præsertim in loco è senis nostri libris exempla, quòd consilia eius ex eodem ipso cognouimus. Nam ueterum poetarum, Virgilijq; ipsius suspicari quidè illa tantū possumus. Inest et suum quoq; numeris decorum, ut cum uel aspera, uel suauis, uel miserabilis, uel iucundares, uel grauis, uel contrà leuis uersatur in manibus, uel suis alijs affectibus mista, & temperata. Vide igitur quibus Virgilius usus est numeris in prognosticatione illa futuræ tempestatis:

” Heu qui nam tanti cinxerunt æthera nimbi.

Ad metum, ad dolorem, ad ducis curam exprimendam coëgit tres simul monosyllabas dictiones, summisit deinde disyllabam post alterā atq; alteram trisyllabam, iunxitq; quatuor simul spondeos. Quid hac aut uerborum cōquisitione diligentius, aut animi conquestione grauius? Nec me quorūdam autoritas mouerit assuecantiū à Virgilio scriptum, Heu quid, non, qui: cum nos iudicemus neq; quia, neq; quid, sed qui fuisse à Virgilio scriptum. nam et litera o’ pleniusculum nescio quid sonat, quod hic ipse numerus nūc renuit: & quia, breuitate plusculum festinat sua, cum uox ipsa uideatur in dolore sistenda. Sed de hoc sit suum cuiusq; iudiciū, nostra quidè hæc est opinio. Decorandos igitur ad numeros tum literæ, tum syllabæ, nedum uerba integra maximum habent pondus. & quòd non nullo antè diximus in illo uersu:

” Insequitur clamorq; uirū, stridorq; rudentum:

Nulla ex illis dictionibus asperiore caret litera. Namq; aliarum principium, aliarum finis, aliarum & principium, & pausa trahit secum asperitatem literæ rigidioris. Quid? quòd cū in tempestate obscuritas terrorem augeat,

augeat, uirum, et rudentum, ultimæ sonant etiam nescio quid subobscurū.  
 Animipendite quæso uersus illius numeros, qui est:  
 Monstrarat caput acris equi, sic nam fore bello  
 Egregiam, et facilem uictu per secula gentem.

Qui præcedunt tres uersus, et huius ipsius dimidium, tribus clauduntur accentibus, ijsq; dissyllabicis. Ne igitur à grauitate descisceret sua, conflauit binis è monosyllabis, totidemq; è dissyllabis dictionibus accētus quatuor: quodq; satis est rarum, octo uersum illum locupletauit accentibus, quo fit ut tardius pronuntietur, tarditas autem, ut diximus, grauioris est soni causa, perinde ut acutioris celeritas. Acutum autem et graue in ijs quæ auditus sunt, habentur à Phisicis opposita. Qua tamē in re, quomodo retineret, copulauit statim binos dactylos, qui tarditatem illam moderarentur. Sunt autem uersus hi:

Lucas in urbe fuit media letissimus umbra.  
 Quo primum iactati undis, et turbine Pœni  
 Effodere loco signum, quod regia Iuno  
 Monstrarat caput acris equi, sic nam fore bello  
 Egregiam, et facilem uictu per secula gentem.

In tertio quoq; loco digne idem fit uocalium concursus. ut,  
 Ni faciat maria, ac terras, coelumq; profundum. ut item,  
 Contigit oppetere, o Danaum fortissime gentis. Et ut,  
 Erramus uento huc et uastis fluctibus acti.

Magnam utiq; grauitatis partem amiserit, si mutaueris:  
 Erramus uento et uastis huc fluctibus acti.

Itaq; hoc quidem modo erit hiatus ipse copulandi tantum necessitate factus, ille uero implendi, ac sistendi sonoris gratia, ab arteq; profectus. At in quarto et quinto pede quoties fit, atq; in sexto, et ad pausam, et uersus ipse suo cum numero mirifice assurgit, quadam etiam cum magnitudine, et rara quadam inde comparatur numeris ipsis dignitas, quod uersus illi declarant:

— Franguntur remi, tum proa auertit. Item:  
 Et uera incessu patuit dea. ille ubi matrem. Et:  
 Fundamenta locant alij, immane isq; columnas  
 Rupibus excidunt, scænis decora alta futuris. Et:  
 Troës te miseri, uentis maria omnia uecti. Et:  
 Omnibus exhaustos iam casibus, omnium egenos. Et:  
 Sequus ubi Acacide telo iacet Hector, ubi ingens. Et:  
 Contemptor diuū Mezentius, agminaq; armat. Item:

- » Aerea cui gradibus surgebant limina, nex. e. q. Acre trabes. —  
 » Et magnos membrorum artus, magna ora lacertosq;  
 » Exiit. — Item:  
 » Iamq; iter emensi turres ac tecta Latinorum  
 » Ardua cernebant. — Et:  
 » Inferitur uerò nucis è fœtu arbutus horrida,  
 » Et steriles platani malos gessere ualentis.

Affert autem raritas hæc hiandi cum insequenti uersu, nõ sine aurium uoluptate, etiam dignitatem. nam & nouitas delectat ipsa per se, & assultus ille hinc uersum inchoantis, illinc terminantis uocalis suam quoq; uocalitatem auget, qui fit præsertim absq; detractiōe, ut in illis:

- » — Classẽmq; sub ipsa  
 » Antandro, & Phrygiæ molimur montibus Idæ. Et:  
 » Talem diues arat Capua, & uicina Veseuo  
 » Ora iugo. —

In horum autem uersuum cõmemoratione non possum non ridere opionem uel assucrationem potius eorum, qui dicunt fuisse à Virgilio scriptum, Vicina Veseuo Nola iugo, mutatum uerò post ob denegatam sitientiam aquam. Neq; enim Virgilius, qui Nolanum planè agrum sterilem nosset, minimeq; triticum alere, sed milij solius, ac secalæ feracem, inter fertiles cum numerasset, Campanoq; coniunxisset: quin uicinam oram nominans, campos innuit Acerranos, qui sub ipsum iacent Veseuum, occasum uersus, suntq; fertilissimi. Suos igitur numeros, suorumq; concentuum suauitatem sequebatur cum scripsit, Vicina Veseuo Ora iugo. Collisio igitur uocalium, quam & Contusionem, & Concursum à re ipsa uocare possumus, fieri singulis in pedibus, eorumq; concisionibus potest. Vocamus autem concisiones, ipsas pedum inter se complicationes. Græce nomen habet à numero syllabarum Tritimemeris, Heptimemeris, Enneamemeris. Ea q; duobus fit modis, cum aut eadem concurrunt uocales, aut cum diuerse ubi eadem sese collidunt, extruditurq; è uersu altera, eatum Ademptio, tum Extrusio recte uocatur, non minus fortasse proprie Explosio. Ipsum autem cõcursum Cicero Hiatiũ uocat, et uocales ipsas dicit hiare. At cū permancnt, neq; truduũ loco, Boatũ sunt è literatoribus qui uocauerint: rectius utiq; Cõplosio uocabitur, quod è resultu geminetur sonus, ut in illoz

- » Ter sunt conati impouere Pelio Ossan.  
 Ipse uerò resultus longe minor existit, cum è diuersis sit uocalibus, ut:  
 » Ionio in magno. —

Atq; ego quidem libere uobiscum ut loquar, præterquam quod Græcam habet

concisiones

omplasio

habet imitationem, affertq; uarietatem, quæ per se ipsa delectat, & naturalis est, non uideo cur à Latinis Cōplosio magnopere sit probanda, cum uix delectet nisi in ijs quæ à Græcis sunt accepta. qualis ille uersus:

Glauco & Panopææ & Inoo Melicertæ.

Et:

Dardanio Anchisa. —

Et:

In Actæo Aracyntho. —

Raritas tamen ipsa, & quam dixi uarietas, potest reddere illam et uenustā et suauem, suo tamen accommodatōq; in loco, ac uerbis idoneis. Cum autem cōcursus fuerit in primo pede, eadē re numerus ipse fit solidior, cum quadam etiam iucunditate, præsertim ubi eadē cōcurrunt uocales. ut: Ille ego qui quondam. —

Et:

Ergo omnis longo soluit se Teucria luctu.

Et:

Illi indignantes magno cum murmure montis.

At cum diuersæ uocales hiant, numerus solidescit ipse quidem, non eadē tamen cum uoluptate audientium. ut:

Credo equidem, nec uana fides. —

Et:

Cuncta equidem tibi rex. —

Solidiorem autem, stabilioremq; numerū inde fieri manifestō apparebit, si dixeris, Cuncta quidem tibi rex. Quæ eadē re numerus ipse statim languescet. Interdū collisione ex ipsa uel extruditur, uel exciditur potius integra syllaba, uel eius bona pars, id est uocalis cū consonante litera m'. ut: Postquam introgressi. —

Et:

Illum expirantem transfixo pectore. —

Item:

Illum & labentem Teucri. —

Ex hoc si detraxeris Et, dēq; altero Ex, dixerisq; Illum labentem Teucri, illum spirantem transfixo pectore, curtum nescio quid aures statim offenderit. Hoc autem ideo dicimus, quod non ubiq; collisiones ipsæ sūt necessitate carminis, sed arte potius, atq; aurium obsequio, id est numerorū gratia. Cur autem syllabæ ex uocali et m' cōpactæ deturbentur ubiq; nūc eadē uersu (nam prisca illis seculis non semper excludi esse solitum uersus ille Ennianus docet:

Et milia militum octo. —)

uidetur causæ illud esse, quod propter m' terminalem, obtusum nescio quid, ac subobscurum sonent, quod aures uix patiantur in fine uocū. Itaq; nec mirum est si eadē dictione Sed, quæ olim fuit Sedum, detruncatio facta est, quādo populi quidā finalem m', cōpluribus eadē dictionibus sustulere. Quod ipse aliquot in monimētis summæ uetustatis animaduerti, ut Beneuētī in lapide, in quo scriptum est: INFELIX FATV, PRIOR DEBVI

MORI MATER. Et *Telefiae*: MATER MISERA HOC MONUMENTV EXTRVXIT OLYMPIAS AMENS. In quibus et fatum et monumentum, sunt absq; m'. Reseram uerba epigrammatis: APOLLONIA QVAE VOCITABAR, LAPIDE HOC INCLVSA QUIESCO. VNVM SORTITA MARTVM, SERVAVI CASTA PVDOREM. MATER MISERA HOC MONUMENTV EXTRVXIT OLYMPIAS AMENS. An non prisci illi fecerunt gelu, et cornu, quae prius erant gelum et cornu: quoru prioru Lucretius non semel utitur. Idem litera m' frequētissime explodebāt ē uersu, ut idem Lucretius testis est. Graeci terminationibus ijs carent, quae in m' desinunt, Latini autem ea sunt familiarissima, et ut aduerti etiam Aethiopibus. Sed redeamus unde digressi sumus. Eiusmodi quoq; literarum hiatus fiunt in secundo pede sustentandi tenoris atq; implendi numeri gratia, etiam cum dignitate, nullam tamen ob necessitatem, ut in illo:

» Ductoresq; ipsos primum capita alta ferentis.

Potuerat enim dicere, Ductores ipsos. Et in illo:

» Praeterea aut supplex aris imponat honorem?

Videbitur autem tenor ille flaccescere, si dixeris: Praeterea, supplex uerba aris imponat honorem. Cum in illa collocatione non solum hiet a', uerum alterum a', quod est primum elementu in uoce aris, de proximo loco hiatus ipsum assonando adiuuet. In tertio quoq; maiore sit cum uocalitate, ut:

» Ni faciat maria ac terras coelumq; profundum.

Sordescet plane numerus, si dixeris:

» Ni faciat, pelagus terras coelumq; profundum.

At in quarto et quinto pede quoties sit, in sexto item, et uersus ipse mirifice assurgit, quaedam etiam cum magnitudine, et rara quaedam inde comparatur numeris ipsis dignitas, quod declarant Virgiliani illi:

» Hec ait, et dicto citius tumida aequora placat.

» Fundamenta locant alij, immanisq; columnas

» Rupibus excidunt, scenis decora alta futuris.

» Et uera incesu patuit dea, ille ubi matrem

» Agnouit, tali fugientem est uoce secutus:

» Troes te miseri uentis maria omnia uelli.

» Omnibus exhaustos iam casibus omnium egenos.

» Saeuus ubi Aeacidae telo iacet Hector, ubi ingens.

Hiatus etiam ille atq; complosio quae sit cum insequenti uersu, ut dictu est, raritate sua affert etiam cum auriu uoluptate dignitatem. Nam et

novitas

gelu, dixerunt  
cornu ueteres

illa dictio  
quod graecos  
uenit in m.

nouitas quasi repente edita delectat per se, & assultus ille hinc uersum inchoantis, illinc terminantis uocalis suā quoq; uocalitatem accumulatur, ut:

— Ille clamor ad alta Atria. — Et:

Expectata dies aderat, nonamq; serena

Auroram Phaëthontis equi iam luce uehebant.

Et:

Famaq; finitimos, & clari nomen Acestæ Excitat. — Et:

In medio sacri tripodes, uiridesq; coronæ,

Et palmæ pretium uictoribus. — Et:

— Manifesto in lumine uidi Intransem muros. —

Verum ego longior forte & ambitiosior explicādis his fui, feci hoc tamē eo libentius, quod scriptum de his adhuc sciam a nemine. Quāquam & multa quoq; a me præterita sunt, quæ post alij & inquirent ipsi acutius, & appositè magis explicabūt. Sat etiā scio, esse ē uobis longē quā ego sum rerum harum qui sint studiosiores. Itaq; quod hic cōuenerimus, te præsertim Parde autore, relinquēdus est cuiq; suus etiā dicendi locus.

PAR. Mihi quidem Sincere Acti si inficias irem, satis a te nō esse factum, inique fecerim. Satis fecisti profectō, nec minus doctē, quā copiosē. Sunt uerō etiā, qui uultu iam ipso præferant allaturos aliquid, quod se, quod hoc ipso conuentu dignum iudicent, quodq; locus quidem ipse uel exigit se dentibus nobis, uel etiā per se postulat. Atque, ut risu ex ipso præsentio, Summontius hic noster egregiū aliquid meditatus iam exurgit, ut recundiq; est tuæ dare locum dicenti. SVM. Ego uerō Parde arbitror Synce rum nostrum multa nos celare uelle, quo post, ut mercatores consueuer, longe pluris uendat, quod in arca sepositum est, uiliori merce iam diuendita. Explicasti uel enucleasti potius nobis Acti, & quidem non iucunde minus quā memoriter Hiatus & Explosiones, quiq; inde gignantur numeri: quotam autem partem Poëtica, Virgilianeq; potissimū numerositatis? Resera igitur arcam, mercemq; nobis selectiorē explica: quod te per manes ipsos Virgilij obtestatus oro, perq; locum in quo ille iacuit, quem ipse & inuisis sapissime, & reuerendissime ueneraris. ACT. Percallui sti Petre Summonti, quā me esses arte eam ad rem tracturus, quā fuerit ab hominibus nostris hæcenus uel omnino despecta, uel parum certe animaduersa, aut cognita, dum mercatorum mecum exemplo uteris, atq; consuetudine. Scis enim, nobilitas hæc nostra omnis ab mercaturæ ipsius nomine quantopere abhorreat. Ne tu me igitur aut mercatorem existimes, aut auarum, explicabo cōsilia tibi mea, quæq; indagandis Poëticis numeris a me fuisse diligentius obseruata: non ut arbitrer me tamen affecutum, quod & ipse uoluissē, & uos forte audire nunc expectatis. Prosequar itaq; sis

ſceptam de numeris ipſis partem: quodq; per Virgilij tantum me es mā-  
 nes obteſtatus, Virgilij ſerè unius exemplis agam, quādo unus hic de no-  
 ſtris Poëticarum uirtutum inſtar eſt omnium, ac maxime numerorū. O-  
 mnino Poëticus numerus carminis ipſius ſtructuram ſequitur, ſtructura  
 uerò ipſa conſtat è diſtioneibus, diſtiones autem accentum conſtituunt, ſis-  
 gule ſingulos. Ipſi quoq; accentus diſtionum ac ſyllabarū ſequuntur tem-  
 pora, quibus et lenitas adiuncta eſt, et lenitati contraria aſperitas, alie  
 item qualitates pro ſyllabarum natura, literarumq; è quibus ſunt diſtio-  
 nes conſtitutæ. Vnaqueq; autem diſtio aut ex una tantum, aut è duabus,  
 aut etiā è pluribus conſtituitur ſyllabis: ſigillatim tamen omnes unico dun-  
 taxat à Grammaticis ſuoq; ſignandæ dicuntur accentu. Sunt uerò accen-  
 tus ipſi duo, ſibi è fronte aduerſi, alter acutus, grauis alter: quodq; in hac  
 controuerſia liceat medium quoq; aliquod conſtituere, qui medius eſt ac-  
 centus, ex hisq; conſlatur duobus, et diſtus eſt, et habitus moderatus, no-  
 mine alio circūflexus: quod nomen ductum eſt à propria eius peculiariq;  
 in ſcribendo nota. Tempora igitur ſyllabarum ſint cum tantū duo, breue  
 ac productum, ex hoc id exiſtit atq; efficitur, unaqueq; ut ſyllaba aut bre-  
 uis ſit, aut producta, nonnullæ tamen communitate quaſi quadam prædi-  
 tæ et produci poſſunt, et ſpatio enuntiarī breuiori. His igitur in hūc mo-  
 dum explicatis, ad uſum numerorum uenio: qua in re nihil tam aut exigi-  
 tur, aut ſpectatur, quā uarietas: cum enim omni ſtudio fugienda ſit ſatie-  
 tas, ea ne ſequatur, uarietas ipſa præſtabit. Complicationes autem ſenten-  
 tiarum et nexus illi, qui tum ſententias ipſas, tum ſententiarum partes ac  
 membra conneſcunt, et in ſequentibus uerſibus per gradus quaſi quoda  
 ductus eas claudunt, ut nunc alterum, nunc tertium uerſum catena quaſi  
 quadam uinciant, aſidua è continuatione uitium ſatietatis præcipuè affe-  
 runt: quæ ut rare, ac ſuis quibuſdam in locis terminatæ demulcent aures,  
 ſic è contrario continuatæ ubi fuerint, ſatietate afficiunt. Ponam uerſus ali-  
 quot è Proſerpina Claudiani, Poëtæ tum ſummi quidem ſtudiij, tum magni  
 etiam exercitatioq; ingenij, qui ſunt:

- „ Dux herebi quondam tumidas exarſit in iras
- „ Prælia moturus ſuperis, quod ſolus egcret
- „ Connubio, ſterilesq; diu conſumeret annos,
- „ Impatiens neſcire torum, nullasq; mariti
- „ Illecebras, nec dulce patris cognoscere nomen.
- „ Iam quæcunq; latent ſerali monſtra barathro,
- „ In turmas aciemq; ruunt, contraq; Tonantem
- „ Coniurant Furie, crinuatq; ſontibus hydris

Tiſiphone,

duo acutus

circūflexus

duo ſyllabarū  
tempora

ſequens

modi ſatietas

ſunt



Tisiphone, quatiens infausto lumine pinum,  
 Armatos ad castra mouet pallentia manes  
 Penè reluctante eis. iterum pugnantis rebus  
 Rupissent elementa fidem, penitusq; reuulso  
 Carcere, laxatis pubes Titania uinculis  
 Vidisset coeleste iubar, rursusq; cruentus  
 Aegæon positis arcto de corpore nodis  
 Obuia centeno uibrasset fulmina motu.  
 Sed Parca uetueret minas, orbiq; timentes,  
 Ante pedes soliumq; ducis sudere seueram  
 Canitiem, genibusq; suas cum supplice fletu  
 Admouere manus, quarum sub iure tenentur  
 Omnia, quæ seriem factorum pollice ducunt,  
 Longaq; ferratis euoluunt secula pensis.

His autem uersibus auspicatus est singularis Poëta enarrationem sui  
 carminis. Delectat autem carmen ipsum, nam et spatatur libere, et con-  
 stat sibi ipsi, quanquam in uerbis præsert nimium fortasse studium coru  
 conquirendorum. Exemplum tamen Virgilij si iustà ponatur, admonet  
 nimie nos continuationis ne xuum ipsorum, de quibus nunc loquimur:

Vix è conspectu Siculae telluris in altum  
 Vela dabant leti, et spumas salis ære ruebant.  
 Cum Iuno æternum se uians sub pectore uulnus  
 Hæc secum: Me ne incepto desistere uictam,  
 Nec posse Italia Teucrorum auertere regem?  
 Quippe uetor fati? Pallas ne exurere classem  
 Argiuum, atq; ipsos potuit submergere ponto,  
 Vnius ob noxam, et furiæ Aiæcis Oilei?  
 Ipsa Iouis rapidum iaculata è nubibus ignem,  
 Disiecitq; rates, euertitq; æquora uentis.  
 Illum expirantem transfixo pectore flammæ  
 Turbine corripuit, scopuloq; infixit acuto.  
 Ast ego quæ diuûm incedo regina, Iouisq;  
 Et soror, et coniux unâ cum gente tot annos  
 Bella gero, et quisquam numen Iunonis adoret  
 Præterea, aut supplex aris imponat honorem?  
 Talia flammato secum dea cordè uolutans,  
 Nimborum in patriam, loca foeta fiarentibus austris  
 Aeolium uenit. hic uasto rex Acolus antro-



- „ Luctantēis uentos, tempestatesq; sonoras  
 „ Imperio premit, ac uinclis & carcere frenat.

Versus sunt ferè totidem, locus ipse satis similis: hic præ se fert summū numerorum ac uarietatis studium, ille unius connexionis, uersuumq; cōplicandorū, ut præterquam quòd à dictione monosyllaba cœpit, quæ est, Dux, ut Virgilij Vix, nullum eius sit exemplum secutus. Ipsius autem cōplicationis qui sunt nimio plus studiosi, eorum quæ admirationem præcipue pariūt, ut obliuiscantur necesse est. Excurrit ille tanquam populabundus, nec sistens aliquando pedem, nec ut regionē circumspiciens, sui ipsius rationem habet. At Maro seruandæ grauitati intentus, secundum statim uersum refertit uocibus duarum syllabarum, è quibus octo accentus exiit, et ad quintum pedem è syllabis *re & ru*, inuicem sibi alludentibus penè expreſsit remorum strepitum, quæ annominatio quasi quædam mirifice blanditur auribus. Ad hæc singulis penè uersibus sensus suos & graui-ter, & magnifice claudit, sistitq; pro tempore, ut cum ait:

„ Hæc secum. — Et cum,

„ Quippe uetor fati. —

Ac ne uarietatis appareret immemor, post uersus aliquot tam apposite structos, tã examuſſim quadratos, insonuit uersum lōge illorū diſſimilem:

„ Vnius ob noxam, & furias Aiæcis Oilei.

Quid? quòd ubi connexionibus utitur, stat, ut:

„ Acoliam uenit. — Et,

„ Circum clauſtra fremunt. —

Ille uerò præteruolat, suæ tantum excursioni deditus, nullo hiatu uel ad efferendam uocem, uel ad sistendum tenorem usus. At Virgilius, ad stabiliendum etiam numerum, quaternos ad spondeos bis diuertitur, in altero uersu explosionem adhibens:

„ Illum expirantem transfixo pectore flammæ.

In altero, hiatu nullo usus:

„ Luctantēis uentos, tempestatesq; sonoras.

Quid? cum summiſit:

„ Illi indignantes magno cum murmure. —

Et,

„ Ni faciat mariæ ac terras. —

Quātum utroq; hiatu addidit numerorum grauitati? Quid quod diſyllabarum dictionum memor, illarūq; numerositatis quater illos arceſſiuit in auxilium, nunc senos, ut:

„ Vela dabant læti, & spumas salis ære ruebant.

Nunc quinos:

„ Circum clauſtra fremunt, celsa sedet Æolus.

Alibi quaternos, ut:

„ Quippe uetor fati Pallas ne. —

Alibi ternos, ut:

Secum

Secum Dea corde. —

In delectu autem uerborū ac selectione Virgilius iudicari potest et studiofus, et prudens. At ille rancidum nescio quid uidetur sapere. Verum de delectu, ac structura dicere ocij est maioris, operæq; magis elucubratae. Varietas igitur affert suum numeris ornatum, ac decorem, eaq; paratur multis ac diuersis modis. de quibus in uniuersum præcipi hoc à me potest, ne scilicet iisdem in numeris sit diutius consistendum, quo satietas prohibeatur, ne uero aures longa de cōtinuatione fatigentur, quo uitio nō pauci laborant. Particulatim autem attingam cōplura: nam omnia, infinitum penè id esset, nec necessarium iudico, quādo uia ipsa è paucis commonstratis satis patefiet, uobis præsertim, quibus studia hæc sunt familiarissima. Vnissyllabæ uoces et inchoandis et finiendis uersibus uarietatem afferūt numero, ualideq; illos sistūt, si à spondeis foueantur, auspiciādo præsertim uersu: stabiliunt enim sonorem, qui unus est in unius syllabæ uoce. quod Virgilius frequentissime seruauit in principijs enarrationū præcipue, ut:

Vrbs antiqua fuit. —

Est in conspectu longo locus. —

Rex arua Latinus. —

Est specus ingens. —

Est curuo anfractu uallis. —

Vt belli signum. —

Sic fatur lacrimans. —

At reginā graui. —

Non quod non dactylus recte, et commode iustā collocetur, ut:

Tu quoq; littoribus nostris. — Et:

Mos erat Hesperio in Latio. — Et:

Nox erat, et somnus. —

Verum aures si cōsulueris, stabilimentum illud soni ab ipso initio tanquam à fundamento firmiter iactō, nescio quid amplius plenitudine delectat sua. In fine quoq; eadem collocatio, dum tamen sit rara, delectat etiam uarietate ipsa: præponendus tamen est dactylus, qui eo in loco idem habet instar ad tarditatem temperandam, quā ad moderandam in illo celeritatem spondeus: ibi tamen sequitur, hic præit. ut:

— Præruptus aquæ mons. — Et:

— Fractæ uires, auersa Deæ mens. — Et:

— Ruit oceano nox. — Et:

— Diuūm pater atq; hominum rex.

Sed nec Lucretius est ueritus spondeum præmittere, cum dixit:

„ — Et ingrati genitoribus inuenti sunt.

Eadem quoq; monosyllabæ binæ simul collocatæ maximè post dactylicam aliquam properationem numerosæ sunt in medio : sistunt enim tenorem, quem etiam uarietate condiunt. ut in illo:

„ Monstrarat caput acris equi, sic nam fore bello. Et:

„ Præcipue cum iam hic trabibus contextus acernis. Et:

„ Visa uiri, nox cum terras obscura teneret. Item:

„ — Quæ religio, aut quæ machina belli? Et:

„ Anna soror, quæ me suspensam insomnia terrent?

In principio similem in modum, ueluti ab ipso fundamento tenorem stabiliunt. ut:

„ Quam tu urbem soror hæc cernes. — Et:

„ Noste Dardania incensa. — Et:

„ Si nunc se nobis ille aureus arbore ramus.

In fine quoq; id præstant, ut dactylicam aliquam properationem contineant, ac matirent pausam. ut:

„ Dardanumq; ducem, Tyria Carthagine qui nunc. Et:

„ — Manibusq; meis Mezentius hic est. Et:

„ Quam pro me curam geris, hanc pater optime pro me

„ Deponas. —

Atq; hic quidem uersus & in principio, & in fine, atq; in ipso medio monosyllabis instructus est, magna cū dignitate. Illo uero quid blandius? cumq; sit uersus maximè artificiosus, sponte tamen sua maximè etiam suus apparet:

„ I decus, in nostrum melioribus utere fatis.

Duarum autem syllabarum uocibus suus ubique decor inest, quæ ubi binatim fuerint, aut ternatim collocatæ, aut forte quaternatim, quinatimue, siue etiam senatim, siue inchoandis, siue finiendis uersibus, siue intertexendis, mirum est quantopere delectent, repellunt enim satietatem illam auribus tam improbe inimicam. ut:

„ Monstra Deum refero. — Et:

„ Thure calent aræ. — Et:

„ Proijce tela manus sanguis meus. — Et:

„ Et campos ubi Troia fuit, feror exultum altum. Et:

„ Ipsa canas oro, finem dedit ore loquendi. Et:

„ Constitutam ante aras uoti reus, extaq; saluos. Et:

„ Procubuit subito, & cælum tonat omne fragore. Et:

„ Quid tum sola fuga nautas comitabor. —

Quid

Quid quod historici quoque uoces huiusmodi perlibenter uidentur fuisse complexi ut Sallustius: Arma, tela, equi, uiri, hostes atq; ciues permisti. Trium syllabarum uerba ternatim collocata uariant etiam numeros, quadam cum moderatione. ut:

— Taciti uentura uidebant. Et:

cc

— Croceo uelamen acantho.

cc

Qua in collocatione & textu si adhibeatur aut hiatus uocalium, aut explosio, non parū sibi grauitatis numerus ipse adiungit, quadam etiam cum generositate, ut:

— Si omnis uno ordine habetis Achiuos.

Et:

cc

— Oculis Phrygia agmina circumspexit.

Item &amp;:

cc

— Troie supremum audire laborem.

cc

In primis quoq; carminis partib. adiuuat textura hæc numerositate, ut:

Mutemur chryceos, Danaumq; insignia. —

cc

Quod si collisio incidit, tenorem utiq; uersus effret. ut:

Vndiq; collecti inuadunt. — Et:

cc

Gemini Atridae, Dolopumq; exercitus. —

cc

Huiusmodi autē dictiones binæ ubi collocabūtur, non est cur de his magna habeatur ratio, præsertim in principio: at ubi quaternæ, numerum bene implent. ut:

Lubrica conuoluit sublato pectore terga.

Et:

cc

Latone tacitum pertentant gaudia pectus.

cc

Magnam uerò generositatem præsefert numerus, quoties primas, medias, & ultimas uersus partes terna possederint trisyllaba. ut:

Romanos rerum dominos, gentemq; togatam.

cc

Quem & contextum & numerum nunquam meo iudicio satis digne laudare quisquam poterit. Licet etiam cum dignitate et auri gratia implere uersum quinque, etiam trisyllabis. ut:

Talia narrabat relegendis errata retrorsum

cc

Littora Achæmenides. —

cc

Tot uerò trisyllaborum cōtinuatio, ni magno fiat cum delectu, uersum reddet ignobilem. Virgilius tamen ne parte ex aliqua uarietati deesset protulit hunc:

Occurrit, ueterem Anchisen agnouit amicum.

cc

In quo præter uarietatis studium, ac trium dictionum ab uocali *a* incipientium assonantiam, nesciam quid insit quod iure laudetur. Inerit autem quod laudetur etiam uehementer, si post duo trisyllaba tetrasyllabum collocabitur. ut:

20 Currite ducentes subtegmina, currite fusi.

Nec uerò is sum, qui negare auisim huiusmodi multa faciendis uersibus sponte sua, ac penè fortuito occurrere, multo etiam plura ex habitu, exercitationeq;. Verùm tempus ipsum et artifex rerum harum est omnium, et iudex. Itaq; nec temere ab Horatio præcipitur, non uero premi in annu opus debere. Quid enim numero hoc uel iucundius, uel grauius?

20 An Deus immensi uenias maris, et tua nautæ.

Qui cum sit constitutus primum è monosyllabo, inde dissyllabo, deinde duobus è trissyllabis, post sequatur dissyllabum, ibiq; soluatur, deinceps exurgat rursus monosyllabum duobus cum dissyllabis, fieri quidem potest uti similis eius uersus sponte aliquando sua proueniat: plureis tamen uix repentinus ille impetus effundet, quos longa quidè meditatio, diuturniorq; cogitatio, et cura, quæ habitus ipsius, artisq; comites, atq; ancillæ sunt, et sepius, et suo in loco construxerint. Quis enim domum omnem fortuito ædificatam, aut nauem dixerit? Num casus insequentem fecit uersum, an ars, diuturniorq; pensitatio?

20 Numina sola colant, tibi seruiat ultima Thule.

Qui consistit è dactylico trissyllabo primu, tribus inde dissyllabis, post duobus è trissyllabis, item dactylicis, ultimo è dissyllabo, habeatq; secum an nominationem syllabarum, quæ est ex primis, tibi, et Thule, et ex media dictionis, quæ dactylum quintum constituit. Dictionu quæ è quatuor consistat syllabis, ea ratio habenda est, ut neq; ipse musent, neq; uastitatem faciant aliquam. Virgilius eas libenter in quarto et quinto pede collocat, et sistunt enim et implent numeros, temperantq; celeritatem, si qua forte antecesserit, ut:

20 — Tacite per amica silentia lunæ. Et:

20 — Totoq; ingens extenditur antro. Et:

20 — Danaumq; insignia nobis. Et:

20 — Paribus curis uestigia figit. Et:

20 Per tot ducta uiros antiquæ ab origine gentis. Item:

20 Pocula si quando seu se infecere nouere. Et:

20 Aut hoc inclusi ligno occultantur Achivi. Et:

20 Pergamæ amq; uoco Letam cognomine gentem. Et:

20 — Manibusq; meis Mæzentiis hic est.

Collocat easdem libenter in primis etiam locis, subiicitq; sæpenumero spondeum, ubi dactylice uoces ille fuerint, ut:

20 Interea Aeneas urbem designat. — Et:

20 Incipiam, fracti bello. — Et:

Insequitur.

Insequitur, clamorq; virum. —

Et:

Funereas inferre faces. —

Non quod non dactylum subneſcat quandoq; , adeo nihil in ijs perpetuum eſt, quæ ad uarietatem pertinent, ut:

Myrmidonum Dolopum ue. —

Et:

Threiciamq; Samum. —

Quin etiam ſpondeos aliquando iungit, ut:

Argumentum ingens. —

In quibus omnibus conſulendæ ſunt aures, uidendumq; ubi aut celeritate maiore, aut tarditate aliqua opus ſit. Ad hæc quoties aliquot ſimul eodem in uerſu collocantur, intericiendæ ſunt diſtiones aut duarum, aut unius, aut trium ſyllabarum, ut:

Miſerum Acoliden, quo non præſtantior alter.

Et:

Acneadæ in ferrum pro libertate ruebant.

Et:

Olli diſcurrere pares diſcrimine nullo.

Et:

Virginei uolucrum uulſus, foediſſima uentris

Proluuiet.

Et:

Mittimus Eurypilum ſcitatum oracula Phœbi.

Et:

Qualis populea mœrens Philomela ſub umbra.

Et:

Præcipitat, ſuadentq; cadentia ſydera ſomnos.

Sed nec Lucretianus ille prætereundus hoc loco eſt uerſus:

Squamigerum genus, et uolucres erumpere cælo.

Uſus eſt Virgilius mirabili artificio, cum uellet duas quatuor ſyllabarum uoces, eandemq; dactylicas ſimul conneſcere, præmiſit enim monosyllaba duo inter ſe copulata, dixitq;:

Hinc atq; hinc glomerantur Oreades. —

Quibus numeris quid excogitari poteſt hilarius, uel quod aures tam adulanter blandiatur? In quinto quoq; et ſexto mirificè huiusmodi diſtiones implent aures, præſertim ubi fuerint ſpondeicæ, ut:

Palantis proau de nomine Palanteum.

Et:

Pilumno, quos ipſa decus dedit Oritbya.

Quid cum idem Poëta tres ſimul collocauit quatuor ſyllabarum uoces, inſonuitq;?

Cornua uelatarum obuertiinus antennarum.

Utq; ſonus eſſet uocalior, et exploſionem adhibuit, cum dicere poſſet, uertiinus: et id præſtitit, mediæ ut ſyllabæ aſſonarent ultimis. Hilarem proſectio, ac maxime gratum numerum exhibuit Lucretius, duobus è tetraſyllabis, iſſq; dactylicis, interieſſio triſyllabo, poſt quoq; collocato monosyllabo, inquiring.

» Omnigenis perfusa coloribus in genere omni.

Lucretiano hoc si non hilariorē, pleniorē certē Maro effudit, cū dixit:

» Continuò uentis surgentibus, aut freta ponti.

Sed agite quæso, quos subdam uersus cōsyderate, dictionumq; ē quibus constant, collocationem, ac pedum solutiones, et loca in quibus solutiones ipse fiunt:

» Incipiunt agitata tumescere, et aridus altis

» Montibus audiri fragor, ac resonantia longe

» Littora misceri, et nemorum increbrescere murmur.

Quibus cōsyderandis neutiq; negligenda est literarum syllabarumq; aſultatio illa, et tanquam annominatio, Agitata tumescere, et Lōge littora. Egregium quoq; peperit et Virgilius numerū post dictionem tetrasyllabā in quarto collocatā, præpositis disyllabis tribus, cū subdidisset monosyllabum, ac disyllabum, ē quibus dactylum constituit, cecinitq;:

» Victor equus, fontisq; auertitur, et pede terram.

Quam decenter igitur, atq; apposite, quanta etiam numerorum cura diuersis in locis tetrasyllabas dictiones Virgilius disposuerit, declarat qui sequuntur uersus:

» Interea medium Aeneas iam classe tenebat

» Certus iter, fluctusq; atros aqulone secabat,

» Mœnia respiciens, quæ iam infelicitis Elisæ

» Collucent flammis, quæ tantum accenderit ignem

» Causa latet, duri magno sed amore dolores

» Polluto, notumq; furens quid foemina possit,

» Triste per augurium Teucrorum pectora ducunt.

In illis quoq;:

» Arma diu senior desueta tremantibus æuo

» Circundat nequicquam humeris, et inutile ferrum

» Cingitur, ac densos fertur moriturus in hostes.

» Aedibus in medijs, nudoq; sub ætheris axe

» Ingens ara fuit, iustaq; ueterrima Laurus

» Incumbens aræ, atq; umbra complexa penates.

» Hic Hecuba et nate nequicquam altaria circum

» Præcipites atra ceu tempestate columbe

» Condensæ, et diuinum amplexæ simulacra tenebant.

» Ipsum autem sumptis Priamum iuuenilibus armis

» Ut uidit: quæ mens tam dira miserrime coniux

» Impulit his cingi telis, aut quò ruis? inquit.

» Non tali auxilio, nec defensoribus istis

Tempus

Tempus eget, non, si ipse meus nunc afforet Hector.

Huc tandem concede, hæc ara tuebitur omnes,

Aut moriere simul. — Est eiusdem Poëtæ uersus:

Si periturus abis, & nos rape in omnia tecum.

Quem ipse nouem referfit accentibus, tot monosyllabas ac disyllabas uoces in eum congesit, quod est rarissimum. Itaq; dum uarietati consulit, nihil est quod non præstiterit, cui cōdiendæ summum adhibendum à poëta est studium, singularisq; diligentia.

Earum dictionum, quæ pluribus quàm è quatuor constant syllabis, magna quoq; habenda est ratio. Prisci Latini Græcos secuti autores, ijs frequentissime ad ultimos usi sunt locos, quibus scatet Lucretius, ut:

Quæ mare nauigerum, quæ terras frugiferentis. Et:

Nata sit, an contra nascentibus insinuetur. Et:

Vt puerorum ætas improvida ludificetur.

Quin etiam locis ut his satisfacerent, soluebāt diphthongos, uocalesq; simul coactas. ut:

Effice ut interea fera munera militiæ.

Quin etiam intermiscebant superfluentis syllabas. ut:

Inter se nexu magis aut minus indupedita.

Aliquando & Horatius auribus hunc suis numerum exhibuit. ut:

Olim qui magnis legionibus imperitarint.

Sed neq; Virgilius numerum hunc omnino reiecit. ut:

Quarum quæ forma pulcherrima Deiopean. Et:

— Nec Thesea Pirithoumq;. Et:

His Laodomia. — Et:

— Graueolentia Centaurea.

Nihil est enim quod non raritas approbet, auribus tædium ac satietatē recusantibus, cum præsertim Græca lingua numeris his mirificè letetur. Sed nec tamen debet raritas uacare diligentia. Enitet apud Virgilium nobilissimus hic dactylicus:

Panditur interea domus omniparentis Olympi.

Quo in uersu quod desiderare iure possis, omnino nihil est: nam quod detrahitur accentibus, id uero suppletur multitudine syllabarum. ut etiam in hoc alio:

At Danaum proceres, Agamemnoniæq; phalanges.

Et hunc quoq; uersum eadem multitudine syllabarū numerosum reddidit, trisyllabum statim pentasyllabo coniungens:

Fortunatorum nemorum, sedesq; beatas.



Alium item, in quo simul illigat disyllaba etiam plura:

„ Armentarius Afer agit, tectumq; laetumq;.

Implentur etiam numeri, quoties quartus et quintus locus occupantur ab huiusmodi dictionibus aut spondaicis, aut dactylicis. ut:

„ — Immedicabile vulnus. Et:

„ — Tempestatibus aëtas. Et:

„ — Lychni laquearibus aureis.

Cui numero multum est splendoris additum ab insequenti diphthongo: quod facile intelliges si dixeris, Laquearibus altis. Et:

„ — Corybantiaq; ara. Et:

„ Hinc Drepani me portus, et illaetabilis ora.

Versus autem ille Petronianus, et si non abiiciendus, uideri fortasse potest aliquanto uastior:

„ Et periturorum deiecit tela Gigantum.

Prisci illi ut suere polysyllabarum studiosi dictionum, quo uti commo-  
dius illis possent, syllabam quandoque externam ac superfluentem inter-  
posuere, ut dixi: hinc manauit Induperator, Indugredi, Indupeditus. Arte  
autem collocatae dictiones huiusmodi spondaicas post si trahant syllabas,  
siue dactylicas, uenustatem profecto suam retinent. Atq; uti spondaica im-  
plent, sic dactylica suapte natura exhalant. ut:

„ O fortunatae gentes, Saturnia regna.

„ Fortunatus et ille, Deos qui nouit agrestis. Et:

„ Acrisioneis Danaë fundasse colonis.

„ Eruet ille Argos, Agamemnoniasq; Mycenae. Quid ille?

„ Degeneremq; Neoptolemum narrare memento.

Quanto est temperamento conditus, dactylorum celeritate, spondaic-  
a tarditate temperata. Item:

„ Ora modis Anchisiades pallentia miris. Quid et hic?

„ Et centumgeminus Briareus, ac bellua Lerne.

Quam est generosus, nedum canorus et plenus, quod praestat tum syl-  
laba, eius, in diphthongum coacta, tum particula, ac: quae si inde eiciatur,  
sonus ipse in medio pronuntiationis cursu concidet. Est etiam ille admo-  
dum plenus et grauis:

„ Amphitryoniade magno, diuisq; ferebat. Itemq;:

„ Laomedontiade bellum ne inferre paratis?

Itaq; ut primis in locis collocata et implent sonum, et uersum bone-  
fiant, sic in fine faciunt illum quodammodo exilire nimiam ob celerita-  
tem: sunt enim penè lubrica, ni polysyllaborum ipsorum natura, hoc est li-  
tate

teræ syllabæq; è quibus constant, tenorem sustentent, quale illud:

Hirtacidæ ante omnes exit locus Hippocoontis.

Et:

— Nec Theſea, Pirithoumq;.

Et:

Quales Threiciæ cum flumina Thermodoontis.

Quocirca ars, adhibita industria, potest ubiq; numeris subuenire. ut: Ille pedem referens, et inutilis inq; ligatus.

Sufficit multitudine syllabarum quod aliter in pausa subtractum esset accentibus. Lucretius quoq; non indecenter excoluit illum suum et dissyllabis, et monosyllabo, et literarum syllabarumq; annominationibus:

Multa siti prostratauiam per, proq; uoluta.

Non sine summa animi pensione collocauit Virgilius in quarto et quinto loco polysyllabum, è cuius primis syllabis statueret spondeum:

— Unus Qui fuit in Teucris, et seruantissimus æqui.

Horatius quoq; prudenter, artificio seq; temperauit illum suum:

Diuisit medium fortissima Tyndaridarum.

Uersus hi Lucretiani declarare possunt, quàm sordeſcant huiusmodi numeri, nisi dictiones ipsæ sustentent eos:

Materies ut suppeditet rebus reparandis.

Et:

Sed magis æterna pollentia simplicitate.

Et:

Tandem deducunt in taleis disposituras.

Dat autem illi ueniam uetustas numerorum rudis, nec minus etiam materia ipsa tam humilis, quàm certe est.

Quid ille alius?

Id facit exiguum clinamen principiorum.

Item alius?

Et erunt et crescent, inq; ualebunt.

Multa possent ijs subijci, sed neq; Poëtam nunc instituimus, et uos paucis his iure cõtenti esse potestis. Quocirca attingamus etiam alia, cū præsertim è uitio comparatur aliquando laus, quæ uirtutis est propria. Constat uersus Heroicus, quem non improprie agnominare generosum possumus, sex è pedibus, unde Græconomine ἑξαπύχῳ, nostro Senarius est uocatus, singuli pedes singula constituunt metra. Probantur uersus illi maximè qui inter dimetiendum inueniuntur complicatis inter se pedibus, inuicemq; insertis, ut pes pedi sit tanquam catena uinctus. Nihilominus quibusdam qui in locis soluti inueniuntur, reprehensione uacant: ut cum post primū, et quintū pedem solutio fit, estq; ipsa dactylica: nimia tamen, importunaq; solutio uitiosa est. Ac nihilominus placet adeo uarietas, ut interdum etiam solutione ab ipsa queratur numerositas, carminisq; ipsius decorum, quod accuratior ars facile quidem præstat, id quod suis in locis, ijsq; singulis conabor ostendere, ut in hoc:

- „ Iussi numina magna Deum ueneramur, & inde.

Non eo inficias primum pedem sepiissime solutum incedere, ac sine ulla uinculis, præcipue cum uoces illæ aut trium fuerint syllabarum, ut:

- „ Vnius ob noxam. — Aut etiam unius syllabæ, ut:

- „ Hæc sunt quæ nostra liceat. —

At cum sunt duarum, & spondaicæ, uidetur sine aurium offensa uitium hoc fieri minime posse. Etenim Lucretianus ille nescio quomodo tamquam deficiente anhelitu in pronuntiando cõcidiit:

Fulmen detulit in terram mortalibus ignem.

Nihilominus et hinc quoque numerum sibi egregium in uersu, quem dixi, Virgilius comparauit conferta post acie tot dactylis, quod idem seruauit in alijs quibusdam uersibus, quos tamen dissyllabis honestauit:

- „ Tantos illa suo rumpebat pectore questus. Item:

- „ Tantamole uiri turritis puppibus instant.

Etsi in his secundus sit pes complicatus, qui in illo est solutus, quæ è reduplex illic facta est solutio, quam utranque fecit etiam in hoc:

- „ Hic uir hic est tibi quem promitti sepius audis.

Uterque tamen pes est dactylus, quam ob causam cum plures in hoc monosyllabæ insint uoces, solutiones ipsæ minus apparent. Quod idem contingit etiam in hoc:

- „ Illi hæc inter se dubijs de rebus agebant.

Tum propter monosyllaba, tum etiam propter hiatum, & in hoc quoque propter dactylum, & monosyllabam uocem:

- „ Terres hæc uia sola fuit, qua perdere posses.

At in hoc quia duo præcedunt monosyllaba, sequiturque dactylus, appareat manifestius:

- „ Sed tu desine uelle, Deum præcepta secuti.

Quid ille in quo tres factæ sunt solutiones, eaque dactylicæ:

- „ Scilicet omnibus est labor impendendus.

Temperauit tamen celeritatem illam iterati dactyli tertius utique dactylus, è monosyllabo dissyllaboque compactus, duos secum accentus afferens: tertiam uero solutionem moderatus est, statim subdendo tetrasyllabum, è quo & struxit spondeum: & inde adiecto monosyllabo, quartum cõflauit dactylum, duplicem quoque secum accentum trahentem. Quæ uero post secundum statim locum fiunt solutiones, eæ quoque fiunt etiam cum dignitate, quadamque aurium gratia, præsertim ubi insequuntur duo, pluraue dissyllaba, numeri que ipsi sunt dactylici. ut:

- „ Aut aliquis latet error, equo ne credite Teucri.

Et:

Nec:

Nec iam se capit unda, uolat uapor ater ad auras. Et: "

Extremi sinus orbis, ubi aëra uincere summmum. "

Aut etiam unum, uidelicet cum alterum præcedit dissyllabum, alterum subsequitur. ut:

Apparet domus intus, et atria longa patefunt. "

Quo in uersu triplex etiam fit solutio. Magnam quoque præfert luculentiam, ubi terna subsequuntur trissyllaba uno cum monosyllabo. ut:

Artificis seclis, et taciti uentura uidebant. *trissyllaba cum m*

Impletur mirum etiam in modum numerus, ubi subsequuntur spondei, non sine monosyllabo. ut: *spondei cum m*

Hoc Ithacus uelit, et magno mercentur Atridae. Et: *labo*

Visa uiri, nox cum terras obscura teneret. "

Denique non caret dignitate, quacumque ratione solutio hac in parte fiat. ut:

Nunc tantum sinus, et statio male fida carinis. Et: "

Classibus hic locus, hic acies certare solebant. Et: "

Quo fremitus uocat, et sublatus ad æthera clamor. Et: "

Nunc positis nouus exuijs, nitidusque iuuenta. Et: "

Impleri nemus, et colles clamore relinqui. Et: "

Coniugium uocat, hoc prætexit nomine culpam. Et: "

Quo Phœbus uocat errantes, iubeatque reuerti. Et: "

Experiuntur, et in medium quæ sita reponunt. "

Quo in uersu duo illa monosyllaba trium dactylorum præproperam festinationem magna cum aurium uoluptate remorantur. Per similes huius uidetur Lucretianus hic:

Vociferantur, et exponunt præclara reperta. "

Vt autem celeritatem in Virgiliano temperat bina monosyllaba inter dactylos constituta, sic in Lucretiano tarditatem condit duos post dactylos monosyllabum duplici cum spondeo. Itaque solutiones hæc ad secundum locum dum sint artificiosæ, sunt non solum gratæ, uerum etiam desyderabiles ob uarietatem. Tertio quoque in loco solutio non fit sine dignitate, præcipue si tertius ipse locus fuerit dactylicus, et qui post sequitur pedes fuerint et ipsi dactyli. ut:

Horrescit striclis seges ensibus, æraq; fulgent. "

Quo in uersu quartus quoque soluitur. Implet aures nescio quid etiam amplius, si subsequatur statim monosyllabum, aut pes ipse tertius sistat in monosyllabo. ut:

Vna dolo diuinum si scemina uicta duorum. Et: "

Externum tulit, aut cruor hic de stipite manat. "

Habet & hic duplicem solutionem. Item:

- Interclusit hyems, & terruit auster cunctes.
- Intaclamq; coli dedit, & contemnere uentos.
- Demens, & cantu uocat in certamina diuos.
- Venturum Ausonios, en hæc promissa fides est?

Hoc in uersu & tertius desinit pes in monosyllabum, & cum alterum monosyllabum quartum ordiatur pedem, pausa ipsa conquiescit etiam tertio in monosyllabo, qui sextum claudit pedem. Est etiam uersus ille numerosus, atq; ut ita dixerim, affabrefactus:

- Da deinde auxilium pater, atq; hæc omnia firma.

In quo quartus quoq; pes liber incedit. Non caret etiam dignitate propter spondeos, ac uocalium concursus uersus ille:

- Nereidum matri, & Neptuno Aegeo.

Sed raritas est, quæ Latina in lingua huiusmodi uersus cõdiat. Ad quartum locum facta solutio gignit magnitudinem, quodam etiam cum supercilio, præcipuè si accefferit etiã collisio, aut monosyllabũ subsequatur, ut:

- Vela cadunt, remis insurgimus, haud mora nautæ. Et:
- Mortalis hebetat uisus tibi, & humida circum. Et:
- Fixerit æripidcm ceruam licet, aut Erymanthi. Et:
- Incense moriamur, & in media arma ruamus.

Quo in uersu tertius quoq; pes liber est, habet pondus quoq; suum, ubi quartus ipse pes ab altero incipit dissyllabo, desinitq; in alterum, ut:

- Vela damus, uastumq; caua trabe currimus æquor.

Hoc autem usu uenit propter accentus ipsos, qui numerũ augent: quod manifesto cernitur in his qui subsequuntur uersibus, neq; enim eam retinent magnitudinem.

- Regia portabat Tyrijs duce lætus Achate.
- Infantem infando indicio, quia bella uetabat.
- Prædixit, uobis furiarum ego maxima pando.
- Dant maria, & lenis crepitans uocat auster in altum.

Contrà quod inest subsequentibus pondus?

- Insidat quantus miscræ Deus, at memor ille.
- Et campos ubi Troia fuit, feror exul in altum. Item:
- Olli somnum ingens rupit pavor, ossaq; & artus.
- Et Bellona manet te pronuba, nec facit tantum.

Magna quoq; inest, & huic grauitas, tum propter finale monosyllabum, tum etiam propter explosionem.

- Vertitur interea cœlum, & ruit Oceano nox.

Longe

Longè huic alteri maior, propter terna tetrasyllaba, eâ que dactylica, etiam ad solutionem ipsam adiecto monosyllabo, qui numerum ipsum pro fluentem sistat:

Incipiunt agitata tumescere, et aridus altis.

Cui numero ne syllabarum quidem annominatio defuit, ut antè diximus. Deniq; quid hoc ipso uersu luculentius?

O patria, o diuûm domus, ilium, et incluta bello

Mœnia Dardanidum. —

Præsefert supercilium quasi quoddam et hic:

Aspectans syluam immensam, et sic ore profatur.

Cum enim explosio, tum monosyllaborum duplicitas spondaicis ipsis numeris pondus adiiciunt, quod idem præstant dactylicis in illo:

Lapsa cadunt folia, aut ad terram gurgite ab alto.

Quam ad rem non parum etiam confert prior solutio, quæ fit ad tertium pedem. Numerorum igitur uarietas diuersis modis querenda est, nec una tantum ratione complectenda, quam nunc pedum eorundem continuatio, nunc uariatio illorum pariat. Spondei namq; continuati numeros stabiliunt, redduntq; illos subtristiores, neq; enim fluere illos sinunt. Cōtrâ dactyli properare illos cogunt, et hilaritatem quasi quandam affruiunt. Eorum uerò mistura illos temperat, quæ tamen et ipsa fit non uno modo, sed nunc alternis, hoc est, alterum post alterum collocando, nunc geminatis, aut ternatis, aliâs hunc quàm illum præponendo selectius, aut posterius statuendo. Voces item ipsæ aut unius, aut duarum, aut plurium syllabarum, nunc in hoc, nunc alio atq; alio in loco dispositæ, uarietate pariunt. Vnius enim syllabæ uoces sistunt, ac sustentant: duarum uerò pro natura temporum, aut remorantur, aut festinant, aut etiam moderantur: nam binatis, ternatis, quaternatis uel dispositæ refertius sonis uersum, atq; illustrant numeros: et tribus, uerò, aut è quatuor, aut compluribus è syllabis constitutæ uoces, similem in modum sequuntur naturam temporum, quæ in ipsis sunt inconstantiora. Solutiones igitur, et complicationes, nexusq; illi pedum, collisiones ite, atq; explosiones, hiatusq; illi, atq; cōplosiones quantum conferant, loci etiâ ipsi carminis, ex ijs quæ dicta sunt, iudicari abunde potest. Mirum est etiam quantum tum literæ, tum syllabæ aut adiungant numerositati, aut demant ab ea. Cum uocalium aliæ sint plenæ ac sonoræ, aliæ exiles, claræ aliæ, aut contrâ subobscuræ: omnes denique pro natura coniunctarum consonantium aliam atque aliam qualitatem suscipiant, pro quæ loco collocationis ubi primæ ultimæ uel mediæ fuerint in constituendis dictionibus. Ad hæc consonantes quoque literæ causant

" quatuor syllaba

"  
"

" monosyllaba  
spondeis  
affertur

uarietas numerorum  
quæ ratione  
spondei continetur  
numeros stabiliunt

quæ faciunt  
tum

quid minus  
et alique  
faciant

afferunt lenitatis, asperitatis, obtusio-  
nis, exibilationis, qualitatumq; alia-  
rum, quæ syllabis inherant, et item uocibus. De quibus quoniã satis scio  
expectari à uobis aliquid, præstabo et hoc perlibenter, idq; quanto fieri  
breuioribus poterit, in re præsertim parũ obseruata et tenui, quæq; ube-  
riorem uideatur explicationem requirere. Ea igitur siue figura, siue orna-  
tus condimentum quasi quoddam numeris affert. Placet autem nominare  
Alliterationem, quod è literarum allusione constet. Fit itaq; in uersu, quo-  
ties dictiones continuatur uel binæ, uel ternæ ab iisdem primis consonanti-  
bus, mutatis aliquando uocalibus, aut ab iisdem incipiunt syllabis, aut ab  
iisdem primis uocalibus. Delectat autem Alliteratio hæc mirificè in pri-  
mis et ultimis locis facta, in medijs quoque, licet ibidem aures minus sint  
intente, ut:

- „ — Sæua sedens super arma. Et:
- „ — Tales casus Cassandra canebat. Et:
- „ Infonem infando inditio. — Et:
- „ — Longe sale saxa sonabant. Et:
- „ — Magno misceri murmure pontum. Et:
- „ Quæq; lacus late liquidos. —

Fit interdũ per cõtinuationẽ insequentis uersus, ut in his Lucretianis:

- „ — Aduerso flabra feruntur  
Flumine. —

Atqui alliteratio hæc ne Ciceroni quidem displicuit in oratione soluta,  
ut cum dixit in Bruto: Nullares magis penetrat in animos, eosq; fingit,  
format, flectit. Et in secundo de Oratore: Quodq; me sollicitare summe so-  
let. Quid quod ne in iocis quidem illis tam lepidis neglecta est à Plauto?  
ut cum garrientem apud herum induxit Poenulum: Ne tu oratorem hunc  
pugnis plectas postea. Atq; hæc quidem Alliteratio quemadmodum tribus  
in ijs fit uocibus, fit alibi etiam in duabus simili modo, ut:

- „ — Taciti uentura uidcbat. Et:
- „ Turno tempus erit. — Et:
- „ Impulit impulsu. — Et:
- „ — Victu uenatus alebat. Et:
- „ — Duris dolor ostibus ardet. Et:
- „ — Formæ conscia coniunx. Et:
- „ — Vasta se mole mouentem. Et:
- „ Castra fugæ fidens. — Et:
- „ Per loca senta situ. — Et:
- „ — Quo turbine torquet hastam. Et:

— Quem

— *Quem metui moritura.*

Cicero idem eloquentiæ Romanæ princeps, eadem hac in coagmentâ  
dis duabus una dictionibus Alliteratione delectatur, ut cum dixit in Bru-  
to: Sed dicere didicit à dicendi magistris, et Iouem, ficati aiunt, si Græce  
loquatur, loqui. Habet etiam suauissimum cōdimentum quoties Allitera-  
tio ipsa eodem geminatur in uersu, per diuersas tamen dictiones, ac syl-  
labas. ut:

— Magna manes ter uoce uocaui. Et:

— Pharetramq; fuga sensere sonantem. Et apud Lucretium:

— Multa murita uirum ui.

Fit geminatio interdū eiusdem alliterationis eodem in uersu, eaq; nec  
uacua est iucunditate. ut in hoc:

Nunc rapidus retro, atq; æstu resoluta resorbens.

Quid cum sit per insequētis uersus allusionem? ut:

— Verba uocantis

Visa uiri. — Atq; ut apud Lucretium:

— Et fera ferri

Corpora constituunt. —

Virgiliana quoq; alliteratio ea et rara est, et aures non parum mulcet,  
quæ constat partim ex continuatione, partim ex intervallo annominan-  
tium syllabarum:

— Lætū siliqua quassante legumem. Neq; insuauis est Lucretiana illa:

— Vesco sale saxa peresa. Neq; item alia hæc:

— Verratione repulsa. Aut:

— Clara loca candida luce. Aut alia illa:

Tenuia spūta minuta croci contacta colore.

Nam Virgiliana illa ex continuatione est quæ suauissima:

— Agitata tumescere.

Sed nec inconcinna est illa, quæ fit cū intervallo dictionis unius. ut:

Concessit mœsta ad manes. — Et:

Si nunc se nobis. — Et:

Olli discurrere pares discrimine nullo. Et:

— Pleno se proluit auro. Quid autem annominatione illa iucundius?

Ipsa canas oro, finem dedit ore loquendi.

Quid etiam illa? quæ ex continuatione constat, atq; interiecta dictione:

Quæ in se suis finem rebus ferat. — Et:

— Aut ulla putatis Dona carere dolis Danaum —

Non indecore, nō insuauiter fit etiam alliteratio hæc cū allusione pri-



marum literarum, syllabarum ue, ultimæ ac primæ uocis, & desinentis, qui antecedit uersus, & statim subsequens. ut:

- ” — Tenuere coloni. Carthago. — Et:  
 ” — Loco tum forte parentis Pilumni. — Et:  
 ” — Credere sensus, Sola uiri. — Et:  
 ” — Maxima rerum Roma colit. —

Eadem hæc Alliteratio syllabarum affert quandam (ut ita dixerim) auribus titillationem contextu in ipso, ubi desinente hinc illinc continuante dictione eadem hæc sibiratione utraq; alludit. ut:

- ” — Aere ruebant. Et:  
 ” — Lato te limite ducam. Et:  
 ” — Loricam ex ære rigentem. Et:  
 ” — Sydera retro. Et:  
 ” — Frustra moritura relinquat. Et:  
 ” — Coniux iterum hospita Teucris. Et:  
 ” Ditis tamen ante. —

Non insuauiter etiam concursus earundem syllabarum mulcet aures, est enim genus quoddam complosionis:

- ” — Ruit oceano nox. Et:  
 ” Fama malum. — Et:  
 ” Date tela. — Et:  
 ” — Cerno te tendere contra. Et:  
 ” Stupea flamma manu. — Et:  
 ” — Glauca carentia fronde salicla.

Interdum ultima desinentis uersus syllaba concurrit, consonatq; cum ultima uocis inchoantis insequentem. ut:

- ” — Diuersa in parte fidenti,  
 ” Turbantiq; uiros. —

Vt autem concursus ipse syllabarum delcflat, propter complosionem earundem literarū, sic etiam ac multo magis earundem uocalium. Quippe cum ex ipsa complosione magna fiat uocalitate accessio. ut:

- ” Si perco hominum manibus, perijisse iuuabit. Et  
 ” — Imponere Pelio Ossan. Et:  
 ” Nauticus exoritur uario hortamine clamor. Et:  
 ” — Sub illo alto.

Verum cōplosio hæc Græcorum est linguæ quàm nostræ familiarior, cui explosio magis est peculiaris. ut:

- ” Dixerat & genua amplexus. — Et:

Cum

Cum Troia Achilles.—

Et:

—Nec dum fluctus latera ardua tinxit.

Et:

—Cælo capita alta ferentes.

Et:

Porta aduersa ingens.—

Videtur res sanè ridicula, rara tamè et affabrefacta. subblanditur enim auribus quædam quasi strepens literarum inter se siue concursatio, siue consiliatio, ac nonnunquam etiam syllabarum: quæ uis ipsis potius inest consonantibus, quàm uocalibus, quæ syllabas eas incunt. exemplum est: Conuulsum remis, rostrisq; ruentibus æquor.

Et:

—Cristaq; tegit galca aurea rubra.

Et:

—Fluitantia transtra.

Et:

Ora puer prima.—

Et:

Quadrupedante putrem sonitu quatit ungula campum.

Et:

Quod sicri ferro.—

Et:

—Præfactaq; quadrupedantum.

Et:

—Infesta subit obuius hasta.

Et:

—Tribusq;

Transijt intextum tauris opus.—

Et:

—Fugit illicet ocyor Euro.

Ac mihi quidem uidetur in pangendo carmine atq; condiendis numeris illud idem usu uenire, quod in puellari cultu, atq; munditijs, ut non modò gemmæ cuiuspiam nitidioris, uerū stosculi unius accessio permultum adificiat cultui, atq; munditijs. Subijciā itaq; exempla quædā Virgilianarum obseruationum in parte illa tum alliterationis, tum cōsilationis. perexi quæ sanè res, tamen nec peruulgate populariterq; animaduersa, sed quæ et obseruata delectet, nec ulla sit ratione prætermittēda conanti quacunq; possit arte audientium auribus subblandiri. Nunquid non etiā perquam suauis est allusio illa postremarum syllabarum?

Sterneret æquor aquis.—

Item illa mediæ, et ultimæ:

—Animam abstulit hosti.

Alia item mediæ ac primæ:

—Quæ semita monstrat.

—Foliorum exuberat umbra.

Vulnificusq; chalybs.—

Nam de primis dictum est.

—Vellere uallum.

Quid cum primarum et ultimarum simul?

—Volat uapor ater.

Quid cū etiam primarum duarum, et mediæ dictionis inter utranq; interiectæ: ut:

- 11 — Relgens errata retrorsum.

Quid etiam cōsiliatōnes ipsæ, quāmsunt loco suo grata? ut quidam quasi flosculi rariores inter prata nitcant. ut:

- 12 — Fulmineus Mnestheus. — Et:

- 13 — Inter tela, rotasq; uiros. — Et:

- 14 — Stabula alta Latinus. Et:

- 15 — Infertabam aptans. — Et:

- 16 — Nota intra tecta refugit. Et:

- 17 — Cristaq; tegit galea aurea rubra.

Sed nec poenituerit subiunxisse Lucretiamum illum:

- 18 — Nix acri concreta pruina.

Neutiq; fortasse ad numeros quod subdam, sed magis ad Poëtæ prædientiam spectabit. Nihilominus numeros quoq; ipsos illustriores reddit. Hoc autem tale est, ut numeris ipsis fiat satis etiam cum dignitate, exprimendis affectibus. ut cum Virgilius Camillæ uellet pedum celeritatem exprimere, pedum quoq; ac syllabarum usus est celeritate:

- 19 — Ferret iter, celeres nec tingeret æquore plantas.

Et quod initio diximus, uolucrum illum flammæ strepitum his uerbis ac numeris explicuit:

- 20 — Atq; leuicū stipulam crepitantibus urere flammis.

Certum habeo senem nostrum ægre hoc latium, referā tamē. Is cum uellet Lepidinæ illius suæ tardos, ac defatigatos gressus innuere, uersum ita statuit, ut uerba ipsa pedesq; uideantur quodammodo ægre se trahere:

- 21 — Nam defessa traho uix genua, & inepta canistri

- 22 — Sarcina me grauatur. —

Quid enim his et uerbis, et numeris aut tardius, aut defatigatius? Idem ipse Virgilius euaporantis aheni æstum, ebullitionemq; illam uix sese intra labrum continentis aquæ, cum explicaret, uersum ita dilatauit, uix ut se ipsum capiat, quippe quem decem usq; ad accentus extenderit, nec habuerit. Quo amplius.

- 23 — Nec iam se capit unda, uolat uapor ater ad auras.

Quod idem seruauit in Mezentio irato, & seuiente: præpeditur enim lingua iratorum ob excandescentiam, ut hæreat, & consistat, & remoretur sonum ac uerba, interrumpatq; sermonem, ac cōcidat orationem ipsam.

- 24 — Nunc morere, ast de me diuū pater atq; hominum rex Vidcrit. —

Quid enim est hoc ipso uersu aut hæsitantius, aut uerbis interruptius, aut numeris etiam cōcisius? Quæ quidē omnia præstantissimo cuiq; ingenio summa cura uidenda esse censeo. Quinetiam idem ipse Virgilius qua-

cunq;

cunq; posset arte auribus ut satis faceret, Græcos imitatus, struxit quodq; tres simul uoces in E' desinenteis. ut:

Quatuor ex omni delectæ classe carinæ. Et:

Stant terræ defixæ hastæ. — Alibi quatuor, ut:

Ite solutæ. —

Ite de æ pelagi. — Quid cum dixit?

Degere more fræ. —

An est qui inficias eat numerum hūc summo fuisse studio conquistum?

Aliquando treis item coniunxit uoces eadem à uocali exordienteis. ut:

Insulæ Ionio in magno. — Et:

Ire iterum in lacrimas. —

Aliquando etiam diuersas diuersa à uocali incipientes. ut:

Regum æquabat opes animis. — Quid cum dixit?

— Omnes uno ordine habetis Achiuos. Illud uerò omnino Homericum:

Glaucō & Panopæ & Inoo Melicertæ.

Est & hoc tenerrimum in aures suauitatis infundibulum:

— Lacerum crudeliter ora,

Ora, manusq; ambas. — Et alibi, ut:

— Vultum uidit morientis, & ora:

— Ora modis Anchisiades pallentia miris.

Neq; parū etiam, neq; insuauiter mulcetur auditus, numeri q; ipsi coniuntur, ubi ultimæ uersuū dictiones, itemq; primi, secundi, tertij et quarti loci inuicem consonant in ultimis syllabis. ut:

Stringentem ripas, & pingua culta secantem.

Venerat, extinctam ferroq; extrema secutam.

Vix adeo agnouit pauitantem, & dira tegentem.

— Longarum hæc meta uiarum.

Ad terram miscere, aut ignibus ægra dedere

Vincla recusantum, & scra sub nocte rudentum.

Ad genitorem imas hercibi descendit ad umbras.

Nam qui statim sequuntur uersus, quoties uel recitari audio, uel mecum eos ipse succino, et aures et animum titillari mihi sentio:

Terribilem cristis galeam, flammisq; uoluentem,

Fatiferumq; ensē, loricaq; ex arcu rigentem:

Sanguineam, ingentem. —

Sed hæc fortasse ad uerborum collocationem spectant, & ad structuram carminis, potius quam ad numeros. Quamobrem ad ea quæ reliqua sunt transco.

*lectus, et selectus  
verborum habet*  
Delectus ipse uerborum Poëta nobilitat supellectilem, uerum satis non est deleggisse, nisi etiam seligas: fit enim delectus plerumq; è multis, selectio uerò è paucis. Itaq; et uoces et syllabas, etiam literas seligere oportet, quo uersus ipse undiq; sibi constet, ex eoq; tanquam in quadram redactio numerum perficias, id quod uersus hi paucis indicabunt.

- 21 Illum expirantem transfixo pectore flammæ.

An non poterat etiam sic, Traiecto pectore, suo quidem ac proprio uerbo? sed cum antè collocasset uocem illam, Expirantem, post uerò, flammæ, refertam utraq; consonantibus literis, uoluit etiam in medio collocare uocē, quæ similibus quoq; literis cōsonaret. Quippe cū in dictione, Traiecto, ea non esset consonantium literarum copula, nec similitudo, quæ utraq; est in Transfixo.

- 22 Talia flammato secum Dea corde uolutans.

Cur non, Talia succenso? Nimirū quia uocalis *ā*, clarum è se edit sonum, at *u*, uocalis suboscuro. Itaq; si *u*, post duplex *ā*, subdidisset, claritatem quam affectabat eo in loco suboscuro, eamq; ob rem submittendo alterum atq; alterum *ā*, adauxit literæ claritudinem. quid si dixisset, Flammanti? at qui claritas illa erat.

- 23 — Loca foeta furentibus austris.

Cur non, plena? Videlicet quòd alliteratio delectet magis aures.

- 24 Acoliam uenit, hic uasto rex Acolus antro.

Potuit sic, et cū præterito tempore, Acolia uenit, uasto hic rex Acolus antro. Præterquā aut quòd præsens tempus repentinā, uehementēq; luno nis cōmotionem indicat, magis quā præteritū, quando res ipsa geri iā uidetur, et hiatus ille, et monosyllaborū duplicatio eo in loco, tum uersum, tum numerum nimio plus stetissent, quod ipsum pronuntiando sentitur.

- 25 — Celsa sedet Acolus arce,

- 26 Sceptra tenens, mollitq; animos, et temperat iras.

In eo quod est, celsa sedet, et Sceptra tenens, simul insunt et alliteratio, et conflatio, quæ aures submulceant. Quòd uerò dixit Mollit, potius quā Lenit, hoc uidetur fuisse causæ, quòd uocalis *e*, cū sonorē demittat, si Lenit dixisset, eā trigeminasset, indeq; generosus ille canor, supra q̄ oportebat, demissus penè contabuisse, quem plenitudine sua uocalis *o*, et sustentauit, et illustrē reddidit, hac cū ratione moderatus. Ex his igitur quanquā paucis licet cognoscere, quā a maturitate et studio sit cum literis cumq; acribus habēda ratio. Quæ de re dictum à me sit hæcenus: nā progredi ulterius, quid nam esset aliud, quā structuræ, collocationisq; campum ingredi? Quæ materia haudquaquam est loci huius, magnumq; uolu-

mensola desiderat: ut de ijs omnino taceam, quæ ad admirationem comparandam pertinent. Quocirca ad id quod reliquum uidetur transeo.

Numerus ipse quoniam celeritate constat, ac tarditate, quarum alteram dactylus, altera spondeus secum habet (est autem sermo hic noster omnis heroicis, hoc est generosis de uersibus) ex his opportune collocatis, prudenterq; simul mixtis manat dignitas illa, quæ laudabile carmen reddit. quibus si accesserit uerborum delectus, selectio syllabarum, de quibus pauca quædam dixi, prudentia item et uerborum et syllabarum temperandarum, ad hæc magnitudo sententiarum, explicatio rerum iucunda et grauis pro loco ac re, et hæc ipsa numerorum artificiosa uarietas, decoramq; illud, quod in omni non modo uitæ genere, uerum etiam discipline, ac facultatis à natura ipsa exigitur, ut de inuentione, distributione, iudicioq; hac in parte taceam: nimirum admiratio illa plena laudis, quam Poëtici senex noster proponit studijs, multa etiam cum commendatione, ac fama comparabitur. quam sequendam ab illis duco, qui in hac ipsa facultate excellere eminenter cupiunt. Has autem res omnis et præstabit ars ingenio cōiuncta, et eas perficiet, ac pertinet illa et diligens cura, quæ optimo cuiq; inesse debet artifice. quodq; pace omnium dixerim, quanquam tibi Parde hoc ad aurem dictum uelim, et Cicero oratorum maximus, et Ouidius Poëtarum maxime ingeniosus nolunt ipsi quidem artem apparere. Ego uero non ibo inficias in ijs hoc probandum artibus, quibus posita est sola persuasio. At ipse nostris his in studijs laboro, contendo, enitor, meū ut carmen appareat etiā admirabile, ut industria innotescat mea, ut celebretur artificium, dici quoq; de me ut possit, Eris ab illo alter. Dissimulat hic orator, alibi contra simulat: quæ sunt in causa, quo à iudice iure uel iniuria, dicēdo tamē uel assequatur quod querit, uel extorqueat. At in hoc dicēdi genere insidiæ insunt nullæ, nullū præterquam famæ cōpendium. Cupio igitur, et auenter quidē cupio, appareat industria mea in carmine, appareat diligentia, labores laudari peruelim meos. Incendor cupiditate gloriæ, utq; inter earundem rerum studiosos euadam etiam primus. An inficiatus est hoc Virgilius, cum decantauit?

Primus ego in patriam, mecum modò uita superfit,

Aonio rediens deducam uertice Musas. Nō inficiantur uel minores au-

tores Ouidius, atq; Horatius, ut etq; tamen suo in genere abunde clarus:

Exegi monumentum ære perennius. Et:

Iamq; opus exegi, quod nec Iouis ira, nec ignes,

Nec ferrum poterit, nec edax abolere uetustas.

Nolim tamen intelligatur ars mea ante quam lectorem mei carminis

laudabile carmen  
est dactylus, et

per se perit

rem.

cui orator noster  
cui ostendat Poeta

“

“

“

“

“

in admirationem eius traxerim. At postquam factus est illius admirator,  
 uel introspiciat ipse cōsilia, laudet, commendet, extollat quæcumq; etiam  
 lineamēta. Quis statuarius, fusor, pictor uult se uideri, dum inumbrat, dñs  
 colores primos linit, dum primas illis quasi lituras effigiat? post uerò cō-  
 summātū opus exponit illud, et ambit publice laudari, præponiq; ob adhū  
 bitum studium cæteris artificibus omnibus. Etenim ab arte artifices sunt  
 dicti, finisq; ipsius artificis, qua artem exercet, non qua lucrum inde quæ-  
 rit, est bene, consummateq; in illa sese gerere, opusq; p̄ficere à se susceptū.  
 A Poëtis igitur non lucrū quæritur, qua Poëtæ sunt, sed admiratio cū com-  
 mendatione operis, suiq; ingenij: cuius quādo comes est laus, laudari quo-  
 que se et palām, et ore pleno, tum cupient, tum letabuntur: quanquam  
 etiam si à nemine laudentur, possunt tamen sola ingenij artificijq; sui con-  
 scientia esse contenti. Sed elucescat oportet ingenij et artis eorum magni-  
 tudo, ac præstantia, de quibus fama est proditura, quæ ab illis omni stu-  
 dio affeclatur. Sed cohibebo me ipsum, ne incensus studiorum meorū com-  
 mendatione, longius ab incepto sermone discessisse uidear. Sit igitur satis  
 hæc me in uestram omnium qui hic adestis gratiam ea de numeris tradi-  
 disse. Quocirca cui sorte sua obtigerit, loquendi possessionem ei trado, ne  
 loci huius consuetudinem existimet aut neglexisse impudenter, aut con-  
 tempsisse superbe. P. V. Vestrum qui adestis omnium officium arbi-  
 tror, nō laudare solum quæ à Syncero tam exacte dicta sunt de numeris,  
 uerum etiam admirari, dum qua uia incedatur ad admirationem in Poëti-  
 ca cōparandam è numeris, tam designanter et monstrauerit nobis illam,  
 et expurgatis etiam scrupulis, ac salebris complanauerit. Id quod uideo à  
 litteratoribus nostris prætermisum, uel ignoratum potius. Recte itaq; ab  
 Antonio usurpatum memini, Poëtam esse ipsum oportere, Poëtis qui de  
 uirtutibus loqui cum dignitate uellet. S. V. M. Hoc nimirum fuit Puderici  
 causæ, cur qui ipse scirem Grammaticis incomperta hæc esse, Syncerū  
 ad dicendum excitauerim: nec aut importunitatis poenitet me meæ, aut  
 obsecrationis, per quam quid exanclatum fuerit ipse uides, ut neq; iniu-  
 ria, neq; præter opinionem qui ea audiuius, admiremur omnes. Utinam  
 autem litteratores ipsi etiam in ijs, quæ literaturæ sunt, paulo essent dili-  
 gentiores: Cum præsertim uideam senem nostrum uel minutissima quæq;  
 pensitantem etiam in Grammaticis. Sed quid senem ad hæc ipsa aduocau-  
 rim? qui paucis antè diebus, eadem hæc in porticu audiuerim Altiliū hunc  
 quædam explanantem, quæ Grammaticorū essent propria. Verū quis  
 est eorū tanta solertia, ut nō alienis potius quam suis rimetur oculis artis  
 ipsius secretæ? Venit in sermonem Ciceronis, qui causam duplici scribere  
 esset

effect solitus, quòd ipsum Romæ adhuc quoq; uetustissimo in monumento  
 inscriptum legitur. Attendite quæso quibus à principiis est exorsus, non  
 enarrauerim quæ suauitate rem expresserit, ne uidear in gratiam eius qui  
 hic adest eloqui. nam mihi quidem Grammatici ab omni uidentur prorsus  
 dicendi suauitate alieni: et si in cognoscenda uocū proprietate, illisq; con-  
 texendis, omnis eorum serè uersatur disciplina. Prisci, inquit, illi qui La-  
 tium, à quo Latinam dictam esse linguam sunt qui uelint, etiam ante Abo-  
 rigenes tenuere. Pleriq; in cauernis habitabant, quæ à cauando essent di-  
 ctæ. ijs autem et æstus cauebant, et frigora, pleraq; etiam alia incommo-  
 da, in illisq; se et sua cautius tutabantur. Quæ est re uerbum Caueo ab ipsdē  
 esse deductū, quodq; in causa ipsa cauisse oporteret, inde ab initio dictā es-  
 se Cauissam, post uerò subtracta uocali Caussam, nomine ipso treis adhuc  
 syllabas retinente, postremò prima et secunda syllaba, duabusq; illis uo-  
 calibus literis in unum coactis, uocem ipsam factam esse dissyllabam, ac ni-  
 hilominus duplex s' māsisse, quod tandem leniendæ uocis gratia simplex  
 extitisset, quādo duplex ipsum post aū diphthongum sonaret horridius,  
 præsertim c' consonante diphthongum præcedente. Ab eodem illo uerbo  
 Cauo factam esse primo Cautipam, uas uinariū, ab eoq; Cauiponam, et  
 Cauiponem, quòd cauis in locis, uel cauis dolijs uinaria exercerent, è qui-  
 bus posteriores uocalem ' detraxissent, indeq; esse hodie Cupas, aū in u'  
 productum uerso, ut Claudio, Cludo, et Cauponam, Cauponemq; et Cau-  
 ponari. Eosdem illos locos Fornices dictos à foranda olim uel terra, uel sa-  
 xo, quam à Græco uerbo malibat, Fornicesq; ac Cauernas idem in initio  
 fuisse, pro uarietate linguarum appellatione non una. Venit etiam in ser-  
 monem uerbi quod est Exancto. Videte obsecro, rem unde uir latinitatis  
 amantissimus repetierit, quod si quæ eius est uerecundia, repeti à me forte  
 non æquiore fert animo, auertat quæso à dicente faciem, aut aliò paulisper  
 inambulet. Am, inquit, uocula fuit apud priscos illos idem illud quod nūc  
 est apud nos circum, inde Hamus, et si post differentie gratia præfixa  
 ei fuit aspiratio. inde Annus, quòd in circulum rediret, mutata post m', in  
 semiuocalem literam concinnioris soni gratia. Eodem è fonte Annis, quòd  
 suuiorum cursus plerunque sint flexuosi, et Ambio, et Ambulo, et Ambe-  
 do, Ambesus que, inde etiam Anus obscena pars corporis ab eius ambitu,  
 et Anulus, et Anus uetula, quòd propter annositatem senilis status cor-  
 poris à capite proclinet in pedes, efficiatur que incurua. Ex anno uerò  
 ductum esse Anniculum, ut Bimum, ut Trimum, quasi biamnum, et  
 triamnum: quæ res indicat principio secundam anni litterarum fuisse m'.  
 Ab anniculo anniculare. Cum que tempestate ea hominum uita esset agre-

cauerna à cauando

Causa unde

cariſta

Cariſtona

cuppe

formix

am

annus

anus



stior, magnaëq; daretur laudi si uges ipsas post annū asservasse, unde per-  
 annare factum esset, formatum primo uerbū Exaniculo, donec ex eo sub-  
 ductum fuit Exanulo, quod uerbum relatum esset ad labores, ad pericu-  
 la, ad difficultates. Quid enim difficilius, quā uina, triticū, poma in aliū  
 atq; alium annum illa sēa perducere, et atq; ijs addere, quibus à natura  
 uix aliqua esset data? Addā et hoc: Erat quæstio, qua ex origine deducta  
 esset dictio hæc Imbecillitas. Animum aduertite quæso, qua eam uia dedu-  
 xerit. Via, inquit, dicta principio est, quod ea ueherentur et homines, et  
 res quæ domum deuehebantur, initioq; fuisse ueham: sic etiam Vehillam,  
 et Vehicum, quod illuc ueherentur quæ colligebantur ex agris: ea post mu-  
 tata sunt in Villam et Vicum, factum est etiā nomen Vehiculum, quo res  
 ipsæ uehūtur. A uia Victus, Viator, Viaticum: à Villa Villicus, Villicatio:  
 à Vico Vicinus, Vicinitas, Vicinia, Vicatim. quodq; senes etate iam conse-  
 ctis, soli absq; subsidio uchi pedibus suis nequirent, sumptus cum esset ab il-  
 lis sustis uia faciendæ, hoc est, ambulandi gratia, Baculum ex eo dictū, quasi  
 Viaculū, qui alio etiam nomine esset Scipio, à manus scilicet capione: à Ba-  
 culoq; factum esse nomen Imbecillum, cui innixi incederent qui infirmis  
 essent pedibus: quodq; non absq; labore ac difficultate etiam baculo uehe-  
 rentur, inde quoq; manasse Vix, quæ uox est difficultatis ac laboris. Ab ha-  
 bitu igitur imbecilli hominis, eiusq; infirmitate deductum esse nomen im-  
 becillitatis cōmutatione literarum. PVD. Et ex illis quæ Poëticiis sunt  
 de numeris à Syncero dicta, et quæ nunc à te Sūmonti referuntur Gram-  
 maticis de rebus, mirandum in modum incendor ardore audiendi aliquid  
 de historia, quæ nullos adhuc præceptores habuerit: cū Grammatica, Rhe-  
 torica, Philosophia institutores quidem plurimos, eosq; maximos ac præ-  
 stantissimos uiros promeruerit. Ac tametsi scio dictionem eam esse multi-  
 plicem, nec unius fortuitæq; confessionis, uelim tamen non oratum modò,  
 uerum etiam exoratum Altitium, uti Actio succedens in dicendi possessione  
 hac ipsa de re uel edisserat aliquid enucleatius, uel saltem, ut dici solet, de  
 ea nobis innuat, dum accuratius quippiam de historia uel traditum ab eo  
 accipiamus, uel nutu ipso significatū. Quod tu Altili per Musas rogatus,  
 perq; communem hunc confessum, cuius honestandi fuisti semper studio-  
 sissimus, nobis audiendi tui cupientissimis præstare ne recusaris. ALT.  
 Nec quid ipse mihi oneris Pudrice imponas satis consideras, et ego inco-  
 sideratior fuerim, si tanto subire uelim oneri, humeris tā imbecillis. Quis  
 enim ego sum, aut rem ab eminentissimis uiris reformidatam potius quā  
 intentatam quo aggrediar animo: aut eam aggressus, quo è priscis uel con-  
 sultore utar, uel autore? Ne tamen aut uobis ipsis expectentibus, aut loco  
 deesse

deesse huic uidear, inuēns quidem, ut tu ipse Puderice exigis, potius quàm præcipiens, dicam de historia aliquid, quodq; ipse quidem multa delectatione collegerim, magis quàm quod autore nitar aliquo, quem nullum, ut uideo, in hunc usq; diem habuit historia. Cuius mihi principium à natura ductum uidetur, quando insitum est homini studium propagandi res suas ad posteros, natiua quadam cum cupiditate efficiendi memoriam sui quammaximè diuturnam, quæ è re nomen id ei Græce fuit inditum. Romani uerò quòd per annos singulos quæ gesta essent mandare literis consueverunt, Annales initio uocauerunt: post accepto Græco nomine, et ab illis quoq; historia dicta est, prisco et latino nomine penè obliuato. Eam maiores nostri quãdam quasi solutam Poeticam putauerunt, recte q; ipsi quidem, plebique enim habent inter se communia: ut rerum uictuarum ac remotarum repetitiones: ut locorum, populorum, nationum, gentium descriptiones, qui etiam illorum situs, mores, leges consuetudines, ut uitiorum inspectiones, uirtutum ac benefactorum laudes. utraq; enim demonstratio uersatur in genere, nec minus etiam in deliberatio, quod ipsum conciones indicant ac consilia, quibus tum Poëtica tum historia maximè ornatur. gloriaturq; ex ijs locupletiores sese bonis ab autoribus redditam. Ad hæc repentini casus, successusq; ipsi uarij atq; incerti, consilia itè diuersa, quæq; præter hominum ipsorum opinionem plurima contingunt in uita ac rebus gerendis. Nec uerò si Poëtica ipsa multa est in explicandis deorum tum consilij, tum rebus quæ ab illis administrantur, nõ historia etiam deorum iras explicat, refert prodigia, placatq; illos uotis, supplicationibus, ludis, cõsultatq; eorum oracula: utraq; etiam gaudet amplificationibus, digressionibus item, ac uarietate, studetq; mouendis affectibus, sequiturq; decorum quaq; in re ac materia suum. Itaq; neutrius magis quàm alterius aut propositum est, aut studium, ut doceat, delectet, moueat, ut etiam profit, rem apparet, camq; ante oculos ponat, ac nunc extollet aliud, nunc aliud eleuet. Sed nec in deligendis tum rebus, tum uerbis, ijsdemq; proprie, ac decenter disponendis, collocandisq; altera cedit alteri, historia tamen est castior, illa uerò lasciuior: nec item in ornatu et cultu non eadem quoque utriusq; sedulitas est et cura, tamen si historia cultu tantum contenta esse potest suo, eoq; qui sit matrona dignus, idoneusq; cõtinentiæ, à fūcoq; abstineat, ac purpurisso, quem quidem in altera illa theatra persæpe probant. idq; ut in puella nequaquam aliquando reprehenditur, dum tamen ipsa intelligat, quid ingenuam inter, et uulgarem intersit. In uerbis item, ac sententijs altera castigatior, altera ut etiã in numeris, sic in uerbis nunc liberalior est, nunc etiam affectatior. Nam parũ contenta prisca, atq; usi

*à natura  
nata his*

*quid simile  
historia cu*

*in demonst  
et deliberatiu  
generu uersa  
et Poët. et h*

tatis uocibus, exultat per sepe nouandis illis, aut peregre afferendis: proposito uero omnino penè, aut maxime profectò differunt, cum altera ueritati tantum explicandæ, quamuis et exornandæ quoque intenta esse debeat, Poëtica uero satis non habeat, neq; decorum suum seruauerit, nisi multa etiam aliunde comportauerit, nunc ex parte aut uera, aut probabilia, nunc omnino ficta, neq; ueri ullo modo similia, quo admirabiliora quæ à se dicuntur appareant. hoc tamen ipso mirifice conueniunt, quòd utriusq; propositum est, quod suscepit dicendum, illustrare, et quoad possit sempiternum id efficere. Numeros quoq; utraq; suos habet, itemq; dicendi figuras, diuersa tamen ratione. Ordine quoque enarrandarum rerum differunt inter se, cum historia rerum gestarum ordinem sequatur, ac seriem: at illa altera per sepe à medijs, nonnunquam etiam penè ab ultimis narrandi principiu capiat, assumens etiam extrinsecus personas pro rei ipsius natura, ut decorum, nympharum, numinumq; alioru, ut uatum, furentiumq;. Quid quòd uocem quoq; dat et orationem rebus mutis, diuinitatem tribuit insomnijs, Deos etià ipsos mortalibus instruit affectionibus? quæ quidem omnia apud Græcos Homerus, apud nostros Virgilius passim ostendunt. una uero re potissimu sibi ipse cõciliantur, quòd utraq; natura sequitur, quæ magistra, et duce ambæ quoq; uarietati studet, cū ea ipsa natura cum primis uarietate letetur, et decorum illud, quod ab eadem rei est cuiq; attributum, cum uenustate sequatur, ac dignitate etiam summa.

Hæc habui quæ dicere in uniuersum de re hac liceat, et tanquam uobis innuens qui unà hic adestis, significare. Reliquu est, quoniam historiam poëticam penè solutam esse quandam de maioru autoritate dixi, ut quoad uires meæ tulerint, et locus hic patitur, talem esse eam exemplis quoque ipsis edoceam. Licet autè in Liuiò, Sallustioq; historie Romanæ principibus, diuersa splendeat claritate quæ historia digna sunt lumina, dicendiq; in altero maiestas heroica penè quædam emineat, atq; uterq; fuerit poëtice admodum studiosus. Cum ille poëticis non solum numeris scripta sua, uerum etiam integris quandoq; exornet uersibus, hic Empedoclea in Latinum, ut Aratea Cicero conuerterit, neq; poëticis abhorreat à figuris. Tamen Liuius in plurimis oratori similior est. Sallustius uero historicis tantum legibus ubiq; uidetur additus. Vterq; tamen opus suum poëticis auspiciatus à numeris, ille à semiuersu dactylico, qui est, Facturus ne operæ pretium. hic uero alter ab integro hexametro, Iugurtina in historia. quem tamen ita referat spodeis, præterquam quarto in loco, ut uix agnoscatu esse hexameter: grauitatem tamen illam spondaicam retinuit inquis, Bellum scripturus sum, quod populus Romanus. quæ uerba heroi

cum senarium, grauem quidem numeris, uerbisq; maximè accommodatis constituunt. Huius igitur exemplis si utar familiaris, uestrum quidem mirari debuerit nemo. Igitur cum in unaquaq; ad dicendum suscepta materia primū sit Poëtæ officium, proponere qua sit de re explicaturus, quod

quidem docuit Virgilius, cum dicere est orsus:

Arma uirumq; cano. —

Idem à Sallustio seruatum intelligo, cum et ipse, quod paulo est ante dictum, cepit, Bellum scripturus sum, quod populus Romanus cum Iugurta rege Numidarū gessit. Atq; ut ille causam susceptæ à se materiæ statim asserit, difficillimos scilicet Aeneæ errores, bellumq; summis uiribus, maximis etiā periculis ab illo administratū, post quos euentus, multiplicesq; successus, urbs Roma esset condita, hoc enim uersus illi præferūt: — Multum ille et terris iactatus et alto.

Sic et hic ipse Sallustius suscepti causam reddit operis, inquit: Primum quia magnum et atrox, uaria quæ uictoria fuit, deinde quia tum primum potentiae nobilitatis obuiam itum est: quæ contentio diuina et humana cuncta permiscuit, eoq; uerborum processit, ut studiis ciuilibus bellum atq; uastitas Italiae finem fecerit. Quid Liuius ab exordio quamprimum secundi belli Pimici, non ne heroico quasi quodam cum supercilio ait? In parte operis mei licet mihi præfari, quod in principio summæ totius profecti pleriq; sunt rerum scriptores, bellum maximè omnium memorabile, quæ unquam gesta sunt me scripturum, quod Carthaginienses Annibale duce cum populo Romano gessere. Nam neq; ualidiores opibus ullæ inter se ciuitates gentesq; contulerunt arma, neq; ijs ipsis tantū unquam uirium, ac roboris fuit, et haud ignotas belli artes inter se expertas primo Punico conserebant bello: et adeo uaria belli fortuna, ancepsq; Mars fuit, ut propius periculo fuerint qui uicerunt. Altiores quoq; repetitiones, præsentiq; ab negotio longius remotarum rerū susceptæ enarrationes, et poetice, et historice facultatis inter se necessitudinem quasi quandā arguunt. Declarant hoc et Virgilius, et Sallustius, alter cum exorditur:

— Rex arua Latinus, et urbes

Iam senior longa placidas in pace regebat.

Hunc fauno et nympha genitum Laurente Marica Accipimus. —

Alter cum Iugurthino in bello, post redditas suscepti à se operis causas, repetendo incipit: Bello Punico secundo, quo dux Carthaginiensium Annibal post magnitudinem Romani nominis, Italiae opes maximè attriuerat, Ma finis rex Numidarū in amicitia receptus à Publio Scipione. Et in Catilinario: Urbē Romā, sicuti ego accepi, cōdidere, atq; habere initio Troiani,

Primo Belli

Primo

proposito  
causa

causa

qui Aenea duce profugi sedibus incertis uagabantur. Ad hæc, quid cognatius, quàm quod uterq; & Poëta, & Historicus affert in medium causas, edisseritq; rationes antè quàm enarrare quam scribendâ suscepit rem incipiat? In ipso Virgilius initio explicat errorum ac laborum Aeneæ causas, ac Iunonis irarum.

» Vrbis antiqua fuit, Tyrij tenuere coloni,  
» Carthago.— Vsq; ad eum uersum;

Tantæ molis erat Romanam condere gentem.

» Et Liuius: Odijs propè maioribus certatum est quàm uiribus, Romanis indignatibus, quòd uictoribus uicti ultro inferrent arma, Poenis quòd superbe, auareq; crederent imperitatū uictis esse, quæq; alia de Annibalis indignatione referuntur, ab Siciliam, Sardiniamq; amissas. Idem quoque indicant descriptiones locorum, gentium, morum, legum. quod & ipsum Sallustius docuit, cum dixit: Res postulare uidetur, Africæ sitū paucis exponere, & eas gentes, quibus cum nobis bellum aut amicitia fuit attingere. Et Virgilius:

» Est locus Hesperiam Graij cognomine dicunt,

» Terra antiqua, potens armis, atq; ubere glebæ.

» Quid autem solutæ poëtice tam simile, quàm Liuium illud? Eaq; uti rata scirent fore, agnum leua manu, dextra silicem retinens, si falleret Iouem, cæterosq; precatus deos, ita se mactarent, quemadmodum ipse agnū mactasset, & secundum precationem caput pecudis saxo elisit. Quid tempestatis illa nimbiq; explicatio? Deinde cum iam spiritum includeret, nec reciprocare animam sineret, auersi à uento parumper confedere. Tum uerò ingenti sono cælū strepere, & inter horrendos fragores micare ignes, capti auribus, oculis, metu omnes torpere. Nam quid per Musas ô uiri optimi ex omni est parte magis illo poëticum? Ex propinquo uisus montium altitudo, niuesq; cælo propè immixtæ, tecta informia posita in rupibus, pecora, iumentaq; torrida frigore, homines intonsi, inculti, animalia inanimaliaq; omnia rigetia gelu, cætera uisu quàm dictu scædiora. Utq; poëticū omnino possis dicere, heroicis etiā numeris res ipsa clauditur: Ingentemq; fugam stragemq; dedissent. Fuit enim omnino poëticus Liuius in toto transitu in Italiam Annibalis describendo, & cū ipse tū uiros & quosq; transcurrentes Rhodanum describit, ingenti sono fluminis, clamore uario nautarum ac militum, & qui nitebantur prorumpere impetum fluminis, & qui ex altera parte ripæ transcurrenteis suos hortabantur. Tum etiam elephantes, quibus primus erat pavor, cum soluta ab cæteris rate in altum raperentur, ibi urgentes inter se, cedentibus extremis ab aqua, trepidationem aliquantulum

tum edebant, donec quietem ipse timor circumspiciētibus aquam fecisset. Animaduertite adhuc quæso, quibus Annibal milites affatur uerbis: Mira  
 ri se qui nā pectora semper impauida repens terror inuasit, nullas pro-  
 fectō terras cœlum contingere, coli alpes, gignere atq; alere animātes, eos  
 ipsos quos cernant, non pennis sublime elatos, alpes transgressos, ne ma-  
 iores quidem eorum indigenas, sed aduenas Italiae cultores ingentibus sæ-  
 pe agminibus cum liberis ac coniugibus migrantium modo, tutō transmi-  
 sisse. Romam orbis terrarum caput petentibus, quicquam adeō asperum  
 atq; arduum uideri, quod inceptum moretur? Quid cum ait? Equi maxi-  
 mē infestum agmen faciebant, qui et clamoribus dissonis, quos nemora re-  
 percussæq; ualles augebant, territi trepidabant, et icti forte aut uulnerati  
 adeō consternati sunt, ut stragem ingentem simul hominum, ac sarcina-  
 rum omnis generis facerent. Quid etiam? cum cædendum esset saxum il-  
 lud, arboribus circa immanibus deicctis detruncatisq; struem ingentem li-  
 gnorum faciunt, eamq; cum et uis uenti apta faciundo igni coorta esset,  
 succedunt, ardentiaq; saxa infuso aceto putrefaciunt, ita torridam incen-  
 dio rupem ferro pandūt, molliuntq; anfractibus mollibus cliuos. His haud  
 quaquam grandiora plenioraq; apud Virgilium leguntur, ubi Aeneam ab  
 Antandro in Italiam deuchit, per tempestates, scopulos, Harpyiarumq;  
 portenta, ac Cyclopum, ne cum ipse quidem ait:

Vastumq; caua trabe currimus æquor.

Postquam altum tenuere rates, nec iam amplius ullæ

Apparent terræ, cœlum undiq; et undiq; pontus.

Aut cum:

Tristius haud illis monstrum, nec sæuior ulla

Pestis et ira Deū Stygijs sese extulit undis.

Virginei uolucrum uultus, foedissima uentris

Proluies, uncaq; manus, et pallida semper

Ora fame. —

Nē ue cum intonat:

Hæc loca ui quondam et uasta conuulsa ruina

Tantum æui longinqua ualet mutare uetustas:

Disiluisse ferunt, cum protinus utraq; tellus

Vnā foret, uenit medio ui pontus, et undis

Hesperium Siculo latus absceidit, aruaq; et urbes

Litore diductas angusto interluit æstu.

Aut cum:

Horrificis iusta tonat Aetna ruinis,

Interdumq; atram prorumpit ad æthera nubem,

Turbine fumat picco, et candente fauilla,

- „ Attollitq; globos flammarum, et sydera lambit.  
 „ Interdum scopulos, auulsaq; viscera montis  
 „ Erigit eructans, liquefactaq; saxa sub auras  
 „ Cum gemitu glomerat, fundoq; exæstuat imo.

Quid quod hic idem Liuius quasi gemmis quibusdam, nunc uerbis omnino Poëticis, nunc figuris ac numeris insignit orationem, atq; illustrat historiam? ut cum ait: Anceps Mars. Et: Agitare animo bellū. Et: Tela micare. Et: Dempito hoc fulgure nominis Romani. Et: Circumferebant ora oculosq;. Et: Pandi agmen coepit. Et: Non manes, non stirpem eius cōquiescere uiri. Et: Hunc iuuenem tanquam furiam facesq; huius belli. Et: Inde equitum certamen erat. Et: Hæc ubi dicta dedit. Et: Cum Poënis bellū pro nobis suscipiatis. Ex his itaq; per paucis, quanquam uideri hæc ipsa multa quidem testimonio atq; autoritate possunt sua, satis tamen, ut arbitror, factum est ei parti, quam probandam suscepi, haud male sensisse eos scilicet, qui historiam censeant poëticam quasi quandam esse solutam. Quocirca, quod cum uoluntate et gratia Puderice fiat tua, horumq; omniū, qui dicentē me, uel mussantem potius audire tam attentē, et, ut uideo, tantū præferūt audiendi studium, ad ea iam transeamus, quæ à me potius obseruata quidem sunt, quàm quod ea præcepta quasi quædam, institutaq; scribendæ historiæ existimari uelim, aut ex me ipso profecta et tradita.

PVD. Et me hoc Altili uolente feceris, et his ipsis qui tam intente atque auenter audiunt, præcipuē cupientibus. Ceterū Marcus Cicero locuples nobis autor esse potest, Poëtas alia quadam lingua locutos. Itaq; uidendū etiam atq; etiam relinquitur, si Poëta alia quàm quæ Oratoris propria est locuti sunt lingua, quonam modo historia poëtica erit quasi cuiusdam solutæ similis? Locus igitur expurgandus hic tibi prius est, scrupusq; Altili excutiendus, nisi forte posthabito Cicerone, Liuius tibi unus satis futurus est ad hæc et credēda, et cōprobanda. ALT. Et Liuij testimonio cōtenti esse unius possumus, et Cicero minime est abijciendus, uir ad omne genus eloquentiæ genitus naturæ ipsius munere, atq; ipsius Liuij magister et doctor. Ac tute quidem ipse meminisse potes Ciceronē exigere maius quiddā in historia, quàm quod in Annalibus Pontificum, aut in Fabij, Antiatis, Cælij, ac Sisenne scriptis appareret. Nā de Sallustio omnino nihil, siue quod post Ciceronis obitum historiæ is scripserit, siue propter similitudines, quodq; ille ipse uiueret, silentio eū præterijt. Ipsum igitur illud maius, quod à Cicerone desideratur, præstitere postea eorū studia, qui Poëtica ornamenta, et cultū sibi ante oculos posuerunt scriptitadæ historiæ, non uerba quidem cōfragosa illa, et perquam glutinata inter se, theatris

æpia,

ada uerba  
 iana, et poëtica

Poëta alia lingua  
 sunt locuti



apta non Senatui, ut Fericlauus postes, ut Hastas belliferratas, ut Spumiu-  
 uomos fluctus, ut Fluentifonsa litora, ut talia hæc gignendæ permulta ad-  
 mirationi inuenta: sed magnitudinem Poëtarū, sed uarietatem, descriptio-  
 nesq; locorum ac gentium, sed euagationes, amplificationes, digressiones,  
 ornatum, decorumq; illud præcipuè, cui Poëtæ in primis uidentur inser-  
 uire. An quæso tranandus erat Annibali Rhodanus sine strepitu, clamore,  
 tumultu nauarum ac militum, sine pauore et consternatione elephantū,  
 sine casu deniq; unius atq; alterius in amnem è rate beluæ? Videlicet trañ-  
 ciendæ erant Alpes sine tempestate, sine nimbis, frigoribusq;, non frangen-  
 dum erat incendio prius, inperso post aceto putrefaciendum saxum illud  
 immane, tantis copijs, tamq; excellenti duci obuium? non adeundum pro-  
 montorium illud immane, exlo proximum, omnis è quo despiceretur Ita-  
 lia, in cuius uertice constitutus Annibal suos cohortaretur, Romamq; or-  
 bis caput illis ostentans diripiendam magnifica etiam oratione obijceret,  
 offerretq;? Hoc sibi uult igitur soluta poëtica similis historia, hoc deside-  
 rabatur à Cicerone, hac caruerunt laude et dignitate Cælius, Antias, Si-  
 senna. Ac mihi quidem uidetur Herodotus Poëtarū in scribendo instar ha-  
 buisse, dum contemptis qui ante se scripserant historicis, magnitudinē asse-  
 cutus est illam, et uarietatem, et ornatum, et cultum à Cicerone deside-  
 ratum. Et qui dicit Poëticam picturæ esse similem, num ideo dicit, aut illud  
 sentit, quod Poëta usus sit coloribus, quibus pictores utantur adumbran-  
 dis atq; informandis rerū imaginibus? Quin de uarietate loquitur, de col-  
 locatione, de dignitate, uenustate, informatione, habitu, quibus in effingen-  
 dis rebus Poëtæ pictorum more, atq; ad illorum exemplum uti debeant.  
 Nec uerba quoq; non sibi à Poëta quandoq; mutabitur diligens rerū scri-  
 ptor, prudenter tamen, ac tenebrimo cum delectu, ut cum dixit Sallustium:  
 Tuba hosticum cecinit. Et: Tela utrinq; uolare. Et: Strepitus armorum ad  
 coelum ferri. Et: Fors omnia regere. Nonne descriptio illa Africæ mera est  
 et soluta Poëtica? Mare seuum, importuosum, ager frugum fertilis, bonus  
 pecori, arboribus infœcundus, coelo, terraq; penuria aquarum, genus ho-  
 minum salubri corpore, uelox, patiens laborum, pterosq; senectus dissol-  
 uit, nisi qui ferro, aut bestijs interiere. An ne tibi Virgilianum illud uidea-  
 tur aliud, nisi quod solutum non est?

Durum à stirpe genus, natos ad flumina primum  
 Deferimus, seuq; gelu duramus, et undis.  
 Venatu inuigilant pueri, syluasq; fatigant.  
 Flectere ludus equos, et spicula tendere cornu.  
 At patiens operum, paruoq; assueta iuuentus,

uerba composita  
 et circumdant ad  
 nom

copiose et scribit  
 historia

quod uerba

cc

cc

cc

cc

cc



„ Aut rastris terram domat, aut quatit oppida bello.

„ Omne æuum ferro teritur, uersaq; iuuenicum

„ Terga fatigamus hasta, ne otarda senectus

„ Debilitat uires animi, frangitq; uigorem.

„ Canitiem galea premimus, semperq; recentis

„ Conuolare iuuat prædas, & uiuere rapto.

„ Quid cum paulo post idem ait: Africam in initio habuere Getuli et Li

„ byes asperi incultiq; quibus cibus erat caro ferina, atq; humi pabulum uti

„ pecoribus: hi neq; moribus, neq; legibus, aut imperio cuiusquam regaban-

„ tur, uagi, palantes, quæ nox coegerat, sedes habebat. Quid magis Poëticū

„ dicas, nisi quod Poëticis absque numeris? Age quæso & aliud: Erat inter

„ ingenteis solitudines oppidum magnū atq; ualens, nomine Capsa, cuius cō

„ ditor Hercules Libys memorabatur, eius ciues apud Iugurtam immunes, le

„ ni imperio, & ob ea fidelissimi habebantur: muniti aduersum hostes non

„ moribus modò & armis atq; uiris, uerum etiam multo magis locorum

„ asperitate, nā præter oppido propinqua, alia omnia uasta, inculta, egentia

„ aquæ, infesta serpentibus, quorum uis sicuti omnium ferarum, inopia cibi

„ acrior. Ad hæc natura serpentium ipsa satis perniciofa, siti magis quàm

„ alia re accenditur. Descendit Crispus Romanæ, ut putant, pater historiæ,

„ descendit inquā ad serpentes, atq; illorū naturam attingit, quæ siti, æstuq;

„ maxime incendatur. Ne hoc mea quidem sententia minus poëtice, perite,

„ orname, quàm à Virgilio illustre illud de Asilo:

„ Est lucos Silari circum, illicibusq; uirentem

„ Plurimus Alburnum uolitans, cui nomen Asilo

„ Romanum est, æstrum Graij uertèrè uocantes:

„ Asper, acerba sonans, quo tota exterrita syluis

„ Diffugiunt armenta.—

Libentissime quoq; ac peringenue Sallustius uerba, figuræq; numeros

„ item à Poëtis mutuatus est, ab illis præsertim, qui Annales scripsere, ut cum

„ ait: Signū tuba dat. Et, Ignoto atq; horribili sonitu repente exciti. Et, lamq;

„ dies consumptus erat. Item, Et sanè Marius illoq; alijsq; temporibus. qui

„ si, diebus, dixisset, senarium integrum heroum apte, canoreq; fudisset. Illa

„ uerò quantopere heroica. Spectaculum horribile in campis patentibus,

„ sequi, fugere, occidi, capi, postremo omnia, qua fissus erat, constrata telis,

„ armis, cadaueribus, & ea inter humus infecta sanguine. Nesciam tamen

„ quonam modo minus hæc extant in Sallustio, nec tam apparent, atq; expō

„ sita sunt, quàm in Liuiο, ut alter quodammodo præferre uelit artem, Poë

„ ticeq; imitationem, alter celare tam, ut tanquam in nubecula delitescat.

Et

Et uerò Oratoria ipsa quamuis sit à Poëtis numerositas illam generosam, ac dignitatis plenam, ut à primis eloquentiæ cultoribus mutuata, antiquissimisq; dicendi magistris: cum primis tamen rerum gestarum scriptores ea seq; resq; suas fecere magnificas, ut interdū generosas illa eorum sermonis uideatur solis penè è numeris constare, in ijsq; tantum consistere. ut cum ait Lilius: Nam neq; ualidiores opibus ullæ inter se ciuitates gentesq; contulerunt arma, neq; ijs ipsis tantum unquam uirū, ac roboris fuit, et haud ignotas belli artes inter se, sed expertas primo Punico conserebāt bello. Quid his numeris plenius, dignius, addo et generosius? non minus tamen Latine, et haud minore cum ornatu dicentur et copia, si quis dixerit: Nam neq; ualidiores opibus ullæ inter se ciuitates, gētesq; arma contulerunt, neq; in ijs ipsis tantum unquam uirium fuit, ac roboris, neq; ignotas belli artes inter se, sed expertas primo bello Punico conserebant. Verū subtrahis ijs spondeis, et numeris commutatis, omnis illa generositas nescio quomodo interit, deciditq; orationis supercilium. Atq; his quidem numeris excellit in historia Lilius, et tãquam inter alios exultat. Ne te igitur animi dubiū Cicero, aut minus tibi te in hoc constantem faciat, quòd Poëtas alia lingua usos dicat, scrupulum excute omne, atque ex animo eijce, deq; forensibus illum actionibus, haud de historijs locutum tibi persuadeas uelim. Nam et à Roscio illo motum, gestumq; descendum oratori ad imitandum in agēdo, ubi causa ipsa exigit, non uideatur esse Ciceroni alienum: nec inficiabimur tamen græcos Poëtas, Oratores à uerbis, ac dicendi figuris, quàm nostros multo abesse longius, uideriq; alia quasi quadam lingua locutos. PVD. Et perpurgatus est hic à te Altilocus, sentesq; excisæ sunt omnes, et euagari iam tutò potes certis, minimèq; labentibus uestigijs: neq; uerendæ offensiunculæ, cum libera à scrupis ipsis sit uia. COM. At ego passurus minime sum Altili euagari te ulterius, exultareq; extra per scriptos fines: cumq; sis ipse Grammaticorū Grammaticissimus, tui te oblitum nō præferam, dum quæ princeps est disciplinarum omnium, ut historiæ satis facias, è iure, autoritate, finibusq; penè eijcis Grammaticam suis. Habenda est igitur et tibi et nobis omnibus qui hic assumus, illius ratioco, nseruandusq; ei debitus in differēdo locus, Antoniana lege hoc ipsum sanciente. Etenim idem ipse Cicero Axillam ait factū esse Ahalam, fuga literæ uastioris. Quid (malum) si uastior x' est litera, si elementū minime simplex, in multis ea cur abuti mur? Cur qui Græce est ὁ Ἀνὰβας, fuitq; apud præcos Latinos Vlyseus, duplicatas litera, factus est nunc à quibusdam Vlyxes? Cur à sessus hoc est, sessione si fiat Sexus, quòd sedendo, ut quidam uolunt, occula-

quò intelligendus  
ci. Poëtas esse  
lingua locutos

Axilla

sexus unde

tur pars ea corporis nostri quæ est obscœnior, literas nō retinuit suas? neque enim x' refert s' duplicatum, sed tū c' s', tū etiā o' s'. Scimus omnes per antiquam fuisse dictionem Pessum, à qua dicti pessuli, quasi pedessum à calcandis pedibus, unde pessundare, datumq; uerbum ipsum opprobrio atq; ignauie, deq; eo formatum nomen Pessimus, cursorum eius constant x' litera accepta? A Magno deducere primi illi magnior, et magnissimus: quæ uoces postea contractis dictionibus, ac subductis literis fuere maior et maximus, cur passæ sunt aures doctissimorum hominum audire tardius x' literæ uastitatem? nam si à massa deductum sit nomen maximus, idem erit abusus, cum Massa dicta sit à magno, eaq; fuerit in initio Magniss, uel Græcomodo Maza. Cur Elixare? nā à liquo liquas princeps fuit liquasso, ut à leuo leuas leuasso, post subtractis literis Lisso, et Elisso; cur inquā et in his uasta assumpta est atq; asperius sonans litera? Cur in his quoq; Palus, uelum, paulum, talus, mala, i' māsuctioris literæ loco, accepta uastiore, abusu ex illo Paxillum, Vexillum, Pauxillum, Taxillum, ac Maxillum dicimus? Quando concentus ipsius suauitate capiatur aures, mulceaturq; audiendi sensus etiam cōcidendis quibusdam, atq; decurtandis uocibus. Fuit primum à sistendo sist locus, post st locus, factus est postremo Locus, repudiato confragoso sonitu. Eadem deductione et uia à sistendo sistilitis, quod sistendum esset in iudicio ad prætorem: inde fuit stilitis, post litis, ultimo Lis, perconcine quidem, et commode. An non initio, humi cui oris pars inferior, quod loquentibus, atq; edentibus, aut etiam hiantibus nobis moueretur, dicta est mouimentum, quæ postmodum fuit Mentum? Quid autem mirum in sono et literis factam esse ruina? quando in significationibus quoq; ipsis haud secus cōtigerit, neq; recetioribus tantū seculis, uerum etiam et priscis. Etenim dictionibus his, amabilis, nabilis, flexibilis, uulnerabilis, reparabilis, flebilis, reuocabilis, aptitudo quasi quædam inest ad patiendum, uel innata potius uis quædam apud Latinos homines: non dubitauit tamen Virgilius, populo ut morem gereret etiam aberranti, dicere Penetrabile frigus, quod uim habeat penetrandi. Non alij Poëtæ, Telum exitiabile, quod exitium afferat: non scriptores alij, quibus minus concessum est decedere è uia. Itaq; passim audias, risibilem hominem, hinnibiles equos, sensibile animal, deflexa ad agendum à patientia significantia, quamuis postremum hoc Lucretiana autoritate non careat. At contra miramur in Virgilio, In canamenta, et Iucuruum aratrum, quod in his In suam augeat significationem: ac si non et Cicero dixerit Infractum, ut qui uehementer esset fractus. Quæ quidem uox, ut non uina omittam, compangendis, atq; inuendis uerbis augere solet, non imminueret

minuere: affirmare, non inficiari. Adq; licet uidere enumeratis uocibus, quacunq; à litera incipientibus, Inhabito, inambulo, imbibo, imbuo, incido, incutio, indo, induco, inherco, inest, inflo, infero, ingero, ingluuius, est enim Ingluuius à uerbo inglubo: inbio, inijcio, illido, illudo, immitto, immuto, innatus, innato, inolefco, inhorreo, impello, impingo, inquino, inquirō, irruo, irretio, instillo, instruo, intego, intorqueo, inuro, inuenio, inuado. Quid tu Summonti defesso mihi enumerandis his nō affers suppetias? non et ipse grammaticæ locum tueris? SVM. Equidem ego illud ubiq; et sensi olim, et hodie quoque sentio, literatores nostros aberrasse non parum ab antiqua enuntiatione et sermone: concedendum tamen in plurimis esse populo, usumq; in multis sequendū, potius quàm rationem aut artem, quippe quæ nata sit ab obseruatione. Atq; de uasta ut litera dicam quod sentio, ea clementum minime simplex est, uerum conglutinatō quædam, atq; ad imminuendū in scribendo laborem inuenta. nam initio cum fuisset in primo casu calcis, lancis, arcis, ut plebes, ut scrobes, ut trabes, quæ nunc sunt Plebs, Scrobs, Trabs; post subtracta litera i mansere calcs, lances, arcs: inde inuēta noua est figura, quæ una duarū subiret et uicem literarum, et locum, scribiq; coeptum, Calx, Lanx, Arx. Et quoniam in hunc sermonem incidimus, repetam hac in parte pauca quædam, etsi fortasse remotiora, neq; iniucunda tamen, neq; aliena ab umbratili hac, æstiuq; confessione nostra. Sermo coepit primum noster ab incultis, et rusticis, immo agrestibus ab hominibus: utq; eorum erāt res inopes, angustæ, egenæ, sic quoq; sermo ipse inops, minimeq; affluēs, uerborūq; per paucorū, ac sine ullo prorsus eorū excolendorū studio, et cura. Crescentibus post artibus, atq; hominū rebus, actionibusq; quod sermo esset ipse et cōponendus, et maturādus, fractæ sunt præcisiones tū syllabarum, tum literarū, non ab ipsis modò uocū principiis, uerūctiā desinentibus à syllabis. Principio enim constitutiones, formaq; appellationū haudquaquam fuere, quales nunc sunt, finalibus præsertim literis. Nam quæ sunt hodie, Fex, Grex, Dux, Rex, Emax, Vcndax, Fallax, Minax, fuere primis illis seculis in casu nominante fecis, gregis, ducis, regis, emacis, uendacis, fallacis, minacis: amputatis cōtraclisq; post literis, decurtatæ terminationes sunt, utar autem Ciceroniano uerbo. Quæ erē id etiam secutum, ut figura hæc, quod dixi, duplex quidē ea sit inuēta minuendi laboris gratia, scriptumq; fex, grex, dux, rex, emax, uendax, fallax, minax, quæ uoces prius habuerāt cis aut gs. Excultioribus enim seculis cōtrahere Adeps, quod nomen antè adepis fuerat: et Abs, cuius postea locū subiit Ab et Ex, cuius loco et uice ē utimur: et Ast, pro quo quibusdam magis placuit

At, quòd sonus ille esset uastior? Quid quòd Donicum fuit quod nunc est Donec, Sedū quod est Sed, Sicce quod est Sic, Etiā pro quo Et, Sat quoq; quod fuerat Satis, Lac quod Lacte, Tribunal quod Tribunale, Animal quod Animale, Sal quod Salis, Nil quod Nilū, Far quod Farre? Quid quod forsit pro forsitā? quo non Horatius modò popularibus in sermonibus, sed Propertius in amatorijs est usus, cum dixit:

„ Iste quod est ego sepe fui, sed forsit in hora

„ Hoc ipso ciclo carior alter erit.

Nec uerò primarum tantum atq; ultimarum siue literarum, siue syllabarum factæ sunt amputationes, dum aut breuitati consulitur, aut suauitati, uerū à medijs quoq;. Quid nam quæso nunc est Taberna, nisi quod olim tabulcrna? facta literarum subductione. Quid Venter nisi uehenter? quòd se implendo euehat, uel quòd uehat in cibū absumpta: unde uentrem exonerare dicuntur, qui excrementa eijciūt. Quid Vultus, nisi uoluntus? quòd animi uolūtatem indicet. Quid Lautus nisi lauatus? à sorde scilicet liber atq; extersus. Quid Coxæ nisi coissæ à coeundo, uel in ipsa libidine, uel quòd hinc illincq; coeant ad obscenas partes, uehendo corpori? Iā uerò Fortuna à ferendo dicta, et mutatis, et subtractis literis, quasi ferētuna. Terra Pulla, quasi puluilla, id est, resolubilis, et in puluere uersa; qualis est terra Campana, ut ait Columella, quæ nequaquā nigra est, ut quidā perperam arbitrantur, sed resolubilis, et putrida, quæq; sæpius arata in puluerem abit. Est et Columna à columine, quæ fuit columina: et à pascendo Pabulum, quod fuit pascibulum: et Panis pascinus, et Pasta panista, et Vinum à uite uitinum, et Vinea uitinea, et à ferendo Ferculum fericulum, quòd in pompis ferantur fercula. Poculum item potaculum, Flumen fluimen, Tegmen tegimen, Semen serimen, Discrimen discernimen. Nam prosa quid est aliud quàm promissa oratio? An quæso Meditari est aliud quàm in medio itinere aliquid itando aut agere, aut cogitare, quod est occupati animi, aliudq; quàm iter agitantis? Quid est etiam aliud Fœnum, nisi fouenum, quo scilicet foueantur animalia hieme? quid Foetus nisi fouetus, quòd à matribus foueantur? retinentq; propterea diphthongū æ, nam in primo uerbo cū insit litera o, subtracta u' litera, relinquitur æ. An nō Postes sunt à positu quasi posites? ac Testis tecū sto, aut pro te sisto? nam et testes sistebant olim apud prætorem. Tela non ne texula, ut tegula, ut regula? Cliens non ne coliens, quòd patronum utiq; coleret suum, et Romuli constitutione? Castra sunt qui putent à seruanda castitate dicta, ambitiose sariē, quippe quæ sint à claudendo, claudebantur enim uallo et fossa. Sic et Casteria locus in triremi: sic etiam uallis illa Caudina, quòd sit

sit undiq; clausa montibus, hodieq; ex eo uocatur Caudium. Sic quoq; *caudiu*  
 Castellum, quod fossa claudatur *Castellu* et muris. Erant etiam in aquarum du-  
 ctibus Castella, quod in ijs aquae concluderentur, unde post largius efflue-  
 rent. Atque ut à dio Dies, sic à gladio gladies, pro qua est Clades: fuit que  
 stratages, pro qua est Strages: et stratagulum, pro quo Stragulum: et  
 stratamen, pro quo Stramen: quin etiam sarriculum, pro quo Sarculum:  
 et nouiper, pro quo Nuper: et sequeculum, pro quo Seculum, hoc est or-  
 norum multorum series, ac sequela. Qua in uoce qui diphthongum e scri-  
 bunt, male omnino sentiunt: neque enim prima eius producit quod di-  
 phthongum habeat, sed quod ueteres Poetae geminauerunt in ea uoce li-  
 teram c, quemadmodum in religione et reliquijs l, et in propagine p,  
 cum harum producunt primas syllabas, utq; Lucretius refficit, et reddu-  
 cit. An quia quod imminutum fuit è literis, cum seculum in initio fuerit ut  
 dixi sequeculum, adiectum sit postea temporis, hoc est quantitati: quod in  
 multis alijs est seruatum. Sed dies me deficiat ijs enumerandis. Sermo-  
 nem autem quo utimur, ab agrestibus, ac rudibus coepisse hominibus, illud  
 declarat potissimum, quod pleraeq; è primis illis impositionibus sunt ru-  
 sticis incomptisq; à rebus sumptae. Iam primum Palam, Sape, è uestigio, *sapo*  
 rusticorum quidem sunt inuenta hominū. Nam quod saepe spissa esset  
 et densa, dixerunt saepe pro frequenter, indeq; et saepissus spissus. è ue-  
 stigio pro statim, quasi non minus cito quam è uestigio pes dimouetur. Pa-  
 lam aperte, quod sit aperta quidem, ac protenta pala, nihil que cauum  
 habeat, aut complicatum, in quo latere quid collocatum possit. Nam pe-  
 nes, id est in manu, atq; in potestate. Fuit olim, quod quidem ipse iuraue-  
 rim, penest, accommodatum rudibus ab hominibus, ex asinorum et iumen-  
 torum caudis, aut manu prehensis, unde fuit Manucapio, aut capistrò col-  
 ligatis inuicem. Mos est enim alterū iumentū alterius caudae illigare, ne di-  
 grediendi illis sit potestas. Post uerò detracta litera t mansit penes. Et  
 cernere, unde Decernere, et Certare, quae senatoria sunt, atque impera-  
 toria uerba, indeq; et Decerta, et Certamina, manauit initio à cermen-  
 dis leguminibus. Et Sercre, et Pangere ruris sunt, arborumq; et semi-  
 num, è rure tamen in urbem, atque à rusticis ad urbanos uenere, et Series  
 rerum, et Sermo, et sermocinatio, et Discreo et Dissertus, et Pangere  
 uersum, et Pagina, et pagella, quin etiam literarum Exaratio. Quodq;  
 pastores cogere pecudes gregatim compascere, non sparsim, inde Com-  
 pascere est cōtinere. Quodq; uehēdis ex agro in oppida et uicos rebus  
 instanter darent opera, factū est uehestigo, quod erat tunc eandem uiam  
 insistere, eaq; saepius itare. Nam et uia initio fuit ueha. Factū item est uebe-  
*uia*

*Con* stigium, quæ nunc ademptis syllabis sunt Vestigo & Vestigium, eaq; ab iumentis, atq; à curribus in scholas profecta, à Philosophis etiam recepta sunt. Atq; illis quidē seculis satis habebatur, quali res cumq; appellatione notare, nulla cum esset quantitatis ac temporum, aut suauitatis cura, formandis uocabulis. Quam post & curam, & cogitationem primi Poëtæ suscepere, dum urbanitatis suscipiunt patrociniū, donec Senatus, ac fori maiores agitationes, atq; actiones peperere eam, quæ post dicta est eloquentia. Qua quidem in explicatione et si latissimus mihi sese offert campus, tamen quod & p̄tenti subsidium Compatri uideri potest satis pro uirili factum esse, cum etiam breuis hæc refrigeratio fuerit Altilio nostro non ingrata, & quod Puderici supercilium non est contemnendum, quem uideo Grammaticis non satis æquum, loquendi possessionem, tuumq; ad continuandum de historia locum Altili, & uolens, & libens tibi restituo.

*792*  
*ima nup̄, q̄  
ulta hysia*  
ALT. Et refrigeratio ipsa fuit mihi pergrata, et te interim uetustissimæ repetentem res iucundissime audiui. Nam & ex ijs, quæ explicasti principijs nata est historia, quæ rudis in initio ipsa fuit, sine cultu, sine copia, nulla adhibita artis industria, perexigua etiam naturæ. Quippe cum ea cura pontificibus tantum esset demandata, ijsq; annis singulis quæ gesta essent, notabant, populoq; exponebant cognoscenda. Cui post & Piso, & Fabius, & Cato non ita multum addidere ornamenti, ut generis scribendi eorum magna fuerit à posterioribus ratio habita. Ne multo quidem, quàm horū maior habetur à Cicerone Cælij, nec Sisenna eius implet aures, quam uocaliorem is historiam fecit, cui ut Cicroni ipsi uidetur, maiorem quendam Cælius sonum uocis addidisset. Ad hæc Sisenna parū libero ore locutus Sallustio uidetur. Cum sit historiæ è Ciceronis sententia prima illa lex, nequid falsi dicere audeat, deinde nequid ueri non audeat, nequa suspitio gratiæ sit in scribendo, nequa simultas. Atq; hi quidem progressus Romanæ fuere historiæ ad Ciceronis usq; tempora. Nam de Græca illi uiderint, qui Græcè præcipiunt. De qua tamen & Cicero ea attigit, quæ satis esse Latinis nobis uideri possint. Itaque his sic dictis me uobis reddo, siue admonens, siue innuens, pauca quædā, ut dixi, utq; sum pollicitus, potius quàm ut qui uideri uelim præcepta tradidisse.

*793*  
Principio, ut natura ipsa rerum generationi consulens, suo quodq; in genere perficere ac consummare nititur, in alijs tamen aliud eius atq; aliud est propositum: sic dictio omnis, & scriptio eò spectat, ut bene consummateq; & dicatur & scribatur: alibi tamē, hoc est forensibus in causis, ut consummate dicatur etiā ad persuasionem: alibi ad laudationem, approbationemq; ut in eo genere, quod demonstratiuum dicitur, atq; in historia, cuius prima



prima cum sit lex, neq; in gratiam loqui, neque obticere odio uera, aut ea dissimulare, efficitur, ut laudentur quæ sint commendatione digna, suo quidem et loco, et tempore, utq; improbentur turpiter, atq; imprudenter facta, alterum sine spe sine pretio, alterum sine simulate et metu: Ita uti et tuæ pariter, et illius, de quo suscepta est laudatio, famæ honoriq; pudenter, ac modeste consulas. Nam qui pretio scruiat, ac maliuolentiae, ueritati quo nã pacto studeat? Ac mihi quidem in laudando aut improbando uidetur rerû gestarû scriptor iudicis quasi cuiusdam personam debere induere, ne ab æquo et iusto illo recedat, quod est inter præmium, ac poenam medium. Et quoniam res ab aliquo gestas historicus sibi scribendas suscipit, primum uidere illud debet, quod dicendi genus se qui debeat: quod tale mihi quidem assumendum uidetur, quale est genus fustum, lenè, æquabiliter incedens, neq; ita compressum, ut inops uideatur et languens, neq; adeo amplum, ut intumescat oratio, et uerba ipsa quodammodo exiliât, utq; incedat oratio, non saliat, aut titubet, sitq; inceptus ipse nō muliebris ac petulans, sed uirilis et grauis.

Omniū autem iudicio laudatur potissimū in historia breuitas, cum ea sit maximè idonea ad docendum, ad delectandum, ad mouendum. Nam nec docere bene potest, qui loquaciter atq; ambitiose explicat: parit enim loquacitas ac diffuentia ipsa tum contemptum, tum etiam satietatem, quæ docilitati aduersantur, ac delectationi. Nam quis omnino doceri uelit, molestia te diu; affectus: nec moueri et agi quò uolumus animus eius potest, male qui libet et aut audit, aut legit. Ad hæc nimius uerborum tractus, effusiorq; oratio, memoriæ quàm officiat, omnes uidetis. De quo natum est Horatianum illud:

Quicquid præcipies, esto brevis, —

Quo hæc igitur, aliq; uidentur in scribendo incommoda et uitia, danda erit opera, ut breuitas ipsa sit aperta et clara, quæq; apte colligat, non concise: lucide, non obscure. Nam et Cicero in Thucydide, ac Phylisto, qui illum imitatus est, non probat eorum quasdam sententias, ut concisas, ut non satis lucidas, quæque contractione sua officiant, nimioque acumine. Equidem hac in parte pudore capior quodam, dicam tamen quod sentio ingenuè, inter uos præsertim, dissertationes illustres illas quidem et puras et appositas, easdem etiam graues et subtilis: ita tamen nimio acumine ne officiant, non breues uocandas, sed accommodatas potius, sed et æquabiles et temperatas. Arbitror quæ nomen hoc breuitatis inde uenisse in usum, uel potius in honorè, quod diffuentia illa et superfluens collectio, rerumq; aggestio ac uerborum tantopere improbaretur, ut eius

cur nihil uer  
nihil falsi li

genus dicendi  
cum

breuitas in h



contraria breuitas fauorem eo maiorem inuenerit. Sed nō sit nobis de uerbo ullo contentio, quod in Ciceronis sonet ore, dum breuitas intelligatur esse appposita ipsa quidem et uerbis ac sententijs accommodatis, collectione ipsa nec arcta, nec peruagata, in qua perinde ut in agro bene culto, nullae infint sentes: quin eniteant in ea ipsa omnia, et uirescant suo tempore, suo etiam et florescant, et maturescant. Hoc itaq; siue breue et appositum, siue æquabile atq; accommodatum dicendi genus, amplectendum est historico. Constet q; appellatam breuitatem, non quia concisa et manca, uerū quod multa complectatur uerbis non ita multis, quæq; pro rerum ac sententiarū complexu appareant etiā pauca. Hoc est igitur illud genus quod paulo antè diximus assumendum, fufum, lenē, æquabiliter defluens, neq; iciunum, neq; intumescens atq; corruptum. Etenim fufa oratio concisionem longius a se repellit, obscuritatis sociam, sibiq; aduersantem atq; contrariam. Lenis, atq; æquabilis aspernatur, reijcitq; ab sese contortus illos, ambitusq; nimios, ineptasq; atq; asperas uerborum collocationes, strepitusq; tum uocum ac syllabarum, tum interruptos hiatus, ut quemadmodum sedatus amnis feratur cursu tranquillo, nullis contortus gurgitibus, aut spumantibus obiectu saxorum aquis. Iciuna uerò, atq; inops illa quasi glarcosus ager, quem asferre fructum potest? quando quod laudandum suscepit, reddit contemptibile illud ac ridiculū. In breui autem hoc, et appposito dicendi genere, in repetendis antiquitatibus, in reuocandis memorijs, in describendis locis, in referendis consilijs, in enarrandis casibus, in praelijs, uictorijs, cladibus memorandis, extollendis praeclaris facinoribus, accusandis ac deprimendis ignauis et perditis, iudicio uetustatis, magnus et clarus existit Sallustius, nam celeritate facile est princeps. In contionibus uerò, habendisq; orationibus non idem uideo esse omnium iudicium, quasi parum habitatione personarum, hoc est, militū, populi, Senatus, ad quos orationes ipsæ habentur, ad hæc et scabrosior in illis iudicatur, et concisior in sententijs, et contractus, ac nimium acutus, apud quos minime deceat. Quibus autem (quod de eloquente ait Cicero, quod mirabilius et magnificentius quàm disertus, augebit atq; ornabit quæ uolet) quibus inquam mirabilior ac magnificentior magis placet oratio, ijs uitandum est dicendi genus insolens, affectatum, tumidum: quibus scatet uitijs Marcellinus, quo in genere scribendi Liuius profectò regnat. Quia uerò exempla cōparationesq; declarant maximè uirtutes, ac dicendi figuras, asferam et Sallustio quos memoria teneo locos quosdam, tametsi quicquid dicit, simplex est, et unum duntaxat, ut Horatianis utar uerbis. Loci erunt de ingenio Iugurthæ et moribus. Qui ubi primū adoleuit, pollens uiribus, de-

tora facie, sed multo maximè ingenio ualido, non se luxui, neque inertiae  
 corruppendū dedit, sed (uti mos gentis illius est) equitare, iaculare, cursu  
 cum aequalibus certare, et cum omnes gloria anteiret, omnibus tamen car-  
 nis esse. Ad hæc, pleraq; tempora uenando agere, leonem atq; alias feras  
 primus aut in primis ferire, plurimum facere, et minimū ipse de se loqui.  
 Et alibi: Nam iugurta ut erat in pigro atq; acri ingenio, ubi natura Publij  
 Scipionis, qui tum Romanis imperator erat, et morem hostium cognouit,  
 multo labore, multaq; cura, præterea modestissime parendo, et saepe ob-  
 idiam cundo periculis, in tantam claritudinem breui peruenerat, uti no-  
 stris uehementer carus, Numantinis maximo terrori esset. ac sanè, quod  
 difficilimum in primis est, et prælio strenuus erat, et bonus consilio: quo-  
 rum alterum ex prouidentia timorem, alterū ex audacia temeritatem af-  
 ferre plerunque solet. Igitur imperator omnes frē res asperas per iu-  
 gurtam agere, et in amicis habere, magis magisq; cum in dies amplecti,  
 quippe cuius neq; consilium, neq; inceptum ullum frustra erat. Huc ac-  
 cedeat munificentia animi, et ingenij solertia. Singula uerba res penè  
 complectuntur singulas, ipsa quidem ita propria, ut nullo appareant mo-  
 do cōquisita, structura illaborata, cursus fluens ac sedatus, sonus lenis au-  
 ribus maximè gratus, nihil deniq; quod artem præseferat, cum tamen om-  
 nia sint ex arte: quodq; de Amphionis cithara, murisq; Thebanis in fā-  
 bulis dicitur, et uerba, et res sponte sua ac natura duce in unum cōfluunt.  
 Referam et Liuium de Annibale locum. Nunquam ingenium idem ad  
 res diuersissimas parendum, atq; imperandum habilius fuit. Itaq; baud  
 facile discerneres, utrū imperatori, aut exercitui carior esset, neq; Asdru-  
 bal alium quenquam præficere mallet, ubi quid fortiter, ac strenue geren-  
 dum esset, neq; milites alio duce plus confidere, aut audere, plurimū auda-  
 cia ad pericula capeffenda, plurimū cōsiliij inter ipsa pericula erat: nullo  
 labore aut corpus fatigari, aut animus uinci poterat, calor ac frigoris  
 patientia par, cibi potionisq; desiderio naturali nō uoluptate modus fini-  
 tus, uigiliarumq; somniq; nec die nec nocte discriminata tempora. Id quod  
 gerendis rebus superesset, quieti datum, ea neq; molli strato, neque silen-  
 tio arcesita: multi sepe militari sagulo opertum, humi iacentem intra cu-  
 stodias, stationesq; militum cōspexerūt. Vestitus nihil intra æquales ex-  
 cellens, arma atq; equi conspiciebantur. Equitum peditumq; idem longe  
 primus erat, princeps in prælium ibat, ultimus confectio prælio excede-  
 bat. Has tantas uirtutes ingentia uitia æquabāt, inhumana crudelitas, per-  
 fidia plus quàm Punica, nihil ueri, nihil sancti, nullus deū metus, nullū  
 iusiurandū, nulla religio. Iudicare his præsertim è locis planè potestis, in

Sallustio maius esse breuitatis eius de qua loquimur studiū, in hoc altero rerum adiectis uerbis augendum. Illi curae est proprie simpliciterq; expressa res, huius arcescitum, atq; extrinsecus allatum aliquid tanquam excolendae formae. Et lenis, et fluxu tantum suo incitus placet Sallustio decursus: at Liuius altior paulo, nec tam aliquando sedatus quam plenus ac personans. Ille in id intendit, ut natura uideatur duce loqui, hic ut naturae bonis attulisse ex arte industriaq; uideri uelit adminiculum. Utq; alter ille uirili et Senatorio incessu graditur, ac pro loco et sistit interdum gradum, et tanquam prospectat longius, metiturq; loca singula: sic alter hic et gestit quandoq; et uiribus suis letus exultat, praefertq; robur et artis, et ingenij. Declarat hoc manifestius Lucij Catilinae de uirtutibus et uitij descriptione. Locus tamen ille Liuiano huic haudquaquam satis similis. Verum de ijs sit suum cuiq; iudicium.

Quoniam igitur, ut Cicero maximus dicendi auctor sentit, pura, et illustris esse debet breuitas, atq; ut nos dicimus, aperta, et clara: puritasq; ipsa et claritas uersentur tum in sententijs, tum in uerbis, è quibus constat orationis contextio: nimirum omni studio fugienda est obscuritas, loquendiq; perplexio, ac dubietas. Euitabuntur autem uitia haec, si uerba ipsa bene fuerint collocata, eaq; non rancida, non obsoleta, non putida, minimeq; ancipitia, cuius non contortus, non uerticosus, non lubricus: non concisa, aut quasi in uoluolum complicata, ut rustici loquuntur, textura: non spinosa sensa, uerum series ipsa fusa et tracta. Quarum ubi rerum diligens habebitur cura, quasi fugatis nubibus, aperta apparebit ac serena breuitatis species.

Est breuitati coniuncta, uel potius cognata Celeritas, adeo in historia laudata, eaq; existere absq; breuitate omnino nequit. De qua inueniendum est aliquid, ne partem hanc aut ægre feratis à me praeteritam, aut parum omnino animaduersam existimetis. Audite quæso studiosissimi uiri quæ à me dicentur, nequaquam tamen ut qui noui hausturi aliquid meo de fonte sitis, sed ut ab eo qui ea potius sit uobis in memoriam reuocaturus, de quibus sæpius eodem hoc in confesso non minus copiose, quam diligenter est disputatū. Differt itaque à breuitate celeritas, quod breuitas quocumque inesse in sermone et oratione potest, celeritas nec ubiq; nec semper potest.

- 10 Etenim breuis est oratio hæc: Vbi quæque periculum coeperat, ibi stare,  
 20 At si coniungas statim: Arma, tela, uiri, equi, hostes, atque ciues permisti, nihil consilio, neque imperio agi, fors omnia regere: erit utique celeritas. Cuius etiam persimilis est illa: Deinde ipse pro re ac loco sicuti è monte descendere paulatim procedere, Mariū post principia habere, ipse cum  
 sinistræ

sinistra ale equitibus esse. Est igitur celeritas brevis et accurata siue com-  
 plexio, siue collectio, cōglutinatioq; complurium simul rerum, ac uerbo-  
 rum, et quasi partiū, quarū unaquaq; per se prolata sensum perficit: siue  
 ea cōglutinatio sit inconiuncta, et absq; copulatione aliqua, ut quas su-  
 pra posui: siue copulatione constet, ut hæc. Eodem tempore imperator et  
 aciem instruere, et hosti obuiam ire, et milites cohortari, et quid facere  
 quenz; uellet imperare, neq; uoce neq; manu usquam deesse. Huius autem  
 ipsius cōplexionis partes ac mēbra interdū singulis ē uerbis constant: ut,  
 Arma, tela, uiri, equi, hostes atq; ciues permisti. interdū ē pluribus, qualis  
 ea: Nam uti planities erat inter sinistros montes, et inter dexterā rupem,  
 octo cohortes in fronte cōstituit, reliquarū signa in subsidijs collocat. Ex  
 his Centuriones omnes electos et euocatos, præterea ex gregarijs militi-  
 bus optimum quenz; armatum in primam aciem subducit. C. Manlium in  
 dextra, Fesulanum quendam in sinistra parte curare iubet, ipse cum liber-  
 tis et colonis propter Aquilā assistit. Atq; hæc quidem ipsa celeritatis spe-  
 cies minus apparet, nec tā allicit leclorē, nihilominus uarietas est quæ eā  
 cōdiat. Cōtra mirifice trahit ad se legentē, ubi partes ipse mistim cōstitu-  
 entur, et ē singulis, et ē pluribus uerbis. ut. Quibus rebus permota ciuitas,  
 atq; immutata facies turbis erat, ex summa letitia atque lasciuia, quæ diu  
 tarna ges pepererat, repente omnis tristitia inuasit. Festinare, trepidare,  
 neq; loco, neq; homini cuiquā satis fidere, neq; bellū gerere, neq; pacē ha-  
 bere, suo quisq; metu pericula metiri. Accedat et altera compago: Ad hæc  
 mulieres, quibus reipublicæ magnitudine belli timor insolitus inceperat, af-  
 flictiare sese, manus supplices ad coelū tēdere, miserari paruos liberos, ro-  
 gitare deos, omnia pauere, superbia atq; delicijs omīsis sibi patriæq; diffi-  
 dere. Ut aut naturæ propria, ac peculiaris est uarietas, sic ea ipsa precipue  
 multū cōfert ad decorādā, magnificādāq; celeritatē. Quocirca uidēdum  
 erit, ne idē ubiq; sit eius tractus, sed mistus, et uariius, filumq; orationis nō  
 unū, uerū alie atq; alie partium texturæ. qualis Sallustianus ille locus:  
 Postquā eō uentū est, unde à frētarijs præliū cōmitti posset, maximo cla-  
 more cū infestis signis cōcurritur, tela omittūtur, gladijs res geritur. Ve-  
 terani pristinae uirtutis memores cōminus acriter instare, illi haud timide  
 resistūt, maxima uicertatur. Interea Catilina cū expeditis in prima acie  
 uersari, laborātibus succurrere, integros pro saucijs arcessere, omnia pro-  
 uidere, multū ipse pugnare, sæpe hostē frirē, strenui militis, et boni impe-  
 ratoris officia simul exequabatur. Itaq; neq; omnia eodē, aut semper filo  
 cōtexēda sunt, aut numerus uariāndus nō est. Cuiq; etiam rei adhībēdus est  
 modus: cūclorū enim sensuū satietas mala, aurū uerō multo molestissima.

*vid celeritas*

*faciat in oratione*

*2 melior copia  
ris et ad usum  
et ornatum spectat*

Fuit aut tantū virtutis huius in Sallustio studiū, uti diuinam illā appellare nō dubitauerit Marcus Fabius: alijs tamē multis et magnis uirtutibus Liuiū affecutiū, scilicet quōd ad hāc ipsam aspirare minime potuerit. Neque tamen nos id aut sentimus, aut dicimus quōd eam ipse Sallustiano seque more contenderit. Sunt enim et dicendi sua ferē cuiq; innata semina, sicuti et appetendi studiorumq; ceterorum. Est autem celeritas ipsa tum grandium magnificatrix rerum, tum subleuatix humilium: eadem effusa colligit, collecta nunc grauitur, nunc uenuste pro materia digerit: quæ multa sunt, cogit in pauca: quæ rursus pauca, ornat, insignit, auget. Ac perinde ut manus ad agendum, pedes ad inambulandum, innitendum que multis polleat iuncturis, sic et ipsa celeritas suis articulis indefessa, indefatigataq; est. Atq; ut pedes etiam ipsi ad ducendas quandoq; seruiunt choreas, manusq; ad decorandam formam, præterquam quōd pedes nati sunt ipsi ad incessuum labores, atq; ad ferendum onus corporis: manus uerō ad robur, uiresq; exercendas: sic ipsa quoq; adiunat, cōfertq; celeritas ad comptum, ad hilaritatem, ad uenustatem, ad uarietatem denique comparandam, naturæ profectō ipsius narrantis appositissimum ministerium. Quæ Liuius dum querit, alia etiam uia ingressus atq; profectus est. Cuius uiri multæ profectō magnæq; uirtutes extiterē, tū exornandis atq; adaugendis rebus, tum etiam complectendis, ac uariandis, ut nunquā illi aut res defuisse uideantur, aut ipse rebus defuerit. Deniq; ut nullus post Marcum Tullium extitit, qui aures impleuerit audientium in foro, in Senatu, in populo orator, actorq; causarum: sic inuentus necdum post Liuiū est ullus, ex ore cuius in rebus bellicis terribilem dederit sonitum tubæ: nec, ut naticinor, ex alicuius ore datura est post multa etiam secula. Qualis igitur, et quæ celeritas sit, iudicari ex ijs quæ dicta sunt, potest: etsi multa quoq; à me prætermisæ sunt, quæ quamuis minutiora, nō exigua tamen laudem afferunt scriptori. Comparatur autem, et constituitur ea tum uerborum, tum rerum copia. Oportet enim peruberem esse eam, perq; affluentem: cum recessu sit multa, diuersa, uaria hinc atque illic apportata, et disquisita colligat, collectaq; quasi pleno è sinu effundat, ut quæ mirabiliter quoq; inuēta uideatur, ueluti eū Sallustius (ut paulo antè retulimus) dixisset, Omnia paucre: non antè subiunxit, Sibi patriaq; diffudere, quod abunde fuisset per se plenū: quā inieciisset, Superbia, ac delicijs omisissis, quadam cum admiratione et audientium, et recipientium. Et Liuius mira etiam celeritate usus cum esset, in uirtutibus uitæq; Annibalis exponendis, cum dixisset, Inhumana crudelitas, perfidia plus quā Punica, nihil ueri, nihil sancti, nullus deū metus, nullum iusurandum.

*iurandum: quo maiora illa omnia faceret, tandem imò quasi è pectore eru-  
tum effudit, Nulla religio. Etenim celeritas quasi plenus et profundus  
annis multa uchit, et tanquam aquarum mole rotat, uersatq;. Vitanda ta-  
men confusa et inordinata permixtio: ea que cuitabitur, si partes ipsæ, et  
quos dixi articuli, separatim ipsi suis quique illustrentur atque impleantur  
uerbis, si uerba aptè, et planè explicent res, si loco et ordine subsequan-  
tur suo, si numerorum quoque recta habeatur ratio, si incessus ac cursus ipse  
minime, ut dici solet, pedè offendant. Quid uerò hac ipsa Sallustiana copio-  
sius, planius, tractius, aut denique numerosius? Ibi primum insucuit exerci-  
tū populi Romani amare, potare, signat abulas pictas, uasa celata mira-  
ri, ea priuatim et publicè rapere, delubra spoliare sacra profanaque omnia  
polluere. Igitur hi milites postquam uictoriam adepti sunt, nihil reliqui  
uictis fecere. Quippe secundæ res sapientium fatigant animos, nedum illi  
corruptis moribus uictoriæ obtemperarent. Postquam diuitiæ honori esse  
cœpere, et eas gloria, imperium, potentia sequebatur, hebescere imperi-  
um, paupertas probro haberi, innocentia pro maleficientia duci cœpit. Igi-  
tur ex diuitiis iuuentutem ubi luxuria atque auaritia cum superbia inuasere,  
rapere, consumere, sua paruipendere, aliena cupere, pudorè, pudicitiam,  
diuina atque humana promiscua, nihil pensi, nihil moderati habere. et que  
post sequuntur. Erit igitur celeritas ut minime sordescens ac lutulenta, sic  
undique sibi constans, et cōformata, suoque loco adhibita, integra partibus,  
iucunda numeris, cursu lenis, rotunda, constituta, magnifica, ac rerum ple-  
na, quemadmodum piscosus, multarumque ac liquidarum aquarum fluminis. Lo-  
cus autem uirtuti est huic maxime aptus, cum multa sese offerunt, que bre-  
uiter sint pertractanda, aut cum prosequenda magnifice, augendaque oratio-  
ne, aut ubi res per se ipsa uidetur exilior. Estque et uerbis tum honestanda  
atque extollenda, tum rebus locupletanda atque sententis ipsis, ipsisque extrinsecus alla-  
tis. Diximus de Breuitate, deque cōiuncta ei Celeritate, de illo itè dicendi ge-  
nere, quod historiæ uideatur accommodatū, etsi non exactè, plura fortasse  
cōsiliū nostrū fuerat, aut quàm ab eo qui innuere atque adumbrare tantū  
habeat, promissum initio fuerit. Quocirca progrediamur ad reliqua.*

*Omnino historia, ut Cicero putat, ac natura ipsa docet, partibus cōstat  
et duabus, hoc est rebus et uerbis. Rebus autem ipsis est ordo adiunctus: agen-  
dis enim negocijs insunt et que prius, et que posterius sint administran-  
da. Rerum enim ac naturæ ipsius ordine, ut quædā præcedunt, sic etiam  
sequuntur alia. Ac de rebus quidem ipsis existit enarratio. Verbis autem se-  
ries earum contexitur, quemadmodum è lapidum strue ædificiorum fabri-  
catio. Ordo est, qui materiam omnem prudenter, ac rectè differt, seriemque*

passim et uniuersam informat, et singulas eius partes moderatur ac digerit. Oportet igitur explicationem quidem ipsam esse ordinatam, quo ueritas minime confusa, incerta ue, aut indistincta appareat. Parit igitur ex sese rerum ordo eam quæ dispositio et totius, et partium dicitur: cuius ea laus est, ut eius opera et cura, tanquā uno in corpore, omnia suo loco, suis partibus apte, proprie, decore, prudenterq; collocentur, terminataq; suis finibus totum ipsum partesq; ita simul uinciant inter se, atq; connectant, ut in unum coacta decenter consentiant, existatq; uniuersi species tum honesta et grauis, tum blanda et cum dignitate. Habebunt igitur ordo pariter ac dispositio rationem non rerum modo distribuendarum suis in locis, uerum suo quoq; tempore. Cuius spatium et ambitu cuncta comprehenduntur, consistuntq; quæ sunt uniuersa. Et quoniā actio omnis, geriturq; atq; administratur quodcunq; id aliquam ob causam susceptum est: causæ namque ubiq; antecedunt, rerumq; suscipiendarum fines: oportet rerum scriptorem causarum ipsarum ac finium cum primis esse memorem, certumq; earum, ac uerum expositorem. Quibus exponendis summum est ab eo adhibendum studiū, maximeq; diligens cura. Quodq; causis ijs quæ propinquæ quidem sunt, aliquid tamen sese quādoq; ostendit antiquius, huius quoq; tanquam principij, nobiliorisq; originis facienda est repetitio: antiquitasq; atq; obliteratio ipsa in memoriam reuocanda, et tanquam exponenda in lucem. ut cum Sallustius, quo Micipsæ regis consilia magis magisq; in aperto poneret, Numantino usq; à bello repetit: utq; ad Catilinæ incepta progrediretur, suosq; per tramites, coepit repetere ab urbe condita, et quibus primo artibus ciuitas creuerit, et quibus etiam moribus corrupta post iuuentus fuerit, quæ corruptio Catilinam ad ineundam coniurationem et traxit, et perpulit. Ipsis autem causis suscipiendi siue negotij, siue belli coniuncta sunt consilia, et hominum qui agendum quippiā decernunt, sententiæ ac uoluntates: quæ quod septuaginta sunt diuersæ, exponendæ eæ sunt à rerum scriptore in partem utranq; . ut cum Lilius Hannonem alterius factionis principem, inducit impugnantem Carthaginensis Senatus sententiam de bello inferendo Romanis, creandoq; Annibale duce. Quo fit, ut quandoq; utriusq; partis, diuersorumq; consiliorum autores, ac principes inducendi sint altercatim differentes in Senatu, quo sententiæ ipsæ clariore appareant, illustreturq; magis magisq; historia, et lectores ipsi apertius doceantur de altercationum causis, consiliorumq; ac sententiarum diuersitate. quod seruauit Sallustius, cum et Cæsarem inducit et Catonem sentientes in Senatu contraria.

Suscepto autem negotio aut bello explicando (nam res gestæ plerumq; sunt

s, et huius in  
in obseruatio

causis est  
suscipiendus

de historia



sunt bellicæ duo statim cōiuncta sunt, et penè dixerim agnata, descriptione sua digna, belli dux ipse atq; imperator, et vires atq; opes reipublice, si tū ea magistratibus regitur, aut regis ipsius, ubi sub unius moderatio ne urbs regnum ue temperatur. Itaq; et Liuius ingenium, institutionem, moresq; describit Annibalis: et Iugurtæ Sallustius, ac Catilinæ. Principū quoq; Senatus, et ciuitatis mores qui sint, quæq; instituta, aperienda fide liter, opes item, amicitie, societates. His accedit explicatio bellici apparatus tum terrestis, tum maritimi, quales et quantæ utriusq; partis copie, armorum genera, equitum ac peditum numerus, quæq; alia his annexa sunt, atq; a scriptoribus minime omittenda, ut præfagia, auguria, uaticinia, oracula, uisiones, sacrificia, transfugia deniq; atq; explorationes, legationes item ac legatorū mandata, belliq; ipsius indictio, atq; in dicendi modus ac ratio. Non præterijt Annibalis insomniū illud Liuius, quo uasitatem Italiæ denunciata significat. Nō Catilinæ epistolam Sallustius, aut Scipionis ad Masinissam. Non uterq; aut Martij uatis prædictionem Cannensi de calamitate alter, alter de imperio Corneliorum familiæ delendo in urbe Roma.

Post uerò susceptas expeditiones, ac bellū iam indictū motumq; , quo aperta magis, magisq; sint quæ narratur omnia, describendæ sunt regiones, loca, situs, quā ducendus exercitus, quā castra metanda, quibus aut campis, aut collibus bellum administretur. Ordo etiam ipse ducendi aperiendus, ut cum legitur, triplici, aut quadrato agmine incedere exercitum. Flumina quoq; et montes si qui sunt, et illorū naturæ, et si quid in his dignū memoratu ac rarum. Erat, inquit Sallustius, in ea parte Numidiæ, quam Adherbal in diuisione possederat, flumē oriens à meridie, nomine Mutul: à quo aberat mons fermē millia passuū uiginti, tractu pari, uastus ab natura et humano cultu: sed ex eo medio collis oriebatur in immensum pertinens, uestitus oleastro, et myrtetis, alijsq; generibus arborum, quæ in humo arida, tronosq; gignuntur: media autem planities deserta, penuria aque præter flumini propinqua loca, ea consita arbutis, pecore atq; cultoribus frequentabantur. Quo igitur et lectorē doceret et delectaret, remq; ante oculos quasi uidendam exponeret, et situm omnem exequitur, et qui situs esset ipsius habitus, et quæ soli natura. Et Liuius: Tumulus erat, inquit, inter castra Minutij et Poenorū, qui cum occupasset, haud dubie iniquiorem erat hosti locum facturus. Eum non tam capere sine certamine uolebat Annibal, quanquā id opere prætiū erat, quam causam certaminis cū Minutio, quem semper occursum ad obsistendū satis sciebat, contra- bere. Ager omnis medijs erat prima specie inutilis insidiatori: quia non



„ modo sylvestre quicquam, sed ne uepribus quidem uestitum habebat: re  
 „ ipsa natus detegendis insidijs, eò magis quòd in nuda ualle nulla talis  
 „ fraus timcri poterat. Et erant in confractibus caue rupes, ut quedam ea  
 „ rum ducentos armatos possent capere. Horum uterq; loca describit insi-  
 „ diarum gratia, æperiq; et locorum aptitudinem, et ducum consilia, et  
 „ quid uterq; imperator designasset animo. Describit Africæ situm Crispus,  
 „ quo scilicet et situs ipse notus esset, et qui amici, qui ue inimici ex omni  
 „ prouincia. Cum obsidione etiam castelli descripturus esset, licet ignobilis,  
 „ tamen natura permuniti, situm antè eius exponit. Haud longe à flumi-  
 „ ne Mulucha, quod Iugurtæ, Bocchi que regnum disiungebat, erat inter  
 „ planitiem mons saxeus, mediocri castello, satis patens, in immensum edi-  
 „ tius, uno perangustio aditu relicto, nam per omnia natura uelut opera,  
 „ atque consulto præceps erat: quem locum Marius, quòd ibi regis thesauri  
 „ erant, summa uici capere intendit. Urbium quoque origines, gentiumq;  
 „ primordia procul repetita, quæ sint earum leges, qui mores, studiaq;: haud  
 „ exiguiam historie dignitatem afferunt, et propter uarietatem ipsam,  
 „ et quòd peruetusta atq; à memoria nostra longius remota uehementer de-  
 „ lectant: ut cum Sallustius Maurorum gentis initia ad Medos refert, et  
 „ Tacitus Iudeorum nationis antiquitatem commemorat. Quibus referen-  
 „ dis magna cura, non minore prudentia opus est, cū eiusmodi pleraq; aut  
 „ incerta sint, aut fabulosa.

Necubi uerò plura, quàm bellicis in rebus accidunt improvisa, inspe-  
 „ rata, non antè cogitata, præterq; opinionem atq; consilium, eaq; ipsa ple-  
 „ na nunc terroris, nunc spei, modò gaudij, modò tristitiæ. Itaq; casuum for-  
 „ tuitorumq; in his euentuum magna scriptori ratio habenda est. Tempe-  
 „ statum quoq; famis, frigoris, æstus, pestilentie, periculorum in faciendo  
 „ itinere, in conferendis manibus. Item audaciæ, metus, temeritatis, suspitio-  
 „ nis, insidiarum, falsorum rumorum, quæq; alia inter gerendum, atq; ad-  
 „ ministrandum bellum, siue consilio eueniunt hominum, siue casu. Ex his  
 „ enim perspicitur potissimum, qualis fuerit scriptoris diligentia, atq; per-  
 „ pensio. Attingenda etiam permulta, quæ nihil tamen susceptam ad histo-  
 „ riam, uerum ut extrinsecus allata nouitate sua pariunt et admirationem,  
 „ et uoluptatē, suntq; condimentū quasi quoddam, atq; ut peregrina uehemē-  
 „ ter afficiunt. Vt cū Sallustius Iugurtino in bello, quod solū susceperat scri-  
 „ bendum, aliunde affert. Per idem tempus aduersum Gallos ab duci-  
 „ bus nostris Q. Cepione, et M. Manlio male pugnatum, quo metu Italia  
 „ omnis cōtremuit. Illiq; et inde usq; ad nostrā memoriam Romani sic ha-  
 „ buerunt, alia omnia uirtuti suæ prona esse, cū Gallis pro salute, non pro  
 „ gloria

gloria certare. Et Liuius, cum belli Achaici aduersus Mefenen, particulā sibi referendam assumit. Eius autem uerba sunt haec: Cuius belli causam, et ordinem si expromere uelim, inmemor sum propositi, quo statui non ultra attingere externa, nisi quā Romanis cohererent rebus. Euentus memorabilis est, quod cū bello superiores essent Achaei, Philopoemenes praetor eorum capitur, ad praecoccupandā Coronēā, quam hostes petebant, in ualle iniqua cū equitibus paucis oppressus. Ipsum potuisse effugere Thracum Cretensiumq; auxilio tradunt. Sed pudor relinquendi equites nobilissimos gentis ab ipso nuper lectos, tenuit. Quibus dum locū ad euadendas angustias cogendo ipse agmen praebet, sustinens impetus hostiū, prolapsus equo, et suo ipse casu et onere equi super eum ruentis, haud multum absuit, quin exanimaretur, septuaginta annos iam natus: et diutino morbo, ex quo tum primum reficiebatur, uiribus admodum attenuatus. Iacentem hostes superfusi oppresserūt: cognitū primum uerecundia memoriaq; meritorum haud secus quā ducem suum attollunt, reficiuntq; et ex ualle de uia in uiam portant. Quem quidem locum ita executus est Liuius, ut et funus refrat, et honores penē diuitios in eum collatos dicat, et annum eum celebrem morte trium clarissimorum ducum Annibalis Philopoemenis, Scipionis.

Iam uero cū sit homini data à natura oratio magna cum excellentia animi malum ceterorū, ipsoꝝq; hominum inter ipsos: sitq; orationis propria uis mouere animos, et quo uelit flectere, nuncq; pro re ac loco, à metu trahat ad fiduciā, à dolore ad letitiā, ab ocio ac mollitie ad laborē: eademq; figientes retineat, irruentes impellat, dubitantes cōfirmet: huius esse memor rerū gestarū scriptor cū primis debet. Itaq; quoties res tulerit, imperatores ipsos inducet, nūc cōfirmantes suos in periculis, nūc excitātes illos ad ea obeunda, aliās exhortāteis, aliās obiurganteis, et modō prēmia proponenteis, modō admonenteis infamiae, turpitudinis, seruitutis, mortis. Videntur enim eiusmodi allocutiones, quae nunc ad multos, nunc ad singulos habentur, decorare historiā, et quasi animare eam. In quibus quoties res ipsa tulerit, neruos orationis, atq; ingenij sui ostendet rerum scriptor. Nec solum quae dicta fuisse referuntur ab imperatoribus, uerū etiam ea afferet quae uerisimilia, quaeq; dicenda tempus, periculum, rei; ipsius natura postulare uideatur. Ut eturq; in increpando acrimonia, in excitando uehementia, in sedando lenitate, in impellendo contentione, in extollendis rebus proprijs, aduersarij deprimendis, magnitudine, ac linguae suae acie, rerum ipsarum qualitates, ac ducum maxime personas secutus. Magnificant autem historiā conciones potissimum rectae illae quidem,

*Probra uis o moueri*

ubi imperatores ipsi et loqui, et agere introducuntur, ut quasi geri res uideatur. Adhiberi tamen debent suo et loco, et tempore, suumque ubique decorum retinendum. Illa uero trita sunt, ante pugnam instruere aciem, indicare animorum habitum, nunc uictoriae, nunc cladis praesagium. Militum uel strenue in acie, uel ignauiter facta referre: Ducum solertiam, adhortationes, consilia, et si quid strenue manu edidcrint memorare. Hic fortitudinis, prudentiaeque, illic fortunae casusque mentionem facere: à quo primum cornu aut fuga coeperit, aut uictoria, declarare. Post pugnam ac uictoriam, caedes, captiuorum numerum, uexilla capta, praedam, spolia, direptiones recensere, praemia referre, commendare fortitudinem, accusare ignauiam, miserari humanos casus, uarietatem, ludumque fortunae mirari, aut decorum uel iras, uel fauorem: quaeque alia uel euentus natura, uel ratio ipsa rerum laudanda aut uituperanda, iucunde aut aegre accipienda, miseranda, aut accusanda docuerit, per ea euagari. Audite quae Salustium post

22 Catilinæ male decertatam pugnam: Strenuissimus quisque aut occiderat in  
 23 praelio, aut grauius uulneratus discesserat. Multi autem qui è castris uisendi aut spoliandi gratia processerant, uolentes hostilia cadavera, amici  
 24 cum alijs, pars hospitem atque cognatum reperiiebant: fuere item qui inimicos suos cognoscerent. Ita uarie per omnem exercitum Letitia, moeror, luctus, atque gaudia agitabantur. Et post Metelli praelium cum Iugurta: Igitur pro metu repente gaudium exortum. Milites alius alium appellant,  
 25 acta edocent, atque audiunt, sua quisque fortiter facta ad caelum fert. Quippe res humanae ita se habent, in uictoria uel ignauis gloriari licet, aduersus  
 26 res etiam bonos detrectant. Metellus in iisdem castris quatrinduo mortuus saucios cura reficit, meritis praemijs more militiae donat, uniuersos  
 27 in concione laudat, atque agit gratias: hortatur ad caetera quae leuius sunt, parem animum uti gerant, pro uictoria satis pugnatum, reliquos labores fore praedae. Nec pigeat referre quae à Liuiio dicuntur, post stragem ad  
 28 Thrasimenum ab Annibale editam. Haec est illa nobilis ad Thrasimenum pugna, atque inter paucos memorata populi Romani clades: quindecim  
 29 millia Romanorum in acie caesa sunt, decem millia sparsa fuga per omnem  
 30 Etruriam diuersis itineribus urbem petiere: mille quingenti hostium in acie, multi postea utrinque ex uulneribus periere. Et post pugnam ad  
 31 Trebiam factam, primo quid Annibal fecerit, refert. Finis insequendi hostis Poenis flumen Trebia fuit, ita torpentes gelu in castra rediere, ut uix  
 32 letitiam uictoria senserint. Deinde transit ad ea quae Romae agitabantur post cladis nuntium. Romanus tantus terror ex hac clade perlatus est, ut  
 33 iam ad urbem crederent infestis hostem uenturum: nec quicquam  
 spei

fpei aut auxilij eſſe, qua portis moenibusq; uim arcerent, uno conſule ad  
 Ticinum uicto, altero è Sicilia reuocato, duobus Conſulibus, duobus Conſu-  
 laribus exercitibus uictis, quos alios duces, quas alias legiones eſſe, quæ  
 arceſſerentur. Quanta uerò hac in parte ſcriptores uarietate ſint uſi, ma-  
 gis ut appareat, ſubdram tertium quoque è Liuius locum: Poſt ſuperatum  
 enim Beneuentanorum in campis à Sempronio Gracco Hannonem Poe-  
 num, poſtq; donatos libertate Volones, donisq; militariſus Veteranos,  
 atque ignominie nota, quos par erat, affectos, ſignum deinde Gracchus col-  
 ligendi uafa dedit. Milites prædam portantes, agentesq; per laſciuiam ac  
 iocum, ita ludibundi Beneuentum rediere, ut ab epulis celebrem feſtumq;  
 diem adis, non ex acie reuerſi uiderentur. Beneuentani omnes turba ef-  
 fuſa, cum obuiam ad portas exiſſent, conſpectis militibus gratulari, uoca-  
 re in hoſpitiū, apparatus conuiuii omnibus in propatulo ædium ſuerant,  
 ad ea inuitabāt, Gracchum orabant, epulari permitteret militibus: et Grac-  
 chus ita permiſit, in publico epularētur omnes, ante ſuas cuiusq; fores pro-  
 lata omnia. Pileatis aut lana alba uelatis capitibus Volones epulati ſunt,  
 alij accubantes, alij ſtantes, qui ſimul miniſtrabāt, ueſcebantur. Placuit lo-  
 cos hos duorum ex eloquentiſſimorum ſcriptorum hiſtorijs referre, ut  
 intelligeretis, qua uarietate ſint uſi rerū explicatores, poſt cuiusmodi ſtra-  
 ges enarratas, quæ uarietas perleſis etiam prælijs alijs longe maior ap-  
 parebit. Eadē habēda eſt natio in obſidionibus expugnationibusq;. Opor-  
 tet enim aperire prius naturam et loci, et ciuium, genus obſidionis ac ma-  
 chinarum: quid intra urbem paretur, quid geratur in caſtris edocere, do-  
 los, artes, inſidias, diurnos, nocturnosq; labores, ruinas, inſtaurationes  
 referre, quæ que permulta ex obſidentibus, et obſeſis aut uirtus contulit,  
 aut fortuna ipſa, diligentia ue, aut negligentia partis alterius repente ob-  
 tulit, obiecitq; uel abſtulit, eripuitq; conſulto. Liuius cum Thaumatorum  
 ſitū deſcriberet, quam urbem Philippus obſidebat rex, dum nomen ipſum  
 interpretari uult, locū illū hiſtoriæ mirifice illuſtrauit inquiring: Vbi uentū  
 ad hanc urbem eſt, repente uelut maris uaſti, ſic immenſa panditur plani-  
 ties, ut ſubieſtos cāpos terminare oculis haud facile queas: ab eo miraculo  
 Thaumati appellati: nec altitudine ſolum tuta urbs, ſed quod ſaxo un-  
 diq; abſciſſo rupibus impoſita eſt. Audiamus quæſo et Salluſtiū, fortuitam  
 rem quāta cū dignitate ſit executus. At Marius multis diebus et laboribus  
 cōſumptis, anxius trahere animo, omitteret ne inceptū, quoniam fruſtra  
 erat, an fortunā opperiretur, qua ſepe proſpera uſus fuerat. Quæ cū mul-  
 tos dies noctesq; aſtuans agitaret, forte quidā Ligus è cohortibus auxilia-  
 rijs miles gregarius, caſtris aquatū egreſſus haud procul ab latere caſtelli,

„ quod auersum præliantibus erat, animaduertit inter saxa reptanteis co-  
 „ chleas: quarum cum unam atq; alteram, dein plures peteret, studio legen-  
 „ di paulatim propè ad summum montis egressus est. Vbi postquam solitu-  
 „ dinem intellexit, more ingenij humani, cupido difficilia faciendi animum  
 „ uertit, ut fortè eo in loco grandis ille coaluerat inter saxa, paulum modò  
 „ prona, deinde flexa, atq; aucta in altitudinem, quò cuncta gignentium na-  
 „ tura fert: cuius ramis modò, modò eminentibus saxi nixus Ligus, castel-  
 „ li planitie describit, quòd cuncti Numidæ intenti præliantibus aderant.  
 „ Exploratis omnibus, quæ mox usui fore ducebat, eadem regreditur, non  
 „ temere uti ascenderat, sed tentans omnia & circumspiciens. Itaq; Marium  
 „ propere adit, astra edocet, hortatur. Et quæ sequuntur. Videtis quæ sit lo-  
 „ ci huius explicatio, quantaq; cum tenuitate ac uerborum gratia. Non ex-  
 „ ornauit modò orationem, uerum etiam magnificauit res ipsas Liuius, cum  
 „ quasi repente oblatam causam, ab ipso libri illius initio exorsus est, his  
 „ quidem uerbis, atq; his etiam uerborum numeris. Inter bellorum magno-  
 „ rum, aut uixdum finitorum aut imminentium curas intercessit res par-  
 „ ua dictu, sed quæ studijs in magnum certamen excesserit. M. Fundanius,  
 „ & L. Valerius, TR. pl. ad plebem tulerunt de Oppia lege abroganda.  
 „ Tulerant eam M. Oppius, & T. Romilius, TR. pl. Q. Fabio, T. Sem-  
 „ pronio COSS. in medio ardore Punici belli. Ne qua mulier plus semu-  
 „ riam auri haberet, neu uestimento uersicolori uteretur, neu iuncto uehi-  
 „ culo in urbe oppido ue, aut propius inde mille passus, nisi sacrorum publi-  
 „ corum causa ueretur. M. & T. Iunius, TR. pl. legem Oppiam tueban-  
 „ tur, nec eam se abrogari passuros aiebant: ad suadendū, dissuadendūq;  
 „ multi nobiles prodibant. Capitolium turba hominum fauentium, aduer-  
 „ santiumq; legi complebatur. Matronæ nulla nec auctoritate, nec uerecun-  
 „ dia, nec imperio uirorum contineri limine poterant. Omneis uias urbis,  
 „ aditusq; in forum obsidebant. Viros descendenteis ad forum oranteis, ut  
 „ florente re publica, crescente in dies priuata omnium fortuna, matronis  
 „ quoq; pristinum ornatum reddi paterentur. Augebatur hæc frequentia  
 „ mulierum in dies, nam etiam ex oppidis, conciliabulisq; conuenerant.  
 „ Iam & consules, prætoresq; & alios magistratus adire & rogare aude-  
 „ bant. Tam multa autem animaduertenda sunt ab historicis, ut non reli-  
 „ querit inexpressum Liuius inenarratūq; Numidarū equitum, equorūq;  
 „ habitum, ac foedam speciem. At Numidæ equos conscendunt, & obequi-  
 „ tare stationibus, neminem lacescenteis coeperunt. Nihil primo aspectu cō-  
 „ tēptius, equi, hominesq; paululi & graciles, discinctus & inermis eques,  
 „ præterquam quòd iacula secum portat: equi sine frenis deformes, ipse

cursus

cursus rigida ceruice, et extento capite currentium: hunc contemptū de  
 industria augentes, labi ex equis, ac per ludibrium spectaculo esse. Nec Sal  
 lustius non et ipse faciem quoque ac nidorem Tulliani carceris explicuit.  
 Circiter quatuordecim pedes humi depressus: cum muniunt undique parie  
 tes, atque insuper camera lapideis fornibus uincta, sed inculta tenebris,  
 foeda odore, atque terribilis facies eius. Hos locos ab eminentissimis uiris  
 sumptos afferre placuit, non ut auctoritatem ab ijs dictis comparemus no  
 stris, uerū ut praeceptorum locū apud uos, qui quae haec est uobis audierint ob  
 tineant, utque diligentiores etiā multo quam estis efficiamini explorandis  
 locis alijs, ijsque considerandis, quibus tum Liuius, Sallustiusque praecipue,  
 tum alij rerū scriptores historias suas et locupletarunt abunde, et insi  
 gniter etiā decorarunt. Iam uerō post expugnationes direptio et cedes  
 ipsa campum praebet quam latissimum edisscendi, quae libido, ira, super  
 bia, crudelitas, dolor, auaritia suadet uictoribus, quaeque perpetienda uictis  
 atque expugnatis. Quae quidem ipsa clariora sunt, quam ut exemplis sint  
 illustranda. Hi tamen loci praecipue, et scriptoris ingenium quantum ua  
 leat ad mouendos indicant animos, et quae sit in eo augendi, atque magni  
 ficandi uirtus, ac dicendi copia.

Illud uerō rerū scriptori seruandum maxime, atque in tota rerū serie, ut  
 pro locis, rebus, occasionibus, iudicis ipse personam induat, ut laudet, cō  
 demnet, admiretur, deprimat, misereatur: nunc rideat humanos casus, nunc  
 deploret: demū meminexit, demonstratiuo in dicendi genere se uersari, ac  
 tum laudandi, tum uituperandi onus a se esse susceptū. Sallustius in expli  
 candis Catilinæ peruersis consilijs, atque coniurationis apparatibus, quasi  
 dolore uictus prorupit in haec uerba: Ea tempestate mihi imperiū populi  
 Romani multo maxime miserabile uisum est. cui cū ad occasum ab ortu so  
 lis omnia domita armis parerent, domi otii, atque diuitiae, quae prima mor  
 tales putant, affluerent, fuere tamen ciues, qui seque et rempublicam obsti  
 natis animis perditū irent. Namque duobus Senatus decretis ex tanta mul  
 titudine, neque premio inductus coniurationē patefecerat, neque ex castris  
 Catilinæ quisquā omnium discesserat: tanta uis morbi, uti tabes plerosque ci  
 uium animos inuaserat. Et post captū à Mario oppidum, de quo paulo est  
 ante sermo habitus, sententiā quasi iudicalem protulit. Sic forte correctā  
 Marij temeritas gloriam ex uirtute inuenit. Et Liuius in explicando ad  
 Capuam milium Annibalis langore, ac desidia: Maius, inquit, id peccatū du  
 cis apud peritos artium militarium haberetur, quam quod non ex Cannensi  
 acie protinus ad urbem Romanam duxisset exercitū. Illa enim cunctatio di  
 stulisse modō uictoriā uideri potuit, hic error uires ademisse ad uincendū.

historicus de  
 iudicijs  
 summus

„ Item post eruptionem ad Nolam à Marcello factam: Ingens eo dies, ac  
 „ nescio an maxima illo bello gesta sit. Non uinci enim ab Annibale diffici-  
 „ lius fuit, quàm postea uincere. Et alibi: Eludant nunc antiqua mirantes.  
 „ Non equidem, si qua sit sapientium ciuitas, quàm docti fingunt magis quàm  
 „ norunt, grauiorem temperatioremq; à cupidine imperij, aut multitudi-  
 „ ne melius moratam censeam fieri posse. Eiusmodi aut exempla affatim  
 multa extant, quæ sequenda sunt rerū gestarum scriptori, sua cum maxi-  
 ma laude, et historiæ dignitate. His itaq; seruandis non laudatorē modò se  
 nobiliū nunc facinorum, præclarissimarumq; actionū, nunc reprehensorē  
 turpium abiectorumq; ostendet egregius rerū gestarum expositor, uerū  
 etiam uirtutis ipsius patronum, admonitorēq; sapientiæ præ se feret, et  
 quasi magistrum: quando historia ipsa uitæ est hominū ac rerum huma-  
 narū magistra. Idem Liuius de Annibale Italia excedente sic loquitur:  
 „ Raro quēq; hominē, patriam exilij causa relinquentem, tam moestū abisse  
 „ ferunt, quàm Annibalem hostiū terra excedētē. Ressexisse sæpe Italie  
 „ litora, et deos hominesq; accusantem, se quoq; ac suū ipsius caput exe-  
 „ cratum, quòd nō cruentū ab Cannensi uictoria militem Romam duxisset,  
 „ Scipionem ire Carthaginem ausum, qui consul hostē Pœnum in Italia nō  
 „ uidisset, se centū millibus armatorum ad Thrasimenū aut Cannas cæsis,  
 „ circa Casilinū, Cumasq; et Nolam cōsensisse. Hæc accusans querensq;  
 „ ex diutina possessione Italiæ est detractus. Hic igitur præcipue locus, ad-  
 monere rerū scriptores potest, qua animi pensionē uti debeāt, quodq; ad-  
 hibere iudiciū ac curam, non in enarrandis modò rebus ipsis quæ gestæ  
 sint, sed illis etiā innuendis effingendisq;, quæ concipi cogitatione, et col-  
 ligi coniectura possunt, pro rebus, negotijs, temporibus, personis. Quæ  
 singula uelle complecti, nec confessus est huius, et uidetur esse satis admo-  
 nuisse. Cum præsertim sit ostensum, historiam Poëticæ maxime esse si-  
 milem, ipsa uerò Poëtica naturam potissimum imitetur.

Diximus hætenus de rebus, quibus differendis fuimus fortasse longio-  
 res, reliquū est de uerbis ut dicamus, cum ijs è duobus historia, ut dictum  
 est, constet. Illud igitur uidendum est primum, ut ea sint propria, accom-  
 modata, delecta, usitata bonis ab autoribus, pro loco ac re sumpta: quan-  
 quam interdum pro rei magnitudine, à Poëtis quoq; mutuanda ea sunt:  
 quod frequentissime omnium seruauit Liuius, et Cicero ait Poëtam Ora-  
 tori esse finitimum. Deinde ut ea bene sint opportunēq; collocata, ipsaq;  
 ut collocatio sit artificiosa, uaria, multiplex, numerosa, habeatq; rationē  
 non æquabilis solum, sibiq; consentientis texture, uerum etiam decursus  
 et soni. Quæ quidem de re aures sunt potissimum consulendæ. Ad hæc  
 summa



*summa ea cura expolienda, exornandaq; ut nec forma ornatu careat extrinseco, nec ornatus appareat, aut negligenter adhibitus, aut alienus à forma, retineatq; tum uenustatem, dignitatemq; pro re ac loco, tum etiam gravitatem ac supercilium. Quarum rerum omnium Cicero optimum se nobis magistrum exhibebit. Vsu uenit autem in componenda historia, quod in ædificandis tum domibus, tum nauibus, multas subinde fieri rectè commissuras, et quasi membrorum inter se coniunctiones, quas prudentia, ordinisq; solers, ac circumspècta ratio moderetur oportet, quæq; et ipsa locorum quoq; ac temporum rationem habeat, ut post narratas explicare diligenterq; res alias, transgrediatur ad alias. Indeq; postquam parti huic satis fecerit, ad continuandam regrediatur priorem materiam: rursus ea, quantum satis erit, explanata, reditum ad alteram illam faciat, aut si rei ratio tulerit, ad aliam, moxq; ad aliam: ut cum Liuius, post descensum ex alpihus Annibalis, postq; præliū cum Scipione factum, proditumq; Clastidiū, subiūgit rem naualem, inquit: Interim circa Siciliam, insulasq; Italiæ imminentes uiginti quinque remes cū mille armatis ad depulandā oram Italiæ à Carthaginensibus missæ, nouē Liparæ, octo insulam Vulcani tenuerunt, tres in fretū auertit æstus maris. Deinde reuertitur ad res ab Annibale gestas, postq; Placentinā pugnam transit in Hispaniam: Dum hæc in Italia geruntur, Cn. Scipio in Hispaniam cum classe missus. Hæ igitur siue cōmissuræ, siue diuersarū in historia rerum inter se connexiones eiusmodi esse debent, ut partes quæ hinc atq; illinc explicandæ subiunguntur, sint per se integræ, claræ, minime perplexæ, atque ab ipso quamprimū initio appareant esse aliæ: quod præstabunt uerba primo loco, et ipsis quasi in foribus posita, qualia sunt, Interim: et, Dum hæc geruntur: et, Per id tempus: quæq; et Sallustius, et Liuius, et ceteri omnes usurpant. Itaq; cōmittendis, atq; subnectendis his, primum omnium id uidendum, uti diuersitas materiæ confestim elucescat, intelligaturq; quasi membrum quoddā corporis ab alio membro diuersum: ac nihilominus ut membra nostri corporis neruis complicantur, sic partes hæ uerbis quammaximè aptis, neruorumq; præstantibus officiū, apte inter se prudenterq; iungantur. Quò circa ad ingeniū, atq; à natura tributa dicendi dona, adiungenda est lectio optimi cuiusq; ex Græcorū ac Latinorum autoribus, quæq; in illis cernuntur, apparentq; eminentissima, ad ea tanquā ad metā dirigenda est omnis scriptorum opera et cura, ut similes, ut patres, si superare illos minus ualuerint, aut imitatores saltem boni ut eundant laudemq; si non primi, aut secundi loci, aliquam quoq; et ipsi certam propriamq; ac studijs suis dignam consequantur.*

Ac mihi quidem res gestas memoriae qui mandant, officioq; funguntur tradendi ad posteros res praeiteritas, non minore fortasse laude digni uideantur, quam qui leges tradidere uiuendi. Illi enim praecepta, exempla hi nobis tradidere: quippe cum proprium eorum officium ac munus sit, sustentare ingenio suo uitae nostrae imbecillitatem, atque mortalitati ire obuiam, ne quantum in ipsis est, dicta factaq; memoratu digna, resq; praecelare, atq; excellenter gestas tempus obscauret, ne uel ea omnino e memoria excidant, quaeq; imitatione, atq; cognitione digna sunt, euo ea ne intercidant, quibus mortale genus ad uirtutem excitetur, et gloria: ut qui legunt, qui de ijs loquuntur, intelligant omnes quo ore, quoq; animo laudentur honesta, uituperentur turpia et improba: ut fortunam, ut uarietatem, inconstantiãq; rerum humanarum animaduertentes, discant in aduersis esse patientes ac firmi, in prosperis continentes et lenes, in deiectionibus ac ruinis fortes robustiq; ac spirante fortuna mansueti, faciles, placidi, in opulentia liberales, ac benefici, in inopia sorte sua si non contenti, saltim non abiecti, non squallidi: ut nihil quod accadat homini nouum existiment, nihil repentinum mirentur, nihil non aliquando reantur aut posse accidere, aut putent non quandoq; etiam accidisse. Maestri igitur diuturnitate estote, ac laude rerum scriptores, quorum opera et studio effectum est, ut sciamus qui primi Deum cognouerint, intelligamusq; quibus cum sacrificijs, uotis, supplicijsq; ueneremur, colamus, placeamus: quorum item beneficium ac munus fuit, ut cognosceremus qui leges tulerint, naturae secreta aperuerint, artes inuenerint, uiuendi praecepta tradiderint. Quae dum sequitur genus hominum e syluis, atq; a fero uictu, cultuq; liberum, in urbes se contulit atq; in libertatem. In quibus pietatem, fidem, aequitatem, amicitiam, humanitatem, iustitiam, urbanitatem deniq; omnem exerceat, seq; homo ipse dijs non modo gratum ipsis, uerumetiam persimilem, inuicem grauitoq; benefaciedo reddat.

Constat igitur historia et rebus et uerbis: uerba uero esse debent, ut ultimo dictum est loco, elegantia et propria, et bene decenterq; collocata et sparsa. Res ipsae constant ordine et dispositione, quibus coniunctae sunt descriptiones causarum, temporum, rerum praeitarum, antecessionuq; ingenij, morumq; eorum qui bellum administrant, uirium, societatum, apparatusum. Item descriptiones regionum, locorum, urbium, fluminum, montium, etsi qua in illis memoratu digna. Itinerum quoq; casuum, euentuum, pugnarum, quaeq; pugnam sequuntur. Ad haec, obsidionum, oppugnationum, expugnationumq; quaeq; expugnationem comitari consueuerunt. Accedunt his personae, laudantis scilicet, aut improbantis, pro re ac tempore, lectio item, atque imitatio. De genere autem ipso dicendi,

quale scilicet cōueniat historiæ, dictū est. De Breuitate similiter, ac Celeritate: quarū altera est historiæ cōmendatrix, altera locupletat eā, atq; magnificat. Itaq; plura de re hac loqui, præcipientis est uelle personam assumere. Quocirca ne mihi sit cum Grammaticæ patrocinatoribus contentio posthac ulla, sinem dicendi facio, meq; à promisso absoluo, quando factum est à me, ut arbitror, satis promisso, et fortasse amplius, q̄ iudicari possit esse promissum. PVD. Et promissis à te satis factum Altili cōfitemur omnes, et differendis ijs incredibili uoluptate nos affecisti, dum rem sparsam, ac passim iactatam colligis, collectamq; ordine suo, suaq; regula ac lege sic cōponis, ut si qui posthac redacturi ea sint in præcepta, faciliè quidē præstituri id uideantur. Nec his cōtentus laudes quoq; historiæ addidisti, et quā eā sit utilis mortalium generi, multa cum grauitate docuisti et copia. Cæterū nesciam uolens ne, an negligens præterieris ea, quæ ad scribendas magnorum uirorum uitas spectant, quo in genere historiæ Græcè Latineq; uersati sunt permulti. AL. Atqui Pudrice de toto et integro nos historiæ corpore locuti non de parte sumus, quæ et ipsa ad totius imaginem cōponi pro natura sua potest. Itaq; ut pauca quædam in hoc quoq; genere scribendi tradamus, quod ipsum Demonstratiuū est genus (nam qui uitā alicuius scribit, in locos nūc laudis, nunc uituperationis incidit, cuius rei monitū fecisse eum satis est) tria cum primis seruanda censemus, ut scriptio ipsa sit breuis, sit diligens, atq; etiam grauis: adde, si placet, et quartum, ut sit ea quammaximè quoq; elegans. Breuitas autē erit talis, ut rerum summas paucis cōplectatur. Diligentia tanta, ut nihil omittat, quod iudicetur memoratu dignū. Grauitas item ea, quæ addat explanationi ac dictis pondus, quæq; et autorem rerum et scriptorem commendat. Nam præter ueritatem nihil potest esse cōmendabile. Quid obsecro tam est aduersum, quā uanitas historiæ? quæ uitæ magistra esse dicitur. Elegantiam idcirco dicendi maximam hac præsertim in parte exigimus, quod hæc ipsa scribendi pars permultis sit alijs laudibus, ac uirtutibus caritura. Itaq; compensetur utiq; elegancia, quod deest de cultu, cæteroq; splendore. Cuius rei Cæsar grauißimus esse potest et testis, et monitor: de cuius cōmentarijs etsi multa in exemplum adduci à nobis poterant, tamē scribendi genus historicum ex omni parte minime complexus est Cæsar: quippe qui materiā et præbere, et relinquere maluerit alijs de se scribendi. Et qui pictor, aut statuarius imaginem facturus est, quæ totius referat corporis pulchritudinem, nimirū pulcherrimi cuiusq; uiri speciem sibi in exemplū assumit: non eius qui parte tantū præcellat aliqua, sed qui omnibus. Nam quanquā et Tacitus et Curtius abunde sunt laudibus ac uir-

tutibus ornati suis, laus tamen omnis Latinae historiae penes duos putatur existeret, diuersoq; in dicendi genere, Linium, ac Sallustium. Ad haec iniquitas temporum Trogi nobis omnino abstulit, et Curtium ac Tacitum quasi mutilatas uidemus statuas: licetq; suspicari potius ac conijcere, quam omnino de ijs iudicium aliquod absolutum ac certum tradere. Quid quod noster paulo ante Aelius uno fuit ubiq; ferè contentus Virgilius? uidelicet quod ab optimo quoque suo in genere querenda est semper autoritas. Quod autem (sicuti ex oculis ac uultu conijcio) Praesicius hic noster dicere paratus est aliquid, officiumq; absolutum est meum, dicat pro arbitrio uir et in Poetica, et in Oratoria maxime exercitatus, depromatq; de pectore apprimè fecundo dignum aliquid seq; et hoc ipso confesso, ut munus et ipse quoq; suum adimpleat. PVD. Atqui et ordo lexq; ipsa sessionis huius id ipsum exigat, et nos omnes non istud ipsum modò petimus, uerum etiam rogamus, atq; exposcimus. PAUL. Equidem ex ijs, quae acutè, grauiter, eruditeq; ab Altilio sunt de lege historiae dicta, quaeq; antè Syncerus Poëticis de numeris, ipse uerò Altilius de uerbis nuper, atque ornamentis diseruit, magis magisque incendor ad peruestigandum Poëticae finem, quem ex ore senis nostri esse Syncerus initio retulit, benè, atq; apposite dicere ad admirationem comparandam. Conuerter autem ad te Parde potissimum, quem dicendi labor non adeò ut hos ipsos delassauit, audientiam primò abs te exposcens, deinde sententiam in his quoque requirens tuam. PAR. Et audientem me perq; intentum in dicendo habebis, et paratum etiam respondere ad ea, quae ex me intelligere ipse uoles, aut quid ipse sentiam aperire, si opinionem fortasse me à tentando sciscitaberis. PAUL. Principio quod Cicero ait finitimum esse Oratori Poëtam, duo, ut mihi uidetur, citè in eam sententiam uenerit, omninò illum mouere, et quod uterque uersatur in dicendo, et quod utriusque communes sunt laudationes, quod Demonstratiuum genus dicitur, tametsi et deliberationes quoque: apud Poëtas enim tot decorum concilia, consultationesq; non ne hoc nobis palàm faciunt? Habent igitur tum laudationes, tum deliberationes inter se communes, bene item et cōsummata dicere, suo uterque in genere dicendi, cum alter solutus incedat atque promissus, alter astrictus numeris, ac pedibus certa lege cohercitis. Quin uerba quòque et ipsa sunt inter eos communia. Verum alterius, digna foro ac Senatu, quae quae grauitatem satis est uti sequantur, retineant quae dignitatem: alterius, quae magnificentiam, altitudinem, excellentiamq; quasi quandam ostendent. Neque enim grauitas comparandae admirationi satis est sola, ni magnificentia accesserit excellentiaq;

excellentiâque & uerborum, & rerum: utq; ego arbitror, hoc illud est, quod ait Horatius:

— Mediocribus esse Poëtis,

Non homines, non dij, non concessere columnæ.

Cum oporteat eos suo in genere excellere, neq; aliter digni eo nomine uideantur. Hoc etiâ est & illud quod à Cicerone dicitur, singulis uix secus bonû Poëtam inuentum. Perrara nanq; omnis est excellentia, quodq; Oratori satis est benedicere, atq; appositè, id oportet in Poëta sit ut excellenter. Ac tametsi Oratoris quoq; est aliquando & magnificè, & excellenter, tamen id nō ubiq; neq; semper: cū Poëta hoc ipsum ubiq; suū sit ac peculiare, etiâ cum in minutissimis atq; humilibus uersatur rebus. Siquidem necesse est & minutissimis, & humilibus describēdis rebus appareat etiâ eius excellentia. Nam & quæ fuit naturæ excellentia creando in homine, eadē nec minor pro specie illarum ac forma in apibus atq; formicis fuit. Vtriusq; etiâ Oratoris ac Poëtæ officiū est, mouere et flectere auditorem. Verū quonam, quō in quā hæc & cōmotio, & flexio, & maximum utriusq; in hoc ipso studiū: Oratoris, scilicet ut persuadeat iudici: Poëtæ, ut admirationē sibi ex audiente, ac legente cōparet: Cū ille pro uictoria nitatur, hic pro fama & gloria, quæ uidetur sola ac maximè ab hoc scriptorum genere queri. Et Orator quidem ubi minimè persuasit, potest fine suo cōtentus esse quod bene, quod apposite, quod consummatè duxerit in causa. At Poëta fine omnino defraudabitur suo, nisi in audientis ac legentis animo pepererit, infixeritq; admirationē, per quam sit famam, uenerationemq; affecturus. Nec uerò audientē aut legentē cū nos intelligi uolumus, cui sit admirationi Baius aut Maximianus, sed cui magnam quoq; mentem Delius inspirauerit uates: uix enim de bono Poëtâ, nisi & ipse auditor bonus Poëta fuerit, iudicare recte potest. Tametsi nescio quomodo à natura ipsa instituti nonnulli, alij in Musicis, alij in pictura, in Poëticis alij: neq; Poëtæ tamen ipsi, neque pictores, aut musicam professi, bonum quid in ea sit arte sentiunt: optimum uerò sentire haud poterit, nisi quæ ars quoq; cū natura ipsa ingeniosum pariter atq; solertem fecerim. Quo circa mediocritas illa quæ in rebus plerisq; omnibus conceditur, Poëtæ omnino aduersatur, etq; minime est cōcessa. Nisi fortè dicendi excellentia & magnificentia illa sit uocanda mediocritas in genere dicendi Poëtico, quando excellentia dicēdi in Poëta ut uacua esse debet inflatione, atq; in tumescentia, sic nullo debet modo de gradu suo deijci. Quid quod Oratorem multitudinis præsertim impleturum aures aut unius iudicis, aut paucorum admodum, multæ illum adiungere res possunt? At Poëta solus

excellenibus, ingenioq; excellēti præditis, sola & unacū excellētia po-  
test satisficere. Quocirca coniunctus & ipse ratione hac Historico est,  
quod lectoribus, ijsq; literatissimis uiris, nō iudici scribit, aut multitudini.  
His itaq; permotus senis nostri sententiæ accedo, Poëtæ siue finem, siue of-  
ficiū esse, bene atq; excellenter loqui ad admirationē. Quod si Parde pro-  
baueris (nam Syncrurum id probaturū testificari ea possunt, quæ in initio  
dissertationis suæ attigit) Altitium sat scio, quæ est obscurantia in senem, &  
cultu minime disensurū. PAR. Visus es mihi Prasici probandis Poëti-  
cis his non minus quā ex Aristotelica disciplina, ex ipsa etiā rei natura  
esse locutus, & quod multa sunt Oratori & Poëtæ cōmunia, & quod in  
non paucis etiam differant inter se. De fine uerō, officioq; Poëtæ si quis  
aliter sentiat, meo iudicio inuide magis quā uerē sentire uidebitur, dum  
quod Poëtæ ipsi gloriantur se tantū quærere, nomen scilicet ac famā, in-  
uidere illis & pretiam & laborū tantorum summam uolunt. Et quod in  
Oratore exigitur bene & cōsummate, id in Poëtæ esse debere excellenter,  
id profecto mihi & uerissimē, & appositissimē à te dictū uidetur. Nam  
te obsecro per Musas ipsas, perq; tantopere à nostro cultam sene Vra-  
niā, quid nisi admiratio, quid inquam nisi una & sola admiratio quæri-  
tur ex magnificis illis, & maximē numerosis uerbis, dictisq;:

- » — Dicam horrida bella,  
» Dicam acies, actosq; animis in funera reges,  
» Tyrrhenamq; manum, totamq; sub arma coactam  
» Hesperiam: maior rerum mihi nascitur ordo,  
» Maius opus moueo. — Quid cum?  
» — Stabuli de culmine summo  
» Pastorale canit signum, cornuq; recuruo  
» Tartaream intendit uocem, quæ protinus omne  
» Contremuit nemus, & syluæ intonuere profundæ.  
» Audijt & Triuiæ longè lacus, audijt amnis  
» Sulphurea Nar albus aqua, fontesq; Velini. Quid amplius?  
» Et trepidæ matres pressere ad pectora natos.

Quò quæso & res, & uerba tanta cum industria, & arte inuenta, &  
posita, nisi ad mouendam spectant admirationem? Quò inquam & illa?

- » — Assum dirarum à sede sororum.  
» Bella manu, letumq; gero. — Et:  
» Olli somnum ingens rupit pavor. —

Itaq; non uerbis modò magnificis, sed rebus quoq; & inuentis excel-  
lenter, & expressis, admiratio à Poëtis quæritur: ut cum Poëtica sicut  
Historia

Historia constet rebus ac uerbis, his utrisq; Poëta ad admirationem conciliandam non utatur modò, uerum etiam innitatur. Quamobrem, quod ueritas præstare hoc sola minus posset, ueritatem nunc inumbrant fidei fabulosi q; commentis, nunc ea comminiscuntur, quæ omnino abhorreât à uero, atq; à rerum natura. ut cum:

— Fit tortile collo

Aurum ingens coluber. — Et:

Virginei uolucrum uultus. — Et:

Tertia sed postquam maiore hastilia nisi

Aggredior. —

Itaq; quæ à te Præsici in tota hac questione dicta, et disputata sunt, omni è parte à me, ac summopere etiam probantur: et cum de admiratione loquamur, ne discedamus à cognatis uerbis, mirificè etiam probantur. Quocirca perge ad reliqua. PAUL. Quæri autem ab illis admirationem hoc est, approbationem et plausum quasi quendam eorum quæ dicantur, cum animorum admiratione illorum, qui audiunt, et qui legunt, quæ à te delibata sunt Parde, duo illa potissimum docent, et res, et uerba, Siquidem neq; res ipsæ, quales gestæ sunt, perinde atque ab historicis narrantur: neq; Poëtæ ipsi uerbis semper agunt usitatis ac simplicibus, nam et rebus gestis ornatum aliunde, et magnitudinem, et decorem ubique ferè arcessiunt à figmentis uidelicet. ut cum scripturus esset Virgilius nauium Aeneæ concremationem, finxit ea quæ leguntur de Cybele, de Ioue, de nauium conuersione in nymphas:

— Cum uirginæ, mirabile monstrum,

Reddunt se totidem facies, pontoq; feruntur.

Quo enim maiora atq; admirabiliora, quæ ab ipsis dicuntur appareât, humana ad deos transferunt, fingunt monstra, mittunt insomnia, deos deniq; in homines uertunt. Comparationes quoq; quibus frequentissime utuntur, non magis ad docendum, atq; illustrandum pertinent, quam ad mouendam admirationem. Quid obsecro sibi uult aliud Cupido in Ascanium? quid Mercurius toties è cælo in terras missus? nisi ut qui legunt, admiratione impleantur? Parum profectò parum erat utiq; Maroni tempestatem describere, quæ per se ipsa magna quidem erat, atq; horribilis, sed Iunonis ad Acolum, sed Acoli ad Iunonem allocutiones admirabilem multo maxime eam faciunt, uentorum ipsorum Deo illam exciente. Itaq; intonantur magis quam dicuntur illa:

— Cauum conuersa cuspide montem

Impulit in latus, ac uenti uelut agmine facto



- Qua data porta, ruunt, et terras turbine perslant.

Quid excogitatus ad conciliandam admirationem? Re autem uera Aeneas à Lacinio Calabriae promontorio, sacris Iunoni rite prius persolutis soluens, quo praeiterita Sicilia ad horas Latinorum classem appelleret, fuit à tempestatibus Drepanum perlatus. Videte obsecro, quibus ueritatem commentis concinnauerit, quo admirabiliora cuncta redderet. Verba autem ipsa Poëtae, quique uere dicuntur Poëtae, non solum simul compangunt, aut ea nouant, ut mare ueliuolum, ut siluas comantes, horum ipsorum quae nunc a me dicuntur gratia, uerum ea transferunt: nec uerba tantum, sed orationem persaepe omnem. Quinctiam et excessum, et superlacionem ijs persaepe adiungunt à natura penitus recedentes. ut:

- — Præruptus aque mons. Et:  
 ■ — Vastos tollunt ad sidera fluctus. Et:  
 ■ Tollimur in cælum sublato gurgite, et ijdem  
 ■ Subducta ad manes imos descendimus unda.

Nec uero tenorem hunc comparandae admirationis in grauioribus ac serijs tantum seruant rebus, uerum in ijs quoque, in quibus lectorum atque auditorum delectatio uoluptasque sola queritur. ut:

- Ambrosiaque comae diuinum uertice odorem Spirauere. Et:  
 ■ — Fotum gremio Dea tollit in altos  
 ■ Idaliae lucos, ubi mollis amaracus illum  
 ■ Floribus, et dulci aspirans completitur umbra.

Singulis penè è uerbis, Venerisque è gestibus gignitur uirtus haec, de qua nobis est nunc quaestio: quam et in docendo, et in mouendo nec minus in delectando assequi Poëtae omni arte, studioque contendunt. Tu uero quid ad haec Parde? nam et grauitatem hic tuam, et iudicandi pondus requirimus. PAR. Ego quidem Paule Praesici censeo te affectum, quod disputatione hac quaeris, ipsis et rationibus, et exemplis: quae duo non in disciplinis modo, uerum etiam in uita agenda, moribusque probandis et laudis, et testificationis secum uim, auctoritatemque omnem ferunt. Ceterum quoniam à Syncro de Poëtis sermo coepit, ut ab eo quoque desinat, reliqua siqua sunt, ab illo potius sciscitare. Quin ut uideo surrexisse cum iam, interrogandi te labore liberabit. ACT. Equidem Parde dicendi paulò sic assentior, ut semper existimaui in quacumque ad dicendum suscepta materia, atque in dicendi quoque genere magnitudinem sublimitatemque ipsam Poëtae esse propriam, nunquam mediocritate contentam, quod Virgilij agricultura docere planè potest. utque implere generosos illos spiritus quicunque ratione Poëtae ualeant, caelestes etiam res mortalium rebus inse-

ruisse

mutant loca  
res, et uerba

ndi sublimitas  
locorum propria

ruiſſe eos, reſerſiſſeꝫ; carmen ſuum cōmentis, atq; fabulis, quibus ipſa ſublimitas ad ſummū uſq; hoc eſt, ad admirationē increſceret, hocq; illud eſſe, quod paulō antē dicebatur, alia quadā lingua locutos. Nā cū Oratorie ſit mediocritas æquabilitasq; illa quidem dicēdi, ſiquādo magnitudinem aſſumptura eſt aliquā, per Poētice uagatur atq; exultat cāpos, ut cognatæ facultatis, ſibiꝫ; ſiniūimæ. Qua in re Cicero ē noſtris emīnuit. Nā hiſtoria ubi magnifica eſſe uult, ubi heroica uideri ac grandis, et figuras et uerba de Poētis mutuatur. Qua de re multa et eruditē, et grauiter diſſeruiſſe mihi uiſi eſtis. Ceterum tanta rerum arceſſitarum copias, tantus etiam uerborum ornatus, tanta et rerū et uerborum ſublimitas ut de ſit, neceſſe eſt, implendæ tubæ, cantūq; Mæonio, ni fabuloſa cōmenta affatim ea ſuppedi

fabuloſa dicant  
neceſſe eſt

tent, uerbaq; fabuloſis apta rebus, illisq; explicandis idonea. Hinc:

Acris in campis latis. — Hinc:

— Cauum conuerſa cuſpide montem.

At tuba terribilem ſonitum procul ære canoro

Intonuit. — An non audientibus nobis illa capillus ipſe ſurrigitur,

animusq; concutitur, et penē horreſcit?

At iuueni oranti ſubito tremor occupat artus.

Dirigere oculi, tot Erimys ſibilat hydris,

Tantaq; ſe facies aperit, tum flammea torquens

Lumina, cunctantem, et querentem dicere plura:

Reppulit, et geminos erexit crinibus angues,

Verberaq; inſonuit. —

Itaque dum Poētæ hæc ipſa et fingunt, et ficta ſuauiſſe, magnificē, admirabiliterq; loquuntur, alios ipſi eloqui docuere. Nam imitati eos poſtea qui cauſas egere, qui in Senatu de capiendis cōſilijs diſſeruere, qui reſ geſtas memoriæ mandauere, eloquentiam perſecerūt ſolutam illam ac uagantem. Quo ſit, ut omne dicēdi genus à Poëtica manauerit. Nā et primi doctorum omnū cum extiterint Poētæ, omnia quoq; carmine, ac numeris ſunt cōplexi, teſtisq; horum omnium eſt Homerus: qui quantum ubiq; dicendo ualeat, et ſuſpiciunt docti, et admirantur indocti. Ab hoc Philoſophi, ab hoc Phyſici, ab hoc et Rhetores facultatis ſuæ præcepta et aucupati ſunt, et auſpicati. Solon quas Athenienſibus tradebat leges, carmine auſpicatus legitur. Cum que ipſe ſtultitiā ſimulaſſet legēdis, ac recitandis in publico uerſibus, quos de Salamīne bello reuendicanda ſcripſerat, Piſiſtrato, optimatibusq; omnibus collaudantibus ciues traxit ad abdicandam legem, quæ populi totius ſuffragio conſtituta fuerat, ne cui unquam de ea re mentionem facere liceret, ne ue ad populum ferre,

omne dicēdi  
à Poëtica man

laus thom.

carmine lege  
tradit

uis Poëtice

idq; capitale esse. Itaq; & decretum factum est, et Solon ipse belli dux delectus, tantum carmine illo suo ualuit. Romanorum rex Numa uersibus à se de dijs, deq; deorum rebus compositis, ijsq; in sacris publicis, ac ludis rite decantatis, ferocissimā gentem, dum id assiduus agit, ad mores humaniores transtulit, cultumq; Deimaiozem. Aperuit rerum naturam generi hominū carmine suo Empedocles, Syderalis disciplinæ Dorotheus Sidonius, quos Latine imitati Lucretius, ac Manilius. CHRISTE optime, quid copiae, quid ornatus, quantus è clarissimis luminibus eius emicat in altero splendor? rapit quò uult lectorem, probat ad quod intendit, summa cum subtilitate & artificio, hortatur, deterret, incitat, retrahit, demum omnia cum magnitudine, ubi opus est atque decoro, & hac de qua disputatum est admiratione: ut expurgatis rudioribus illis uetustatis numeris, quibus postea Virgilius Romanam illustrauit Poeticam, nihil omnino defuisse uideatur. Alteri uerò in Astronomicis, siquid ornatus, Poëticoq; defuit decori, additū nuper ac suffectum à nostro est sene. De cuius Vrania, ut arbitror, iudicabunt posteri fortasse liberius, quod certo scio, de ea sentient minus inuidenter. Quibus igitur uerbis, aut quo nam ore gestuq; asurgemus Poëticae? quæ princeps de Deo & disseruit, & eius laudes cecinit, instituitq; sacra, unde primi Poëtae sacerdotes uocati, uerbisq; eum placuit, & cantibus, docuitq; habere rerum humanarum ciuam, benignēq; cum probis agere, excandescere cum improbis. Hæc prima exaltauit ad uirtutem homines, dum animæ immortalitatem proficitur: hæc è terris piorum animos in cælum deuexit, impiorum detrusit in tartara: hæc bonis tandem præmia retribuit, malos poenis, postremisq; insecuta est cruciatibus. Salue igitur doctrinarum omnium mater fecundissima, Salue iterum. Tu enim mortalitati occurristi, inuentorum ac scriptorum tuorum perpetuitate. Tu è syluis homines eruisti, atq; è spelūcis. Per te noscimus, per te præterita ante oculos cernimus: per te Deū sapimus, religionēq; retinemus, ac pietatem, Deoq; ipsi accepti, supernam etiam in sedem ab eo euocamur, aras quæ cum ipso meremur & templa. PVD. Peregre quidem Aeli, & piē, & sanctē, immo & rectē admodum: ut sicuti à religione sermo cœpit tuus, in religione quoq; idem desinat: quodq; feruor perfractus est iam canicularis, uocamur quæ familiaribus à negotijs, soluentes conuentum hunc, et felici ter abeamus, et rectē ualeamus omnes.

P. SYMMONTIVS AEGIDIO  
Augustiniano Eremitæ s.



Ominis tui claritudo ea est, Aegidi pater, ut Pontani famæ non parum consultum iri uideam, si dialogus, quem ille tibi inscripsit, uenire iam incipiat in manus hominum. Tantum uerò abest, ut ob hanc editionem mihi forrasse quicquam debeas, ut etiam iure coactus rem tibi tuam uidear reddidisse. Accipe igitur me ministro, Pontani tui munus, & te ipsum in illius quasi speculo dicentem intueri. Quodcūq; facis, propagare me nomen illius conantem adiuua singulari eloquentia tua, qua Christiane mi Cicero animis hominū domina ris: ut intelligāt per te omnes, quantus uir fuerit Iouianus Pontanus, si qui sunt, quos præclara ipsius opera, aut nondū uisā, aut fortè parum cognita nō moueāt. Hoc melius facere quā tu, nemo potest. Nam cum eloquentiū longe sis religiosissimus, id etiā felicitate ingenij consecutus es, ut & religiosorum omniū, quoscūq; hæc tulit ætas, idem facile sis eloquentissimus. Vale.

IOANNIS IOVIANI  
PONTANI AEGIDIVS DIA  
LOGVS.

SVARDINVS, POETVS, PONTANVS,  
COLLOCVTORES.



ATÆDES IPSAS AGNOSCIMVS, qualeis urbem intrantibus describere nobis, qui portarum præfeti sunt custodiæ, & turrim suspicimus quadrangulam eam quidem, atq; in sublime editam, immincentemq; quadriuiū, atq; in loco urbis maximè celebri & nobili, uocitantq; eam Pontanianam. Quid? quòd titulus nescio quis (neq; enim oculis satis bene uitor) cuius nam ædes hæ ipsæ sint, uel declarare, uel etiam attestari nobis abunde potest. Lege obsecro, ac recita. POET. De puluere adhuc & ipse caligo aliquantum. Suffricabo itaq; oculos, excutiamq; supercilia. Ac per Iulianum hospitalem diuum, cuius ab urbis haud procul por-

tis templum uenerati sumus, eius ipsius Iouiani hæ sunt ædes, eius ipsius  
 turris, ac frequentata porticus. Titulum iam examino oculis, acie iam  
 percurro, iam recito: HAERES, SVCCESOR, DOMINVS  
 HARVNCE AEDIVM, QUIQVI FVTVRVS ES, NE  
 TE NE PVDEAT VETERIS, NEV PIGEAT DOMI-  
 NI, HAS QVI SIBI PARAVJT. COLVIT IS LITE-  
 RAS, COLVIT ARTIS BONAS, COLVIT ET RE-  
 GES. COLVERVNT EVM PROBI IUVENES, SE-  
 NES PROBI, PROBAVERVNT ET DOMINI INTE-  
 GRITATEM, FIDEM, MORES ANIMI BONOS. ETE-  
 NIM TALIS FVIT IOVIANVS PONTANVS, PRI-  
 SCI RELIQVIAE TEMPORIS. VIXIT IPSE ET  
 SIBI, ET MVNIS, SIC VIVAS IPSE ET TIBI, ET  
 TVIS, SIC LIBERI SVPERENT. QVI SI LAPIDI  
 HVIC INIVRIAM INIVRIVS FECERIS, IRATI  
 DII SINT TIBI. SVAR. An fortasse ille ipse Iouianus est, so-  
 lus pro foribus qui deambulat? Idem habitus, idẽ incessus, eadẽ statura, et  
 comptus perinde ac nobis uerbis exculptus fuit, nisi quod pede altero mi-  
 nime claudicat: quod fortasse sobrietas illi abstulit, sanauitq; diligentia  
 quod casus intulerat uitium, uisq; illata extrinsecus. Quid quod medita-  
 tum nescio quid uel ipse secum immurmurat deambulans? uel mihi ut  
 oculi, sic aures quoq; et ipse caligant. Admouebo me propius, ausculta-  
 bo propinquius. Pro dij immortales, dignam grauitate uiri sententiã, di-  
 gnũ et Poeta, eodemq; Philosopho carmen:

20 Desine sollicitare Deum, ac uim asferre precando:

21 Cui priuata hominum, cui sit quoq; publica cura.

Nec uerò sententiæ huius uis ea est, ut deo ipsi supplicandum ne sit, sed  
 quod permittenda ei libere nostra sint omnia: quippe qui quid utile, quid  
 inutile sit cuiq; et cognitum habeat, et examinatum. Cum se penumero  
 et expetantur, et summo etiam cū labore querantur à nobis, quæ pau-  
 lò post futura sunt minime utilia, ac nonnunquam uel maxime etiam no-  
 citura. Quid quod, ut ipse quidem uidet, senilem post deambulationem  
 affecit in hemicyclo? Quocirca peropportunũ nobis offertur cõgredien-  
 di eius tempus, ac salutandi. POET. Peropportunum, ut dicis. Quodq;  
 natum maior ipse quidẽ es, partibus tuis utere. SVAR. O salus multũ  
 ac diutius bonis uiuere hominibus bone senex, et quod, ut ex uultu conijci-  
 mus, facis, uitã hilariam duce. PONT. Et uenire sospites uos ac ualen-  
 tes, est dijs quod agam gratias, et mihi cõgressio istec uestra grata est ad-  
 modum.

modum, ac periucunda. Heus aut pueri, situlam capite, frigidamq; haurite è putco. Vos boni hospites, et nostrum, ut uideo, peramantes, refrigere manus limpidissima hac, et frigentissima, abluite et ora, et oculos. At uos molluscas illas siue nuces, siue persica poma, siue tarentina huc afferte. Sumite iucundissimi uiri has nostris de insitionibus fruges, et sitim sedate atq; astus nostrarum è liquore uitium, quæ nobiscum consenuere, eas enim adolentes penè seuiimus: nec semel etiam iterauimus, effecimusq; nouellas, ac nihilominus ætate nunc queruntur de senectâ. Agite igitur haustillate penulli nostri non Rhetica illa Virgilij, aut Horatij Cecuba pocula, sed nostratia hæc, tum Sorbinia, tum Montonica. Mihi credite, refrigeratione ex ipsa laudabitis iuueniles nostros excolendis ijs labores, operasq; pro rusticæ rei institutione, colendiq; arbusci præceptis impensas. Agite optimi uiri, iterate sorbillationes, et cõquiescite post desudatos labores apud hospitum beneuolentem, et peregrinari consuetum. SVAR. Mihi quidè ex ablutione reifrigerati sunt oculi. POET. Et mihi totum quidem è sorbillatione subsultat corpusculum. PONT. Bene habet, cõsedite ambo, uestrumq; uterq; sic existimet, senis huius exiguas esse pro laboribus, proq; eius in reges meritis opes, res que ipsas domesticas, amicis tamen communes, ac si non lauissimas, profluentes tamè, atq; amicorum usus expositas. Utimini ijs et hospitij iure, et literarum. Musarum enim hæc, id est CHRISTI Optimi Maximi sunt munera. Nec uerò hilaritadinè hanc in senè tam fortasse mirabimini (quantum et senectus ipsa per se tristior est, et ego me opte ingenio minus sum iocis deditus, ac festiuitati) quam, ut arbitror, commendabitis, quod mortuo nuper Petro Cõpatre, qui cum annos circiter sexaginta amicissime uixi, coniunctissimis uitæ studijs ac laboribus: et letor illum humanis his miserijs potius, quam molestijs liberatum iam esse, et me propediem iter idem ingressurum, fruiturumq; eadè libertate, et ocio celesti illo quidem ac sempiterno. Sed uos cuiates nam estis, et huc ad nos unde? SVAR. Mihi patria est Bergomum, nomen Suardino, huic uerò Pæto: quo quidè ciue meritò gloriantur frequentissimum oppidum quondam Fundi, quos, ni displiceat, appellare ausim Varronianos, quorum in agris hodie quoq; extent hortorum eius uestigia, fama; sic teneat, testenturq; ædificia. Iter uerò è Roma susceptum est nobis, quo terram hanc uiscremus Sirenum prius alticem, posterius uerò Musarum. PONT. Amabo hospites peramceni, lenocinari ubi nam tam urbanè didicistis, qui me et Sirenum cõmemoratione et Musarum, ad uos amandos etiam non antè uisfos nec cognitos, tam blandè allicitis? Et Sirenes illæ quidem loca hæc tenuere, quæ, ut Cicero nosser ex Homeri dictis tradit:

- » Tum graue certamen belli, clademq; tenebant,  
 » Græcia, quam Troiæ diuino numine uexit,  
 » Omnia tum è latis rerum uestigia terris.

Vel, ut Homeri uerba Poëticis sine numeris propria reddam, sciebant quæcunque in terra gererentur rerum plurimarum parente atq; altrice. Et Homerus ipse declarat eadem quoque loca Musas incoluisse, cum illa ipsa Sirenibus tribuit, quæ sunt Musarum. Quorum enim numinum, nisi harum ipsarum est scire, quæ sit rerum, quæ in terra fiunt, geruntur, gignunturq; natura? Id quod apertius multo, ac luculentius Virgilius expressit, cum dixit:

- » Me uerò primum dulces ante omnia Musæ,  
 » Quarum sacra fero ingenti percussus amore,  
 » Accipiant, coeliq; uias, et sidera monstrent,  
 » Defectus solis uarios, lunæq; labores,  
 » Vnde tremor terris, quæ ui maria alta tumescant  
 » Obiicibus ruptis, rursusq; in se ipsa residant,  
 » Quid tantum Oceano properent se tingere soles  
 » Hyberni, uel quæ tardis mora noctibus obstet.

Quæq; alia maximo à Poëta, tanta cum grauitate et uerborum, et sententiarum referuntur. Sed me fortasse ad hos ipsos congressus prædia inuitat mea Virgilianis finitima. Cum etiam illorum cultrix Patuleis fuerit nympharum hortensium peritissima, cuius uiculus ipse hodie quoq; non men retineat: meorum uerò Antiniana, non tam hortensium deliciarum perita, quàm siue admiratrix, siue studiosa. Sed quid quòd in hac ipsa Musarum commemoratione, uestrum utrūq; lacrimas uix tenere iam uideo? SVARD. Equidem ego, pro Poëta quoq; ut respondeam, ipso Musarum nomine excitus sum ad lacrimas, Mariani heremite memor factus, qui nuper maximo cum desyderio Christianorum omnium, Italiaq; præsertim totius, his in locis diem obiens, naturæ concessit. Dum Musas in ijs Christianas et colit uenerabiliter, et illarū secreta per diuorum templa, perq; ædium sacrarum pulpita mortalibus et enucleatissime aperit, et suauissime etiam decantat. PONT. Sistite amabo lacrimas, ac uiri potius manibus gratulamini, qui nunc coelestibus cum Musis arcana Dei introspicit, uel fruitur illis potius, eaq; Aegidio coniunctissimo sibi homini Musas per ipsas inspirat: quarum hic sacra Christiano etiam ritu, et pientissime colit, et decreta etiā eloquentissime interpretatur, diuulgatq; inter populos: ut ea quæ nuper Lustricis diebus in cōuentu innumerabili etiā cuiusque modi generis mortalium ediffertauit, quæ nunc si retulerim (sat scio)



nōn me exiguum vobis Mariani obitus solamen allaturum, nequaquam tamen ut qui uim assequi, ac copiam dicentis eius ualeam. Siquidem sermo hic noster porticibus tantum assuctus est, paucorumq; cōseñtionibus. Cum illius ex ore uideri possit scatere fontis, fluminaq; ingentia demanare. Verum degustatione ut ex ipsa intelligatis, quem Marianus successorē reliquerit, quemq; sibi post illius obitum Christianæ Musæ antistitem coopta uerint. Dicam igitur, hunc quoque fructum referendis ijs uobiscum etiam ipse collecturus, quod conceptum interim ex itinere, æstiuisq; pulueribus laborem ac molestiam sedendo, atq; audiendo leuabitis.

Nequij̃t ò uiri Christiani uetus illa philosophia, boni ipsius speciem intueri, uel bonum ipsum potius et summum, et consummatū. Quippe cum CHRISTVS esset neq; ab antiquis philosophis uisus, neq; ab illis aut auditus, aut cognitus. Ille nanq; ipse, ex illoq; perq; illū, bonum existit ipsum, deq; illius fonte bonitas omnis manat, de fluuiq; bonorū omniū riuui: multo aut minus potuit ueritatē agnoscere, quādo idē ipse CHRISTVS ueritas est, nec bonum aut uideri, aut intelligi nisi per ueritatem potest. Idem ipse igitur CHRISTVS ē ueritas est, ē bonū, in eoq; utriusq; ē ueri, ē boni collocata est species, ex eoq; et uerum demanat, ē bonum: ac per eum ē ueritas ipsa agnoscitur, ē boni ipsius natura qualis sit, quæ que etiam siue species eius, siue idea. Minimè uerò omnium, uetustas illa in tenebris constituta cum esset, uersari in luce potuit. Veritas autem ipsa luculentissima cum sit, neq; quicquam aut sciri, aut intelligi nisi per ueritatem queat, sitq; ueritas ipsa CHRISTVS, nimirū et lux ipsa CHRISTVS est. Idē igitur CHRISTVS ē bonū, ē ueritas, ē lux est, idem quoq; ē uita. Vivere enim uerè dicēdus is est, qui ē solū quidē, ē semper est: qui autem est eiusmodi, semper uiuit, quoniam semper est. Cū cæteris quidem omnibus usuueniat, aut esse quando que cœpisse, aut aliquando contingat fore. Quin ē que fuerit, ē que futura sunt, quæ que aliquando cœperunt, ab eo necesse est esse, ut quæ ē fuerint, ē futura etiam sint ab illo, qui semper ipse quidē est, deq; eo tantum dici ē recte, ē uere quod est, potest. Ille igitur ipse uiuere solus dicendus est, illi etiam soli uita nomen ascribendū. Quis hic autem nisi CHRISTVS est? qui cum patre quidē suo semper est, ad eum ipsum si respicias: sin ad homines, ē fuit cum patre ipso semper, ē cum eodem ubiq; futurus est. At mortuus est CHRISTVS, nobis quidem, ac corpori mortuus, sibi uerò nunquā. Quæ enim uiamoriatur, qui ipse quidē uita est? quo etiam pacto extingatur, qui lux est? quo uero modo esse desinat, qui ē solum, ē semper est? At pependit in cruce, pependit autē, quia uoluit: uoluit uerò, quia bonus est. Quid hoc igitur

Sermo Aegidii  
ad populum.

tur mirum? quando ipse etiam bonum est, cum boni ipsius proprium sit benefacere. Quod nam autem beneficii genus conferri maius potest ab urbium rectoribus ac populorum, quam ut pro eorum salute uitam ipsi suam obiecerent periculis? Atqui maius fortasse beneficium illud fuit uoluisse nasci, subireq; hominis munus, quam mori: nam ex quo subire hominis conditionem uoluit, ut mortem quoq; adiret, par quidem fuit, quando hac ratione succurrere hominū generi maximè uoluit: neq; maius homo homini conferre beneficium potest, quam ut uitam pro illo obieceret. Deus igitur cum sit ipse beneficentissimus, quo nullum profectò beneficentius sit, conferre in hominem munus decreuit. An fortasse ut parum pius, ut generis hominum neglector, quorum quidem esset amantissimus, quos ipse in lucem genuisset, quo uitæ fruerebantur muneribus, eosdem pateretur à tenebris submergi, et sub morte perpetua laborare caligantes? Inter tyrannum quidem, bonūq; rectorem ac regem hoc interest, quod ille asper, acerbus, insolens in subiectos est, incedit stipatus satellitibus: non patitur se ab illis adiri, infestatur illorum flagitia: non ut corrigat, uerum ut rapiat, torqueat, enecet. At hic et commonefacit errantes, et clementia in illos utitur: ac non solum in conspectum admittit, aditum ad se petentes, uerum ægrotanteis illos uisitat, dolenteis præsens solatur, aduersis in rebus coram et adhortatur, et illis adest, participemq; sese mœroris exhibet, ac molestiarum. At Deus optimis et principibus, et regibus omni genere humanitatis, beneuolentiæ, caritatisq; maior ac potior est. Voluit igitur quo parte ex omni munus suum impleret, subire hominis officium, et ut homo quoq; inter homines uersari, caritatemq; suam quo maiorem ostenderet, pati etiam illa quæ essent hominum. Quid tu hic oblatrabis o ingratissimè hominum? An quod necesse esset Deum illa pati? In Deo tu ne mihi, eiusq; in uoluntate necessitatem prætendis, qui nullis indigeat, nullam aut parem timeat, aut maiorem potestatem? Quæ tu necessitatem deblateras? beneuolentia illa quidem fuit, pietas, amor, caritas. An Decios, patrem, filium, nepotem necessitas traxit pro Romano se ut populo deuouerent? An alios etiam ciues, popularesq; inclytarum et urbium, et populorum? Amor (mihi credite) amor, et boni publici studiū traxit illos ad mortem uoluntariam. Incurrit sponte in uenatoris speculū lea pro tutandis catulis, incurrit suæ: neq; omnes tamen aut suæ aut leæ, sicuti inter ciues nec omnes quidem pro patria ruunt in ferrum, aut, ut Virgilius ait, pro libertate, sed optimus, ac generosissimus quisq;. Videlicet Deus Optimus, Maximus, piensissimus, beneficentissimus uinci se ab optimo ciue patitur, cum ipse non ciuium aut contribulis sit, aut æqualis, aut ut è multitudine

Æne unus, uerum pater, educator, rector. Quid igitur de necessitate obla-  
 tris? quæ caritas quidem est, ac paterna etiam caritas, ac tanto etiam pa-  
 terna affectione maior, quanto Deus ipse rebus omnibus præstat, nulliq;  
 aut indiget, aut subiectus est, minimeq; aut precaria eius potestas est, aut  
 uicaria, sed omnium ut maxima, sic etiam arbitraria. At quis cogat Deum hu-  
 manus subire sollicitudines atq; affectus? nulla profectò uis, eadem quasi  
 tamen Deum inducit caritas, quæ et hominem patrem familiars inducit, tra-  
 nato mari, periculosissimis exanclatis procellis ac laboribus alijs, in Li-  
 byam enauigare ad gentes nationesq; prorsus ignotas atq; humanas, quo li-  
 beros tueatur, locupletetq; rem familiarem. Paulinus Nolanus Episcopus,  
 mulierculæ comotus precibus, filium eius quo redimeret à prædonibus,  
 in Africam profectus est. Videlicet ab homuntione in hoc ipso officij genere,  
 alijsq; pietatis ac beneficentiæ Deus uincetur numeribus? An quem Deus  
 ipse effinxit hominem, quæ imaginem ac similitudinem referre sui ipsius in ter-  
 ris uoluit, quæ animalibus præfuit cunctis, aspernabitur, eiusq; res negliget,  
 contemnet, destituet: nec periclitanti ei succurret, afferetq; suppetias? Suc-  
 currit autem ei, et in CHRISTO, ac per CHRISTVM. Credidit antiqui-  
 tas omnis Palladem Iouis è capite genitam, quo numerum auget de aris,  
 perq; eam hominibus sapientiam ostenderet: non credes Deum ipsum, ac ue-  
 rum Deum rerum, rerumq; creatorem omnium per CHRISTVM filium succur-  
 risse mortalibus, in ruinam prolabantibus? per illius sapientiam liberaſſe ab er-  
 roribus, in quibus immersi erant, restituisseq; in antiquam gratiam, per poenam  
 ac supplicia? quæ ille uolens sciens, libensq; perpeſſus est. Credidit gens omnis,  
 credere feræ etiam nationes, atq; exleges, è Deo genitosq; insigni aliqua  
 uirtute præditi essent. Potuit igitur uirtus aliqua rara quidem illa, atque  
 excellens id efficere, ut dii à cæteris illi esse crederentur. Tu uero in hoc  
 hæsitabis, dubitabis, nullo modo credes, ut pro humani generis salute,  
 CHRISTVS sit è Deo Deus, è luce lux, è salute ipsa salus facta mortalium.  
 Credidit præcipue Aegyptus, diuino ex afflatu puellas concipere, atq; hac  
 ratione à dijs et posse, et solere homines gigni, magni alicuius negotij  
 ac boni gratia. Tu autem in tanta perditione mortalitatis uniuersæ homi-  
 num, non credes Deum eorum creatorem uoluisse illis prospicere? Hoc  
 igitur in hæsitanter credamus: hunc Deum fateamur, ueneremur, colamus:  
 huic consilia nostra omnia, actionesq; permittamus. Et quæ fides necesse  
 est cunctis ut præsit disciplinis, eam religioni quoq; adhibeamus, sine qua  
 nec ueritas nota esse nobis potest, nec boni ad nos pars ulla perungere, nec tam  
 in tenebris lux certa splendescere, deniq; nec uitalis uita duci, cum alia  
 ratione uita ipsa mors sit, mors uero omni è parte miserabilis ac perpetua.

PONT. Hec igitur per Christianas Musas Aegidio Marianus cum diuis agēs inspirat. Quocirca eius cōmemoratione desinite obsecro lacrimari, quin illi ipsi potius gratulandum ducite, quando consecutus est per mortem, quod uiuus per sudores maximōs, plurimūq; uigilias assequi laborabat. Ac terræ quoq; huic gratias agite, ē qua mortalibus exuperatis laboribus in cœli euolauit: ubi sanctissimis cum uiris agens luce fruitur nō solis quidem eius, mundum qui illustrat uniuersum, sed luce ea, quæ ē Dei mente profundens sese, & fouet eos, quos ad se euocauit, et inuitat ceteros, qui Dei ipsius memores, lucē eius intueri uolunt, ac per eam tenebras mortalitatis effugere. Mihi quidem (nesciam fortasse an parum Christiano ē ritu, forsā & supra quā Christianum decet hominem) uenit in mentem, in Mariani memoriam hymnium ludere, inq; eius honorem decantare cum familiaribus: quem quia nō displiciturum uobis intelligo, referam in hoc præsertim ocio. Is autem talis est:

- » Qualis Alpei liquidos ad amnis,
- » Siue Meandri uiridante ripa
- » Concinit seram moriens in ipso
- »                   Funere cygnus.
- » Talis ad plectrum, ad thyasos deorum
- » Ludit in cœlo Marianus, ipsa
- » Morte uicturus Marianus, ipso
- »                   Funere felix.
- » Ipse sis felix, faucasq; nobis,
- » Ipse ades fœsis Mariane rebus.
- » Tu preces audi miserorum, & iras
- »                   Siste tonantis.

Ego uerò ornatissimi uiri, ita quidem mihi semper persuasi, & penē exploratum duxi, opinionem eam, quæ à leuissimis quibusdam hominibus probata & culta inoleuit, de animorum deliquatione, nuperrime à minutissimis quibusdam Græciæ philosophis, ac Cyrenaicæ renouatam: quæ esset ab ignorantissimis Persidis ac Iudææ physiologis tum ob ignorantiam, tum ob uitæ morumq; lasciuiam multo antè excitata, cum sanctissima illa, uetustissimaq; immortalitatis opinio cum hominibus simul ipsis ab initio increuisset, quemadmodum & religio, quæ nobis ipsis à natura est insita. Quæ nam enim tam fera gens est, tamq; moribus & cultu barbara? quæ non in Dei cultum aut admittat tradita ab alijs, aut non & ipsa quoq; excogitet, quæ ad decorum maiestatem colendam magnificentiamq; conferre intelligat, & illorum cultu digna esse, sibi habeat persusum.

suasum. Memini Lucium filium uix quadriennem, in sinu nutriculæ quiescentem animaduertisse per fenestram, in clarissimo sole repente è cœlo defluxisse pluuiam grandioribus guttis, quæ à sole illustratæ mirificè splendebant; miratumq; rem tantam aliquantum fuisse, moxq; ad me conuersum dixisse: Anò tata Deus illic est? Adeò itaq; à natura inest homini religio, ut quadrimus puer de cognoscenda Dei natura esset sollicitus, à splendore illo luculentissimo adductus sibi ut persuaderet, Deum illic inesse. Ab initio igitur homines, post obitum optimorum siue regum, siue ciuium, siue institutorum, siue etiam doctorum hominum, manes eorum uenerati sunt, eosq; inter diuos retulerunt, posueruntq; aras illis ac templa: nec Græci id modo seruauere, ac Latini, sed nationes (ut dixi) omnes, etiam feræ, atq; immanes. Atqui hoc nequaquam fecissent, nisi apud eas immortalitatis animorum uiguisset opinio: quæ quibus si defuisset, an sollicitari eos tantopere par fuisset in illis præsertim, quæ nihil ad ipsos attinerent? Nam cur obscuro introductum esset in funcribus, orare deos pro mortuorum manibus, illorumq; pacatione, atq; accessu ad pios, ac felices locos, simul si cum corporibus et animi interissent? Vt igitur sanctissima, sic antiquissima etiam, ac naturalis est de animi immortalitate opinio: cōtrà ut uitiosissima, maximeq; profana, sic etiā nuperrima mortalitatis, habuitq; ortum non à populo, rudioribusq; hominibus, quod minus fortasse mirum haberi posset, uerum à perditissimis quibusdā literatis, qui et ingenio abusi sunt, et literis, non aliter quàm qui gladium inuentu ad usum uiuendi, ac securim, et cultrum conuerterunt post ad rixas atq; homicidia. Itaq; et ingenio, et natura abutitur, ac Dei immortalis dono, qui aliter de animorum natura sentit, quàm illi ipsi sentire, qui rerum origini propiores fuere, ab initioq; et urbes constituere, et conuentus hominum, honoremq; habendū decreuere sepulcris, prosequendosq; funcribus mortuos. Equidem ego maximum semper impietatis esse genus duxi, in honoratos præterire eos sinere, diem qui obissent. Cum uideam infestissimos exercitus post conflictus, cædesq; teterrimas ac truculentissimas, sepeliendis mortuis indutiari dies decernere: adeò quem in acie occidit uictor hostis, honorem post illi sepulture, atq; inferiarum nō denegat. Quo circa in bene constitutis et urbibus, et familijs, annua sacra siatis etiam diebus, soluendis inferijs decreta sunt: quod quid est aliud, quàm manifestissimus gentium quidem omnium consensus in declarandam animorum perpetuitatem? Nec uerò cōmendandum, siquid pietas ipsa suasit superstitiosus, quod tamen ratione corrigendū est: tamen si cum rusticanis, minusq; exculis gentibus ac populis agendum est fortasse minus exalte,

in sacrificijs ac solennibus pompis, quemadmodū et in cultu corporis reiꝑꝰ familiaris agrestiore illo quidē, nec tam polito. Scripsit Augustinus libellum de cura erga mortuos adhibenda: quidni uir ad hoc pijsimum opus adhortaretur homines, et sanctus, et Christianus? qui sciret antiquissimum hoc esse, maximeq; secundum naturam. At cum Anchise dixerit aliquis:

” — Facilis iactura sepulchri.

Nec uerō nos accusamus, si quis honorem sepulture neglexerit, quod fortasse ad modestiam referri debeat: sed et improbum et nefarium ducimus, qui quem debet, et præstare potest parentibus, cognatis, amicis honorem post mortem, aut omnino id noluerit, aut parum certe curauerit. Itaq; Virgilius, ut fuit et ipse cum Aenea suo pietatis studiosissimus, inducit illum ægerrime ferentem amici naufragium, his uerbis:

” O nimium pelago, et cælo confise sereno,

” Nudus in ignota Palinure iacebis arena.

Videlicet propter non solutos illi honores funeris ac sepulture. Quod seruandum eo diligentius suadeo, quod non exiguum sit siue argumentum immortalitatis, siue cōmonefactio, cum ijs in sacrificijs requiem illis sempiternam et hymnis comprecemur, et obsecrationibus. Sed facessat nostra hæc oratio, assurgamusq; doctissimis uiris ad nos uenientibus, Francisco Puccio, ac Romano Thamyræ, deq; more porticum uisitantibus.

PONTANVS. PUCCLVS. THAMYRAS.



Porticus uos nostra expectat, magna cum uoluptate, et ego ipse aduenienteis uos Casinate ex agro sospites atq; letos amplector ex animo utrunq;. Quid tu tādē Pucci inde noui, immo ueteris ad nos afferis? nam Thamyræ satis scio, eo in agro parum omnino esse uersatum. Dic igitur siquid uetustū, porticuq; hac in ipsa dignū inde afferis. P.V.C. Affero quod omnes quidem uno ore consentiunt, speculaculum quod hodie quoq; illic extat, perbreue tamen atq; concisum, Varro nis esse monumetum, scriptum tamen nullum id indicat. Certi uerō haberi illud tantum potest, quod Virgilius ait:

” — Aruncos ita ferre senes.

Siquidem omnes in hoc conueniunt et ciues, et coloni. Illud autem delectaturum te admodum confido, quod nuperrimū quidē est, oraculum tamen quasi quoddā futurum honestarum literarum studiosis. Scis enim, et ego ipse satis scio, unā te nobiscum nec aut lacrimas tenere potuisse, aut gemitum.

gemitum, nunciato obitu Gabrielis Altij, Pollicastrensis antistitis hominis tecum à puero educati in literis, uersatq; in disciplinis summo cum labore & studio. Scis inquam non multis antè diebus eum obiisse, & clarum nostris in literis, & Christianis disciplinis excultissime institutum. Refram itaque de eo ipso, me a' que huic orationi, uel etiam iureiurando Thamyra hic astipulari potest, quod de illo monachus nobis Casinensis retulit, singulari sanctimonia sacerdos, & uitæ simplicitate inter monachos ipsos notus ac uenerabilis. Is igitur, facta re diuina, cum honestiorum in secessum nobiscum deambulans, utrunq; nostrum perduxisset, ita quidem aggressus est: Ego uero ô filij, ni Dei flagellum timerem, ab his abstinerec diuini, parcerec que huic sermoni: siquidem nuntius hæc magis quam enarrator aliquis, uobis trado, supplicij quidem acerrimis silentio meo propositis ab eo ipso, qui hæc ut refram uobis, iniunxit. Dormienti mihi matutinum sub tempus antistes astitit, humana quidem maiestate augustior, lituum præferens, in meq; intuens inquit: Rerum atque hominum pater CHRISTVS, te ut adirem iussit, à somnoq; excitarem: expergiscere igitur, ac peracta prius re diuina, illos adiuestrum utrunq; significans, & nominus simul & patriæ, unde oriundi es, admonens; quocirca hæc illius ex ore uobis affero. Significare Deum sibi parum placere, abuti uos oratione, nugis tantum, fabellisq; inanibus decantadis, satis esse lussisse uos in adolescentia, in ipsoq; ætatis flore: ceterum ut herba, ut arbuscula è floribus postmodum fruges proferunt, eadè uia, ac multo etià maiori studio (quãdo ratione quoq; præditi estis) post lusus, iuuenile sq; delicias, fruges afferre uos oportere, easq; diuinis hominum ingenij celestibusq; donis cõuenientes. Declarare item, Musas quas uos appellatis, eas pietatem esse ac religionem, CHRISTVM ipsum deniq; hunc igitur colere uos iubere, in eius honore Musas uestras, id est, orationem tãta cū excellentia uobis cõcessam, cõuertere. Quod nisi cissetis, lituum extulit, tanquã eo uos percussurus, atq; irato similis abiit. Ego somno solutus, maximoq; horrore exterritus, ad aram statim profectus sum, ueniãq; à Deo precatus, ea quæ et uidi, & audiui iussus ad uos deferro. Hæc monachus. THAM. Quin & illud etiã addidit, uti eadem ipsa literatis omnibus dicta ac madata esse putarem: Idq; etiam teneremus, quemadmodum nascentibus nobis religio statim comes adderetur, sic præstandum esse, religio ut eadem comitaretur etiam morientibus. PONT. Equidem ego ô Thamyra cū rerum naturæ ordo mirificus sit, magisq; mirari illum posimus, quã ingenio omnino assequi, arbitratus sum semper, ac pro cõperto duxi, diuinã illam cumulatissimãq; bonitatem, quæ in CHRISTO sese paterna cū caritate ostendit hominibus.



generi, multis quidē ac diuersis modis sese aperire mortalibus, quodq; res hæ inferiores, quæq; naturales dicuntur à phisicis, æthereis ab illis comotionibus temperentur, non exiguum quidem hominī cum illis esse cognitionem, quam per ipsam fabricator ille omnium, moderatorq; ac rector Deus multa bonis præsertim uiris, nec raro etiam peruersis, emendā dorum ipsorum gratia, et signifi- et, et pōtendat, præcipue autem humanis quiescentibus curis, atq; inter dormiendum, ut aliquando dii ipsi nobiscū perinde ac humano assumpto ore loqui uideantur, unde oracula sunt à prudentibus quibusdam di-cta. Ne uē autem in enumeratione oraculorū ipsorum, antiquitatisq; testimonijs uos occupem referendis, de me ut loquar, ego ipse ita sepe dormiens commonefactus sum, ut quæ pericula nec antē timuissē, neq; prius agitaissē animo, uigilans postea tutus, liberq; commonefactione ex ea facile præterierim. Sunt qui ad naturam hæc omnia, atq; ad curas ipsas nostras diurnasq; ad actiones referant. Ego uerò quæ ad diuitiatem pertinent, nesciam quomodo naturæ huic elementari ascribam. Quid enim in se habet diuinū aut sanguis, aut pituita, aut utraque bilis? aut quatuor hæc simul etiā suos per numeros, atq; ad amussim concreta? quippe quæ nec coire, aut concresecere unā quidem possint, præterquam æthere informāte, æthereisq; agitationibus: quarū profectō cognitione, et quādā quasi cōtāge Deus ipse utitur, in hominibus cōmonefaciendis. At dices, unde nam species illa Polycastrensis antistitis tam citō, tam repente informata extitit? eadem profectō et ratione, et uia, qua mens nostra triangulum, pyramidem, syllogismum suis ē partibus informat, colligitq; perfectum undiq; illum atq; absolutum, qua lignarius fāber et arcem, et scrinium mente ipsa concipit, qua etiam pictor, sculptor, constator imaginem. Quod igitur mens hominis in se ipsa præstat tam facile, non poterit æthere illa præstare cognatio ac uis, rebus nostris prospiciēte Deo? inq; quiescentis hominis mente informare imaginem humanæ similem, quæ futurorum nos tandem admoneat? Quod si æthereis à magistratibus inferiores quidem res temperantur, nimirum illi ipsi magistratus sciunt, quæ in futurum ipsi agitent, perinde ut artifices minimē ipsi ignorant, quid animo cōceptum habeant, quidq; etiam apparent. An non sæpenuero ratione hac clades urbū, calamitatesq; populorum sunt antē uise, ac longe etiam prius, quā euenirent, significatæ? At nō omnibus hoc contingit hominibus. Neq; omnibus etiam terris omnes cōtingit ferre siue arbores, siue herbas, aut fruges: perindeq; ut latet modus hic, neq; omnino compertum est, qua uia hoc ipsum contingat in terreno solo, sic neq; palām est nobis, quo nā modo cognitione ex illa ætherea hæc ipsa

usū

vsuueniant dormientibus, ac nonnunquam etiam uigilantibus, cueniunt  
 tamen. Itaq; dum ad naturam cuncta referimus, naturæ ipsius partitione  
 parum recte mea quidem sententia utimur: cum alia quidem elementaris  
 sit, eaq; sublunaris, uaria, inconstans, dubia, seruitio assuetæ, atq; in inter-  
 ritum prona: alia ætherea, immortalis, atq; in imperio constituta, tamen  
 et ipsa quoq; corporea, etsi nullis casibus, nulliq; corruptioni obnoxia.  
 Est item et alia omni profectò concretionem corporeaq; condicione libera,  
 immortalisq; ac Deo ipsi tantum uacans, quippe quæ diuina illius luce tan-  
 tum fruitur, ministerijsq; ab illo distributis solimodo adest, atq; intenta  
 est. Nec nos paret, qui quidem ignoremus, quæ uia trahatur à magnetè fer-  
 rum; uelle naturis illis præscribere, ac præscribi incorporeis? At dicet  
 quispiam, trahit ferrum magnes ab insita uis: quasi uiribus suis careat, mul-  
 to quidem præstantioribus, nulliq; corruptioni addictis, tum ætherea illa  
 natura, tum etiam alia illa excellentior incorporea quidem, imperioq; or-  
 nata, mundi; totius gubernaculo præfecta ac ministerijs. Vsuiuenit igitur  
 in hac ipsa naturæ persecutione non paucis philosophantium è nu-  
 mero, quod uel etiam plurimis in agricultura exercitatis, dum agro tan-  
 tum stercoreando intenti, nec seminis animaduertunt naturam, nec coeli ac  
 regionis, quorum primæ ferè partes habendæ sunt. Obsecro uos uiri optimi,  
 mane oriente sole, non ne statim lux ipsa puncto temporis dispersa, coelum  
 hoc uniuersum irradiatione sua illuminat? Atqui lux à sole existit, sol ue-  
 rò ipse corporeus est, quod oculi ipsi sentiunt: potest igitur è sole profluens  
 lux tenuitate sua, incomprehensibiliq; illa celeritate, eodem simul puncto,  
 tantam aeris, maris, terræ uastitatem illustrare: nec tamen poterit eodem  
 ipso momento ministri illi diuinæ maiestatis uel supremo ex æthere ad nos  
 euolare? incorporei ipsi, neq; ut solaris lux è corpore iaculati? quod non  
 miraris in candela à te ipso accensa, in Deo id miraberis, celestibusq; siue  
 substantijs, siue ministris? At dicet quispiam: Neq; Dei est laborare, neq; oc-  
 cupari in negotijs. O ruditatem insulsissimam hominis, qui Deum ut ho-  
 minem metiatur, ut operarium aliquem, ut redemptorem opificem. Nihil  
 agit prorsus Deus, nihil omnino laborat, cuncta tamen agit, moderaturq;  
 ac regit omnia, nullumq; inde laborem sentit: ac si non sit in assiduo coe-  
 lum motu, nullam tamen inde defatigationem agnoscat, licet corporeum,  
 licet immensum. Tu uerò Dei super defatigatione tantopere quidem soli-  
 citus es? Igitur in natura omnia qui reponunt, eadem illam si, qua decet,  
 ratione cõtemplarentur, desineret profectò tam esse, quam certe sunt per-  
 tinaces, ut quæ uerius dicam, proterui. Ad hæc, quid ignorantius, ratio-  
 neq; utenti indignius, quam inferiori huic naturæ tantum tribuere, ei;

tribuere, eiq; ex toto incumbere, de superiore uero illa, nullo prorsus modo cogitare, nec quam omnes quidē debemus, habere rationem? ut per superbiam quidē ignorantiamq; dignitatem ei suam, suasq; et partes uelimus per improbitatem adimere? Nos igitur antistitis Altilij monitis, quod uos rogo hortorq; obtemperantes, ita quidem uitae transigamus reliquū, ut quoniam in maturitatem seges nostra iam intendit, frugem eam studiorum nostrorum, orationisq; ipsius, qua hactenus in flore quidem usi sumus, in usum, comodaq; afferamus illorum maxime, quos ad hæc ipsa studia scriptis nostris, multiplicibusq; laboribus ac uigilijs inuitamus: ut nec eos poeniteat imitationis, nec nos uigiliarum pigeat, inceptiq; tanto opere laboriosi. Quid enim laboriosius, quam in eloquendi materia uersari? quæ tametsi cōmunis atq; exposita est omnibus, in ea tamen nationes quidem plurimæ mutæ sunt, è ceteris autem siue populis, siue gentibus pauci in ea admodum ita claruere, ut sapientiam quidem miscuerint cum dicendi arte, ac scientia. v v c. Nos quidem bone senex oratio hæc tua, quam Oraculum ipsum, non minus incendere ad dicendi frugem, ad quam ipse hortaris, iure suo potest: quando iniquitate temporū factum est, plurimis ut etiam seculis dicendi laus à disciplinarum cognitione seiuncta fuerit, cum antea quidem nemo doctus, quin idem quoq; esset eloquens. Sed eloquentiæ studium post Romani imperij declinationem prorsus interiit, uixq; Grammaticæ ipsius perstitere uestigia, cum tamen discipline ipse in honore essent habitæ: id quod Physicorum Theologorumq; multitudo, quæ post Boëtium extitit, planè declarat, tum in Hispania, tum in Gallis, Britannijsq; ipsaq; in Germania. Quæ quidem de causa haud ita mirū uideri debet, eloquentiæ si defuere studia. Tamen et spes est breui futuris, ut eloquentia cum doctrina tum naturali, tum diuina in gratiam redeat. Cum minime per te steterit Iouiane, quo minus moralis cognitio Latinis fuerit literis illustrata, syderaliumq; rerum notitia, quam pluribus etiam uoluminibus ita complexus es, ut syderū effectiones cum physicis etiam causis coniunxeris. Nec defuere etiam aut desunt, qui è Græco multa in Latinum sermonem transfulerint, maxima etiam cum dignitate atq; ornatu. Reliquum est igitur, exemplis ut ijs, atq; adhortationibus non minus quam oraculo ipsi Altiliano satisfacere studeamus. Tu uero quid ad hæc Thamyra? THAM. Magna tunc me quoq; spes tenet breui fore quod dicis, cum Græcos uideam tum Aristotelis, tum Platonis libros uersari in philosophorum nostrorū manibus, antiquasq; illorum interpretationes aut passim abijci, aut parum omnino placere: utq; alios taceā, non ne Aegidius noster magna cum consecratione Eremitarum suorum totus Græcis est literis.

est literis deditus? Sunt ex alijs quoq; sacerdotū siue ordinibus, siue seclis  
nō pauci, qui eadē et ipsi delectatione, studioq; teneantur. Sed nos o Puc-  
ei ita quidem confessionis huius memores esse oportet, ut quæ porticus  
ipsius lex est, eam cum primis sequamur: quippe cū differendi locus suus  
sit cuiq; relinquendus: tuq; ipse iam uideas, dum hæc à nobis differuntur,  
plures interim conuenisse, et ad dicendum, et ad querendum, quod ex  
uultu quidem intelligo intentissime paratos. Quamobrem ordienti iam  
Carboni, ut Musarum sacerdoti ore faueamus. Sic enim antiquis à sacerdo-  
tibus in sacrificijs silentium olim imperabatur.

HIERONYMVS CARBO,  
PVCCIVS, THA-  
MYRAS.



Principio sedes apibus, statioq; petenda,  
Quò neq; sit uentis aditus. —

Huiusmodi exorsus est principio Virgilius, cum de  
apium rebus naturaq; esset præceptorus. Mirum est au-  
tem unde coeperit, et quæ sit à re auspiciatus. Videlicet

et prudens Poëta, et cautus habebat ante oculos, quam imbecilla esset  
apium natura, quodq; in condenda illarū urbe potissimum erat inspicien-  
dum, locus ut is eligeretur, qui incolentium uita esset præcipue accom-  
modatus. Idq; et prudenter, et appositè, et secundum naturam. Sed quid  
quod in primo libro qui est de segetibus, ab ipsa statim aratione coepit: nec  
aut quæ esset natura soli, aut quæ regionum, antè considerandum admo-  
nuit? cum præsertim genere in hoc scripti, quod didascalicum Græcono-  
mine literatores nostri uocant (pertinet enim ad erudiendum siue audito-  
rem, siue discipulum) ab initijs quibusdam etiam remotioribus autores  
quandoq; incipiant. Non ne Ouidius cum de mundi esset constitutione lo-  
cuturus, à re etiam incomperta exorsus est?

Ante mare, et terras, et quod tegit omnia coelum;

Vnus erat toto naturæ uultus in orbe,

Quem dixere chaos. —

Itaq; dum hæc considero, ignorantie meipsum et accuso, et damno.  
Cū mihi ipsi hac in parte nullo modo satis faciā, ac præsertim uideā Iouia-  
num, qui cōsolationi huic nostræ præsidet, locuturū de Citriorū natura, ut  
de arbore peregrina, ut de cultu eius à nemine tradito, coepisse à loco un-  
de in Italiam aduecta fuerat, ac de arboris ipsius primordijs, quanquam  
fabulose, poetico tamē more tradidisse, ne autè de cultu eius præciperet,

quàm quæ & qualis esset arbor, ostendisset. Quocirca ad te quidem me conuertam, ô Thamyra, siquid à Iulio Pomponio, cuius auditor fuisti, & cultor, ad te item Franciscæ Pucci, cuius erudimenta illa Grammatica fuisse sub Politiano: quos & rogo, & obsecro, ne inuideatis nobis, siquid inquam ab excultis illis uiris habetis, quod ex eorum sententia affirmare possitis, in re mihi perquam difficili: uobis uerò, ut arbitror, nec dubia, nec inuestigatione uestra indigna. THAM. Mihi quidem, etsi Pomponius & diligens fuit, & cultus in explanandis Poëtis, permultaq; quod mercatores sunt soliti in explicandis mercibus, quasi peregre à se quidem aduecti ipse exponeret, non tamen in mentem uenit in interpretandis illum Georgicis, in eiusmodi quæstionem unquam incidisse: nesciam tamē an ne aliquid Puccius habeat hac in parte de Politiano quod referat.

PVC. Neq; ego quidē memini quippiam ab illo explicatum, itaq; tuam ipsi potius quæstionis huius Hieronymæ solutionem expectamus. HIBR. Atqui provincia hæc prorsus tua est Pucci, his in rebus annos tam multos qui uersere, summa cum autoritate & gratia. PVC. Quod & anni mihi tribuunt, & continuata his in studijs opera, id à me uel extorquere exhortatio Hieronymæ potest tua. Quocirca tua ista siue exhortatione, siue uoluntate cōmotus, dicam ipse quod sentio, ac pro mea quidem libertate, si tamen data prius atq; accepta fide Thamyras tantundem & ipse post præstiterit: nam & ratio illa nondū à Grammaticis prodita est, cur maximē tum Lucretius, tum Virgilius & principia librorum, & exitus tanta cum iucunditate, ac uenustate fuerit uterque complexus. THAM. Do fidem, nec me poenitebit promissi. PVC. Hac igitur conditione meā explicabo sententiam. Instituentis, & in præcepta redigentis materiam aliquam à se susceptam officium uidetur, primo loco considerare ipsam ante præceptorum traditionem, rei ne cuiuspiam sit auditor admonendus: quod Virgilius præstitit in rebus apium, cum primū ac præcipuum in ea præceptione sit locus ipse idoneus ac perappositus, præstitit & hoc de uitibus atq; arbutis locuturus:

- Principio arboribus uaria est natura serendis,
- Nec imitator eius Columella à magistro suo recessit; cum præceptorus de colendis hortis præmisit:
- Principio sedem numero so præbeat horto
- Pinguis ager. —

Atq; hæc quidē ratio tanti uideri potest, ut ante arationem faciendam à Virgilio monesciendus esset auditor obseruande naturæ agri ac soli. Verum ut fuit scriptor ille & in præcipiendo solers, & in obseruandis rebus

rebus diligens cum uideret agrorum studium esse in Latio, totaq; Italia celebratissimum, neq; ab agricolis ipsis ignorari agrorum naturam, neq; etiam quæ cœli uis esset ac regionis, prætermisit sponte id quidem, quod illis arbitraretur obseruatum: cœpitq; non ab obseruatione terræ, id est, ab agri natura sciscitanda, sed ab actione ipsa, ac si ab eo nō ageretur cum imprudente agricola, sed experiente, ac probato, cuius ipsius operā diligentem ac minimè ignauam exigeret: ut post cognitionem eam, quam de agri natura haberet agricola, mature factio opus esse sciret, essetq; cum primis temporis studiosus: quippe cum primo loci, dein temporis et cura habenda est et ratio. Itaq; et arationis ipsius initium uer constituit, nec tamen uer arationis inmen omittit in tradendis post præceptis, naturas quoq; terrarum ac qualitates ostendere, et qua etiam uia id esset assequendum, diligentissime aperit. Nec uerò uos moueat, quod à medijs ferè nonnunquam rebus Poëtæ ipsi ordiantur, cum id sequendū uideatur in alio dicendi genere, ut in enarrandis bellis, explicandisq; rebus gestis, minimè tamen in genere didascalico, quod totum in tradendis uersetur præceptis, erudiendisq; auditoribus. Quid igitur mirum, exorditū esse Virgilium ab actione, id est, à diligentia, quam in agricola præcipuam exigit, quando in agro colendo, ut ipse ait, nihil unquā exhausti satis est? HIER. Dici uix potest quàm me ratio ista delectet, quàm etiam uideatur omni e parte cōmendanda. Tu uerò quid ad hæc Thamyra? THAM. Et mirificè probandā eam iudico, et ad præstandum promissum mēme accingo. Poëtæ officium, ni fallor, tribus in his præcipuè uertitur, ut doceat, ut delectet, ut moueat: quæ tametsi diuersa uideri iure debent, ut quidem sunt, tamen et dum docet quipiam, et dum mouet, necesse est ut tunc etiam delectet: quoniam enim modo auditorem aut docebis ipse, aut mouebis, ubi oratione uteris incrudita, incompōsita, male conglutinata, uerbis inconcinnis, gestu aut ridiculo, aut horrido, uoce raucescente, et dissona? Ut opus omnino sit, scriptorem præcipuè memorem uenustatis esse, atq; ornatus et gratiæ. Virgilius igitur, ac Lucretius, quo auditorem ad se raperent, ab ipso statim initio usi sunt principijs maxime iucundis ac festiuis: neue satietas quæ inter narrandum, docendum quæ solet obrepere, in discessu auditorem comitaretur, exitus quoq; librorum maiore etiam festiuitate cōdiuere, lusibusq; refferere iucundioribus. Videas itaq; eosdē et ludere, et lasciuiare, totosq; in eo esse, ijs ut lusibus in initio auditores trahant ad ea libenter audienda, quæ ipsi sunt præcepturi. In exitu uerò, et tanquam in peroratione id studere, ne discedentes satietate ulla teneantur, immo uerò ut et hilaritatem secum in domum ferant, et animum illorum memorem, quæ summa

officiū

cum iucunditate uel audierint, uel fuerint etiam admirati. Quid enim magis admiramur, quam rem uel magnā, uel exiguam cum uenustate lufam, ac lepore & comitate? Videlicet redeuntibus nobis domū à conuiuuijs, non & fistulæ comitantur, & tibiæ, quo satietas nulla sentiat̃ cœnis, nullaq; post cœnas tristitia? Magno igitur cum artificio & Virgilius, & Lucretius hæc usurpauerunt, quorum exempla studiosissimus quisq; Poëtice præponere sibi ante oculos debeat.

MARINVS TOMACELLVS, FRANCISCVS  
ABELIVS, TRISTANVS CARA-  
CIOLVS.



Go uerò Hieronymus Carbo facile passus sum, te præter Altilianum oraculum aliquantum extra aciem progressum esse, propter ætatem in qua ipse cōstitutus es: multo autem facilius patior, quod uestigij Poëtæ, quos sacerdotes uocauit antiquitas, multa tradidere monumentis, quæ Christianis sint rebus admodum etiā similia, qualia sunt, quæ ab illis de secessu Elysio, à nobis uerò de Paradiso dicuntur. Quocirca Franciscus Aeli, uertor enim ad te, qui studiosè in ijs adolescens, perq; etiam diu uersatus es, quale illud sit, quod ab illis de Elysijs proditū est locis, ita nobis aperias, ut comparare rebus id nostris ualeamus. AEL. Faciam id libenter tuo præsertim rogatu, nec minus ut uiam quoq; monstrem iuuentuti, dum illa legunt, qua nam ea ratione, nostra ad hæc conuertant. Duplicem esse præci illi hominis uitam arbitrati sunt, & quæ duceretur cum corpore simul ab animo, & qua animus ipse sine corpore frueretur: nam nefaria hæc de animi interitu opinio nondum à sceleratis atq; impijs quibusdam uiris fuerat tanta cum improbitate suscitata, ut uitæ quidem genus alterum propter corpus tum sensibus indigere uellent, tum alijs corporis ipsius instrumentis, alterū uerò cum animus se à corpore sciūxisset, absolutum, liberum, omniq; corpore a necessitate uacuum. Quocirca quandiu animus ipse corpore conclusus teneretur, tanquam illius arctaretur uinculis, ueluti in carcerem coniectum, minime uagantem aut liberum esse iudicabant: postquam uerò à corpore separatus esset, liberū tunc, ac sui prorsus iuris effectū. Hæc itaq; ipsa illa eius libertas, campi sunt Elysijs, in quibus ipse post solutū carcerem, pro insita ui, naturaq; felix, ac sorte sua contentus diuersaretur: quandiu enim à corpore tanquam compeditus teneretur, nec iurisdictione tum sua libere uti eum posse, nec quæ secum attulisset bona, illis pro diuinitate ac iure suo frui. Itaq; uitam quæ ab ortu ducere-

duplex uita

qui sint capi  
elysijs



tur ad obitum, seruilem esse, ac carcerariam: quæ uerò post obitum, bonis *uota seruilibus* quidem illam uiris beatam contingere, improbis uerò miseram. Vt palam quidem facerent, eandem Deum sequi rationem in gignendis hominibus, quæ prudens sequeretur paterfamilias in locandis operis ad agrum fodiendum: nam et instrumentum illis præbet ad fodiendum, et quid illos ipsos facere uelit operarios et uerbis declarat, et exemplis etiam commonefacit: quibus nauatâ post operam, mercedem cuiq; suam distribuit, cõmens datq; officium eorum qui probè: qui uerò improbe rem administrarint, de mercede ipsa detrahit, afficitq; eos ignominia. Itaq; merces eorum ac præmium qui animum pie recteq; coluissent, Elysium putabatur secessus, in quo is perpetua frueretur beatitudine. At qui corporeis addicti lenocinijs, degenerare à natura sua animum propter corporis contagionem passi essent, eos relegabant ad loca cœnosa, tetra, caligantia, delectatione omni uacua, æthereisq; à regionibus remotissima: quippe quæ etiam nouies Styx interfusa coercet. Habes Marine quid sacerdotes illi Musarum sentirent, et quas Elysias esse amœnitates ducerent, cœlum uidelicet, ad quod patère redditum bonis arbitrarentur uiris post mortem, malos cõtrâ ab illo arceri putabât, cœlestiq; ab secessu cicclos, extorresq; in hac elemētorum fece sordescere, perpetuoq; in cruciatu agere, luereq; ante aeternæ meritis pœnas. Quæ aut uia hæc ipsa Christianis accomodari reb. queât, Tristanus hic, cuius dicendi fors à me secunda est, facile quidem ostendet, quiq; et qualis etiam Christianus sit Paradisus, Christiano etiam sermone edocebit. TRIST. Ad rem me non iniucundâ inuitas Aeli, difficilem tamen explicatu propter uerba, quæ diuinis rebus parum quidem proprie accomodentur, cū ea ipsa humanis quàm diuinis explicandis aptiora sint, magisq; appositâ: nec nos de Deo cū differimus, alijs quidè uerbis, quàm cū de homine et loquimur, et disputamus. Ceterū conabor si nō explanare, saltem innuere, qui nā hic sit hortus, quē Christianis suis Deus incolendum atq; inhabitandū post mortem cõstituerit, nam Paradisus hoc ipsum sonat. Quocirca æquis animis audite balbutientem hominē, magis quàm pro dignitate explicantē rem ipsam, quæ mihi è cõuentus huius lege institutisq; demandatur. Principio qui rebus nomina indiderūt, blandioribus quædā uocibus appellauere, ueluti de quo nūc agimus, Paradisum, ut blādī mēto ab ipso appellationis homines ad eas res amādas magis magisq; allicerētur. Nāq; ut nostri loca dixerūt amœna, quòd ea suapte natura sine ali quo humani cultus munere aut opera nos traherēt ad se amāda, inuitarētq; amœnitatis tantū gratia: sic Græci scriptores, quòd horti maxime delitiosi sint, atq; ad oblectandū idonei, cœlestē illā sedē *παράδεισον* nominarūt, in

qua tanquam in hortulis, hortensibusq; in delitijs, sanctorum ac probatorum uirorum animi conquiescerent, uel summo illo bono potius fruenter, & in ea quidem luce, quam irradiatione sua Deus ipse effundit: nequaquam uerò ut sol, aut è stellis aliqua, sed ut qui & solus est, & pater omnium, & à quo lux quidem omnis elucescit: non qua ratione aut sol ipse illustrat quæ intuetur, aut sydera, quippe quorum illustratio oculis percipiat, indigeatq; elementaribus adminiculis, in hac præsertim mundi parte, quæ terra dicitur, sed qua mentes beatissimorum fruatur numinum Deo administrantium, quæq; Deo ipsi sunt proxima: neque ad eam perfructandam corporis sit opus articulis, sed naturali illa tantum animi diuinitate atq; opera: parum tamen recte dixerim operam, quando nullus in ea re labor est, nulla agitatio, aliud tamen uerbum minimè habeo, quod hoc ipso sit accommodabilius. Animus igitur mensq; ipsa suapte quidem opera Deum agnoscit, suapte Deum natura introspicit, suoapte penetratu diuinam se ad lucem, Dei ipsius munere insinuat, Deiq; aspectu fruatur, quæ quidem ipsa fruitio Paradisus est. Hæc immortalitas, hæc beatitudo, humanorum hic officiorum, piissimarum quæ actionum finis: ultra quem nihil est quod expetatur, nihil quod mens nostra extra eum inquirat, nihil in quo præter ipsum, aliud quippiam repositū intelligat, expetitione ac fruitione ipsa dignum, cum in eo collocata et perfecta sint omnia. Namque ut nihil est supra Deum, supraq; eius maiestatem, sic res est nulla, quæ ante Dei fruitionem, supraq; eius notitiam alicuius habenda sit momenti, cum in eo ipso perfructando omnia sint reposita, eaq; perquam perfecta & consummata. Hic est igitur Christianorum Paradisus, Elysij delitijs similis, in quo tamen nec incolentium animi lacte uescuntur, ac melle, sed eo tantum liquore, qui nec aut capellarum manet ex uberibus, aut solarium è radiorum subleuatione, terrenisq; ab exhalationibus, nocturno sub tempore liquescentibus, sed Dei tantū de luce, fulgentissimoq; eius diffundatur aspectu, mentes irrorās intuentiū: de luce inquam manat, ac liquefit illa, quæ nec oculis perceptibilis est hominum, nec affatu explicabilis, nec mentis ipsius, licet æthereæ immortalisq; diuinitate concipi omnino queat, nisi quod Deum qui uidet, omnia quidem uidet: quicq; eius aspectu fruatur, nihil est quod deesse illi uerè possis dicere, nihil est quod ulterius aut expetendum ab eo ducas, aut desiderandum. Exigis fortasse Marine fruitionis huius locum. Quis quæso in tanta cœli uastitate, mole, infinitate locum ipsum præscribat certum, definitumq;: nam decretum esse ipsum quidem, ac sancitum quis dubitet? qui ordinem Dei, rerumq; ab illo creatarum, omninè parte perfectissimum, maximeq; sibi constantem intueatur ac consideret.

deret. Satis itaq; esse hominutionibus nobis debet, metiri illum animo, nec spatio finiendum ullo ducere, uerum ab diuina tantum luce, diuiniq; aspectus fruitione terminandū. Hæc ego uestro ex imperio Marine, atq; Acli. Vrba ipsa de reliquis consulenda uobis est.

PONTANVS, PETRVS SUMMONTIVS.



Petatur in cælo, ut arbitror, nūc Altilius, exultatq; inter beatissimos spiritus, cum intelligit in hoc confesso, et pie cum CHRISTO agi, et suis pijsimis monitis obtemperanteis nos esse. Vnum credo illi dolet, si dolere eum fas est dicere, quod in tanto conuentu, Aclij locus sit uacuius, uoluntarium ob exilium, dum Federicum regem Neapolim relinquentem, proficiscentemq; ad Ludouicū in Galliam, accepta ab illo fide, beneuolentiæ tantum gratia sequitur, ac gratitudinis. Sed Altilius consolatione nulla quidem indiget cum dijs agens. Quod uerò ad nos ipsos attinet, hominis maxime ingeniosi, et docti quis nostrum non angatur absentia? Verum Musis ipsum comitantibus, et illi nihil prorsus timendum est, et nobis ipsis desiderio absentis eius temperandum, in re præsertim uoluntaria, et homine generoso digna. Tu quid ad hæc Petre Summonti? PET. Me uerò sollicitat eius imbecillitas, cum sepicule quidem labore de stomacho. Sed ipsa forte peregrinatio, cæliq; uarietas, ac terrarum, robur illi adiunget, quod fore quidem non despero. Quod uerò ad animum eius ac consilium spectare potest, uehementer me hortantur uersiculi eius, quos discedens ipse in puppi constitutus, quasi Nereidibus audientibus, ac locorum nymphis decantauit: quorum ipsorum recitationem non tenere recreamentum arbitrer quasi quoddam questionum haud multo antè expliatarum, nec paruum quoque momentum allaturam absentis eius desiderio moderando. sunt autem uersiculi huiusmodi:

Parthenope mihi culta uale, blandissima Siren,

Atq; horti ualeant, Hesperidesq; tue.

Mergillina uale nostri memor, et mea flentis

Serta cape, heu domini munera auara tui.

Maternæ saluete umbræ, saluete paternæ,

Accipite et uestris thurea dona focis.

Né ue nega optatos uirgo Sebethias amnes,

Absentiq; tuas det mihi somnus aquas.

Det fisso æstiuas umbras sopor, et leuis aura,

Eluminaq; ipsa suo lenesonent strepitu.

- Exilium nam sponte sequor, fors ipsa faucbit.
- Fortibus hæc solita est sæpe & adesse uiris
- Et mihi sunt comites Musæ, sunt numina uatum.
- Et mens læta suis gaudet ab auspicijs.
- Blanditurq; animi constans sententia, quamuis
- Exilij meritum sit satis ipsa fides.

Hos ille abiens confirmato admodum animo, uultuq; quammaximè hilariter pronuntiabat: quem nos ut amicum, ut regem sequentem suum, & bonis prosequamur omnibus, & Dcos illi propitiales bene precemur. Cæterum ut à quo tua Iouiane coepit, ad eundem quoq; Alt ilium mea conuertatur oratio: nōne exilimas cum bonis illum Genijs, qui pie, percolenterq; morientibus adesse solent, astitisse morienti nuper Elisio? quem tu ita quidem solatus es sic hominem confirmasti, tale illi robur addidisti, ut astantibus honestissimis uiris, sacerdotibusq; maximè uenerabilibus, ipse sublata uoce diceret: Mori nec deprecor, quādo tu me ad mortem tam cōfirmate adhortaris, id est, ad perfruemdam uitam, sempiternam illā quidē, ac bonis uiris, quiq; pie uixerint, cū dijs ipsis cōmunem. Hæc ille moriens dicebat, uersabatq; in ore: Viue pius, moriere pius: nō eo tamen sensu, quo ab autore suo uersus ille pronūtiatus est, sed quod qui bene uixisset ac pie, et bene et pie eundē quoq; emori cōtingeret. Et Gallutius quidē Elisius sic ē uita discessit, ut amicis desiderabile reliquerit sui ipsius memoriā.

PONTANVS, CHARITEVS.



Go te Charitee, quod diutius musitatem intueor, quod nā musitatio ista euadat tua, uel auenter uidere expecto: nē res fortasse uxoriam negotiū tibi afferat, in re præsertim familiari, ac molestiarum plena. CHAR. An fortasse arbitraris Petronyllæ uxori inditum nomen à Petrone, ac ueruece sectario? (sic enim quidam ē priscis illis eum uocauere) quod uidelicet gregem mihi filiarum uxor comparauerit, quæ illam sequantur et ad rem diuinam, atq; in templā, & ad inuisendas per urbem puerperas, ad celebrandas item nuptias, ac festos dies. Sed desinam hac nunc in cōfessione, hisq; in questionibus uelle uideri facetus. Vos igitur qui hic adestis uiri optimi, sic accipite Hermetem illū, quem uetustas ob ingenij diuinitatem agnominauit Termaximum, his ipsis diebus, suis me armis, suis item telis instruxisse, meq; illius iurasse in uerba: itaq; Platone relicto, ex hoc die militiam eius sequor. Quæ autem Iouiane musitantem me de eius lectione animaduertisti, hæc quidem sunt, si modò eius ipsius libri, quæ

nunc

nunc uersatur in manibus, Hermes ipse est autor. In re quidem Christiana duo potissimum principia esse considerata, et mundi ipsius rerumque, quæ eo continentur, hominisque præcipue creationem, quod primum quidem principium est, et generis ipsius humani, postquam in immensum creuit, labiq; in ruinam improbitate ac libidine cœpit sua, salutem, atque ab interitu illo miserabili receptionem, quod secundum quidem principium iure appellandum censeo. Quod quæ Hermes ipse diuini sepe uerbi mentionem faciat, sic mecum ipse et rerum creationem perscrutor, examinoque, et Deum ipsum contemplor, ut qui initio per sapientiã, quæ sunt cuncta quidem uerbo creasse illum contendam: post uerò per Gabrielem, siue nostro Genium, siue Græco nomine Angelum, salutem etiã uerbo peperisse mortaliũ generi uniuerso, facinus profectò utrumque diuina illa caritate dignũ, Deiq; ipsius beneficentia et munere. Igitur creationem ipsam prouenisse crediderim ex uerbo Dei, dictate sapientiã, quo statim momẽto enitiãuit Deus ipse, dixitque: Fiat cœlũ, Fiat terra, Fiat lux, quæque cætera diuino ex ipso uerbo prouenerũt omnia. Cumque præter Deũ ipsum antea, præterque sapientiã, quæ cum Deo et erat ab initio, et fuit, et est semper, nihil existeret omnino aliud, præterque uerbum, quod ipsum Deus quidem erat, crediderim similiter omnia illa ex nihilo, uerbo ipso Dei dicto, prouenisse. At dixerit quispiam, quo nam modo Deus ex nihilo hæc ipsa eduxerit? At quo nam hic ipse consilio aut fiducia hæc dixerit? cum audeat Aristoteles profiteri causam illam tertiam generationis esse carẽtiam, quam Latini quidã eius sectatores uocant fortasse minus proprie priuationem, quæ quidem ipsa nihil prorsus est, cum tamen et materia et forma res quidem ipse sint: priuatio uerò re ipsa nihil omnino in se habeat, præterquam quod cogitatione tantum concepta, post uoce enuntietur. Humanorũ igitur ingeniorum, quanquam non tamen omnium, siue uanitas, siue insolentia, addam etiam ignorãtia exigit ex postulatque, ad mundi procreationem conuenire oportuisse materiam simul ac formam, quarum altera rebus insit ipsis, illasque informet, ex altera uerò res constituantur: itemque carentiam, quæ ante generationem quidem nihil est: formam autem insitam sic esse rei uolunt, ut omnino postquam quod generatum est, interijt, ne ipsa quidem amplius appareat, materiam uerò in aliud transferri, atque aliud. Hæc parum pij homines ita se habere et uolunt, et digladiantur, parumque aut intelligunt, aut considerant, in diuino illo edicto, Fiat, et materiam inesse, et formam, quando id ipsum Dei uerbum, Dei uoluntas est, idem quoque uerbum et iussus, et edictum est Dei. Quamobrem si Dei uoluntas uerbum est, et idem Deus est sapientiã, idem quoque omnipotentia,

quid mirum oculatissime physice in uerbo illo Dei inesse simul & materiam, & formam? ac materiā quidem, quoniā eandem hāc ipse posset subministrare, & simul cuncta ex ea propter omnipotentiam gignere: formā uerò illā rerū constitutricem, quoniā sapienti & ipsius munus hoc esset propriū. Informare enim aut statuam, aut picturam, cuius nam est, nisi sapientis aut pictoris, aut statuarij? Quod si statuarij ac pictoris inest mēte, qualis sit futura statuæ figura, ac picturæ, quam & hic et ille sibi effigiendam proposuit, quid obsecro uim ac potestatem hanc eripere conaris Deo rerum omnium artifice? In sapientia igitur Dei, atque omnipotentia insunt hæc ipsa omnia & informandi, & materiandi, atq; è nihilo etiam producendi, quæcumq; ipse & esse uoluisset, & decerneret fore, & quandiu quidem illa ipsa & esse decerneret, & qualia. Itaq; ut fatum à fando, id est, à dicendo deductum est, quia Deus ipse sic edixerit atq; effatus sit, cum rerum naturæ legem præficeret: sic & uerbum, cum dixit ipse, iussitq; in rerum procreatione, Fiat cælum, fiantq; ut ab eodem ipso dictum est, cetera. Quamobrem hoc ipsum creationis principium, reipublicæ Christianæ primum quidem esse principium statuo. Venio nūc ad alterū. PONT. Tibi quidem Charitæ uidendum est, quānam uia progrediare, cum podager ipse sis, medicorumq; maxime indigeas opera, quorum officium est, ad materiam potissimum studia, curationesq; suas referre. CHAR. Ista quidem perinde dicuntur à te Pontane, ac si ignores, naturam ipsam caratione podagris consuluisse, quo dolorem minus sentiant, lingua ut utrenatur loquaciore. Quodq; tu ipse factus es iam surdaster, uoce etiā utar clariore, magisq; ac magis plena. Quamobrem reliqua quæ sunt, quæso animaduerte. Cognouerat Deus ruerē in præceps quē creasset hominē tāta cum dignitate, atq; excellentia animantium cæterorum, admonitus itaq; à sapientia, atq; à caritate, cōsulendum ei decreuit etiam per uerbum, per quod & illum genuerat. Itaq; Genius ille Deo acceptissimus cum ex ore dixisset Dei, Haue uirgo, Dominus est tecum, uerbum ipsum in utero receptum uirginis humanitatem assumpsit, ut diuinum uerbum illud cum è Deo esset, & homo idem fieret, & nihilominus Deus esset. Cumq; è Deo natus esset Deus, idem tamen esset & pater, & filius, perinde ut idem & Deus & homo. Cumq; ut Deus & homo aliquandiu uersatus esset inter homines, mori deniq; pro salute hominis uoluit: atq; ut Deus & homo, liberare hominem à morte perpetua, maximeq; miserabili constituit. Itaque ut uerbum ipsum principium fuit creationis & mundi, et hominis, sic & principium etiam eiusdem à mortis tenebris ac miserijs uindicandi. Nec mirum hoc ulli bene instituto, diuinæq; caritatis obseruanti uideatur, si

confide-

considerauerit, uerbis etiam hominum ipsorum alios iam iam in mortem prolabenteis, in uitam è morte restitutos: alios dum pati contumeliosa nequeunt uerba, mortem sibi ipsos consciuisse. Quòd si nulla maior est hominis uis ac facultas, quàm quæ cõstat è uerbis, mirũ, si Deus uerbo suo mundum primo constituit, procreauitq; hominem, deinde uerbo etiam illum suo uindicauit ab interitu miserabili, restituitq; ad uitæ munera etiam celestis ac perbeat. Hæc mea erat Iouiane musitatio illa à te animaduersa, quàm uobis ueluti Hermetis studiosus, ac nouus eius miles explicauit. Reliquũ est, ut, quoniã muneri à me satis factum est meo, Pardum iam audiat.

## PARDVS, CHARITEVS.



Quidem ego te uel inter loquẽdum risissem Charite, nisi de religione, deq; republica Christiana sermo esset habitus, dum phycos tam imprudenter, ne parum prudenter dicam, ipse in te prouocas. Concedatur tamen hoc podagræ, articularibusq; doloribus, de quibus tam sæpe quidem iaces. Et quoniã à te de priuatione facta est mentio, dicam de ui uerbi: ne de rei significatione loquens, uidear aduersus religionem per diuerticula uelle irrumpere. Hoc ipsum autem uerbum in usum ita receptum est, ut alterum illud quod est carentia, à plerisque aut ignoretur, aut parũ bene intelligatur. Quo fit, ut cum à doctis etiam uiris receptum sit, probari à nobis quoq; ipsis debeat, quando nihil omnino afferat, quod aut interpretationi obsit, aut aduersetur disciplinæ. Tamẽ sic habeto, hæc ipsam uocẽ deduci à priuatu, ipsoq; à uerbo priuo, à quo est priuatus, quæ uox suapte natura aduersatur publico, ut cum dicimus agros alios esse publicos, alios priuatos, hoc est, singulariũ ciuium: sitq; ex eo, ut uitam agere priuatam dicamus eum, qui publicis gerendis à magistratibus abstinet, ciuilibusq; muneribus. Eadem quoq; uox idem alibi præfert, quod exutus, spoliatusq; ut cũ dicimus priuatũ aliquem bonis, ac fortunis suis: nec non etiam ut cum Lucretius ait: Priuata dolore omni, quòd libera sit exemptaq; ac uacua dolore ab omni deorũ natura. Priuum autem, à quo est uerbum priuo, significat quod est suum cuiusq; , ac proprium: unde priuilegium, quod non sit publicum, sed suum, ac singulare cuiuspiam siue ciuis, siue familie, siue municipij. Sequitur autem hæc ipsa priuatio uerbalium uim, ac naturam nominum, ut uelatio, legatio, uerberatio, largitio, congregatio, sponsio, cognitio, cohortatio, et id genus cætera. Quocirca uidetur à phycis accepta in ea potissimum significatione, in qua est apud Lucretium, ac si uacuitas quædam ipsa sit: ut cum dicimus materiã aliquam,



ut ceram uacuam forma, quod ei nulla prorsus insit effigies: ut massam cernitiam, quæ nec parietis, nec structuræ cuiuspiam figurationem habeat ullam, uerum informis ipsa sit, omnis que penitus informationis expers ac uacua. Itaq; tametsi pro eo in quod ipsi intendunt physici, priuationem accipiunt, parum tamen dictio id ipsum implere uidetur, nec palam quidem illud, nec planè præseferre. Cum uoces ipsæ uerbales ubiq; siue passiuitatem innuant tantum, siue actiuitatem, physicis uerò opus sit, uoce præsertim indicatiua naturæ eius de qua est quæstio, cuiusmodi est carentia, quæ indicet materiã ipsam quidem expositam esse, ac paratam ad inducendam seseformam, qua ipsa penitus careat: non tanquam illa fuerit aliquando spoliata, uerum ut exors, atq; omnino uacua, quæq; uestiri ea non deditur. De uerbo autem careo Marcus Tullius rectè quidem multa præcipit, ut cum ait, Non posse eum qui ipse non sit, re ulla carere: nec rectè dici qui sit mortuus, carere eum uita. Ad hæc ne si dicamus uiuum quidem hominem cornibus carere, aut pennis, quia cum id non habeas, quod tibi nec usu, nec natura sit aptum, illo minime careas, etiam si sentias te non habere. Deniq; carere aut esse, egere eo quod habere uelis, inesse autem uelle in carento, nisi cum dicatur, carere aliquis febre, aut cum aliquid nō habeas, neq; id non habere te sentias, ad hæc nec eo indigeas, tamen dicamus illo te carere. Itaq; uerbo careo multis etiam modis ut alijs etiam quibusdam uocibus scriptores abutuntur, multumq; in dicendo non solum tralatio ualeat, uerum etiam abusus. Propriam itaq; appellationem esse arbitror carentiam, cum materia indigeat forma, quam suapte natura cupiat sibi inesse. Quocirca Ciceronis quoq; autoritatem si sequamur, propria rei de qua agitur appellatio, est carentia. Quia usus tamen aliter obtinuerit, nullo modo uidetur repugnandum, penes quem, ut Horatius præcipit, et arbitrium iusq; est loquendi et norma. Hæc ego tecum habui Charitee, quo pacem tibi cum physicis procurarem, quorum opera et stomachus, et pedes isti tui tam sepe indigeant: ne ægre fortè id tulerit Frânciscus, qui hic adest Pudericus, qui et ipse non modò cum medicis, uerum cum ipsis etiam astrologis bellum gerat asiduum.

FRANCISCVS PUDERICVS, PARDVS:



Vidni mihi cum astrologis bellum sit Parde? cum Iouianum hunc uideam, qui tam multa scripsit de syderibus, sepe numero illis irasci: nec omnino satis bene de illorum dictis sentire atq; enuntiatis, cum tamen disciplina sit eius ipse mirifice studiosus: quâquam, ut mihi semper uisus.

us est, non ut Ioannes Picus in disciplinam ipsam armis equisq; , quod dicitur, irrumpit, cum illam tueatur, ut cognitu maxime dignam, ac penè diuinam, sed astrologos quosdam, ut parum cautos, minimeq; prudenteis infectatur ac ridet. PAR. Non temere hoc quidem Pudrice. Quid enim magis siue absurdum, siue temerarium, quàm quod coniecturis præcipue constet, id necessarium esse uelle? Cum enim cœli syderumq; agitationes inferiora hæc, quod liquido apparet, citatu moderentur suo, nequaquam tamen quæ ab illis innuuntur, iisdem numeris, eadem quoq; qua portenduntur uia ubiq; eueniunt, quod res ipse inferiores superioribus illis causis, aut nō omni e parte assentiantur, aut etiam omnino repugnent. PVD. Sunt igitur causæ illæ agentes ac primæ, hæ uerò patientes ac secundæ. PAR. Nimirum sunt. Nam nec calor ipse solis ubiq; est æqualis, nec terrarum situs idem ac par omnium. Quodq; ad hominum res spectat, uoluntates ipse nostræ, dum imperare uelimus sensibus, liberæ quidem sunt, syderalibusq; agitationibus aliquatō ualidiores. Quod quo nam modo fiat, id si aperuerim, non indignū conuentu isto uideatur. Quatuor hæc corpora, quæq; alio nomine sunt elementa, materiæq; generationi suggerunt, uel ipsa eadem potius sunt materia, quatuor quidem humores subministrant, e quibus hæc constant omnia. Hi pro motu quidem solis, lunæq;, atq; utriusq; habitu, ne de alijs nūc loquamur stellis, in asiduo ubiq; sunt aut incremento, aut imminutione. Quæ e re generatio cietur, atq; corruptio, exindeq; in eodem nūquam persistit statu, quando et solis, et lunæ mutationes ipsi quoq; imitentur, ac luna ipsa cōtinenter penè fluctuet, sol uerò erraticis cum stellis nūc sit ipse propior, nūc contrā remotior ab regionibus, quas incolimus, quibus e rebus et incrementa sequuntur humorum, qualitātūq;, et item imminutiones. Hæc ad res permultū etiā regionum cōferunt tum situs, tum habitus. Cum Apulia, Libya, Aegyptus aptior sit calori, siccitatiq; augendæ, quàm aut Germania, aut Gallia, hæ uerò q̃ illæ frigori, atq; humectationi. Ad hæc terrarum aliæ non multam quidem hominum exigant aut operam, aut industriam in re frumentaria procuranda: aliæ contrā suapte natura parum sint feraces. Quid quod habitus ipse locorum alibi obtusiora gignit ingenia, alibi magis acuta, eadem que uersutiora? Quo fit, ut tam multæ quoque rerum earundem sint uarietates. Quod in saporibus potissimum ac succis ostenditur, itemq; in animalibus siue feris, siue altilibus, ac tum in celeritate eorum, tum etiam in statura et robore. Ut humores hi ipsi non solum agitationes sequantur stellarum ac cœli, uerum etiam agrorum naturas, ac regionum tum sitū, tum habitum. Quod cum ita sit, ne stellarum quidem effectiones ubique aut

eodem, aut pares esse possunt. Quæ qui astrologus probè considerauerit, uix ille longius aberrauerit à prognosticorum celestium significationibus uerè pronuntiandis, quousq; tamen coniectura sese ipsa tutò conferre poterit. Hæc igitur ipsa cum tantopere inter se dissentiant, ac tam sint, quàm profectò sunt cognitu difficilia, nata est hinc observatio, cuius proprium est intueri quæ appareant signa, eaq; animaduersa multumq; retenta in mente, quid tandem afferant, expectare: indeq; à re ipsa prognostica dicta sunt, non tamen ut semper quæ promittere uideantur, præstent, sed quòd plerumq; tantum. Cum enim medici, et nautæ, ipsi quoq; agricolæ, in curationibus ægritudinibusq; item in pluuijs aut serenitatibus, frugumq; prouentu, aut huberiore aut modico, non raro se à signis observationeq; deceptos querantur. Minus ut mirum uideri debeat, astrologi quoque si fallantur, cum ipse aliquando causæ inuicem se oppugnent, actionesq; ac passionēs inter sese (ut dictum est) non uno modo dissentiant. Tertio ante anno ager Campanus laborauit plus solito æstiujs pluuijs, eodem tamen tempore in agro Brutio ac Crotoniensi de nimia siccitate atq; aestu uincæ exaruerē. Hinc igitur mathematicorum uanæ prædictiones, quòd ad ea quæ portendi uidentur à stellis, non omnes conueniant simul causæ, permultaq; eos lateant, quemadmodum et medicos. Et hi quidem frustra haberi solent, nō solum propter naturam morbi humorūq; parum cognitam, uerum etiam ægotantium et regionis aërisq; ipsius, ob alias causas atq; alias, ac tum uentorum, tum exhalationum. Illi uerò propter incognitas stellarum ipsarum misturas, aut quòd in id tempus incidant significationes aliquarum siue copulationum, siue eclipsium, aut cometarū, multis ante annis eas portendentium, quæ parum quidem obseruatae fuerint. Interdum quòd regio ipsa perniciosissima à uentis aut uexetur, aut à salubribus defendatur, plusq; uenti ad prohibendum ualeat, quàm ad nocendum hostilis stellarum irradiatio. An non Etruriæ maritima pleraq; pestilens est ora: propter paludes, halitusq; malignos ab ijs afflatos, aurasq; illos agitantes? cum collinæ eius regiones sint quam saluberrimæ. Itaq; et in locis illis palustribus salutiferæ stellarum cōfigurationes parum prodesse per æstatem poterunt, et collinæ salubritati non adeò malignæ nocebūt, ac pestilentes. Patrij quoq; mores, consuetudinesq; municipales, atq; artes, institutaq; tum publica, tum domestica, multum in utranque partem conferunt syderalibus configurationibus. Quid quòd rerum certa cognitio, eaq; quæ scientia dicitur, generalibus uersatur in perscrutationibus? quis igitur humorū, quibus constamus, singulares assequi possit siue commistiones, siue temperaturas? quis rursus syderū particularis uires, quæ

tum abstrusissimæ sunt, tum penè etiam infinitæ: quis item aduersantium inter se causarum digladiationes particulatim cognitas et obseruatas habeat, et quantum, et quousq;? Itaq; illi ipsi, qui ad particularis dilabuntur prædictiones, ab ipso etiam Ptolemæo habentur derisui. Cum necesse sit eorum coniecturas, obseruationesq; hac in parte uacillare, ipsosq; non solum decerrare è uia, uerum turpissime dilabi, deque uestigio rueri. Vides igitur Puderice, tam multi unde mathematicorum proficiantur errores, coniecturæq; tam fallaces, ut iure quidem irasci illis et possis, et debeas in pestilentijs prædicendis, idemq; in sterilitatibus, tempestatibus, abluuionibus, atq; euentis alijs.

Veniamus nunc ad hominum uoluntates, quibus si sese ipsæ sensibus dominandas permiserint, nihil est fluxius, imbellius, addâ etiâ infractius, domabiliusq;. Contrâ, nihil quod sit illis generosius, robustius, imperiosiusq;, ubi sensus ipsos, eorumq; illeclauetâ nihili fecerimus, miserimusq; sub iugum. Vendidit M. Cato confectum iam senio equum, qui cum ipse siue Consul, siue Prætor militauerat. Marcus, inquam, Cato optimus sui temporis orator, Senator, imperator, sic enim est habitus. Cur uendidit? quia uoluit: quia plus apud eum attenuatissima illa ualuit parsimonie cura, quàm ratio et Senatore, et oratore, et imperatore tam ualde etiam spectato digna. Quodq; usurpare esset solitus bonum patremfamilias uendacem esse oportere magis, quàm emacem: uoluit etiam in re sua præceptum id pertinacissime tenere. At coactus est ad hoc ipsum ab natalitia cœli, stellarumq; configuratione. O cœlum auarissimum, o stellæ tam attenuatæ, ac sordenter parcar, quæ in hoc tam intentæ essent, tantoperèq; peruicaces. Potuit proculdubio cœli stellarumq; configuratio Catonem facere ad parsimoniam propensiores, propter humorum è quibus constaret compactionem, non tamen ut cum summa et Senatorum, et ciuium Romanorum siue accusatione, siue irrisione, militarem uel consularem potius equi uilissimo etiam precio captus uenderet, ac si equus ille nascente Catone, sollicitas stellæ sua etiam de uenditione fecerit. Ptolemæus Aegypti rex, sororem suam duxit uxorem, impulsus uidelicet expugnatusq; natalis cœli ac stellarum themate. O profanum cœlum cū themate etiam tam impuro et conquinato, in quo tã immanis reposita esset libido: quis uel summe etiam improbus ac peruicax asseuerare hoc audeat? Etenim configurationes illæ intemperantiam tantum portendunt humorum, ac concretionis corporæ, atque in re quidem Venerea, datur etiam et in sororia coniunctione. An non felicissimus ipse rex, ac potentissimus poterat, quod quidem noluit, sororem suam alij locare in matrimonio, ipse aliâ sibi ducere? At me-

dici uel modicis adhibitis medicamentis humorem qui nimius sit, temperant, coguntq; sub regulam, qui minimus atq; attenuatus cum & exuscitant, & attollunt. Tu uero rex eximie minimè potuisti nefariam istam libidinem continere, quòd uidelicet noluisti. Patrauit igitur scelus hoc, quia uoluit: nam si uoluisset, qua diximus uia euitare illud omnino poterat. Quod ut patraret, credibile est, multas uariasq; in ea re cogitationes consumpsisse, sed passus est tandem à libidine sese uinci. At apud Persas eiusmodi matrimonia erant & usitata, & concessa, secutusq; est finitimæ gentis exempla. Nam qua promptitudine secutus ipse Persas est, cur non Macedones secutus est suos, laudatissimosq; Macedonum reges? nequaquã autem secutus est, quia noluit, quia imperari maluit sibi à libidine, quàm ipse libidini imperare. I nunc, & coelum incusa, & stellas, & nefarias stellarum configurationes. Tempestate hac nostra qui apud reges, regulosq; magistrum suere epistolarum, utq; hodie dicuntur, Secretarij, summum in modum locupletati sunt omnes, præter Iouianum hunc, qui hic adest: quã ad rem ab amicis, familiaribusq; assidue cohortatus cum esset, nunquam à proposito dimoueri potuit, illud in ore semper habes: Egere nolo, opulentiùs esse recusor. Qua ratione non modò cupiditati imperauit, pecuniarumq; appetitioni, uerum ipsi etiam regibus in republica moderanda, quam animi firmitatem his ipsis etiam diebus ostendit. Cum enim capto regno Neapolitano, Ludouici Galliarum regis præfatus, magistratum ei offerret, quo è reditu eius senectutem opulentiorē duceret: At, inquit, nō opulentiorē eam feceris, uerum occupatiorē, quando dijs iuuantibus nullius honestæ rei indigeo. Voluntas certè hæc fuit ratione temperata, eaq; cupiditatum uictrix, ac sensuum titillantium. Nero Augustus singulari fuit crudelitate nobilitatus, quis sanæ tamen mentis inficietur, in procreando Nerone seminis, humorumq; temperaturam, è qua fatus ipse & concretus est, apprimè malignam fuisse: stellasq; ipsas eam ad rem adiumenti plurimum contulisse: ut suapte natura Nero procliuis esset, atq; incitus ad seuitiã. Fuisse igitur rei huius causæ tum materia ipsa, è qua Nero constitit, quòd male esset fermentata, tum stellarum malus habitus, peruersaq; cōfiguratio, quæ aut humorem secuta est, malignum illum quidem, atq; peruersè affectum, aut eum malignitate ac deprauatione affectu sua. Esto, detur hoc quidem. At inuenire noua suppliciorum genera, inuisitataq; excogitare tormenta, & cum artifice conuenire, qua uia nauicula maternum ad naufragium opportunè strueretur, Neronis hoc fuit, sanguinariaq; eius uoluntatis, non stellarum ac cœli. Fuit autem Neronis, quia uoluit: uoluit autem, quòd ab ambitione rapiebatur, qua expugnatus conculcauit ipse rationem.

tionem. Sed desinam pluribus iam exemplis uti, maximorum etiam uiro-  
rum, quorum uoluntates uicte cupiditatibus, aut sensuum captæ illece-  
bris iere præcipientes. Quocirca his hunc in modum explicatis, queramus  
eadem hæc aliquanto etiam exploratius.

Principio laus omnis, ut utperatioque uoluntarijs uersatur in actioni-  
bus, existit que ab illis. Cum enim natura duce moueamur ad ea cupien-  
da, quæ boni alicuius speciem præferant, eaque à sensibus representen-  
tur, de quorum titillatione animus sese excitat, non prius tamen ad ea  
peragenda, quibus affecturum sese illa confidat, animus ipse expergi-  
scitur, quàm uoluntas quoque suscitetur: quæ initio quidem ut libera, ac  
sui iuris latius euagatur: post uero adhibita secum in consilio ratione, ac  
frenum sibi ipsa imponens, eo accepto, sese ipsam moderatur, redigit que  
intra præscriptum, mox deliberando eligit quæ pro facultate ac uiri-  
bus suis eligenda uideantur, quin ratione duce illa ipsa perscrutatur dili-  
gentius, perpendit que maiore cum pensitatione, quæ à sensibus sunt ob-  
lata, an talia sint, qualem eorum species sese offert, sint nec ne ipsa utilia  
et iucunda, an rursum inutilia et molesta. Post uero his perpensis et co-  
gnitis, euagationeque illatam libera sub frenum coercita, iter statim in-  
greditur, quo quæ eligenda esse duxit, peruenire ad ea possit. Iuris itaque  
atque arbitrij eius fuit, nec ne uellet siue eligere ac prosequi, seu nihil omni-  
no curare. Est igitur suapte natura, statim quæ ex quo suscitata est libera:  
quæ rationem si sequatur, libertatem ubique suam et tuebitur, et retine-  
bit. Sin relicta ratione à sensibus delinita illis obsequatur, nimirum amissa  
libertates captiua ducetur: et quæ imperare ipsa sibi noluit, imperio ser-  
uiet alieno. Est igitur sui iuris ac libera, quoties sese à sensuum, mala-  
rum quæ cupiditatum uic accipiuitate tuebitur. Tunc uero faciliè tuebi-  
tur, cum excitata inteream, sensusque ipsos controuersia, bonæ ne sint an  
mala, quæ à sensibus offeruntur, rationem sequetur, illam quæ sibi in au-  
xilium uocabit, cuius etiam consilio utetur ac ductu. An non tibi uoluntas  
ipsa uidetur libera, quæ cum sensibus in certamen descendat, quæque ui-  
ctrix omnino euasura sit, præterquam si illorum insidiosus blanditijs capi  
se patiat? Denique quia ad actiones tunc accingimur, cum uoluntas ipsa  
et uoluerit, et elegerit, et decreuerit suscipiendum aliquod siue ince-  
ptum, siue negotium, merito actiones ipsæ ad uoluntatem referuntur:  
quæ si cum ratione progreditur, nimirum ipsæ laudabuntur: contra ui-  
tuperabuntur, ubi et in eligendo, et in progrediendo de rationis decr-  
rans uia, sensusque deliuijs emollita cupiditatem sequetur ducem, illius quæ  
inhercet uestigijs, paruicæque imperio. Non solum autem res ipsæ, actio-

nesq; uoluntatem liberam esse testantur, uerum etiam nomen ipsum deli-  
 berandi, quod uidelicet liberum eius sit in decernendo iudicium, uelut nē  
 suscipere et prosequi, an contrā desistere, ac sensuum ipsorum monita la-  
 bi sincere. Legum quoq; constitutores, ac moderatores populorū id ipsum  
 testantur, cum impunita dimittant crimina, quæ furentes admittunt, at-  
 que insania percipi, quod uoluntaria ea minime sint, nec furentes ipsi libe-  
 ri aut sint, aut haberi debeant. Postremo autem considerandum uidetur,  
 cum sensus corporei ipsi sint, singuliq; corporeis utantur instrumentis, ut  
 auribus ad audiendum, ut oculis ad uidendum, naribus item ad inodoran-  
 dum, palato linguaq; ad degustandum, ac siue manibus, siue alia parte cor-  
 poris ad tangendum, uoluntatem tamen ipsam nulla parte corporis uti,  
 nullaq; re corporea, cum aut deliberat, aut eligit, decernitq; : quippe cum  
 uis ea potestasq; tantum sit animi, atq; ex omnibus animalibus hominis  
 unius. Quo fit, ut cæterorum quidem sit siue impetus, siue instinctus tan-  
 tummodo, hominis uerò uoluntas propria ac peculiaris. Igitur si stellarū  
 effectiones uersantur inferioribus in corporibus, rebusq; illis tantū, quæ  
 ex elementis constant, ipsaq; elementa campus quasi quidā sit, in quo stel-  
 le uires exerceant suas, qua nam uia uoluntates hominum subiectæ illarū  
 sint agitationibus: quarum iurisdictio tantum sit in elementis, rebusq; ele-  
 mentaribus, animus uerò et incorporeus ipse sit, et ab omni prorsus ele-  
 mentari qualitate, ac conditione uacuius: cuius uoluntas ipsa, uis potissima  
 quidem sit, quæ actiones ad quas homo natus est, uel commendatione hone-  
 stet, uel opprobrio damnet ac contemptu. Iure igitur Puderice mathemati-  
 cis illis succensens, qui tam sint futuras ad prædicandas res proni, hominūq;  
 mores ac fortunas ab ortu statim ipso pronuntiandas, ac si nulla in eis sit  
 libertas, nulla deliberandi aut eligendi siue ratio, siue autoritas: quæ qui-  
 dem tanta est, ut homo sui iuris sit in ijs administrandis omnibus, in qui-  
 bus animus imperare habeat, nec corporis ei sit opus ministerio, ac præsi-  
 dijs. Possunt cælestes tamen configurationes impedimento illis tūc esse,  
 ac sese animo ipsi opponere, cū corporeis atq; externis indigeat auxilijs  
 ac fauoribus. Vbi uerò actiones solius tantum fuerint animi, frustra tunc  
 de stellarum actionibus disputatur ac uiribus: cum, ut dixi, animus ipse li-  
 ber sit, ac suoapte arbitrato eligat, decernatq;. Hæc habui tecum, tuamq; in  
 defensionem quæ Franciscæ dicerem, longius fortasse quam portio dicendi  
 ferret mea, breuius certe, quam res ipsa exigit. Quamobrem finem his fa-  
 ciam, si prius tamen hoc subdiderim, hominum illorum numerum oppido  
 quam exiguum esse, animum qui colant, animiq; arbitrato utantur atque  
 imperio. Cum multitudo ferè uniuersa corpori sit omnino dedita, corpo-  
 reisq;



reisq; illecebris, ut fortasse mathematicis ipsis permittendum sit, laxissimis etiam habenis currere ad apotelesmata pronuntianda.

PONTANVS, SVARDINVS, POETVS.



Enit mihi in mentem Suardine, tuq; Fundane Poete, ut quādo à uobis coepit, uobiscum quoq; confessio hæc desinat, plurima secum damna asferre etiā ingeniorū tempora ipsa, temporūq; iniquitates, non pauca rursus honestamenta commendationesq; et artium et facultatum, eorundem quoq; felicitatem. Audiuiſtis ipsi quam appositè Pardus, quā pro rei natura, et ornatè differuerit et copiosè. Itaq; quanquā senem me, annisq; grauatum, spes tamen coepit fore, ut antè quā à uobis emigrem, Latinam uideam philosophiam, et cultu maiore uerborum, et elegantia res suas explicantem: utq; relicta litigatrice hac disputandi ratione, quietiorem ipsa formam accipiat et dicendi, et sermocinandi, ac uerbis item suis utendi, proprijs maximeq; Romanis. Cum que plura sint, quæ me ad hanc ipsam inuitent spem, cum primis profectò Aegidius mihi hoc promittit Eremita, quem superioribus diebus in hortis cœnobij Baptistæ Ioannis cum deambulemus, quod est Neapoli ad carbonariā, adessentq; mecum unā quem hic adesse cernitis Hieronymus Carbo, itemq; Chariteus, ita quidem locutum et ipse memini, et hi ipsi testificari hoc idem possunt: ut ægerrime ferret, uitium hoc inter philosophantes inoleuisse nostrorum temporum, coepisseq; illud iam nostris à maioribus, nemo ut nunc audeat Latino more, ac peructusto illo quidem maximeq; probabili, de naturæ rebus, deq; uirtutibus differere: fluxisse autem inde uitium ipsum, quod superiorum temporum philosophi secuti eorum, qui Aristotelicos libros satis quidem ignoranter transtulere, et uerba et modos, ac dicendi figuras, multa quæ Latine, ac propriè dici possunt, aut neglexerunt accommodatis explicare uerbis, aut scire quo nam pacto rectè dicrentur, id minime curare. Coepit igitur sic uir et doctus, et eloquens. Est Græcè ἔσις à uerbo suo ἔχω, Latine autem ab Habeo Habitus, qui et agendo quidem, et diu constanterq; assuescendo cōparatur. Nam et diutius exercendis ijs, quæ liberalis sint uiri, cum laude qui consueſcit, habitum sibi agendi liberaliter uindicat: qui uerò administrandis fortibus, agendi quidem fortiter: et prior ille habitus liberalitas, posterior uerò hic fortitudo dicta est rectè quidem, ac propriè. Nanque militaris ut habitus militem designat, pontificem pontificius, rusticanus agricolam, pastorem, calonem, fossorem, nauticus item nautam: sic quam quisq; ingenuo dignā homine actionem exer-

cuit, exercetq; habitus hic ipse agendo comparatus illā ipsam indicat siue  
artem, siue facultatem. Et hic quidē ab habendo dictus est. Ceterum uis il  
li, et huic, et illi, alijq; atq; alij à natura insita, quæq; etiā nonnūquam ab  
institutione magis magisq; aut augetur, aut excitatur, per quā huic quā  
illi rei actioniq; exercendæ quispiam magis aptus est, atq; idoneus. Græ  
cè est διὰ τὴν φύσιν, ab alia quidē uoce quā quæ est ἰσχύς, quo factum est,  
ut Græca in Latinum qui transulere, dixerint Dispositionem non solum  
inepte, uerum etiam ignorāter, ac parum propriè. Nam Latine dispositio  
ordinem quidem innuit, rerumq; ipsarum, ac progressionis seriem, mini  
mè uerò naturalem illam siue uim, aptitudinemq; siue innatam propen  
sionem. Cum enim ponere et uitem, et arbusculam prisci illi dicerent,  
uim compositæ dictionis secuti, disponere et uites dixere, et arbores,  
per ordinem uidelicet eas serere, ac per agrum distributim infodere, quod  
Virgilius innuit, dicens:

—Pone ordine uites.

Hoc est, dispone. hinc etiam dicti dispositi in quincuncem ordines: de  
ductaq; translatione à rerum rustica, duces et ipsi copiarum dicuntur disponere  
acies, hoc est, exercitum in ordinem cogere, et suo quæque militem loco con  
stituire ad conferendas manus. Inde etiam patres familiarum disponere  
rem familiarem, hoc est, in ordinem illam, ac sub regulam redigere. Orato  
res quoq; et ipsi disponere traduntur quæ dicenda sunt, id est, quo quidq;  
loco, quoq; ordine differendū sit in causa: unde Rhetoricæ pars illa maxi  
mè prudens, artificiosaq; Dispositio est uocata. Itaq; parum propriè διὰ  
τὴν φύσιν ab his dicta est dispositio. Sed noluerunt qui primi hoc dixere, la  
borare in perquirendo proprio, et suo nomine, contenti quadam quasi di  
ctionis à simili constitutione ac structura, cum tamen parum ipsi periti  
Romane essent elocutionis: ac si non et rectè, et Romanè, et significan  
ter à uerbo Habeo, à quo est Habitus, deduci posset, deductaq; inuenire  
tur dictio huius ipsius quod querimus indicatrix, quæ quidem est Habili  
tas: qua in deductione à uerbo suo faciendā, et copiosiores, et rei ipsius si  
gnificantiores sumus quā Græci. Nā si Habitus est, qui post uindicatur,  
nimirum Habilitas hæc ipsa rectè quidem ac significanter dicitur uis illa  
præcedens, quæ et ducimur, et fouemur, et adiutamur ad Habitum com  
parandum. Siquidem ut Habitus præfert rei comparatæ adeptionem,  
sic Habilitas uim illam, aptitudinem quæ indicat et idoneitatem, si Latine  
diceretur siue à natura insitam, siue ab institutione productam, confir  
matam quæ, quasi Virgilius hoc ipsum nobis non et ostenderit, et ex  
presscrit, cum dixit:

Atq;

ponere  
disponere

Atq; habilis membris uenit uigor. —

Nam ex uigorem appellauit uim illam à natura ingentam, est enim à uigendo uigor, ut apud Sallustium:

Actas uiget, animus ualet.

Etabilem, id est, aptum atq; idoneum dixit. Itaq; quid hoc ipso uocabulo appositius significantiusq; ad explicandam τὴν Διαθεσιν inueniri potest? sed noluerunt desidiosi uiri, ne dicā loquendi ignari, in hoc laborare, quando satis habuere, posse sese excusare, quòd multa essent Græcè, quæ Latine dici parum possent commodè: ac si hoc ipsum non multo melius à nobis, quàm à Græcis ex dicatur, ex deducatur. Videlicet non ex Aristoteles ab eodem uerbo à quo est ἡσῖς, id est, habitus, deduxit nouum uerbum ἡσῖστος? non etiam ex nostris eruditi quidam scriptores ab Habeo declinarunt Habentiam? ut ἡσῖστος perfecta sit corporis habentia: noua quidē uox, ex habeo tamē uerbo ab illis declinata, quorem ipsam propriè magis, significantiusq; exprimerent. Quid? quòd hæc ipsa Διαθεσις pro rerū diuersitate latine alijs, atq; alijs explicari uerbis et potest, et consuevit: ut cum dicimus quempiam siue affectum, siue propensum esse ad mercaturam magis quàm ad literas: uis enim illa, aptitudoq; naturalis tum Affectio, tum Propensio, ex propriè, ex significanter dicitur, minime uerò dispositio: ex homo ille eam ad rem propensus, affectusq; non autem dispositus. Nam procliuus facilitatem magis præ se fert uoluntatis, quàm naturæ uim, atque aptitudinem, quæ tamen à propensione ipsa, affectioneque exprimitur. Dicunt etiam tosum eadem cum absurditate, male dispositum statui faciendæ, cum ex latine, ex rectè dici debeat, male aptum, male appositum, male etiam accommodatum: nam male affectum non ita libenter dixerim, quando in lapidem uix cadat affectio, præterquam si abutamur uocabulo, quando aërem etiam male affectum legimus. Quo fit, ut Διαθεσις ipsa hac in parte tum Aptitudo Latine dicatur, tum Appositio, maximeque significanter omnium, accommodatio, quòd aptè quidem peridoneque materia ipsa accommodari ad eam rem possit, quam artifex ipse faciendam suscepit, non tamen ut non hæc ipsa rectè etiam dicatur Habilitas. Quin ex Διαθεσις hæc nonnunquam nostris à maioribus uocata est Natura: ut cum legitur, agri huius natura, siue ligni, lapidis uel, aut materiæ cuiuspiam: quin ingenium quoque ex terræ, ex soli, ex regionis, rerum rusticarum scriptores protulerunt. Sed redeamus ad uerbum Habeo, an non ab eo deriuata est etiam Habitudo? quæ fortasse ad corpus referri, quàm ad animum magis debeat, ut quæ est pueri huius, puellæ uel habitudo? Sed non cro in

hac questione, de hac ipsa differentia nimis sollicitus.

Quid quod tum noua, tum inerudita etiam appellatione, quæ Græcè *ὑπαρίσις* est, transtulere Complexionem? Nam quid obsecro cum Complexione *ὑπαρίσις* habet? Complector namque quid Latine significet, manifestum est, ut complector amicum, hospitem, familiarem, et complector negotia publica: & Liuius scriptis suis res Romanas complexus est: dicendi quoque siue color, siue figura quædam est Complexio. Quo nam autem modo hæc ipsa uox idem Latine sonabit, quod Græcè *ὑπαρίσις*? ut enim Complexio tum coitionem quandam corporeæ siue compactionis, siue humorum è quibus corpus consistit, siue coactæ simul massæ concretionem plane indicet, quod quidem non indicat, quo nam inquam modo indicabit temperationem? cum *ὑπαρίσις* Græcè hoc ipsum significet. Est tamen, ut Complexio collectionem illorum, copulationemque atque connexionem massæ totius indicet, completaturque eorundem comprehensionem: temperaturam uero nullo modo aut indicat, aut completitur, quam Græcè *ὑπαρίσις* præcipue, ac significanter indicet ac præferat. Itaque uox ipsa Complexio, præterquam quod nouè dicta est, non implet Græcæ uocis significationem. Quocirca & propria, & Latina, eademque maxime significans dictio est Temperatura, si magis forte tibi placuerit Temperatio: nam ut mistio & mistura, sic temperatio in usu est doctorum hominum, ac temperatura, sic status corporis, ac statura: quanquam status ad plura pertinet, quam statura. Temperatura igitur, massæ totius coitionem præferat, atque compactionem, ipsiusque compactionis misturam ac temperamentum, ut scriptura, sculptura, textura, iunctura, pictura, itemque statura, ac permulta eiusmodi alia. Perinde namque ut scriptura picturaque designant quid & quale sit, itemque quantum, ad ipsum quod scriptum ac pictum est, quid item & quale, & quantum quod sculptum, textum, ac iunctum est, sculptura, textura, iuncturaque, utique statura, qui status sit, et qualis, quantumque ipsius corporis: sic Temperatura, quæ & qualis, quanta quoque coitio ipsa, massaque sit corporis, humorumque ipsorum corpus constituentium coactio ac mistura. Nec minus tamen proprie ac significanter rem ipsam designaret, quam proxime dixi, Mistura, sed Græca uox Temperationem magis indicat. Denum si rem ipsam attenderimus, & significantius diceretur, & proprie magis siue corporis Cōpactio, Conglutinatioque, siue Mistura ac Cōstitutio (namque ut est reipub. constitutio è legibus, moribus, statutis, decretisque, sic corporis ex humoribus, eorumque misturis ac conuenientia) quam hæc ipsa dicitur inter omnes tam diuulgata Complexio, quæ prima quidem facie amatorias præferat delicias, uoluptariosque complexus. Itaque rem ipsam non ut

non planè intellectam Eremita querebatur, sed nõ suo quidem nomine explicatam, Latinaq; appellatione et propria. Cum tamen affirmare nõ dubitaret, ni Græcam reddere dictionem mallemus, dici eam appositè magis, proq; rei ipsius natura Fermentationem, idq; uerbum significandam ad rem maxime esse accommodatum.

Idem quanquam pudenter ac parcè, mirabatur tamen hos eosdem philosophantes parum animaduertisse quas ipsi uocarent Circũstantias (nam liberales considerare debent et quantum ipsi dent, et cui, quid item et quale, ac per multa quidem in dando alia) easdẽ omnes uno uerbo priscos autores consueuisse complecti, quod quidem uerbum esset Delectus. Itaq; M. Cicero cum præcipit delectum rerum esse habendum, quid nam aliud præcipit, quàm ut ratio habeatur rerum, temporum, personarum, locorum, quæq; alia agentem ipsum comitantur, quem prudentem esse oporteat, cum sit hæc ipsa consideratio prudentiæ propria? Hæc nobiscum deambulans, quanquam uerecundè et probè, querebatur tamen Aegidius, quod negligentia recentium philosophorum effectum sit, ut et Romana lingua, quæ abundè locuples esset, in summa sæpe copia laborare uideretur inopia, et Græca uerba à parum cultis scriptoribus inculcata, propriam uim ac significantiam nec Latine redderent, nec significanter: minime ut sit mirum tempestate nostra, eloquentiæ studiosos aut nullam, aut perexiguam impendisse philosophiæ operam, ipsos uerò philosophos eloquentiæ penitus esse ignaros, atq; utinam non et hostes. Sed nos Aegidiũ absentem quidem, ac piè rem Christianam, et fortiter gerentem, et bene, et religiosè ualere iubeamus, consuetudinis eius, ac sanctitatis memores.

SVAR. Eadem et nos quoq; cepit spes, ipsaq; ita quidem certam sese nobis offert, ut Latinã philosophiam iam iam cultu elegatiore, cothurnisq; nitidioribus incedentem uidere uideamur. Quam ad rem confessiones istæ tuæ non parum etiam conferent. Nam Aegidium ad hoc ipsum natum intelligimus, et Augustini exemplo sic inuitari, uel rapi eum potius, ut nihil magis aut aueat, aut curet, quàm ut eremitarum ordinem in ueteris eloquentiæ possessionẽ pristinã iam restituat.

PONT. De Aegidio quidem nemo est qui dubitet. Cæterum cõfessiones hæ ipsæ fortasse habituræ sunt momenti aliquid. Pardo præcipuè operam suam non abnuente, cum fama quoq; certa sit, adolescentes quosdam optimis ingenijs præditos ad hanc ipsam militiam sese instruere.

POET. Vtuncq; Iouian, itineris è Roma suscepti nec nos poenitet, et porticum hanc, quandiu Neapoli erimus, quotidianasq; istas confessiones assidui frequentabimus.

P. SYMMONTIVS SVARDINO SVAR  
do, & Francisco Poëto S. D.



Vadentibus vobis, meq; ad editionem hanc assidue ad  
hortantibus factum est, ut prodire iam in lucem non  
desinant reliqua Pontani monumenta. En vobis Dia-  
logus ille ultimus, superiori excusatione à me promissus: cuius le-  
pido argumento Pontanus in cuiusdā ingratitude clam in-  
uehitur. Iustam itaq; indignationem mandare literis cum uellet,  
eam sale luvius libelli cōdnt. Quare absolutis hac editione omni-  
bus, qui supererant, Dialogis, ad reliqua uos accingite: quorū le-  
ctioem certō scio longe uobis forē suauiore, quā Antinia-  
nā ē uitibus olim fuerit liquor ille, ad quem uos Pontanus so-  
brios in primis, atq; abstemios ambos, apud Aegidium suum in-  
uitauit. Quanquam sorbillatione ex ea nunquam uel summa la-  
bia intinxistis. Sed nostis quantū liceat rerū scriptoribus. Valete.

# IOANNIS IOVIANI

PONTANI DE INGRATITVDI  
ne Dialogus, qui ASINVS  
inscribitur.

VIATOR, CAUPO, TABELLARIVS.



ACEM ROMAE FACTAM ESSE  
aiunt, cuiusq; Poëtam nescio quem autorem re-  
ferunt. Ego quidem Poëtæ huic uel grādiuscu-  
lo propinauerim. Amabo meritoria huius ec-  
qui se caupo, ecqui se minister offerat? CAUP.  
Equidem pacem hanc siticulosam esse Augu-  
stus ipse abunde docet. Euge puluerulente, læ-  
tare hoc nuntio, & offulam hanc pepone ē sua-  
uissimo accipe, cyathumq; hunc uel tertio ductandū ebibe. VIAT. Ebi-  
bo. Da queso & alterū. CAUP. Pax igitur facta est? VIAT. Pa, pa,  
pax. CAUP. Amabo resipisce, atq; inde loquere. Vel puluerem quidem  
bellissimē homuncule tibi palliolo excutiam. Hauri puer & secundum, &  
tertium, & quidem recentissimū. Pax ne facta est? O bone Laurenti, dies  
hic tibi sacer est. Noces à me quotannis expectato quam plurimas. Pax ne  
facta est? anniuersariū tibi sacrum cauponariū ex uoto statuo. O misellam  
caupo-

cauponam. Ecquando ne mihi, frondenti apio, laureo redimitas ferto, exteriores foris, internas cellulas liceat coronare? Verum ego sum stultior, occidente iam sole, diem qui ad exortum reuocem. VIAT. At qui felicissimum te te, ipsanq; cum primis tecum cauponam dicito: Pax diem instaurebit. Pacem in foribus, atq; in tabella pingito. Lucrum tibi uinariū, emolumentumq; pulmentarium omnis generis, ingens, largum, opulentumq; augurator. Eueniet, mihi crede, eueniet. Tu tibi bene habe, cupasq; ex urbe comportato huc uinarius, fac rideant fores, effice ut omnis et domus, et hortus renideat. Pax hæc imperat, pacisq; amicus Eubius, cauponæ ipsius atq; cauponantium pater. Ego Neapolim propero, triciente exuſto. CAUP. Bene mihi fore pace ex hac et libens uolo, et libentius auguror. Agite qui adestis ministri, cyathos eluite. Socij, talos iacite, hilem diē hunc paci. Adest quaternio, quarto tibi potandū edico. Adest rursum quaternio, rursum tibi ducendum hoc est, udum, rorans generoso ē palmite. Ah, ah, cecidit canis. Tu quidē ipse sitis, ut illa est siticulosa, hoc ipso præsertim tempore. En iterum canis allatrauit, licet siti conficiare, tam male fortunatus qui sies. Euge euge tibi caupo, adest senio, adest rursum et senio, mihi augurium hoc promittitur, mihi ducendum est, uel septies quidem decies iterato ductitabo: quippe qui ualentibus pedibus, capite ualentiori utar, compleamus hilariter numerum. At at utor ne ego recte oculis? agglomerari ne ego pulcrem uideo agitatu equino? an uentus meridiano tempore exciri ē mari qui solet, illum exagitat? equus certē est, quin e quo satellites uehitur. Arrigite aures, inflat ne iam buccinam? inflat proſcōd, regius est tabellarius, poculum homini et frigidum, et generosum præparemus. Aducent iam, et equum calcaribus stimulat, et inflauit iam cornu: buccinam buccinatorem nec unquam quidem uidi buccinatus inflare, et inflat, et cachinnatur, et interim præconium uocalissime enuntiat. TAB. Captos iam scitote. CAUP. Quid captos? auscultemus. TAB. Qui regem prodiderunt, qui regium nomen euertere ab imo, cum ipsi infimo ē loco prodissent, conati sunt. Saluus est rex, salua patria, saluus est Alphonsus, qui salutem comparato exercitu, obſessa Roma nobis peperit. Hilem hunc diem facite, noctem multo hilariorē. Effulgeant ignes summis ædium culminibus, etiam quam creberrimi. Conuiuia ipsis in propatulis celebrentur. Demum læta sint omnia, confecta pax, ac duce ipso uictore cum exercitu domum redeūte. CAUP. Age age bone hospes, equum siste, potita, æstas est, puluerulenta sunt omnia, refrigerata et pulmones, et guttur. TAB. Nunquam quod meminerim niuosius. Obsecro te, poculū itera. CAUP. Et quidem ampliusculū.



Sed amabo bone, postquam refrigeratus, qui tantum inasperati affers, ut certum affers? TA. Captos sceleratissimos homines, ut reos capitis, ut patriæ hostes, ut maiestatis conuictos. CAVP. Papè. TA. Iam de illis capitis sententia aut fertur, aut lata iam est. CAVP. Luant ipsi meritas poenas, quando publicam rem tam male habuerunt, ut penè regnum omne, cum ipso rege, liberisq; pessum icrit. De pace quid autè? TA. Nostis ne Iouianum Pontanum? CAVP. Quid ni nouerimus, hominem ubique notum: quippe qui paucis antè diebus de itinere ac ualitudine fessus, Romam conficiendam, ut nunc sentio, ad pacem illinc ab Innocentio. Alphonso hinc arcessitus, meridianus hic conquieuerit: et quidem miserati sumus, qui hic tunc affuimus, senis imbecillitatem, ac male ualentem habitum, ut qui itineri satis non esset, his præsertim caloribus. TA. Dij ipsi, ut omnes prædicant, atq; ut rex ipse testatur, seni et quidem ualitudinario affuere: pacem enim ita confecit, ut regi salua sint omnia, quæ amissa propè iam erant, procerum perfidia, administratorumq; iniquitate. Vos autem et paci, et patriæ propugnatori, qui pacem populis uirtute sua peperit, exornate et porticus, et compita, diesq; festos agite. Mibi alia ad oppida properandum est, publicæ letitiæ gratia: rex patriæ pater, publicorumq; bonorum autor hoc sic imperat. Valete compotores ualentissimi. CAVP. Et tu nuntij tam auspiciati auspiciatissime autor propera, ut pacem populis promulges, ut nos qui ad medicitatem propè redacti ob bellum sumus, nuntio hoc ab inopia uindictos bees. Dij tecum eant et duces, et comites. Mibi certum est è suburbano in urbem properare, certiora illic de pace, regisq; rebus ut intelligam. Et iam, ut uideo, agrorum quoq; facies immutari cœpit, nescio quomodo aer ipse letiora promittit. Ego quidem somnijs ipsis fidem uel maximam censeo adhibendam, quando noctibus his e quos in boues uerti, castaneas arbores abire uinarias in cupas somnians uiderim. quid somnians hæc uiderim? fictile ministranti mibi, autem factum qui senserim: mox monetarium ad magistrum perlatum, in numos fluere, aliumq; ex alio numum gigni, cōfestimq; in cumulum cōgeri, meq; eo cumulo obrui. Coniectores quidem ipsi somnium sibi conijciant, ut uolunt, mihi profecto paci magis creditur. Ab eo in urbem. Vos domum exornate, qualem et pax exigit, et somnia hæc ipsa uolunt.

CAVPO, CHORVS SACERDOTVM.



Vod mihi meisq; contubernalibus felix ac faustum sit, decorum supplicationibus urbem occupatam inuenio: quam leta populi frequentia? quam canorus sacerdotum chorus? CHO...

Pacem

Pacem cœli rector populo,

Pacem terræ tutor peperit.

CAVP. O bene ominatum carmen.

CHOR.

Nobis pacem, nobis ocium

Pacis nobis autor rettulit.

CAVP. At meritoria meæ lucrum, et uoluptatem, et dapinationes opiperas. O me beatum. Aderunt frequentes lenonum puellæ, aderunt earum sectatores, nouitij satellites. Et iam audio Sicilia, Hispaniaq; ex intima aduectum florem scortillorum, recentissimum quidem Venercum merimonium, urbanaq; iuuentutis illecebras atq; allestamenta, meum merum solidū cupedinariūq; peculiū. Agite sacerdotes, pacem concinnite, pacē dijs immortalibus acceptā referte. Ego profectō cōpotoribus, ganeonibusq; meis omnibus ita me cōparabo, uti basilicas apud me comestationes, basilicūq; me cauponem experiantur, prædicent, in cœlū efferrāt. CHOR.

Pacem rura, pacem prædia,

Pacem tecta et urbis sentiunt.

Virgo plaude, nuptæ plaudite,

Paci rite matres plaudite.

CAVP. Mihi quidem loculis plaudedū est meis. Ut gestitis inanissimi? ut animo agitatīs aurculos illos Venetillos? hos ne mauultis, an Florentinulos illos ampliusculos picturatos, hyeme etiam media perflorescentes? An Oceano uectari cupitis aurea nauicula, aureo malo, uelis etiam aureis? et hoc quoq; præstabitur, ut in cōtinenti deambulantes. Britanniciū secetis pelagus. Agite loculi, capite iam auras, quīs sinū impicatis. Et iam, ut uideo, Oceano libare gliscitis. Verū agite, inspicite, noscite, Britānī ne hi sunt, quos Roma proficiscētes diuertere hāc ad meritoria uideo? An me oculus fallit? profectō uestitus ipsa Britannici generis eos indicat. Accedā propius, quin Britānissimi quidē ipsi sunt. Vobis et urbem, et cantū sacerdotes relinquo, mihi quidē Oceano cauponariā rem facere decretū est, ut hodie aureola cymba piscator Britānico in freto aureū etiā rete in profundū iaciam. Heus pueri, Bacchū in iudiciū ad prætorem uocate. Dormientē tamen illū somno ne excitetis iubeo, quin Vernaciolo illum cado includite, ne somno experrectus, Britannicūq; forū, ac Britannū iudicem timens, fugam arripiat: nā et horrida uox, sermoq; ipse horridior detertere illū abunde potest. Tu quidem cōcinere illos iube, quo aut somnus Baccho fiat suauior, aut illo excitus, ac suauitate cantus delinitus, ludere argenteum ad poculū cum illis cupiat. Et id quoq; præstate pueri, ut nostro in penu sit qui Græcē, qui Corsicē, qui Ligusticē sciat, etiamnum qui Creticē.

## CAVPO, VIATOR.



Ntiquum & notum amicum peregre aduenientem, ut libens uideo, ut mihi iucundum est ipsum et complecti, & alloqui. VIAT. At ego beneuolentem compotorem, inuenire ualentissimum et lætor, et habeo dijs gratiā. CAVP. Quā cū stomacho bene? VIAT. Lupum in uentriculo gero. CAVP. Vt cum siti? VIAT. Exaruerē pulmo nes calore & puluere. CAVP. Pueri expeditissimè afferte quo sitim le uet, heus expergiscimini. VIAT. Atqui cōsiliū est, prius puluerem pallio excutere. CAVP. Date linteolum. Ministrare frigidulam, qua et os, & labra, & faciem totam perluat. VIAT. Vt me recreasti pocillo hoc crystallino? Nihil uidi unquam hoc ipso limpidius. Vt in eo salit nigellum tuum. An, ut puto, est Casorianum? CAVP. Reluite pueri pocula. Misce te recentiusculum illud intimo ē penu. Afferte, Centuresium hoc est. Cape beniuolentissime homo, labra delibatim pertinxeris, pedes illico sentient. Mihi crede illo in dolio Bacchus cum uere lusit at totum adeo dolio lumflos est merus. VIAT. Atqui putarim eo ē dolio aurum scaturire, aurum profecto linquentissimum digitis teneo, fusile quidem hoc est, & portatile, ut dicūt: labellatim profecto ducam, nō uno haustu. Euge Bacchi delitio. Anima mihi ipsa cōgeminata est olfatu solo, uideni ut ipsum aurum aurescit in cyatho? Anima mihi ipsa trigeminata est labellatu uno. CAVP. Salue mi Geryones, salue hospes Atlantice. VIAT. Quid mirā triplicem me factū, si Centuresiū potito? si tuum istud mihi penu Atlāta est ipsa illa beatorū insula. CAVP. Ah ah ah. Delinge amabo et hoc (iniuriā enim si hauseris, cadillo feceris) & quidem substrictissimis labris Fastinianū hoc est, merū quidem Fastinianū: reliquie non cadi modō huius, uerū totius Campani penoris. Itaq; sublibare te illud & quidem haustillatim uolo. VIAT. An forte uerendum est, ne hodie Fastinianum hoc tuū nobis exhibeat negotiū? Scis quā mihi non placeat fastus. Et hos quidem ipsos uereor Hibernici generis homines, fastum in naso qui gerūt. CAVP. Nihil Fastiniano hoc tuo suauī moratius est, rixas mirum est quantopere fastidiat somni solus amicu, atq; blandiloquentie. Sed amabo Hibernū ne sunt hic? VIAT. Quin horum aliquot Scotia nuper ab ultima Roma deuecti. CAVP. Quē nam aduentus causa? VIAT. Animi peruicacia quēdā, dum persuadere sibi nullo modo possunt, Romano pōtifici liberos esse. Itaq; inuenerūt Pontificem ipsum filij nuptijs præsidentē aurato in solio, filiā uerō Romanas puellas inuitantē ad choreas, atq; ijs ipsis nuptiarum diebus natā Pontifici filiulam alterā: mirificā, mihi quidē, Christiano religionis



Aliaud expectas aut potius, aut certius deliracionis signum? *Muse* Aonides, Scethides nymphæ, ubi nam gentium delituisse? *Monstra* mihi hæc, et quidem portentosiſſima uidentur, quis hoc credas? aut qui nam fieri hoc poteſt? quod ne dii quidē ipſi uideri debeāt paſſuri. *ALT.* Certares eſt. *PAR.* Aſino ne uehi etiam perornato, per urbem in publico, per regionem urbis frequentiſſimam, ſexagenariū hominem, regiſ aſionibus præſidentem, moribus tam compoſitis, inſtitutis tam rigidis? Vale, uale Apollo. Si uerum eſſe hoc ſenſero, naturam ipſam credam iam repuerasce. Sed commodiſſimè nobis offertur, ut uideo, Chariteus, colloquamur cum homine. Quid quòd cōturbatuſculum domo prodire intelligo? *CHAR.* Laudent qui uelint ſenectutem, mihi quidem ſapientiſſimè inſtitutum uidetur, ſexagenarij è ponte ut deijcerentur in Tyberim. Quin bene me cū aſiū putem, antè quàm hæc uideam, quàm hūc annū attigerim, ſi uel ſcapariam cum Charonte exercuero. *PAR.* Charitee Charitee, ſiſte Charitee, ſalue, quò properas? quæ te res tam impotenter agit? Siſte gradum, amicorum res agitur: iubet hoc amicitia, uel humanitas id poſtulat tua. *CHAR.* Ne per deos quiſquis es, ne obſecro me ab itinere incepto reuoca. *PAR.* Maior res agitur. Siſte, ſalue. Quò te? *CHAR.* Quò aſinus imperat. *PAR.* Quid malam in rem, aſinarium iam ne agis? *CHAR.* Quin aſinus ipſe me agit. *PAR.* Iam, ut uideo, delirauimus, aſtum atq; tranſactum eſt de ſene, ut uideo. Explica obſecro, quid hoc eſt, quòd aſinus te te agit. *CHAR.* Quinimmo impellit ac proterit. Tu rem ipſam uide. Propero ad ærarios fabros, comparaturus diuerſi generis tinnabula, cingulum item ſericum diuerſicolorem: qui cum intextis tinninabulis, aſini collum exornem. Flamen quoq; purpureum auro intertextum empturus, ad illius frontem appenſum aurata fibula, perinde ac ſtabellum, aſino uentum in calore quod exciat. *PAR.* Dij boni, quid ego è Chariteo audio. *CHAR.* Quid: iſtis Parde oculis uideas, domū ſi me à ingreſſus fueris, bracteolas argenteas, auratas lamellas, ſoſculos etiā gemmatos auro intertextos aſino parari. Uſque adeò cum ſapientia ſimul cultus quoq; ac comptus ad aſinum tranſijt. Hoc hoc illud eſt, quod dici ſolet, Omnia tempus ſuum ſortito cōſequi. Maiorā ne aut audire, aut ſentire uultis? Epiſtolam legite, quam nuper ſuis ex hortis ueſter ſenex, quod gaudere oppido abunde poteſtis, ad pueritiam iam regreſſum, ad me per curſorem quamfeſtinaſſimè miſit.

Epiſtola.

A M A B O Charitee meus oculo, peſtincm mihi auratum emito, qui ſit eburneus, Praxitelitus: qui dum ſtringitur, dū dorſo agitur, tinniat mihi, ſublandiat ur animo meo, qui riſum pelliciat atq; hilaritudinē: quid enim aſello.

afello meo delicatius? uult sibi applaudi, uult diei bellissima uerba, facit mihi delitias, dum ei frontem defrico, dū uersiculos succino. Quin te beatiorcm ut faciam, et hoc accipe. Apposui deliciolo meo è melle ientaculū: ubi illud delinxit, osculo me confestim petijt, tam blandē, ut ei quoq; amplexū cum osculo retulerim: beauit me, cupio et illum beatū esse. Tu uerò meus amicule, et illud statim cura. Timet delitiolum meum muscas, calores fugitat, perreclato institores omneis, dum è tenuissimo serico stragulum cōpares, quo intellectus Arion meus, Cyllarus meus, muscarum aut culicū aculeos ne sentiat, atq; id cum primis effice, ut sit quamfulgentissimum stragulum, delicatissimū textū, solidissimū muscarū repagulū. Ne uerò aut mire re, aut indigne feras domini delitias, uide et cōtemplare ex asino, atq; in asino Pythagoricā disciplinā. Nam hæc ad te dū scribo, pellegente afello, ipse accomodatis humanā ad enuntiationem labris distichon hoc effudit:

Melle meus me pascit herus, pro melle recepit

Oscula, complexum pro sagulo excipiet.

Ludicabis aut Marsum, aut Cornificiū in afello meo uersus edere. Illud quoq; summo studio, ac deditissima curabis opera, uti flabellū pauoniniū, quod sit quamoculatissimū, per hunc ipsum puerum ad me mittas, quo in umbra, atq; in æstus, meo delitiolo uentū faciam. Reclē uale, nam et ego cū domino, sine quo uita mihi nulla est, ualeo etiā ualentissime. PAR. Hæc quidem epistola mera est deliratio, aut merus potius nostrū omniū dolor. Quando autem delirium ipsum radices nondū altiores egit, tentandū est, quā possumus diligentissimē, uti curetur. ALT. Mihi quidem Actius conueniendus uidetur, qui nuper è Roma itineris ac laborū socius cū illo redijt, uti ex eo perscrutemur, num quæ signa delirium antecesserint, siqua fortasse ad sanitatem regrediundi reliq̃ta spes intelligatur. PAR. Longè optimè consultum uidetur. Quocirca familiarem, atq; amicum hominem conucniamus, uti eo ipso comite in hortos ad senem proficiscamur.

ACTIVS, PARDVS, ALTILIVS.



Liuium hunc Musarū esse uolebat noster Crassus, immo pace uestra dixerim, meus: is enim me instituit, is me studijs, his dedicauit, illi debentur quæ in me insunt, si qua laude digna insunt, omnia. PAR. Miror Lucium Crassum corpore tam obeso, uiribus non satis ualidis cliuū hunc, quanquam amicum, ascensu tamen non indifficilem, ut ex te tam sæpe audio, pedibus frequentasse. ACT. Mira etiam cum uoluptate: nam et sepicule confidebat sub arbusculis, aut muscoso aliquo conquis-

seebat in lapide, uerum Poëtarū, aut si quos ipse lucubrasset uersiculos interim referens. Multa etiam sæpe aut ipse docens, aut nos qui eum sequebamur percunctatus. Ad hæc dicere nobis solebat, quo labor ipse ascensionis esset leuior, collem hūc Heliconem & sibi, & nobis esse: neq; posse Musarum ad templum, nisi cliu perueniri, quem Virgilius ipse singulis ferme diebus ascendere esset solitus, ubi post & uillam sibi comparasset, & moriens humari testamēto cauisset. ALT. Recte sanè hæc ut cætera Lucius. Quando autem aliud nunc agimus, missum illum tantisper faciamus, dum quod nos tantopere male habet, sciscitemur illud, si qua uia senis nostri delirio obuiā iri possit. Age Acti Romæ cū ageres, qualem se in obeundis Iouianus negotijs, qualem in suadenda, aut componenda pace nunc in urbe, nunc in castris, aut in itinere ipso egerit, explica, edoce, explana, nostrum omnium una res agitur. ACT. Quem sese egerit, ipsa res docet: pacem enim obsistente Cardinalium collegio, quibus uoluit conditionibus, perfecit. Miserati sæpe sumus senem languenti corpore, me dijs diebus, ardentissimo sole, per frequentissimos latrones, quibus itinera circumfessa erant, nunc ex urbe ad Alphonsum in castra, nunc è castris ad Innocentiū Romam properare, ut qui illum sequebamur, de senis uita actū iam in singulas propè horas nobiscum ipsi dolentes quereremur. Itaq; diligentiam si requiras, nihil illo etiā ad minima quæq; momenta attentius: si prudentiam, nihil omnino consideratius: ut non modò laudem, uerum summam sibi principum hominum admirationem, cum magna etiam populi Romani beniuolentiā conciliarit. PAR. Non uidetur in tam breui præsertim spatium, parata esse potuisse aliqua ad delirationem uia. ALT. Quæ obsecro in itinere atq; in reditu eius consuetudo, qui etiam sermones erant? ACT. Consuetudo qualis antehac semper fuit, multum cogitandi, plurima secū in animo uolucndi, neq; enim tempus ullum labi frustra patiebatur. Erat illi post alias atq; alias publicis de rebus cogitationes, in ore Vrania, quod à se nondum perpolita esset: neq; uti sæpenumero etiā querebatur, aut capillum bene cultum haberet, aut faciem puellarem ad comptum satis extersam, quæq; ad Hymnæum uocata, nondum dignā nuptijs uestem, aut dignum Talasio mundum induisset. PAR. Nullum hæcenus, ut sentio, repuerascendi signum. ACT. Sermones autem post cōcoctas illas mentis agitationes erant quam iucundissimi, ut affirmari in eo iure potuerit Laberianum illud:

Facundum comitem in uia pro uicino esse.

Sæpe etiam multa nobis ex antiquitatibus referebat, ut quem locū aduertisset, in quo nauatum à maioribus aliquid memoria teneret. Vbi ad meritoriam



ritoriam peruentum esset, ibi cum familiaribus quantū lepōris erat, quantū hilaritatis? uti labor omnis abiret in uoluptatem. In cœna atq; inter discumbendum nihil triste passus unquam. Oportere in mensa Letæ, atq; exhilarantia esse omnia: neque iniuriam Baccho faciendam, qui letitiæ esset dator. Seueritatem in foro, tristitiâ in funere, cunctationem in capiendo consilio, supercilium in senatu: retinendum esse dicebat. Talem itaq; noscer senex in itinere, quod commendare etiam debeatis, sese ubiq; præstitit. PAR. Quid igitur Altili, uidentur ne tibi hæc delirio tam repentino conuenire? Vides quantam temporis, quantam rerum ipsarum pensitationem habuerit? Quamobrem etiam atq; etiam uidendum nobis censeo, ne delirare ipsi cum hac delirij suspitione merito uideamur. ACT. Quod quidem ipsum etiâ atq; etiâ prouidendū duco, quando in singulis actionibus ita se, suaq; omnia circumspecterit, uti diuina quadam prouidentia duce ac magistra, res magnas illas quidem ac perdifficiles confecisse uideri possit. Et cliuo hoc interdicendum atque examinandum superato, illud à nobis sequendum iudico, ne ad Iouianum hac cum suspitione in hortos pro cedamus, uerum ex insidijs quasi quibusdam, quid ipse agat, quid cum uillico, quod de more eius est, faciundum proponat, animaduertamus. Eius enim oratio uiam nobis patefaciet cum ineundi cum eo sermonis, tum remediij cogitandi. Quocirca post contextam illâ marino errore sæpiculam, insidendum, aut delitescendum potius nobis statuo, inde singula eius uerba, gestus, ac motus etiam singulos commodissimè aucupabimur: quodq; et uolo, et cupio, ac dijs bene iuuantibus, spero, et animus etiam præfagit, Musæ ipsæ sacerdotem suum, antistitem suum, sacrorum suorum arcinarium minime desertum patientur. ALT. Quod et nos omnes fore optamus, et uotis, ac supplicijs acceptū Musis ipsis referemus. Delitescendi autem cōsiliū, mea sententia, magis è re capi nō posset. Quocirca per diuerticulum ad sæpem, magno silentio, passibus etiam minime strepenti bus progredimini, duce me, qui agrum omnem, singulasq; arbusculas exactissimè nouerim. Vos autem pueri hic nos manete.

PONTANVS, FASELIO VILICVS, PARDVS.



Antam istam inserendi diligentiam uel admiror Faselio, nimiam tamen illam detrimentorum lunæ obseruationem, arcessende frugis gratia, iure quidem improbauerim multum. Etenim ipsam illam uim, qua fructus elicitur, non tam ad ultimos illos properantis ad coitū lunæ dies, q̃ ad surculos ipsos referendā statuo: quippe ubi è ramo frugifero, atq;

ad solem exposito, ex ipsoq; rami cacumine lecti fuerint, etiam primo insitionis anno frugem proferunt. Quodq; ipsa me obseruatio docuit, neq; aut offuerint multum, aut contulerint ualde lunæ detrimenta, si aut defleuius præterita in insitione fuerint, aut diligentius obseruata. Quid enim conferre possunt surculi, male quidem atq; infelici è parte lecti, ut qui cna scantur tãquam inutiles, atq; superfluentes, quicq; in fragella solũ exeat: nec si nõ eruncentur, ad fructum etiam multos post annos ueniant, in quibus præter proceritatem ipsam nihil est iure quod laudes. Quam quidem prouocandæ feracitati mirum in modum alienam experientia ipsa docet: inde enim fragella dicta, quod perinde ac inutilia, refringenda præcipiatur ipso è stipite. Quocirca obseruare te cum primis uelim ramum solarem, frugiferum, ualentem, è quo surculum legas. Hoc ubi feceris, non est quod te oporteat detrimentorum lunæ curam tantum suscipere: non quod non hoc ipse magnopere probem, tunc enim succus ipse coactior, atq; uegetior est, et glutinosi plus habet, sed quod nolim cuncta te ad lunam referre, quando et ars hanc ad rem plurimum conferat. Cum plena etiam luna insitionem optimè cedere sepiusculè sim expertus, tunc enim procerior arbor prouenit, atq; in conum orbiculata quadam specie honestius protenditur. Nec te poeniteat, ubi luxuriosior creuerit, annis insequentibus imminuto lunæ lumine, amputatis ramulis luxuriam ipsam ne maiorem in proceritatem exeat, falce compescere. Nec uerò, quod colonos nostrateis latet, parum etiam conferet ad insitionis secunditatem, signiferi orbis cognitio, hoc est, quæ signa, inserendi tempore, luna peragret, quo etiam è loco Saturnum intueatur: cuius stella inde sit dicta, quod potissimum satui præsit, cum sit uis eius terrena, ac seminibus præesse intelligatur. Illud autem mirificè improbandũ, atq; accusandum Faseli duco, quæ sub hæc frigora tam repenti à septentrionibus excitata, Citrios irrigare multa etiam aqua neglexeris. Nihil enim tantopere ab hoc arboris genere frigus æret, quàm frigidissimis etiam diebus assidua irrigatio, quod ratio ipsa docet. Siquidem hyeme ipsa, concretoq; septentrionali flatu aëre, qui terræ calor inest, magis ac magis in se cogitur, cum euaporare concreta gelu, terræ superficie ac solo nequeat. Quocirca cum arbor hæc siticulosa sit admodum, tepescente terræ sinu, aquam ad radices appetentius trahit, quæ in alimentum uersa, robustiorem se se aduersus frigus agit: neque enim exarescere succum patitur, perinde ac materno fota sinu, huberibusq; nutritis admota. Ad hæc, arbuscula ipsa ad summam penè terram fibras etiam plurimas, capillamenta quasi quædam agit, et quidè minutissima, quæ glebulis inherentes, multũ inde succum ebibunt. Hæ autem ipse glebulæ

glebulæ ut magis ac magis capillamentis ipsis propter humidi uim conciliantur, sic rursus sicciore effectæ, penitusq; exuclæ capillamenta destituit. Quod assidua quidē irrigatio omnino prohibet. Hæc ob rem tū æstate, tum hyeme, opportuna irrigatione iuuanda est. PAR. Ratio hæc, colendarumq; citriorū cura, ingenij haudquaquā delirātis uideri potest. Nō male igitur nobiscū agitur, nec est quod Musis gratias nō agamus. PON. Te uerò mi Faselio ( quod seruatum etiam mirificè laudo ) inspicere cum primis uelim, ne terra imbris madefcente, planta scrobibus infodias, quod permadido solo, ac liquefcente terra radices minus inhereant, nec multo post mucidæ effectæ corrumpantur, uerum impendente pluuia. Vbi enim sicco, non tamen arescente solo plantam infoderis, radices ipsæ magis ac magis terræ coniunguntur, et fossa ipsa imbrem statim insequentem cupientissimè pariter ac siticulossimè recipit: fit etiam ut solū ipsum magis ac magis spissetur à pluuia, et radices alimentū suum terræ conciliatum, uberius multo ducāt. Ac ne te morer diutius, exigendo præsertim operi instructum, hoc age mi Faselio, priusquam destinatam aggrediare operam, brasculis illis ( sunt enim perpaucae ) sarculum benigne admoue, finumq; radicibus, propius sarriendo aggere, quippe quæ tanquam lacte suo destitutæ uideantur pallefcere, ac de matre queri. Tu illis opera tua subueni, nam et hero gratum feceris, et tibi iusculum paraueris, qui cum bubulam concinnes, succidatq; percrutere. Hoc est quod te agere destinatam ante operam uelim. Interea meam me operā a fello reddere par est, ne queri de hero suo iure possit. Heus puer, hoc age, siste huc ad me Cyllarū quam nitidissimum, atq; id uide, ne dum serica illum reste ductitas, dum ludere feroculus cupit, calcibus in te insiliat: noui ego Cyllarinas illecebras, ac do mini nostri blāditiās. PAR. Utinam ne hic hodie asinus nobilitate etiam Romana nos donet, agnominetq; Asinios. Aures arrigite, idq; in primis post sepiculam uidete, ne musitari à uobis quippiam sentiatur.

PONTANVS, PVER, PARDVS.



**E**pidiſimè illud quidem et rudit ſimul, et calcitrat meū delitium. Vnum illud deſuit, aſini quod ſolent, an fortasſe puduit, hero præſente crepitulum facere? Vides quid præſtet domini reuerentia? Blandire illi bone puer, fac delitias, dic bellum aliquid. PV. Agedum Cyllare. Eugedum heros Arionice, herum honora, præſta quod ludentes aſini heris ſolent infanientibus, concrepa muſicum aliquid, effice ſi qui delirium aucupantur noſtrū, tuum ad numerum choreas ut ductilent. Septenarium iam

fudit Calliopa. Salite hortenses deæ. heus heros Cyllarice numeros muta. Anapesticum uolo, non placet in hortis Iambicum, theatris illum ablega. PONT. Amabo ut belle, ut in tēpore omnia? PAR. Asinus crepat, nos dirumpimur. PV. Heus Arion non mihi inter crepitandum placent caudine blanditiæ. Tu te tibi caudam contineto, nec est quod muscas ab ore arceas flabello tam lepidō. Apage caudam à me, hero tuo succodaneas istas blanditias tam suaues uentila. PONT. Dic illi bene, ne subirascat ur uide. Age Arionice, age Cyllarice heros, sentiat te herus tuus hilarissimum, quando ipse hilarissimus es. PV. Choream ducit at bestiola. Secedite Napææ, ne dum ternarium saltat, dum septenarium crepitat, ora uestra illiniat purpurisso. Ah, ah, ah, post ingentis tonitrus ingentes pluuiæ. Potuit ne lepidius, ac magis in tempore? O Arabicam mercem, Sabæaq; odoramenta. Agite amātes, legite Muscum, seligite Zebethum, implete arculas Cypriopulvillo. PONT. O delitias regias, o ludos Olympico deo dignos. Nonne ego te uel ostro instrauerim Tyro abusq; aduclto? PV. Fac uenalem purpurissum prius, inde tibi pretium proueniet tantum, uti fibulas etiam aureas ostro suffigas, et auratas cingulas, quibus illud subliges herce delicatissime. Sed quid hoc Cyllare, quid inquam Cyllare? Disciplina hæc haudquaquam mihi satis placet. Ludum ego hero, non mihi calcitronem instituo. Abi malam in rem, blanditias istas tam urbanas et lude, et applaude domino tuo tam delicato. Ad illum recursa, illi cōcine cantilenas istas tam lepidas, asininum istud plectrum illi perpulsato. An etiam me petis? etiam atque etiam calce petis? proripe hinc te ad regem tuum nequissimè. PAR. Quid hoc? post suauium etiam cōplexum parat quadrupes spurcissimus? Pulchrum erit uidere, quo asinina ista delitiae tandem ( ut dici solet ) euasuræ sint. PONT. Cur puer tam bono mi aselle malefecisti? quid altorem tuum herberasti tam impiè? An fortasse hordeum tibi negligentius excreuit? an pectinem dorso inclementius duxit? Vide, uide amabo, ut præ pudore auriculas, ut etiam caput demisit, ut obticuit pudentissimus, pigetq; poenitetq; maleficij. Eum ego te aselle uelim, qui in asino quidem asini nihil habetas, qui sis urbanitate etiam ipse urbanior. PAR. Utinam ne in homine, qui asinos sese gerant, etiam plurimos inuenias: peruetusta est asiniorum familia, longeq; nostris in urbibus numerosa: quæ enim domus, quàm hæc ipsa, tam ferax est, tamq; fecunda propagatu atq; altu? PONT. Hoc sis puer, flabellū cape, culicemq; illū quàm potes longissimè abige. PV. Abegi, saluus est dominus, salua est patria. PONT. Defrica illi auriculas manu quamleuissima. Vides ut gestit? ut tibi gratias agit? Tantum non tete osculatur. PV. Abi malam in rem. Osculi genus tam suaue, asininas mor-

siunculas

fiunculas tã illecebrosas. Labra penè mordicus abripuit. PONT. Ne quæ so irascere. Titillatũ tu te illi cõcisti, tua est culpa. Duc palmam urbaniusculæ ad coxam atq; sub ipsis ilibus. PV. Hoc ago. Caue bestia, quid caudam uentilas? PONT. Ne time, uentrem defrica, idq; q̃leuissimè ut agas, uide. PV. Istud ipsum agitur. Quid crepitas nequissime? quid pedem quassas? uide bestia, caue bestia, siste ingratissimè. Here tu te hoc ipsum age, mibi in asino imperium nullũ est. Costas penè calce diffregit. Non sensisti ut insonuit pectus? Noua hæc musica, asininaq; harmonia placeat cuius. Mibi cũ asino posthac res nulla futura est amplius, nisi uestem etiam quernũ testem adhibueris. PONT. Abijt puer, et quidem exclamabũdus. Vides quid egisti mea uoluptas? nõ te pudet, non te poenitet, altorem tuũ etiam libera lissimũ pulsasse tam illiberaliter? deturbasse in terram pexorem obsequen tissimũ tam impudenter, deblanditoremq; tam lepidũ penè mutilũ fecisse naribus, tanta cum peruciacia? Nõ intelligis quàm inique à te factum sit, quàm etiam impotenter? Amabo delitiæ meæ mores istos agrestiores exue, atq; urbaniores induc. Quid puerum pepulisti tibi tã opere indulgentem? Abundas ocio, abundas hordco, ornamentis etiam regijs nites. Decet in istã fortuna minimè uti superbia. Humanitatem atq; mansuetudinem secũdæ par est fortunæ comitem esse. Hos te mores induere uelim, hãc herogratiã tot pro beneficijs referre. Demisisti caput, heri pedes delinxi stit: nunc mihi places, dum te malfacti poenitet, dum erratorũ pudet. Hoc est sapere, in manifesto peccato audire institutorẽ, ac rectè monentis præceptis obtemperare. Atqui ego te pro poenitentiã ista, uel sapone etiã Arabi cis odoramentis cõdito totũ perlucrim, caputq; et pedes laucri. Peluem afferte, in eaq; tepidiusculam plurimam, myrteo cum liquore, Arabicisq; condimentis, quibus meas delicias more meo inungam. Bene habet, aqua tepidiuscula est, et multa, peluis bene ampla, et nitida: liquor, quem ipsius Veneris dicas: condimenta, quæ Arabiã illam quidem Eudæmonem huc secum pertulisse uideantur. Quod ultra desyderem, nihil est, nisi te ut agas quammansuetissimũ, dum te perluo, dum te inungo delictum meum, PAR. Expecto uidere, quò res hæc tandem sit euasura. PONT. Et iam blandiris, iam caudam surrigis, iam capite micas, totusq; toto etiam corpore meus asine mibi gestis. Euge delitiæ, ut ego te nitore ipso nitidiorẽ reddam. Siste age caudam ad me, dum bene lotam depecto quamlepidissimè, depexamq; multo lepidius inũgo. Quid hoc, quòd clunẽs mibi la uandas asine uix porrigis? Nõ satis placet ista pedũ tã frequens agitatio. An fortasse titillatus ipse te caput? Hoc illud est mea animula. Verum ego longe te ineptior sum, q non à capite loturã coeperim. Sensisti erratũ, hinc

mibi caput obijcis, hinc auriculis micas. Euge lepidissime, ut te delectat tepidula, ut frictio tam minuta et lenis? nunc me beas, dum dentes restringis, dum morsuunculas tam urbanas ludis. Apage, apage animal inertissimum, bestiam ingratisimam, ut mihi penè manum utranq; morsibus abripuit? ut me tam offirmato capite percussum in terram, atq; in lutū excussit? Arbuscula hæc uix presidio mihi fiat, quo minus stratum me atq; humi iacentem, et pedibus inculcauerit, et calcibus totum diffregerit. Apage te bestiam nequissimam. Hoc hoc illud est, tarde illud didici, senex improvidus, homo minimè cōsideratus: hoc hoc, inquam, illud est quamuisurpatissimum, asino caput qui lauent, eos operā cum sapone amittere, in asinum abire, qui asino delectetur. Quocirca frustra me et opera, et sumptus habuit. Sero hoc didici, iuuat tamen exemplo ipso alios commonuisse. O asini ualete iam, ualete posthac ipsa cum Arcadia asini.

## FASELIO VILlicvs, • PONTANVS.



Vod siue ulla fiat fraude, meoq; permagno cum cōmodo, meū mihi nomen mutari here cupio, deq; Faselione fieri Caselio uolo. PONT. Delectat me utiq; nominis commutatio, teq; ut de marra, rastrisq; benemeritum, donatumū que Parmensi illo caseo peruicere et grandi, saluere Caselionem iubeo. Vale Caselio, iam salue Caselio, multumq; ac diu salue. CAS. Nec me dono ipso indignum here duco, et libens uolensq; illud manucapio, nanq; et uetustulus est caseus, et sarcinam prorsus asinariam exæquat. Alia tamen est noui nominis et ratio, et causa. Ducere uxorem uolo, neq; ubi cū illa inhabitem mihi casa est ulla, hac ego à te donatus dono ex ipso agnominari Caselio uolo. PONT. An ne magis uxorio? quādo uxoris gratia donari à me et ipse cupis, et ego te donatiū opto, uxorie rei gratia. Eccas tibi unciolas tris, Robertinis è liliatis, cape libellam, siquidē et probi, et iusti sunt pensi: his tu te tibi casam cōmercator, his in suburbanis locis. Vin ab hero tuo aliud? CAS. Et unciolas accipio, et aliud est etiamnum here à te impetrare quod cupio. Tume de rastris, deq; marra benemeritum donas, et rectè quidem donas. Verū neque te dieculæ illius tam uoluptarie immemorem esse decet, gratiam que mihi ut referas, profectò par est. Lectulus ille in quo delicias tam illecebras meridiator fecisti, nouā sibi supellectilem cupit, nouas mūditiās, ipseq; nouus sum maritus, noua et illa nupta. PONT. Do, uolo, spondeo, hac tamen conditione, ut mihi quoque. CAS. Quid est hoc uerbi? Caselio ego sum, nō coquus. PONT. Hoc uerbi illud quidem ipsum est mi Caselio,

lio, ut mihi perueteri, liberali, atq; indulgenti hero tuo illud liceat etiam in luce. CAS. Tute tibi hoc uideto, dum foueo, dum aro, ut luceat, nunquam enim agrum ipse nocturnis arari in tenebris. PONT. Hoc ipsum est mihi Caselio, arare ego tecum in luce unâ cum uxorcula agellum uelim. CAS. Orare profecto ad genua quoq; prouolutus potes, ne tu trimodio quidem cicercule ab illa, non si quotquot horti Caietani siliquulas ferunt, uel unâ solam oculorum portulam inflexionem impetrabis senex, edentulus, exustis medullis, senioq; ipso confectus, atq; incanis malis. PONT. Quid si ad treis illas unciolas, atq; ad lectulum accesserit à me senio etiam Alphon sinorū? quis et ollas pulmentarias, et patinas, et pelues, quæq; uasa nuper peregrina è materia allata sunt Valentia, Balearibusq; ab usq; insulis, ipsa sibi uxor comparet? Tc; cum uideam hilarem, atq; uxori deditum, illam mihi et illecebrosam uidere iam uideor, et rei familiari etiam plus nimio deditâ. Cumq; tenella ipsa sit, atq; in suburbij nata, urbanitatem præ se ferre scitulas inter puellas, festisq; ut queat diebus, à te ipso summopere uidendum duco. Ego, mi Caselio, non decro. Vult puella crispellas aureo-las capiti, uult collo redimicula, pedibusq; bracteatus soleas. Ego hæc illi omnia, tibi quoq; natalitij in solennibus calceos diuersicolores, treisq; quotannis pernulas suillas dabo. CAS. Num et penulas? PONT. Et penulas tibi, et subuculam illi rosaceam. Verum age quæso amice Caselio, quibus est papillulis nostra animula? CAS. Tumidiusculis, quasq; manu uix interstringas. PONT. Innatâ ne obsecro adhuc illic est illi lanugo? CAS. Nulla. PONT. Nouaculam fortasse adhibuit. CAS. Nul-lum adhuc illa fecit tonsum, putula tota est, nedum glabris femurculis. PONT. Illud quoq; non est quod erubescas, sat care amabo, salit ne, dū ipse salis nostrū delitium? CAS. Et salit, et susilit, et aurâ inspirat, et scit quibus uerbis paxillū surrigat, fermentillam dicas. PONT. Quid hoc uerbi mi Caselio? CAS. An ignoras fermento contumescere panificiam materiam: habet illa in manibus, in uerbis, in ocellis fermentum. PONT. Venus bona. Ut blandè, ut delitiose futurum est mihi cum fermentilla nostra. Sed heus tu mi Caselio, nihil ultra, continendus est sermo. Eccos Philo-sophos, exhibe uultum grauem aduenientibus, ac si de ipsorum aduentu collo-cuti hic simus diutius.

PONTANVS, CASELIO, PARDVS.



Ideo ne ego heroes meos? illi ipsi sunt, dies hic profecto mihi futurus est oppidò quam uicundus. Valeat omnino res asina-ria, heus tu Caselio, de fermentilla nulla sit cum heroibus no-stris omnino mentio. Atque ut illa secum magis ac magis gaudeat, asinum:



tam belle cultum, cuteq; tam nitida, dono ad eam ducito: quo satis illā scio  
 & ruris, & suburbiorū puellas superatūram specie, comptū, stratu, dum  
 ad nuptias uocata, dum Puteolanas it ad balneas, etiam blandicentibus cre-  
 pitaculis. CAS. Hec mihi crede, hoc asello tibi ab illa & meridies her-  
 maphroditinas comparabis & noctes. PONT. Amabo quid nobis cum  
 hermaphrodito? CAS. Quod illa sic tecum amplexa, innexa, implicita  
 accumbet, incumbetq; in lecto: itaq; inhaerescet, hederescetq; tecum unā,  
 hermaphroditum simul ut agatis, ego tum uobis inspergam & rosam, &  
 myrtum, & quos illa ē citrio deliquauit rores. Verūm appropinquat iam  
 Philosophi, ego ad eos præcuro. Expectati aduenitis uiri boni, & he-  
 rius de aduentu quidem sollicitus erat uestro, quod diebus compluribus ad  
 eum non uenissetis. Scilicet domestica uos negotia impediunt. Ipse uē-  
 rō de brassiculis diebus his sollicitus fuit admodum, quod cruculis aucun-  
 candis non medicamenta, non Catonianum illud carmen quicquam profue-  
 rit, omnia exederunt holera bestiolæ tam importunæ. PAR. Senex er-  
 go noster etiam in hortis non caret molestia? CAS. Adite ad illum, libe-  
 rabitis eum alia etiam molestia. Diem hunc penē dimidiatum transegit in  
 uolutando cœlo, quod in manibus adhuc etiam uersat. Cui mea quidem sen-  
 tentia cerebrum identidem uolutatur: & ni ego accurrissem, amiculo inie-  
 cto, dum cœlum suspēclat, & aluearia non uidet, in ea illatus, apiculæ illū  
 cōfēcissent. Mihi credite, senes tandem omnes, quiq; præsertim habiti sunt  
 sapientiores, delirio corripiuntur. Senex autem hic noster non uno deli-  
 rat modo: sed non est nunc plura dicendi locus, dicam apertius aliās. Amo-  
 re etiam insanit, ac nutrire sibi capillum cœpit, qui tonsio semper capite in  
 hunc usq; diem, atq; in publicum processerit. PAR. Faselio mi, dic obse-  
 cro, de asino quid est actum? CAS. Perbene, quod non senem ipsum con-  
 fecit iam calcibus, adeo nihil defuit ad lumbis fragiū, quem dono mihi post  
 id dedit: suboluit enim illi uxorculam mihi ducendam, nihil enim est eo sa-  
 latius, ac nescio quomodo in maritas femellas magis accenditur. PAR.  
 Parcius oro Faselio, quippe qui solitus sis illi subblandiri, & de amore la-  
 boranti ferre suppetias. Sed uenit iam ad nos senex, conferamus gradum,  
 & hilares hilarem salutemus.

PARDVS, SYNCERVS, ALTIIVS, CHA-  
 RITEVS, PONTANVS.



T bene, & feliciter cum familiaribus his tuis agitur, dum te ua-  
 lentem conspiciamus, dum quæ ruris sunt, ea te summo studio,  
 singulari diligentia curantem intuemur. Quodq; quatrīdū  
 hoc

hoc in secessu, procul ab negotijs, uacuus etiam urbanis curis requiueris, nouum te excudisse aliquid tua pro consuetudine arbitramur. Quocirca tanto etiam iucundius, magisque est sententia nobiscum agitur, eoq; et ualentem saluere te hilari maxime animo iubemus, et perscrutationibus gratulamur. Quando ocium tibi nullum absq; mentis negotio fuisse tibi unquam, abunde cognitum et perspectum nobis est. PONT. Ego uero amicissimos homines, ac Musarum nostrarum alumnos, ea uoluptate his in hortis accipio amplectorq;, qua coelestis res diebus his, in hac ipsa solitudine, uel magis secessu, sum contemplatus. Siquidem contemplationis ipsius communicatio cum studiosis rerum earundem uiris, is profecto fructus est etiam suauissimus.

F I N I S.

IOANNIS IOVIANI  
PONTANI, AD ELOQVENTISSIMVM  
è Prædicatorū ordine fratrem Iacobum  
Mantuanū, de SERMONE  
Liber primus.



NNVM AGIMVS IACOBE MANTUANÆ tertium ac septuagesimum, & cum quidem nequaquam ociosum aut desidem, quando ocio illo frui, quod suapte natura concessum est senectuti, per Italiæ turbationes non licet, discursante per Acemiliam, Hetruriam, Latium, Campaniam, Apuliam, ac Brutiam Gallorum exercitu, meq; ipso de rebus non modo familiaribus, uerum de uita ipsa sollicito. Nam ut desidem agamus uitam, ante acta ætas docere satis potuit in tot, tantisq; occupationibus, docet etiam præsens: quæ ne per ignauiam transcat, uolumina à me scripta, diuersis etiã de rebus ac disciplinis ostendunt. Itaq; uagantibus per Italiam Gallicis, ne dicam uastantibus copiis, regnumq; Neapolitanum hinc Gallis ipsis, illinc Hispanis occupantibus, à maximis doloribus nos merito labefacientibus, animum ac mentem nostram omnino auertimus: quodq; mirum fortasse uideri possit, cõuertimus ad scribendas eas siue uirtutes, siue uitia, quæ in sermone uersantur: non autem aut Oratorio, aut Poëtico, sed qui ad relaxationem animorū pertinet, atq; ad eas quæ facilius dicuntur, id est, ad ciuilem quandam, urbanamq; consuetudinem, domesticosq; conuentus hominum inter ipsos: non utilitatis tantum gratia conuenientium, sed iucunditatis, refocillationisq; à labore ac molestiis. Diuisimus autem peruestigationem eam in plureis libros: quodq; solari literarum studiosum hominem, ipso- rum esset literatorum proprium, quasi dissertatio hæc inter literatos, qui in Italia florent, haberetur, libros ipsos non uni inscripsimus, sed compluribus, quo plures habeamus iacturæ nostræ, nostrorumq; dolorum consolatores. Tu librum hunc accipe, & ad iucunda tantum animum, cogitationesq; tuas uerte: neq; enim te ad complorationem inuitamus, sed ad risum atq; festiuitatem: neq; nos ipsos à dolore auertimus, quo te ipsum, reliquosq; inuitemus ad lacrimas, sed ut sciatis nos neq; consolatione etiam in summis ærumnis indigere, et ut uos ipsos intelligatis Italicis à uastationibus contemplandis à me auerti. Tu uero Mantuane quod tuū est, quodq;

litera-

lucratorum omnium proprium, id est contemplare, et age, ut arbitrare, cogites, scias, non pauca hominum consilij atque actionibus et geri, et posse, rerum tamen omnium summam ad Deum Optimum Maximum referendam esse: qui uero secus arbitretur, uanos eos esse homines, ac maxime futiles.

Rationem atque orationem esse homini à natura tributam.

Cap. I.



Rationem homini natura dedit, quo animal ipsum perficeret, et orationem: atque altera, mente quidem duce, coelitis maxime cum esse similem uoluit: utraque uero ceteris prestare animalibus summa etiam cum excellentia et dignitate. Itaque ratione quidem ipsa homines sequi suamque metuuntur, et componunt omnia: oratione autem et conciliationem à natura insitam conseruant, tuenturque: et quæ ratio ipsa dicit, ea explicant atque eloquuntur, siue ad usum spectent atque ad seria, siue ad iocum ac uoluptatem, quando absque illa ratio manca quædam res esset, maximeque imbecilla. Cum hominis præsertim uita in actionibus uersetur, ciuilique in congregatione et coetu, cuius oratio ipsa, totiusque humane societatis uinculum sit præcipuum, ac sine ea ad summi boni adeptionem perueniri nullo modo queat. Ut autem ratio ipsa dux est ac magistra ad actiones quasque dirigendas, sic oratio illorum ministra est omnium, quæ mente concepta, ratiocinandoque agitata, depromuntur in medium, cum sociabiles, ut dictum est, nati simus, sitque uiuendum in multitudine: quæ quo maior est ac frequentior, eo in illa uberior est copia eorum omnium, quibus uita indigeat, quando nascentibus hominibus inopia data est comes: quæ è re uita ipsa longe aptior redditur, atque habilior, tum ad assequendas uirtutes, tum ad felicitatem comparandam. Igitur ut ratio dux est, ac magistra dirigendis actionibus, uirtutibusque comparandis, oratio uero mentis est interpret, rationisque ipsius instrumentum quasi quoddam (siquidem consultatio nes, consilia, ratiocinationes ipsæ denique dissertationibus constant, dissertationes uero uerbis) sic eadem ipsa oratio instrumentum quoque rationi et quasi materiam subministrat, in qua uersetur. Nam si laudantur, recte qui loquuntur dicuntque: appositè quod sentiunt: improbentur necesse est, qui male atque incompositè.

Virtutem et uitium uersari etiam circa orationem. Cap. II.



Quod si ubique laudi locus suus est, ac uituperationi, illic et uirtuti et uitio, nimirum et in oratione uirtus ac uitium sedem sibi constituent aliquam. Ut quemadmodum in agendis rebus,

sic in explicandis quæ animo, menteq; cõcepta sunt, sententijs item dicendis, atq; in habenda oratione, siue ad multos, siue apud paucos, modus mensuraq; seruanda sit, ac mediocritas illa quæ uirtutes constituit, estq; in omni uitæ genere meritò laudanda. Etenim grauius alij quæ sentiunt expli-  
cant, ac cõpositè: ineptè alij, ac icunè: hiq; ut inepti, leuesq; improbantur: illi contrà commendantur, ut graues atq; cõpositi. Ergo & in oratione quoq; uirtus sibi locum cõparauit, illumq; ipsum cum dignitate & laude.

Maximam esse uim atq; autoritatem orationis.

Cap. III.



Ec uerò populosisimis in ciuitatibus, amplissimisq; in administrationibus nō maximum sibi peperisse locum, summamq; autoritatem eos constat, qui inter ceteros essent elocutione præcipue clari: inde ea qui pollerent, Oratores dicti. Sed nos hac in parte, de ea quæ Oratoria siue uis, facultasq;, siue ars dicitur, nihil omnino loquimur, uerum de oratione tantum ipsa communi, quaq; homines ad cunctis amicis, communicandis negotijs, in quotidianis præcipue utuntur sermonibus, in conuentibus, confessionibus, congressionibus, familiaribusq;, ac ciuilibus coeuetudinibus. Quæ re alia quadam hiratione commendantur, quàm qui Oratores dicuntur atque eloquentes.

Maximam esse in hominibus orationis uarietatem ac diuersitatem.

Cap. IIII.



Ec uerò natura in hoc quoque à seipsa discessit, aut ab ea quæ sua ipsius propria est, uarietate, ac dissimilitudine. Cum aliorum sermones seueri sint, ac subtristes, aliorum iucundi, & lepidi: huius blanda sit elocutio, atq; ornata, illius inculta, & aspera: atq; alius in loquendo præferat urbis mores, alius uerò ruris. Est uideri qui uelit facetus, & comis, contrà qui austerus, & rigidus, qui maxime uerus, omniq; à simulatione alienus: secus autem, cui dissimulatio placeat, aut ea quæ Græcè est *ὑπόκρισις*. Itaq; loquendi genus tum cuiusq; naturam, tum etiam mores sequi potissimum uidetur. Quid? quòd populi, gentesq; siue natura ab ipsa, siue ab institutione & usu, quodq; alia alibi magis probantur, sunt quæ in precio maiori: aliæ taciturniores sunt, cõtrà loquaciores aliæ. Magniloquētia delectat Hispanos, fucatus ac cõpositus sermo Græcos. Romanorum grauis fuit oratio, Lacedæmoniorum breuis, et horrida. Atheniensium multa

et studiosa, at Carthaginensium, Afrorumq; callida, et uisita, de natura illorum sic dicta. Quo fit, ut genus colloquendi alibi aliud magis probetur, aut minus. Cum igitur de Fortitudine differuimus, deque uirtutibus ijs, quæ in pecunia uersantur, quæ quidem plures sunt ac diuersæ, itemq; de Magnanimitate, Prudentia, deq; Fortuna ei contraria: tenemus hoc in ocio, quod senectus nobis concessit, uisq; etiam hostilis, de ijs item uirtutibus præcepta tradere, quæ in uerbis uersantur, quotidianoq; in sermone, quicq; plerumq; indicare mores cuiusque consuevit, ac uel laudem afferre, uel reprehensionem. Et si, ut Horatius inquit, Oderunt hilarem tristes, tristemq; iocosi.

Neque enim nos de laude sic nunc loquimur, atque improbatione, ut qui ex aliorum iudicijs uirtutes metiamur ac uitia, uerum à ratione tantum, atque à mediocritate, penes quam iudicium est, atque examen uirtutum omnium.

*Etiam in oratione seruandam esse mediocritatem.*

Cap. V.



**C**ensem igitur rerum nostrarum omnium, non in agendo solum, uerum etiam in loquendo, explicandisq; in sententijs ac consilijs, mentis deniq; atq; animi conceptis, siue scrijs, siue iocosis, mediocritatem esse iudicem: quam qui sequantur, si et in dicendo, et in agendo cum delectationem retineant, ipsaq; cum ratione modum, ac mensuram, siue sermo ipse grauis sit, atq; austerus, siue iucundus, et comis, aut in festiuitatem deflectat, aut in seueritatem. De quibus singillatim distincteq; ordine quidem dicemus, ac pro natura uirtutis cuiusq; sua. Verum quoniam uirtutum earum quæ in loquendo uersantur, oratio materia est quasi quædam, eaq; ipsa nobis à natura tradita, id uidendum est, dum aut faceti uideri uolumus, aut graues, ne aduersus naturam ipsi propria contentione moliamur aliquam: neue uelimus uniuersa illi acie ire obuia: quod est non modo difficile, ac laboris plenum, uerum etiam reprehendi iure solet à sapientibus uiris. Cum (ut prouerbio etiam monemur) nihil inuita sit agendum Minerva, hoc est, natura repugnante. Nec nisi etiam sapientissimè est à Cicerone præceptum, ut quibus ipsi apti rebus sumus, in ijs potissimum occupemur. Nam etsi concessum est aliquando propria relictà natura alienæ se accommodare, tamen aduersus uniuersam ut suscipiatur certamen, nullo id pacto uidetur committendum, quãdo præstari id cum laude ac dignitate uix omnino queat: idq; si ad breue fortasse tempus, natura tamen ipsa ad id quod est proprium ac suum tandem recurrit. Quæ re argui

solet, atq; haud iniuria accusari uitæ inconstantia, ac morum leuitas.

À natura inesse hominì cupiditatem quietis ac  
recreationis. Cap. VI.



Rincipio quòd hominum uita tum corporis, tum animi laborum plena est, ac molestiarum, idcirco post labores cessatio quæritur, in qua recreetur animus, atque inter molestias iocus. Natura enim duce ad quietem trahimur ac uoluptatem. Nam & à regibus, & bene constitutis populis, & à Romanis præcipuè gentium dominis ludi fuisse, diuersi etiam generis instituti: quibus spectandis tum populus uniuersus, tum magistratus ipsi relaxarentur quotidianis à laboribus, negotijsq; suspensis, & priuatim, & publicè. Quando & fossores, & qui cadendis exercantur lapidibus, & ioca inter se fiunt, oblectandi gratia: & illa ubi defuerint, cantu laborem mulcent, leniuntq; ærumnas. Vnde & rectè, & naturaliter ab equire Romano, eodemq; Poëta suauissimo dictum est:  
» Crura sonant ferro, sed canit inter opus.

Urbanitatem ac ueritatem meritò laudari.

Cap. VII.



Meritò igitur laudatur urbanitas, expetiturq; à plerisq; urbanorum ac facietorum hominum consuetudo ac familiaritas. Et quia tractandis rebus, atq; administrandis ratio recta præsidet, cuius maxime amica est ueritas: proinde à quibus ea colitur, ij & commendantur ab omnibus, & summo habentur in precio. Ad hoc autem tum ueri, tum iucundi studium, motusq; circa ea animorum, atque affectus, moderatio ubi accesserit, eaq; quæ mediocritas dicitur, existent illico quæ & uiris bonis, & ciuibus ingenuis dignæ, & suo etiam utraq; nomine uocata est uirtus: altera quidem, quæ susceptorū laborum honestū sit leuamen, relaxatioq; maxime laudabilis à curis ac molestijs: altera uerò, quæ hominem ipsum ita constituat, ut per eam constet humana conciliatio, uigeatq; in ciuitate fides, pence quam actionū nostrarum omnium, ac negotiationū uinculum existat, ac promissorū, dictorumq; obseruatio. Quod ita esse nobis innuit CHRISTVS & deus idem, & homo, cum ueritatem sese esse professus est. Verum cū ipsis è uirtutibus aliæ uersentur aut in eroganda pecunia, aut in obeundis periculis, aliæ in moderandis uoluptatibus, aut in reddēdo quod suum est cuiq; alijsq; atq; alijs aliæ, nomineq; singulæ appellētur suo: hæc quidem:



quidē dū, quæ tum ueritatem in dicendo, tū lepōrem sequūtur, circa orationem tantum operam suam conferunt, uerbaq; sibi perinde ac materiam subministrant. Et alteri quidem, quæ relaxationem quæritat ab laboribus ac molestijs, maiores nostri nomen fecere Vrbanitati: Et quicquid prædixisset, nunc Vrbanum dixere, nunc uerò aut Facetum, aut Comem.

Vnde Urbani dicti sunt ac Faceti. Cap. VIII.



Urbanos quidem uocauere, quod in oratione uterētur, et ciues, et eo qui in urbe cōuersaretur digna, cum uiuentium in agris et uita esset agrestior, et sermo etiam qui rus referret, rusticanæq; consuetudinis tum mores, tum etiam locutionem ac gestus. Facetos uerò, quod in congregationibus, colloctionibusq; domesticis, familiaribus item ac popularibus in sermonibus uerba cum iucunditate facerent, cumq; audientium uoluptate ac recreatione. Etenim apud priscos illos uerbum Facio maxima in usurpatione fuit loquendi, quando et socius facere, et pacem, et bellum, et insidias, et ludos, et delitias, et iocos, et uerba facere dicebant, aliaq; etiam plurima diuersi quoq; generis: et qui eleganter ac copiose, Facundos, et tum Facundi a, tum Facunditatem dicendi uim: quibus in uocibus temporis illius Poëtæ quantitati uti consulerent, tertiam litteram geminarent. Nam ne à fatu dictus sit Facundus, tertia repugnat littera: ne uel à fatido, plura simul obstant. Itaque qui uerba facerent ferendis in sermonibus, cum audientium oblectatione ac dicendi lepore, Facetos eos dixere, et comedes, adhuc et Festiuos, et Lepidos, nec minus libenter etiam Salsos.

De Lepidis, Festiuis, et Salsis. Cap. IX.



Vanquam autem hi ipsi quos nominauimus eodem continentur genere, suntq; inter se cognati, et familie penè eiusdem, differunt tamen inter se. Quocirca ostendendum uidetur, in quo ab alio alius iudicetur differre: neque indigna sane, neq; inutilis inquisitio. Cum sit omnino nihil tam fugiendū in differendo, ratiocinādoq; quā ne confusio, incertitudoq; exoriatu e uerbis aliqua: neq; aliud magis sequendū, quā ut distinctio adhibeatur, selectioq; et uerborum, et rerū. Tentabimus igitur quoad fieri poterit, et res ipsa tulerit, secernere eos inter se, ut quid cōmunē inuicē habeāt, quid itē disiunctū, apertē intelligatur. Ac materia quidem ipsa cōmunis est, oratio scilicet ac uerba, et item finis ac propositū. Queritur enim pariter ex dictis oblectatio, ac uoluptas. Namq; (ut in carmini-

lepos bus nostris adolescentes lusimus) Lepos leuando est ab labore dictus, par-  
 tim mutatis, partim contractis literis. Itaq; lepidus is uidetur, qui suau-  
 tate dicendi, teneritudineq; quasi quadam delectat & uerborum, & re-  
 rum. Vt apud Terentiū: Aedepol te mea Antiphila laudo & fortunatam  
 iudico, dū huic formæ studuisti, mores ut essent consimiles. Omnia ibi in  
 gratiam puellæ, & cum lepore dicuntur. Et apud Plautum: Cum ego an-  
 te hac te amaui, & mihi auicam esse creui mea Gymnasium, & matrem  
 tuā, tū id mihi hodie aperuisti, tuq; atq; hæc: soror si mea esses, qui mihi  
 magis potueritis honorem ire habitū nescio: ut meus est animus, fieri non  
 posse arbitror: ita omnibus relictis rebus mihi frequentem operā dedisti,  
 et eo uos amo, & eo magnam à me iniisti gratiā. Tantopere autem dicē-  
 di olim lepos datus est laudi, ut inde primus ille qui post idem genti cogno-  
 men reliquit, cognominatus sit Lepidus: atq; ut inter saporis, suaues qui-  
 dam tantū sunt, quidam et suaues simul & salsi: sic etiam et dicta, alia tan-  
 tum lepida, alia lepida pariter ac salsa, quemadmodum ratio ipsa fert aut  
 dicendi, aut respondendi. Vt cum Pompeius Ciceronem illudens, quan-  
 quā uultu fortasse hilarior dixisset interrogans, Gener ubi est tuus? ibi  
 Cicero, qui amarum atq; aculeatū inesse quiddā uerbis illius intelligeret,  
 reddidit illi in respōdendo par: Vbi & socer est tuus? Erat enim Cæsar bel-  
 li suscepti et dux, et autor, quē Dolabella sequebatur. Itaq; & qui aderāt,  
 suauitate eos atq; extemporalitate responsi affecit, & suauitati salem ad-  
 iunxit, ut ipse quidem arbitrer utrunq; & Ciceronem, & Pompeium ex  
 eo in risum conuersos. Atq; eiusmodi quidē dicta dicuntur salsa, & qui ijs  
 utuntur, ipsi quoq; salsi. Lepidis itaque suauitas tantum inest dictis, sal-  
 sis etiam acumen, quando salsius sapor est ipse quidem acutior. Inesse au-  
 tem eiusmodi dictis acrimoniam, docet etiam apud Terentium illud ipsum  
 de quo gloriatur ille: Eon Strato es ferox, quia imperiū in beluis habes?  
 illud autem etsi falsum admodum, non caret tamen oscenitate: Lepus tute  
 es, & pulpamentum queris. Plautinum uerò hoc & falsum, & lepidum,  
 & ciue etiam ingenuo dignum: Sperauit ego istam tibi parituram filium,  
 uerum non est puero grauida, sed insania. Veniamus ad Festiuos, qui mihi  
 uidentur à sando dicti, uetustate temporū immutante literas: festis enim  
 diebus mos fuit, & benigne hilariterq; affari populum, & in ludis qui in  
 honorem decorum fiebant, oblectare eos qui diuinas ad res cōuenerant,  
 blandē eos appellando, atq; accipiendo comiter. Quanto autem studio  
 diebus ijs festis oblectamenta quererētur, indicio sunt et ludi, et tibiæ, &  
 tubæ, & cantus, & choreæ, & lectisternia, & templorū apparatus, ac  
 theatrorum, & porticum, & uiarum, & ipsa etiam ferula. Vt qui illis  
in

in ludis, sacrificijs, pompis, ferculis in popularium ac conuenarum gratiam iucunde se haberent, eaq; et excogitarent, et loquerentur, quæ ad iucunditatem facerent ac lætitiā, meritò ij festiui uocarentur. Adhibent præterea festiui in iocando æque ac ludendo, dicendoq; uarietatem permultam, quæ sermones maxime condiant, ut quæ in cessationibus, animorumq; relaxatione præcipue exigatur. Ludi enim ac festi dies, etsi in honorem decorum, cessationis tamen gratia potissimum fuere inuenti. Indicio sunt apud Græcos, nostrosq; actiones siue comædiarum, siue tragædiarum: in ijs enim et histriones, mimiq; et musici, et gladiatores exhiberi soliti: uenationes item, et pugnae nauales. Itaq; festiui uarietatem admiscet plurimam in dicendo, ludendo, delectando.

## De Comibus. Cap. X.



Am uerò Comis uiri studium eò etiam spectat, dicendo ut delectet, pariatq; audienti iucunditatē. Eius tamen consilium est, quæ à se dicantur, non ut delectent modò, uerum etiam ut sint grata: nec solum uerba, uerum etiā res ipsæ quæ dicuntur: quippe cuius studium sit gratificari, atq; in gratiam loqui audientiū. Itaq; et ornatū rebus adiungit, præstatq; quod Terentianus ille desyderat: Ornato munus uerbis, quantum potes. Et in eo est maxime, ut uerba etiam ipsa, resq; quæ à se dicantur, gratiam præ se ferant. Itaq; à comendo, hoc est, ornando dictus. Puellæ namq; placere ornatu præsertim amatoribus studet, illisq; ex eo gratiores fieri. Vide quæso, quibus uerbis, quàm etiam comptis, quàm gratis item sententijs Aeneam alloquatur apud Virgilium Euandrus: *Comis*  
Aude hospes contemnere opes, et te quoq; dignum  
Finge deo, rebusq; ueni non asper egenis.

Non dubitauit Liuius post sermonem illum à Marcello habitum aduersum Nolanum Bancium, quæ in colloctione multa in commendationem, multa de beneficentia populi Romani dixerat, deq; futura beneuolentia, et opera in illum sua: non dubitauit inquam hæc dicere, Ea uerborum comitate deuinxisse sibi iuuenem. Comitatem appellauit, quod unde quaq; in gratiam illius Marcellus esset locutus. An nò quòd in conuiuio, cœnisq; grata omnia conuiuiis esse debeant, ac præsertim sermones, translatum est uerbū etiam ipsum ad cœnas: ut comiter accepti et conuiuio, et hospitio dicatur, quòd et uerba admodū grata, sermonesq; et frons etiā serena epulis accesserit. Omnino uerò comis uiri oratio, quo grata sit atq; iucūda, et lepida, uersatur magna è parte in fabellis referendis: in ijs enim et oble-

- Stationi maxime amplius conceditur locus, & uerborum ornatui: suntq; omnino comitate præditi enarratores iucundissimi, & in conuiujs, & in circulis, colloctionibusq;, siue inter paucos, siue multos. Quæ quidem è re Ioannes Boccatius maximam sibi laudem apud doctos pariter atq; indoctos homines comparauit, centum illis conscribendis fabulis, quæ hodie in hominum uersantur manibus. Hoc idem Græcè conatus est Lucianus. Innuere autem hoc ipsum quod dicimus Plautus uidetur, cū ait in Mi
- lite glorioso: Mihi ad enarrandum hoc argumentum est comitas, si ad auscultandum uestra erit benignitas. Quæ autem, et qualis sit comitas, Ouidius in cōutationibus illis formarū explicandis, plurimis in locis ostendit: præcipuè uerò locus is declarat, qui est de Vertunni conuersione in aniculam. Cuius hic particulam inserere placuit, idq; uoluptatis tantum gratia, uarietatisq; ostendendæ:
- Rege sub hoc Pomona fuit, qua nulla Latinas  
Inter Hamadryadas coluit studiosius hortos.  
Nec fuit arborei studiosior altera fœtus,  
Vnde tenet nomen, non syluas illa nec amnes,  
Rus amat, & ramos felicia poma ferentes.  
Nec iaculo grauis est, sed adunca dextera falce,  
Quamodò luxuriem premit, & spatiantia passim  
Brachia compescit, fixa modò cortice lignum  
Inferit, & succos alieno præstat alumno.  
Nec sentire sitim patitur, bibulaq; recuruas  
Radices fibras labentibus irrigat undis.
- Quibus dictis, haud multo post transit ad Vertunni amores, atq; ait:
- O quoties habitu duri messoris, aristas  
Corbe tulit, ueriq; fuit messoris imago,  
Tempora sæpe gerens freno religata recenti.
- Hisq; alijsq; uariè, eleganterq; explicatis, uertit illum in anum, & blande, & illecebrose loquentem: quippe quæ
- Immitens baculo, positis per tempora canis,  
Assimulauit anum, cultosq; intrauit in hortos,  
Pomaq; mirata est, tantoq; peritior, inquit,  
Omnibus es Nymphis, quas continet Albula ripis.  
Salue uirginei flos intemcratæ pudoris.  
Paucaq; laudatæ dedit oscula, qualia nunquam  
Vera dedisset anus, glebaq; incurua resedit,  
Suspiciens pandos autumnû pondere ramos.

Ulmus erat contrà speciosa nitentibus uuis,  
 Quam socia postquam pariter cum uite probauit,  
 At sistaret ait cælebs sine palmitè truncus,  
 Nil præter frondes, quare peteretur haberet.  
 Hæc quoq; quæ iuncta uitis requiescit in ulma,  
 Sinon iuncta foret, terræ acclinata iaceret.  
 Tu tamen exemplo non tangeris arboris huius?

“  
 “  
 “  
 “  
 “  
 “  
 “

Vides quàm et delectet, et comiter ludat, & uariet rem ac dictionem,  
 & uerbis innitatur ornatis, ac maximè suis. Verùm de hac ipsa comita-  
 te pòst uberius.

## De Blandis. Cap. XI.



Orum uerò qui Blandi dicuntur, etsi eadem uidetur esse materia, finis tamen ubiq; non est idem: nec sola delectatio ac iucunditas queritur, uerùm potius utilitas quale illud est: Nunc obsecro te Milphio hanc per dexteram, perq; hæc sororem leuam, perq; oculos tuos, perq; meos amores, perq; Adelphasium meam, perq; tuam libertatem, alibi iræ delimitio, aut morositatis, alibi doloris, indignationis que, alibi illectio ad turpem uoluptatem, atq; proprias in appetitiones. Non peclinem eburneum Plautus, non cascū molliculū, nō monedulam prætermisit inter blandiendum. Atq; illa quidem amantium sunt, non facietorum hominum. Itaque serui, familiaresq; iratis blandiuntur dominis, patribus filij, nutrices puerilis, captatores ijs, quibus nec liberi ulli, nec legitimi sunt hæredes. Quocirca Blandos in eorum numero, qui oblectationem tantum querant, urbanis ex allocutionibus habendos non esse, Iuuenalis etiam docet. Proditum quoq; est à scriptoribus Heluium Pertinacem Augustum, blādum potius quàm benignum fuisse habitum, quod uerbis quidem alliceret homines, essetq; affabilis admodum: cæterum re ipsa non modò non liberalis, uerum etiam sordidus.

## De Urbanis, &amp; Facetis. Cap. XII.



Elíquum est de Urbanis ut dicamus, ac Facetis. Et quoniam Urbanitas non ad iocos tantum, ac festiuitatem, dicendiq; leporem pertinet, quod in ea quidem uirtute potissimum laudatur, uerùm ad uirtutes quoque alias, quæ & uiro, & ciue ingenuo digne sunt, uidetur alia querenda uirtus, quæ propria magis sit, solumq; id cōplectatur ac respectet,

quod ad iocos tantum, animorumq; relaxationem spectet. Nam & Verbanus dictus est, quod urbis seruet, sciatq; ac retineat mores. Quando aduersus illi est, qui è contrario ruris sequatur, non urbis institutiones, indeq; agrestis uocatus, ac uitium id à rure rusticitas, ut ab urbe urbanitas dicta. Nam & qui seniori assurgit prætercunti, & qui magistratū ab domo deducit in curiam, & qui præteriens salutat, urbanitate utitur. Facetus uerò ex eo nullo modo est dicendus. Video populariter, atq; à uiris minimè indoctis Affabiles quosdam uocari, qui & ipsi urbanitate quidem utantur. Nam & in accipiendis hospitibus, & in aduentu peregrinorū, in primis etiam congressibus ac salutationibus, & blandè affantur, ac comiter & hospitallyter alloquuntur. Iidem amicè quoq; & saluant, & compellant, & summa cum iucunditate congregiuntur. Sed nos eum quærimus, qui parte ex omni munus ipsum impleat, qui è iocis, suauiusq; è dictis oblectationem tantum quærat, ac recreationem post labores: qui & saltem habeant in dicendo, & quæ ipse dicit tanquam illo cōdiat, qui lepōrem admisceat, qui uerba apta, idonea, cōcinnata, iocisq; accommodata usurpet, uultūq; illis adiūgat, ubi opus est, ac gestū qui fabellis narrādīs recitādīsque iocosis, ac ludicris rebus, & curas sedet, & deliniat molestias: qui nō discedat urbanitatis è finibus, aut è ciue in rusticū, atq; agrestem trāseat, ex ingenuo in seruū, aut seruo persimilē, nī fortè res ipsa ita tulerit, qui minimè uolēs offendat dictis, nisi lacepsitus, idq; tamē urbanè, qui & tēporis, & loci, & audientis, & sui ipsius, & quam gerit personæ, et ætatis, & negotiorum & publicæ, priuatæq; letitiæ habeat, ac tristitiæ mororisq; rationē: idq; cum primis curet in singulis, ut retineat modam, ne & uerba profundat, & iocos, qui deniq; summo id studio uideat, ne cum alios in risum prouocat, ipse ab astantibus risui habeatur, triuiusq; dignior iudicetur, quàm honestorum, atq; ingenuorum hominum audientia, ac confessu. Demū etiā qui intelligat, perinde ut cessatio omnis, quiesq; cōceditur, relaxandi gratia, utq; reditus ad labores ac negotia nō sit grauis, sic iocos, dicta, sales, lepōres, facetiasq; concedi, ne uitā, cogitationesq; nostras omnis studiaq; in ijs collocasse, aut in ocio, desidiaq; aut in marcescentia potius nos appareat. Hunc, nī fallor (quando qui & qualis Comis sit, qui etiam Urbanus, ac Festiuus, explicatum est) maiores nostri Facetum uocauere. Nam urbanus (ut diximus) plura, quæ urbanæ consuetudinis, morumq; ciuiliū sunt, complectitur, perinde ut etiam Comis: at Festiuus minime quidem omnia quæ uirtuti huic cōueniāt, quæq; inesse ei debeant, qui iocis, dictisq; iucundioribus usus sit cū mediocritate & gratia. Quam in opinionem propendere uidetur Cicero, cum ait, duo esse genera facetiarum. Habemus igitur

Facetus

gitur nomen eius qui tali sit mediocritate, ac uirtute præditus. Cæterum uirtutis, atq; habitus ipsius nomen hæcenus præditum est nullum, quod quidem sit proprium, ac suis limitibus terminatum. Nam etsi rerum scriptores & Comitatem usurpant, & Urbanitatem, tamen (ut dixi) parum sunt omnino propria. Quia uerò cognata hæc essent, & necessitudine sua coniuncta, idcirco illis usi uidentur. Nos uerò licet non absq; rubore (neq; enim licentiosi haberi uolumus) tamen quod in acie cum periculo uersamur, tentabimus illud nouiter deducere, quod in plurimis & Cicero è nostris, aliq; non pauci seruauere: & Aristoteles inter Græcos, etiam non quadam sine libertate, etsi maxima tamen cum utilitate legentium. Ac primum quidem minime, ut à modesto deducimus modestiam, sic à faceto facetiam, quando facetiæ ipsæ dicta quidem sunt iucunda & lepida, nequaquam uerò habitus, aut uirtus. Verum ut sanctitatem à sancto, & ab honesto honestatem, castitatemq; à casto, sic à faceto facetiæ deducemus. Ut Facetas ipsa sit uirtus, ea deniq; Facetiui habitus, forsitan non omnino etiam displicuerit Facetudo subducta syllaba, ut à sordido sorditudo, quæ Plautina deductio est. Nam neq; maiores illi nostri aut castitudinē, reformidarunt, aut mœstitudinem. Quid si ut mœstities, sic etiam dicatur Faceties? Sed nos hæc ipsa ita tradimus, ut qui nullo modo uelimus regulam hac in parte præscribere. Sit enim sua cuiq; libertas usurpandi nominis, uerum ideo hoc facimus, ut apertè magis intelligatur habitus ipse qui sit, & quo etiam quis nomine ac proprio, & tantum suo uocitandus. Constitui-mus itaq; siue Facetiæ, siue Facetudinem, Facetiæ uel habitū, & qui eo sit habitu ornatus, Facetum. Sed ad alteram quoque partem uerborum transcendū est, ut quæ in ea uersetur mediocritas, lucidè etiā intelligatur.

De Veracitate.

Cap. XIII.



Vemadmodum autem uirtutis huius, de qua pauca locuti sumus, siue Comitatis, Urbanitatis uel, siue Facetudinis, proprium munus est atque officium, sedare molestias; in cessationibus quæ, ac in relaxatione à negotijs, iucundum aliquid quærere ad reficiendos animos, siue in ipsis quoque laboribus ac negotijs, inter quæ molestias reficere eos, quo uegetiores ipsi fiant, longè quæ ualentiores, siue peruincendis, aut tolerandis laboribus, difficultatibus quæ, siue leniendis doloribus, atque molestijs, qui finis ei uirtuti est constitutus. Sic cum eadem ipsa oratio, ac sermo uel præcipuum sit uinculum retinendæ societatis; ad quam colendam nati, atque educati sumus, cœtusq; ipsius unà sociati & ampliandi, & conseruandi,



sic inquam alterius uirtutis, cuius etiam initia quærimus, proprium munus est, ueritatis studium ac cultus. Loquimur autem de ueritate hoc in loco, non illa quidem, quæ à Physicis queritur, aut Mathematicis, quæ uerjetur circa certitudinem Syllogismorū, in ipsisq; disputationibus, quæ sunt de rerum natura, deq; disciplinis atq; scientijs hominum, ac facultatibus, uerum de ueritate ea, quæ nihil in sermonibus, atq; in oratione, nihil etiam in moribus inesse fictum, fallax, fucatum indicet: nihil quod simulatum, adulatorium, mendax, gloriosum, uanum, quodq; supra uires appareat, supraq; facultates ipsas, aut ueri fines excedat, captus ue nostri terminos: quam affsecuti qui sint, retineantq; et in dicendo, et in tractandis rebus, domesticisq; in consuetudinibus: ij ueri dicuntur, et uirtus ipsa ueritas, ni fortasse propriè magis ueraces illi, uirtus autem ipsa ueracitas, ut ueritas sit rei ipsius, ueracitas uerò ea utentis habitus. Ac nihilominus et uerum fuisse hominem Catonem dicimus, et quod summa etiam in eo inesset ueritas, Sibyllas quoque ueras, et uates etiam atq; haruspices ueros. Hæc uerò à nobis eo consilio dicta sunt, quo distinctius intelligatur, quæ nam res ipsæ sint, et quales. Tertia quoq; quedam uirtus (si Aristoteli credimus) in eadem hac uersatur materia, quæ amicitia ab illo dicitur: de qua quoniam his in libris dicendum nihil decreuimus, de duabus his uirtutibus, et Faceccitate, et Veritate tantum differemus, ac primo quidem de Veritate, deq; oppositis ei uitijs.

## De Adulatoribus.

## Cap. XIII.



Modum autem ueritati aduersatur lucri studium, atq; habendi cupiditas, itaque huiusmodi hominum una est cura, totiq; in eo ipsi sunt, quo adulando rei suæ consulant familiari, et quasi uerborum mercaturam faciant, oratione ubiq; utuntur secunda et blanda, hocq; sibi uitæ genus delegerunt ad ampliandam rem domesticam. Periculosa sanè ac maximè pestilens hominum consuetudo ac familiaritas, quorum quia primatum uirorum, principumq; ac regum præcipue, plene sunt aule, inde Adulatores dicti: qui dum placere et gratificari tantū student, ueritati apud dominos aures obstrudunt, atq; ad illorum uultum, libidinemq; seruilem in modum omnia loquuntur: nam et αὐτοῖς Græcè seruus est: ijdem alio sunt nomine Assentatores, ab assentiendo dicti, quod eorum cogitationes atq; consilia in id solum intendant, id ipsi tantum agant, sibi ipsis ue profint, secuti Terentianum illud: Ais aio, negas nego. Quibus hominibus, quod plerūq; solis, qui res moderantur publicas, suas patefaciunt aures, hinc et uidemus, et audimus, et legimus eorū res frequentissimè in præceptis

præceptis rapi, turbariq; ac misceri repente principatus ac regna. Quæ res nostris quoq; temporibus clariores sunt, quàm ut exëplis indigeant. Huius autem generis hominum plures quidem sunt species, nesciã tamen sint ne omnes adulatorũ in numero habendi. Quãdo (ut Aristoteles queri etiam uidetur) singulis siue uirtutibus, siue uitijis certa neutiq; propriaq; insunt nomina. Itaq; et lucri, et compendiorum tantum gratia adulantur non pauci, quidam capti adæ solum auræ, ac fauoris in populo, atq; inter ciues: alij quod ita à natura comparati sint, usq; etiam confirmati, ut ipsa tantum blanditione capiantur, eaq; auicularũ in modum sese oblectent, quam uel maximam etiam uoluptatem, uel solam potius statuant.

De Captatoribus. Cap. XV.



Orum igitur, qui pecuniarium secunda ex oratione sibi questum conuenerint, duplex cum sit genus, et illorum qui tum Captatores dicuntur, in quibus latè quidem regnat ambitio et leuitas, tum qui Adulatores communiter tamen nomine uocantur. Captatorũ quidam ipsorum studium est, non dictis modò, sed conferendis muneribus captare animos ac uoluntates illorum, præsertim quibus aut certi minimè sint hæredes, aut eorum eijciendorum ex hæreditate spes adest. Quod genus latè diffunditur, non maximis inhiantũ modò fortunis, uerũ patrimonij etiam minimis. Dicti igitur à captando, quo in uerbo et fraus inest, et maius etiam habendi studium. Quippe cum ipsi non uerbis modò, uerum etiam donis, conuiuijsq; grassentur, aucupum morem, atq; alleclationes secuti: eorum enim captiosa sunt omnino obsequia, fraudisq; atq; insidiarũ plena. Aduersum quos meritò et dentes acuiunt, et gladios stringunt Satyrarum scriptores. Sed nobis hac satis in parte fuerit uitij genus innuisse. Quantopere autem ueritati horum obsit hominum oratio atq; obsequium, abundè quidè manifestum est. Sunt quoq; quos ambitio honorisq; studium, minimè uerò pecuniæ cupiditas trahat ad assentandum, leuitate quadam tantum duce, dum uideri quàm esse ipsi malunt, solaq; populari et capiuntur, et pascuntur aura: qua in re seq; suasq; res omnis uidentur collocasse, plebeiorum etiam ad hominum opinionem omnia referentes. Ac superius quidam uitium Captatio, et qui ea utuntur Captatores: huius autem proprium maximè suum nomen existit nullum, leuitas tamen est, ac uanitas sanè maxima, et homines ipsi perquam leues ac uani, dum umbra capiuntur rerum magis, quàm rebus ipsis. Atq; hoc quidem uitij potest ratione alia ad Ambitionem referri, qua de re alibi quoq; à nobis dictũ est. Quod si Captationem ipsam duplicem fecerimus, et eorũ quos cupiditas habedi

trahit, et quos popularis auræ atq; ambitionis studium, ut alteri pecuniæ, alteri popularis auræ Captatores dicantur, fortasse non male distribuisse iudicabimur, quando etiam sunt qui inter loquendum discernendūq; etiam uerba captent, qui quidem ipsi dicantur Captiosi, et fraus ipsa Captiuncula. Verum ad Adulatores redeamus, quiq; iidem Assentatores sunt, neque alio quidem nomine inter se discernuntur. Cæterum studium id eorum est, ex adulationibus rem facere, ac peculium, ut dum uerbis obsequiuntur, dum oratione secunda primatū, ac principū res, consiliaq; extollūt: dum eorū admirantur facta, dicta, cōsilia, mores, gestus, et (ut Iuuenalis inquit) ubi

» Trulla inuerso crepitum dedit aurea fundo.

Domesticam rem adaugeant, amplificentq; patrimonium. Quorum hominum studijs, dominantium (ut dixi) aures plerunque oppletæ sunt, dum ijs sese regendos permittunt. Quo efficitur, ut ueritas uideri possit eorum inimica, præsertim ubi qui rerum potiuntur, adolescentes ipsi fuerint, uel etate annisq; uel etiam moribus, ac rerum usu. Horum igitur omnium studium est atque propositum, adulando, atq; in gratiam loquendo rebus ipsos suis consulere, hisq; artibus atque consilijs rei familiari prospicere. Quod dum consequantur, non modo nulla e parte molesti esse uolunt, uerum singula laudant, dictisq; et factis quibusq; assurgunt, quin quæ maximè fortasse ridenda sint, et admirantur illa, et in cælum ferunt, uerbis quoq; ipsis, oris gestum adiungentes, et corporis totius habitum, regem aliquem capies, inquit ille apud Iuuenalem, ad magni illius rhombi aspectum, aut de temone Britanno

» Excitet Aruiragus, peregrina est bellua, cernis

» Erectas in terga fudes? —

Itaque quid in maioribus illi ipsi Assentatores facturi essent negotijs consultationibusq; conijcere ex his facile quidem possumus. His accedit maximè uanum genus hominum, quorum studium tantum est loquendi in aliorum gratiam, atque ad illorum ipsorum uultum atque opinionem, orationem suam, seq; ipsos componere, ijsdemq; in omnibus morem gerere, seq; suaq; dicta, sermonesq; ad hæc ipsa tantum instituire. Quorū quidem consilium Terentianum quoque est illud, et meta quasi quedam, ad

» quam seipsos instruunt: Obsequi amicos, ueritas odium parit. Quod dictum quanquam latius fortasse patet, tamen maximè ad eos referendum, qui uoluptatem solā suis e dictis queritant, quam ad adipiscendam sese omni arte instituunt, ac dicendi studio solumq; eorum est propositum, dominantibus ut placeant, et quibus cum obuersantur, eos delectent, ijs blandiantur, et illorū arte ut omni aures demulceant, uoluptatis gratia de-

munum

*num omnia. Hicq; illorum est finis, ac propositum.*

*De Lasciuis. Cap. XVI.*



Va in re quoniam nec modum, nec mensuram tenent ullam, lasciuire eos necesse est, ut qui neq; in iocando, neque in oblectando delectum habeant, aut rationem aliquam, uerum qui et uerbis, et iocis, et fabellis referendis, nimium ipsi serpent, atque inter iocandum explicandumq; dilabantur aliò atq; aliò. Quocirca Lasciui sunt uocati, et uitiū ipsum Lasciua: nimis enim profundunt sese ad ioca dictaq; omnia, ad quæ dilapsi, nec lasciuunt tantum, nimiq; in illis sunt, uerum petulantes, osceni, et (quod turpissimum est) impuri. Minimè autem uerebimur, hoc ipsum genus partiri eorum qui ad uoluptatem tantum, atque in gratiam loquantur, comparandæ tantum uoluptatis causa. Sunt enim qui ipsi quidem minimè lasciuiant, seruent que in iocando delectum atque in dicendo, uerum in hoc à recto atq; honesto abeunt, quod uoluptatem sibi proposuerunt: uile sanè pretium, pro quo tamen assequendo et ueritati obstant, et ab hominis recedunt dignitate. Siquidem quo instrumento, quaque nature dote præditi sumus, cum excellentia animalium cæterorum, eo ipsi pro re maximè sordida, beluarumq; magis quàm hominum propria abutuntur. Neque enim finis eorum est in laborum requiete, molestiarum que relaxatione, ut iucunditatem aut querant, aut afferant, quo et tranquillēt audientium animos ac suos, et refocillent eos à præteritis defatigationibus, uiresq; renouent ad easdem rursus obeundas, uerum quod à natura atque ab habitu ita quidem instituti ad ea ipsa sunt, ut neque ab desidia ignauiaq; longius absint. Atque hæc quidem uidentur esse Assentatorum genera.

*De Insulsis, et Profusis. Cap. XVII.*



Vixit ex hoc etiam numero, qui dum oblectare student, maximè aures audientium offendant, tum insulse loquendo, tum profundendo et res, et uerba: nec delectu habito, nec modo aut mēsurā adhibitīs. Itaq; tædij genus hoc ac molestiarū ueteres dicebant hominem occidere, cū eiusmodi homines in cūctis et multi essent, et insulsi, ineptiq; ac cū primis importuni, ut nō in cōuenienter à ranarū similitudine sint, qui eos Coaxatores uocitent, quod coaxare eos quàm loqui magis existiment: ut qui non modò non mulceant aures, uerum ad impatientiam usq; obtundant.

## De Contentiosis. Cap. XVIII.



Dulcorum studijs maxime aduersi uidentur contentio si quidam homines, quoru e a est natura, id etiam studiũ, ut non modò non loquantur in aliorũ gratiam, neq; gratificetur ipsi alijs, sed contrà ut aduersentur et ubiq; et in quibusq; neminemq; uereantur in dicendo offendere: quin et serant ipsi sponte studioseq; contentiones, et ab alijs satas accipiant, letenturq; ijs et fouendis, et exercendis, quibus etiam uita ipsa uel molesta futura sit, ni in cunctis uel dentes imprimant, uel iufigant aculeos, ut ad contentiones, dissidia, rixasq; atq; altercationes nati prorsus uideantur. Et quam alij à natura concessam elocutionem exercent in conseruanda hominum societate, in conciliandis amicitijs, in solandis demulcendisq; molestijs, laboribus ac mœroribus aliorum, ea ipsi in aduersum utantur, uel abutantur potius ad odia contrahenda, litesq; excitandas, ac ferenda discordiarum semina. Hos et Contentiosos uocauere, et rixatores, et alio atq; alio nomine. Vitiũ autẽ etsi est fortasse innominatũ, quid tamen prohibeat rixationem appellare, ac Contentiositatem, ut cõtentionem rerũ esse dicamus, ac rixã: uitiũ uerò ipsum peruersumq; illum habitũ tum rixationis appellatione, tum Contentiositatis designemus. Odiosum sanẽ genus hominum, et muscarum maxime simile, ut nati hi omnino uideantur ad turbas, uexationes, inquietudinem, uitẽq; ad uniuersẽ turbationem actẽdia. Quod Plautus indicauit in serui illius persona: Decretum est mihi quasi umbra, quoquo ibis tutẽ persequi. Quin ædepol si in crutem uis pergere, sequi decretum est. Horũ duplex mihi uidetur esse partitio, eorum una, qui student, ut commoda, utilitatemq; inde sibi cõparent, aliorum altera, qui uoluptatis tantum gratia, utq; inuidentiissimæ sue naturæ, ac peruersissimis cogitationibus morem gerant. Eorum autem utrum genus longẽ sit peruersius, iudicatu difficile uideri iure quidẽ potest, utrunq; tamen peruersissimũ. Montium adolescens ipse noui Brachatium, qui generis ac familiæ contempta, uel repudiata potius dignitate totum litibus sese tradiderit: ac satis scio lites quasdam ab actoribus destitutas, siue ob inopiam rei familiaris ad eas prosequendas, seu quod male essent cœptæ, precio mercatum, quo (uti conuenerat) exoluto, prosecutũ sumptibus suis litigia, in hocq; uitam suam egisse omnem. Ex eadem item familia alterũ mirificẽ controuersijs assuetum, quin omnino illis addictũ, ut cũ aliquando ab Antonio Panhormita, iucundissimo homine per risum interrogaretur, quo nam modo cum causis? responderũ bene sibi, atq; e sententia in omnibus successisse, easdemq; in rem suam terminatas, duas tamẽ

aut treis in longū à sese ea ratione protrahi, quod aliter ocio immarcesceret, illasq; eo à se studio reseruatas, ut haberet in quo oblectaretur, pasceretq; animum. Vide hominis ingenium, qui litigia, cōtrouersiasq; sibi uoluptatē statuerit? Sed nobis hac in parte loquendū neutiq; est iudicialibus de contentionibus, tantum studia uolumus cōtentiosorum quorundam hominum ostendere. Itaq; hos ipsos Litigiosos, seu Litigatorios potius quis uocauerit, et controuersos. Nam Litigiosas res propriè magis dicimus. Cōtentiosos autem illos uolumus, qui maxime aduersentur adulat oribus, et quantum hi loquuntur in omnium gratiam, tantum illi nemini parcat, studeantq; prorsus offendere: quos si quis Inciuiles uocauerit, ne ille mea sententia uera ab appellatione recesserit. Quando autem res ipsa intelligitur, nolumus de uerbo nimio plus esse solliciti. Laurentius Vallengis in Grammaticis, Rhetoricis, Dialecticisq; ita et scripsit, et disputare est solitus, ut minimè uideretur uelle præcipere, nec appareret tam contendere illum de ueritate, proprietateq; , aut docere uelle, quàm maledicere, obiectareq; uetustis scriptoribus, atq; obloqui. Itaq; Cicronem uellicabat, Aristotelem carpebat, Virgilio subsannabat. Quippe qui propalā sit assueuere ausus, siue Pindarus quippiā autor is nomine suo fuerit, siue alio (de hoc enim ambigitur) qui Homericæ libros omnis Iliados nō multos admodum inuersus cōtractos latine cōuertit, qui propalā sit inquā assueuere ausus, Pindarum cum Virgilio anteferendū. Est aut carminis illius principium: Iram pande mihi Pelidæ diua superbi,  
Tristia qui miseris iniecit funera Graijs.

Tali igitur iudicio hominem, ingenioq; tam siue retrouerso, siue præpostero (quippe qui maximis quibusq; ringeret autoribus, uni tantū Epicuro assurgeret) quàm ob communem utilitatem contendere, aut cognitio nem dicas, atq; altercari? qui nec aliud uelit, curet, studeat, quàm ut detrahat quibus minimè par est, ac maledicat? Quādo qui cū Laurentio familiariter uixerunt, affirmant illum eo nequaquā cōsilio in Grammaticis scripsisse, ac Dialecticis, quo doceret, disciplinasq; ab ignoratione uindicaret, atque à sorde, uerum ut malediceret, obloquendoque detraheret de fama atque autoritate rerum scriptoribus: tum illis qui exemplo sunt ad scribendum alijs, propter antiquitatē, maiestatemq; dicēdi, ac præcipiendi, tum illis ipsis, qui tunc uiuerent, qui ne dubitauerit ipse quidem dicere, profiteriq; palam, habere se quoq; in CHRISTVM spicula. Sed nobis propositum minimè est detrahendi homini maxime studioso, quem senem adolescens ipse nouerim, cūq; à Roma se Neapolim cōtulisset ad Alphonsum regem, et inuiserim etiā reuerēter pro illius, meaq; , atate, et plures post cō-

gressiones maxime familiares ita ab eo disceſſerim, uti ex eo de me niſi ple-  
no, atq; amico ore locutus fuerit nunquã. Sunt ex his igitur quos nõ tam  
cõtentioſos dicas, quã inſectatores cũ ſingulorũ, tũ etiã humani generis,  
quod de Timone traditur: neq; ueritatis ipſius cultu et gratia, ſed quod ita  
quidem ſint à natura inſtituti, atq; ab aſſuetudine cõfirmati, et moribus.

De Verboſis.

Cap. XIX.



Ræter hos in utroq; genere quos peccare dicimus, dela-  
biq; in exceſſum, ſiue adulando, ſiue cõtendendo rixan-  
doq; ſunt qui Verboſi dicuntur, uitiumq; ipſum uerbo-  
ſitas. Hi dum placere ſtudent, et grati eſſe, minime qui-  
dem aut placent, aut uoluptatem afferunt, quin mole-  
ſtiam potius, ac tædium pariunt deſatigationis ac ſatietatis plenum, dece-  
pti iudicio, rerumq; ſimul, ac uerborum accruationibus, ut neſcias, ex eo  
quod aures uel offendũt, uel exatiant, ſin' ne Cõtentioſis potius, quã In-  
ſulis annumerandi. Verũ Contentioſi id agunt, ut nemini parcant, pa-  
rumq; omnino offendi alios aut curent, aut caueãt. Verboſis uerò pro-  
poſitum eſt, ac conſiliũ oblectandi, modum tamen dum minime retinent,  
dum delectum adhibent nullum, in caſtra tranſeunt aduerſariorum, appa-  
rentq; tranſugis ſimiliores. Itaque Verboſi et initio, et inter dicendum  
ſubinde delectant: nec odio ipſi habentur, ſed recuſantur eorum ſermones  
magis, quã fugitãtur. At Contentioſi ubique offendũt, et odio eos boni-  
omnes proſequuntur, ab illisq; abhorrent audiendis, quos et malediclis  
quoque inſectantur.

De Loquacibus.

Cap. XX.



Vnt qui uitũ hoc loquacitatem dici malint, et illos ipſos  
Loquaces, in quo nõ eſt cur eos impediamus. Tamen Lo-  
quaces nos à Verboſis diſſerre hoc ipſo uolumus, quod  
Verboſi uerſentur in ijs, quæ iucunditatem præſeferant:  
inq; illis ipſis in quibus locum habeat Facetudo, et Co-  
mitas. At Loquaces eos eſſe cõtendimus, quorum ſtudium minime ſit qua-  
le eſt aut Facetorum, Urbanorumq;, aut Contentioſorum, ac moleſtorum  
hominum: quippe cum et dicendi infinitate capiantur, et dum loquan-  
tur, dumq; exultent campo, equisq; (ut dici ſolet) ac uiris, aliud nihil aut  
querant, aut curent, aut ſibi propoſitum habeant; quibus  
quidem ſeruandis, in diuerſa etiam ui-  
tia incitant.

De



## De Nugatoribus. Cap. XXI.



Is ipsis haud multum etiam uidentur differre Nugatores, quorum narrationes inopes quidem rerum sint, nugaeque; (ut Horatius inquit) canorae. Caterum uanitate illi uerborum, atque aggestione magis peccant, hi rerum. Vterque tamen et confunditur in dicendo, et nimij sunt, nullum cum delectu adhibeant, indeque; maxime etiam molesti uterque; quando uterque; inepti sunt maximeque; inconsiderati. Horum haud multum dissimiles sunt, qui Garruli dicuntur, quorum sermo et molestus est, et nimius. Obtundunt autem tum uanitate rerum, tum inanitate uerborum, quibus in omnibus et nimij sunt, et importuni, ualdeque; indecentes. Vitiū autem ipsum Garrulitas, ab aubus ductū, neque; enim cessant, et in ipsa assiduo uersantur uel potius interstrepitāt. Verum attigisse haec satis fortasse hoc in loco fuerit, cum ea siue uitia, siue uirtutes minime sint aut ad Veritatem, de qua dicturi sumus, aut ad Coinitatem, Urbanitatem uel referenda. Loquaces enim uideri magis possunt Taciturnis aduersari, Taciturnitasque; ipsa Loquacitati. De quibus dicere his in libris minime propositum est nostrum.

## De Taciturnis. Cap. XXII.



Illud tamen non praetermitteremus, Taciturnitatem mediocritatem esse quādam, Loquacitatem excessum. Parte uero ex altera, qui tacendo excedant, eos esse sine nomine: neque enim aut ubi, aut quantum, aut quomodo, aut quid oporteat, dum tamen taceant, pensi quicquam habent, et siquid quandoque, musitant potius quam loquuntur. Sed musitatio ex ore, innutuque; constat, ac supercilij, non minus quam uerbis, et plerumque; occulta est, gigniturque; interdum et metu, aut reuerentia nonnunquam pudore, aut stupore, non raro simulatione, ut eorum aduersarij uideantur, qui obganniunt, potius quam qui loquaces sunt. Sed quaerere haec ipsa distinctius hoc (ut dictum est) loco, nostri non est propositi. Quamobrem qui mediocritate hac ipsa in re de qua disputatio est, sequantur, quique; ipsi sint, perquiramus. Cum enim Contentiosi, atque Assentatores e regione penes sint constituendi, atque ex aduerso collocari debeant, medium quidem inter hos ipsos perquirendum est. Et si nomen mediocritatis eius minime est proditum, et Contentiositatem, et Adulationem extrema uerius dicimus, quam opposita, quippe quae a medio recedant. Itaque mediocritas ipsa quaerenda nobis est. Aristoteles uero quamquam innominatam Graece tradat, putat tamen illam et retinere quae utrinque; oporteat, ac seruare, et ratione eadem

reijcere quæ & ubi, et quomodo opus fuerit, atq; omnino repellere, ut etiã existimet hanc ipsam mediocritatem amicitie maximè esse similem. Quia in parte si aliquantum fortasse immorabimur, ueritatis ac rei ipsius indagandæ gratia, sat confidimus, te (quod humanitatis est tuæ proprium) iutio id minimè esse daturum.

De Delectu, qui, & qualis sit.

Cap. XXIII.



**P**oëtæ, & scriptores rerum tum humanarũ, tum naturæ uoces rebus ipsis adijciunt, unde dictæ sunt adiectiue, quibus proprietates, appellationesq; & declarant, explicantq; & etiam finiunt. Nam hominem cū dicunt animale esse, & rationalem, & mortalem, hominem ipsum finiunt, & quæ substantia sit eius, declarant. Quid cū Poëtæ & placidam dicunt quietem, & arma horrentia, & fertilem Ausoniã, nōnyæ & armorum, & quietis, & agrorum qualitatem indicant? & cum humilem Italiam, & campos iacentes, & colles supinos, an non situm innuunt, ac posituram? et ubi in gentes artus, mariaq; patentia, quid nisi amplitudinem signare uolūt, ac magnitudinem, & membrorum, & pelagi? Eadem ratione qui de moribus scribunt, oportet ut uocibus adiectis actiones nostras, quæ mores ac uirtutes constituunt, terminent. Terminantur aut actiones ipsæ, perficiunturq;: siqui agunt, & sicuti oportet, & quando oportet, quantumq;: etiã oportet agant, modumq;: in cunctis reineant, necue aut nimia sit eorum opera, aut remissior, minimaq;: utq;: & loci meminerint, & personarum, ac rerum etiam ipsarum. Quæ qui seruant, hi dicuntur agendis rebus delectũ adhibere. Delectũ enim illa cōtinentur omnia, quibus actiones ipsæ, uirtutesq;: perficiuntur. Etenim quemadmodũ consultationem ipsam sequitur electio, confirmatumq;: consiliũ ac propositum, sic postquam eligimus incipere, suscepimusq;: agendum aliquid, sequitur uestigio delectus, hoc est, ut deligamus inter ea quæ ad agendũ offeruntur, & tempus quod sit opportunum actioni, susceptoq;: negotio, & locũ idoneum, & uiam, quæ tenenda sit, cū plures offerri solcant. Adhæc multi cum indigeant, ut de liberalitate exemplum proponamus, deligendũ est quibus potissimum daturi simus. Cumq;: non uniuersa sit pecunia eroganda, ne fons ipse liberalitatis exareat, dādoq;: alijs plurima, liberis desimus, parentibus, uxori, nepotibusq;: quantum etiam ijs ipsis quibus daturi sumus, singillatim sit erogandũ. Quo in delectu præcipuè etiã uidendũ est, rationem uti habeamus, & negotij, & eius ipsius, qui cum habēda res est, & urbis, & ciuiliũ tum legũ, tum consuetudinũ, ac propriæ præsertim personæ.

personæ, quæq; alia recta ipsa ratio tenenda monstrauerit, ne in aliquo agentes peccemus. Neque enim tantummodo à nobis peccabitur, si aut nimis erimus, aut strictiores in erogando (ut in quo cepimus exemplo persistamus) uerum etiam si liberales in eos fuerimus, qui minimè digni sunt liberalitate, aut si quibus conferenda præsens est pecunia, quod domestica, extremaq; laborent egestate, equestri eos prærogatiua exornauerimus, aut si quibus opus est opera, eos uerbis iuuerimus, prosequemurq; consilijs ac monitis. Igitur hæc ipsa mediocritas de qua nunc differimus, uersatur potissimum in habendo delectu, ne aut ad nimiam declinemus uerborum gratificationem, quæ leuis sit, ac uana. ubi fortè opus esset cōmonitione, oportetq; uerbis grauioribus, maximeq; accommodatis retrahere amicum, uel acrius etiam obiurgare, aut ubi indulgentius fortasse agendum esset, ut in nuptijs, atq; in publicis ludis, afferre in mensam, atq; ad choreas supercilium. Et publicam letitiam uelle aut sermone minus suauis, aut fronte obdusa contristare, hilaritatemq; inficere iurgijs atq; contentionibus. Quid (inquit ille) in theatrum Cato scire uenisti? Intelligebat enim alium hilaritatis locum esse debere, alium seueritatis.

Non hoc ista sibi tempus spectacula poscit.

Diuersa omnino hæc est persona, monet enim omnia rerum inanum, perituræq; inspectione, rei maxime seriæ quæ instaret, preuertendum esse. Quem locum animaduertens Cicero, turpe esse dixit, ualdeq; uitiosum in re seria conuiuio dignum, aut dedicatum aliquem inferre sermonem.

Ad consequendam mediocritatem opus esse delectu.

Cap. XXIIII.



Vi igitur mediocritati huic daturus est operam, ne aut in gratiam loquens recedat à medio, profundatq; sese in assentationem atq; obsequium, aut dum seria sequitur, delabatur in aduersum, acerbisq; ad contentiones, modò refragatoris personam, modò rixatoris induens, huic delectus cū primis habendus est, et rerum, et temporum, et locorum, et personarum, quo uirtutem maxime laudabilem, ac publicè, priuatimq; et apud ciues, peregrinosq; æque spectatam consequatur. Ex hoc itaq; Aristoteles mediocritatē eā amicitiae per quā similē esse putat, quādo qui eiusmodi uirtute est præditus, et ciues amplectatur, et externos, et æquales, atq; inferiores, et quibus cū uiuendi cōsuetudinē frequentat, et quibus nulla prorsus necessitudine est cōiunctus, quin eodē quoq; erga eos afficietur studio, quod in bonioribus cōstituti sunt, ac magistratibus, primūq; in populis locū obtinēt.

De mensura seruanda in gratificando &amp; commonendo.

Cap.

XXIII.



Hoc autem tale est, ut cum opus fuerit, gratum sese illis exhibeat in sermonibus, conuersationibusq; in eisdemq; appellandis atq; inuiscendis, in salutationibus, deductionibus, reductionibusq;, atq; assurrectionibus: deniq; ut omni e parte gratus esse illis studeat, & (quantum par est) in illorum gratiam ac commendationem loqui, ac modo res eorum laudare, proq; loco ac tempore commendare dicta, probare consilia, sententias, actiones, studia, opera, uitae genus efferre, eaq; cuncta cum delectu, ac ratione. Contra haec, ubi labi aliquem uiderit, peccare, decipi, parum prudenter rebus suis consulere, aut nimium sibi ipsi tribuere, discedentem ab honesto, delabentemq; ad ostentationem, ac uana consilia, captantemq; popularis auras, et (ut Seuerus Alexander usurpabat) uidentem fumos, et loco suo, et tempore, & uerbis maxime accommodatis commonefaciet illum, etiam autore CHRISTO Opt. Maximo, studebitq; ab inceptis, aut inutilibus, aut parum honestis retrahere, ijs uerbis, exemplis, consilijs, ut monitoris recti, uiri boni, ciuis beneuolentis, reprehensoris quandoq; lenis, blanditoris nonnunquam comis, consiliarij ubiq; prudētis, et integri, institutoris interdum et probi, et sapientis personam suscipiat. Forsitan & locus, et tempus, et res ipsa aliquando tulerit, ut increpatoris etiam acerbis, aut inclinatoris agrestis: non ut molestiam afferat, uerum ut ubi retinere suauioribus illum uerbis nequit, aut dictis, exēplisq;, aut probabilibus, suauiorisq; rationibus, deterreat inclamando austerius, proponendo etiam turpitudinem, infamiam, periculaq; tum rerū, honorisq;, tum uitae quoq; ipsius. Videamus quibus dictis Annibalem etiam efferatis moribus ducem Maharbal uerberet. Nimirum o Annibal, non omnia tibi dii dedere, uincere scis, uictoria uti nescis. Forsan autem haec ipsa increpacio, acerbitasq; hunc ipsum de quo disputamus minime decuerit, nihilominus eiusmodi esse debet, ut dum prodesse possit, dum iuuare dictis suis, atq; cōmonitionibus sibi proponat, potius recte admonendo, prudenterq; consulendo in molestiam esse aliquam incidendum, quam tacendo, aut loquendo in gratiam, assentandoq; in turpitudinem, honorisq; iacturam ac famae, patri amicum familiarem, ciuem, hospitem, addam & peregrinum incurrere. Itaq; Terentianum illud dictum, nihil humani à me alienum puto, nequaquam uidetur ab hoc ipso quē adumbramus, alienū. Est apud Sallustium cōmonefaciens Iugurthā Micipsa rex grauisima hac, uel paterna potius oratione, Paruū te Iugurtha amisso patre, sine spe, sine opibus, in meum regnum

regnū accepi, existimans non minus me tibi, q̄ liberis, si genuissem, ob be-  
 neficia charū fore. Neq; ea spes falsum me habuit, nā ut alia magna et egre-  
 gia tua facta omittā, nouissime rediēs Numantia, me q; regnūq; meū glo-  
 ria honorauisti, tuq; a uirtute nobis Romanos ex amicis amicissimos feci-  
 sti. In Hispania nomē familie nostræ renouatū est. Postremo (quod difficil-  
 limū inter mortales est) gloria inuidiā uicisti. Nūc quoniā mihi natura fi-  
 nē uitæ facit, per hāc dexterā, per regni fidē moneo, obtestorq; te, ut hos  
 qui tibi genere propinqui, beneficio meo fratres sunt, charos habeas, neu  
 malis alienos adiungere, q̄ sanguine cōiunctos retinere. Nō exercitus, neq;  
 thesauri præsidia regni sunt, uerū amici, quos neq; armis cogere, neq; au-  
 rorū parare queas, officio et fide parātur. Quis autem amicior, q̄ frater fra-  
 tris aut quē alienū fidū inuenias, si tuis hostis fueris? Equidē ego uobis re-  
 gnū trado firmū, si boni eritis: sin mali, imbecillū. Nā cōcordia parue res  
 crescūt, discordiā maximā dilabūtur. Cæterū te his lugiurtha q̄ etate et sa-  
 pientia prior es, ne aliter quid cūeniat, prouidere decet. Nā in omni certā-  
 mine, q̄ opulentior est, etiā si accipit iniuriā, quod plus potest, facere uide-  
 tur. Vos aut Adherbal et Hiempsal colite et obseruate talem hunc uirum.  
 Imitamini uirtutē, et enitimini, ne ego meliores liberos sumpsisse uidear,  
 quā genuisse. Quales igitur admonitiones in eiusmodi rebus ac nego-  
 tijs esse debeant, locus hic Sallustij nos docet. Nec minus docet apud Li-  
 uij Scipio, in maximē amica et sapienti illa ad Masinissam allocutione,  
 qua nihil grauius, nihil amitiū, ac (si rem ipsam introspicias) nihil accom-  
 modatiū, neue aliqua in parte dignitati aut suæ, aut Masinissæ deesset,  
 post Sophronisbæ interitum, nunc solatur illum, nūc leuiter castigat, post  
 etiam aduocata concione regem appellat, eximijq; ornatum laudibus,  
 aurea corona, aurea patera, sella curuli, scipione eburneo, toga idem picta,  
 palmataq; tunica donat, additq; et uerbis honorem. Quamuis autem ut  
 decoro, rei q; præsertim ipsi satisfiat, seuerior nonnunquam assumenda  
 uideatur persona. Quid tamen Comem deceat in commune faciendo, Plau-  
 tus docet in Philoxeni illius persona: Eia Lyde, leniter qui sciaunt, sa-  
 piunt magis, minus mirandum est, illec etas si quid illorum facit, quā si  
 non faciat, feci ego istec itidem in adolescentia. Igitur quoniā hic ipse uir  
 circa uoluptates uersatur, ac molestias, quæ inter conuersandum usu ue-  
 niunt, illud omnino præstabit: hinc molestus ne sit, illinc ut oblectet, pro-  
 betq; probandū modestē et grauit̄er pro re ac loco, sitq; in alloquēdo gra-  
 tius atq; periucundus, nō tamen ut aut omnem refugiat molestiæ respectū,  
 uereaturq; ne recte monendo, ac suadendo honesta, parum forte placeat,  
 aut undecunq; gratiā, ut inire uelit, assentando impudenter, quin cum

sefe geret, utrunque ut referat tum ad honestatem, tum ad utilitatem, quæ tamen honestate non sit uacua. Et quod meretriculæ seruire audent in re impudica, non seruabit in re maximè honesta, & utili, uir qui sibi proposuit, ubique gratus esse, seq; in omni uita, hominum quæ consuetudine mediocritatem uelle sequi, tum in commendando, ac loquendo in gratiam, tum in continendo ab ijs, quæ parum laudanda uideantur, aut in ijs improbandis retinendo modum ac mensuram? Nam quanquam eius studium est, ut sit maximè gratus, atque etiam utilis, negliget tamen leuiorem interdum offensiunculam, quæ posset ex cōmonefactione proficisci, dum proficit multum. Satis nunc (inquit apud Plautum) credo soror ornatam te tibi uidcri, sed ubi exempla conferentur meretricum aliarum, ibi tibi erit cordolium, si quam ornatam melius forte aspekeris. Non uerita est illa sororem paulisper offendere, dum ei prodesset multum, ad cultum atque ornatum, utq; inter alias excelleret, quæ pariter quæstum facerent. Nouimus ipsi & temperantem, & mediocritatis huius studiosum hominem, qui cum sermo aliquis allatus esset, in quo retincri à se modum posse diffideret, sensim è concilio se subtraheret sub aliquam honestam causam. Quoniam autem nullum hic aspernatur genus hominum, quod ita sit à natura, usq; institutus: quippe cuius studium sit gratificandi notis, ignotisq; summis atque infimis, meminisse eum oportet aliam cum ciue, aliam cum hospite, aut peregrino rationem à se sequendam esse: cum amico, quàm cum ignoto: cum ignobili, quàm cum eo qui sit honesto loco natus, educatusq; maximè liberaliter. Quæ in re delectum eum adhibebit, ut cuique quantum sat est tribuat, seu in gratiam loquatur ac commendationem, seu dum cōmonefaciendo proficit, in molestiā ut incurrat aliquam, quanquam studium eius illud est præcipuum, gratiam ut uerbis incat, offendant uerò in conuersando neminem, atque ut in illud maximum omnino studiū confert, adiūgitq; operam, ita ab altero præcipuè cauebit, quantum tamen honestas simul, utilitasq; dictabit. Quæ quidem ratione ab utroque & assentatore, & contentioso mutua bitur sibi quantum satis est, atque ut oportet, decet: quæque parum decuerint, neque honesta erunt, minimèq; conducibilia, ea pro loco ac tempore repudiabit. Et res tamē, et locus, ac tempus ipsum, nonnumquam etiam persona illud exigent, ut peregrino, quàm ciui, plebeio, quàm nobili plusculū sit aliquid tribuendū. Cauendū tamen ubique, ne dum in gratiam alterius loqui uolumus, alterum in iram atq; odium prouocemus.

Virtutem

Virtutem eam non esse Amicitiam, sed aliam quam pia in sine nomine. Cap. XXVI.



Virtutem uero hanc non esse Amicitiam, quamuis sit ei non parum similis, illud docet, quod amici officium est in amicum, quodque mutuum inter amicos est amor, mutuum etiam studium, mutua utilitatum collatio, expetitioque gratificandi, quodque amicus est alter ego, ut omnes consentiunt. At hic ipse quem suo sine nomine esse dicimus, non mouetur in peregrinum, aduenam, summum, uel infimum ciuem, notum, innotum uel beneuolentie atque amoris, mutuique ipsius gratia, sed naturali quadam commotione, quodque ita suapte natura institutus sit, eumque sese ipse assuescendo comparauerit ut qui gratus esse omnibus uelit, molestus uero nulli, aut impudenter contentiosusque aduersari, quin ut assentari minime uult, recusatque altercari, ac rixas ferere: sic media inter utrumque officia inter omnes exercere nititur, humanitatis precipue memor, generisque hominum studiosus, eorumque societatis, et insiti a natura officij. Quo fit, idem bonus ut sit uir, ciuis probus, homo hominis amicus, gratus ac iucundus, et simul cunctis publice et priuatim singulis, molestus uero nemini: quique in conuersationibus, uitaque sociabili eum sese geret, ut lenibus pariter gratus sit, ac seueris, iucundis eque ac tristibus, mansuetis item, ac duriusculis, prestabitque aduersum singulos id quod Horatius precipit: Sed pater ut gnatis, sic nos debemus amicis, Si quod inest uitium, non fastidire: strabonem Appellat poetum blandus pater.

Quæ ad habitum hunc innominatum pertineant.

Cap. XXVII.



Minimo igitur huiusmodi habitu qui est præditus, ita loquatur in gratiam, ut in impudentia aliquam nullo modo incidat, aut parum modestam commendationem ac laudem. Quod si quandoque deflectendum sit à linea, illud seruabit, quod ij qui rapida, ac maiora tranant flumina, in obliquum trahi se tantisper ut sinant, dum ea ratione ad alteram ferantur ripam, cum uelle aduersum ire contentius, sit non modo difficile, uerum etiam temerarium, longeque periculosissimum, de quo idem illud iure dici poterit, quod de Empedocle ridet Horatius. Rursusque ita aliquando aduersus contendet, eaque modestia et lenitate aut refragabitur, aut parum aliquid probabit, ut exemplo illorum qui dirigere uirgulam, aut flagellum



incuruum uolunt, et sensim, et molliter retorquendo dirigere illud studeant, ne maiore dum afferre uim uolunt, flagellū ipsum frangant. Quid enim imprudentius? quam dum studes benefacere, id agas, ut obsis. Aduersatio enim immodesta, et parum prudens, iram nunc occultam parit, atq; indignationem, nunc manifestum odium, sæpe etiam repentinum excitat impetum. Id quod inciuilis, et parum experti est hominis, quod quanto perire sit cuitandum, Antisthenis factum docet. Illud itaq; præcipue luuenalis attendendum est dictum:

- » Venit et Crispi iucunda senectus,
- » Cuius erant mores, qualis facundia, mite
- » Ingenium, maria ac terras, populosq; regenti,
- » Quis comes utilior, si clade, et peste sub illa
- » Sæuitiam damnare, et honestum ferre liceret
- » Consilium. Sed quid uiolentius aure tyranni?
- » Cum quo de pluuijs, aut aëstibus, aut nimboſo,
- » Vere locuturi fatum pendebat amici.
- » Ille igitur nunquam direxit brachia contra Torrentem.

Itaq; hic ipse Crispus maximus et ciuis, et senator in ipso aduersandis, atq; in gratia loquendi genere sic quidē continuuit, ut à rapiditate fluminis illius trahi se in obliquum pro re ac tēpore permiserit, quod seruās se uisumini monstri rabiem: etsi difficulter, præterijt tamen. Sed de sinamus iam in hac ipsa mediocritate indaganda ubiores uelle uideri, aut acutiores. Cū et in gratificando, et in obsequendo, aut commonefaciendo, actum modeste aduersando, tum obsequendo pudenter, satis illud fuerit, delectus si adhibeatur, de quo abunde admodū dictum est. Vides iam quæ mediocritas hæc ipsa sit, et qualis, quodq; apud Græcos est ignominis, ut minus mirum uideri possit, si sua apud Latinos appellatione careat, quando qui de ijs Latine scripserit, perscrutando ea, et quæ, ac quales uirtutes ipse sint indagando, Aristotelo præsertim more, aut nullus in hunc usq; diem extitit, aut eius scripta ad nostra hæc tempora parum peruenire.

De Comitatu.

Cap. XXVIII.



Acterum recte inquireti, ac perscrutanti acutius, quæ uirtutis huius partes sint ac munera, apparebit fortasse eam esse Comitatem, de qua non pauca haud multo ante dicta sunt à nobis, quando Comitatus ipsa communis est ad omnes, nō ad paucos, ad exteros, ignotosq;: non tantū ad ciues, et cognitos, ac familiares, neq; modò ad æquales, atq; eiusdem ordi-

nis, uerum ad ignobiles, atq; in excelsso gradu constitutos, aduersaturq; in uerbis, ac colloctionibus, studetq; oblectare, atq; in gratiam loqui, minimeq; molestiam asserre, neq; ab honesto recedit, atq; utili. Liuius quoq; (saluos ut præcream scriptores) satis apertè pluribus in locis nobis ostendit, Comem uirum suauem esse in consuetudinibus, ac familiaritatibus, et facilem admodum ac lenem, dantemq; operam, ut quibus cum familiaritatem exerceat atq; consuetudinem, gratiam sibi eorum sic conciliet, ut tanquam influat in ipsorum animos. Itaq; uideamus obsecro, quid hic ipse Liuius de Marco Valerio Coruino loquatur. Nō alius militi familiarior dux fuit, omnia inter infimos, militum haud grauate munia obeundo. In ludo præterea militari, cum uelocitatis uirumq; æquales certamina ineunt, comiter facilis, uincere, aut uinci uultu eodem: nec quenquam aspernari, parem qui se offerret. Agnosce facilitatem eius ad cecedendū, minimeq; esse contentiosum, uultum insuper, qui indicio esse potest, quibus etiam uteretur uerbis. Adhæc et communitatem tantam illā quidem, ut dux ipse militem non aspernaretur quenquam concertatorem in iaculando, æquitando, in cursu exercendo. Præterea consideremus eiusdem etiam autoris uerba de Lucio Papirio Cursore. Sensit peritus dux, quæ res uictoriæ obstaret, seueritatem miscendam comitate. Atqui proprium est et Comis, et eius, cuius appellationem quærimus, rejicere à se austeritatem, retinere lenitudinem, et obsequi potius quàm repugnare, et cedere magis quàm in contentionem prorumpere aut iurgia. Animaduertamus quoq; quæ et de Volumnio idem dicit. Volumnium prouinciæ haud poenituit, multa secunda prelia fecit, aliquot urbes hostium uice cepit, prædæ erat largitor, et benignitatē per se gratam comitate adiuuabat. Hoc illud est, quod paulò ante retulimus, uerbis honorem addere, quo uidelicet maiorem inde gratiā sibi à militibus compararet. Quod quidem uirtutis est huius proprium, quæ-rere. Sed nec illud negligamus, quod de Quinto Fabio tradit, imita illū cū Samnitibus pugna, uocasse ad se Maximum filium, et Marcum Valerium tribunos, nominatimq; utrūq; pari comitate nūc laudibus, nunc promissis honorasse. Quid magis consentiens ad gratiam ineundam? quod mediocritas hæc nostra querit. Nam et de Marco Marcello (ut diximus) refert, accitū ad se Banciū Nolanum benigne appellasse. Cuius enim uirtutis, nisi huius, benignæ sunt appellationes? militaria ei facinora retulisse quæ à ciuibus ob inuidiā sibi minimè indicata erant. Quid accommodatius, ineundā ad beneuolentiā? nō posse tamē obscura esse, quæ Romanis in castris fortiter gereretur, adisse illum et multa, et grauia pericula pro dignitate populi Romani, Cannēs in pugna nō ante abstuisse prelio, quàm

propè exanguem, ruina oppressum superincidentium uirorum, equorum, armorum. Et honesta, & grauia alleclimenta, ad demerendam gratiam, ad contrahendam beneuolentiam ex commemoratione rerum strenuè gestarum. Postq; assurgentem illum Bancij fortitudini, rebusq; ab eo egregie gestis, macte uirtute esto, cum dixisset, hortatum refert, secum inde ut esset frequentius, futurum ei apud se omnem honorem, atq; omne pretium cum dignitate, atq; emolumento. Credendū est his dictis & uultum, & totius corporis gestum conuenientem accessisse. Nam cum primis gestus gratiam sibi conciliat & (quod ingeniosissimus Poëta inquit) Super omnia uultus accessere boni. Quocirca hæc ipsa omnia cum ad Comitatem Linus referat, cumq; propria sint mediocritatis huius de qua tam multa diximus, quis dubitet Comitatem eam appellare? cum ex omni parte Comitatus ea complectatur, ac sibi uendicet, quæ mediocritatis huius propria esse dicimus, quando & in gratiam loquitur, & commendat, & laudat, & hortatur, & mulcet, & monet, & amicè consulit, omniaq; cum delectu: neq; ab honestate recedit, neq; utilitatis eius obliuiscitur, qui cum orationem habet, & cuius inire studet gratiam, idq; hac solum ratione ac uia. Eadem quoq; ut est summe facilis, benigna, lepidi, accommodans sese omnibus, & ciuibus, & exteris, sic omni studio cauet, ne offendat, ne molestus sit, ne in contentionem incidat: altercationes, iurgia, tantum denique in gratiam intenta, & in eorum tum iucunditatem, tum commodam, cum quibus ipsa uersatur, non ita tamen ut refugiat molestiam aliquando subire siue auris, siue animi, pudenter tamen, ac permodestè dum proffit, dum quod impetrare ipsa nititur, retrahat ab inhonesto, ac parum utili, aut etiam damnofo, maleq; tum dignitati, tum rei domesticæ conducendi. Itaque & moderanter, et accommodatè apud Plautum agit cū domino seruus. Num quod tu quod te aut genere indignum sit tuo facis, aut inceptas facinus facere Phedrome? num tu pudicæ cuiusdam insidias locas, aut quam pudicā esse oporteat. Ita tuū conferto amorem semper si sapias ne id quod amas, populus si sciat, sit probro, semper curato, ne sis instabilis: quod amas, ama testibus presentibus. Nemo ire quenquā publica prohibet uia. Quid? quod & Comitatus, & mediocritatis huius materia, et quidam quasi campus, in quo uersentur, eadem ipsa est atq; una, colloctiones uidelicet, appellationes, congressiones, sermones, cōsuetudines, conuersationes, salutationes, uisitationes, confabulationes, conuentionesq; in coenis, in nuptiis, in ludis, in rebus tum iocosis, tum ad uires refocillandas, ac repellandas tædia. Sed maluerint fortasse aliqui mediocritatem hanc innominatam iacere. Nos uerò nequaquam ita sumus, qui cum contentionem, ac rixationem

nem uitium esse censeamus, uelimus hac præsertim in parte contentiosi uideri, atque altercatores, satisq; fuerit uirtutem hanc ipsam etiã in nomina tam quæ & qualis sit, offendisse.

## De Popularitate.

## Cap. XXIX.



**L**ud uerò prætereundum non est, Popularitatem uocari hanc ipsam mediocritatem quosdam malle, quando Popularitas communitatem quandam erga populares facilitatemq; præferebat, ut uideatur uirtus esse illorum potius, qui in alto sunt gradu constituti, quicq; aduersum inferiores sese faciles admodum gerant, exhibeantq; affabiles, quam fuisse in augusto principe traditum est. Sed ea fortasse non minus perspicitur in actionibus, fauore, suffragijs, quam in oratione, ac uerbis, quãquam & Popularitas Comitatus condenda est. Ad hæc popularitas studium habet populi ac multitudinis, multiq; ob eã Populares dicti ac factiosi habiti, ut uideri possit aduersari eidem contrarium erga nobilitatem studium. Quod in Appio Claudio fuit, ut de Mario taceamus ac Sylla, cõtrarijsq; utriusq; studijs. Habet præterea Popularitas applicationem illam suam erga populum, popularesq; atque illorum res tantummodo. At Comitatus electus adhibet eadem quoque est aduersus externos, atque alieni generis homines, & natura, & habitu, & ratione ita dictante.

## De Humanitate

## Cap. XXX.



**N**ec desunt qui Humanitatem eã dici malint. Verùm nec Humanitas aduersatur cõtentionis ac rixarum studio, nec qui Humanus est, contentioso ac rixatori est aduersus, est tamen comis uir etiã perhumanus. Et si nō pauci humani quidem ipsi sunt nequaquam tamen comes. Nemo tamen comis, quin idem ipse sit humanus. Agit comiter familiaris meus Antonius Galateus, dum (quod ingenium est eius, quicq; etiam habitus) quoscunque habet obuiam, gratificari ijs studet, salutando perhumanè, appellando benignè, congregiando hilariter, iocando urbanè, arridendo familiariter, offerendo grate operam suam & facilem, & minimè importunam. Quo fit, ut quemadmodam maximam in congressu affert iucunditatem ac delinimentum, sic post digressum, maximum quoque relinquat sui desiderium, delinimentumq; animi quandam cum requiete ac uoluptate. Quod suauis præstare sorbillationes consuevit, uti os ac buccam (quod hodie dicunt) suauem relinquunt, satietate omni profusus repulsa, &

epularū & coenæ. Exhibet se quacūq; in actione, ac uitæ genere humanum  
 Ioannes Pardus, quod & philosophiæ studium, quod in eo summum est  
 exigit, & natura eius exposcit, nihil superbè agit, nihil arroganter. In in-  
 cessu, in sermone, in consuetudine, æqualem se cunctis exhibet, ægre fert  
 ubi in quempiam agi uiderit insolentius, fert grauate & amicorum, & ci-  
 uium aduersos casus, solatur mœrentes, laborantibus qua potest succur-  
 rit, adest, opitulatur, operam suam confert, astat ubique comes ei mansue-  
 tudo ac facilitas, studium tamen loquendi in gratiam uix ullum, nulla obse-  
 quendi quemadmodum nec contendendi procliuitas, oratio eius suauis, &  
 placida, quæ tamen nullū præferat studium ineundæ gratiæ, proprij-  
 compendij, abstinet autem sic à gratiloquentia, ut maledicentiam prorsus  
 detestetur ac contentiones. Quocirca à Comitatu non uno modo differt  
 Humanitas. Etenim qui aliorum moueatur damnis, incōmodis, captiuita-  
 te, orbitate, inopia, exilio, malisq; alijs, humanum hunc dicimus, nequa-  
 quam in hoc tamen comem. Itaq; aliud est comis uiri officium, aliud huma-  
 ni. Inest tamen utrique quædam quasi communitas uiuendi quacunque in  
 actione ac negotio, siue eam Facilitatem uocare uolumus, siue Tractabilita-  
 tem. Non desunt tamen, qui quam Comitatem ipsi uocari non iniuria for-  
 tasse dicimus, Ciuitatem eā appellari malint, quod uirtus ea sit maximè  
 honesto ciue digna: ac tametsi aduersum peregrinos, exterosq; ius exten-  
 dat suum, tamen ducere potiore à re appellationem uolunt. Quaratione  
 qui eam affecti sint, ciuiles & ij dicantur. Quorum opinioni minimè qui-  
 dem aduersaremur, si ciuiles ipsi non minus in actionibus, rebusq; uersa-  
 rentur alijs, quæ ciuiles et dicuntur, & habentur, quàm in uerbis, congres-  
 sionibusq; atq; in gratiam conferendo sermones suos. Igitur cum & qui,  
 & quales Adulatores sint atque Assentatores, abundè explicauerimus:  
 qui item Contentiosi, ac Rixatores, medijsq; inter utrosque habitus qui  
 sit, & qualis, ostenderimus, ad ueraces transcamus, & ad eam uerborum  
 partem, quæ aut ueritatis studiosa est unius, aut con-  
 tra mendacij, de qua in sequenti li-  
 bro differemus.

FINIS.

IOANNIS

IOANNIS IOVIANI PONTANI  
DE SERMONE LIB. II.

De Ostentatione, & Simulatione Cap. I.



VERITATI autem huic quæ in sermone uersatur, ciuiliq; in consuetudine, atque in hominum uita, illinc aduersa obsistit fronte Ostentatio, nequaquam ex æquo seq; resq; suas metiens, cum aut affingat sibi maiora, quàm quæ re ipsa sint, & quàm ingenium ferat, ac facultates, aut falsa omnino de se prædicet, aliaq; quàm sint eaq; præclara admodum, magisq; ac magis narratu, atq; honoratu digna. Vitium sanè leuissimorum hominum, seq; ipsos decipientium, idq; etiam conantiū ut alij quoque decipiantur. Quid enim est aliud simulare, quàm sub ueritatis specie uelle decipere? Hinc uerò aduersatur Disimulatio, utq; illa supra uerum & loquitur, & sese effert: sic huius est studium aut disimulare quæ insunt, aut deicere ea, in fraq; uerum eleuare ac deprimere. Itaq; ut ueritati mendaciū, sic mendax aduersatur ueraci, ueracitatiq; mendacitas. Sed uerax unus ipse quidem duntaxat est, & simplex, mendax uerò duplex. Nam è numero mendacium alij (ut dictum est) Ostentatores sunt ac Simulatores, alij Disimulatores, de quibus pòst.

De Veracibus. Cap. II.



VNC de Veracibus, quos nihil refert, si Veros aliquando uocauerimus, tamen si Verax ab habitu ac consuetudine, suoq; ab instituto ueritatem proficitur, eamq; ubiq; sequitur, estq; moribus ac sermone, hoc est, factis, dictisq; ita cōstitutus, cū tamen Verus dici quis possit, ex aliquo dicto, sententiāq; qui tamen mentiri plerunq; sit solitus. In actione igitur omni, uitāq; uniuersa cum laudetur ueritas, uituperetur mendacium, efficitur, ut Veracitas uirtus sit, Mendacitas uerò uitii: siquidem improbatuur uitium, cōmendatur è contrario uirtus. Nec uerò ueritatis studiū inesse cuiquā potest absq; summa etiam probitate, perinde ut nec sine improbitate mendacitas. Igitur qui ueraces, idē & uiri, & ciues probi sunt, ex aduerso mendaces, improbi. Saneq; nō maximis tantū aut mediocribus in actionibus, inq; minus grauib; siue sermonibus, siue congregationibus, ac siue serijs, siue iocosis in rebus ueracitatis elucescit studium ac uis, uerum etiam in minimis quibusq; ut ueritatis studiosi, & tanquam professores,

de minutissimis quibusq; ac maximè leuibus non aliter sint solliciti quàm pudicissimæ matronæ de honestatis ac pudicitie fama: nec de continentia tantum, pudorisq; commendatione, deq; moribus, ac uerbis singulis, uerumetiam de leuissima oculorum inflexione, deq; incessu, qui fortè mollior iudicari posset, aut de manuum agitationibus, atq; oris habitu liberriore. Et uerò alia ratione nequaquàm præstare illud poterit, ut (quod Aristoteles dicit) et uita, et sermone uerax sit, quod necesse est, assuetudo præstet, habitusq; ita comparatus, ut ueritas ipsa et ubicunq; opus est, et quocunq; in sermone, minimaq; quaq; in actione, oculis semper obuersetur eius: neq; aliud aut studiosius meditetur, aut potius esse censeat, magisq; perpetuum aut constitutum habeat, quàm nullo pacto ueritatis è uia deflectere, deq; ueri delabi curriculo. Sequitur igitur ueritatis studiū uirtus ea, quæ sua nomine est Veridicentia: et qui ea utuntur, Veredici: unde et qui uera uaticinantur, siue uates, siue harioli dicti sunt ueridici pariter, ac ueriloqui. Quāquam autem in ijs quæ supra sunt à nobis dicta, satis præfati sumus, hac nos in parte, hocq; in tractatu minime loqui ea de ueritate, quæ in inquirendis uersatur rerum ac naturæ causis, aut de iure, iniuriæq; ac siue forensibus in negotijs, siue physicis, mathematicisq; inquisitionibus, tamen id ipsum iterum testatū uolumus. Itaq; illiusmodi quidem uerò falsum opponi dicimus, huic autem mendatiū potius. Qui enim sua in opinione fallitur, ac sententia non statim ipse mendax est, aut id agit, ut decipiat, et qui mentendi studio tantum peccat, uanus magis quàm fallax est, aut deceptor. Sequitur præterea Veridicentiam Benedicentia, cum sit probi uiri benedicere, sitq; Veridicus et ipse maximè probus, ac bonus et uir, et ciuis. Nec profecto si detrahendum aliquādo flagitio fuerit, Verax ipse parceret ueritati: ita tamen, ut ne maledicendi, aut detrahendi studio id agere uideatur, uerū ut honestas uiueat in ciuitate, ipsaq; simul libertas commune ciuium omnium bonum, proculq; repellatur flagitium, atq; improbitas. Contrà uerò mentientium hominum comes esse consueuit Maledicentia, quando mendaces existunt plerunq; maledici pariter ac nugatores. Namq; ut lucrentur, ut uanitatem patefaciant suam, necesse est, perperam multa ut dicant, et fingāt, atq; (ut Ciceroni inquit) garrulose deblatterent. Quorum sunt è numero nebulones, nugigeruli, blatterones, ueteratores, et id genus uanissimorum hominum, ac maximè scruiilium. Veri igitur ipsius studiosus, et tanquā professor in uita omni, et in actione quacunq; ac sermone, qualis est ueritas, talem ipse personam assumet: quippe qui etiam in ijs, in quibus forte nihil referret, ne uel tantulum quidem è uia deflexerit, nedū ut à linea digrediatu ueri, maioribus in rebus



ac negotijs, quin tenorem ubiq; suum seruabit, rectaq; ad metam profici-  
 sectur, ut qui mendacium, nugas, ueritationesq; ubiq; fugiat, detesteturq;  
 perinde ut rem maximè turpem, summeq; indignam recto, et bono uiro.  
 Etenim prima Veracium cura est recti, atq; honesti. Itaq; et à turpitudi-  
 ne, quæ honestati aduersatur, et ab insinuatione atq; obliquitate, quæ à re-  
 ctitudine est aliena, abhorreat necesse est. Quædo autem uirtus omnis gra-  
 tuita est, ac per se expetitur, Veracitasq; ipsa est cum primis etià laudabi-  
 lis ac percommoda et retinendæ, et amplificandæ hominum societati,  
 nimirum Veraces ipsi propter solam ueritatem ueri sunt ipsius studiosi,  
 eamq; tum propter se ipsam colunt, tum quòd uinculum eam humanæ so-  
 cietatis uel maximè tenax esse intelligunt, ad quam colendam natos se  
 esse sciunt. Quia uerò de ueritate nunc illa loquimur, quæ potissimum in  
 sermone uersatur atque oratione, ac tum in laudando, deq; se atq; de alijs  
 prædicando, tum in improbãdis ac reprehendendis turpibus, Veracis uiri  
 officiũ est, uera et cognita de se nequaquam dissimulãter, sed liberè, atq;  
 apertè, ubi opus fuerit, loqui: nihilq; supra quàm suum est, sibi aut arces-  
 site affingere, aut subdolum detrudere, modestè tamè omnia: cuius ab insi-  
 nuationes, flexusq; uerborum: nò detorquebit iter à linea. Nihil simulan-  
 ter dicet, aut dissimulãter, apertè quidem cuncta, sincèq; iniuria: erit autem  
 sermo eius nequaquam aut affectatus, aut lubricus: neq; rance scet ille qui-  
 dè, neq; spurcabitur: prorsusq; alienus erit à fūco, infractione, effemina-  
 tione, mollitia: talis deniq; qualem serenitatem esse nocturnā requirimus,  
 in qua nihil turbidum, nihil uentosum, neq; quod uel aestum afferat uel ge-  
 lus: qualis profectò serenitas est uerna, quæ nullo modo cū offendant (quod  
 suauissimum tamen est) rorem effundit ad omnem germinationem quam-  
 maximè utilem ac felicem. Qui igitur talis erit, ut de se, rebusq; suis uera  
 tantum, et qualia sunt prædicet, nimirum idem hic non erit à se ipso alie-  
 nus, ac diuersus in explicandis ac referendis aliorum rebus: quas ita refe-  
 ret, atq; explicabit in circulis, in cõcilijs, in coenis, conuentibusq; ut mini-  
 mè in gratiã loqui uideatur, atq; inferuire auribus, sed ueritatis unius stu-  
 dio et causa. Ac nescio etiã quomodo uidetur hic ipse Veridicus de se dum  
 dicit, si quippiam sibi, rebusq; suis subduxerit, dum ne dissimulãdi gratia,  
 de modestia uel merito laudandus, quin (modò tamen modestè) si quid lau-  
 dandis ac referendis aliorum rebus ornatus addiderit, ut uirtutis laudato-  
 ri, ut rectè factorum commendatori uideatur asurgẽdum. In quo naturam  
 imitatur ipsam, quæ ornatus quoque ac cultus nunquam uidetur oblita.  
 Nanque ut in enarrandis suis ubi fuerit parcior, dum ne id fiat cum dissi-  
 mulatione, commendatur ut modestus: sic uidendum est, ne si differendis

alienis fuerit constrictior, detur id inuidentiæ. Optat Cicero (ut laudum expetentissimus) exornari res suas à Luceio, uidelicet cupit illas amplificari adiungiq; ipsiſdem ornatum ac nitorem. Quis accusauerit Ciceronem, si idem cupiat, quod natura nobis ipsa exemplo est, cupere ut debeamus? Tamen uerecundius cū Luceio suo, cumq; rebus à se gestis egisset, si illum ita rogasset, ut historici officio fungi uellet, naturæq; ipsius exemplum sequi, illiq; inherere. Sanctus fuit uir Hieronymus, & perbeatus, ut Christianus, & Deo maximè carus, Rufinus tamen pati illum minimè potuit, cum ut Ciceronianum male se habitum referret. Quis autem non uel magnam eloquentiæ laudem Hieronymo etiā indulgentissimè concesserit: tamen à Ciceroniano dicendi genere (si ob hoc ipsum male fuit habitus) & à simplicitate illa Attica, Ciceronis amica, tantum abest, ut oratio quidem Hieronymi appareat conquassior, nimioq; elaborata studio: id quod non solum uerba, uerumetiam ductus ipse orationis præ se ferat. Quintus Fabius ille cunctator, ex ijs quæ apud Liuium ei respondentur à Scipione, fuit fortasse nimius ijs e differendis, quæ aduersus opinionem transferendi ex Italia in Africam belli facere uidebātur. Itaq; iudicatus à quibsdā, ob inuidentiā magis, quàm ob ueritatem ipsam ea differuisse. Quod ne iudicari de se possit, uerax omni studio uir cauebit. Alexander Augustus parçè admodum, ac breuiter de rebus à se cōtra Parthos gestis in senatu retulit: & quamuis summam uictoriæ non dissimulante expressisset, datum tamen est illi modestiæ, quòd diceret minimè opus esse referēdis illis magniloquentiæ. Non pepercit ueritati Alexander hic, consuluit tamen modestiæ imperatoriæ. Cæsar in terrore illo formidabili aduentantium Germanorum, forsan infra uerum, minimè tamen præter tempus de hostiū uirtute locutus est, eam deprimendo apud milites, pluraq; de legione decima sibi persuadere ostēdit, quàm re ipsa sibi persuadebat. Nequaquā itaq; aut seipsum decepit, aut milites, uerum imperatoriæ satis fecit prudētiæ. Quò fit, ut ueritas ipsa (quod pudicis etiā matronis concessum est, quod etiā sacerdotibus in publica lætitiā, sacrisq; solemnibus) patiatur aliquando sibi eulū adijci, decentem tamen, quamuis nequaquam perpetuum, sed præ tēpore. Omnino igitur Veracis uiri propriū est, non simulate, aut dissimulate de se ipso loqui, non obscure, aut insinuanter, minimeq; oblique, ueritē apertè, palām, directè, liberaliter, quod etiā est magnanimi: nihilq; quòd sibi non insit, aut rebus suis adiungere, aut quod ex parte desit, per simulationē affingere. Erutq; oratio eius ut ab omni iactatione uacua, sic nullo pacto nimia, quæ ue satietatem audienti afferat: careat supercilio, sit tamen seuera & grauis: atque ita tamen grauis, ut ueritati ac grauitati suò loco

loco sit adiuncta comitas: sit dispositio, & ordo ipse compositus, accommodatq; explicatio: namque ut sit ea siue arcescens, siue fucata, nihil est quod tam ueritatem ipsam inficiat: rerum denique amplificatio ita temperata, ut appareat cupere se extollere eam ab auditoribus magis, quam ut ipse uelit esse rerum suarum prædicator, atq; (ut hodie usurpant) præco: præcipue uero erit in dicendo breuis et candidus, quiq; disposite atq; ordinate prosequatur, quæ dicenda suscepit. At in laudandis alienis, dum ne id fiat in seruiendo auribus, magis quam ut ueritatem sequatur, eamq; ut approbet, & maior erit atq; uberior, & oratio eius ornatior, magisq; magnifica & plena, quo & uirtus operæ accipiat suæ pretium, & cæteri incitentur exemplo. Summa tamen cura uidendū erit, ne dum habenis utitur laxiori bus, metum transiliat: quo uicio infecti sunt Panagyræcorum maxime scriptores, qui pleraq; arcescens, partimq; non uera, aut ficta afferunt, ut cruciendū etiam uideatur, siue lectoribus illorū, siue auditoribus. Quando autē tenerrima quædā res est ueritas, eius ipsius professor illū in cunctis quæ ad eā explicandā spectauerint, modū retinebit, ut neq; apud quosq; neq; quocunq; aut loco, aut tēpore, aut in circulo, neq; quoq; in conuentu, cōcilio, cœtu, neq; iisdē ubiq; uerbis, aut uultu eodē putet sibi licere, de ea habere sermonē, aut eandē retinere rationem. Cū aut locus, aut tēpus, aut rerū status eiusmodi esse possit, ut tacere aut magis cōducatur, aut cōtrā ebfusit de se rebusq; suis, aut alienis loqui liberior, oreq; magis pleno: sitq; nō nunquā confugiendū ad exprobrationem collatorū beneficiorū, minimē tamē exprobrandi gratia, sed quod necessitas ita ferat: quod imperatores seruare solent, dū aut fugam sstere uolunt militū, aut minus eos obediētiis, seu parū promptos habēt ad imperata faciēda, atq; ad obuiā munia, aut dum decumare illos, aut alijs supplicijs afficere, aut ignominia uolūt. Quæri potest hac in parte, an Veraci huic sit permissum, aut uerum quādoq; subicere, aut aliquid, quod nequaquam uase habeat subsimulare atque effingere. Magna est uis temporis, ac rerū, non minor personæ ipsius quam quis gerit. Fingunt nūc multa, nūc contrā celant in aduersis, ac periculosis casibus sapientes tum rerū publicarū tēperatores, tū duces exercitiū: multa peritissimi medici periculosissimis in morbis, nō pauca, accedotes, quiq; prædicatorum dicuntur, quo rebus adiungūt autoritatem: nec tamen illi ex eo aut mendaces habentur, aut minus ueridici, quādo neq; propositū eorum est aut mentiri, aut fallere, uerū & prodesse ea ratione, & pericula auertere, quod omnino prudentium est hominū munus atq; officium. Nesciā tamen quomodo perpetuit illa ueritatis retinendæ maximū in mētibus atq; in uolūtatibus ipsis hominū locū obtinet in omni actione,

et causa. Tribuit hoc nobis Innocentius Octauus, Pontifex maximus, in componenda diffensione inter ipsum et Ferdinandum regem Neapolitanorum. Nam comonescientibus quibusdam eum Cardinalibus, cauendum esse ne à Ferdinando, quòd esset (ut ipsi uolebant) parum firma fide, compositis post rebus frustra haberetur. At, inquit, neutiq; falsos nos habuerit

29 Iouianus Pontanus, qui cū de cōcordia agitur, neq; enim cum ueritas destituet, ac fides, qui ipse nunquam ueritatem deseruerit, aut fidem. Sed à nobis hac ipsa de re abunde admodum disputatum est ijs in libris, quos de Obedientia scripsimus. Quamobrem his de Veracitate, Veracibusq; explicatis, hoc est de mediocritate ipsa, ad extrema, quæq; contraria ei sunt, dicunturq; uitia, transeamus.

De Mendacibus.

Cap. III.



Duersatur igitur mediocritati huic, quam Veracitatem appellare placuit, Mendacitas, cuius et excessus existit quidam, et defectus: atq; excessus quidem ipse suo nomine est Ostentatio, quod iam diximus. Sunt tamen qui laetantiam malint, alij qui Arrogantiam. Sed hæc ipsa Arrogantia magis uersatur circa honorum nimiam munerumq; ciuiliū affectionem, quàm in ueri dictione atq; usu: quippe cū arrogantes per uim, præterq; quam suæ ipsorum ita partes ferant, arrogant sibi supra merita, ultraq; natales suos, atq; actiones, ac uitæ genus, neq; enim captus sui rationem habent. Itaq; arrogantes ipsi quidem uiolenti sunt: qui uerò sibi plus in dicendo de se, suisq; de rebus tribuunt atq; assumunt, quàm quod re est uera, atq; ex merito assumendum, hi nequaquam uiolenti habendi, aut impotentes, uerum mendaces, uani, futiles, leues. Quocirca Arrogantia accedit ad superbiam, atq; elationem, Ostentatio ad uanitatem potius, inanemq; quandam rerum suarum siue persuasionem, siue ascriptionem. Quando uerbū ipsum Arrogatio, unde Arrogantia deducitur, uiolentiæ quidem est, atq; elationis. Ostento autem uanitatis, atq; inanis cuiusdam umbræ dictio, quasi uideri sibi inesse uelit, quod nullo modo insit. Et Arrogans quidem hoc agit conaturq; ut re ipsa talis sit, qualis uideri uult, Ostentator uerò tantum ut uideatur, atq; appareat.

De laetatoribus, et Ostentatoribus.

Cap. IIII.



Am qui laetantiam excessum hunc potius dici atq; esse uolunt, in eo labuntur, quòd Ostentatio cum plerunq; uana sit, laetantia ipsa ad superbiam ubiq; est, aut ad stoliditatem referenda,

in leuitate uerò parum omnino differunt. Et Ostentatio quidem affingit sibi aut quæ nulla prorsus è parte insunt, aut maiora ea quàm sint, facit. At iactator etiam in ijs quæ uera sunt, referendis, atque extollendis est nimius, peccatq; in eo uehementer, quod nec modum seruat, nec mensuram, nimisq; fastidit et gestu, et uerbis, et cõtentione est immoderatio. Quo in toto serè genere Ajax peccat apud Ouidium, quando et quæ dicit uera illa ipsa sunt, atq; adeò quidem magna, ut magnificari, affingendo eis aliquid, nullo modo necesse esset, et singula quidem erant notissima Græcorum ducibus, ac senatui. Tamen quod insolentius ea ab illo dicantur, quod nimis indignanter dictum uidetur:

Agimus pro Iupiter, inquit,

Ante rates causam, et mecum confertur Vlysses.

Quodq; et ore, et manibus, et toto corpore (ut mos est indignantiũ) insolenter iactabatur, potest iactantiæ iure ipso argui, atque accusari, nequaquam tamen aut ostentationis, aut fortasse arrogantiae. Quo fit, ut iactator ipse nimius sit, atq; immoderatus, siue uera dicat, siue parum uera, atq; arcesita. Cum Ostentator nequaquam sit ipse iactatu nimius, sed parum omnino dictis uerus, atq; ex eo uanius magis quàm aut superbus, aut arrogator. Hæc autem dicuntur à nobis, nõ detrahendi recentioribus quibusdam scriptoribus, uerum docendi studio, cum præsertim de ueritate ipsa sit questio.

Plura esse mendacium genera.

Cap. V.



Endaces igitur cum eorum propositum sit mentiri, alij quidè honoris mentiuntur adipiscendi gratia, alij uerò comparandæ pecuniæ. Sunt quibus mendacium ipsum pretium est, ipsaq; mentendi uoluptas perquam suauis est eorum fructus, quod genus maximè uanum iudicandum est. Videntur autem huiusmodi homines ab illo ipso ad quod geniti à natura sunt, quamlongissimè discessisse: cū ad grauitatē geniti simus, et ad constantiā, ac firmitatem omnes: nec (ut Cicero ait) quicquā sit turpius uanitate. Iure igitur Vani appellati sunt, cum eorū cogitationes ac uolūtates prorsus inanes sint, fluxaq; consilia: uitium uerò ipsum Vanitas, quādo propositū ipsum futile est, leue, inane, uacuum, quæ omnia uanitatē, et quidem summā indicant. Quā autē ridicula hæc ipsa sit uanitas, ea fingens quæ nusquam sint, ea mentiens quæ fieri, aut esse nequeant, Umbro noster Comicus docuit, in milite illo ostentante uictorias suas: Sexaginta hominū milia uno die euolaticorū manibus occidi meis. Et (quo sermo eius uanior ap-

- „ pareret) subdit: Vis cū legioni dedi, fundisq; eos prosternebat, ut folia farfa  
 „ ri. Quid multa? quos uisco offenderāt, tū crebri ad terrā decidebāt, quasi  
 „ pira: ut quisque ceciderat, cū nec abā indita per crebrū pinnula, sic quasi  
 tuurē. Quid his euandū magis? quā igitur uani per se ipsi sint menda-  
 ces huiusmodi, quā ridiculi & cōtemptibiles, quis non uidet? Atque hac  
 quidem ratione Poētas omnes ridiculos ac despicabiles forte quis dixerit.  
 Nō esse autē despicendos, uerū admirandos potius, illud docet, quod Ari-  
 stoteles & Homeri, et aliorū Poētārū autoritate in maximis quibusq; re-  
 bus utitur, & Poētrum dicta pleraq; habita sunt pro oraculis, cum Men-  
 daces ipsi atq; Ostentatores nugentur ac garriant, magis quā fingant:  
 sitq; fabula ipsa inuenta non uanitatis gratia, uerū ut arte ea homines  
 uel deterrentur à uitijs, ut cum Lycaonem in lupum fingunt ob crudeli-  
 tatem maxime cfferatam conuersum: uel incitarentur ad uirtutes, cum Ca-  
 storem, Pollucem, Herculem in cœlum translatos decantant. Aesopi fabu-  
 la exemplū uitæ esse potest illis præsertim, quos contigit obscuriore in lo-  
 co aut nasci, aut educari, et uiuere. At Homeri poēma uirtutem esse sanctis-  
 simum uir Basilus iudicat. Nihil enim Poeta ille neglexit, quod tū heroi-  
 cas, tū ciuiles ad uirtutes pertineat. Quid porro ad pietatem, religionem,  
 tolerantia, fortitudinem, quid item ad declarandā rerū humanarū incon-  
 stantia, fortunæq; uarietatem, quod nō Aeneæ Virgiliani res declarēt? ut  
 etiā illorū qui diē obiere, quæ præmia sint cuiq; pro meritis constituta, aut  
 rursus poenæ, liceat apud illum planè noscere. Et Horatius ait de Homero:  
 „ Qui quid sit pulchrum, quid turpe, quid utile, quid non,  
 „ Plenius, ac melius Chrysippo, & Crantore dicit.

Itaq; Mendaces hi quidem inanes sunt ac uani, quoniam eorū finis ac  
 propositum est uanitas, & quidem moralis, eaq; apertissima uanitas. At  
 Poētæ habiti sunt admirabiles, diuiniq;. Delectando enim, & per blandi-  
 tias in animos hominū influendo conati sunt eos ad generosissima quæq;  
 ab maxime fœdis, ferisq;, atq; à beluarum oppido quā similibus mori-  
 bus retrahere, abduccereq; à syluis. Quocirca ob hoc ipsum studiū putatus  
 est Orpheus syluas catu traxisse post se, animaliaq; illas incolentia, et Am-  
 phio rupes ac saxa. Quid igitur inter fictiones intersit publicæ utilitatis,  
 atq; humani generis instituendi gratia susceptas, & eas quæ solam ob uan-  
 nitatem, non modò uetustissimi Poētæ docent, uerum etiam Prædicatores  
 huius nostri temporis, quibus familiare quidem est, prudentissimè excogi-  
 tata quædam & ficta in exemplum adducere. Verū de hac ipsa Menda-  
 citate satis. Quantum enim ueritas ipsa laudatur, estq; in pretio, tanto est  
 magis ridicula ostentandi uanitas, fallaxq; ementiendi studium.

Quid

Quid Aristoteles hac de re sentiat. Cap. VI.



Totum autem hoc genus de quo suscepta nobis disputatio est, Aristoteles tradit in sermonibus uersari, atq; in actionibus, adhæc (quod Ostentatores simulanter affingant sibi, quæ ipsi nequaquam insint, aut maiora, quam re ipsa illa sint) etiam in fictionibus, arcessitisq; fucationibus. Hos ipsos autem homines Ostentatores esse ait, proprioq; nomine ἀλαζόνες, qui apud Plautū sunt gloriosi. At quos Irones uocat, eos aut inficiari, aut dissimulare quæ ipsi insint, aut ex ijs sibi multū detrabere, eaq; quæ uera sunt dissimulādo minuire. Horū uerò medium ἀλιθαικόν, hoc est, et uita, et sermone ueracē esse, quæq; et quanta sibi insint, profiteri, illisq; nihil aut fando demere, aut adijcere rebus suis. Atque hæc quidem ipsa consueſse fieri aut nullius, aut alicuius rei gratia. Esse autem unumquemque perinde ac sunt eius dicta, factaq; ac uita omnis, præterquam si rei cuiuspiam dimoueat gratia. Mendacium uerò ipsum per se et turpe esse, et opprobriosum: secus autem uerum ipsum, et honestum, et laudabile. Itaq; Veracem hominem (quod mediū teneat) quasi æquipēsatorem quendam merito laudari: cōtrā Mendaces utrosq; et qui Ostentatores sint, et qui Ironici, uituperabiles, Ostentatores tamen amplius. Esse igitur Veracē, qui et uita, et sermone, hoc est, factis, dictisq; ueritatem tueatur et colat, talisq; habitu existat ac consuetudine, exq; eo probum illum uirum esse, utpote ueritatis oppidoquā studiosum, etiā in minimis quibusq; atq; hoc etiam magis in maximis, ijsdēq; serijs rebus: quippe qui abhorreat à mendacio, ducatq; illud quidem per se ipsum fugiendum: quod etsi commendatione dignum est ac laude, tamen (quæ ueracis hominis modestia est) suapte eum natura propensioſiorem putat ad subducendū de ueritate quippiā, cū superlationem omnem atq; immoderantiam inuidiosam existimet, atq; odio dignam. Ac de Verace quidem hæc ab illo traduntur. E' Mendacibus uerò, qui nullius rei gratia, sed ob ipsam tantum mendacij uoluptatem, maiora quā quæ sunt, sibi per simulationem, rebus quæ affingat suis, prauum illum quidem suapte natura est, atque à probitate alienum, quæ ueracium hominum comes sit: ni enim ita esset, mendacio nequaquam gauderet. Cæterum uanum potius uideri, quā malum. At qui honoris gloriæ uel ac fame gratia ostentandis rebus suis, ijs quæ falso ac simulanter arcessendis, ueri fines egrediatur, adijciat quæ supra quā res ipsæ sese habeant, illud non ita quidem uituperatione dignum. At qui pecunia captus enentiat, hunc proculdubio turpiorem. Mendaces enim omnes ab lectione existere, atque ab habitu, et qui ostentatores ut uani mendacio latentur.



Et qui honore et gloria capiantur, uelintque inter alios uideri excellere, quique item pecunijs inbient, rei que domesticæ compendijs, utque sibi profint ac suis. Consueſſe autem ea sibi affingere, quæ latere quidam posse, et æque haud palam fieri arbitrentur: ut qui cum è medicina, aut diuinatione aliquid modo attigerint, et medendi tamen, et diuinandi maximam se peritiã affecutos gloriantur, profitenturque ea se tenere, quæ sint earum artium abditissima, deque se ipsis magna cum ostentatione ac iactantia prædicant.

## De Ironiis. Cap. VII.



E Ironiis uero ac dissimulatoribus hæc sentit. Esse ex ijs qui minora de se, rebusque suis dicant, aut ea prorsus inficiantur ac dissimulent, in quibus iidem ipsi præstent, sintque ea præclara admodum, ac magis magisque nobilitata: nullo modo tamen emolumenti causa, aut pecuniæ, uerum ut insolentiam deuiet ac tumorem, cuiusmodi fuisse Socratem refert. Esse item alios, qui parua ac minuta quedam, ea tamen planè cognita dissimulantes, dum minimis quibusdam è rebus siue eleuadis, siue dissimulandis laudem aucupantur, ex eo contemptibiles fieri, esseque despiciendos. Quinetiam hanc ipsam interdum Ironiam, ostentationem prorsus esse quandam iudicat: qualem fuisse Lacedæmoniorum uestitum dicit. Etenim ut excedentem arrogationem, sic attenuationem nimiam, ad ostentationem esse referendam. Itaque modestè qui utantur Ironia in ijs ipsis quæ manifesta sint, atque in promptu, urbanos eos uideri, gratiamque quãdam inter ciues promereri, indeque iucundos esse, atque admodum gratos. Quod autem ostentatio ipsa turpior per se sit, ac uiro probo indignior, inde Ostentatores, quique ea simulant, quæ nullo modo infint, idque contendunt, ut inesse credita uelint, atque ultra uerum seque resque uerbis magnificant, atque extollunt suas, quàm qui Ironici sunt, suaque dissimulantes inficiantur, aut ea deducunt, Veracibus utique magis aduersari. Atque hæc quidè in hanc traditur sententiam à Peripatetica sectæ constitutore. Nos uero institutum nostrum secuti, in his iisdem diffusius uersabimur, magisque aliquanto exploratè, et aliud esse Simulare dicimus, aliud Dissimulare. Simulamus enim quæ nullo modo uera sunt, quæque ipsi nec fecerimus, nec dixerimus, quæque nec seruare in animo habeamus. Contrà, dissimulamus quæ ipsa quidem dicta, aut facta sint, perinde ac nec dicta fuerint, nec facta, aut non quemadmodum, quoque animo, consilio ue aut fecerimus, aut dixerimus. Quæ ratione Sallustius Catilinam cuiusque rei simulatorem esse dixit ac dissimulatorem. Cum tamen et simulare, et dissimulare nonnunquam prudenti uiro sit permissum, ut qui

Spem uultu simulat, premit alium corde dolorem.

Singula enim ad finem sunt ipsum referēda. Sed hac nos in parte de simulatione ac dissimulatione illa loquimur, quæ mendaciū respiciat, utq; ementiēdo fallat, recedatq; à ueritate profitēda. Itaq; Simulatores Ostentatorum necessarij sunt atq; affines, Dissimulatores Ironicorum. Simulant nanq; Ostentatores, dissimulant Ironici. Alteri affingunt, ementiuntur, accessunt, quæ nō sunt simulantes: alteri subtrahunt, minuunt, inficiantur, uerū ipsum dissimulantes. Vtūq; tamen se res habeat, diuersum est utrisq; consiliū. Illi enim quod querūt, ea id ratione assequi uolūt ut fingant et uultum, et uerba, et consilia, et res ipsas nonnunquam tristitiam, dolorem, lacrimas: aut contrā hilaritatem, letitiā, uoluptatem, hi quæ uera sunt, ut aut omnino inficiantur, aut plurimum illis demant.

De quatuor generibus Ostentatorum.

Cap. VIII.



**T**riplex est igitur Ostentatorum (ut dictum est) genus, quū in simulationibus uersantur, alij enim sunt quibus mendacium sit, ipsum mentiendi auctoramentū, quo in uitio planē regnat uanitas. Alij quibus ea ē re proposita sit honoris, famæ uel cōsecutio, ostentant enim scq; et suas, quo honores, magistratus, dignitates, sacerdotia assequantur, quod studium non uacat ambitione. Sunt qui ampliandæ rei familiari hac ratione dent operam, quod uitium ab auaritia ducit ortū. Sed nec uerebimur quantum quoddam ijs genus adijcere hominum illorū, qui cum dissensionibus gaudeant ac discordijs, partim affingendo ueris falsa, partim subtrahendo ac nunc demendo, nunc accumulando, aut dicta, factaq; ipsa interpretando perperam id agunt, ut ciues inter se committant, serantq; odia, atq; inimicitias. Qui morbus ad naturæ prauitatem, morum quæ peruersitatem est omnino referendus. Quæ enim ciuili in cōgregatione, hominūq; societate maior accidere pestis potest, quando ad eam colendā cū instituti à natura simus, contrā ad eueriendam arte hac, fingendiq; ac fallendi studijs innituntur. Hos Cōmissores latino, et suo uerbo uocare possumus, uitūq; ipsum Commissionem. Quin horum quidē ē numero, alijs propositum est hac nia, atq; his artibus magnos sese ac potentes, aliorum ē contentionibus ac dissidijs facere, dum et miscent, et inturbant omnia. Quod malū Romæ latius sese diffudit. Pompeij maximē ac Cæsaris, item Antonij, atq; Octauij tempestatibus. Alijs uerō nullum omnino propositum est ampliandæ dignitatis, lociq; in ciuitate maioris assequendi, tantum id curant, student, meditanturq; contentiones ut exuscitent ac dissidia, peruersitate quadam

naturæ ducti, quippe qui seditionibus tantum letentur, ciuiumq; inquiete ac turbulentia.

De Sufurronibus. Cap. IX.



Is accedant (si placet) et Sufurrones, quibus etsi eadem hæc uoluptas est, nihilo tamen minus auribus quoq; et ipsi inserviunt, quo aliquod inde emolumentum, et coenas saltem, et uultus bonos (ut dici solet) reportent. Seruile sanè genus hoc hominum, nec deprauatis modo, ueructiam sordētissimis moribus. Vtq; prioribus illis magna præclaraq; obuersantur ante oculos, ita posterioribus his minuta quædam ac sordida. Nec uerò inficias ibimus, et uirtutes, et uitia ita quidam misceri inter se, atq; confundi, ut quædam nunc ad hoc, nunc ad illud uitium, quædam tum ad hanc, tum ad illam referri uirtutem possint. Nam et insimulatores, et falsi accusatores, de quibus nihil est dictū, mendaces quidem ipsi sunt, mentiuntur enim. Iidem tamen ipsi alia quidem ratione iniusti habendi sunt, alia uerò inuidentes, atq; auari, dum et nocere alijs student, etiam quibus minimè debeant, et illorum quieti ac diuitijs inuidet, indeq; conantur ipsi locupletiores fieri. Nero ac Domitianus Augusti simulationes suas, si ceterosq; uultus, ac uerba composita, ad crudelitatem plerunque conuertere. Ferdinandus Alphōsi filius, Neapolitanorū rex, magnus et ipse fuit artifex, et uultus componendi, et orationis in quem ipse usum uellet. Nam ætatis nostræ Pontifices Maximi fingendis uultibus ac uerbis uel histrio nes ipsos anteueniunt. Ptolemæus ille, qui postea in Nilo periit, à Casare ita discessit, ut etiam lacrimaretur, ostentans se desiderum absentis eius uix esse passurum: qui tamen ubi ad exercitū atq; ad suos transijt, bellum è uestigio multo accerrimum excitauit. Itaq; non temere nostris à maioribus Alexandrini habiti sunt aptissimi, atque in primis solertes ad simulandum atq; fallendum.

De Fucatis, et illecebrosis lenocinatoribus.

Cap. X.



T quoniam hanc (ut diximus) partem diffusius prosequimur, ex hoc etiā sunt ordine, qui fucata oratione utitur, quos tamen uideas non tam mentiri uelle, quàm ueritatem ipsam artificio quodam uerborū aut obtegere, aut illi ipsi loquendi artificio ornatū quasi quendā adiungere, siue ut uitium aliquod contegant, siue ut fucū illinat ueritati. Fucate namq; orationis non una est ratio, et alij aliam ob causam fūco ipso utuntur orationis. Sunt enim ex ijs, qui lenocinentur ut illiciant, quod est lenocinatorum.

num, inducantq; quos captant ad ea quæ ipsi cupiāt uerborum lenocinijs, hoc est, oratione ficta, et illecebrosa admodū. Itaq; eiusmodi homines illecebrosos dicimus magis quàm Fucatos, quamuis Illecebrositas non careat fūco. Quando omnem uerborum compositionem, quæ ex eo adhibetur, quo aut uerum occultat, aut fictū quippiam uero adijciat, aut tanquam comat quod dicitur, ac res, et uerba lenit, fūcū dicimus. Nam et fūco puellæ utuntur, quo aut formosæ magis appareant, aut ut quod inest deformitatis, aut omnino tegant, aut ex parte minuant. Itaq; ut sermo horum Illecebrosus, sic Fucatus illorum. Quæ uitia à simulatione proficiſcūtur omnia, atq; à dissimulatione.

## De Proditoribus.

## Cap. XI.



Erniciosissimum autem simulatorum genus, itemq; dissimulatorum sunt Proditores, quippe qui simul et simulant, et dissimulant: tametsi neque simulatores habendi sunt, aut dissimulatores magis quàm supremum in modum infidi, iniusti, impij, immanes, truculenti, societatum, amicitiarum, rerūpublicarum, populorū, regnorum, omnisq; probitatis, iuris item diuini, atque humani, euerſores proſtigatoresq; uirtutum omnium, per quos nequaquam stat quo minus humana consortio funditus tollatur, atq; intereat.

## De Fallacibus.

## Cap. XII.



I tamen simul omnes Fallacium comprehenduntur numero, quippe cum mendaces sint omnes. Nemo autem mendax quin idem sit fallax, ac si non qui ob uanitatem mentiuntur, et hi sese ipsos præcipuè fallāt. Cum primis autem hoc ipso ex ordine accusandi sunt illi quidem, qui cū maxime (ut Cicero ait) fallunt, id tamen agunt, ut uiri boni esse uideantur. De quibus meritò dicitur, quod est apud Plautum: Lupus est homo homini, nō homo. Horū nō modò ficti uultus, uerbaq; uerum etiā uestitus, incessus, capitis ac ceruicis tum demissio, tum inflexio, oculorum deicſio in humū, atque infixio, summum silentium, rarissima in publicum proditio. Iidem queritāt solitudines, uersantur in locis potissimum sacris, quin etiam oris colorem arte deformāt. Nullum est autem uitæ aut genus, aut ordo, in quo uel nō paucos eiusmodi inuenias. E' sacerdotibus tamen illisq; quos hodie Religiosos dicimus, plurimi hoc uitio infecti sunt, quo morbo affectos etiā Philosophos infectatur Iuuenalis:

## De Hypocritis. Cap. XIII.



Vibis quidem omnibus Christiani Græcos secuti scriptores, fecere nomen Hypocritis. Eorum autē omnium idem est propositū, ut quod ipsi minimē sint, id habeantur, atq; appareant. E quibus alij in id intendunt, ut lucrētur, uictumq; inde sibi uberiorem parēt, maioreq; reuerentiam, utq; habeantur in honore, uendicentq; sibi apud populum sanctitatis opinionem, existimenturq; deorum frui colloquijs ac presentia. De quibus tamen parcius loquar, ne dum uitium ac simulationem infector, uelle uidear religioni detrabere. Itaq; huic parti finem facio, si rem tamen maximē ridiculam prius retulero. Adolescentibus nobis puer haud male indolis à patre missus est literarium in ludum. Is quo patri apparet literis deditior, sensimq; patrē diuenteret ab incepto, diu ueretur, ne uehementiorem ob operā in ægritudinem filius ipse incideret, è fabæ pollice, tenuissimum in modum contritæ, cœpit mane sibi uultum afflatim inspergere, magna arte adhibita. Quod dum aliquot à filio continuatur diebus, animaduertit pater, os eius subflauescere, atq; illi metuēs, an bene se, an satis ualide haberet sciscitatur: respondet ille et bene, et ualide, ac tum uehementius multo quā ante literis incumbit, multum noctu uigilat, matutinus è lecto surgit, totumq; sese ad libros conuertit, ac nihilominus singulis diebus plusculum è polline in faciem insufflat, atq; non ita multo post, languere se simulat. Quo cognito pater uetuit illum ex eo ad Grammaticā proficisci, malle enim filium sibi illiteratum uiuere, quā ob causam literarum in tenera eum etate amittere. Quod puer igitur simulando effecit, an non efficiet et religiosus, et senex, præsertim sub speciem bonitatis, ac sancti noni? Videas quosdam cum nulla non parte corporis contaminati sint, præ se ferre summam continentiam: alios qui cū sint languori, ac desidie dediti, fortitudinem et quandam quasi uiuendi rusticitatem simulent, hos mirificam integritatem, cū sint corruptissimi, illos eximium in Deum cultum, cum ab omni clām abhorreant pietate: nonnullos lacrimari, cum in miserabilem aliquem inciderint, ac miserari eum, hacq; arte occultare animi seuitiam, nefariasq; cogitationes: haud paucos, quorum auaritiam, atq; occultas scenerationes abscondat simulata liberalitas, erogatq; inter mendicantes, atq; in triuijs stipēs. Plurimorum peruersa consilia, artisq; dolosissimas obuelat templorū quotidiana frequentatio, aut obtegit ne quisissimas insusurrations, uiuendi humilitas quædam, aut multum in circulis silentium, aut corām ficta quædam de singulis benedictio. Itaq; rarissimi illi quidem sunt, ad quos non penetret simulatio.

Quod

Quodq; flagitiosissimum est, ad permulta uerisimilius simulanda nunc religionis adhibent uincula, nunc affinitatis, amicitia uel. Quae si persequar, an erit aliud, quam uelle iras hominum in me, ac maleuolentiam prouocare? Itaq; satis nobis esse potest, haec attigisse, quae et inquirenda diligentius, et accusanda liberius sacerdotibus relinquimus, qui ea ab confitentibus quotidie intelligunt, ac praedicatoribus, quorum est officium, coram, atq; in templis de ijs liberius differre, maioreq; cum licentia. Nec tamen hoc in loco fabella nobis deerit, eaq; diuulgatissima, fuisse in parte Italiae Iannem quendam proauorum nostrorum temporibus, qui inter pastores asiduus, agrestisq; alios diuersaretur, eum autem consueisse dic, cum aut aries feroculus offerretur, aut uululus, uitabundum fugitare eum contremiscereq; ad illius aspectum, atq; hac ratione ridiculum, sese inter pastores facere, noctu uero profundissimos saltus ingredi ausum, atq; ex armentis uegetum quencq; siue bouem, siue taurum apprehensum cornibus, resteq; illigat: uel secum trahere, tractumq; socijs tradere deducendum ad fora, mercatusq; ubi cum uenale faceret. Iure igitur Vmber meus, mihiq; pernecessarius AVL. COLOTIVS BASSVS, uir et doctus, pariter et iucundus, usurpare consueuit, nec Aquinatem Thomam, nec Ioannem Scotum plures reliquisse auditores, doctrinaeq; suae sectatores, quam Ioannes hic, cui factum sit agnomen à uitellis, imitatores reliquit, ac discipulos.

## De Mercatoribus.

## Cap. XIII.

**T**RANSEAMUS ad mercatores, quorum non pauci sunt, quos parum uiuet lucrari, nec multum ipsi possint proficere, nisi (ut Cicero ait) admodum mentiantur, quin et mendatio addunt iurisiurandi religionem: nec uerbis solis, uerum etiam scriptis, annotationibusq; dum qui pannus Italicus est, aut Hispanus, Gallicum eum ementiuntur, aut Britannicum, quoties genus panni aliquod maiori est in pretio. Idem in linteis seruant, ac sericis. Qui equorum, qui mularum mercaturam exercent, compungunt et equos, et mulas eius generis notis, de quo maxima est opinio. Itaq; uix aliquod genus est mercis, in quo non primum sibi locum mendacium pepererit, potissimaq; apud mercatores laus est, scire et multum, et caute fingere. Quo effectum est, ut fides mercatoria, quae antea maxime habebatur integra, nunc fluxa sit admodum, ac fragilis. Annibal insidijs maxime, ac fraude grassatus est. Quotusq; est hodie praesertim dux, imperatorq; exercitus, qui non fraude nitatur, insidiosusq; consilijs? Caesar cum in Affricam uenisset, dicitur cunctatior factus ad conferendas manus pro-

pter dolos Asfrorum hominū. Itaq; simulatio rerū, uerborumq; atq; consiliorū, in omni artium genere, ac negotiorū, facultatumq; præcipue regnat, quasi non etiā in disciplinis, quod sophismata ipsa docēt, ut iam ueritas non in abdito, atq; in puteo deliteat, ut Democritus distabat, uerū sophistarū laqueis præpedita, ac fallacijs, prodire in lucem, atq; in libertatem nequeat. Iam uerò pontificum, regum, dominorū, ac principū hominum aulæ ac domus (utq; hodie dicuntur) curiæ, simulationibus ac fallacijs, mendacissimisq; susurrationibus, iisdemq; nocentissimis infectæ sunt, ut uideatur ueritas ab illorū regijs exterminata, neq; bonus quisquæ habeatur curialis atq; aulicus, nisi qui et mentiri admodum, et pro loco ac tempore uultum fingere, ac lenocinari scierit. Quo effectum est, ut quæ maximorum uirorum domus est, sit eadem simulationis ac mendacijs.

De Dissimulacionibus. Cap. XV.



Dissimulacionum studiū longe ab his diuersum est, moresq; item alij. Hi enim quæ insunt, quæq; dicta, aut facta sunt aut parte ex omni inficiantur, aut de ijs multum detrahunt, deq; uero quantum possunt, deducunt. Itaq; quam illi dant operam, ut ueris ficta affingāt ac falsa, tam hi ex aduerso in id intendunt, ut uel prorsus abnegēt quæ uera sunt, quod dissimulacionis est proprium, aut uehementius imminuta ut eleuent. Nesciam tamen quomodo se penumero qui dissimulacionis est, sit item diuersa tamen ratione simulator. Nam et Iunius Brutus sapientiā dissimulauit, et cum minimè esset stultus, eum sese gessit, moresq; eos induit, ut Brutus à ciuibus uocaretur. Proindeq; idem hic et simulator dici, et dissimulacionis potest. Illud tamen interest, quod hic inficiatur, ille affingit. Sunt igitur dissimulatores quidam huiusmodi. Alexander postquam ab Hammone redijt, Iouis sese esse filium uoluit, quid hac ostentatione insolentius? Scipio cū audiret Iouis quoq; se et haberi, et dici filiū, ijs dictis aures ea cum modestia adhibere est solitus, ut inficiari id nullo modo uideri aut posset, aut uellet. Audio de maioribus nati sacerdotes quosdam, quiq; ab ordine fratres dicuntur, quiq; post obitum inter sanctos relati fuisse decreto Romanorū Pontificum, cum uiuerent, interrogatos an uera essent, quæ de ipsis ferrentur miracula, solitos respondere: Deum esse, qui et ipse miracula faceret, et bonis uiris eorundem faciendorum uim infunderet. Quæ cum modestia quædā potius, quàm inficiatio dici possit, uidetur dissimulacionis quædam species, ad uirtutem tamen referenda, cum modestia sit, ciuilisq; cuiusdam siue urbanitatis, siue tractabilitatis plena, qua Socratem præcipue fuisse usum



usum legimus. Quæ re eiusmodi homines, à maioribus nostris dicti sunt Ironici, effectumq; est, ut Ironia species quædam sit uirtutis, de qua post dicemus.

Disimulatorum plura esse genera.

Cap. XVI.



Vnt autem disimulatorum genera quædam, eaq; perniciosissima in ciuitatibus ac populis. Cum alios uideat, qui sub liberalitatis speciem ipsi quidem sint largitiosi, hacq; ratione studeant clientelis, quibus ciues alios opprimant, seq; efficiant quam potentissimos: Alios qui diu publica negotia, resq; ciuitatis maximè difficiles, atq; ærumnosas diligentissimè pariter ac fortissimè obeunt, maximisq; pro patria sese obiectant periculis, clam regno studeant: Illos, qui suscipiendis miserorum patrocinijs, ac populariū causis, factionibus clanculum dent operâ: Hos eroganda inter pauperrimos atq; egentissimos quosdam stipe, quo sub specie minutissimæ ac uulgatissimæ erogationis, scenus occultant, ac ciues, aduenas, peregrinos clam excarnificent. Differentem Mediolani de religione, deq; hominum moribus Bernardinum, quem merita ipsa inter diuos retulerūt, adibat sæpius, hortabaturq; mercator quidam, ut multus esset in abominando scenore, laborare enim urbē ipsam nimio plus eo morbo. Itaq; dum Bernardinus mores, uitamq; exquirat hominis, comperit perditissimum eum esse sceneratorum omnium, illudq; agere, quo cæteris deterritis, liberior ipsi uni scenerandi relinqucretur prouincia. Horum igitur omnium perinde ut turpe est admodum, ac perniciosum urbibus genus, sic etiā multiplex est ac diuersum. Videre etiam licet (ut inquit Cicero) plerosq; non tam natura liberales, quàm quadam gloria ductos, ut benefici uideantur, facere multa, quæ proficisci ab ostentatione magisquàm à uoluntate uideantur. Talis autem simulatio uanitati coniunctior, quàm aut liberalitati, aut honestati. Quod idem dicere de ijs liceat, qui appetitum uoluptatis occultant, honorumq; dissimulant cupiditatem: quippe qui ostentatores uideantur, magis quam temperati, ac continentes. Cognitum ipsi habemus hominem iurisconsultum, iure, iniuriq; corradentem undiq; summaq; pressum auaritia, deq; Deo ac religione Christiana male omnino qui sentiat, diebus tamē frē singulis, siue pro tēplo, siue pro domus sue foribus, mane mēdicatibus cōpluribus de manu numulū singulatim præbere, quæ ratioe, et auaritiā celet, et animū à religiōe prorsus alienū. Qua cogitatione, ac facto quid perditius dicas, ac peruersius? Sub sanctitatis aut, ac cōtinentiæ opinione quantū mali foueret, frater Hieronymus Ferraritensis ex

ordine beatissimi, ac maxime sancti uiri Dominici, declarauit, nuper populus ipse quem subduxerat, Florentinus, cuius decreto morte et quidem acerbissima, atrocissimisq; cruciatibus excarnificatus est. Itaque uitium hoc dissimulationis late quidem patens est, ac perpauci quidem sunt, quemcunq; siue ciuium ordinem, siue sacerdotum, aut principum inspicias, in quo non inuenire Suffenum possis, ne Valerij Catulli siue Scomma, siue maledictum aspernari uideamur. Qui igitur dissimulatorum sint conatus, studia, proposita, iam uidetis. Sub Ferdinando Neapolitanorum rege agebat Caieta in Coenobio Gerardus quidam, qui septimum in diem cibo abstinerere consueuisset ac potu, indeq; sanctus habebatur ac Deo carus. Venerabatur illum populus, utq; cum adorarent, frequentes ad eum finitimis concubebant ex oppidis. Tantam hanc hominum opinionem coenobitæ adaugebant, propter munera quæ templo offerebantur. Misit ad eam rem perspicendam Ferdinandus Masium Aquosum et perspicacem, et abunde expertum uirum, cuius etiam fides esset quampersectissima. Is dies nocteisq; cum illo septem eodem simul in cubiculo cum egisset, summa cum uigilantia et cura, comperit tandem, et capitis illum, et stomachi pituita laborare, nimiaq; de humectatione, quo est uitio appetendi cibi uis illa consopita iaceret, ac penè extincta, esseq; siue ieiunium illud, siue abstinentiam ad morbum, malumq; corporis habitum referendam, uanosq; illos esse, rerumq; religionis ostentatores, qui persuadere conarentur Genios, hoc est, Angelos uictum ad illum quotidianum ferre, ciboq; diuino pascere. Sub Alphonso rege Ferdinandi huius patre, eandem hanc abstinentiam eum ostentaret alius quidam, cuius nomen est memoria excidit, adhibitaq; esset cura, nequid esculenti potiusq; ad illum inferretur, coeptum postea est sub speciem nocturni luminis (erat enim hibernum tempus) uicilitare interim illum est candelis nocturni luminis causa subministratis, quæ est succaro cinnamoq; costarent, atq; est gallinarum pectoribus minutissime contusis, seuo tamen super illito.

Dissimulationem aliquando esse ostentationem.

Cap. XVII.



Videtur quod interdum dissimulatio et ipsa quidem ostentatio quædam est, cuiusmodi esse generis Aristoteles Laconicum arbitratu uestitum, sub illa namq; modicitate delitescere elatione ac superbos spiritus. Quia de re parcius loquor propter sanctissimos Heremitas, patresq; illos, et tanquam fundatores Christiane religionis Paulum, Antonium,

Mal-

Malchum, Sabam, Onofrium, aliosq; post hos innumerabiles, in ijsq; tot post seculis Franciscum: quorum paupertas, continentia, simplicitas, sanctitas, uita omnis deniq; uisa est nobilitasse hominū imbecillitatem, maximeq; languescents eorum roborasse conatus. Tali igitur sub modicitate, ac uesitatus sorde nō pauci olim Philosophiæ professores pessima quædam exempla prodiderūt. Utq; de alijs taceam, Neronis Augusti temporibus, Publius Egnatius Stoicam professus est sectam, quo maiorem sibi fidem in accusandis tum ciuibz alijs, tum etiam senatoribus cōpararet. Utinā ne ætate etiā nostra sub hac quoq; specie atq; habitu turpiora magisq; profane admitterētur. Videas hodie quosdā minutissima ac sordidissima quædā uel obstinate dissimulare, quod ea ad uirtutē ipsi (ut sunt animo imbecillo admodū, atq; abiectio) referant, publicamq; ad cōmendationem. Quocirca dissimulant ea, dum ē dissimulatione ac reticentia magis, magisq; commendatū iri ea existimant: qui meo quidem iudicio non de genere modō, atq; abiecti, uerū nullius esse uideantur prelij, deq; cœtu prorsus hominum ciscendi. Commendabatur religiosus ex his quidam, quod ieiunia traduceret ternis tantum cariculis ac nucibus, aquæq; cyathulo: cumq; antistes id ex eo sciscitaretur, sat ipsi scimus, tantum hoc illum respōdisse, demisso uultu, uoce quam maxime depressa, et languida, miscrum se peccatorem esse. quid dissimulantius, imō quid inanius? atq; apud rectē sentientes contemptibilius? Risit antistes hominis inanem ostentationem, et ut aliam insisteret uiam, quæ ad cœlum ferret, cōmonuit. Iacobus Zanes, negotiator Venetus, multa amplaq; negotia Neapoli cū administraret, cerneretq; Gasparem Rauennianum singulis diebus sub matutinum tempus uisitare templa, intercesse rebus diuinis, sacraq; dum celebrarentur, intensissimum illum esse legendis Dauidicis psalmis, captus, imō deceptus (ut res ipsa docuit) uiri moribus, non paruam ille pecuniæ summam credidit administrandam, de qua post ratione habita lucrū, compendiaq; partirentur, ut mercatorū mos esset. Gasspar accepta pecunia, cum aduenisset reddendæ rationis tempus, risui Iacobum habuit: quippe qui non pecuniam modō abnegauerit, uerū ignorare se illum dixerit. Cumq; Iacobus mercatoribus ab alijs accusaretur: nō me, inquit, Gasspar decepit, sed Gassparis libellus, lectioq; illius suffragiosa. Itaq; uix aliqua uitæ species est, ad quam sese dissimulatio non insinuet: quod non ita multis post annis Frater Franciscus Hispanus docuit. Is quamuis rudis atq; indoctus, tractus tamen audacia, atq; ambitione, pulpitu ascendere est ausus, tātōq; siue fastu, siue temeritate, palam ut asseueraret, prædicare se de religione, Christianisq; de rebus, docente ac dictate angelo, cuius admonitu et futura quædam præ-

duceret, et qui cum diuis in cœlo è mortuis agerèt, qui rursus apud inferos cruciaretur, sciret ac proferret. Deniq; cū Ferdinādo persuadere arte nulla aut ratione posset, ut uniuersam ludæorū gentem omnino exterminaret è regni finibus, exemplo Ferdinandi patruelis Hispaniarum regis, Tarētī curā ipse ageret, commentū hoc iniit. E' plumbo tabulā diuī Cataldi nomine clāculum à se inscriptā, haud Tarento procul in sacello semidruito sub parietem occuluit, quam triennio pōst eruendā curauit, corrupto sacerdote, qui diceret, in somnis astitisse sibi Cataldū monstrantem quo in loco tabella esset abditā, commententemq; uti cum populo supplice, collegioq; sacerdotū iret ad effodiendam illam, quam effossam curaret ad regem deferendam, communicandam ab eo uni tantū uiro, quem è suis optimum nosceret, ac maxime fidum: Deum enim iratum illi futurum, clademq; ac calamitatem immisurum, ni quod in tabula scriptum esset, & cautum, à rege præstaretur. Scriptum uerò ipsum per ambages quasdā, ac latebricosa uerba cōspectabat, uti ludæorum exterminatio indicaretur. Rex accepta tabula deprehendit fraudem, qua deprehensa minimè Franciscum ad eam legendam secum adhibuit, arbitratus cum interpretaturum uerba in eam sententiā, dissimulauitq; rem ipsam summa cum taciturnitate ac prudentia. At Frāsciscus re cognita, furore percitus, quòd tantū commentū falsum eū habuisset, nō populo, nō regi, uix ipsi Cataldo publicis pepercit in prædicationibus, intantūq; excauit, ut Italia ferme omnis, ipseq; in primis Romanus Pōtife x de tabulæ huius fuerit inuentione sollicitus, atq; anxius. Itaq; uitij huius uis adeò culta, & potēs est, neq; omnino animaduersa, ut nō modò interdū in ostentationem sese conuertat, uerum etiam in spiritibus superbissimos, execrabilemq; animorū impotentiam. Quamquam autem Aristoteles rectè putat ueraci ostentatorē magis aduersari, longiusq; ab illo digredi, utpote deteriorem, nō minus tamen difficile est ab his ipsis cauere, cum eorū morbus uix appareat, ostentatio uerò ipsa sese patefaciat, id quod nomen etiā ipsum declarat. Velle autē hæc ulterius prosequi, nec utile esse ducimus, nec necessariū, uideriq; abūde satis potest planè nos ostendisse quot, & quæ genera sint, species ue eorū omnium, atq; in quibus uersentur, differant ue, aut conueniant, quiq; sint tū mendaces, tum ueris, simulatoresq; ac dissimulatores. Nā de Ironicis alibi expressius disputabitur.

Quoniam autem prudentia dux est ac magistra actionum humanarum omnium moraliumq; uirtutum: illud non uidetur prætereundum, prudentiam ipsam pro loco, tempore, negotijs, administrationibus, periculis. proq; persona, quam geremus, tum exigere, tum etiam præcipere, uti nūc simulemus, contrā nunc dissimulemus: nunc ueritatem occulamus, nunc

que uera nullo modo sunt, et fingamus, et asseremus. Quae res efficit, ut fingere interdum, simulare, dissimulare, inficiari, celare, ostentare, demerere, accumulare, dum tamen prudentia id exigat, dandum sit uirtuti. Sunt et actiones ipsae ad finem referendae, nam et Solon publicae rei gratia furorem simulauit, et Brutus, de quo diximus, stultitiam: et sapientissimi rerum publicarum administratores in maxime periculosis casibus hilaritatem fingunt: quae autem aduersa, celant: quae ficta et lata, effrenda in publicum curant. Nec medici sanandis aegris, quo illos habeant obtemperatiores, magisque abstinentes, non et ipsi multa sese dubitare, aut euentura praeter opinionem fingunt, aut contra uel optimam illis pollicentur spem, licet ipsi de illorum salute nullam prorsus spem habeant, praesertim in pestilentibus ac desperatis morbis. Denique nullo ab hominum genere, nullis ab administratoribus plura aut simulatur, aut dissimulatur, quam ab exercituum ducibus, rerumque administratoribus bellicarum. Quarum rerum tum Latinae, Graecaeque historiae, tum barbarae repletae sunt exemplis.

F I N I S.

IOANNIS IOVIANI PONTANI  
DE SERMONE LIB. III.

Vnde ductae sint facetiae, ac facetudo. Cap. I.



DE Facetudine igitur discuri, quam me diocritatem esse quandam primo libro ostendimus, ne a nobis ipsis descissey uideamur, ab origine quidem ipsa, nominisque exordimur deductione. Verbum ipsum Facio, unde Facetiae ductae sunt, apud priscos illos et Latinos, et Romanos homines, in maxima fuit frequentissimaque usurpatione. Itaque et pacem, et bellum, et foedus, et inducias facere dixerunt, et delicias, et ludos, et nuptias, et conuiuia, et abortum, et domum, et templum, et porticum, et nomina, et id genus penè innumerabilia. In his autem et uerba facere, et uersus, et orationem, et iocos. Indeque qui in comitijs, in consultationibus, in senatu, in concionibus uerba cum grauitate facerent, cumque dignitate et copia, Facundos dixere, et uirtutem eam Facundiam, ut iam diximus: quam Plautus (quo Romanam locupletaret linguam) etiam Facunditatem appellauit, a faciunda uidelicet oratione. Qui uero in circulis, congressionibus, conuiujs, communibusque in sermonibus, ac consuetudinibus ad iocunditatem solam, animorumque recreationem cum moderatione et

gratia, Facetos, qui etiam dicta ipsa appellauere Facetias, habitum uerò reliquere innominatum, quem nobis appellare tum Facetudinem, ac Facetiam placuit, tum etiam Facetitatem.

Facetudinem uirtutem esse. Cap. 11.



Virtutem autem hanc esse illud præcipue docet, quod in sermonibus, congressionibusq; incundis, in habenda item oratione, siue ad multos, siue ad paucos, popularibusq; in concionibus, et laudamur, ubi mediocritatem seruauerimus, et uituperamur, cum secus. Quod si mediocritas ea est, ut quidem est, inter duo uti extrema constituitur oportet. Quæ igitur ea sint, querendum est diligentius. Nec mutus igitur opponitur faceto, quippe cum mutus non solum non facetus esse, uerum minime queat fieri. Quæ re nequaquam etiam opponi ei potest, qui ætate sit infans, cum hic ipse infans non sit locutione cassus, uerum adhuc inhabilis ad bene exacteq; loquendum. Itaq; neq; infantia aduersabitur facetudini. Parte ex alia multo ei minus aduersa erit loquacitas, de qua supra est dictum. Quod uitium in sermone ipso, ipsaq; in loquendi serie generalem quendam locum habet, magis quàm in iocis, ac dictis: labitur enim in excessum non iocandi, uerum implicandi sermonis, blasphemandeq; orationis gratia. Cum igitur circa iocos sermonisq; iucunditatem ac leporem, circaq; urbanitatem ac comitatem uersari facetum dicamus: si rusticitatē ei opposuerimus, parum fortasse rei ipsius significantiam adimplebimus: cum rusticitas ipsa rectius opponatur urbanitati, ipsaq; urbanitas sit facetudinis siue pars quædam, siue species. Sin illepiditatem, idem erit peccatum, quod illepiditas aduersa tantum est lepori, qui dictorum comes est, ac facetiarum. multo etiam minus opponenda illi est insuauitas: quippe cum suauitas ipsa in saporibus quoq; uersetur, inq; tactu, et risu, et gustatione: et à nobis libris quidem superioribus non pauca dicta sint, è quibus iudicari possit et quid queratur, et quale. Querimus enim (cum ad laborem hinc nati simus, illinc ad relaxationem, cumq; iucunda sint nobis amica, tristia uerò inimica ac permolesta) et requietem inter labores, ac cessationem, et à molestijs, curisq; grauioribus relaxationem, quandamq; quasi uacuitatem. Cum igitur qui sint urbani, qui comes, lepidusq; qui item aut blandi, aut festiui, sit à nobis abunde estensum, et quid, et quantum, et qua etiam uia differant inter se, nimirum genus aliquod esse oportet, quod ab his ipsis constituitur: ut quemadmodum cōtingit in auaritia, plures enim auarorum sunt species (quod cū de Liberalitate ageremus, planē

planè aperuimus) sic illorum quoq; non una est consideratio, qui iocis utuntur, delectanturq; uerborū iucunditate ac lenocinijs. Itaq; qui omnes iocandi partes cū mediocritate fuerit consecutus, hunc quidem ut ab omni parte in hoc ipso genere absolutum, facietum esse uolumus: ut qui omnem complexus sit auaritiā, auarum. Quāquam et auaros, et facetos etiā dicimus, qui partem fuerint aliquā affecuti siue facietudinis, siue auaritiæ. Quippe cum et species insit generi, et genus mutuo in species distribuat. Quocirca habitum ipsum quamuis nouo quidem, non improprio tamen nomine, uti superius explicatū est, appellandū ducimus. His autem hunc in modum expositis, pro nostra consuetudine, institutoq; ab ipsis tanquam incunabulis facietum instituemus, nihil omittentes eorū quæ conducere, remq; ad ipsam explanandā magis magisque facere intelligantur.

## De Principijs et causis uirtutis huius. Cap. III.



**P**rincipio res nostræ omnes posite sunt in motu. Motus autem ipse trahit nos ad agendum. Actio uero suapte natura est laboriosa. Causæ uero quæ ad agendum nos trahunt, et utiles sunt, et uoluptatem præ se ferunt, naturaliter enim et utilia appetuntur, et iucunda. Itaq; et utilia, et iucunda appetitionibus propofita sunt nostris. Et utilia quidem ipsa uix assequimur sine labore atq; insudatione. Labor uero, actioq; omnis cum non sit absq; defatigatione, tum cessationem requirit, refocillationemq; quasi quandam inter agendum, tum quietem postquam ad finem peruentum fuerit. Itaq; et in progressionē rerum recreatio queritur, et in exitu quies. Recreationes autē ipse, ac refocillationes, quietesq; tum ē rebus constant, ut cum euentus ipsi rerum felices sunt, atq; ē sententia: tum ē uerbis, dictisq; cum ea iucunditatem afferunt, ac delinitionem et dicendo, et audiendo: contra molestiam, tristitiam, inconstitudinem, ubi et acerba fuerint, et ærumnosa, animumq; ipsum cōficientia. Quocirca non ē rebus solum, uerum etiam ē dictis tum utilia manant, tum etiam iucunda. Manant autem ē rebus utilia ac iucunda, ut cum res ipse fructum nobis afferunt, et cum profectu pariter iucunditatem, aut cum uoluptatem tantummodo. Manant item ē dictis pariter, ut cum apud prætorem amicus nobis adest in causa apud iudicem, patrociniq; suo causam tuetur, paritq; ex ea tum utile, tum iucundum: quid enim uictoria iucundius? Sed nos hac in parte de ijs tantum dictis, ac uerbis rationē habemus, quæ comuni in consuetudine, animorum relaxationem querunt, atq; ab labore remissionē, ipsisq; à molestijs. Quocirca dictiones huiusmodi nostræ, quæ



in contrahēda uita, hominumq; uersantur societate, aut rigide ipsæ sunt, rustice næ, acerbæ, nimisq; agrestes, animosq; ipsos et perturbant, et grauius etiam afficiunt, nedum ut recreationi aduersentur, quæ naturaliter, et sponte nostra queritur: aut cum delectare illæ quidem student, id potius agunt, ut tocandi mediocritate relicta, aut turpe, obscœnumq; aliquid, aut parum consideratum, atq; ingratum, eorū qui audiunt auribus infundat, quod ruborem afferat, aut stomachū moueat, aut nos ad eius qui dicit ac dictorū eius irrisiōem, ac cōtemptū inducat. Vtrunq; sanè uitiosum, quippe cū agrestis ille, ac rigidus naturæ ipsi aduersetur: quæ cū relaxationē à labore querat, ipse contrā molestijs eā prægrauet: hic scurrilis, atque obscœnus (cū honestas à natura, rationeq; ab ipsa proposita nobis sit) et illam dictis suis fœdet, et se dā iucundū exhibere debet ac gratum, ridiculum potius apud audientes efficiat, ac contemptibilem, cogatq; auditorem ciuilibus præditum moribus, atq; ingenuum ad demittendum os, atq; oculos in humum, ad auresq; auertendas ob dictorum obscœnitatem, dicentisq; ipsius aut conuiciationem, aut impudentiam, garrulitatemq;. Vtrinque enim ita peccatur, ut alter mediocritatem defugiat, alter illā prægrediatur, cum indecentia atq; astantium irrisiōe. Et hunc qui de moribus scripsere, Scurrā uocitant, qui Græce est *βυκολοχες*, habitumq; Scurrilitatem: illum uerò alterum Rusticum, nam Græce est *ἄγροος*, defecūq; ipsum Rusticitatem. De quibus, deq; habitu medio antequam dicimus, nō temere pauca quædam præfabimur, quæ cognitu digna quidem sunt, atq; in ipso explicandi ingressu iure suo edisserenda.

Conciliabula inter ciues fieri aut utilis, aut iucundi  
gratia. Cap. IIII.



Vod homines igitur natura sunt ipsa sociabiles, atq; in unum conueniunt, tuendæ rei tum publicæ, tum priuatae gratia, hinc quoq; tametsi de utilitate minimè agitur, congregantur tamen unā nunc pauci admodum, nunc complures, tum ut naturæ ipsi morem gerant, ac rerū necessitati, tum ut susceptorum delinitionem laborum inueniant, ac molestiarū. Itaq; conciliabula ipsa, conuentusq; aliās utilitatis, aliās relaxationis tantum fiunt gratia: quibus in ipsis ridicularia utiq; queritantur, sedationesq; animorū, ac uitæ difficilioris recreatio, quin etiam defatigationum ipsarum siue intermissio, siue soporatio quasi quædam. His itaq; siue conuentibus, ac conciliabulis, ciuiumq; siue paucorum, siue multorū communioni et coetui, siue etiā conuiuii, atq; confessioni, propter refocillationem  
ioca

ioca proposita sunt, uerborumq; relaxamenta, et priuata quedam (ut ita dixerim) spectacula, diſſeriaq; theatra lia. Omnem autem et colloquendi, et congregandi, et dicendi ſiue affabilitatem ſeſtiuitatemq; atq; urbanitatem, ſiue comitatem, leporem, iucunditatemq; quæ in ijs exerceatur, deq; iſſdem manet proſuataq; ex dicendo, ad ioca prorsus dictaq; iocularia, atq; ad ſacetas identidem referenda ducimus.

Triplex eſſe iocandi genus. Cap. V.



**L**ocandi autem in eiufmodi tū conciliationibus, tum coronis, triplex genus ſtatuimus. Et quod ſeruile, maximeq; degenerans eſt, quales ſeruorū ſunt ioci, qualis etiā affabilitas eo hominum genere digna: ut, Gymnaſiū ſlagri ſalucto. Quid ais cuſtos carceris? o catenarum colone: o uirgarum laſciua. Et, Num me illuc ducis ubi lapis lapidē terit? ubi uiuos homines mortui incurſitant boues? Et, Vt miſer eſt homo qui amat, imò uerò herclē qui pendet multo miſerior. Et, Noctem tuam, et uini cadum. Quorum quidem diſſorum et Græcæ, et Latine comœdiæ ſunt perple næ. Et quod inter ruſticos uerſatur, urbanisq; à moribus alienos homines. Siquidem horum iocis ac diſſis ut alibi ruditas quedam ineſt, atq; ineptitudo, ſic alibi illiberalitas ingenuo uiro nullo modo digna. Utq; ex Caſina Plauti depromantur exempla: Dum gladium quæro ne habeat, arripio capulum. Sed cum cogito, non habuit gladium, nam eſſet frigidus: cloquer: at pudet: num radix fuit? non fuit: num cucumis? proſectò hercle non fuit quicquam holerum: niſi quicquid erat, calamitas proſectò attigerat nunquam: ita quicquid erat, grande erat. Singula diſſa rus olent, et in ore uillici, et in ore item matronæ, quæ et ipſa ruſticabatur iocandi gratia. At quod ſequitur, non caret illiberalitate: Illa haud uerbum facit, et ſepit ueſte id qui eſtis, ubi illum ſaltum uideò obſeptum, rogo ut alterum ſinat adire. Quod dictum quamuis illiberalẽ, haud tamẽ illiberaliter expreſſum, ſed uerbis quidem ſuis, ac ruſticanis. Quale etiam et illud: Fundum alicnum arat, familiarem incultum deſerit. Tertio autem generi liberalitas ineſt, ac ſuauitas illa honeſtæ iucunditatis comes, tantumq; ab ruſticitate remota, quantum ruſticanis à moribus urbani abſunt, tantumq; ab ſeruilitate aliena, quantum ab ingenuitate atq; à libertate ſeruitus. Et huiufmodi quidẽ ioci materia ſunt, in qua tum ſacetas uerſatur ut  
genus, tum ut ſpecies eiufdem, feſtiuitas, lepõs, comitas,  
urbanitas, cuiq; ab affandi ſuauitate nomen  
eſt affabilitati.

In iocando adhibendum esse delectum.

Cap. VI.



**I**psa autem ioca nimirum alia senum sunt, alia iuuenum: alia eorum qui magistratū gerunt, pretioq; dignam personam, alia priuatorū: habentq; hæc ipsa ut fructus pomag; sua quoq; tempora, sua etiam loca: nec carent auditorum consideratione ac cōsidentium, nequaquam enim omnia omni aut tempore, aut loco, aut quacūq; in audiētia, ac cōfessu decent. Itaque non digna solum esse debent dictu, uerum etiam auditu, quæq; neutiq; aut ridiculum faciant dicentem, aut contemptibilem, aut quæ molestia afficiant auditorem, cum ex iocis relaxatio quærat, minimè uerò tædium, aut molestia. Siquidem ipsis in cōfessionibus ac circulis, hominumq; congregatione, quæ ad recreationem animorum, familiaremq; ad affabilitatem sit, et loqui cōfessores ipsos uisuenit, et audire per uices quasi quasdam. Is igitur a dicente delectus iocorū dictorumq; habendus est, ut et suam tueatur, et astantium personam: nec non et ætatis, et temporis, et loci, et rerum ipsarū, ipsiusq; ciuilitatis, in primis uerò honesti, decoriq; ratio habeatur: ut (quod in epulis exigitur) nec insulsa sint iocæ, nec nimis falsa, quæq; nec ieiuna sint ac macrescentia, neq; crassa nimis, stomachoq; prorsus ingrata. namq; ut ea cōiitijs careant, ac maledicentia, abhorrentq; ab inuicendo, hoc quoque ciuilibus et legibus, et institutis cautū est, uindicaturq; nunc supplicijs, nunc multa. Quod quid est aliud, quàm abuti uelle iocis? qui cum inuenti sint ad refocillationē, eos quis obsecro conuertat, nisi rixator quispiam ad odia, simultates, contentiones ac tumultus? Quæ quidem ipsa et tenēda, et sequenda sunt faceto, perinde ut recta dicat ratio, eiusq; alumna prudentia, ut et quid, et quantum deceat, et quomodo, et quo tēpore, quoq; item loco, et apud quos, quæq; item alia delectum comitantur, ad amūsim (ut dici solet) cuncta perpendat, dirigatq; ad normam.

De altero extremo, id est, Rusticitate.

Cap. VII.



**I**s itaq; explicatis, primo de ijs dicendū uidetur, quæ in defectu uersantur, quem habitū rerū scriptores moraliū Rusticitatem libenter appellauere: neq; improprie sanè, neq; incōsideratè: cū teneritas ipsa iocandi, ciuilis admodum res sit: cōtrā rusticorum hominum siue rigiditas, siue iocandi fuga atq; horror, inhumanus ille quidem, ab omniq; iucunditate auersus. Nam et homo ad risum sponte sua instinctus est, atq;

ad

ad iocum refocillationis gratia, perinde atq; agendi gratia ad seueritatem et laborem. Neque enim à Philosophantibus non et aptè, et secundum naturam homo risibile animal est dictus, quemadmodum et equus hinnibile, mugibile autem bos. Ad hæc quota laborum est susceptio, quæ non et quietem respueret, et antequam ad exitum qui ipse finis quidam est, perueniret, et recreationem desideret, et intermissione[m] quandam, per quam post ad laborem ipsum susceptumq; ad opus, resurgat robustior, nouatorq; quasi quidam coeptam iam resumat actionem?

Agrestitatem potius quam Rusticitatem opponendam  
esse Facetudini. Cap. VIII.



Ed nesciam quomodo Rusticitas uim ipsam parum omnino implet, eaque conuenientius Urbanitati opponitur, quæ species quædam est, quam Facetudini, quæ genus ipsum representat: ipsaq; Rusticitas in iocis uersari potius rusticanis uidetur, perinde ut in urbanis Urbanitas, quam ut Facetiei sit opponenda. Neminem tamen ab opinione sua, suaq; à sententia deterremus, dum tamen æquo patitur animo Facetudini nos Agrestitudinem opponere, ac Faceto Agrestem, id quod Aristotelicum fortasse uerbum magis innuit, et Horatius è nostris, cum ait:  
Rusticitas agrestis, et inconcinna, grauisq;.

Ad rusticitatem enim addidit et agrestem, et inconcinna[m], et grauem: ut agrestem dicens rigiditatis uim rusticitati adiungeret, et incultam, ac grauem agrestitudinem uocans declararet, qualis ipsa esset. Itaq; ut à forti fortitudo est deducta, sic ab agresti agrestitudinem deducetes hanc ipsam facetudini opponemus. Qua ratione id efficitur, ut agrestitudo ipsa et rustica sit admodum et inconcinna, perq; quam grauis ac molestia: perinde ut è regione facetudo est urbana admodum, et undiq; concinnata, eademq; perquam suauis et grata. Quis enim inficias eat, rura qui inhabitent et colant, rusticos appellandos, perinde ut qui urbem incolant, urbanos? At agri cum à cultu humano plerumq; propter finium uastitatem squalescant, magisq; à feris frequententur, quam ab hominibus, inde agrestitas ipsa feris similior quam hominibus, et ferarum Græci ἀγρία uocant. Quocirca Agrestitudinem, uel si fortasse magis te Agrestitas delectauerit, extremum alterum Facetudinis esse uolumus.



Agrestis autem proprium est uiri tum abhorrere à dictis facetijs, atq; à iocando, tum etiam ab audiendis quæ cum iucunditate dicantur. Quamobrem huiusmodi hominum consuetudines difficiles sunt, & parum gratæ, uitaq; eorum tristior: nec omnino sociabilis, ut uideatur cum natura ipsa parum consentire: quæ ut somnum dedit animalibus ad recreationem sensuum omnium, sic tribuit homini & locutionem, non ad utilitatem modò conciliationis, atq; ad eam conseruandam, uerum etiam ad recreationem laborum ac molestiarum, quæ plurimæ contingunt in uita agenda, atq; in gerendis rebus. Est autem Agrestitatis ipsius comes ruditas quædam inciuilis ac male accepta, nec minus & morositas. Eiusmodi enim homines non modò circa iocos & dicta, uerum etiam circa consuetudines ac facta difficiles sunt, parumq; omnino accommodantes alijs, aut indulgentes, duri ipsi quidem, acerbis, inconditi, atque ab omni genere urbanitatis alieni, ut ex omni ferè uita parte agrestes sint iudicandi. Qui si quando in dictum prorumpant aliquod (homines enim sunt, quibus natura nec risum negauit, nec iocum) tamen si hac in parte mæci prorsus sunt, ac deficientes, eorum tamen dicta aut rusticana quidem erunt, incondita, rudia, aut maledica, conuictiosa, & tanquam à morositate profecta, quæq; aut laceessant, aut mordicent, aut ita sordescant, ut risui habeantur, atque contemptui.



Horum quoq; sunt è numero qui tñ Fatui dicuntur, tum Insulsi, quorum quidem dicta non modò salem non habeant, uerum in eo deficiant, ut risum nullo modo pariāt: quem ubi fortè pepererint, id accidet nō è dicendi suauitate, uerum ab insulsiute potius ipsa, quæ ridiculos illos reddat ac despicabiles. Insulsi autè ac Fatui penè ijdem sunt, differunt tamen, quòd Insulsi sale quidem ioci careāt, cum falsi tamen ipsi esse cupiant, Fatuis uerò natura ab ipsa parum concessum sit id ipsum assequi posse, perinde ut holerebus quibusdam, quibus negatum est condimentum accipere: quod quamuis nonnunquam accipiant, nihilominus incondita tunc quoq; appareant, unde & ijdem inconditi dicuntur, quando incondita, atq; insulsa absq; sapore sunt.

## De Ineptis. Cap. XI.



**I**s adiungas licet etiam Ineptos quosdam, quorū tamen dicta forsā ipsa per se delectarent, sunt tamen parum apte inconcinneq; aut sine delectu pronuntiata. Sed inepti nomen ad multa ac diuersa pertinet, nam & risus, & gestus, & uestitus ineptus dicitur, ne dum ut ineptus aut sermo dicatur, aut iocus. Hi autem ipsi quod neq; in dicendo, neq; in iocando, aut tempus, aut locum, aut dignitatem seruāt suam, Inepti indē uocati: ex eo etiam inepti pictores, Poētæ item inepti, qui dignitatem minime suam retineāt in pingendo, ac describendo. Itaq; ineptitudo ne utiq; dictorum est ac iocorum tātum, uerū ad plura refertur ac diuersa. Quofit, ut in utendis quoq; iocis ridicularibusq; qui à dignitate discedunt, ac personas, ipsoq; ab decoro, actum à rerum ac temporum, tum uerò à locorum, atq; audientū delectu, obseruationeq; & ipsi inepti dicantur: quid enim uetat rem eādem alias ob causas aliam atq; aliam habere rationem?

## De Triuialitate. Cap. XII.



**N**am neq; ruditas solū in hoc uersatur uitio, neq; tantū Rigiditas, Fatuitas, Insulfitasq; sed Triuialitas quoq; quædam, eaq; nō in ridicularibus modō, uerum etiam in serijs ac grauib; rebus. Existit autem Triuialitas circa popularia, & peruulgata quædam eaq; etiam sordida. Itaque & apud doctos homines, & uersatos inter urbis atq; aulæ mores, ridiculo qui eiusmodi sunt, habentur, ac despicatui. Sunt enim eorum dicta non modō frigida, sententiæq; penē aniles, uerum etiam rancentes, & penē dixerim, marcidæ. Sunt ex his quoq; qui dum iocari student, ruptare eos uerba potius dicas, foetereq; illorum dicta, ac cōfabulationes: quod tamen uitium nunc ad rusticitatem quidem referre possis, nunc uerò ad scurrilitatem. Sed scurræ id ipsum & queritant, & affectant, ut uidemus hystriones in comædijs, labuntur enim uolentes ad excessum, cum rustici quandoq; studeant ipsi quidem uelle iocari, uerū ita in hoc deficiunt, ut ruptare eos dicas magis quā iocari: habent tamen & hi aliquando auditores sui studiosos. Quocirca Horatius propter tempora (ut arbitror) & aulam illam Augusti, ridet quædam apud Plautum, quæ frigida tunc haberentur forsā & ruptatilia. Sed nos dum uitia, defectusque hac in parte diligentius exquirimus, nimij fortasse sumus. Quocirca qualis hic ipse habitus sit, quales qui eo sint præditi, hæcenus explicatum sit,

Hinc ad diuersum, & huic contrarium uitium, quod de excessu profuit, transeamus.

De altero extremo, hoc est, Scurrilitate. Cap. XIII.



Currilitatem eam maiores nostri (ut dictum est) uocauere: & qui ita sit affectus, Scurram. Atque hic quidem nequaquam accusandus uideatur, quia delectare dictis suis ac iocis confectores studeat, & tanquam recreare à curis ac solitudinibus, uerum ex eo quòd nec modum in ijs retinet, nec mensuram, dum que iocari queat ac risum mouere, hinc honestatis modestiæque digreditur è uia, illinc uellicat astantes, ac molestia afficit, & perturbat potius quam delectet, aut recreat, ut finis eius nequaquam sit refocillare facietis, ac iucundis dictis, sed quouis modo risum mouere: dumque delectet, parum omnino curat alios lacerare ac suggillare. Itaque, facetudinis è curriculo digressus, ac decori ipsius delectusque, de quo paulo est ante dictum, oblitus delabitur ad oscenitatem, dicacitatem, spurcitiam. Siquidem scurrarum ipsorum non una est species, de quibus sigillatim ordineque dicemus suo. Cum enim ipsi à iocandi ac dicendi excessu rapiantur, huic unitantum student, & alij quidem relictà prorsus mediocritate, decorique ipsius ac temporis, locique, & item personæ immemores, id tantum querunt, ut & uideantur, & iudicentur faceti: in quo (ut dixi) nihil omnino pensi habentes, uanitate quadam ducti, nomen uix ipsi suum ac certum habent. Alij qui uideri uelint tum oblectare, tum etiã uellicare, ac mordicus petere, siue ultioni studentes, siue ut maledicant, molestiamque ingenerent, cum natura sint ab ipsa incommodantes, siue ut inde timeantur, lucrumque ex eo referant, & hi quidem Dicaces, uitiumque ipsum Dicacitas. Alij uero qui nequaquam molesti uideri, aut mordaces uelint, nec quo oblectent per se, uerum dum placent fructum ut inde aliquem referant: hi que Arrisores appellari fortasse possunt, cum uultu quam uerbis ut placeant magis dent operam, uitium autem ipsum Arrisio. Alij contra, his ut displiceant, illis ut placeant, alijs ut gratificentur, alios ut derideant, summo contendunt studio: hi que Derisores, & habitus ipse Derisio iure suo uocabitur. Sunt quibus cura sit Oscenitas, hoc est, dicta parum modesta, eaque nec uerecunda, nec proba, queque impudentiam præferant, & à modestis auditoribus non sine rubore audiantur, oculorum que demissione, cum uerba ipsa sint oscena, ac res ipse sæpe numero osceniores. Quod uitium ab Oscis, id est, antiquissimis Campaniæ populis mansisse uolunt: unde hodie quoque uinde-miarum temporibus, hoc ipsum uitium, ipsaque oscenitas regnare apud Campanos



panos uidetur. Quosdam nō tantū oscena, uerumetiam spurca capiunt, estq; eorum studiū spurcari, hoc est, impuris et iocis, et dictis diffluere, ut non iocunditas eos moueat, sed turpitudine potius ipsa tum rerum, tum uerborum intemperata ac deformis explicatio: ipsi Spurci uocati, uitiūq; ipsum Spurcitia. His accedunt maligni quidam, naturaq; etiam ab ipsa ad maledicendū proclues, ad detrahendumq; habitu atq; exercitatione confirmati, quorum dicta non pungant modo, uerū et urant, et pustulas inducant, atque carcinomata: nec careant aut ueneno, aut aperta petulantia, morsibusq; uiperinis. Videbuntur autem hi ipsi duplici fortasse appellatione usurpandi, alteriq; Petulantes, alteri uerō Ampullosi: ut Petulantes magis declinent ad oscenitatem atque intemperantiam, Ampullosi ad maledicentiam ac detractionem, quorum dicta uetusti Ampullas nominarunt. Erit autem alterius habitus Petulantia, alterius nomen Ampullositas, utrunque à natura ipsa rei ductum. Hæc autem ferè scurrarum uidentur esse genera, quorum deformatissimi quidem sunt, qui apud principum mensas, inq; dominantium aulis uersantur: non modò rei familiaris ampliadæ gratia, quod tolerabilius quidem uideatur, uerū ut uentri satisficiant atque ebrietati, hiq; faciliè quidem in omnem turpitudinem dilabuntur gule ac uentris studio: Græco nomine nunc Parasiti uocati, nunc Sycophantæ, uitiūq; ipsum Parasitatio, ac Sycophantia.

Longius distare à medio Agrestem, quàm Scurram.

Cap. XIII.



Best autem Agrestis à mediocritate, multo quidē quàm Scurra longius, quòd huic modus tantum dceat ac mensura, illa quidē quæ mediocritatem gignit: quam ubi sectari uoluerit, atque ad illam regredi, faciliè ipse quidē facetus erit. At agrestis ex omni profectò parte adeò deficiens est, ut nullo pacto accedere ad mediocritatem queat, aut illam assequi, quippe cui omnia simul desint. Inter hæc igitur uitia uirtus ipsa, de qua loquimur, sic constituta est, ut alterum illum qui agrestis dicitur, ab se repellat tãquam fugientē à medio, quiq; reuocari ad illud aut nullo modo possit, aut sit omnino difficillimū: alterum uerò ut scurram, oscenum, spurcum ad sese reuocet, perinde ut lōgius à signis digressum, ipsaq; ab mediocritate, quam circa uirtutem quidem omnem uersari moralem, uel mediocritatem ipsam potius uirtutem esse satis inter omnes constat, qui rectè quidem philosophati sunt.

## De Facetis.

## Cap. XV.



St igitur Faceti hominis proprium, in dictis factis que in scrijs ac iocis, in dicendo atque audiendo, que ad recreationem spectent, animorumq; relaxatione in conuiuiis, confessionibusq; atque in congressibus, ipsisq; in circulis, atq; hominum coronis, colloquutionibusq; mediocritatem sequi: e qua id assequitur, ut facetus ipse iure suo et sit, et habeatur, eoq; sese uestiat habitu, quam Facetudinem uocari diximus: quo de habitu ipse sibi nomen desumat, ut qui sub Cesare siue eques, siue pedes militarit, miles dictus est Casarianus: qui sub Pompeio, Pompeianus: aut sub Mario, Sylla uel, siue Marianus, siue Syllanus. Habitus enim ipse ipsaq; insignia militem quidem ostendunt, cuius uidelicet sit factionis: in agendo uero actiones ipse ciuem atq; urbanum hominem. Nam et ioculatio, et dictorum familiaris iucundaq; inuicem usurpatio actiones quidem sunt, moresq; et ipse nostros determinat: ut a facetis dictis, iocisq; suauioribus dicamur faceti, a scurrilibus scurræ, ab agrestibus agrestes: perinde ut a nimio pecunie studio, atq; habendi cupiditate auari, ab usu mediocri, et recto liberales, ab diffuentia uero, ac dissipatione diffuentes, atq; effusi. Facetorum igitur hominum ea est mediocritas, ut delectum, de quo diximus, cum primis seruent. Seruabunt autem illum, si personæ propriæ, auditorumq; loci item ac temporis dignitatem retinuerint, ut neq; in dicendo, iocandoq; procaces fuerint, petulantes, immodici, intempestui, osceni, spurci, ampullosi: neq; in audiendo aut detestabuntur iucunde ac concinne dicta, aut aures auertent a lepide atq; urbane pronunciatis. Vtq; dum mediocritatem assequi ipsam nequeunt, ne rusticentur, neue efficiantur insulsi, rancidi, hircosi, quorum etiam dicta culinam oleant.

## De dictorum, iocorumq; diuersitate.

## Cap. XVI.



Psa autem dicta ac ioca, que ad relaxationem pertinent, (ut generaliter de ijs loquamur) nequaquam uniusmodi quidem sunt, licet ad refocillationem curarum spectent ac requietem. Siquidem alia sponte sua, atq; ex tempore profluunt: alia tanquã prouocata, atq; excita extrinsecus in responsionibus sunt posita: ut cū Gn. Pompeius false, aculeateq; (sicuti antè diximus) interrogauit, Vbi gener est tuus Cicero? non minus argute ac morsiculate ab illo responsum est, Vbi et socer est Pompei tuus? Eiusdem est generis responsum ab homine redditum uiatore nec agreste, nec illepidum, falsum tamen. Cum enim offenso pede ad lapidem cruis fre-

gisset,

gisset, imploraretq; opem à præcreuntibus, respondissetq; ex illis maior  
 natu quispiam, Deus tibi ipse & opem, & suppetias ferat. Tum ille subdi-  
 dit: Nec Dei, nec coelitus cuiuspiam è numero auxilium peto, hominis tan-  
 tum hâc præcreuntis peto. Vtriusq; autem generis diuersæ admodum sunt  
 species, quippe cū dicta ipsa alia sub increpationis speciem risum moueât,  
 quale Plautinū illud: iste quidem gradus subcretus est cribro pollinario.  
 Itemq;: Vicistis cochleam tarditudine. Alia quæ è difficultate peragenda  
 rei, ac frustratione deliniant auditorem, quale illud: Himbrem in cribrum  
 geras. Aut quæ ex annominatione: ut, Ecquid is homo scitus est? plebi-  
 scitum non æque est scitum. & Hic equus non in arcem, uerum in arcam  
 faciet impetum. Paulus Marchesius Neapolitanus, clari nominis Iuriscon-  
 sultus, cum audiret notum sibi hominem, quiq; breui patrimonium omne  
 dissipasset, ad diuortium ab uxore compelli, quod is (ut erat rei Veneræ in-  
 habilis) post aliquot annos matrimonium nō consummasset: Mirū, inquit,  
 cur matrimonium non consummarit, qui patrimonium tam citò consumpse-  
 rit? Sunt quæ ab probrositate pariant iucunditatem, quale hoc: Noctu in  
 uigiliam quando ibat miles, tum tu ibas simul, conueniebat ne in uaginam  
 tuā machæra militis? Aut à cauillatione: ut, Cistella hic mihi adolescens cuo  
 lauit. In cauca latam oportuit. Aut ab illusione, ut cum ille dixisset: Vox  
 ad aureis aduolauit. tum alter: Næ ego infelix fui, qui non alas interuelli.  
 Volucrem uocem gestito. Interdū ex perplexitate uerborum: ut, Non ex  
 uxore natam uxoris filiā. Alibi ex retorsione maledicti: ut, Væ tibi: hoc te  
 stamento seruitus legat tibi: & retorsit maledictū, & testatorum usus est  
 similitudine ac uerbis. & Eos asinos prædicas uetulos, claudos, quibus  
 subtrita ad femina iam erant ungula: ipsos qui tibi subuectabāt rure uir-  
 gas ulmeas. Nonnunquam ex uerborum nouitate: ut, Quid istæ quæ uesti-  
 quotannis nomina inueniunt noua: tunicam rallam, tunicam spissam, lin-  
 teolum ceficium, indufitam, patagiata, caltbulam, aut croculam suppa-  
 rum, aut subminiam ricam, basilicum, aut exoticum cunatile, aut pluma-  
 tile, cerinum aut gerrinum, gerræ maxime: cani quoque ademptum est  
 nomen, uocant Laconicum. lucundissima sanè tum effictio nominum, tum  
 innouatio muliebrium uestimentorum, ex ore præscrim serui subdoli, ac  
 ueteratoris. Aliquādo ex cautione: ut, Caue sis cū filia mea copulari hanc.  
 diuertunt mores uirginis lōge à lupa. Aut ex concēptu, atq;  
 assernatione: ut, Hæc negat tuam esse ma-  
 trem: ne suat, si non uult, equi-  
 dem hac inuita tamen  
 ex matris filia.

De locis unde ducuntur dicta, ac facetiæ.

Cap. XVII.



Abent igitur ridicularia, quæq; dicta uocantur, ac Facetiæ, locos suos unde deducantur, quemadmodum et argumenta apud Dialecticos: in quibus ostendendis si aliquantum uersabimur (nam ut omnia colligamus esset profectio laboris magis affectati, quam necessarij) uidebitur fortasse non omnino alienum, præsertim cum à maioribus nostris pars hæc non fuerit omnino neglecta. Puer Florentinus et argutus, et perurbanus adductus ante sacerdotem Cardinale iocandi gratia, multa cum facete admodum, nec minus etiam scite dixisset, sacerdosq; ipse ad amicum qui astabat conuersus susurrasset, huiusmodi pueros confuisse ubi ad ætatem peruenissent robustiorem, ingenio subcrassescere. Næ, inquit, o bone Cardinalis, puerulum te oportuit scitum fuisse admodum. Dictum itaq; in se puer in sacerdotem retorfit, magna cum auditorum hilaritate et risu. Est apud Plautum dictum et falsum, et bene argutum: Prodigum te fuisse oportet in adolescentia, quia senecta ætate mendicis malum. Locus hic ipse quidem in ipsa rerum natura constitutus est. Siquidem initio qui sunt prodigi, necesse est eos effusa prodigenter pecunia, tandem egere. Antonius Panhormita, suauis admodum uir, interrogatus ad rem uxoriam iucunde concorderetq; agenda, quibus nam maxime opus esse duceret? sumpto argumento à frequentia molestiarum ac magnitudine, quæ in uita contingerent coniugali: duobus tantum opus esse respondit, uir ut aurium surditate teneretur, uxor uero ut oculis esset capta: ne altera uidelicet inspiceret quæ à marito intemperanter fierent plurima, alter ne audiret obgannientem assiduo domi uxorem. Nicolaus Porcinarius, prætor admodum seuerus, treis cum torfisset eadem de causareos, adductusq; esset quartus ad finem, interrogauit, quo is esset nomine, respondit illico reus, sibi nomen esse Sextodecimo. Demiratus Nicolaus raritatem cum esset nominis, subdidit ille: à re ipsa, rei q; ipsius euentu nomen mihi hoc obtingit prætor: nam cum tres illi quaternatim, hoc est, duodecies funiculo ante me cõtorti sint, nimirum sextadecima mihi tortura sortito obuinit. Quo quidè dicto delectatus ille, à supplicio temperauit. Et facete, et extemporaliter sumptus est iocandi locus ab enumeratione torturarum, quæ posset et animum mouere, et iram temperare. Puella et modesta, et catula, cum ab muliere quadam iracunda atq; annosa non solum anaris, uerum etiam impudentibus incessetur dictis: Quando, inquit (ut uideo) abundas annis mulier, pudorisq; egena es admodum, te hortor, ut huiusce sumas aliquid alicunde mutuum. Locus sumptus à consuetudine eorum, qui cum pecunie egeant, illam

illam sumunt mutuam. Homuntio & dicaculus ipse quidem, & coronis assuetus, ingressus domum, conspicatur uxorem amatori implexam, cuius ex humeris nudata crurcula, pedes autē calceolati dependerent. Tum ille. *ô mea*, inquit, *uxorcula*, ut bene facis, ut rei familiari utiliter consulis, hac enim ratione toto anno ne par quidem calceolorum ipsa conteres, nulliq; rei futura est tibi necessaria sutoris opera. Et huius quidem ioci sedes in utilitate collocata est. Consentinus ciuis, callidus admodum ac uersutus, questus est apud equitum præfectum, surreptam sibi noctu fuisse equam, quam clam quidē præfectus ipse surripi iussisset. Responsum est illi a præfecto, atq; imperatum, ut in ea conquirenda nihil omitteretur diligentiae & operæ: ceterum quo illa clam extra oppidum incognita aliò traduceretur, & freno instrui, & phaleris ornari splendidioribus eam iussit: quæ cum paulum modò extra portam processisset, cœnosumq; incidisset in locū, corrui, resupinato corpore, cognitaq; est a domino, qui illic forte obseruabat. Is itaq; comparatis statim subligaculis, quas (ni fallor) hodie bracas uocant, statim ad præfectum rediens: Ego, inquit, heri & peccatoris personam apud te, & suplicis gessi, hodie uerò & adiutor aduenio, & cōsiliarius: Ecce tibi subligacula, quibus uti post hac tuto poteris ad equas à fortis uindicandas, sexumq; obtegendū. Dicti huius sedē constitutā esse in instrumento, et ornatu parū: doneo quis non uidet, prætorisq; in turpitudine? Ludouicus Gallie rex, Caroli eius pater, qui paucis antè annis regnum Neapolitanum armis occupauit, filiam collocauerat Aureliensi Ludouico: ea cum deformis esset, ac parum uenusta, atq; patre coram forā ma cius à uiro præter modum commendaretur, sensit focer inesse generi uerbis spicula: quæ quo retunderet, ab obliquo gladij aciem obiecit: et hoc, inquit, laudibus istis adijce, uxore tuam pudicissimæ esse matris filiā. Erat enim constans opinio, Aureliensis matrem parū pudice sese habuisse, quippe quæ priore uiro mortuo, familiari eius nupsisset, qui cum uiro illo sese immiscuerat. Meis è tribulibus quispiam abunde comis, cum hospes uociferantem diutius uxorem eius, rixantemq; cum ancillis parum æque ferret, conuersus ipse ad hospitē: Ecqua, inquit, amice impatientia est tua? duos & triginta annos huius clamores diesq; ac noctes æquisime ipse perfero, tu uerò ne deieculæ quidem sextantem ferre eam potes? quo dicto & hospitē leniit, & uxorem ab ira ad risum conuertit. Quæ iocandi occasio ab inculpatione sumpta est, atq; ab exemplo. Diuerterat aliquando familiaris quidam meus peregre iter faciens ad meritoriam, apposita est ei cœna omni è parte holitoria, uinum item dulatissimum, omnia demum administrata parcissime: postquam autē cœnauit, iussit uocari ad se medi-

cum ad mercedē capiendā, igitur caupo cū respondisset: *Ecquid (malum) in uiculo maximē agresti medicum requiris?* Ibi ille, Num ne ô bone, tete ipsum ignoras? quo sit igitur *merces operæ suæ par, medici pretiū accipe, non cauponis, quando ut egrotum me pauiſti in coenula.* Ab irrisione et contemptu deductū est dictum. Eiusdem est generis quod subijcio. Homo Hispanus uasto admodum, nedum procero corpore, prætercuntem nanulum irridebat, conuersus itaq; ad eum nanulus percontatur, quo ipse esset nomine: Cum respondisset, Rodoricillo sibi nomen parentes fecisse: Tum ore quam maximē prompto nanulus: Atqui, inquit, parentes istos tuos maximē omnium mendicos fuisse oportet, qui in tanta nominum copia, in te appellitando tanta inopia laborauerint. Subdiderim et aliud non iniucundum, ex eodem fonte. Diuerterat ad meritoriam Pyrrhiniculus Vasco, atq; appositā mensa anaticulū uersabat in lancibus, perbelle unctū atq; balliatum: ingreditur repente ad illum uiator Hispanus, iniectisq; in anaticulum oculis: Potes, inquit, ô amice aduenientem comiter amicū accipere: Ibi tū Pyrrhiniculus, quo nomine ipse esset, exquirat: Audenter ille, ac iactabundus, Alopantius, inquit, Ausimarchides Hiberoneus Alorcbides: Papè tum Pyrrhiniculus, quatuor ne auicula hæc heroibus, et quidem Hispanis? absit iniuria, ea Pyrrhiniculo satis est uri, minutos enim decent minuta. Idem hic, de quo dixi, familiaris aliquando peregre proficiscens in cubile incidit, ab cimicibus simul, plurimoq; à pulice inſeſsum: Itaq; ubi paulum modo quicuiſſet, excitatus ab illorum aculeatissimis demorſiunculis, euocato caupone, petijt falcem sibi ab eo afferri: Cum ille quam ad rem opus ea esset, percontaretur, qua, inquit, excidam ſenticetum, quod mihi nocte hac excidendum locaſti. Sentes et spinas ad cimices tranſtulit ac pulices, cubile autem ad ſenticetum. Alphonsus Hispaniæ citerioris, itemq; Neapolitanorum rex, uenationi cum esset admodum deditus, percontareturq; Antonium Panbormitam ſciſcitabundus, qui Neapoli essent nobiles uiri uenandi studiosi, si qui item scriptores de natura canū aliquid prodidissent: Næ tu, inquit, rex ad latus habes rerum harum omnium prudentissimū uirū, ne aliunde quærites, quippe qui annos supra quadraginta cū hoc genere animalium sit ita cōuerſatus, ut nocteis quoq; ipsas cū canicula cubitauerit, hic tibi et canū naturas describet, et illorū instituendorū artes: Erat autē is eques Neapolitanus, quē honoris gratia ne nominauerim: Cumq; his dictis subriſiſſet, Antonius indicauit sub caniculæ nomine uxorem illius significari, mulierū omnium clamoſiſſimam, poriter ac rabioſiſſimam. Quod dictum et Alphonsum, et qui circum stabant omnes maximū in riſum, es extemporalitate ipsa prouocauit, ut illic per iocum

ac festiuitatem, enarrata fuerit historia, coniugalis siue uitæ, siue captiuitatis. Obuersabatur ante oculos Ludouico Pontano, sui tēporis Iuriscōsultorū pręstantissimo, litigator mirificē importunus, cui et nasus esset simior, et barba admodum promissa, et hispida. Cū hic igitur Ludouicum salutasset, ac de more percontatus esset, ut ualeret ipse, ac familia: ut salui essent, quos amaret domestici: canes illi duos uenaticos, egregie etiā phaleratos, ac copulatim iunctos dono dedit. Ad ea Ludouicus, et recte ualere suos omnes respondit, et gratias egit de canibus, ac statim ore quā maxime renidenti: Tu uerō, inquit, mi hirquicule, ut pacate, ut salubriter tuo cū grege: qui lupis illū, abductis canibus, incustoditū reliqueris. Vides quā belle, quā urbanē in barbā ac nares iocatus sit, atq; in gregem destitutum. Federicus rex Neapolitanorū usus est magistro epistolarum, utq; hodie dicunt, Secretario Vūho Pisanello: Is erat capillo crispō, qualis Aethiō pibus esse solet. Forte inter Federicum et Prosperum Columnā exercitus eius ducem, sermo inciderat de hominum applicationibus, naturęq; ipsius signis quibusdam, eorumq; obseruatione. Cumq; in referendis illis Federicus dixisset, fieri uix posse, cui crispus erat capillus, quin idem aut musicus esset, aut de prauata ac parum constanti mente. Tum Prosper, per Christum, inquit, ō rex, Vithulus hic quidem tuus haudquaquam musicus est. Argute admodum, atq; aculeate, nanq; ex aduersatione sequebatur, laborare illum mentis infirmitate, ac peruersitate animi. Valentinum scortillum efflicim cum amaretur ab adolescente parum pecunioso, peteretq; ille ab ea noctem, pręsensq; deesset pecunia, ac noctis pretium, de quo fidei sue tamen ut staret rogabat in triduum persoluendo. Tum ea nudato femore, an tibi, inquit, mercimoniū hoc uideatur fidei tantū accredendū? Ibi adolescens, nudato ē uagina sua capulo, confestim subdidit: Num nā mercatori huic fides adhibēda nō est sua? Ioci huius sedes in translatione collocata est à mercatoribus sumpta, innititurq; cōsimilitudini. Rodoricus Carasius (ut sunt pleriq; Valentini ciues tū senes, tū iuuenes amoribus dediti ac delitijs) licet octogenarius iam, exercebat sese ad tibiā: pręteries ante eius fores Rebolleta, homo cū primis suauis ac facetus, Quis, inquit, ō puer hic ad choreas instituitur? Cū respondissent, Rodoricū dare operā choralistio: Næ, inquit, Rodoricus nuntū ab orco accepit, ludos apud manes apparari, ac festos dies. Dicendi ac ridendi argumētū omne ab annositate ductū. Quibus igitur ē locis dicta ipsa deducātur, quibusq; in sedibus collocata sint, ex ijs que dicta sunt, facile est intelligere. Perinde aut ut natura ipsa terrę agrorumq; diuersitatē ingenerat succi ac saporū, sic locorū quoq; positura nunc diſteriorum acumen gignit, nunc falsitatem aut lepō



rem, aliâs autem alius atq; alius tum iucunditatis condimentum, tum iocandi uoluptatem ac delitias, neq; unius quidem aut generis, aut modi. Iam dudum (inquit ille apud Plautum) sputo sanguinem. Refertur ei statim à collocutore: Resinam ex melle Aegyptiam uorato. Item alibi: Dic mihi, solent ne tibi oculi unquam durifieri? Quid? tu locustam esse censes homin ignauissime? Quid his ridiculosius? Quid illo aut lepidius? Is odos demissis pedibus in cœlum uolat: Eum in odorem coenat Iupiter quotidie: Odor demissis pedibus? peccaui insciēs, quia demissis naribus uolui dicere. Quid hoc, quàm est popolare ac simplex: Hæ oues uolunt uos, prodigium hoc quidem est, humana cū nos uoce appellant oues. Contrà quid illo argutius? Quin fles? Pumiceos oculos habes. Et alibi: Genus nostrum semper sicculum fuit. Non ne et illud suauißimum? Hodie me in ludum recepi literarum, ternas scio iam: Quid? ternas? Amo. Et illa quoq; cū primis ad risum alliciunt: Quisquis homo huc uenerit, pugnos edat: Apage, non placet me hoc noctis esse, coenaui modò. Et: Gestiunt pugni mihi: Si in me exerciturus, quæso in parietē ut primū domes. Itē: Amphitryo redire ad naues melius est nos: quæ gratia? quia domi nemo daturus est prandiū adueniētibus. Qui tibi nūc istud in mentē uenit? Quia enim sero aduenimus: Qui? quod Alcmenam ante oculos stare saturam intelligo. Itaq; pro natura locorum unde ducuntur, dictēria ipsa qualitatem sortiuntur, ac saporem. Ipse autem sedes constituta sunt tum in rebus, tū in uerbis. In uerbis, quale hoc: Ut ualentula est, penē me exposuit cubito: Cubitū ergo ire uult. Et: Num medicus quæso es? Imò & depol una litera plusquā medicus. Et: Aduenisti audaciæ columen consutis dolis: Imo consutis tunicis aduenio, non dolis. In rebus, ut: Si neq; hic, neq; Acheronti sum, ubi sum, nusquam gentiū: Itē: Ait se obligasse crui fractum Aesculapio, Apollini autem brachium: Nūc cogito, utrum me dicam ducere medicum, an fabrum? Et, Non placet mihi cœna quæ bilem mouet. Quid quod loci quidam constant ipsi quidem ē rebus ac uerbis unā immistis. Quale est hoc, credo aliū in aliam beluam hominem uortier: Ille in columbam credo leno uortitur, nam in columbari collum haud molto post erit. Pro locis igitur, proq; rebus ac uerbis dicta ipsa succulenta sunt. Hinc alia (ut dictum est) salem habent, alia leporem, alia aut mordicant, aut uellicant, quædam uerò titillant, alia prima fronte risum mouent, alia diutius uersata relinquunt in animo sedationem quasi quædam. Sunt quæ ruborem afferant, quæ contrà animum erigant, aut moueant, aut dehortētur. De quibus singulis uelle minutatim differere, licet superuacaneum uideatur, cum eorum admonuisse satis quidem uideri possit. Tamen si aliquantum, etiam in ijs uersabimur, nec tibi quidem, nec si qui forte

forte alij rerum harum lectores futuri sunt, ingratum fore arbitramur. illud tamen satis liquet, in uerborum concinnitate ac ui plurimum quidem repositum esse siue ad delectandum, molestiasq; lepore tantum ipso sedandas, siue ad uulnerandum, saleq; illinendas plagas siue ad retorquenda iacula, relinquendam ue suspicionem absconditi risus ac ioci, notæ ue pudendæ tum cicatrices inurendas, tum mentis ipsius clam quidem cruciandæ acerrimos morsus, torturasq; grauissimas.

De Valerij Martialis Poëtæ dictis.

Cap. XVIII.



Alerius Martialis artificiosissimus epigrammatum scriptor ita in ijs quidem iocatus est, ut frequentius carpat, q̄ deleat, tametsi è demorsione ipsa delectatio quoque paritur. Adhæc dictis eius partim occultissima quædam insunt spicula, partim uerba quæ nō solum à faceto sint aliena, uerum aut obscena ipsa admodum, scurriliq; aut maxime ampullosa et acida, quod quidem Hispanicum est. Nam etsi Hispani cum primis sunt facetiarum studiosi, tamen si populares respexeris ac plebeios gentis eius homines, inuenies eorum iocos non tam propendere in lulum ac delicias, quàm in submorsiones, magisq; spectare in inuectiuas, et subsannationes, quàm in risum, uoluptatemq; è iucunditate conceptam, quæ in facietis uiris tenerrima quidem est. Sunt tamen dicta eius in uniuersum arguta, subtiliterq; cōquisita, abstrusæ sententiæ, et demq; raræ, salæ, aculeatæ: inuentio uerò maxime acuta, uerba autem præcipuè accommodata, quæq; non prima tantum facie, atque in ipso explicatu lectorem alliciant, atque auditorem, uerum quæ in eius animo relinquunt tacitam quandam quasi subitillationem. Nihilominus in ijs non pauca quidem animaduertas, quæ digna prorsus sint facietis ac tēperatis ciuibus, retineantq; decorum illud, quod uirtutis huius, de qua præcipimus, maxime est proprium. Quale illud, quod et iucundum simul et salsum est, risumq; uenuste pariter atq; honestè mouet, ac uel in ore etiam matronæ non dedecet:

Vnguentum fateor bonum dedisti

Conuiuis here, sed nihil scidisti,

Res salsa est bene olere, et esurire.

Qui non coenat, et ungitur Fabulle,

Hic uere mihi mortuus uidetur.

Est et illud quoq; eiusdem generis in Cæcilianum:

Quicquid ponitur hinc et inde ueris,

- „ Mammæ suminis imbricemq; porci,
- „ Communemq; duobus attagenam,
- „ Mullum dimidium, lupumq; totum,
- „ Murenæq; latius, femurq; pulli,
- „ Stillantemq; alica sua palumbum.
- „ Hæc cam condita sunt madente mappa,
- „ Traduntur puero domum ferenda.
- „ Nos accumbimus otiosa turba.
- „ Vllus si pudor est, reponere coenam.
- „ Cras te Cæciliane non uocaui.

Itemq; & aliud undiq; quidem & suaue, & bellum.

- „ Quod fronte Selium nubila uides Ruste,
- „ Quod ambulator porticum terit serus,
- „ Lugubre quiddam quod tacet piger uultus,
- „ Quod penè terram tangit indecens nasus,
- „ Et dextra pectus pulsât, & comam uellit:
- „ Non ille amici fata luget, aut fratris,
- „ Vterq; natus uiuit, & precor uiuat,
- „ Salua est & uxor, sarcinæq; seruiq;,
- „ Nihil colonus, uillicusq; decoxit,
- „ Moeroris igitur causa quæ est? domi cænat.

Et hoc quoq; quod subdam licet admodum mordax, plenum tamen est uenustatis ac lepôris: quippe quod siue lectum, siue auditum mirificè delectat, exhilaratq; tum legentem, tum etiam qui audit.

- „ Garris in aurem semper omnibus Cinna,
- „ Garris & illud teste quod licet turba,
- „ Rides in aurem, quereris, arguis, ploras.
- „ Cantas in aurem, iudicas, taces, clamas.
- „ Adeò ne penitus sedit hic tibi morbus,
- „ Vt sæpe in aurem Cinna Cæsarem laudes?

Summe autem urbanum hoc, & lepidum.

- „ Spectabat modo solus inter omnes,
- „ Nigris munus Horatius lacrimis,
- „ Cum plebs, & minor ordo, maximusq;
- „ Sancto cum duce candidus sederet.
- „ Toto nix cecidit repente caelo.
- „ Albis spectat Horatius lacrimis.

Profluunt autem hæc dictorum genera fonte ex eo, qui non una quid-

dcm,

dem, et tenui manat scatebra, uerum uberiore quæ decurrat ac præterlabatur riuo: nec paucis dictum ipsum constat uerbis, uerum compluribus. At illud et breue, et mordax, et perquam falsum, obscenum tamen, nec conuentu honestorum uirorum dignum:

Os et labra tibi linguit Manuela catellus,

Non miror, merdas si libet esse cani.

Quod dictum non tam res ipsæ, quam uerba scurrile efficiunt atque degenerosum.

Est et illud eiusdem generis, minus tamen obscenum.

Quod fellas, et aquam potas, nil Lesbica peccas,

Qua tibi parte opus est Lesbica sumis aquam.

At illud neque obscenum, neque honesta hominum confessione indignum.

Formosam faciem nigro me dicamine uelas,

Sed non formoso corpore lædis aquas.

Ipsam crede deam uerbis tibi dicere nostris,

Aut aperi faciem, uel tunicata laua.

Sunt apud eundem Poëtam dicta, et quidem non pauca, quibus sub uelo abscondita insint spicula, eaque peracuta. Quale hoc:

De nullo quæreris, nulli maledicis Apici:

Rumor ait lingue te tamen esse male. Itemque:

Versiculos in me narratur scribere Cinna:

Non scribit cuius carmina nemo legit.

In hoc uerò manifesta apparet, seseque ostentat mordacitas.

Credi uirgine castior pudica,

Et frontis tenere cupis uideri:

Cum sis improbius Massiliæ,

Quam qui compositos metro Tibulli,

In Stelle recitat domo libellos. Et in hoc item:

Nulli Thai negas, sed si te non pudet istud,

Hoc saltem pudeat Thai negari nihil.

Illæ uerò uideri possunt, fortasse etiam iure suo frigida:

Omnis quas habuit Fabiane Liquoris amicas,

Extulit, uxori fiat amica mea. Item:

Millia misisti mihi sex, bisena petenti,

Ut bisena feram, bis duodena petam.

At hoc cum primis ridiculum, tametsi minimè uacuum est obscenitate:

Infantem secum semper tua Bassa Fabulle

Collocat et lusus, deliciasque uocat,

„ Et quod mireris magis, infantaria non est.

„ Ergo quid in causa est? pædere Bassa solet.

Illud uerò prima fronte quanquam est per familiare ac facetum, latet in eo tamen etiam maledicentia, accusatioq; impotentia.

„ Hospes eras nostri, semper Matho Tiburtini,

„ Hoc emis, imposui, rus tibi uendo tuum.

Eiusmodi sunt igitur Martialis dicta, ut pleraq; multū habeant salis: nec minus fellis, atq; ampullosi, proq; loco et iocentur, et delectet: interdum ruborem inducant, magis quam risum: alia uerò que non pruritus tantum exciant, aut titillatum, uerum etiam petulantiam præ se ferant, lususq; parum omnino modestos. Persæpe autem uerecundari ita nescit, ut uel aperte scurreretur: nec solum inuidere sicophantis uideatur ac parasitis, uerum etiam mimis. Adeo autē cuncta hæc complexus est generas, estq; in ijs ita frequens, et multus, ut alijs in eiusmodi iocis ludendi præripuisse uideri uelit materiam. A nobis autem cum mediocritas parte in hac queratur, defugianturq; extrema, alia dictorum tum genera querenda sunt, tum species, quæ facetorum sint omnino propria. Utq; Valerij huius dicta, parte quidem non exigua institutioni huic nostræ parum consentiunt. Sic et Marci Ciceronis quædā etiā explodenda, quippe quæ Oratori magis conueniant ad uictoriam causæ comparandam, quam ad eam animorum relaxationem, quæ à nobis cum honestate ac dignitate queritur, cuiusq; insita est hominibus à natura appetitio. Itaq; quid et quomodo Cicero de ijs sentiat, à nobis prætereundum non est.

Duo esse secundum Ciceronem facetiarum genera. Cap. XIX.



Egitur autem apud eum duo esse genera facetiarum, alterum æquabiliter in omni sermone fusum, alterū peracutum, et breue, illamq; Caullationem à ueteribus appellatam, alteram uerò hanc Dicacitatem, utraq; tamē leuem rem esse quando leue prorsus sit risum mouere. Nihil tamen minus in causis multum persæpe lepore ac facetijs Antonio autore profici. In neutra uerò artem ipsam quippiam habere loci, quando in illo genere perpetuæ festiuitatis ars non desideratur, naturam enim ipsam fingere homines, et creare imitatores, et narratores facetos, et uultu adiuiuare, et uoce, et ipso genere sermonis. In altero uerò nihil prorsus artē habere quod præstet, cū ante illud facete dictū emissum habere deberet, quā cogitari potuisse uideatur, sitq; in celeritate positū ac dicto.

Circa

Circa dicta, facietiasq; inueniendas artem plurimum  
ualere. Cap. XX.



Is igitur in hunc tenorem inter differendum explicatis,  
res ipsa nos hortatur, et ostendere arte in dictis quoq;  
ac facetijs multum habere loci, et exercitationem stu-  
diumq; plurimum in his ualere. Primum enim quod in  
omni actione ac uirtute exigitur, id quoq; inter iocan-  
dum utendisq; facetijs seruandum esse, uti delectus habeatur rerum, loco-  
rum, personarum, auditorum, temporum, fortunæ item, atq; euentuum:  
hæc enim ad retinendam atq; assequendam mediocritatem, cum primis  
exiguntur. Ipsa uero mediocritas non uirtutes solum constituit, quæ mo-  
rales dicuntur, uerum etiam eloquentiam, quæq; Græcè est Rhetorica, ha-  
buitq; tam multos ac maximos autores, et Latine et Græcè. Igitur si  
elocutio quæ constat è uerbis, atq; oratione, in præcepta redacta est, habet-  
urq; de ea ratio, et facetudinis quoq; ratio, habenda est, tradiq; de ea præ-  
cepta possunt: quæ enim in re uersatur ratio, in ea quoq; et instructio lo-  
cum habet. Cum et Oratores ipsi dicant, et lusus iociq; facietorum uocent-  
tur etiam à dicendo dicta: Cumq; eloquenter etiã dicendi siue peritia, siue  
ars, siue doctrina usu comparetur, obseruationeq;: multa; et in litibus  
controversijsq;, et in senatu popularibusq; concionibus exercitatione,  
eaq; maxime frequenti ac meditata. Quo fit, ut facete quoq; dicendi regu-  
la sit aliqua, quemadmodum et bene et maledicendi, hoc est laudandi, et  
uituperandi. Non ne autem si dicta ipsa pleraq; sunt in celeritate posita,  
et ante quidem emittuntur, quàm cogitari potuisse uideantur, nonne in-  
quam contingit et hoc quoq; in orandi exercitatione ac peritia? Princi-  
pia enim hæc ipsa et loquendi Oratorie, et dicendi facete, ac tum riden-  
di, et hilarescendi, tum dolendi ac lacrimandi in natura posita sunt, ab  
eaq; proficiuntur, quibus postea ratio ipsa modum quendam, ac certum  
eum quidem adhibet, ut quod de amore Ouidius inquit:  
Et quæ nunc ratio est, impetus ante fuit.

Etiã ad hæc ipsa transferri recte possit. Nam et leges modum sta-  
tuere funeribus, et ludis simul ac conuiujs, et conclamandis quidem fu-  
neribus præficere præponi consuecere, illis uero tum ludorū rationem qui  
haberent, tum qui essent conuiuendi periti. Quin conuicia, obiurgia, con-  
tentionesq; immoderate, quædam mulclis, quædam supplicijs coercen-  
tur: famosis quoq; de libellis leges sunt editæ, ac plebeis citæ. Igitur et in  
facetudine utenda, dictisq; temperandis modus quoq; si repertus est, an id  
profecto mirum: an et de dictarijs, ridicularijsq; ac iocis præcepta tradi

nullo modo poterunt! neq; ulla erit eorum tradendorum siue ars, siue doctrina, quæ mediocritatem et doceat, et ostendat, quæ ea sit uia et assequenda, et retinenda? ut si principia sunt nature, modus tamen ac mensura ratione temperetur, atq; institutione. Nam et pedum incessus civili quidem homine dignus regulam suam habet, est et sua quoq; gestus temperatio ac lex. Erit igitur et iocandi suus, atq; ingenuo homine dignus modus, ac temperamentum. Nam si facetudo uirtus est quædam, eaq; mediocritas, ut probatum iam est, ea ut institutione constet ac præceptis necesse est. Cum præsertim nos nequaquam Oratoriam queramus urbanitatem, uerum moralem, quæq; ad animorū refocillationem conducatur, eamq; honestam ac laudabilem. Natura quoq; nos docet uti argumentationibus, quarū tamen permulta extant præcepta. Est q; illarum siue ars, siue doctrina, atq; cruditio et magistra, et iudex illa, quæ λογική dicitur, nostro autem nomine tum discernendi ratio, tum disertitia. Ipsorum autem argumentorum ut sunt sedes, quæ dicuntur loca, eaq; cognitio appellatur tum Localis, ac de locis, tum Topica, Græca appellatione. Sic etiam dictorū, ac facetiarum propriæ sedes sunt: eaq; admodum certæ, quas si (præterea quæ dicta sunt) diligentius peruestigauerimus, inq; formam etsi non absolutā, aliquā tamen redegerimus, non pigebit huius siue laboris, siue studiū. Nam et futuros uaticinamur, qui de ijs sint subtilius, atque enucleatius disserturi.

Aliter Oratoribus, ac Comicis, aliter ingenuis ciuibz facetiarum locos querendos esse. Cap. XXI.



Taq; nec ut Martiali, aut Plauto, nec ut Ciceroni querenda nobis sunt facetiæ, siue earum loci, et quasi regiones. Mediocritatem enim querimus, quæ habitum faceti constituit, non quo aut spectatoribus risum moueamus, aut aucupemur plausum, carminisq; commendatione, aut quo iudices capiamus, ac lepore, facetijsq; in nostram trahamus sententiam, uerum quo urbane ac festiue relaxemus animos. Inuenta enim et constituta sunt concilia, conuentus, circuli, ac coronæ tum ad utilitatē et communē, et priuatam, tum etiā ad iucunditatem, relaxandosq; ab labore, ac curis animos. Tamen si loci ipsi sunt communes, et, quod Cicero dicit, quibus ē locis ridicula ducuntur, ex ijsdem graues possunt duci sententiæ: idem nos quoq; sentimus, posse deduci quoq; et quæ dicta in spurcitiā delabuntur, atq; sciorritatem, et quæ in leporem, atq; urbanitatē. Alteri enim loci et rebus, et uerbis modum statuunt, alteri in risum propendunt.



pendent atq; scurrilitatem. Modus igitur his accedere potest ac ratio, quo scurrilitas omnis absit iocantibus. Quod officiū delectus est propriū tum in rebus, tum in uerbis. Vtrum obscenitas plerumq; est in uerbis, scurrilitas in utrisq; potius: si quidem scurrile habetur, quem minimē debeas eum dictis laceffere. Quando (ut est apud Ciceronem) quæ cadere possunt in quos nolis, quamuis sint bella, sunt tamen ipso genere scurrilia. Nimis igitur false dicta, aculeataq; atq; in quos minimē conueniat, scurrilia et ipsa sunt. Possunt tamen et faceti homines in confessionibus, coronisq; ut qui referant quidem dicta, emissaq; ab alijs, non ut qui ex sese dicant, ingerantq; in quempiam, quandoq; et mordacia afferre in cœtū, quasi ea in memoriam reducant, idq; exempli gratia, non tamen mordaciter, scurriliaq; minimē scurriliter: scilicet ut uerbis parcatur, et gestibus. Quod in referendis fabellis præcipue usu uenit, ut quæ in illis insint turpia, explicentur nō turpiter, interdū uerò innuantur, potius q̄ dicantur.

Diuisio in Locos, Dicta, Ridicula, Fabellas. Cap. XXII.



Væ quo expressius à nobis ostendantur, ea particimur in locos, in Dicta, in Ridicula, ac Fabellas. Totum autem ipsum genus est iocari. Ioca uerò et dictis constant, et ridiculis, et fabellis: ac dicta quidē alia lepida, alia salsa sunt, alia et salsa simul et lepida, alia obscena, dicacia, caq; non unius generis, alia breuia, atq; ex uno tantum uerbo, alia è pluribus constituta: Sunt contra inepta quædam, insulsa, fatua, illepidi, frigida, itaq; multimoda ipsa quidem sunt. Ridicula quoq; non unius sunt naturæ, alia enim faceta sunt, alia uerò minimē. Itaq; species hæc indagationi huic nostræ minus congruit, quippe qui relaxationē queramus, quæ facetudinis est alumna. Fabellæ iucundissimæ ipsæ sunt, atq; ad omne facetiarum genus accommodatæ, locisq; omnibus congruunt, si non fortasse temporibus, quanquam et temporibus et item personis, si delectus accesserit: Quarum duplex est genus, unum quod sumptum est à mutis animalibus in exemplum, quales Aesopicae fere sunt fabulae, et earum similes: aut à rebus minimē sentientibus, ut ab herbis, arboribus, lapidibus, ut quæ in senatum Romanum introducta fuit contentio uentris aduersum cætera corporis membra, ut quæ de Phocionæ refertur aduersus exactores pecuniæ uiriliū conferendæ, ad sacros quosdam ludos Athenis publicè institutos. Alterum, quod siue fictum, siue uerum, uel ut uetus tamen uersatur in ore hominum, uel ut nouum refertur. His (ni fortè displicuerit) addam quas anileis dicunt fabulas,

quales sunt quæ narrantur ad cunas, atq; infantulorum uigilias: nam & hæc quoq; ubi res ipsa tulcrit, afferre iucunditatem possunt. Ponēda quoque uidentur in hoc ipso genere fabellarum, carmina, & quæ amatoria sunt, & quæ siue ludunt ad citharam, aut tibia, siue ad uirtutem hortantur, afferunt enim quoquo modo delectationem auditoribus. Nam quid dicendum est de explicationibus historiarum? Quæ enim e're maior uoluptas afferri honestè potest, quàm e' relatione rerum gestarum? Itaque persepe etiã seria relaxationem in consensibus inducūt & laborū, & curarū. Sed hoc fortasse ad facetudinē minimè spectauerit, etiã si spectet ad recreationē. De quibus ipsis deinceps quidem dicemus, etiã exēplis propositis.

P I N I S.

IOANNIS IOVIANI PONTANI  
DE SERMONE LIB. IIII.



**I**OCUM igitur suapte natura iucunditatem pariunt, ab eadem enim ducuntur uoce, sunt enim à iuando detractis literis. Hi ubi hilariusculi fuerint, remissiores tamen, & curas sedant, & animos tranquillant: itaq; astantes afficiunt suauitate, lepiditate, & ea quæ proprie tum iucunditas dicitur, tum hilaritudo uocata est. Vbi uerò uehementiores fuerint, excitant etiam risum, qui aliàs ad hilaritatem quidem tantū spectat, meramq; animi refocillationem, aliàs ad irrisionem, atq; contemptum. Irrisio uerò ac despicientia oriuntur tum à turpitudine aliqua, deformitateq; morum, corporis, discipline, habitus, consuetudinis, aut facti dictiue cuiuspiam, ac tum patriæ, tum maiorum, cognatorum, affinium, amicorū, sodalium: nam quod & indignationem quandoq; ac perturbationes etiam intemperatiores afferre soleant, facetudini ac relaxationi uidetur omnino contrarium, aliàs ab ineptitudine, insulsiitate, frigiditate, defectū ingenerant. Quod autem hæc ipsa ioca dictis constant, uersantur enim in uerbis ac rebus, hinc dicta ipsa aliàs breuia sunt, atq; unius interdum uerbi, aliàs fusæ, uerborum plurimorum, magisq; continuum in tractum ducta, quæq; nec risum ubique moucant, tum quia sæpenumero e' cōtrario pariūt admirationem, tum quia nec res, nec uerba eiusmodi sunt uirū, nec qui dicit idoneus est ad risum excitandū. Quod autem colloctiones, congressusq; ipsi nostri cōstant allocutoribus ac responsoribus, ipsaq; allocutiones plerun-  
que

que sunt ab initio ignotæ, iccirco partes respondentis, quod extemporales sunt, dum arguta sint responsa, appareantq; repentina, et improvisa, pariunt etiam cum iucunditate admirationem ac laudem, dictisq; ipsis addunt plurimum gratiæ ac lepôris. Inductiones uerò fabellarum atq; relationes, quod ijs natura delectetur, mirificæ etiam sedant animum, et tanquam defatigatum, sordentemq; sudore in balneis lauant, deterguntq; lauatum. Est enim magna in illis uis ad quamcunque persuasionem, actionemq; nedium ad relaxationem, sedandasq; ad molestias ac curas. Quod igitur in natura soli ac terrarū usuuenit, alia ut alibi et nascantur, et coalescant, idem in dictis quoq; contingit ac ridiculis, ut diuersis è locis diuersa deducantur siue dicta, siue ridicula. Quo fit, ut quoties naturæ regionum sint cognitæ, sedesq; è quibus deducuntur facetiæ, materia ipsa præbita sit, ac subministrata etiam affatim iocari uolentibus. Itaq; nec natura deerit arte, nec ingenium ab arte destituetur, atque obseruatione. Obseruatio enim pedetētim in præcepta redigitur, ars autem præceptis cōstat. Quæ si quibusdam in rebus ad summum, atq; absolutum non peruenit, nec penitus cōsummata est, quod aut ipsarum rerū infinitas quædam est, aut quod tum negligentia est in causa, tum rerum difficultas, tum etiam quia peruenisse ad aliquam cognitionem satis quidem uideatur. Et mouendi quidem risus peritia leuior uideatur, perq; satis sit Oratori, quia orator, et urbano homini, quia ciuis est, ex hac ipsa obseruatione tantum esse consecuto, ut et mouere ex se pro loco ac tempore risum queat, et animorum resocillationem parere hac ipsa uia, quam facetiæ munierint ac lepôres, solersq; iocandi cognitio, non quæ Oratoris sit propria, sed faceti, quæ de re libro hoc ipsi differimus.

Artem naturæ coniunctam, plurimum ualere ad  
facetudinem. Cap. I.



Is itaq; hunc in modum explicatis, sensim quidem, atq; exemplis propositis ostendamus artem naturæ coniunctam id præstare, ut quod turpe est suapte natura atq; obscenum, id dicatur nec turpiter, nec obscene, quod artis esse quis neget? Perinde enim ut sterilibus in arboribus insitionis arte utuntur agricolæ, quo secūdas illas, atq; hortenseis efficiant è syluaticis, sic faceti homines arte adhibita ac translationibus usi, rem naturaliter turpem dictis honestant, et quod ipsum per se obscenum est, in lepidum uertunt ac facetū. Id autem est huiusmodi. Reguli cuiusdā aula inquinabatur nefandis puerorum amoribus, atq; huiusce generis libidine:

Forte igitur ex aulicis quispiam aestiuo tempore in cubiculo quiescebat, sub meridie spirantibus Zephyris, quorū afflatu quibus ille intectus erat lintheolis detegebatur pudēdas ad partes corporis. Forte igitur ea prateriens Rodoricus Hispalensis, uir et suavis, et qui aulicorū mores notos haberet, cum animaduerneret cucurbitulam quasi quandam pendere ad illius rami ces, mirum ne, inquit, uideatur, grandiusculā eam esse, quā in sterquilinio coaluerit? Videtis ne, ars ingenio comitata quid prastiterit? Adhibita enim translatione uirilis membri in cucurbitulam, primo uertum honestauit, deinde rem turpem honestis uocibus et expressit, et accusauit, eadem translatione usus: Cucurbita enim fimo saturata mirifice grādescit. Quo etiam uerborum honestamento turpem illius usum in re Venerea expressit, et ridiculum fecit. Hæc igitur artis sunt, quæ in hac ipsa parte locum quoque suum obtinent, si qui facetijs dāt operam, artis ipsius obliuisci noluerint. Nam si facetudo mediocritas quædam est, sine arte, id est, absque prudentia et artificio, perueniri ad illā nequit. Idem hic Rodoricus cum uidisset ingrediētem Florentinum hominem in regis atrium, in quo pueri regij sese exercebant ad pilam: Mæste, inquit, fide, ac mercatura uir, arcem hāc ingressus, ad eius portam credo pugiunculum de more reliqueris: et atrium ingressurus, ne legem quoque atrij ignores: ante eius hostium et tentigo tibi relinquenda est. An potuit honestius et turpitudinem indicare, et ludere cum mercatore pudentius? Hæc igitur ipsa (ut dixi) artis sunt, quæ plurimum apud ingenicum hominem ad consequendam retinendam que mediocritatem est præstitura. Artis quoque ipsius est et inuenire, et considerare, locis è quibus dicta ipsa, ridiculaque deducantur. In priori igitur dicto locus præbitus est à translatione, in secundo à rei similitudine, quemadmodum et hoc quod subiicio. Pepererat infantulum Paschasij De cij nurus arcis Neapolitanæ præfecti, utique de more est, et congratulatum unā, et uisitatum accesserat idem de quo dictum est Rodoricus: Itaque ingressus ipse cubiculum, in quo cōquiescebat puerpera, comperit hinc Paschasium confectum senio, innisum baculo, ac languescentem: illinc è familiaribus quempiā, perinde ac bouem nimia de obesitate iacentem in strinio, itemque alterum eo ingenio præditū, parū qui ab asello iudicaretur differre. Progressus igitur ad cubile, ubi infantulus uagiebat, pedes exosculatus est eius: cōuersusque ad astantes: an, inquit, præsepe ingressus, in quo et asinus et bos recumberet, seniorque unā Iosephus, non et ipse ad CHRITSI pedes exosculandos progrederer? Potuit ne ars ingenioso suffragata homini cōmodiore uti, atque appositore similitudine? ut quæ ridicula non esset res, illam ex arte maximè ridiculam efficere. Est apud Plautū ex ore et pudicæ,

et permolestæ mulieris dictū, eadem est trāslatione atq; officina haustum: quod etiā supra posui in re quidem uxoria, quæ suapte natura perpudenda quidem dictū est: Fundum alienum arat, familiarem incultum deserit. Quod etsi risum non mouerit, ostendit tamen ars ipsa quid ualeat. Habemus igitur locos duos maximè nobiles, et translationis, et similitudinis: qui satis quidem aperte uel confirmare possunt, uel testificari prætorio etiam in iudicio, artem quoque uel maximum in his locum sibi uendicare posse: ni hominum defuerit industria, laborq; ille pertinax, rerū omnium expugnator. Quocirca locos etiā alios percenseamus, qui admonere nos et artis possunt, et obseruationis, quæ artem ipsam cōstituire est solita.

De inueniendis dictorum ac ridiculorum locis.

Cap. II.



Voniā autem quos locos appellamus, ij sedes dictorum sunt ac ridiculorum, è quibus ioci ac si ibidem lateant, extrudendi sunt: ad alias iam regiones proficiscamur, quo palām fiat artem quoq; in illis non parum ualere. Sedentibus nobis pro foribus nostris, differētibusq; his ipsis de rebus, facti sunt obuiam inter se agrestes duo, alter albenti pilleo, coq; grandiore intectus caput, alter nudatis pedibus ac plantis: Atque hic quidem è uestigio uerbis in illuminatus: Quanti, inquit, fungulus iste? pil leum uidelicet irridens. Ille sublato statim supercilio, conuersis mox ad pedes eius oculis, respondit: Quanti calceoli tui, ac denariolo pluris. Statim omnes in risum conuersi sumus. Igitur alter à pilleo admonitus est, exci tusq; à natura, eaque duce tantum: alter etiam ab arte adiutus quæ illum admonuit pedum excalciatorum. Itaque locus laceffentis uidetur à uestitu oblatu, respondentis ab arte representatus atq; ab opposito. Alter enim erat intecto capite atq; à superiore corporis parte: alter nudatis pedibus, quæ pars inferior est corporis. Non rideas modò, uerum etiam dirūpare, cum apud Plautū, dicentem illū audias in Trinumo: Pol hic quidē fungino est genere, capite se totū tegit. Eodem tempore cum staret forte nobis è regione sutor senex, et quidem sordidus admodū senex, cui ad nasum pende bat pituita grādiuscula quidē ac pellucida: pr æterit̃s homullus dicaculus, et ipse, pannis tamen, atq; annis obsitus, ut ille inquit apud Terentiū, iocā diq; opportunitatem nactus. Perpulchrū, inquit, adamanta et pretiosum. Tum alter: Et anulo tuo dignum. Tali igitur, tamq; inexpectato responso ars ne an natura, an simul iunctæ iocari urbanus potuerint, nesciā. Ille enim iocatus est, sumpta occasione senilis ab ætate, quæ pituitosa est: hic uerò ab eo quod amantes includi anulis sint soliti. Sumpsit urbanissimè Plautus

etiam alibi locandi opportunitatem à tempore: nam cum dixisset scriuus apud lenam de amatore, quem tibi hospitale fuit: tum lena, mortuus est, inquit, qui fuit: qui est, uiuus est. locabantur aliquando uel rixabantur potius ex ijs duo, quos maiores nostri appellitabāt nebulones, & alteri quidē Asello factum est nomen, quod ob linguae intemperantiam, & pugnis sepe cōtus, et uerberibus ac fustibus oneratus, perinde ac asinus esset, alteri uerò Ventritio, quod patrimonium penè omne pitissando componendūq; in uentrem congeisset. Prior igitur Ventritius inter conuitiandū: Quantum ō amice Aselle (paulo enim antè & pugnis cesus, & quer nīs etiam fustibus percussus fuerat) quantum inquam aris inest tibi in crumena, uectura ex hodierna? Ad quæ confestim Asellus: Quantum tibi in uentriculū influxit uilli hesternae uindemia? Itaq; eiusmodi siue dicta, siue ridicula & multū habent fellis, & maxime appposita sunt ad mouendum risum, plurimumq; in ijs pollet natura, tametsi nominum tum interpretatio, tum formatio uidetur ad artem profus referenda. À diuerso quoq; sensu eorum quæ dicuntur, ioci et quidem maxime ridiculares depromuntur: ut cum ille inquit in Menecmis: Magna cum cura illum curari uolo: Tum medicus: Quin suspirabo prius sexcentum dies, ita ego illum cum cura magna curabo: ille diligentia curationis exigit, hic medici personam sustinens, quod ægre admonitionem ferret, quodq; cura molestiam quoq; animiq; afflictionem significat, suspiraturum se se obtulit, suspiria enim exagitati, ac parum quiescentis, animi sunt signa. Fortè uiator Florentinus, ut uentricosus admodum, sic etiam perquam falsus: cū per urbem Senas iter faciens porta exiret, quæ Romam ducit, ac sublato palliolo popam ostentaret & prægrandem, & tumidam, atq; ibi tum quispiam è portæ custodibus per iocam ac risum dixisset: Sapit homullus hic, qui neutiq; ponē, sed præ se maucicā sibi apposuit. Tum ille ore quammaximè renidenti: An tu, inquit, aliter per latronum fines ac sicariorum securus rebus cū tuis incesseris? Quid autem mage lepidum aut falsum magis? locandi autem locus in dicto priori subministratus est à corporis siue habitu, siue deformitate. In posteriori à morum turpitudine, ac rapiendi impotentia & studio. Adminiculata uerò est in posteriori plurimum quidē ars, quæ illi suggerit ea quæ cernantur oculis diligentius custodiri ac cau- tius. Nam quod tuamur nos nostraq; naturali quidē inest à studio, quo nam autem modo, quaq; fiat uia, id artis potius est. Nobis adolescentulis, cū Italiæ res maxime flourerent, uigeretq; rei bellicæ honos Italicos apud duces, multiq; ob strenuitatem ac rei militaris disciplinam haberentur in pretio, in ijsq; Antonellus esset Forolinienfis, qui tamen mercennariam

exerceret militiā, singulisq; penē annis conductorem mutaret, atq; ante finitum prius stipendium ad alium transfiret conductorem, commendareturq; in senatu Florentino, quod sagax admodum esset, impiger, manu promptus, perq; laboriosus: tum Cosmus, et quod maximū in eo est, subdidit, etiam antelucanus. Hoc dictum ab arte totum profectum est, atq; a transfugiorū illius obseruatione, peperit autem risum, quia tanquam obliquo ē loco atq; ex insidijs repente proruperit. Referre erat mihi solitus inter confabulandum Erricus Pudericus, senex maximi usus, summæq; iucunditatis, Neopolitanum ciuem, cuius ipse nomen ob familie respectū, ac liberorum obticebat: nā propudiosus erat, morboq; laborabat infami, conuenisse Genuensi cum mercatore, ac præfinisse rei frumentariæ summam quandam, certam ad diem Neopolitanum in littus comportandam. Itaq; in prætoris conspectu cum ab actorum magistro pacta ipsa conuentionesq; de ritu adnotarentur prætorij, ex ijs qui tum aderant testibus inclamasse quempiam quasi ē loco quodam abdito: Nec licere, nec fas esse uxores absq; uirorum consensu quippiam omnino transigere, quod eæ sui iuris non essent. Dictum sanē non mordax modō, summeq; aculeatum, uerū illi ipsi in quem inferretur, mirifice crubescendum: quippe qui palam propudij notaretur, morbiq; perpudescendi. Locandi locum hunc ars ipsa magis quam natura sibi adinuenit, ex lege sumptum, constitutisq; ē ciuilibus. In eundem quoq; hunc ab matrona perurbana dictū extat generis eiusdem, quæ ab illo uocata in iudicium, cum prætore coram ipsa sisteret. Quid mirum, inquit, bone prætor, aut præter consuetum homo hic facit, si scemellā me eijcere paterno ex agello studet, qui mulieres penē omnes munere iam eiecerit suo, bellumq; ijs indixerit? Omnino igitur nota hæc à morum turpitudine inusta est, atq; ab infamia usquequaq; abominanda, ad artemq; prorsus referenda, cum abominandum scelus mulier honestis quo ad potuit uerbis innuerit, quibusdamq; quasi signis, qua significatione rem tueri suam nitebatur, cum oppressam se ac circumuentam intelligeret. Marinus Branchatius, eques Neapolitanus, quiq; propter dicacitatem et multus esset, et inuictor acerrimus aduersum literatos homines: prædente aliquando Ferdinando rege, cuius mensam assiduus inodorabatur, craterculus ei cum esset oblatus uernacij quam suauissimi, illumq; et ipse labellatim hausisset, interrogatus ab rege, qua nā Bacchus is locutus esset lingua? respondit, oppido quā literata, uinum ex eo commendans. Tum compotor ibidem qui aderat: Quid tu, inquit, Marine tantum literis impartire, aduersum literatos ipsos qui tam impotenter, atq; assiduus inueharis? Cumq; ē uestigio illi responsum esset ab nō insulso ho-



mine, inter pares, eiusdemq; rei studiosos plerunq; odium uerti atq; inimicitias: ibi tum adolescens apprime ingenuus, quiq; uiolentiâ eius nosset: Nec ad rem, inquit, ista faciunt, nec sunt necessaria, cum hos inter literatos nullus profecto sit Marino aut similis, aut par. Primum dictum à genere oblatum est, ab ipsis uidelicet literis. Secundum dictum illatum est, siue ab eodem genere ductum, siue à specie. Tertium autē uniuersa complexum est, cū primas ei concederet inter literatos, hoc est, uinosos. Quid his dicas artificiosius? De eodem quoq; sic refertur: Occupata Campania ab Carolo octauo Gallorum rege: cum Alphonsus minor, Neapolitanorū rex, cum Ferdinando filio, ac Federico fratre in Siciliam ob metum tam uiolenti exercitus traiecisset, nec Marinus eos comitatus iam esset: miratus hoc quippiam, ac sciscitabundus queritabat, quēnam huius esset rei causa? Tum adolescens eadem ex aula, argutus ille quidem atq; admodum lepidus: An non, inquit, is est Marini usus, ea in potādo, atq; in conuiuendo exercitatio, ea etiam uis ac peritia comessandi, ut Gallicas reformidare debeat lagenas? aut gentis eius lancibus terga uertere? Perbelle dictum, nedum falsē. Sedes autē ipsa iocandi, et quasi argumentatiuncula posita est in usu atq; peritia, quando in artificio quocunq; autore etiam Aristotele, peritissimo eius cuiq; adhibenda fides est, atq; autoritas tribuenda. Sunt multa quoq; uerba, duos sensus, ut Quintilianus quoq; inquit, significantia quæ et amplum, et patentem præbere possunt iocantibus campum, in quo et ars non exiguū ius exercet, maxime in respondēdo. Si quidem prolato uerbo, ingenioq; lacesito et prouocato, statim ars conuertit sese ad implorandū auxiliū ab altero quidē uerbi ipsius sensu, ut cū Mercurius dixisset, apud Plautū: Malam à me sibi rem arcescit iumento suo: con-

festim Sosia subdidit: Non enim ullum habeo iumentū. Itaq; dupliciter sensus, arte iuuante, iocandi locū ei præbuit: Cumq; alibi dixisset: Geminū dū queris, gemes, ipsa literarū ac syllabarū similitudo, et quasi collusio iocandi locum exhibuit. Atq; in huiusmodi præcipue uocibus prima quidē occurssio tota est naturæ, secunda uerò ad artē potius referenda. Eius enim est et deducere uoces, et querere earū structurā, et comparare eas, atq; inflectere, quam Alliterationem alibi uocauimus, cum de Poëtarū numeris præcepta traderemus. Ea quoq; quæ insunt à natura, ac dicuntur propria, ut passū querere, ut prole appetere, ut hīnnire, ac mugire, atq; eiusmodi alia iocantes mirificē adiuant, ut cum ludens apud Plautum seruus dixisset: Boues bini hic sunt in crumena, alterius serui è uestigio menti occurrit, colludere et ipsum posse ab pascēdi cupiditate, quæ à natura bubus inest. Itaq; iocabundus subdidit: Emitte fodes (ne famēs enecet) inire passum:

stum. Quis autē neget artis hoc esse, tametsi natura repugnante ars ipsa parū per se omnino in multis potest. Ambigua quoq; quæq; aliā interpretationē recipiunt, maxime exposita sunt iocantibus, ut cum seruus apud Plautū et grauius et gratulanter domino dixisset : Gaudeo tibi mea opera liberorum esse amplius : filium enim herilem in infantia amissum recuperauerat, illico nactus herus iocandi opportunitatem, respondit iocundus : Etenim nō placet, nihil moror, aliena mihi opera fieri plureis liberis. Quod enim ille dixerat gratulatus, sua quod opera atq; industria filiū inuenisset, in alium ac libidinosum sensum interpretatus herus, ioco materiā præbuit. Contraria quoq; inter se et ipsa occasionem iocis præbent, ut in Amphitryone cum dixisset Mercurius : Dextera uox aures (ut uidetur uerberat, ex aduerso contulit Sosia : Metuo uocis ne uice hodie hic uapulē. Et uerbero enim et uaspulo inuicem cōtraria sunt, perinde ut ago et patior. Datur etiam iocis locus ab interpretatione scripti, cum illud est ambiguum, etiā Cicerone exēplū afferente, in altercatione Scauri ac Rutilij de ambitu, cū in eius tabulis ostenderētur hæ quatuor literæ A. P. P. R. et Scaurus interpretaretur, actū fide publica Rutilij : Rutilius autem, ante factū, post relatū, ibi C. Caniū equitē Romanū, qui Rutilio aderat exclamasse, uerū illarū literarū sensum esse, hunc salicet, Acmilij fecit, plebitur Rutilius : quod dictū acutū esse uult Cicero, et concinnū. Nō caruit igitur nec magistro, nec arte huiusmodi interpretatio : cōsueuerit duci etiā ab admonitionibus, ac cōsilijs dicta admodū etiā faceta, quale Graniū illud apud Ciceronē : Cū malo patrono, qui uocē in dicendo obtudisset, nullum frigidū bibendū cōsuleret, illeq; si id fecero, perdā uocē, respondisset : tum Canius, melius, inquit, quā reos. Datur etiā iocandi locus à consentaneis moribus, cuius exēplū extat etiā apud Ciceronē. Cū enim Scaurus nōnulla laboraret inuidia, quod sine testamento Pompeij cuiusdā locupletis hominis bona possideret, funusq; quoddam duceretur : tum C. Memius dixisse fertur et acute, et perbelle : Quin uides o Scaure, mortuus enim rapitur, si potes esse possessor? Ducuntur etiā ioci et falsi, et belli admodū ab resposore in eo ipso genere, quo usus est quis prior, utq; Ciceroniano utamur exēplo : Adolescentulus Q. Aquilius male de se audiuit, is grandior iam, et consularis, factus obuiam festiuo homini Aegilio, qui uidebatur mollior, quamuis nec esset, muliebri usus est nomine, quo illū uellicaret : Quando, inquit, Aegilia ad me ueneris, cū tua colu et lana? reddidit statim Aegilius, uel retorfit potius : Nō pol, inquit, audeo, nam me ad famosas uetuit mater accedere. Quid magis artificiosum, q̄ telū idem retorquere? et ex codē genere dictū eiusdē fellis reiaculari, ac re percutere? Est et hoc generis eiusdē.

Neapolitanus quidam ciuis & ipse male de se quoque audiebat: sub uestpe-  
rum itaq; ad fores eius accessit iuuenis & ipse propudiosus, nec satis bene  
de se audiens, cumq; clausas illas inueniret, & esse illum intus intelligeret:  
accommodata uocula maxime mollem in modum, atq; ad rimulas: O mea di-  
xit Iacoba, cur non tete mihi cupientissimo ad fores exhibes? tum ille eodem  
uocis usus lenocinio: Quia suas tete ad fores paratissimus expectat Am-  
brosius. Manant & a re non expectata, & ab eo quod est ex non sperato,  
non illepide, neque non admodum belle dicta, ac diuersis quidem modis,  
præcipue autem à nominis aut uerbi uel deriuatione, uel definitione: ut cū  
in senatu ageretur de agris publicis, deq; lege Thoria, & premeretur Lu-  
cilius ab ijs, qui à pecore eius depasci agros publicos, & de lege diceret:  
Non est, inquit, Appius Lucilij pecus illud, erratis, liberum enim esse puto,  
quod qua libet pascitur. Est eiusdem generis nec minore quidem gratia,  
Charitei dictū non incelebre. Cum enim Neapoli iactaretur nummus bel-  
li tēpore adulterata materia, querereturq; ē notis eius quispiā, quod ne-  
sciret iam quid haberet: Tum ille uultu quammaxime ad iocum accommo-  
dato: Est, inquit, dijs immortalibus, quod gratias agam, gratulerq; amici-  
tiæ nostræ, tandem enim hominem inueni, & amicum quidem hominem,  
& uere diuitem, quando diuitis est hominis nescire quid habeat. Habet  
quoque concessio & locum, & lepōrem suum. Id autem est, quod Cicero  
inquit, ut facete concedas aduersario id ipsum, quod tibi ille detraxit, qua-  
le illud Cælij: Cum enim ei quidam malo genere natus diceret, indignum  
esse suis maioribus: At hercule, respondit, tu tuis dignus. Simile est familia-  
ris nostri, COLOTII BASSI, uiri admodum iucundi. Cum enim  
per iocum obijceretur ab amico, quod nimia uentris eius esset parsimonia:  
Gratulor liberalitati tuæ respondit, quod plura multo des ipse, quā ac-  
cipias. Laborabat enim ille sæpiissime uētris profluuiō. Ingeniosa sunt hæc  
omnia non minus tamen artificiosa, singulæque locos habent suos ē quibus  
defluunt. Et peracuta sunt, & perquam concinna, quæ ex collatione per-  
sonarum deducuntur. Deperibat adolescentulus honesto loco natus puel-  
lam nobilitate summa, excellentique & forma, & pudicitia. Cumq; inter  
preces ac blanditias respondisset illa: Scito te Lucretiam inuenisse, hic ille:  
Experire te & Traquinium comperisse. Prouerbia quoque dictorum in  
usum adducuntur, habentq; uim ridiculi. Familiaris noster Marinus To-  
macellus functus est complureis annos summa cum laude munere orato-  
rio sub Ferdinādo rege Neapolitanorum: Cumq; satis longo pōst tempo-  
re, quā promissum ei fuisset ab Antonello epistolarum magistro satis es-  
set factum, gratulabundus mihi per epistolam respōdit: Bene habet, ele-  
phantia

phanti partum uidinus. Cumq; aliquando compertum habuisset Paschasium Decium, questorem regium, secum egisse liberaliter in salario persoluendo, erat enim Paschasius maxime attenuatus, ad me rescripsit: Optime etiam est, scenicem iam uidimus. Ab commemoratione etiam uersus cuiuspiam celebris Poetaeq; maxime noti manant facitiae et argutiae, et gratiae. Confederant mecum meis proforibus idem hic Marinus et Petrus Compater, homo iucundissimus, magna senectute, tres cano capite omnes, nullis dentibus, multis tamen, ac prope tercentenis annis. Praetereans igitur adolescentulus demiratus cum esset treis annos uetulus, albenibus capillis, maxime hilari uultu, et iocari cum praetereuntibus, et arridre salutantibus: hic Marinus in ipsa illa adolescentis admiratione tanto cum lepoë Virgilianum effudit illud:

*Tercentum niuci tondent dumeta iuueni.*

Vt risum non tenuerint, senem qui audierunt, eo in confesso, tam opportune, adeo praeter expectationem ac perquam concinne modulantem. Isq; confestim risus ingeminatus est, nam derisui cum haberetur a nobis, qui praeteribat iuuenis, obeso corpore, obesiori ingenio, maxime obesior moribus, tum a festiui sano, et perquam concinno iuvene Petro Summontio et festiue admodum, et peruenuste iniectum est Virgilianum aliud, quamquam dimidiatum e Georgicis:

*Longamq; trahens inglorius aluum:*

Vt protractus risus fuerit in Charitei aduentum, qui animaduertens senum trium tam aequalem caritatem. Quid, inquit, hic ad fores? an inalgescere cupitis? cum alpes uideamus niuib; oppletas unde quaq; concanescere. In primis igitur ferax est locorum campus, materiaq; maxime opulenta subministrat adis iocis, ut recte Quintilianus dixerit: Si species omnis persequi uelimus, nec modum reperimus, et frustra laborabimus. Neq; enim minus numerosi sunt loci, ex quibus dicta, quam illi, ex quibus et quae sententiae uocamus, ducuntur, neq; alij. Itaq; et sententiae ipsae quae suapte natura graues sunt et sapientes, si ridiculum in modum iactate fuerint, risum etiam ipsae pariturae sunt: ut cum Franciscus Puccius, uir in studijs his nostris eminens deridere uellet hominem seditiosum, ingenioq; minime quieto, qui in corona quadam constiterat: Ecce, inquit, concordia paruae res crescunt. Cum etiam idem hic deridiculum facere uellet, bona qui patria obligurisset, iniecit sententiam hanc: Parsimonia rei familiaris, et demum diuitiae magnae sunt. Cumq; suis ex auditoribus somniculosum aliquem notare uellet, rorem antelucanum uocitabat. Itaq; hominum industria et ars, de qua hic noster est sermo, etiam quae grauias fuerint ad ridicu-

la sepe transfert, ut negare qui uoluerit, arti suum esse locum comparandis ridiculis, dictisq; funditandis, nulla ratione id possit, quando grauias etiam ac sententiosas dicta, ubi arte usus quis fuerit ac tum temporum, tum personarum delectu adhibito, ad iocum traduci soleant ac risum, et per sepe quæ ipsa per se ridicula non sunt, belle tamen agitata rideantur. Itaq; et quod dictorū, ridiculorūq; ac facietiarū regiones sint amplissimæ, quodq; in ijs ars quoq; uel multum etiam ualeat, ab iude à nobis ostensum uidetur, et exemplis etiam comprobatum.

Neq; aduersum miseros, neq; potentes uiros utendum esse ridiculis. Cap. III.



**H**inc ad alias quoq; obseruationes transcamus, quæ plurimum conuenire uideantur ad facietudinem, hoc est, ad eam quam in iocis querimus mediocritatem, quodq; in delectu ferè mediocritas ipsa collocata sit: cuiusmodi uero id et quale sit, ostendendum relinquitur. Cum præsertim Cicero de Oratore agens, Oratorijsq; muneribus dicat, nec insignem improbitatem, nec rursus miseriam rideri, statuaturq; in iocando moderatio nem retinendam esse, et Vmber quoq; noster dicat, facile esse miserum irridere. Quocirca et miseris parcendum est, in quibus locus esse misericordie debeat, ni fortasse superbia, maledicentia, incōtinentia præcipientes eant: et à potentibus etiam uiris, et quibus publicares in manu est, continendum. Est enim periculosum perq; temerarium, laceßere eum, qui gladium strictum habeat, positisq; proscribere. Ad hæc et scurrile habeatur ac sit, laceßere eum, qui ab omnibus ametur, et maximis atq; infimis æque charus sit, atque acceptus. Quæ enim mediocritas esse potest, ubi prudentia munus minimè retineat suum? Quid rursus imprudentius, quam eorum in se iram prouocare, in quorum nutu posita sit hominis uita? quando ut à derisu, quod ait Quintilianus, haud procul abest risus, sic ab ira potentis haud longe abest sanguinolentia acuis. Quæ è re efficitur, ut quemadmodum Oratoria urbanitas parum frequens esse debet, minimè que in causis, earumq; actionibus frequentata, sic et facietiarum usus rarus, ac maxime temperatus: nec quotiescunque locus patuerit ad iocandum, poteritq; ut Cicero inquit, dictum aliquod dici, dicere id necesse ducamus. Ut enim in re omni modus retinendus est, si probari actiones nostras uolumus, sic etiam in iocando. Utq; etiam serijs, quæ ad usum spectant, quædam tamen regula, norma; à ratione constituta est, sic iocosa quæ ad uicunditatem, freno etiam quodam sunt tanquam præsepibus alliganda. Si enim iocosa probantur

probatur relaxationis gratia, non eo probari debent, quo alteri ob sint, ac molestiam affrant, quod nec uiri boni, nec ciuis probi officium est. Cum facetum hominem, & bonum eundem uirum, & ciuem item probum esse dicamus. Nec enim ad maledicentiam descendendum ullo modo est aut sponte, aut ex prouocatione, nisi cum honestas ratioq; id permisit. Quocirca dicacitas neutiq; tam amica est facetudini, tamq; coniuncta, quam est comitas, cum dicta pleraq; falsa sint, ac suo nomine sic appellentur, ridiculaq; ipsa haudquaquam semper grata, comitas uero à temperamento uix recedat. Itaq; facetum hominem aspersum comitate plurima esse oportet, quod facetudinis ipsius condimentum est.

Quæ seruanda sint faceto.

Cap. IIII.



Psarum autem facetiarum duo cum sint genera, req; alterum tractetur, ac nonnunquam tanquam fabella narretur aliqua, alterum dicto, in utroq; modus retinendus est faceto, idq; diligenter uidendum, ne dum alterum cauet, in insultatam incidat, pariatq; ipse audiētibus derisum. Non ab're autem putat Cicero mendaculis aspersi oportere præsertim fabellas, quod Oratori conducant, cuius finis est iudicem ad beneuolentiam suam trahere. Facetum quoq; nequaquam deducit eiusmodi aspersio, tamen si mendacia fugienda sunt, quippe cū ornatus hic quasi quidā adhibeatur, non fraudis gratia, sed delectationis & honestæ, & naturalis.

Dictorum falsorum duplex esse genus.

Cap. V.



Ed mihi uidetur, quod falsum est dupliciter partiendum, & in quod molestum sit, odiosumq; atq; in rixam spectet ac contentionem, & quod delectet ac familiariter iocetur, ut hoc sit omnino iocosum & liberale, mordax illud ac dentatum. Nam seruire quomodo conueniat homini ingenuo? Generis utriusq; hæc erūt exempla: Scipio ille maior in mē sacū accubuiſet, ac de cōuiuarum more corona capiti eius eſet imposita, eaq; & bis, & ter rūperetur, ægreq; fortasſe id ferret, tū P. Licinius Varus: Noli mirari, inquit, parū si cōuenit, caput enim magnū est. Et laudabile & honestū, ut Cicero ipse putat. Cum enim falsum uideri possit, dentem tamen nō imprimit. Simile & illud: Inuitatus cum eſet Franciscus Pudericus ad prandium, appositaq; eſet ei altilis haud bene aſſa, conuerſus ad eum qui pullum deartuabat, Importune, inquit, accubuiſmus, neque enim ad prædium uocatis, ſed ad coenam ſuiſmus. Liberale prorsus ac cōcinnum.

Crassus in Parthos proficiscens ad Deiotarū in Bithyniā diuertit, nouam tunc urbē edificantem. Itaq; in eum iocatus, quod esset senectute iam confectus: duodecima, inquit, diei hora nouā urbem aggredieris. Ad quā Deiotarus: Nā et Crassus erat sexagenario maior: nec tu (respondit) ō Crasse satis matutinus in Parthos proficisceris. Vterq; perquam familiariter ac iucunde, neq; ut lacefferent, uerū ut iocarentur. At hæc quæ subdam, uel uncum præferunt, quando et scindunt, et rapiunt. Barnabas Barolitanius iudicatus est de fide Christiana parū pie sentire. Itaq; aliquādo cum hīret, deq; more tamen Christiani hominis crucem pollice ad os designaret: tum Masius Aquosa, qui et iocosus homo esset, et peracutus, ut Sicculus, atq; illi notus: Quid hoc, inquit, Barnaba, qui cruce os quasi carcerē obsignaueris, ne dæmon ille malus tuo se è pectore proripiat? Quid hoc falso falsius? his enim uerbis ut male de Deo sentiens coarguitur. Accubuerat ad mensam Petrus Summontius, cumq; pransus iam esset: sacerdos satis importune ad mensam sese ingessit, uixq; accubuerat, cum ad ministrum conuersus, statim: Sitio, inquit, misce puer. Tū Petrus: Atqui, inquit, nō putassem præterita nocte tua te cum commatercula deliciis fecisse. Pupugit enim illum acerrime ex hoc, quod mane sitiant multum qui se in Venetrem noctu resoluerint. Haud dissimile multum est in Ciceronem illud: Mirum anguste si sedeas, duabus qui sellis sedere sis solitus.

Altera diuisio falforum dictorum.

Cap. VI.



St et alia falforum diuisio, ut alterum dicax sit, uerū tamen non urbanum, sed rusticanum, aut seruire potius. Alterū autē quod urbanam educationem referat. Namq; apud Ciceronem Antonius Crassum dicit uenustissimum esse atq; urbanissimum, pari quoq; modo grauiissimum atque seuerissimum. Posterioris generis exempla sunt hæc. Ostentabat Pomponius et quidem iactanter uulnus ore exceptum in seditione Sulpitiana, quod ipse tamen passum se pro Cæsare pugnantem gloriabatur. Ibi Cæsar et false admodū, et urbanissimum in modum: Nunquam fugiens respexeris, inquit. Itaq; et momordit illum Cæsar, et ab urbanitate non recessit. Alumnus quidam meus non inurbane educatus, cum obijceretur ei, quod pater araret: At mater, respondit, tua ubera locat. Itaq; in requamuis conuitiosa, nō minus tamen urbane respondit, quā false. Prioris uerō generis hæc erunt. Contendebant homunculi duo, cumq; alter per pupugisset hoc dicto alterum: Verba tua neutiq; mihi bene olent, tum alter, quod uidelicet loqui à tergo consuesti. Spurce nimis, et seruiliters, quale



quale Plautinū illud: Obturat ne inferiorem gutturē? Hoc uerò perquam rusticē. nam dicenti cuiquam inter laceffendum: Caprinum bibe, quo pulmones refrigeres: tum alter: Tuum si sequar exemplum, hircinum potius demulserim. Sed hæc quæ rusticana dicimus ac seruilia, pleraque obscœna sunt & scurrilia. Exemplum est, regij stabuli magister famulos increpabat, equile immundum quod esset. Tum unus ex ijs: Videlicet enitescere stabulum uis, quo stabulariorum ipse nuptias celebres. Eiusmodi hæc & spurcantur, & ciuiliū conuentu hominum omnino indigna sunt, & ab ore auribusq; facietorum, atq; ingenuorum hominum procul repellenda.

Vultum esse dictis ipsis accommodandum, & gestum,  
& uocem. Cap. VII.



Vmno autem studio id uidendum, quo dictis ipsis uultus accedat, et (qua opus est) gestus quoq; sit accommodatus ac perquam concinnus. Secus enim dicteria nō modò gratiam suam non retinent, sed is qui dicit apparet etiam absurdior, ut si non fiat ex eo ridiculus, efficiatur tamen parum gratus, habeaturq; haudquaquam siue politus ciuīs, siue satis sodalitijs studiosus. Quodq; de uultu præcipimus, deq; gestu, in uoce etiā seruandum ducimus, nam & ipsa inflexiones ac modulos suos habet. Per multa enim tum inepta apparebūt, tum frigida, hæc illis si defuerint, quæ suapte quidem natura lepida sunt & bella. Id tamen cōsiderandum, aliā rationem esse debere facietorum atq; ingenuorum hominum, aliā mimorum, ac theatralium ludionū: in quibus interdum obscœnit as ipsa, spurcatioq; cum scurrilitate, ac petulantia nō commendetur modò, uerum etiam si absuerit, desideretur. Quocirca in his ipsis immoderatiores qui fuerint, nimiq; imitatores, mimorum potius ē numero habendi sūnt, quā facietorum, teatroq; ac spectaculis magis digni.

Mimica & theatralia parum facietis conuenire.

Cap. VIII.



Ec uerò imitatio tantum ipsa dum nimia quidem sit, fugianda, est uerum etiam dicta quædā, quæ mimica sint potius, aut parasitica, quā ingenua, confessionibus quæ ac sermonibus, de quibus dicimus, male conuenientia: qualia hæc ex Plauto, quæq; alia eorum similia: Qui edistis, multo fecistis sapientius: qui nō edistis, saturi site fabulis. Item; Dami ludi sunt, in popinam pedissequi irruptionem facit. Delectant hæc populum,

suntq; mirum in modum auribus populariū apta, & ad inuitandū risum, & ad detinendum spectatores in subsellijs, seu ne satietate afficiantur, seu dum pati nequaquam possunt spectandi morā. Quid illud quā festiūm, quā ridiculārium? Vin noctuam afferri, quæ tu tuusq; dicat? Et: Assum apud te eccum: At ego elixus sis uolo. Delectant hæc mirifice, quid enim histrionia popularius? Ac fieri quidem potest, ut quandoq; quanquam rarerent, in ore tamen ingenui ac faceti uiri commendentur hæc eadem, quæ suapte natura omnino tamen dedeant. Ad hoc & populare admodū, & theatricum: Dignos in manibus non habent. Quid iam? Quia incedunt cum anulatis auribus. Et illud: Perpetuon ualustis? uarie. Caprignum hominum non placet mihi, neq; pantherinum genus. Hæc, inquam, quæq; huiusmodi sunt, uel suauissimum esse condimentum uideri, ac iure quidem possunt relaxationum earum, quas ipsi querimus: quæq; ut queramus, natura ipsa & hortatur & commonet.

È silentio interdum risum gigni.

Cap. IX.



**D**icere uix quidem ausim, dicam tamen, nec parum quidem libenter: etsi facetus uir in dictis, responsisq; decenter uersatur, ad iocum quidem, honestamq; ad relaxationem ac quietem accommodatis: tamen ipse quandoq; uidi mirificum excitari risum, suauissimamq; gigni recreationem è silentio respondentis: quod siue motus quispiam oculorum concinnus sequatur ac decens, siue manuum, digitorum uel, siue dentium subsannatio, gesticulatio uel aliqua, siue innutus quispiam extemporaneus, siue è loco abitis præter expectationem, quæ res contemptus ac irrisionis significationem habeat. Etenim aliquando loquaculus quidam Hieronymum obtundebat Carbonem, suauissimi ingenij uirum, atq; ubi multa ingentem uerberum in cumulum congeisset, petebat sibi ab eo ad singula responderi: illum uero memini ad omnia quidem siluisse, conuersumq; ad astantes dixisse: Magnum ranarum prouentum hic annus attulit. Garriebat alius quispiam nostra in porticu, quem ferre Albericus Pudericus Francisci nostri filius, cum non posset, nullo dato responso, manu sublata, monuit, nasum ut emungeret: quo è signo mirificus inter astantes exortus est risus. Et illud quoq; Tristani Caracioli perquam iucundum et bellum. Cum enim homo parum in loquendo temperatus, nulliusq; in rempublicam operæ aut officij frequenti in conuentu nobilium uirorum dixisset ei: Malos reipublicæ ministros habemus: tū ipse auerso ab illo statim ore, ac discessuro similis: Nuntiu, inquit, habemus o ciues aduentantium peregre graccu-

graculorum, ego rus eo, ne segetibus iam pullulantibus damno sint. Hortabatur homo minime malus Petrum Compaterem ad uxorem ducendam. Has inter adhortationes, qui pone eum stabat iuuenis argutius cum sternuisset, nihil ipse respondit. tum ille: Quid malum est amico, et honesta suadenti non respondens? ad eum Compater: Nec mihi, inquit, nec uxori male auspicaturus sum. Cum enim est duobus coniugium (ut scis) constet, Hispani quidem augures, ubi unum sternutamentum tantum fuerit, et malum illud, et portentosum profitentur, meis igitur nuptiis infelix absit auspicius. Facetus itaque uir potest est silentio quoque gratiam sibi comparare ab auditoribus.

Quæ seruanda sint in risu prouocando. Cap. X.



**P**rouocandi autem risus, hilaritatisque excitatio uel præcipua causa est: cum is qui dicit siue lacesitus, siue lacescens, prior uel aut posterior iocatus ipse quidem minime riserit, ut quærens dum fortasse a doctis sit uiris, cur tantopere ad commouendum conferat risum dicentis confirmatus uultus, uerbaque eius cum seueritate et pondere. In percussendo autem, docere exemplum hoc potest, quanti sit id ipsum quod nunc dicimus. Vexabat bello Florentinum populum Alphonsus Neapolitanorum rex, atque in primo quidem adortu, expugnat Rencinum satis tenue oppidum: Ibi primum ad nuntium cuius quidam illatus in Cosmum, qui tum princeps erat administrandæ reipublicæ: Quid hoc, inquit, Cosme? perijunius, amisso Rencino. Tum Cosmus uultu maxime sedato et forti, uerba illius despiciat: Per christum, inquit, rogatus edoceas, quæ nam in parte agri nostri Rencinum situm est? nam quod te excruciat amissum oppidum, mihi haudquaquam satis cognitum est, sit ne illud Florentinæ diuisionis? Risit prudens et cautus senex, uultu maxime imperterrito et despiciaci, garrulantis illius meticulosum dictum, perque degenerantem orationem. Extat exemplum quoque A. COLOTII in lacescentem, deque dictione met sua prouoluentem in cachinnos: nam cum hiscentem illum COLOTIVS cerneret: Hia, inquit, hia mea monedula, en adest mater cum lumbriculo, quæ tibi pappam dabit. Nec uero dicta et ipsa dicentis ipsius risu uultuque, non etiam aliquando exhilaranda uideantur. Veruntamen quæ belle dicuntur, ac cum seueritate, et (penè dixerim) crudite dicuntur, tamen si risum non mouent, plerumque laudari nihilominus solent: contra irrideri sapientius et sperni quæ cum risu emittuntur dicentis, siue is prior dixerit, siue posterior. Itaque uultus ille seuerus, reique accommodatus in hoc dicendi statu ridere uix potest, risus autem derideri plerumque et potest, et solet: nam sapienter

natura risus expositus est derisui. Nec uerò mirū hoc uideri cuiquam debet, quando sedes ipsa ridendi collocata est (ut apud doctos constat) in deformitate alicuius corporis, aut uitio, aut in turpitudine morū actionumq; earum, quæ aut animi solius sunt, aut utriusq; corporis scilicet atque animi: aut eorum etiam quæ fortuito uocantur, suntq; in euentu posita. Itaq; eorū quæ mouendo risui apta sunt, alia in natura sunt posita, alia in euentu: quorum omnium animus cum sit obseruator, uisq; illa rationalis homini naturaliter insita, et ab habitu cōfirmata, atq; ab obseruatione, id præstandū est, ut ad insitam uim aptitudinemq; artem quoq; adiugamus, quæ naturæ ipsius imitatrix est. Quid autem perfectum, quod non idem et naturæ conueniat, et eruditioni? Quocirca factum hominem uolumus et naturæ ipsi inniti, et arti, atq; obseruationi, id est, præceptis, consilijsq; atque admonitionibus à ratione profectis. Nec uerò hac in parte artem ut quæstuosam aliquam intelligimus, aut manu comparatā, uerū institutio nem ingenuo homine dignam: quam qui sequatur, hunc ipsum necesse est, quacumq; in actione, siue seuera et graui, siue iucunda, et lepida, conuenientem retinere mensuram, seq; secundū eam metiri, perinde ut recta dicet ratio. Nec uerò is sumus, qui hac in differtione aut Oratoriam respiciamus, aut theatralem, uerū mediocritatem sequimur libero homine dignam: quam quærendam à fortissimis etiam uiris natura ipsa duce decernimus, illisq; præsertim, qui respublicas moderantur. Quibus enim animorum relaxatio quærenda magis est, aut ab quo nam hominū genere honestius etiam desideratur, quam ab ijs, qui in assiduis, maximis, periculosisq; uersantur laboribus, rerumq; multiplicibus difficultatibus accuris? Quo fit, ut pleriq; negotiosissimorū hominum, publicisq; in administrationibus obrutorum, et sint hodie, et fuerint maxime facetiarum appetentes ac studiosi. Cicero dat primas Cæsari partes in hoc ipso genere uirtutis. Quis autem Cæsare bellicis in rebus maior? Quis Cicerone in toga: ut non iniuria fortasse dictū sit ab eo: Cedant armato gæ. Sed nec prætereantur imperatores alij, maximorumq; bellorū exanclatores. Igitur et maximus dux Annibal facetijs plurimum delectatus est, siue in dicēdo, siue in respondendo, cuius illud extat dictum in Gisconem maxime quiddō falsum, Is enim cū Romani exercitus ad Cannas miraretur multitudinem ægre id ferens Annibal in illum sic iocatus est, ut despicabilem etiam militibus suis faceret: Quāto, inquit, mirabilibus est ō Gisco, in tāto hominū numero, qui tuo isto uocetur nomine esse neminem. Nec minus etiam iocis huiusmodi libenter Iugurtha usus legitur, tametsi cū illo rebus gestis minime comparāndus. Neq; genere in hoc ab ijs superatus est Pontifex Mithridates.

dates. Nam Augusti Cæsaris dicta plura fortasse referuntur, quam aut Cæsaris aut regis alicuius. Alphonsus item rex, tempestate sua quæ nō uicit aut dicendo, aut cū dicerentur applaudendo urbanis atq; facietis iocis? aut prosequendis facietis uiris et muneribus, et beneficijs? An non laus hæc ipsa olim Atheniensium præcipua fuit? eaq; in Demosthene summo et Oratore, et ciue desiderata? Nostro tēpore trium est præcipue in Italia populorum, Perusinorum, Senensium, Florentinorum. Hispanie regū aula hac à uirtute et institutione cum primis cōmendatur. Gentes uerò extremas, non tam barbaras ac feras ipsa feritas uocari facit, quam sermo ipse rudis agrestisq; et oratio ab omni iucunditate ac lepore prorsus aliena. Itaq; ut falsum quod non est, insulsum id dicimus: quod uerò infacetum, minime ingenuo uiro dignū: sic facetos in uerbis quidem iucundis uersari ac lepidis, quæ ioca dicuntur, uolumus: fontes uerò ipsos, è quibus facietæ manent, è factis fluere, quæ qui infectentur, dicaces. Placet autem Marco Fabio Dicitatem sermonem esse cū risu aliquos incessentē, siue in rebus, siue in uerbis. Itaq; Ridicularia esse dicimus, quæ risum mouere habeant. Dicta, quæ salem: qui si cū asperitate fuerit atq; offensione, ad dicacem dicta ipsa referenda sunt, etsi risum exciunt. Sin cum lepore, sineq; offensione, aut si offensiucula ipsa leuior fuerit, quadamq; cū gratia et familiaritate, ad facetum, quem ingenuū quidem esse uolumus. Quocirca eiusmodi dicta cōmendationem potius atq; approbationem quandam, quam risum ingenerant.

Fabellas uerò, facietorum quodammodo proprias esse uolumus, nam et faceti maxime comes sunt, eorumq; familiarissimas eas esse superiore libro ostensum est. Enarrantur enim eæ plerunq; sine offensione, et (quod laudabilissimū est) cum gratia etiam summa: delectant enim, et tum risum suauem quidem illū et gratum inducunt, tum approbationem dictorum: ut licet fictæ et sint, et intelligantur, tamen ad seria uideantur inuentæ. Nugæ uerò omnino leues, futiles, inanes, uanæ: quocirca ab hoc toto genere repellendæ: ut ne nugaces quidem falsi esse possint, ridiculariaq; ipsa derisum potius quam risum asserant, ubi nugis infecta fuerint. Itaq; tum dicta quæ falsa uidelicet atque aculeata, tum ridicularia forum, theatra, plebeios homines, ipsaq; spectacula, rixas, cōiuciaq; generaliter pertingunt: nam præterquam quod habet spicula ac felle scatent, pleraq; obscœna sunt scurrilia, perq; amara, aut rusticana, rudia, incōdita, parū urbe digna, non raro etiam seruilia. Quæ uitia ingenuitatem nō modò dedecet, uerū turpissime illam notant ac labefaciunt. Quocirca aliter in dicace considerantur, ridiculo, mimico, histione, sycophanta, rusticano, seruo: aliter in homine ingenuo, quiq; risum iocūq; ex mediocritate querat, quæ et iucun-

ditatem ratione hac afferat, & curarum refrigerationem. Ingenuum autem hominem, eundemq; facietum non modò leuem esse nolumus, uerum etiam (qualis Crassus Orator refertur) & seuerū, & grauem exigimus: uel si natura ab ipsa iucundus fuerit, ne tamen iucunditas ipsa aut insulsa sit, aut prorsus ridenda. Rarior, ut est apud Iuuenalē, usus uoluptatē commendat, frequentia enim plerunq; satietatem gignit. Quamobrem nimia dictorum frequentatio, ususq; maior ridiculorū, isq; immoderatus, & (penē dixerim) coaccruatus, fugiendus est: non solum enim affert satietatem, uerum nimiam ob frequentiam dicta ipsa sordescunt, fiuntq; uilia, & uel ad desipientiam peruulgata. Quocirca modus et in ijs quoq; adhibendus est, ne sordescat ioculatio: quæ ni temperata fuerit, transitura sit in garrulitatē, nugationem, sycophantias: ut qui eiusmodi sint, magis despiciantur, sintq; alijs contemptui, quàm ut ipsi delectent. Erit igitur dictorū quoq; ac ridiculorum tum comes, tum magistra prudentia: qua remota, quid est quod suo in genere assequi commendationem queat?

Et dicta, & ridicula, & facietia ē uerbis constant, & uultu, & gestu, & uoce, pro loco uidelicet ac tempore, dignitateq; accommodatis. Ceterum loca ipsa unde ducuntur, posita sunt in factis, quæ dicentes non uerbis modò, uerum etiam gestibus insecantur. Hoc autē ideo cōtingit, quòd facta ipsa sint turpia. Turpitudine autē & rideri solet, & accusari, quando suapte natura irridenda est: ut cum quis ab obesitate tardiore incessu graditur, ibi quispiam dixerit, nimirum nauis ipsa honore grauata est suo. Et ridiculum dictum est, & iocandi locus existit à rei ac facti deformitate. Ut cum quispiam uinosus incessitur, quòd nimis atrox sit miles aduersus exenterandas cupas. Hoc igitur dictum à facto est, deq; morum turpitudine, deprauatq; ē materia dolatum. Nec uerò ioca ipsa non quandoq; ē dictis quoq; ac uerbis deducuntur, quare sedes eorum ibidem quoq; sunt collocatæ. Cuius rei exemplū est apud Cicronem. Cum enim orator quidā protulisset Supputatilica, aduersarius quasi attonitus uerbi nouitate, ignorantiaq;: Supputa, inquit, o iudices quid sit scio, Tilica uerò nescio, ex eo autem insidiæ uerendæ. Patet igitur ioculorū sedes in factis dictisq; cōstitutæ esse, qualia permulta à nobis demonstrata sunt, nec enim dictis quàm factis minus apparantur. Partes autem respondentis uidentur præstabiliiores esse, quādo & difficiliiores: potuit enim qui lacepsit præmeditatus, dicta quasi ē domo secum afferre, ac tanquam ex improuiso aggredi, cum illi extemporalitas sola subsidio sit. Quo igitur responsa minus expectata, ex eo uehementius mouent, præstabilioraq; ob id iudicantur.

Responsa uerò ipsa duplici modo partiēda sunt, in ea quæ aut diluant tantum,

tantū, aut quæ uel acriter mordant. Sunt & mista cōpositaq; , ut duo illa simplicia sint, tertiū uerò hoc cōglutinatū. Primi exemplū est: Pallas Strochius Florētia pulsus à factione Medica, fertur dixisse in fuga: Incubare nos oportet ô uiri, & ingenio, et uiribus, quo patriā ab dominatu unius liberemus. Quæ cū relata essent Cosino, respōdit pauca hæc Pallati referēda, nō posse alitem incubare, quæ & nidū amisisset, & plumis spoliata sit. Quo dicto & minus irrisit, & uerbū uerbo diluit, ac belle iocatus est. Exemplū secūdi: Inter congregiendū homo non inurbanus irriserat aliū eiusdē ordinis hominē. cū qui suo nomine Fœniculus esset, cū Ferriculū salutasset, tū ille uultu quāmaximè uerbis apposito: Et tu uale, inquit, Firacule. Videtis quo aduersariū icū percussit, quāq; etiā grauiusimè? Est & tertiū genus exemplo suo confirmandū, quod est huiusmodi, nā & diluit, & mordicus etiam abripit. Erat ad diuæ Mariæ templū extra Capuam dies nūdinalis. Conuenerant de more ibidem multi mortales. Erant in diuersorijs pisces maiusculi et aſsi, et elixi in lācibus expōiti: forte mercatores duo, aliter (ut montanus rerū maris inscius percontabatur, qui nam tā nouæ magnitudinis piscis esset, qui ad uncū pēdebat? Ibi alter qui esset litoralis, irridēti per quā similis respōdit: Caco merdilīs. Ibi tū ille q seſe irrideri sensisset, Hui, inquit, quāta est nominū uarietas? hic idē piscis meos apud Marſos suo nomine est Sterquicomēdis. Vterq; quidem obſcœnus, at respōsor cū primis mordax. Sunt etiā respōsa quædā minimè salsa, ualde tamē ridicula, quælia Plautina hæc. Cū enim alter dixisset ē collocutoribus, Terreſtris coena est, multis holeribus: conſeſtim alter, Curato agrotos domi. Et hoc itē: Cū enim dari sibi dragmā seruus cupcret, & alter respōdiſſet: Quid nā dragmā facere uis? illic alter: Reſtē uolo mibi emere, quo me faciā pēſilē. Illud uerò nō tam ridiculū, quā probatione dignū & sapiens iudicandū. Nam cum senex dixisset grāde se onus ferre, alterq; respōdiſſet interrogans, quid nā id esset oneris? tū senex retulit: Annos octoginta quatuor: eōdē accedit seruitus, sudor, sitis. Responſa igitur multo maiore præ se ferūt ingeniū, inſitamq; à natura acrimoniā, cum ea sint extemporalia, ſerantq; ſecū etiam admirationē, cū appareant repētina, minimēq; præmeditata.

Quæ igitur, & qualia loca ſint, Ridicula, Diſleria, Fabellæ, quæ ſint Oratoris, quæ ſacti hominis, quæ uerò mimica, theatralia, paraſitica, quæ et quot reſponſorū genera, et quibus quæq; à locis ducātur, ſatis id explicatum eſt: nec minus apertē etiā declaratū, quæ à nobis querūtur, ea ad uirtutem tantū ſpectare, quæ mediocritas quædā eſt, ad animorumq; pertinere relaxationem, ac tum ad laborum recreationem, relaxationemq; tum præcipuè quidem moleſtiarum. Quocirca ad alia quoq; tranſeamus.





PRIMUM igitur faceti uidetur officiū, fugitare offensiones, petulantias, subannationes, sycophantias, obscenitates, atq; id genus plurimas, quæ honestati quidē aduersantur, animorumq; ipsorum, et post labores, et inter ipsas quoq; insudationes refocillationi. Quod autem plurima inter iocandum accidunt, quæ aut turpia sint, aut parum omnino decora, siue factū, dictūue, siue gestu, aut uoce, id etiam diligentissimè præstandum est ab eo, illa ut et dicantur, et referantur, quin etiam fiant nullo modo turpiter, minimeq; indecenter: uerū his in cunctis rectam sequetur rationem, quæq; ab illa dictantur et honesta, et decora. Hoc autem ideo præcipimus, quod ea ferè solum ridentur, quæ, ut Cicero inquit, uel sola, uel maximè notant, designatq; deformitatem, aut turpitudinem aliquam: quæ ut dicantur referanturq; haudquaquam turpiter, aut parum deceter, id uerò summo studio præstandū est ingenuo uiro. Quod quia difficile est præstare, idcirco uirtus hæc et in ijs uersari à nobis dicitur. Seruare enim honestum in magnarum corruptione, ac dicendi licentia, id uerò quamdifficillimum, idcirco maximè etiam de decoro sum et turpe aliter se gessisse

Definitio uirtutis huius.

Cap. I.



Domitij Marci extat apud Quintilianum opinio: urbanitatem uirtutem esse quādam in breue dictum coactam, aptamq; ad delectandos mouendosq; homines in omnem affectum, maximè idoneam ad resistendum, uel laceessendum, prout quæq; res et persona desiderat. Quæ definitio nobis parū idonea uisa est. Cur autem ita uisum sit, aperiemus. Principio, si urbanitatem pro ipsa iocandi uirtute Domitius accipit, à ueritatis cognitione longe aberrat: cū urbanitas, ut superiore libro ostendimus, rusticitati opponatur: nec genus sit, uerū species. Deinde, urbanitas non in dictis solum cōsideratur, uerū urbanis etiam in moribus ac consuetudinibus. Adhæc, cum dicit ad resistendū, uel laceessendum, uerba hæc uidentur solum spectare ad ea quæ Oratoris sunt, minime uerò ad illa quæ ad relaxationem spectant: propter quod uirtus et hæc laudatur, et in maximo habetur honore apud occupatissimos, et laboriosissimos siue ciues, siue ciuitatum rectores. Quod autem dixit, in omnem affectum, quanquam id non

id non improbamus, uidetur tamen de Oratoria tantum innuere, non de hac ipsa uirtute, quam facetudinē uocauimus, quæq; ipsa moralis ac ciuilis uirtus est, nedum oratoria ac forensis seu senatoria. Quæ è re efficitur, ut et uera, et certa definitio uirtutis huius sit, mediocritatem eam esse quorundam iocandi et uerbis, et gestibus accommodatis, ad laborum molestiarumq; ac curarum doloris quoq; honestam et suauem relaxationem ingenuo uiro dignam. Igitur cum in uniuersum multa à nobis disputata sint, multa etiam exempla tradita, circa iocandi genus omne, dehinc ingenuarum facetiarum exempla trademus, carptim tamen, ne multitudine sordescant ipsa, quibus referendis delectum adhibebimus, quemadmodum adhiberi oportere supra præcepimus ijs dicendis. Prius tamen de Urbanitate Quintilianus quid sentiat, quando ipse Domitianæ huius opinionis relator est, aperiemus. Putat igitur Venustum esse, quod cum gratia quadam dicatur ac uenere: Salsum autē in consuetudine ait pro ridiculo tantum accipi: non quod utiq; id sit, quanquam et ridicula esse oportet salsa, et Cicero quod salsum sit ait esse Atticorum. Urbanitatis uero nomine significari sermonē præferentem in uerbis, et sono, et usu proprium quandam gestum urbis, ut sumptam è conuersatione doctorum tacitam eruditionem, deniq; cui contraria sit rusticitas. Ac mihi quidem uidentur Rhetoricæ facultatis scriptores et rusticitatem, et urbanitatem circa uerbà tantum, gestuq; illa comitantes uersari uelle: Ac si non rusticum sit illotis manibus accumbere in mensa, nec cedere natu maioribus, aut magistratibus in uia non decedere, aut illis non assurgere, nec salutare quos iter faciens obuios habueris: contra seruare hæc omnia, neq; urbanum hoc sit neq; ad urbanitatem referendum. Quocirca urbanitas (quod distinguendum erat eloquentiæ scriptoribus) partim in iocis uersatur ac ridiculis urbe dignis, cætuq; ciuiliū atq; ingenuorū hominū, partim in factis ac moribus, quos ciues retineant, quiq; in urbe uersati sint, conuersationibusq; ciuilibus. Quo fit, ut Cicero cum urbis mores et admiraretur, et sequendos duceret, ad Rufum familiarem scribens dicat: Urbem mi Rufe cole, et in ista luce uiue. Itaq; quod olim esset Atticū, quæ è re id est ab humanitate, morumq; suauitate, Pomponius ille clarissimus uir agnominatus est Atticus: id ab urbe Roma post, dictum est urbanum, ut asperi mores, difficiles, morosi, inconditi, rustici dicti sint. Et Caius Marius à parum cultis moribus, ac uitæ durtia, quodq; nullas uiuendi sequeretur amoenitates, habitus est rusticanus. Contra, qui humanitate præditi essent, suauibusq; ornati moribus atque institutis, ut urbani et laudati sunt, et culti. Quid? quod stultos etiam uocauere, quos urbano à cultu, institutisq; usuq; ab humano

et ciuili alienos esse intellexere.

Igitur uetustas omnis iocū id accepit, quod esset serio aduersum, cuius opiniononi Horatius etiam assentitur, inquiens:

” Sed tamen omisso quæramus seria ludo.

Ludum enim pro ioco posuit. Quo fit, ut qui iocantur seria tantisper relinquunt, dum refrigerationē concipiant aliquam à serijs ac laboriosis rebus, ut iocatio ipsa ab ingenuis uiris omnino suscipiatur recreationis gratia, quæ tamē nec ab honestate recedat, nec ab ingenuitate. Quid enim urbanū esse potest ac facetum, quod non idem ingenuum? aut qui iure laudari, præterquam si honestum? Quocirca in omni actione et uita, delectu adhibito et rerum, et personarum, itemq; et locorum, et temporum, iocandi hilaritas hæc ac modestia magnopere laudatur, nullumq; omnino ciuilis uitæ genus dedecet, cum etiam in principibus uiris non commendetur solum, uerum etiam desideretur.

In iocando autem, ludendisq; facitis duo potissimum cauenda, unum ne in miseros iocemur, præterquam si petulantes fuerint superbi, contumaces. Quid enim inhumanius, quàm irridere eum, cuius commoueri et angere miserijs debeas? Alterum ne eos dictis incessamus, quorum maior sit autoritas ac uis, unde eos tibi inimicos facias. Quid enim imprudentius, quàm potentiū iras in sese prouocare? dictis eos laceissent? Eadem quoq; animaduersione fugiendum, ne aut populum uniuersum, aut factionē aliquam, ordinem uel, aut nationem totam laceffamus, aut disciplinas, artesq; laudabiliores, aut studia. Quo quid esse potest stultius, aut quid inconsideratius, quàm uno dicto integram in sese ciuitatē tritare? Franciscus Philadelphus et Græcè, et Latine Mediolanicum proficeretur, prædicantē Bernardinum, qui post obitum ob merita inter diuos relatus est: dicto aculeatiori ita pupugit, ut ex eo omnē eorum ordinē, qui Minores Fratres dicuntur, nō in se modo, uerum in omnis literatos armauerit, exindeq; in seclari studiis hæc humanitatis, ordinis eius prædicatores nunquā publicè priuatimq; defierint. Dum Demosthenes nec Philippo parcat, et Alexandrum nunc ut puerum ridet, nunc ut adolescentulū contemnit, quàm prudenter rebus suis cōsuluerit, uitæ eius testis est exitus. Cum animaduertisset Augustus equitē Romanum bibentē in spectaculis, præter morē dignitatēq; eius ordinis, misissetq; ad eum qui sub obiurgationis speciem diceret, ego si prandere uelim, domum iuerim: tum illum, memoriæ proditum est, respondisse et modestè, et perquam ingenuè, nequaquam Augustū timere, locum in orchestra si reliquerit, illum ne recuperet. Quo responso et miræ Augusti dictum facete diluit, et principis à se iram per iucunditatem auertit.

avertit, habita et temporis, et loci, et personarum ratione. Itaque absti-  
 nendum est à principibus. Quin si qua concepta est ira, suavioribus dictis  
 placanda est, quod Tarentini illi iuvenes praeferere: nam convulsi cum  
 essent, quod multa inter cœnandū licentius de rege Pyrrho locuti essent,  
 ratioque maledictorū reposeretur, tum unum ex his iocundum dixisse  
 ferunt: Nunquid ô Pyrrhe rex hoc mirare, et querere? per Herculem  
 ipsa te in cœna confecissemus, ni lagena nos destituisset. Quo dicto ut  
 urbano, et ingenuo profecto ab homine, omnis est uestigio ira dissoluta est.  
 Accusatus iuuenis quispiam, quod in mensa intemperantius locutus esset  
 adversus sacerdotem, vocatusque; ob id in iudicium, atque interrogatus à iu-  
 dicibus: Si eodem (respondit) pacto rursus in cœna me invitauero, uel duo-  
 decim quoque Apostolos insectabor fustibus. Statimque inter iudices exortio  
 risu, cognitoque; uini uitio ab illis absolutus est, poena tamen à sacerdote  
 irrogata, uti quadriduum uino abstineret. Genus hoc facietiarum et inge-  
 nuu uiro dignum est, et inter egregios ciues relatu atque auditu, quando  
 et obiecta dissoluit, et offensione caret: nec delectat solum, uerum sum-  
 ma quoque cum laude fert secum audientium approbationem. Id tamen ui-  
 dendum; ne dicta ipsa aut frigida sint, aut absurda, quae ue imprudenter  
 excidant, ex quo stultitiae accusemur. Gregarius quispiam furti accusatus,  
 dum iram sese praetoris lenire putat: Equidem, inquit, ô praetor, artibus  
 his hero me placere intelligebam: quid his stultius? namque hero, dum dicit,  
 studere se ut obsequatur, illum calumniatus est. Alius eiusdem ordinis in  
 horto deprehensus cum uapulans deprecaretur, non mihi, inquit, poma  
 surripui, uerum a fello meo. Quid hoc frigidius? Habent igitur generis hu-  
 ius dicta suas ac necessarias cautiones. Utque ad humilis, abiectosque; ac mi-  
 serabiles redeamus, quid indignius, quam miserum irridere? Colas quidem  
 Siculus et naturae, et fortunae bonis destitutus cum nobili ab adolescente  
 importune irrideretur: ne tu, inquit, me irrideas, inferior enim sum, quam  
 ut irrideri merear, cuius tamen sors deplorari ab summis, atque infimis iure  
 debeat, haud multum tamen aberit, cum bonis ipse exutus omnibus, me cum  
 et fortunam tuam lugebis, et mendicabis in patria, quod non multo post  
 contigit. Habet enim impia, et instabilia tua facta, tu dicta deum ipsum ulto-  
 rem. Aliquando etiam miserabilium est numero ac medicantium existunt, qui di-  
 caces sint, ac maxime ipsi quidem ad mouendum risum idonei, de quibus dici  
 iure possit Horatinum illud: Fœnū in cornu gerit. Hi igitur ipsi irritati no-  
 tas maxime cicatricosas relinquunt immorsionum suarum: ut cum dicaculus  
 quidam lippo insultaret medicanti, quod ad scrupum pedem offendisset: at non of-  
 fendit pedem tuarum ad limen aedium nocte praeterita adulter, domo cum abesses,

quod quidem et factum erat, et ille id minimè ignorabat. Quocirca nequam committendum, ratione ut aliqua huiusmodi hominum generis siue inprecationibus, siue maledicentiæ te exponas.

Dictorum autem genera facimus duo: unum quod risum tantum moueat, alterum quod approbationem. Mouent igitur risum non modo acute ac uenuste dicta, sed nonnunquam stulte, iracunde, timide seu dicta, seu facta. Efferebatur Alphonso minor in famulum stabularium, itaque uocato architriclino, iussit illi uinum decimum in diem adimi. Risus illico excitatus est ab astantibus, qui scirent stabularium illum abstemium, quod et si Alphonso notum erat, ira tamen memoriam præpedierat. Idem Alphonso cum fugientem cerneret ab hostium incursum calonem, interrogaretque, quo fugis? exterritus ille, umbram (respondit) querito. Risit tum Alphonso, ut ignauè loquentem, atque cōsternatione, illique tabernam uinariam ostendit, eccam inquit, quam queritis umbram. Idem pro tribunali ius cum diceret, ac stultior ad eum quispiam accessisset clamitans, clementiæ uti siue memor esset in iure dicundo. Percontatus tum ipse, quod nam officium præstari à se posset facilitatis atque clementiæ? Tum ille, clementia, inquit, uxor mea cubito me hac nocte è lecto exposuit, et maledictis extra domum persecuta est. Ego apud te iniuriarum ago: difficile dictum est qui risus toto foro exortiti fuerint. Hæc igitur siue dictorum, siue facetiarum genera, etsi in facetum bunc nostrum minimè cadunt dicendo, usuueniunt tamen referendo inter confabulandum in circulis atque cōfessionibus. At quæ approbationem adducunt, et dictu, et relatu digna sunt, ad decenque utroque modo facetum: ut apud Plautum cum percontaretur alter, quo pacto potis et nupta, et uidua esse eadem: respondit alter: Quod adolescens nupta sit cum sene: dictum minimè ridiculum, quod tamen sententiæ loco probationem inducat. Quale etiam Ciceronis illud, cum dicentibus sero cum in castra ad Pompeium uenisse: respondit: Minimè uerò sero quando nihil hic paratum inuenio. Huiusmodi enim siue dicta, siue responsa magis probantur, ut cōcinnè, ut grauius, ut prudenter, atque ex tempore, et ad rem ipsam accommodè dicta, quam ut ridicule, cum sæpenumero admiratione quoque ingenerent in animis audientium. Cuiusmodi etiam illud Augusti Cæsaris, nam cum auctio bonorum fieret et qui tunc Romani, qui plurimo ære alieno pressus esset, atque undique à creditoribus circumuentus, iussissetque ex illis culcitram sibi tantum cubicularem emi: mirati cum essent, quibus id negotii ab Augusto dabatur. An non ea, inquit, habenda à nobis est alliciendum ad somnum culcitra, in qua ille qui tantum deberet, capere somnum potuerit? Non igitur dicta omnia risum mouent, cum hæc ipsa, horumque similia approbationem tantum modo secum ferant.

Risus

Risus uero ipse aut e nobis ipsis petitur, aut ex alijs, aut e rebus, ipsisq; ex euentis. E nobis igitur risus petetur, cum aliqua tanquam subabsurda dicentur non tamen subabsurde: aut gestus quidam parum erunt compositi, atq; ob id ridiculi, cum tamen neq; ipsi per se, neq; res ipse nostra sint ridicule. Est apud Plautum in Casina senex, qui uillico ancillam tradere in uxorem studeat, cum ipse tamen uoluptatem ex ea sibi quæreretur. Itaq; quo risum Poeta excitaret inter spectatores, errantem inter loquendum illum inducit. Nam cur senex, inquit, non ego id perpetrem quod coepi, ut nubat mihi illud quidem uolebam, nostro seruo uillico: Subabsurdum, atque aberrantem illum, parumq; in uerbis consistentem facit, quo risum inde excitet. Gregorius Typhernas quo praeceptore Graecis in literis usus sum adolescens, ad forum accesserat rerum uenaliu, dumq; rusticano cum homine non potest de mercimonio couenire, sermone enim cum illo nimis copposito utebatur, ibi ego qui rem perpendissem, conuersus ad rusticum: o bone inquam homo, ex hac omnino summa quantum ipse uis decorticari? quod a me dictum est pro demi. Tum ille uerbo hoc et suo, et rusticano cum uoluptate audito, renidenti similis, aspernatusq; Gregoriu, meq; de amoenitate complexus. Tu, inquit, sapide adolescens, uniuerso de pretio quantum tibi uisum fuerit decorticabis. Tum ego, De cumulo isto tuo uel granulu exgranulabo. Rursum ille in risum abiens, Pro arbitrio, inquit, exgranulabis. Ad ea ipse, Nouem igitur tibi granula, argenteola, crassula, atq; haec quidem tantum immanuabo. Immanuabis, inquit, quamprimum. Hac igitur ratione copposito pretio, transactares est, qui uero o aderant omnes in cachinnos resoluti sunt. Feci igitur me ridiculam, hoc est, rusticanu, quo agrestis hominis mollirem duritiem. Queritur autem ex alijs risus, ut cum Cicero de genere suo, qui exigua esset, statura dixit: Quis, obsecro, generu meu ad gladiu alligauit? Item de Quinto fratre, qui et ipse breui esset statu corporis, cu uidisset imaginem eius maioribus lineametis ad pectus usq; depictam: Profecto, inquit, frater meus dimidius maior est quam totus. Antonius Galateus, cui praeter summa reru doctrinam, summus etiam ac rarus quida inest dicendi lepos, praetercitem passu maiore, ac frequentiore claudu quem pia cu uideret: Cui na, inquit, diuo sacre hic dies est o capanator, adeo na frequens tintinnis? Itaq; et a nobis et ab alijs, plurimis etia modis, ijsq; maxime diuersis risum excimus. Militabat sub Alphoso eques, cui nomen erat Rosiro, hic tegmento capitis quod hodie birretu uocat, utebatur rubro atq; in cristâ porrecto: forte et excubias pro castris agebat. Cu igitur Alphosus noctu munus suu obiret, in eu et ob cristâ, et ob nomen iocatur: Quando, inquit, o galle matui nu catabis? ad ea ille,

- Malcin,quit, matutinatur,qui uespernā non gustauit:quo quidē ioco delectatus Alphōsus,uestitu illū donauit etiā diuersicolore,quo gallū et cristā, et appellatione,et uarietate coloris,toto etiā corpore referret.Sed immo rari hac in parte,exemplis amplificandæ eius gratia afferendis,omnino uidetur importunū. Reliquū est, ne partem eam in exemplificatam relinquamus,quæ tū à rebus ipsis risum querit,tum ab euentis. Quæ autē uia risus ab ijs quæ eueniūt cōparetur,Cicero docuit,in Vatiniij cōsulatū iocatus,cum paucorū admodum dierū fuisset. Magnū, inquit, ostentū anno:Vatiniij factum est,illo enim cōsule,nec bruma,nec uer,nec æstas,nec autumnus fuit. Docuit et Vatinius ipse in Ciceronis uerba iocatus. Nam cum gloriaretur Cicero se reipublicæ humeris ab exilio reportatū:Vnde ergo tibi uarices? Vatinius intulit. Nec minus apud Plautū seruus pro ancilla suppositus in cubili,cum à spectatoribus risum captās, dixit:Mihi quidē æde pol insignite facta est iniuria, duobus nupsi neuter fecit,quod nouæ nuptæ solet. Extat etiā Catonis dictū admodū facetū, cui renuntiātū cum esset, Albidij ciuis Romani,q sua bona per luxū,atq; ingluuiē cōsumpsisset, domū, quæ unā illi esset reliqua,incendio conflagrassē: Vt belle, inquit Albidius. Proteruiā fecit alludens ad sacrificiū, in quo mos erat, quicquid reliquiarū superesset ex epulis, in ignem id conijci. Extat eodem hoc etiam in genere Valerij Martialis et bellū, et cultum epigramma ad Faustinū amicum:
- » Lotus nobiscum est hilaris,coenauit et idem,
  - » Inuentus mane est mortuus Andragoras.
  - » Tam subitæ mortis causam Faustine requiris.
  - » In somnis medicum uiderat Hermocratem.

Elicitur etiam rebus ab ipsis risus multipliciter quidē, quando rerum ipsarum et multiplex, et uaria, et penē infinita supellex est. Itaq; et maximam, et perquam idoneam iocantibus præbent materiam, siue ioci sint ipsi liberales atque ingenui, siue seruales aut rusticani, siue theatro detur opera, mimicisq; spectaculis. Conabimur itaq; quātum memoria nobis ex diutina lectione subministrabit, quantūq; ipsi ingenio assequi poterimus, pro materia qua de agitur, exēpla diuersi generis uariæq; ioculationis afferre, dignitate tamen seruata. Philosophamur enim, uel philosophicē potius ludimus, nō ea tamē licentia, ut bistrionijs, sicophātijsq; locus detur in scriptis his nostris ullus. Rerū autē appellatione et negotia, et artes, et misteria, opificiaq; et prædia, et supellectilē, censumq; et id genus externa omnia intelligi uolumus. Vido Grammaticus, quem ego adolescentulus Perusia audiui senē iam, retinentem tamen dignitatem institutore dignam, fuerat iunior in editiore domus parte cū ancilla deprehensus à discipulo, atq;



eo quidē in statu, ut cū discipulus magistro illudēs dixisset repente ad primā deprehensionē: Omnis homo currit, nō discedens à Grāmatica, Dialecticāq; disciplina: præceptore quoq; ab ipso, momento eodē respōsum fuerit: Præter me uolantē, statū uidelicet cōsiderante in quo deprehēsus esset. Res igitur ipsa et discipulū admonuit, et doctore ijsdē sensibus simul ludere, eandēq; in sententiā iocari. Thomas Pōtanus, nobilissimus Rhetor, habebat in delitijs catellā, cui Lusculæ erat nomen: ea cū uidisset ancillulā cum hero ludentem delitiosius, in eā mordicus illata est, quā de re cū illa quæreretur ad herū, respōdissetq; ille ioculabūdus, amorē tenebris gaudere, atq; inde uulgo cæcū dictitari: tū illa, atqui putabā (retulit) de nomine ipso Lusculā cæcam esse. Erāt Lucio Manlio pictori de formiores liberi, quod cum animaduertisset q apud eū cœnitabat Seruilius Geminius, dixissetq;: Quid hoc Manli, quod nequaquā similē in modū et pingis, et fingis? Ille subdidit illico, quid mirū, qui in tenebris fingā, pingā in luce? M. Cicero cum audisset Pompeiū in bello illo Macedonico militē Gallū Cæsaris è castris qui ad eū trās fugisset, ciuitate donasse. perbellū, inquit hominē, qui Gallis alienā promittat ciuitatē, cū nostrā nobis nō possit reddere. Iocabūdus quispiā, uel tentabundus potius, cum dixisset (nam de somnijs coram Alphonso rege erat disceptatio) nocte præterita somniasse, dono se ab rege accipere sacculum aureis grauidum: ibi tum Alphonsus: An ignoras adhibendam somnijs fidē Christiano ab homine nullā esse? Est Iouiano Pōtano, qui de his disserit, Eugenia filia, eaq; sine liberis, cumq; aliquando ea suis è scriniolis protulisset imagunculas quasdam uenustissime effigiatas: Quanto, inquit, melius o filia et patri, et uiro, et tibi ipsi consultum esset, si harum similes aliquas ex utero tuo proferres. Altera eius filia Aurelia, eaque natus maior amisso Paulo marito, cum à patre ad alterum uirum, torumq; hortaretur secundum: Quintu, inquit, pater non et nuptias secundas inis? Quia (respondit) nullam matritue similem me reperturum confido. Id ipsum (respondit) me me uersat pater, quod mihi placiturum Paulo et quē similem sperē neminē. Hæc ipsa cū uix duodecim annorū filiā marito despondisset, iubete Federico rege, eaq; à uiro, parū pro ætate, atq; urbanis moribus deliciose tractaretur, interrogatāq; quā nā uxorie filiola cū marito ageret? Mihi, inq; mortuus est cōiux, filia uerò nullo modo uiuus. Hæc uerò ipsa respōsa quāuis risum nō asserant, asserūt tamē approbationē. Atq; ea quidem de causa in medium illa attulimus, uti ex hoc quoque genere quæ in utraq; partem et risus, et approbationis proferri possent, præterijscē minime uidcremur. Ioannes Pardus nō minus urbanus confessor, q̄ eruditus philosophus, confederat in aula principis, constiterat ei ad laus

Iurisconsultus uestitu serico, vultu quammaximè securo, oculis in humum coniectis: qui post multum silentium, corona non ineptorum hominum circumstante, uoce quammaximè canora, atq; in tonum sublata coepit excantare, magis quàm dicere. Hic Pardus, Vt è concauo, inquit, ac uacuo è loco sonitus hic depromitur. Vix ullum unquam tantus risus profectus est: dictū. Bernardus Vitalis, uir multi usus, ac maximè compositis moribus, interrogabatur à Federico rege, quid nam esset causæ cur in uescendo alosa pisce oculari ueretur uitro? Respondit: Nequaquam ipse miraris, ô bone rex, legentem me amicorum epistolas, quibus legendis nullum imminerat periculum, uitro uti, at demiraris usum oculariū in edendo maximè spinoso pisce, sentibusq; tam spinosis atq; acutis, quibus singulis insit uel strangulatorius gladius. Ibi adoloscensculus, licentiosior: Quid, inquit, ô Vitalis, ueris ne specillis istis tuis, ubi cum uxore lusitas? Quin (inquit) uxoris naso ea admoueo, quo mercimonium illi meum crassius, uegetiusq; appareat. Quid aut festiuus, aut in re licentior uenustius? Prosequebatur quidā mirificis Gallos laudibus, summa celeritate Alpes, Apenninūq; transgressos, paucissimis diebus in Campaniā contendisse, magnis pedescribus, atq; equestribus copijs: ibi homo qui ægrius fortasse id ferret, dissimularet tamen: At, inquit, multo id admirabilius, Federicum tam breui è rege remigem factum esse. Siquidem spoliatus regno pauculas in trivrens sese receperat, quibus post ad Ludouicum regem in Galliam est delatus. Iis in copijs manus quædam fuit nec exigua, nec male strenua, cuius insigne esset cochlea. Hac è manu cum fama esset, non paucos Rome tumultu exorto, cæsos, suoq; sanguine Floræ campū cruentasse, hic Chariteus: Quid nunc, inquit, dicent Enniani isti:

• Cochleas herbigenas, domi portas, sanguine cassas?

Erat sermo porticu sub nostra de usu resinæ uinacæ, quodq; ea summo studio conquireretur à mercatoribus. Erant qui dicerent Campaniā inopē eius esse, quod uina haberet & tenuiora, & permultum accida. Idem cum Chariteus, quo solet tum suo illo lepore, tum summa ingenij dexteritate: Si busta, inquit, Gallica perscrutari curæ sit mercatoribus, nullam eius generis resinæ regionem feraciorē hac inuenerint. Ferdinandus rex ægerri me ferebat, ubi quos aut binos, aut ternos uidisset deambulantes, quiq; suas inuicem res, suaq; consilia inter deambulandum conferrent. Quod cum aliquādo Pompa parasitaster deprehendisset: Vin, inquit, ô rex, aut magnam tibi molestiam adimere, aut non exiguum deambulationibus ex ijs compendium comparare? portorium ijs constitue, perinde ut è piscationibus, mercimoniorumq; inuentionibus persoluendum, mihi crede, diues

inde

inde uestigial exegeris. Idem rex commendabat noui portorij excogitatore. Erat autē uestigial huiusmodi: stipendia qui de regio acciperent arario, pro singulis centenīs aureis, quatuor annuos in ararium ut referret: Ad ea Ferrandus Geuara, qui tum aderat, eques maxime festiuus, et comis: At ego, inquit, o rex, quo apud te cōmendatior multo sim, id tibi consilij dederim, nobis omnibus, quos et pascis, et uestis, ut et uictum cripias, et uestitum, mihi crede, nullum siue mari siue terra, nec maius, nec utilius excogitari à quoquam hoc ipso uestigial poterit. Est ridiculum et lepidum Valerij Martialis illud:

Potor nobilis Aule lumine uno  
 Luscus Phryx erat, alteroq; lippus.  
 Huic dicit medicus, bibas caueto  
 Vinum, si biberis, nihil uidebis.  
 Ridens Phryx oculo ualebis inquit.  
 Miscri sibi protinus deunces  
 Sed crebros iubet, exitum requiris.  
 Vinum Phryx, oculus bibit uenenum.  
 Rauca cortis aues, et oua matrum,  
 Et flauas medio uapore Chias,  
 Et fœtum querula rudem capellæ,  
 Nec iam frigoribus pares oliuas,  
 Et canum gelidis holus pruinis,  
 De nostro tibi rure missa credis:  
 O quam Regule diligenter ciras.  
 Nil nostri nisi me ferunt agelli.  
 Quicquid uillicus Umber, aut colonus,  
 Aut Thufci tibi, Thufculi ue mittunt,  
 Aut rus marmore tertio notatum,  
 Id tota mihi nascitur subura.

Est et hoc iocosum ac suauē.

Marinus Tomacellus Romæ agebat, quo tempore inter Ferdinandū Aragonensem, et Andegauensem Ioannem de regno Neapolitano erat certamen, quod totā in se Italiam conuerterat. Fauebat partibus Andegauensibus Atrebas Cardinalis. Itaq; nuntius allatus cum esset, Ioannis copias fugatas: Atrebas Marino obuiam factus: Quid uanitatis, inquit, per ora hominum sparsum audio? milites Gallos fugatos esse. Ad ea Marinus minime quidem fugatos, nam ne fugere possent, ad unum captos omnes esse, respondit. Tum Atrebas: Tu quidem Marine uersutior es, quam pro breuitate corporis. Cui Marinus: At tu quidem o Atrebas minus es multo

Et uerus, et probus, quàm pro proceritate ista tua. Faustus Lucij Syllæ  
 filius, compertum cum haberet sororem suam eodem tempore adulteris  
 duobus dare operam, Fuluius uni fullonis filio, alteri Pompeio cui cogno-  
 men esset Macula, eaq; accusaretur à familiaribus, quod uno tēpore, duos  
 haberet Maculam, et fullonem amatores, tum ipse quasi uix id crederet:  
 Miror, inquit, sororem meam habere maculam, cum eadem fullonem ha-  
 beat. Lanij cuiusdam Neapolitani Ditis nomine uxor erat de se ipsa libe-  
 ralior, quàm pudicam deceret, dicaculus quispiam cum eam per iocum di-  
 ceret, carnem minoris uendere: Quid mirum, subdidit Franciscus Puccius,  
 quæ ditem lanii habeat coniugem? Ex ijs igitur quæ dicta sunt (ne nimij  
 hac in parte uideamur) facile quidem apparet, risus unde oriri soleant, siue  
 à nobis petantur, siue ab alijs, siue à rebus ipsis, rerumq; euentis. Quo  
 autem secundum Philosophorum sententiam apposite magis loquamur,  
 sunt enim tria bonorum genera, aut ridentur in nobis corporis siue defor-  
 mitates, siue uitia, aut animi, aut quæ externis sunt è rebus, quæq; ab euen-  
 tu contingunt. Iocabatur persæpe in semetipsum Federicus Vrbina's, quod  
 oculo altero captus esset: Nicolaus Picininus, quod pede uno minus uali-  
 dus, uterq; belli dux, alter maxime strenuus, alter summe cautus, et hic et  
 ille admodum facetus. Vrbina's quidem ornatus literis, multaq; præditus  
 eruditione, Picininus uerò ut qui ad Grammaticum profectus nunquam  
 fuerit. Ille igitur nunquam non in iocando elegans atq; urbanus, hic qui  
 cuperet esse urbanus, cum tamen præstare uix id posset. Dicentem audiui  
 sepius Antonium Panhormitam, nunquam se magis in initio deiectum  
 animo, in exitu autem maiore cum hilaritate risisse, quàm cum obuiam  
 Nicolao factus, illiq; ut duci fortissimo, ut Mediolanensis rei administra-  
 tori et assurrexisset submissius, et de more etiam reuerentius salutasset.  
 Illum igitur ut qui et subblandiri Antonio cuperet, et suauiore etiam ser-  
 mone complecti: Dispercam dixisse, ô Antoni, ni oculis mēme captū uelim  
 quoties te intueor. Ad eas se quanquam consternatum dixisse: Nam quem,  
 ô imperator eximie, quem nam quæso tuarū rerum obseruantiores mē-  
 me uno aut inueneris, aut facinora qui tua et uehementius admiretur, et  
 maioribus atq; uberioribus prosequatur laudibus? Ibi tum illum in risum  
 conuersum statim subdidisse, blandientem quidem, quamuis blandire pa-  
 rum posset, aut sciret. Quoties, inquit, tete ipsum considero, tanta cogni-  
 tione præditum, tot tantisq; animi bonis clarum atq; illustrem, me autem  
 contrà, meamq; ignorantiam rursus reputo, odi te ut aduersarium, uene-  
 ror ut scientem. Conatus est uir, qui per omnem ætatem militiam exer-  
 uisset, uelle esse urbanus, præstitit quod potuit, fortasse etiam plusquam  
 cupiſſe

auipij, dum sese ignorantem professus, illum ut doctum, & rerum multarum peritum pariter & admiratur, & colit: in alio igitur homine hæc ipsa (ut imprudētius dicta) iudicari stulta possent, quæ (si mentem dicentis respicias) laudem non ei minorem afferunt, quam qua ipse Antonium exornare contendebat. Quocirca dicta quædam si imprudenter excidant, ut stulta et ridentur, & condemnantur: sin simulanter, uenusta habentur ac lepida. Interdum uerò (perinde ut in Picinino) magis uoluntas dicentis inspicienda est, quam ea ipsa quæ dicuntur. Secutus ego aliquando cum essem Alphonsum Ferdinandi filium, sub cuius ac patris auspicijs Federicus exercitum ducebat, ingressusq; cum essem prætorium, in quo præfelli omnes consedisent, & assurrexit mihi Federicus, & tacere omnes iussit. En adest, inquit, magister. Videtis quantum inter utrunq; interfit. Da bites tamen, quæ maior aut honoratio fuerit, aut commendatio, hic et prudens et sciens præstitit mihi non minus quam uoluit: ille quanquam ignorans, adnissus tamen præstitit forte in Antonium plus etiam quam studuit. Dicta igitur pleraq; imprudenter ubi exciderint, merito stulta sunt habenda: ubi uerò simulata fuerint, et uenusta & faceta. Sed et temporis tamen, & loci, & rerum ipsarum, cum primis uerò personæ ratio habenda est. Deniq; risus ipsi uel gestu excitantur, uel dicto. Accedet autem gratiæ plurimū dictis ipsis, ubi seueritas quasi quædam uultus dicenti affuerit, quod maxime exigitur in ijs quæ spiculata sunt, aculeosq; insigunt. Nam dicacitatem illam scurrilem atq; obscenam, maxime alienam non a faceto solum, uerum etiam ab urbanis & comibus esse uolumus: nec tantum autem uerbis, uerum etiam à rerum significationibus abesse obscenitatem oportere Marcus Cicero ostendit, cum ait putare se facetias quidem in narrando consistere, dicacitatem uerò in faciendo.

Lasciua dicta non decere factū, nec contumeliosa. Cap. 11.



Voniam autem tum dicta, tum ridicula ipsa aut lasciua sunt, aut iucunda, aut contumeliosa, aut lenia, acerbā uero, ita quidem tenendū censeo, in conuiuijs, congressionibus, quotidianoq; in sermone, uix unquam principē uirū ac grauiorem gerentem personam decere lasciuiam, quæ tamen in hominutionibus ipsis humiliq; in loco constitutis commendari passim solita est, quippe quibus dignitas minimè obstat aliqua, nullusq; aut respectus, aut locus. At ioci hilares, iucundi, grati, quiq; animum honeste recreent, uel etiam sacerdotibus conueniunt, quod Prædicatores asurpatissime in dicendo seruant. Contumeliosa non caret intemperantia,

atque iniustitia, aduersanturq; recreationi. Eiusdem naturæ uidetur esse aspera atq; amara, quippe quæ et inimicitias excitent, et causas afferant ciuilibus contentionibus. Deniq; summo id studio euitandum, salum ne dictum præferamus amicitie ac tranquillitati, neue pluris faciamus dictum, quam amicum et notum hominem.

Cuiusmodi esse debeant fabellarum expositiones.

Cap. III.



**F**abellarum uero enarrationes, uniuersaq; earum expositiones, res ipsa cuius gratia fabellæ sunt inuētæ, hortari nos debet, ut cultæ sint, elegantes, uenustæ, concinnæ, uerbis maximè accommodatis, sententijsq; cum primis lepidis ac conditis, tum uoce, ac uultu perquam conuenientibus. Narrare solebat auia mea Leonarda, celebris memorie matrona, Podagram aliquando sub mulierculæ speciem peregrinantem in rusculum diuertisse, eamq; ubi uidisset casulas inertissime ædificatas, obsitas araneis, squallidas situ, atq; illuuiæ marcidæ, conuersam ad pedissequas dixisse: Apagete à me hospitium hoc sentum, informe, foetidum, fumosum, tetrū, apagete diuersorium in quo quid intueare? præter marras, bidentes, rastros, agrestiumq; ferramentorum diuersa genera, aut bouum, asinarumq; stercoreamenta, siue suū excrementa, ac capellarū. Itaq; ualere iubeo et uillas, et tegetes tā sordenteis, urbs nobis et otia sunt querēda, urbs quæ otium foueat: otia quæ urbana sint, atq; deliciofa, illatamq; ad primum urbis ingressum in fabri ferrarij officinam, dixisse: Nil mihi cū incude et malleo: in domū inde aliquanto ab ea remotiorem, cuius ante uestibulum choreæ agitarentur, atq; conuiuia, ibiq; interrogasse, cuius nam ædes eæ essent: responsum illico, otij eas esse, inhabitariq; ab hominibus desidijs, soninoq; et uino marcentibus: e uestigio itaq; domum ingressam uultuq; quammaximè hilari, dixisse: Hæc domus, hæc patria est: Cūq; solitudinem, ac laborem ante fores, uideret satagētes, iussisse procul eas abigi, et curas inde exulare, cū primisq; sobrietatem, atq; abstinentiam. Hæc auia ipsa nobis pueris referebat et uultu, et uoce, et membrorum assensu, qualis fabulantem deceret, ad puerilem animum, ad bonos mores, ad negotia, laboresq; inuitandum. Narrare quoque solita est Christiana mater, cum noctu adolescentulus lectitarem ad candelam, extitisse patremfamilias, cui gemini essent filij, morientemq; illum, tum supellectilem multam illis reliquisse, tum olei non medio cremæ summam, quo nocturna uterentur ad opera, tenebrasq; euigilandas. Alterum itaq; ex ijs in conuiujs ac cœnis oleū consumpsisse, exq; eo breui in inopiam redactum: alterū uero dedisse operam literis, oleoq; nocturnis

nir in lectionibus usus quod esset, peruenisse ex eo ad summas diuitias. Cœptum igitur cantari per urbem de utroq; huiusmodi carmen: Hic oleum & se perdit, dum ad candelas coenitat: Ille arcam, & se ditat, dum ad lucernas lectitat. Eiusmodi igitur fabellæ cum sint ad bonos mores institutæ, atque ad recreandos animos, & delectare debent, & prodesse: proderunt autem, si ab auditoribus gratis animis acceptæ fuerint: accipientur autem periucunde & grate, si enarratio ipsa ornata, & comis fuerit, si oratio suavis, & nitida, uultus autem gestusq; dicentis rebus ipsis accommodatus.

FINIS.

IOANNIS IOVIANI PONTANI  
DE SERMONE LIB. VI.

Qualis esse debeat uir facetus. Cap. I.



**L**RIT igitur facetus is, quem nunc instituimus, in iocando suavis & hilaris, uultu placido, & ad refocillandum composito, in respondendo gratus ac concinnus, uoce nec languida, nec subrustica, uirili tamen & leta, in motu urbanus, qui que nec rus indicet, nec nimias urbis delitias, à scurrilitate abhorrebit, uti à scopulo, obscenitatem ad parasitos & mimos relegabit. Salibus ita utetur ac mordacibus dictis, ut nisi prouocatus ac lacesitus nec remordeat, nec reuellit: ita tamē, ut nunquam ab honesto recedat, ab eaq; animi compositione, quæ ingenui hominis est propria. Fuit Antonius Pāhormita admodum urbanus. Thomas uerò Pontanus etiam salsus. Hic cum sensisset, procatorii è dicto infixū sibi dentem: Ego mihi, inquit, uulnus obligabo, dū te interim petulantia pœniteat tue. Ille uerò: Quod os ipsum impure loquitur, id tute met ne aurēs ipse audiāt obturato. Vterq; & sapientur, & pro dignitate, nec à faceti discebat officio. Erit igitur facetus uir sui compos, dictorumq; moderator, quiq; ubiq; consideret sermonem suum ad recreationem spectare: & quamuis ipse & sciat, & possit esse salsus ac mordax, tamen genus hoc siue dicatitatis, siue aculeationis Oratoribus relinquet, quiq; defensionibus dāt operam, falsiq; esse malunt quàm faceti: Nam ab histrionicis, mimicisq; intemperamentis erit prorsus alienus, multo autem maxime parasiticis ab obscenitatibus & uerborum, & significationum. Erit idem multum etiam comis, cum (ut initio diximus) comitas potissimum in fabellis uersetur, suauis



busq; in enarrationibus ac colloquijs: habebit peritiā multā, multam item memoriam tum eorum qui faceti sunt habiti, tum facetiarum ipsarum, quarum relationes multum habent gratiæ apud audientes. Quibus seruadis, delectu quoq; adhibito, mediocritatem retinebit eam, quæ uirtutem hanc, de qua sermo est, constituit. Quia uerò nec semper dicta ipsa responsa uerisum mouent, uerum sæpenumerò approbationem, eam quæ nonnunquam cum admiratione, idcirco idem ipse abundare debet sententijs, ijsq; grauioribus ac generosis, itemq; exemplis atq; historijs, uersibus itidem grauissimorum Poëtarum, quos subinde in medium proferet pro natura rerum quæ in sermone uersantur. Quodq; dictu quidem ridiculum uideri potest, nō erit ignarus etiam anilium fabellarum, quæ pro loco quidem ac tempore et gratæ sunt, et audientiam sibi comparant, cum etiam animos ipsos auditorum siue festos siue exatiatos denuo inuitent, atque ad audiendum alliciant. Quocirca non in circulis tantum et coronis, siue confessionibus ac conuictibus, uerum etiam in concionibus, cumq; maioribus de rebus agitur: facetus uir id etiam præstabit, ut iucundis ac suauius siue dictis, siue sententijs, prouerbijisq; siue etiam fabellis et astantes ad se audiendū trahat, et urbane eos comiterq; appellatos deliniat, et, penè dixerim, lenocinetur suauioribus fabellarum explicationibus, aut exemplorū adductione, quæ cum primis gratæ sint, exhilarētq; auditoriū. Postremo autem sic habeto, faceti hominis orationē ubiq; multū gratiæ habere oportere, ut ne grauiissimis quidem in rebus sui ipsius obliuiscatur, sitq; ita facetus, ut seueritatis quoq; meminerit: adeo autem seuerus, ut sciat laborū comitem esse debere quietem ac ludū aliquem, honestū tamen ac commēdatione dignum.

Qualia facetorum dicta, responsaq; esse debeant. Cap 11.



Valia uerò facetorum, tum dicta tum responsa esse debeāt, ex ijs paucis quæ subiicimus facile apparebit. Frāciscus Aelius nō in studijs modò his nostris summa cum celebritate uersatus, uerum etiam ciuilibus in actionibus ac negotijs: cum uideret sacerdotem excomptum admodum, atq; expansiore capillo, soleisq; incedentē editoribus, tunicis quoque laxioribus, atq; in plurimos sinus complicatis, pallioq; inuēdū, conuersus ipse ad eos qui secū constiterāt: An, inquit, ignoratis, quam exculiti essent, pensiles Semiramidis reginæ hortuli. Idem cum uidisset Gallos milites calciamenti uti pedum, taurinorum in uestigiorum speciem: Vbi, inquit, horū sunt taurorū cornua? Cumq; Gallicus quispiam ex auditoribus et ipse quoq; facetus subdidisset. In manibus hi gerūt cornua, quod telū scilicet ē manibus nunquā mitterent: Ibi Aelius, Horū igitur ueruta, balabar

deq;

deq; sunt cyathi. Extat eius siue dictum, siue respoſum catum admodum: Funem qui duceret, eos prae se quidem oculos, pone uero uestigia mouere. Petrus Summontius, de quo supra mentionē fecimus, nam praeter summā literarum cognitionem, summe etiam iucundus est et comis, cum animaduerſisset matronā et forma, et cultu praecellentem, oculis tamen lasciuio-ribus, et penē amatores uorantibus: Quid, inquit, segnes, non et nos ad amplexum eius componimus? Est et illud eiusdem maxime facetum, nam uocatus ad cenā a sacerdote, cum uinarius promptor nusquam compa-  
ret: Quid moramur, inquit, quin cantemus illi mortualia? Idem cū intelli-  
geret ciues nō paucos occupatos in laudādis pomerijs Neapolitanis, quae a Federico rege promouebantur, in medijs laudationibus inter strepitans: Ve, inquit, pomarijs. Quod quidē secuti sunt, pleriq; enim horti uasitatē  
acceperunt propter muros fossasq; circumductas. Aelius Syncerus, rari uir  
ingenij, magnaeq; nobilitatis, et ipse quoq; admodū facetus, cum in cōspe-  
ctu Federici regis esset inter physicos quaestio, quid praecipue cōferret ocu-  
lorū perspicuitati, alijq; foeniculi afflatū diceret, alij uitri usum, alijq; item  
aliud: At ego, inq; inuidiā aio. Obstupuerūt hoc dicto adeo medici, ut ab au-  
ditoribus derisui haberentur. Tū ipse: An nō inuidia maiora ac pleniora o-  
mnia uideri facit? Quid aut oculis magis praesentaneū, q̄ ut uis ipsa afficiē-  
di maior reddatur, atq; uegetior: protulitq; statim Ouidianos illos uersus:  
Fertilior seges est alienis semper in agris,  
Vicinumq; pecus grandius ubet habet.

Idem interrogatus ab amico, quid de Marini Minervae negotijs habe-  
ret certi: respondit, quod apud forū cum uxore litigaret. Cumq; ille: Quid  
malum ex te audio, cum uxore hic ut litiget, qui eam in Brutijs multos an-  
te annos penē uiduā reliquerit? Tū Aelius rursum: Quae nam (malū) igno-  
rantia ista est tua, qui nescias Marinum repudiata priore, nuper uxorem  
duxisse podagrā. Mouit repēte qui adessent omnium risum, cum pro lecto ad  
forum alluſerit, ubi perpetua est litiū agitatio, pro uxore ad podagrā, quae  
illi usque in cubili adesset et comes, et socia, nec quiescere eū pateretur. Poe-  
tus Fudanus, quem audio dicere Musarū in hortulis adollescere, cū audiret  
familiarē hominē de pedū dolore ciulatus mittere, nec posse illos cōpescere,  
accurrit ad clamores: Ecquid, inquit, alij de itinere queruntur assi-  
duo, laboribusq; quam plurimis, de perpetua negotiorū inquietudine alij:  
Tu (pro deūm atq; hominum fidem) de quiete quereris atque otio? quod si  
tibi molestum est, exurge age, ac peregre proficiscere. Quid queris? de le-  
pore dolor in risum conuersus est. Audio Romanum Thamyram, Roma-  
num dico, et patriā linguam, et disciplinas, artibusq; Romanos referētem,

audio, inquam, *Thamyram*, cum esset ab Antonio Cicuro, noto ac benivolente homine, qui blasus tamen esset, saluere iussus, illaq; blasuriens, pro *Thamyra* saluē dixisset ô *Tumule*, respondisse (cum tamen et ipse blasum pariter sese effingeret) Et tu haue ô *Cucule*. Blasa illa salutatio fuit admodum ridicula, multo tamen ridiculosior gestus ipse blasionem effingens. Etenim meus hic *Thamyras* quanquam prudentissimus, tamen solenni die celeberrimis in pompa animaduersum cum esset, Pontificem Maximum coniecisse in puellam oculos, quæ tenerrimæ esset ætatis ac formæ, mirarenturq; qui in id intenti essent, tum petulanteis Pontificis summi oculos, tum iocos puellæ mutuos: Desinite, inquit, obsecro mirari *Papæ* pupam hanc placere cupere, scit enim piper ab eo sub peplo ferri, nec ignorat *Papæ* pupæ penum piperi conseruando comparatum. Nescias quid facietius. Et morum suauitate, et studijs bis nostris abunde notus est præstantissimis quibusq; uiris *Suardinus Bergomās*: is domi cum haberet conuiuas, iussissetq; de more exemptis dapibus bellaria afferri, tum è conuiuiis aliquis: Cui bellum, inquit (ad bellaria alludens) facturi sumus. Tum ipse: *Vinariæ*, inquit, cellæ. Bene habet respondit, etenim sitimus omnes. Agite pueri, stū ipse, Setinū appropere. Rursus ille: Bello ex hoc quæ spolia nobis futura? Ad ea *Suardinus*: *Spoletina* pueri in aciem proferte. Tertiu ille cum phaleratos commendaret pomorum canistros: Ne parcite pocillatores, ne ue *Falernis* abstineat. Cumq; quartum ille subdidisset: En *Munera*, *letitiæ*q; die. Tum ipse sublato manu utraq; carche sio canere coepit:

„ Cecubum prelo domitum *Caleno*,

„ Sit meæ lenis requies *senectæ*.

Hæcq; ratione à modestissimis uiris comiter traducta est coena. Docuit igitur *Suardinus*, qui ue ioci, quæ ue dicta facetum deceant in coena præsertim, ut quæ etiam iocunda et comis esse debeat, ingenuisq; conuiuiis digna: non tamen hac ut in parte ferculorum ratio tradatur, sed iocorum tantū, ac facetiarū. Celebrabantur à *Ferdinando* rege *Hippolitæ* nurus, atq; *Alphonfi* filij nuptiæ, apparatu splendidissimo. Erat dies decursionis *hastatæ*, flagrantq; sub sole cuncta. Conuenerant autē mortales omnis generis ad spectandum, cumq; plurimi ludorū essent laudatores, uel pleriq; omnes admiratores potius, in media laudantium frequentia et plausu exclamauit *Theutonicus*: O ualeant ludi, in quibus nemo bibit. Nesciā an aliās tanta in multitudine dictum ullum tanto cum risu acceptum fuerit, præsertim ex ore Germanici hominis. *Philopœmenes* *Acheorum* dux præcipue inter *Græcos* clarus, erat diuersurus ad hospitium ueteris amici. Quo cognito, iussit hospes apparari quæ necessaria essent alia, ab uxore dum,

dum interim ipse obsonium appararet. Hec inter Philopœmen solus (ut ipsa res ferebat) ad hospitium properat, quem uenientem hospita, dum ut solum, ut deformem, ut qui nihil ornatus haberet eximij, arbitratur mulier ex ministris esse aliquem, qui herum præcuniret, cum esset de aduentu Philopœmenis mirifice sollicita, etiam blandienter rogauit eum se uti adiutaret ad dominum comiter accipiendum. Tum Philopœmen, ut erat perhum. unus, cognito mulieris errore, confestim securi accepta, et cuncto cepit ligna findere coquendâ ad cœnam. Hospes interim domû regressus, cum animaduiceret Philopœmenem findendis lignis malloco incumbere: Prò lupiter, inquit, quid hoc Philopœmen: prò pudor decorum, atq; hominû, quid agis dux maximè: uultumq; de dolore simul, ac pudore dimisit. Ad ea Philopœmen maxima cum iucunditate: Pro deformitate, inquit, oris, totius corporis pœnas luo. Voluit ipsemet præbere de se et risum hosti, et sibi ipsi ridiculus esse. Res sanè festiua, ac faceto homine digna, quæq; quo rarior, eo etiam fuerit lepidior. Alphonsus rex, quem liberalissimum ætas nostra experta est, cum homini de se bene merito de manu præsentem pecuniam tribuisset: Amabo, inquit, hoc age, ne thesaurarius hoc reciscat meus. Cumq; ille subdidisset: Tu ne ô rex questorê ueraris? Vereor, inquit, ne hac è causa de cœnis mihi altero, tantum demat. Studebat Alphonsus liberalitatem eam occultam esse, cognito deniq; accipientis ingenio, fecit se deridiculum, dum, ne illum paruifaceret, uult uideri. Eundem in Philopœmenem cum iocaretur aliquando Titus Flaminius, deformitati corporis eius illudens, diceretq; uultu quam maximè iocoso et hilarari. Quid hoc Philopœmen, cum pulchras manus, crura etiam perquam pulchra habeas, quod uentrem ipse non habeas. Ad ea Philopœmen eadem cum hilaritate et uultu: Quid ô Romanorum imperator eximie, cû egregios pedites, strenuos maximè equites habeas, quod pecuniam minimè habeas? Nam et Flaminius per sepe inopiam rei pecuniariæ laborabat, quemadmodum Philopœmen exiguitate uentris, ac medij corporis gracilitate. Facetissime etiam Themistocles aduersus filium, matris fauore atq; auctoritate quædam exposcentem: nam ad matrem eius conuersus, Grecis quidem ô uxor, inquit, Athenienses imperitant, ipse ego Atheniensibus, ut autem mihi, tibi uerò ipsi filius præscribit. Non probabat Cn. Pompeius in Thusculano ædificatam à Lucullo uillam, quod ea æstiuæ quidem in habitationi accommodatissima cum esset, hybernæ tamen parû omnino prospectum fuisset: ad quæ iucundissime magnaq; cum festiuitate Lucullus: Num tibi, inquit, Pompei quàm grues, quàm ciconiæ, minus habere cordis iudeor? qui nesciam pro temporibus habitationē mutare? Et illud quoq;

ab eodem concinniter, ac iose. Cum enim dispensator rei familiaris ab eo accusaretur, quod parciozem parasset cœnam, & ille respondisset, quod solus quidem cœnaturus esses, non putabam lautiore apparatu opus esse. Ibi ipse vultu quàm maxime festiuo: An ignorabas apud Lucullum ipsum cœnaturũ esse Lucullum? Facetum admodum etiam Catonis illud, quamquam dicat ate non caret. Nam maritimum ciuis quispiam fundum cum uendidisset, quod esset uentri, ac luxui summum in modum deditus: hoc cognito, quod eius ingenium Catoni perspectum esset, statim inquit: Per herculem nimis miror hominem hunc, quàm mare plus etiam pollere. Videlicet quod ille per luxum atq; gulam absorpsisset, quod mare fluctibus uix allideret. Est eiusdem Catonis dictum, quamquam sapiens, tamen quod etiam facetum dicas. Filius enim eius matre mortua, cum mulierculam ad patris cubiculum sepiculæ itantem, toruius aliquando inspe xisset, idq; Catoni esset significatum, confestim alteram despondit uxore: quod intelligens filius, patrem precabatur, ignosceret sibi, siquid per incuriam peccasset. Tum ipse: Nihil (respondit) eiusmodi est in causa, nisi quod tui similes patriæ plures relinquere ciues cupiam. Illud uero Marci Ciceronis & acutum admodum & facetum: Quidam enim cum ei dixisset: Tu ne istud ætatis uirgunculam duxisti? Cras (respondit) mulier erit. Iulia Augusti filia, Marci Agrippæ uxor, cum intellexisset suis è consijs mirari quosdã quod liberi eius tam essent Agrippæ similes: Desinant, inquit, mirari, quando ipsa nunquam nisi naui plena uectorem tollo. Hoc quamquam facete responsum, significatione tamen obscenitatis minimè caret. Emerat Alcibiades canem raræ magnitudinis non exiguo pretio, nec multis post diebus & caudam illi mutilari, & per urbem liberum abire iussit. Hoc uiso cum omnes rem ut ineptam mirarentur ac stolidam, alij deridere Alcibiadem qui id fecisset, alij etiam ut stultum cum, animiq; parum omnino compositi accusare, esse è familiaribus, atq; amicis qui obiurgarent: Quo cognito Alcibiades in risum uersus: At mihi, inquit, hoc facto perbelle, perq; opportune consultum est: Cum enim scirem Atheniensem populũ a sũdualitate me, rebusq; obloqui de meis ac maledicere, commento hoc, dum ineptã hanc materiam ridiculamq; ei maledicendi trado, impudentioribus à maledictis, quibus me quotidie discerpunt, & illum auerti, & me etiam liberati. Atheniensis Anitus uir & diues, & splendidus, parauerat amicis conuiuium, rogaueratq; Alcibiadem eorum uti numero se adiungeret, cumq; recusasset, domum se Alcibiades recepit, uino ibi liberalius indulgens, atq; hoc facto, cum seruis profectus, atq; in Aniti cœnaculum irrupens, iussit ab aci ornatum dimidiatum ipsum quidẽ a seruis rapi, in quo

per multa essent ex auro atq; argento uascula, atq; ad se impetu codē ferri. Quod factum à conuiujs acriter cum incessaretur, ibi Anitus: *Quin,* inquit, Alcibiades toto cum de hoc abaco pro arbitrio ei facere ius esset, liberalissime mecum egit, quod dimidium mihi eius integrum reliquerit. Publius Syrus, cuius multæ extant præclaræq; sententiæ: interrogatus quid podager quispiam ad solem constitutus ageret, perquam belle respondit ac perargute, Aquam calfacit. Idem quoq; interrogatus, quod nam ipse molestum esse otium duceret, Pedum podagricorum respondit. Delectant autem hæc tum dicta, tum responsa, nam et læcessunt neminem, et obscenitate carent, nec indigna sunt ingenuo homine, siue dicendo, siue audiendo: nec in referendis fabellis non uenustant narrationem ipsam, uniuersamq; explicationem. Gonnella siue fabulator facetissimus, siue ioculator maxime comis, interrogatus aliquādo à Nicolao Marchione Ferrariensi, quarum nam siue artium, siue facultatū in urbe Ferraria maior esset numerus? confestim. *Quis* id dubitet, medicorum maiorem esse numerum? Tum Nicolaus: O inanem hominem, et urbis huius artium, artificumq; ignorantissimum, quippe cum uix duo, tres uel ad summum Ferraria medicos habeat siue ciues, siue externos: ad ea Gonnella: O principē maioribus rebus de ditum, qui ob eas urbem suam, suosq; ciues ignoret penitissime. Tum Nicolaus, *Quid* si hoc falsum quod ipse asseris? Tum Gonnella, *Quid* si ego uerus? Ibi siue poena, siue mulctæ ex compactis ei qui uanus inuentus esset, constituta. Igitur insequenti die sub auroram Gonnella pro templi astans foribus, obuoluto pellibus ore, ac gutture, interrogantibus qui in templū ingrediebantur, quo nam morbo laboraret, respondebat singulis, dentium dolore, singulis etiā remediū aliquod dolori præsentibus, quorū ipse et nomina conscribebat, et remedia. Atq; hac ratione urbē perreclans, perscrutandoq; remedia, singulos qui obuiam fierēt, percōtatus, supra trecetos homines medicinā dolori tradētes notauit, in tabella. Quo facto regiam ingressus, qua hora Nicolaus prandebat, sese obtulit inuolutis et ore, et ceruicibus, ingentē dolorē simulans. Nicolaus asu uiri parū cognito, cū intelligeret illū haud bene ualere à dentibus: Hæstatim, inquit, remediū Gonnella adhibe, laudabis Nicolaum, et uestigio enim sanus eris. His Gonnella acceptis, domum regressus tabulam instruit, remedia illa, remediumq; aut ores continentem, ac primo loco Marchionem ascribit, inde alios atq; alios delectu adhibito. Tercio die quasi sanus, atq; à dolore liber, nudata gula ac ceruicibus, principem adiit, docet quæ conquisita, et comprobata fuerint, mulctam ab illo exposulat, atq; in ius illum sese adacturum minatur, atq; his dictis tabulam Marchioni legendā exponit.

ibi Marchio primum inter medicos locum sese obtinere conspicatus, inde alios atq; alios primates viros, à risu continere nequiens, seq; uictum confessus, pecunia illi ut solueretur imperauit. Princeps idem Nicolaus equi Gonnelle huius caudâ, quo in loco stabulabatur, clanculum nouacula abscindi iussit. Ille hoc præcepto, asellis qui eodem instabulo nutriebantur, particulam labiorum superiorû abrasit. Delatus apud principem non excusauit factum, rogauit tautummodo damnum uti aestimaretur, ipsiusq; ad conspectum deligati ducerentur, quo aestimatio ipsa æquius fieri posset. Primo itaq; loco recte ducebatur Gonnelle equus caudæ uix frustum motitans, subsequēbatur aselli suo ordine illigati. Qui ut ante illius cōspectum steteret, resq; ipsa oculis omnium exposita est, atq; animaduersa: nec princeps ipse, nec quisquā ex ijs qui aderāt, fuit quin risu dirumpretur. Tum Gonnella: Nec tu princeps in solio cōstitutus, nec quisquā ē iudicibus, quāuis grauis ac seuerus ad hoc ipsum spectaculū tenere risum potuit, tūne asti nos, tūne bestiolas has à risu cōtinueris, dū equū tam ipsis familiarem decaudatum cōtuentur? Quo audito, iteratus est risus, Gonnellaq; ipse absolutus, cōmendatusq; ut faceret orū omnium princeps, suauissimarumq; facietiarū artifex suauissimus. Idem tamē ipse aliquando irrissus ac delusus dicitur etiam à mulierculis, ut cum iter faciens per Umbriam, perq; agrū Treuiensem animaduertisset puellulā prandentem in uia, residentemq; in lapide ac despoliatō porrò complicantem spolia illa in epistola speciem, cōplicatq; in os ingerentem, dixissetq; ac si puellam rideret: Ad quem nam, o scitula, literas istas cōplicas mittis? Tum illa irrisione uiri cognita, exhilarato uultu: Obsignandas eas anui, respondit, mitto, dextera etiam anū significās. Cumq; haud multo post puellæ alteri, obuiā factus esset, quæ capellas pastum duceret, dixissetq; tentabundus: En tibi o bellula argenteolum, petroselinū mihi si denudaueris, accepit illa cōditionem, atq; argenteū: statimq; apprehensa capella amnicula, caudaq; eius subleuata: En, inquit, uide atq; inspecta quod optasti holusculū. Huius tamen generis multa sunt, qui arbitretur à Gonnella ipso efficta quo ridiculum sese quacūq; ratione faceret audientibus. Mariotta, Antonij Rebatti mercatoris Florentini uxor, nec insulsa quidem matrona, nec parū comis, uirū cum intelligeret noctu per urbē uagari sollicitandis scortillis, intranti ei fores domesticas astitit in summis scalis, accēsa facula, nudatūq; pudendis. Quā ille re inspecta, cum inclamasset: Quid o quid Mariotta hac opus est facula? quid nudatione? Tū illa: Quo plane inspiceres, an hic tātū tibi insit, quātū satis esset: ne alibi querit ad o labores. Sed genera hæc siue ludēdi, siue iocēdi nō cōuertuntur pitudine, et ingenio parū digna sunt homine, risum tamē mouēt.

dum



dum in circulis referuntur. Quale illud est rusticani cuiusdā, non insulsi tamen homuntionis, cū enim equo ferretur ad nundinas strigoso ac perlongo, intrantemq; cum in oppidū uir iocabundus sciscitaretur, quanti uenderet panni decempedā, ipseq; eo dicto petitū se intelligeret, statim ex equo descendit, sublataq; equi cauda podicē illius ostēdens: Ingredere, inquit, o amice tabernam, neq; enim illiberaliter habebis, emesq; mercatu bono.

Quales igitur faceti esse debeant, qualia etiam facctorū tum dicta, tum responsa, quæ allata sunt a nobis exempla, docere abunde possunt. Quoniam autem ipsis ē facetijs ac ioculationibus recreatio queritur, ac remissio à laboribus molestijsq; ne huic quoque rei parte ex aliqua desimus, leſio ipsa communicatioq; tum lepidorū uersū, tum dialogorū plurimum quoq; conferet ad refocillandos animos, quin historiarū quoq; quæ auctant auditores (dū attente quidem audiuntur) à curis, cogitationibusq; grauioribus. Scribendarū fabellarum Luciano, Ioanni item Boccatio, an aliud fuit consilium, quā ut lectores pariter, atq; auditores delectarent? Idem et Poggio plurimis colligendis, quæ urbane dicta essent cūq; festiuitate et risu, itaq; de ijs libros etiam fecit Latine scriptos. Vitæ quoq; prestantissimorum uirorum tum Græcis, tum Latinis ab autoribus mandata literarum monumentis continent tum salsa, tum uenusta, quæ ad relaxationem conferant, quæ uersata in circulis, interq; conuiuenteis habeāt demulcere curas, et tanquam lenocinari molestijs nostris. Nam præter ea quæ ad hilaritudinem spectent ac iocum, multa ijs cōtinentur lectionibus, quæ alijs atq; alijs rationibus animos demulceant, inducantq; eam, quam ipsi querimus relaxationem. Cuius rei paucis his admonuisse satis fuit.

Illud uero minimè omittendū, quod ad relaxationē, audientiamq; retinendam non parum sibi et ornatus, et adiumenti facetus uir comparabit, referendis ijs siue dictis, siue respōsis, siue fabellis, quas ipse ab alijs acceperit. Ac licet ea ipsa cū dicrentur essent siue salsa, et aculeata nimis, siue obscena et spurca, poterit tanē referre cū modestia, quo efficietur ut ijs ut ijs careant, qualia nunc ipsi referimus. Fuit ē senatoribus Petri Aragoniæ regis Queraldus quidam tum ore sœdo, tum reliquo corpore parū composito: tamen qui summa comitate esset præditus, maximisq; in negotijs exercitatus. Is missus aliquando ad regem Africæ, fuit ab illo in cœnam adhibitus, quam nostrum in morem rex ipse apparari iussit editioribus in scanis, Afri enim in solo super tapetis discumbunt. Cœnatauerunt complures simul, rex qui et ipse comis esset, et iocandi studiosus, iussit clam oſa colligi omnia, eaq; ad pedes Queraldi illo nesciente conijci. Finita igitur cœna, cū aula magistri iussu mēſæ essent sublata, appareretq; oſiū cumulus,

tum quissiam à rege submissus. Quid hic, inquit ossū uideo? lupus profecto hic coenit, ait, nō homo. Tū Queraldus ad regē cōuersus: Mihi, inquit, o rex cum lupis fuit in coena negotiū, quando luporum est et carnem, et ossa simul abrodere, quod comessatores isti tui fecere: Ego uerō ut homo, ut cōiuiua comis, carnes absumpsi, ossa in humū abieci, in canū pastum, atque oblectamentū. Hæc igitur dictio ut mordax tum pupugit, at relatio ut iucūda nūc delectat. Idem Queraldus quo regem delectaret, adhibitus ab illo in cubiculū, in quo constrata essent omnia serico, atq; exasperatis ac purpuris, nullus que relictus esset locus, in quo sine nota posset inspuī, fieretq; illi proximus regijs ē famulis quissia ore scedo, atq; impuro, ē uestigio excrebitus os illius spūto inspurcauit, qui sublata statim uoce regē appellauit. Hoc cognito Queraldus: Ego, inquit, iucundissime rex, apparatus tui nitorem admiratus, ne aliqua illū parte contaminarem, nullū cum alium præter illius os, immundū relictum locū, atq; spurcosum cernerem, in illum excreatum profudi, quasi à te ob id seruatum, quo nitor ibi tuus saluus esset. Actio quidem ipsa sordida tunc fuit, et cōtumeliosa, at relatio perbella. In eadem legatione quidā ē regis aula factus ei obuiā, in deformi tatē eius illatus: Quid, inquit, Petrus rex portenti ad nos misit? Ad ea ipse cōfestim: Sciebat, inq; Petrus ad quē me mitteret, nā et rex ille deformior erat. Hæc ipsa et dictio, et respōsio habent in dicendo spicula: at in referēdo salem ac ioculationē, propter prōptitudinē respōdēdi ac maledicti reiectionem tātopere inexpectatā: Parasito cuidam appositā cū esset in mensa uulua suilla deridiculi gratia, tum ille sublati pudibunda ē corporis parte uestibus, nudato bacillo, illum in quadram iniecit: cumq; esset inclamatum à conessoribus, immurmurauit, inquiens, talis carnes cultum talem exigere. Quod quidem actu scēdum, obscenum respōsu, at relatu pro loco tamē, atque auditoribus non iniucundū. In hoc autem ipso iocandi genere comis est admodū ac periucundus, AVL. COLOTIVS. noster, tum propter insitam ei à natura perraram quādam in dicēdo hilaritatem, tum propter egregiam literarum peritiā, rcrumq; multarum usum. Quo sit, ut in explicādis fabellis, in epigrammatis, Comicarumq; Poëtarum dictis referendis ac lusibus mirificē delectet. Quibus in rebus cum primis habenda est pudoris ratio, limitesq; ipsi uerēditiæ aut parum, aut nihil prorsus transgrediendi. Locus tamen, et tempus, et auditorum persone nonnunquam paulo licentius indulgere solent ijs qui uerba faciunt. Matrona Mediolanensis ē familia peructusta et nobili, quæq; aliquando cum amatoribus lusisset, fuerat à sacerdote sollicitata, qui ē Fratrum Minorum esset ordine. Ea corā smollicitanti, in hanc sententiā respōdisse traditur: se

non possen nō multum illi quidem debere, ex eo quod amaretur, ceterum ægre se illud ferre, quod ab eo eius ætatis esse iudicaretur, cum non esset, in qua quod reliquum esset, ut reliquiosum quidem, ac male olidum Fraterculorum tunicis sudore ac pædore infectis subijceretur. Quod responsum per urbem cum percrebuisse, ipsa que à grauibz quibusdam uiris, ac sibi perquam familiaribus interrogata, serenitate quadam oris rem omnem confessæ esset: licentior illa, festiuâque explicatio uisa est non solum non ademisse aliquod pudori, uerum addidisse multum comitati, atque inter notos et amicos gratiæ. Galeatius Pandonius Ioannis Andegauensis partes secutus, cum alijs nō paucis in carcere, ac squalore complures annos Ferdinando à rege est habitus: ceteri in uinculis assiduo maledicere, lamentari, mœrore conficci: ipse contra iocari, ridere, pædorem in delicias uerbis conuertere, nihil illo iucundius esse, deniq; eam ob rem in pugillatum descendere. Quod Ferdinando renuntiatum cum esset, liberari cum è carceribus statim iussit, liberatumq; honesto salario est prosecutus. Ille ad mortem usque Ferdinando sic uixit, ut quæ plurima in carcere teterrime passus esset, ea omnia inter enumerandū in risum conuerteret ac iocum. Cum igitur quæ ad facetudinem spectent, quæq; ad facetum instituendum à nobis explicata sint, reliquum est uti pauca, quedam de Ironicis dicamus, ne pars hæc tanquam inculta à nobis relictâq; uideatur.

## De Ironicis.

## Cap. III.



**T** Aristoteles uirtutū moralū disputator solertissimus, et Græci scriptores pleriq; omnes tradūt, Socratē fuisse Ironicū, quodq; dissimulantia eiusmodi à modestia proficisceretur, inde effectū est ut genus quoddā dissimulatio nis sit ad uirtutē referendū. Quando eius, qui ea utitur, nequaquā illud est aut consiliū aut finis, quo aut fallat ipse quidē, negetur, ue, aut lucrū inde sibi cōparēt: uerum ut ostētat ionē defugiat, tumorēq; uitet, ab insolentia uerò sic recedat, ut intra modestiæ ac uerecūdiæ fines potius diuersetur. De eo enim in quo quis præstat, cū demit sibi particulā: uel de se ita quidē loquitur, ut uideri nolit aut insolere ex eo, aut nō existimare tantū se profecisse, quantū aliorū fortasse sit iudiciū: utrunq; profectō modestiæ est, nō tergiuersationis, aut fraudis, qua tamen in re medium quoq; retinendū est. Nā uelle id quod inest nimīū attenuare, id finitimum est inficiationi. Vehementior enim extenuatio nō minus fortasse in ostentationem intēdit, quā arrogatio illa insolens ac uanitatis sociā. De cuius principijs quia multa iam tradita sunt à nobis, reliquum est de hac ipsa

Ironia quæ uirtus est, & à multis Socratica est agnominata, quæ necessaria uisa sunt, uti præcipiamus. Agnominabimus itaq; libenter Socraticam siue dissimulationem, siue ironiam, quo notius appareat alia dissimulationis generaturpia esse, quæq; condemnentur digna, sicuti iam docuimus, cum in pluris eam distribuimus partes, hoc uero ipsum genus et honestum esse, & ad uirtutem referendum.

Definitio. Cap. IIII.



Vo igitur Socratica hæc quæ & qualis sit, magis appareat, eam sic terminabimus, quædam ut sit mediocritas pro loco quidem ac tempore, proq; personæ dignitate dissimulandi ea quæ nobis insunt, et in quibus prestamus sine ostentatione & fraude, ac sine lucro. Nam nec Socraticus hic dissimulator pecuniæ inhiat ac lucris, nec ut demittendo seq; & sua altius efferat, neq; ut inaniter mentiatur aut decipiat. Eritq; eleuatio ac demissio ipsa sic modesta et prudens, ut neq; quod inest, prorsus inficietur, perinde ut nihil externum affingit, exornat uel sese ijs quæ sua non sunt, utq; ab ingenuitate nullo modo recedat, sed in ea ipsa dissimulantia potius id præstabit, quod liberali dignum homine iudicetur. Hos igitur intra fines Socratica hæc modestia uersabitur, iurâq; constituet sua: nam si mediocritas est, modum necesse est retineat ac temperationem, aliter enim aut in fraudem declinabit, mendacium uel, ac ueri abnegationem uoluntariam, aut in ostentationem elatam illam quidem ac superbientem, perinde ut de uestitu Laconico Aristoteles iudicat.

Ac primo quidem loco querendum uidetur, an ætatem omnem, ac qualemcunq; uitæ partem deceat dissimulantia, omnem ne etiam personam siue is filius sit familias, siue pater, siue cum magistratu, siue priuata liberaq; publicis à muneribus. Cuius quidem rei prudentia ipsa iudex erit, & ea ratio, quæ iure suo recta agnominatur. Senex tamen quàm iuuenis adulescens uel ad retinendum modestiam quam requirimus, ut prorsus magis est idoneus, sic minus facilis ac lubricus ad incurrendum in ostentatione, aut in deceptionem ac fraudem, propter longiorem uitæ usum, animumq; magis confirmatum aduersus inconstantiam ac leuitatem: tametsi adolescentulos nonnunquam uidemus optime constitutos, senes contra perquam immoderatos. Sed nescio quomodo in senes ironiam hanc, id est, eleuationem bene ante actæ uitæ rerumq; gestarum minus admiramur, in iuvene uehementius: fortasse quod ætas hæc promptior est ad ostentationem, seq; resq; suas magnificandas, ab utroq; tamen habendus est ante oculos habitus ille

Laconicus.

*Laconicus. Ac ne nostris à disciplinis discedamus, Iulius Pomponius exactissimus ætatis nostræ Grammaticus, Romanæq; uetustatis perpenfor quamaximè diligēs, nobilitatem generis ita dissimulauit, cum è familia esset Sanseuerinia, quæ haudquaquā exiguæ parti Lucaniæ imperitaret ac Brutæ, ut neq; ipse genus fateretur, et cum illis quibus notum id esset, ita loqueretur, ut uideri posset nobilitatem cōtemnere. Cognitionem uerò rerum plurimarum, quæ in eo erat non mediocris, ita præ se tulit, ut docens ipse, uetustosq; autores interpretans declararet, qui et quantus in docendo esset, atq; in interpretando: cæterum in conuiciis, familiariq; in consuetudine ac sermone mirum est quàm uerecundè, nedum modeste de se aut sentiret, aut loqueretur: cum quæ alijs plurimum tribueret, in se ipsum maxime parcus erat. Contrà uerò Laurentius Vallenfis, multæ uir doctrinæ, ingenijq; in primis acuti, popularibus in congressibus, ac literatorum circulis ostentandæ disciplinæ iudicatus est fuisse studiosior, ne dicam parum modestus, ut ijs in circulis multo appareret diligentior, quàm in libris ipsis, quos scriptos reliquit. Cumq; non pauca in Dialecticis adinuicississet aduersus horum temporum artis eius magistros, cō sese efferebat, palàm ut diceret, nullam esse Logicam præter Laurentianam. Albertus uerò cognomento Magnus, qui multa posteritati physicis in rebus ingenij sui reliquit monumenta, in ultima senectute cum studiosis à uiris consuleretur, respondere plerunque est solitus: Querite Albertum in libris. Ad eò non modò non præ se ferebat tot annorum studia, lucubrationesq; sed memoriæ uideri uolebat timere: cum tamen et memoria optime ualeret, et obuersarentur ei ante oculos physicæ inquisitiones etiam inueniliū annorū. Antonius Panthormita, qui oblitteratam, nedū languescentem in Italia Poeticā restituit in antiquam penè formam, cum à studiosis per sepe hominibus de perueri, dubitataq; siue Poëtæ aliqua, siue Oratoris interrogaretur sententia, quadam etiam cum frontis hilaritudine, ac si memoriæ diffideret: Ite, respondebat, ad Iouianum. Ad eò etiam senex et primarius uir in Alphōsi regis aula, quod sæpenumcro docuisset, scire se dissimulabat. Itaq; quem nunc fructum colligit, dissimulatione ex ea colligit. Hæ igitur Socraticæ sunt dissimulationes, et honestæ, et laudabiles: non ut ostentent, non ut lucrum inde aliquod capiant, præter honestam illam animi conscientiam in se ipsa sibi cōgratulantem, perfruentemq; bonis suis: quem tamen fructum, eumq; maxime uberem admirata posteritas ipsa reddit. Hæc est illa despicientia sui ipsius tam liberalis, ut liberalitate ex ea, ne dicam eleuatione rerum suarum, tantos colligat redditus, ut centuplum inde summa etiam cum ubertate accipiat. Detrahebat sibi So-*

crates de cognitione rerum, de scientia: non ut abnegaret quod in luce expositum erat, sed ut alios inuitaret ad humanitatem, ac modestiam: neque enim uideri uolebat insolescere ob multarum rerum peritiam. Franciscus Arctinus, genere nobilis, doctrina eximius, etate prouectior, cui Romana non parum debet lingua, inter ipsos quos habebat doctrinae sectatores ita se gerere est solitus, ut post tradita institutionem, minores semper inter illos partes, quam quae suae essent, susciperet. Itaque non solum sibi quod suum non esset, nullo modo arrogabat, uerum demebat de proprio et in loquendo, et in conuersando cum familiaribus.

Nec uero quancūque ad interrogationem, siue iocādo, siue serijs utendo hic ipse ubique erit ironicus, ac dissimulans. Nam nec uir fortis quocumque in periculo, fortitudine ac robore suo utetur, illudque obibit. Nec urbanus et comis in funere iocatur, et ad risum inuitat discipulis suis astantes. Delectus sed adhibendus, rectaque illa ratio consulenda. Franciscus Pudericus Grammaticum cum commonesceretur, cuperetque illum minus exandescere erga discipulos, temperatiusque illos uerberare, uocatum illum ad se huiusmodi aggressus est discipulis: Quid hoc amabo, quod aliorum quidem Grammaticorum discipuli suis de institutoribus queri consueuerunt, ferula quod nimis seuiant, te uero ipsum incusant quod nec irasciscias, nec scuticula ferire? Itaque dissimulante dum loquitur, Grammatico ruborem induxit. Mater mea Christiana de me admodum puero cum esset sollicita, sciretque me assiduū agere apud Grammaticum, primasque ferre inter cōdiscipulos partes, nec laudare coram uellet, alibi his adoriebatur: Quid, o fili, de te audio? quod hodie superatus es ludo discesseris, in themate Latinis uerbis explicando. Alibi: At ego mellitu tibi edulium paraueram, quod sperarem te uictorem literariae cōcertatione rediturum, redi uictus? Quod igitur tibi paraueram, ad eum sum, qui te uicit, missura. His igitur atque alijs mater gaudium dissimulabat, dum laudare puerum me coram omnino defugit, Socraticamque per dissimulationem hortabatur ad perdiscendas literas. Quin etiam prudens haec dissimulatio plurimum secum fert momenti et in laudando, et in uituperando. Antonius Panhormita cum irridere uellet philosophantium classe quem pia, quae honoris causa haud nomino, perinde atque admirabundus dicebat: Hic decimo post anno quicquid proficit, primo quidem studiorum die proficit. Horatius etiam Poeta insectandis uitijs, atque irridendis ineptijs magnopere est Socraticus. Quid quod Annibal eodem irrisoris genere lusit Antiochum regem? cum enim rex suus illi ostentaret copias, et numero peringentes, et armis egregie instructas, percontanti satis ne ea aduersus Romanos essent, respondit, se satis esse arbitrari, tametsi Romani admodum auari essent.

essent. Vide obsecro quàm Socraticè ignauiam illius riserit. Eadem arte summis extulit Scipionem laudibus: nam cum esset (ut traditum est memorie) sermo inter eos de ducum excellentia, dixissetq; Annibal, primo sibi uideri statuendum loco Alexandrum Macedonem, secundo Pyrrhum Epirotam, sibiq; assereret tertium, intulissetq; Scipio: Quid si te nō uicissimè Tum ille, uel me respondit omnibus censerem præferendum. Itaq; per hos quasi cuniculos, iterq; dissimulatū peruenit ad exquisitam illam ac maxime celebrem laudem. Iulia Augusti filia, Marci Agrippæ uxor, hac etiam uia paternā à se auertit reprehensionem: nam cū animaduertisset patrem Augustum permolestè tulisse, quadam quòd in pompa ex cultiore ornatu, luxuq; indulgentiore processisset, dieq; insequenti matronali solum more culta patri se ostendisset, ab illoq; mirificè esset laudata, quòd in eā formā ornata incederet: tum illa, ut erat ad dissimulandum instructa, uerbis his hersternū luxū deprecata est, luxusq; increpationem à se auertit, inquit: Heri me uiri oculis exornaui, hodie patris. Multum itaque has ad res, siue in laudē spectent, siue in accusationem, siue in respondendo, siue in iocando, ipsa ualet dissimulatio, ratione duce & comite. Petrus Compater, cuius mors senectuti meæ ingens nuper uulnus inflixit, uir utiq; ad omne genus facetiarum maxime appositus, cum prætereuntem conspicaretur abunde locupletem hominem, maxime tamen attenuatum: Hic, inquit, multa dando factus est diuitor. Idem cum uideret cōpluribus cum satellitibus incedentem militarem hominem, eundemq; purpuratū: Nimirum hic, inquit, hoc cū ornatu et clientela ad aram proficiscitur, à dijs ueniam impetraturus, quāq; per uim rapināq; abstulit, tēplo, arisq; oblaturus. Cōfederat Laudinius cōpluribus cū literatis Antonianā ad porticū, utq; erat ingenij, literarūq; ostētator oppidò quàm gloriosus, cū recitasset uersus quosdam à se in laudē editos Bartholomæi Rouarelle, sacerdotis Cardinalis. Quid, inquit, sciatis, uersiculi hi nostri quanto opere Bartholomæū delectauerint, ijs ipse auditis cōfestim de manu quidem aureolos quinquaginta mihi dinumerauit. Aderat ibi homo, qui et leuitatem eius nosset, & Bartholomæi magis strictas atq; attenuatas, quàm parcas erogationes esse. Is itaq; ore quāmaximè composito: Per Petrū, inquit, & Paulū adiurari, breui Laudiniū Pōtificē Maximū futurū, cū in eū sacerdotez, auarissimū genus hominum, tā sint liberales: Macste ingenio Laudini, uersus quāplurimos et conde, & ede, facile hoc scribendi genere Pontificatū tibi cōparaueris. Quæ potuit esse insinuator irrisor et inanissimi simul hominis, & inertissimi Poëtæ? Atq; hæc quidem ironia agnominari irrisoria rectè potest: nā nec Socratica prorsus est, cum aut parū, aut omnino nihil demat immiuatq;



Et tamen à modestia non recedat: ut untur autem ea & Oratores, & Poëte, non sine urbanitate. Thomas Pontanus per urbem deambulans, interrogatus à uiatore, an Cancellarius esset Perusinus? respondit, se uiatorem esse, impudentiq; interrogationi eius hac ratione illusit. Aelius Syncerus cum irridere uerbosum hominem honestè uellet, conuersus ad astantes: Homo hic, inquit, à muto parum abest. Quid quòd hæc ipsa dissimulantia maxime quandoq; uim habet laudationis, ut cum familiaris noster Suardinus Suardus in conuentu literatissimorum hominum commendare industriam uellet, assiduitatemq; adolescentis cuiuspiam in literis: Hic, inquit, adolescens à Musis auersus est adeò, ut etiam noctes in choreis absumat ac palæstris. Cōtrā, cum uituperare hominem maxime sordidū uellet: Homo hic, inquit, domi habet nitelarū omnium magistrū, sordiumq; censorem. Uticensis autem Cato, licet ipse in explicanda animi sui sententia apertus admodum ac liber esset, tamen surdaster cum haberetur, se penumero ac si non audisset, quorundam dictis nihil omnino respondebat. Itaq; dissimulandi genus illud Socraticum ut ad modestiam referendū est, sic hoc ipsum Catonis ad prudentiam, sapientissimumq; uiuendi usum, ac rationem. Nec uerò pauci hoc dissimulationis genere non à maledictis modò se tutantur, dum tanquam non audissent, illis non respondent, uerum etiam à malefactoris, dum aliter etiam quàm dictum est, sese accepisse fingunt. Adolescens quidam uocatus ad testimonium dicendum in causa furto surreptæ lanæ, sumpta occasione à luna, quæ biduo antè deliquit passa esset, dissimulauit se audisse de lana, itaq; de luna respondit: namq; interrogatus à iudicibus de lanæ surreptione, sublati in cœlum oculis: Per, inquit, cœlum ipsum iuro iudices, perq; Dei potentissimum numen, qui omnia nutu suo temperat, nunquam me dedisse operam Astrologiæ, neq; unquam me audisse qua ratione lunæ surreptio fieret. addidit et ijs fatua quædam dicta. Quibus uersis in risum iudices, arbitratiq; rudioris illum ingenij esse, ac persecuti eum cachinnis, abire è conspectu perinde ac fatuum permiserunt. Ille igitur ratione hac à dicendo testimonio liber euasit. Prætor Neapolitanus per urbem summiserat satellites, Focillum quendam qui caperent furti suspectum: ij percontati de eo cumeßent Erricum Pudricum equitem Neapolitanum, isq; illum sciret proxima delituisse in taberna: At, inquit, Facellam scitote domum illam quæ est ante oculos, paulò ante ingressum. est enim Neapoli Facellarum familia peruetusta & nobilis. dumq; illi monstratam ingrediuntur domum, interim facultas data est Focillo, prætoris satellites euadendi. Itaq; dum se fingit Erricus pro Facillo Facellam audisse, fuge illius cōsuluì. Constans etiam fama est, diuum Franciscum, dum

inter

inter homines ageret, lepusculum canes fugit atem, quo saluum faceret, delatum illum metu ad pedes eius cepisse, atq; intra tunicæ sinistram manicam, quæ laxior esset, immissum abscondisse: cumq; uenatores facti obuiam percontarentur, quâ lepus transisset, dextera leuam designans: Scitote, respondit, uiri, hâc illum minime transisse. Igitur uir sanctissimus dissimulatione ea usus est, quo à canum dentibus lepusculum liberaret, quem postea eductum è manica abire liberum permisit. Quod etsi fortasse in exemplum fictum est, tamen et similia quandoq; accidisse in rebus hominum palam est. Et hæc quidem dissimulationes licet factio magis constent quàm dictio, tamen à dictio ut male accepto initium ducunt, et causam.

Ommino autem rerum publicarum moderatores, quicq; populis præsumunt ac nationibus, animaduertere, uel perpendere potius examinatisimè quidem debent, quæ et uia, et fronte dissimulatione hac utatur. Siquidem eorum dicta, sententiæq; et alius penetrant in animos audientium, et latius tum dicta, tum responsa significationes extendunt suas, alijq; atque alij diuersis ea modis interpretantur: ut cum Iacobus Caldora cogitabundus inter deambulandum immurmurasset, Capuam Roma quidem minorem, at Carthaginem maiorem fuisse. Tum unus ex ijs qui aderat, suspicatus, agitare animo Iacobum Capuæ obsidionem, confestim id Campanis significauit: quod haud multo post Iacobi consilij incommodi plurimum attulisse constat. Quocirca principibus uiris, rerumq; publicarum administratoribus, et ubi, et quæ uia, et apud quos Socratica hac utantur dissimulatione, etiam atque etiam considerandum est. Ferdinandus Alphonsi filius, patre mortuo interrogatus à familiaribus amicisq; an erarium relictum esset ei à patre abunde amplum: dum illud dissimulanter extenuat, regulas penè omnes, optimatesq; ciuitatû regni ad rebellionem inuitauit. Pro tempore tamen ac loco ipsa extenuatio non parum adijcit ad auctoritatem, existimationemq;. Quæ quidem arte Federicus Vrbinâs sæpenumero magna cum prudentia utebatur: nam nec raro quidem, nec occulto, aliquando etiam in propatulo hosti se imparem dicebat, parteisq; suas minores profitebatur, quo uerbis ijs hosti significatis, imprudentiorem illum, minusq; cautum redderet. Quo fit, ut hæc ipsa omnia ratione metienda sint, arteq; temperanda, quando ratio ea quæ à Peripateticis iure quidem recta dicitur, actiones in utraq; partem nostras definit.

Res autem ipsa et docuit, et assiduo docet, non in uoce solum, ac uerbis, uerum etiam in uultu, gestuq; ironiam locum ac ius suum retinere: ut cum aliud dicimus, aliud inuimus: aliud uultu, aliud manu significamus. Hinc apud Persium:

„ O lane à tergo quem nulla ciconia pinsit.

Nam & cōtemptus ac derisiones quædam gestu magis ac signis fiunt, & maxima sunt ex parte ironica, cum tamen uoce laudem uideantur asferre. Nam et prætereūtes siue ciues, siue peregrinos postquam eos blâde familiariterq; salutauimus, aut manuum gestu, aut oris irridere consueuimus, ut saluatio ipsa omnino fuerit ironica ac ridicularia. Quid quod uerba quædam maximè sunt ad ironiam idonea? quale est uerbum Vale, & Viue, aliæq; salutandi uoces; indeq; inductum est, ut sæpenumero ab eruditissimis etiam scriptoribus ea uerba malam dicantur in partem, ut illud Terentianum: Valeant qui inter nos dissidium uolunt. Et Tibullianū illud:

„ O ualeant syluæ, deficiantq; canes.

Item apud Virgilium: Viuite syluæ. Et apud Valerium Catullum:

„ Cum suis uiuat, ualeatq; moechis.

An nō serui interdum, ac nequam & scelcrati homines uerbis disclisq; fœdis ac contaminatis sibi maledicunt, inuicemq; conuiciantur ac detrahunt? cū ipsa tamen detractio laudationis in se uim habeat, ac speciem cōgratulationis quasi cuiuspiam.

De ironia igitur, Socraticaq; dissimulatione hætenus. Absoluta est, ut arbitror, de sermone disputatio, communiq; oratione, ac familiari, præcipueq; pars ea qua requies queritur, relaxatiōque à laboribus ac molestijs. E qua quidem explicatione liquidò apparet, quæ uitia sint inter colloquendum fugienda, sermonesq; domesticos, quæ contrà mediocritates complectendæ. Tu uerò sic habeto, ad honestas uoluptates, relaxationesq; à curis ac negotijs nihil tā cōferre, quàm sermones illi cōferūt, colloctionesq; quæ de Deo habētur, diuinisq; de rebus. Id quod nuper Pctrus Compater moriens declarauit: paulò enim antè quàm animā ageret, multa cū de Deo, deq; animorum differuisset eternitate, sic deniq; ad astantes nos, quos ualere iubebat, conuersus, & tanquam ultimo in actu cōstitutus, lingua etiam hebescente dixit: Omnes quidem sermones inter notos atque amicos esse suauissimos, illos uerò multo suauiores, quorum materia Deus esset. Quocirca nos ipsos exhortatus prius, post etiam per Deum ipsum

obtestatus rogabat, uti amicitie memores, quoties conueniremus, nostra omnis oratio à Deo inciperet, desinereq; in Deo.

F I N I S

R. SUMMONTIVS REVERENDIS-  
*simo & illustrissimo Francisco ex Picolhomineis Ara-*  
*gonio, Bisinianensi Episcopo, S.*

**H**istoriam belli Neapolitani, quod Ferdinandus Arago-  
 nius cum Ioanne Andegauicnsi quondam gessit, ad te  
 nunc mitto Antistes optime, ita quidem nōdum omni-  
 no expolitam, ut scriptore ab ipso relicta inuenio. Leges autē hic  
 egregias gentis tuæ laudes, utq; Maximorū Pontificum lumen,  
 Secundus ille Pius tuus, ut innumerabileis alias eius taceam uir-  
 tutes, regna etiam integra parare amicis cōsueuerit. Is enim mor-  
 tuo Alphonso rege, cum tantam illam procerum, ac populorum  
 à Ferdinando eius filio defectionē, quæ sanctissimi patris æqui-  
 tas erat, ferre iam nō posset, ita Ferdinandi rebus fauit, ut & bel-  
 lum omne suis ipse præcipuē auspicijs confecerit, & pacatum tan-  
 dem ei tradiderit regnum. Quod uerò ad historię fidem attinet,  
 Pontanum scito singula hæc nō rerum fama collegisse, non hinc  
 atq; illinc emendicasse, sed interfuisse ipsum rebus ferē omnibus.  
 Nec est quòd miretur fortasse quispiam, nouis cum agere inter-  
 dū uerbis, qualia sunt dignitatis illa, Comes, Marchio, Dux, Prin-  
 ceps, ceteraq; rerum ac locorū huius temporis nomina, cum ex-  
 plicari aliter res ipsæ nō potuerint. Quam ille usurpationem, li-  
 cet necessario, atq; consulto his temporibus ab ipso receptam, sæ-  
 pe tamen, dum uiueret, ut erat Latinitatis obseruātissimus, excu-  
 sabat. Tu qua par est in autorem gratia, munus hoc accipias: Pon-  
 tanoq; tuo (tuus enim dici iure potest, per quem tum Picolhomi-  
 neum genus, tum uerò rex magnus uobis affinitate  
 coniunctus celebratur) debere ipse cum  
 tuis nunquam desinas.

Vale.

# IOANNIS IOVIANI

## PONTANI DE BELLO NEAPOLITANO LIBER. I.



TALIAM NATVRAE INSTITVTO  
 quodam ( nullū enim perpetuū est imperium )  
 post collapsas res Romanas , & regnantem  
 Gotum , uariae gentes , diuersis tamen tempori  
 bus occuparunt . E' quibus maxime illustres  
 Langobardorum res fuere . Hos diutius re-  
 gnantes primo Franci , post Normanni , et ipsi  
 ab initio partim Germani , partim Sarmatae ,  
 uerum ē Gallia , quam aut pulsas , aut superatis antiquis colonis occupaue-  
 rant , profecti pepulere . Princeps autem Robertus Viscardus , rerum quas  
 gessit magnitudine , ingentem sibi & gloriam , & imperium comparauit .  
 Satis enim parua manu Italiam ingressus , atque ab Gulielmo fratre , qui  
 Melfia aedificata , cum Normannis in Apulia confederat , cuiq; a uirtute  
 Ferri brachio fuit cognomen , aduersus Graecos in auxiliū arcessitus , rebus  
 non semel bene gessit , cum Gulielmo , Drogoq; , atq; Humfredo fratribus ,  
 qui pro etatis praerogatiua , alius post aliū Normannis praefuerat , in do-  
 minatu successisset , Constantinopolitani Imperatoris praefectos primo ē  
 Salentinis expulit : inde in Brutios cum Rogerio fratre profectus , Paenos  
 qui plurcis annos genti imperitauerant , ui atq; armis eiecit : traiciensq;  
 in Siciliam , multis confectis praelijs , attritisq; tandem barbaris , insulam  
 penē omnem in suam , fratrisq; potestatem redegit . Quorū reliquias ne-  
 dum delet , maiores res omitteret , in montanis Siciliae locis sedes habere  
 eos permisit . Mox reuersus in Italiam , Lucanos , Apulos , Samnites , Cam-  
 panosq; , qui cis saltus Terracinenfes sunt , diuersis artibus ac temporibus  
 domitos , in suum ac fratris iurare nomen coegit . Post uerō cum Boamun-  
 do filio Hadriam traiciens , fugato Imperatore Constantinopolitano Ale-  
 xio , plurimis captis oppidis , non exiguam Epiri , ac Macedoniae partem  
 imperio suo adiecit . Ab hoc igitur , atq; a Rogerio fratre imperium coepit ,  
 quod post a Rogerio Rogerij filio in regium nomen uersum est , ac supra  
 trecentos regnatum annos , maximis interim bellis fortiter administratis ,  
 pluribus rebus terra , mariq; feliciter gessit , dum ab ipsis aut propulsan-  
 tur regibus , aut inferuntur bella , Federico etiam & rege , & Augusto Ro-  
 manā ecclesiam prosterneute . Quo mortuo , excitante Romano Pontifice  
 ad bellum

ad bellū Gallos, hi Siculo ac Neapolitano regno, Carolo duce potiti sunt, Caroliq; successoribus post inter se de regno contendentibus, quæ contentio Italiam simul omnem, Galliasq; permiscuit, tandem ad Alphonsum regem deuenit, quem Hispania è citiore accitum, et annis ac rebus gestis florentem Ioanna sibi adoptauerat, quæ per id tempus Ladislao fratre mortuo, Neapoli regnabat. Hic Ioanna etiam uiuente, primum cum Ludouico, deinde ea mortua, cum Renato, prouincia, atq; Andegauia regulis, qui et ipsi regnum sibi Neapolitanum, quod ex eadem qua Carolus, stirpe essent editi, atq; ex testamento superioris Ioannæ hereditariū asserabant, plures annos bella uario euentu administravit: tandem Neapoli, per uim capta, Renato etiam pulso, uictor regno potitus est. Hoc regnante Italiae res maximè florere: nam et bella multa fortissime gesta sunt, et bellis partim compositis, partim etiam confectis, pax secuta est tranquillitatis atq; opulentiae plena. Hæc ætas fortissimos duces, sapientissimos rerum publicarum administratores habuit, uiditq; literarum studia magno fauore, ingenti frequentia, post tot seculorum interiecta intervalia reuocari. Quam temporum felicitatem Alphonsi mors turbauit. Hunc hyeme in Apuliam profectū, dum aucupij, ac uenationis studiis capitur, morbus corripit, quo confectus haud multis æstiuum post solstitium diebus Neapoli interijt, etatis suæ annum agens quartum ac sexagesimū. Alphonso mortuo Ferdinandus succedit, quem heredem in regno Neapolitano pater instituerat, natum Valentiae, in Hispania citiore, atque ex muliere susceptum, quam Valentiae cum ageret in delitijs habuisset. Res hortari uidetur, quoniam Italiae rerum mentionem fecimus, qui tum uniuersæ statutus esset, quiq; aut populi, aut principes eam moderarentur, paucis exponere. Nec uerò ceteræ indignantur urbes, reguliq;, si primæ nobis Venetiae auspiciū dicendi fecerint, et propter urbis ipsius magnitudinem, ac nobilitatem, et propter reipublicæ temperationem, summamq; imperij æquabilitatem. Igitur urbis huius primordia satis quidem exigua fuisse: initio enim loca in quibus post urbs creuit, à piscatoribus habebantur, ac salinerijs, qui piscandi studio, aut faciendi salis gratia illic multi conueuerant. Quas ad res locorum eos natura cum primis inuitabat, propinquitas præterea, ac frequentia Venetiae urbium, è quibus mortales multi eo assidue mercandis ijs confluebant. Quibus artibus ac quæstibus paulatim loca ipsa creuere habitatoribus, creuere quoq; cum quæstibus simul et negotiandi, et nauigandi studia. Idq; eo magis, quod sedes eæ terrestribus ab incursionibus maximè tutæ habebantur, grassantibus iam tum exteris nationibus, ruentiq; Romano imperio. Itaq; hac usi opportunitate, opu-

lentissimus quisq; , ac maximè nobilis è finitimis Venetiæ atq; Illyrij populis, dū barbarorū, qui per id tēpus Italiā infestabant, iram uerentur, intuitiora se recipientes, multis præsertim direptis, non paucis etiā funditus excisis oppidis, eò tanquā in arcē cōfugiunt. Pōst uerò alijs atq; alijs commigrantibus cœpere maioribus studijs, cupientioribus animis rem nauticam exercere. Quam ad rem locus, necessitudoq; magis ac magis eos adhortabatur, crescente multitudine, ac solo angusto, rerumq; omniū, quæ uictui necessaria essent, egeno atq; infœcundo, ut inter palustreis, atq; æstuarios locos sito. Quod si coniectura uti liceat, credibile quoq; est, propinquos quosdā portus, qui perquā celebres tunc erant, illabentiumq; in mare fluminū ostia, plurimū frequentie contulisse, dum assiduo, cōtinenterq; per ea commercia exercentur. Hinc opulentiorē ad mercaturā conuenariū cum uerterentur studia, breui Venetorū res ( Venetos enim sese, quod è Venetiā emigrassent uocauere ) ciuibus, atq; opibus aucta est. Igitur diuitijs freti, peritiamq; nauigandi, cū corū nomē abunde potens pollensq; et clarum esset, Mauris sæpius classe superatis, prædonibusq; Illyricis, quiq; alij mare infestū reddebant, captis uictisq; pluribus elati uictorij, cœpere insulas primo, atq; nationes externas subigere. Atq; hunc in modū circiter septingentos ( ut ipsi tradunt ) annos, aut etiā amplius artibus his eò potentiæ peruenire, uti Venetorum res finitimis, exterisq; pariter formidolosæ essent. His igitur è sententiā fluentibus, crescēte imperandi cupidine, ad res Italicas animū adiecere, finitimis regulis, dū impotenter in subiectos populos dominationē exercēt, eos inuitatibus. Nā inter Patauinos, ac Veronensis regulos diutius cū esset certatū, utriusq; partis rebus uexatis atq; attritis, lacesciti et ipsi aliquando à Patauinis hanc occasionē nacti, finitimā in cōtinentē insiliere. Pōst bello maximo acerrimoq; constato cū Philippo Maria Mediolanensium duce, cuius imperiū late magnū in Gallia cisalpina erat, multis tandem cladibus ultro citroq; datis, atq; acceptis, uniuersa penè Venetiā occupata, Bergamo ac Brixia captis, magna quoq; Illyrij parte aliquāto tamen prius domita, imperiū in Italia uiribus auctoritateq; magis ac magis auxere. Tantā autē rerū felicitatē concordie studiū maximè peperit, ac uiuendi inter se æquabilitas è statuendis ac seruandis legibus nata. Hūc itaq; tuendarū legū cōsensum, secuta est administrandæ reipublicæ concordissimæ securitas. Nam ne unquam nobiliū animi per ambitionem insolescerent, qui eam initio constituere, unum et quiddem summum statuerunt magistratū: quem qui gereret, duce uocauere, senatus quidem principem, ceterum cui iniussu senatus nec pace agere, nec bello publicum quicquam liceat. Dux ipse senatum consulit, Senatus autor deccrnit,



decernit, cuius tamen decreta Ducis nomine feruntur. Hoc mortuo è numero senatoriũ statim alter per suffragia creatur. Magistratus ipse quanquã perpetuus, memoria tamen nostra Franciscus Fuscus, quod senectute aggrauante, publica ad munera factus uideretur inhabilior, magistratu se abdicare coactus est. Huic de publico certa penduntur stipendia. Senatus ad eũ cogitur in curia, quã egredi ducem, nisi statis diebus, ac certis causis minimè permissum sit. Ceterũ ipsis senatoribus mira in dicendo libertas, summa in consulendo integritas, atq; asseueratio, recti ac ueri cultus eximius, erga patriã studiũ supra quã cuiquã sit credibile. Quod si quando deliberandis atq; decernendis rebus in cõtentionẽ sit deuentũ, non partiũ studia superant, uerum publici boni ratio. De quorũ tamẽ institutis, moribus, æquabiliq; administratione silere est omnino cõsultius, quã nõ multa differere. Proximis in regionibus reguli tres imperitant, Mediolanẽsis, Ferrariensis, Mantuanus. Mediolanẽsi frequentissimi, maximeq; opulenti Gallie cisalpine parèt populi, Comẽses, Ticinẽses, Alexandrini, Nouarienses, Laudenses, Parmenses, Dertonenses, Cremonenses, item Placentini. Ferrariensi Mutina, ac Regiũ, opportune ac nobiles urbes subiecte sunt. Rem Mediolanẽsem per id tẽpus moderabatur Franciscus Sfortia, qui Philippo Maria mortuo, Blanca Mariæ uxori sue, Philippi è nobili matrona, filie dominatum asserens, partim ui, partim beneuolentia ciuiũ, ac rerum gestarũ fama clarũ se, ac maxime potentẽ in Gallia, Italiaq; uniuersa fecerat, uir profecto Romanis tẽporibus dignus. Ferrariensem Borsius Estensis, miti uir ingenio, consilioq; maxime tranquillo, quiq; Italicarũurbationũ sese mediũ gerere cõsueffet. Mantuanã Ludouicus Gonzaga, clarus et ipse uir, belliq; non minus quã pacis artibus clarus. Quæ urbes, populiq; alpius adiacent, alij Monferratensi, alij Sabaudienti obediunt, cuius imperiũ etiã trãs alpes in Allobrogibus late ampliũ est. In Aemilia, Piceno, Umbria, Sabina, Latio, Heutruria magna parte, magna etiã Campania, q; populi, quiq; reguli in ijs agitat, Romani Põtificis imperata faciũt. Quorũ omniũ ea tẽpestate res maxime illustres Sigismundi Ariminensis, Federiciq; Urbinitatis erãt. Quibus autẽ artibus Põtifices Maximi tantũ sibi imperiũ comparauerint, nequaquam est explicatu facile. Nanq; ut initio armis illud sibi uendicauerint, longe aliud arbitrari par est. Genus enim ipsum hominum olim quietum, ac religioni tantum deditum. Ceteram ut antẽ sacerdotes innocentissimi, atq; abstinentissimi fuere, quo tempore sola sacra, cerimoniasq; tractabãt: sic post fuere ex eis, qui cupiditate ambitioneq; præcipites ierint. Verum Romani Pontificis æquæ imperia, administratio tranquilla, studia pacis, otijq; maiestas propè diuina.

Etruriæ olim bona pars sub regulis erat: quibus aut cæsis, aut pulsîs Sen-  
 nenses, Florentiniq; illorū urbes, atq; agros suo imperio subicere, finiti-  
 mos etiam populos, qui antea liberi erant, in seruitutem redactos, nouis uti  
 uiuerent legibus coëgere. Vtraq; autem res publica popularis nunc est, no-  
 bilitate olim ob superbiam pulsa. Florentinorum nomen per orbem terra-  
 rum late clarum est, non tam rebus gestis, quàm gentis ipsius solertia, et  
 urbis magnificentia. Eam in plano sitam amnis Arnus interfluit, quam  
 deorum ne immortalū templa, an publica, priuataq; ædificia magnificen-  
 tiorem reddât, haud facile est iudicatu. Ipsi ciuibz mirum ædificandi stu-  
 dium, mira ornandi cura. Si quid regio non suppetat, peregre deuehendum  
 atq; importandum curant. Certamen est, non in urbe modò, uerum etiam  
 in agris, quis magnificentius ædificet. Itaque regio sumptu uillaz passim  
 ædificatas uideas. Genus ipsum hominum acutum, et graue, bonarumq;  
 artium studiosum, pecuniæ tamen studiosius, quocirca in ultimis etiam ter-  
 ris negotiantur. Quorum tamen propria laus est, ac peculiare meritum,  
 quod latinæ literas penè ab interitu uindicauerint, dum et ipsi Latinis,  
 ac Græcis literis dant operam, et illarum studiosos ad se arcepsitos, sala-  
 rijs, præmijs, honoribus prosequuntur. Vrbs ipsa paulatim à paruis ob-  
 scurisq; initijs, atq; Fesularum e ruinis creuit, quam quidem artium pluri-  
 marum, quas ea gens aut ipsa inuenit, aut ab alijs inuentas perfecit, fre-  
 quentia mirum in modum auxit, locupletauitq;. Florentinis proximi sunt  
 Lucenses, ciuitas non tam suis consilijs libera, quàm alienis opibus, atque  
 præsidijs firma, dum Florentinorum ne accedat opibus, magnæ curæ est  
 cæteris. Senchsis rei publicæ administratio propter diuersa ciuium studia  
 inquietior est, nec satis ex eo libera. Itaque ciues dum parum ipsi inter se  
 consentiunt, quæ rei publicæ in cōmune bonū haberi potest ratio? Pacis ta-  
 men apud eos studium uiget, præterquam Florentinorū artibus, quod non  
 raro eorum res turbantur. Quorum ager oppidò quàm fertilis est. Ciues  
 ipsi quæstui dediti, ac ciuilibz uitæ muneribus. Libertatis idē omnibus stu-  
 dium. Ea tamen Romani Pōtificis opera Ducisq; Mediolanēsis, quàm ci-  
 uium cura magis constat. Genuensium res maiores quidem atque opulen-  
 tiores haud multo antè fuisse. Nam et mari aliquando potiti dicuntur,  
 non solum Corsica, Sardinia, multisq; Aegæi maris insulis captis, ue xat-  
 tisq; sed Euxino enauigato, pluribus oppidis quæ in ora Pōtici maris po-  
 sita sunt, ab eis aut captis, aut etiam conditis. Venetorum quoque rebus  
 penè ad interitionem aliquando adductis, et urbe illorum ingenti classe  
 circumfessa. Horum opes paulatim dilabi cœpere ob domesticas seditiones  
 ciuiliq; odia, quibus effectum est, uti amissa libertate Gallorum regi ser-  
 uicrunt.

merint. Nam ueteris cum esset instituti, Ducem qui summum apud eos magistratum gerit, cōmuni consensu creari, dum multos annos studio partium magisquā publici boni duces designantur, magna certamina, sedes seditiones, ingentia etiam bella exorta sunt, donec Genuensium res publica eō perducta est, uti Gallicum nomen, imperiumq; à patribus inuocatum atque acceptum fuerit: missusq; à Carolo rege Ioannes Renati, de quo ante dictum est, filius, qui Genuensem republicam administraret. Reliquam Italiā, quæ ab saltu Terracinenſi per Equos, Hernicosq; ac Marforū, & Sabinorum montes in Picenum, ad ostia Trucenti pertinet, quod flumen in Adriaticum sinum influit, quæq; supero etiam atq; infero mari cingitur, Neapolitani eam reges tenent, in qua Ferdinandus ex testamento successit. Igitur Alphonſo mortuo, reguli, ciuitatesq; missis oratoribus, Capuæ conuentu habito (nam pestilentia Neapolis infestabatur) in Ferdinandi uerba de more iurauere. Et quanquam omnia quæta apparebant, rex tamen conuentu dimisso, in Pelignos ac Marrucinos digressus, equitatu in itinere scripto reliquum æstatis in Theatibus ac Ferentanis egit. Hinc rebus regionis eius pro tempore compositis, in Apuliam, ubi hyemem agere decreuerat, maturauit. Interea Callistus Pontifex Maximus Alphonſi beneficiorum immemor, cuius autoritate atque opibus antea Cardinalis, post Nicolao Quinto mortuo Pontifex creatus fuerat, peruersa cōsilia, et perfidia plena aduersus Ferdinandum agitare coepit, clamq; cum prioribus ciuitatum, ac regulis agere de rebellionē, diuulgatis etiam epistolis, quibus Ferdinandum supposititium Alphonſi filium diceret, deniq; aqua & igni interdiceret qui huius imperata facerent, & in officio ac fide permanerēt. Quod ni Callisti consilia mors interrupisset, ingens maximeq; calamitosum conflatum iri bellum apparebat: quippe qui esset fluxa fide, peruicaci ingenio, uarijs consilijs, præcipiti ambitione. Huc accedebat, quod dum assentatoribus patefacit aures, Borgio sororis filio ingentem dominatum in regno Neapolitano destinauerat. Sed Callisti consiliorum ac uite finis idem fuit. Creatur inde Pius Pontifex, ad quem missi ab rege legati omnia pacata retulere: quin etiā haud multo post Latinus Ursinus Cardinalis, cū amplissimis decretis Barolum in Apuliam uenit, ubi iussu Pontificis, collegiq; Ferdinandum initiatum (uti moris est) coronatq; donatū, regē declarauit. Quæ res populariū regni animos de bello iam dubitanteis, quietiora uti sperarent, mirum in modū confirmauit. Ipse interea amicos, sociosq; nunc per literas hortari, nūc per oratores rogare, uti ueteris amicitie memores esse uellent, se bonum amicum, fidū socium futurū: ad cumulandam ueterem beneuolētiam, ad cōtinendam societatem, nouas ubiq; causas, nouas

semper uincula additurum; offerre, polliceri. Se paterno cōtentum regno, suisq; fortunis pacem, atq; otium omni arte procuraturū. deniq; omnia se quā belū male, illumq; pro hoste habiturum palā dicere, qui bellum in Italia moliri pararet. Adhuc in populos, popularesq; suos publice ac priuatim noua beneficia conferre, uectigalia minuire, regulos benigne appellare, ornare muneribus, decretisq;. Hispanis qui remanere apud se uellent, familiaritatem polliceri suam: qui redire in patriā mallet, muneribus affictos, ornatosq; dimittere. Carolum patruelem, Nauarræ principem, qui agente animam Alphonso res nouas tentasse Neapoli dicebatur, quiq; ob cōscientiam Alphonso mortuo nauem, quæ Neapolitano in portu in ancoris stabat, confestim ascenderat, benigne appellatū: multa etiam amplaq; per amicos pollicitus; nihil prius habuit quā persistentē in abeūdi proposito cōciliatum dimittere, isq; haud multis pōst diebus in Siciliam nauigauit. Demū rex cuncta perspicere ac meminisse, quibus amicos, sociosq; cōtineret, aduersum populos, regulosq; non satis habens iustum sese, ac liberalem gerere, nisi ex illos ad bene etiam de se merendū inuitaret. Non deerāt tamen, qui ē regulis existimarent hęc ipsa à Ferdinādo simulāter fieri, quod ijs ingenium eius à puero esset cognitum. Nam ex cum sese esse pōst manifesto declarauit. Quæ existimatio nonnullorum etiam procerum ac primatū regni animos ab illo (ut creditum est) auertit. Hęc agentī Ferdinando, significatur Ioannem Antonium, principem Tarentinum, clām rebus nouis studere: quod regem nequaquam fallēbat, qui eius inconstantiam atq; animum minimē tranquillum nouerat: quippe cui ab adolescentia seditiones, rapinas, discordiasq; grates fuisse intelligeret. Erat enim Ioannes Antonius uario ex inconstanti ingenio, ac parum firma amicitia: apud quem etiam sancti, honestiq; nō tantus respectus; quantum studium, quantaq; erat cura assequendi eius, quod animo destinasset; atq; ut sui ipse parcissimus, sic contrā alieni quamappetentissimus erat: utq; in bello abūde timidus, sic in pace parum fidens suis aut amicorum opibus, quem lōga et maximē quietā Alphonsi pax male habuerat. Sed ad quod intentus erat, aliquando peruenire ut ad id posset, interim dum ingentem sibi pecuniam compararet, nihil pensi habebat: ex quāquam ipse timidus ac suspiciosus, gerendi tamen belli maximē audius: utq; in conferendis manibus minimē strenuus, sic producendi belli egregius artifex. Is igitur per finitimas ciuitates, locaq; opportuna clām summittere cœpit, qui alijs prēmia, alijs delictorum condonationem promitterent, nobiles alios suæ inopiæ, alios gloria maiorum admonerent. Regulos ut quēq; uel cupidum rerū nouarum, uel ex alieno presūm, uel rei suæ poenitere intelligerēt, tentare, hortari,

solicitare,

solicitare, multa pollicendo erigere, opes eius ostentare ne desinere, denique bellieum autorem ac ducem offerret. His atque alijs animos hominum ad bellistudia cum impelleret, in Galliam quoque ad Carolū regem, in Provinciam ad Renatū, Genuā ad Ioannem Renati filiū mittit, qui eos ad regnum armis repetendū hortentur: omnibus denique artibus participes, socios, duces consilij sui querit, atque habere tentat. At rex artes illius ueritus, nunc per literas, interdū per oratores, aut amicos operam dabat, illum uti conciliarent. Itaque blande appellado, largamque de eo spem ac fiduciā ubique praefereendo, consilij eius pro tempore obuiā ibat. Quam tamen ille occasione nactus (ut erat simulator atque dissimulatio, arte non minus, quam natura ad utrumque institutus) per speciem conciliationis postulare ab rege coepit, uti Iosie generi sui Iulij Antonij patri, et Antonio Centiliae, cuius filio suam ipse despondere filiam pararet, quis illos oppidis, castellis, agrisque Alphonso spoliasset, ea cuncta uti restitueret. Hac re diutius in senatu agitata, diuersae cum essent patris sententiae, nec de Ioannis Antonij fide quicquam exploratum haberetur, aut bonae spei, tandem rex honestū potius quam utile consiliū secutus, famaeque suae consulens, ne accusari unquam posset, quod per ipsum scilicet steteret, quo minus cum Ioanne Antonio pax maneret. Iosie Hadriā Teranūque, Centiliae Crotonem, Catantiariū, quaeque alia oppida, agrique aut huius aut illius fuerant, restitui iussit missis ab Ioanne Antonio, quae eius ea nomine acciperet. Per idē tempus Antonius Cētilia, quae paulo post Alphōsi obitu ad Tarētīnū trāsfugerat, communicatisque consilijs, in Brutios ad res nouandas profectus erat, per ueteres clientes, beneficiariosque (ut qui natura seditiosus ac supra quā dici potest, serēdae discordiae singularis esset artifex) populos, primoresque ciuitatū sollicitabat, ac nūc uanos terrores miscēdo, nūc se ad liberandos eos ab duro Hispanorū dominatu autorem futurum praedicando, cū omnia nominis sui admiratione impleisset, nomenque Renati in memoriā reduxisset, eō rem perduxerat, uti omnis ferme regio in rebellionē spectaret. Quod uerū rex, Carolū Campibasiū, et Alphonsum Daualē eō cū exercitu praemiserat, qui prouiderent, ne quid respublicae detrimenti caperet. At Cētilia castellis aliquod occupatis, quanquā parua manu, populorū tamen leuitate fretus, sibique praefidens bellū mouerat. Hunc motū diuersis ex oppidis permulti secuti, breui ingentem agrestium multitudinē armauerant. Quae res partim terrore ac metu, partim cupidine rebellandi, populariū animos affecerat. Quo minus autē Centilia quod animo destinauerat, perficeret, Alphōsi celeritas obstitit, quae faciente iter per ora maritimā Cropanos uersus, de improviso adortus, eū fudit, fugauitque. Quare complures de rebellionē cogitantes, in fide atque officio continuat.

Vrbibus, castellisq; Iosiae, atq; Antonio restitutis, atq; illorum nomine à Tarentino acceptis, cum in Brutijs quietiores futurae res sperarentur, & Ioannis Antonij animus sedatus uideretur, tum ille magis, magisq; intentus omnia administrabat. Nam scriptos in Gallia cisalpina milites, finitimisq; in regionibus, mari ad se deuehendo curabat. Cum regulis foederum clam inibat, Ioannem Renati filium omnibus artibus ad bellum inuitabat. Iacobum quoq; Picininum, qui aduersus Sigismundum Ariminensem primo Alphonsi, post Ferdinandi auspitijs bellum gesserat, quamquam Ferdinando ob eius multa, patrisq; merita obnoxium, tentare tamen ausus, ingentibus & suis, et Ioannis pollicitationibus corruptum, paulatim in suas parteis traducere pertendebat. Cum primis autem tum socium fidele, tum solertem ministrum inuenerat Marinum Martianum, principem Rhosanensem, cuius praeter genus uix erat quod bonus aliquis laudare in eo posset. Hanc Ioannes Antonius pater adolescentulæ, quod ingenio maxime peruerso esse senserat, ab suo conspectu arcuerat, in filij locum non habiturus, ni Alphonsus Helionora filia ei in matrimonio collocata, magna etiam dominatu addito, in patris restituisset gratiam. Ac nihilominus patet, dum uiueret, filij secundum animû, ac peruersos conspiciat mores, non semel quidem suspiransq; dixisse inter domesticos fertur, fore, ut his Martianam tandem familiam pessum daret. Igitur Marinus hinc regi suadere, quo Hispanos omneis regno eijceret, neq; enim fidendum illis esse: consuleretur uti per Italicos homines, suosq; populares regni res administraret: magnam inde regem sibi beneuolentiam, & gerendis rebus fidem auctoritatemq; conciliaturum. Illinc Ioannem Paulum Cantelmum proximè sibi regulum, nobiles item multos in Campania, Samnioq; ad rebellandû diuersis artibus pellicebat. Post ubi uerò suis prospere cedere consilia sua uidit, Hispanos palam insectari coepit. Adhæc cum Honorato Caietano, qui fundis, finitimisq; dominabatur in locis, simultatè primo exercere, post uerò in manifestas inimicitias prolabi, quod illum regi acceptû, suisq; consilij offuturum maxime intelligebat. Quin etiam aduersus Galeatium Pandonum arma mouerat, obsessis Capreatis, uti per hanc occasionem scribere exercitum liceret. Utebatur autem ministro Marco Ratha, sobri- no suo, homine turbulento, Gallicarumq; partium studio: cuius uxor Ioannis erat Coxæ filia, qui capta ab Alphonso Neapoli, Renatû in pro- uinciâ secutus, magnû sibi locum apud Galliarû principes rerum usu atq; eloquentia comparauerat: ac propter prudentiæ opinionem cum Ioanne filio Genuam ab Renato missus fuerat, quo tanquam magistro uteretur. Per hos igitur ministros multi mortales coniurant, in quib; & Iacobus

Ratha

Ratha Beneuentanus antistes, cuius insigni perfidia, Ferdinandi res maxime perniciosum uulnus accepere. Hunc rex cum Francisco Baucio, duce Andriense, legatum Mantuan miserat, ubi Pius Pontifex Maximus Christianorum conuentum habebat. Ad quem Renati, et item Gallie regis Caroli legati uenerant, postulantes uti regni Neapolitani sua Renato saluatiua essent. Quo tempore Iacobus praeter fidem, decus, iura diuina et humana, ministrum se ac medium exhibuit scelerum omnium, quae ab Ioanne Antonio, ac Marino, ab Ioanne item Renati filio parabantur, autor et ipse cum esset foedissimorum etiam consiliorum. Affuit in hoc conuentu, Mediolanensium Dux Franciscus, cuius autoritate ac consilio factum est, uti Pontifex Romanus Gallorum postulata iniqua esse docuerit, palam professus Ferdinando se non defuturum, deberi hoc publico Italiae foederi, ac memoriae Alphonsi regis, cuius beneficio atque opera Romana res aucta esset opibus, autoritate, imperio. Interea Ferdinandus cognitis Tarentini consilijs, quo illius incepta frustraretur: quippe cui potius de per dolum Venusiae maxima spes esset, ad Arundinem castra posuit. Is annis tribus millibus passuum, aut non multo amplius ab Venusia praeterfluens, in Ausidum insluit. Venusiam Pyrrhus Baucius, Francisci, de quo dictum est, filius tenebat, regi carus, ac maxime fidus. Ceterum dotalis urbs erat, cuius ciues propter imperium aequum, clemensque Gabrielis Vrsini, qui Ioannis Antonij ipsius est parentibus frater fuerat, plerique Tarentino fauebant: nec deerant, qui urbem se dedituros pollicerentur. Qua spe Tarentinus et ipse circiter decem millibus passuum opportuno in loco coactis in unum copijs, confederat. Ac tamen si nihil adhuc aperte hosticum geritur, uterque tamen in insidias intentus erat, ceterum hic cauendis, quam ille parandis interitior. Atque haud multum absuit, quo minus dum noctu Ioannes Antonius urbe se potiturum sperat, rexque illius consilium praue nit, obuiam facti ante conflixerint, quam bellum inter eos indictum esset. Tandem uero ille, quamuis res saepius frustra tentata, urbem per dolum occupat. At rex confestim subsidio suis ueniens, porta ingressus alia, Tarentinos urbe expulit: et quamquam a cede temperatum est, bona tamen ciuium direpta. Hanc sibi urbem Ioannes Antonius, si potiretur ea, belli arcem atque horreum propter opportunitate destinauerat, agrum uberem, pabulumque maxime feracem, pascendis aequis aptissimum ratus. Urbs ipsa in mediterraneis, ac natura etiam situato loco sita, totius regionis caput erat: atque ut in omnem Apuliam, quae ad montes iacet, quaeque regi parebat, discursiones facile promitteret: sic urbes, agrosque Tarentino subiectos a tergo claudens tuebatur, nequid hostile inferri ab rege posset. Adhaec Tranensium inde, ac Barolitanae res,



in primisq; Francisci Andriensis Ducis facile se aſiduis impreſſionibus afflictuſq; finitimosq; alios tum populos, tum regulos dolo ui, metu, pollicitationibus, minis, ob loci opportunitatem in parteis ſuas tracturum ſperabat. Hic motus, quæ Tarentino mens eſſet, futurumq; haud multo poſt bellū indicauit: licet miſſis ultro citroq; ſæpius legatis, quietæ utrinq; nuntiarentur. Sed ille uerbis quidem pacem uelle, re autem bellū parare, ætempusq; agitando per ſpecie concordie terere, dum quæ agitabantur à conſuratis, parata eſſent omnia. Quocirca rex animo uehementer angitur, ſaſq; ſecum cōſilia agitare, nec cui fidendū eſſet, ſatis compertū habere: repetere animo ueteres regni diſcordias, domeſtica populorū inter ſe odia, regulorumq; aut ſimilitates, aut amicitias: præterita bella docere planè poſſe, quantū in hominū animis polleteret inconstantia, ac leuitas: quantum auaritia ualeret, ac uindictæ cupido: nec tantā æqui aut honeſti curam, quantū utilitatis ſtudiū, ac libidinis generi mortaliū ineſſe: ſuas Tarentinūq; ac Renati opes iuſtā expendere, quid ab Gallis, Gallicarumq; partiū ſtudioſis, quid cōtra ab ſe ſocijsq; terra, mariq; geri poſſet, cogitare, ac metiri. Deniq; quantum fortuna humanis in rebus polleat, quā uarij rerū euentus eſſent, animo æſtuanter uolutabat. Hæc agitante Ferdinando ſignificatum eſt præſectorū lītēris, rem in Brutijs aduerſum tumultuanteis agreſtes bene ab illis geſtā, quos ab domibus, atq; ab aratro digreſſos partim autor Centilia, partim rerum nouarum libido ad bellum, ac direptiones traxerat. Hi primo uſq; palantesq; ut quis ſeſe ducem præbuiſſet, ſequēbantur, poſt inuito conſilio, atq; in unum conuenientes, duce potiſſimū Nicolao Toſto, cuius maiorumq; eius nulla antè cognitio, aut memoria fuerat, ſtatueſce Alphonſum Daualū, qui mortuo Carolo, regijs copijs ſolus præerat, ex improuiſo adoriri, et cum uniuerſo exercitu cedere. Nam et multitudo erat ingens, et Alphonſus per pacata loca nō ſatis magna manu iter faciens, nihil hoſticū uerebatur. Itaq; habentē eū in campis caſtra, qui Maidā inter Neocaſtrumq; interiaccet, qui agreſtiū primi agmen præcedebant, de colle ſeſe oſtentantes, ſublatis ad primū ſtatim conſpectū clamoribus, maximo impetu in caſtra ſerebantur. At Alphonſus repentina re permotus ac trepidās, interim dū ſuos impeditos atq; imperatos inſtruit, præmittit qui rem ſciſcitantur, eorumq; impetū remorari uerbis ſtudeant. Illi primo remiſſionem tributorū, hinc alia atq; alia poſtulare cœpere. Ad ea ab Alphonſo benigne cū reſponderetur, ubi conueniſſe ingentem ſuorū numerū uident, cædem ac ſanguinē flagitantes, ſeſe in caſtra proripiunt. At Alphonſus longius à caſtris ſtructis in plano ordinibus, cū interim à Iacobobo Galiota, impigro homine, acriter pugna conſerta eſſet, ubi illos uidit

nullo

nullo certo duce, nullo seruato ordine rapi, illatus conferta acie, primo impetū eorum reprimi: mox ab euentu rerum confirmatis militū animis, fundit fugatq; insecutusq; fugientes, magnū illorū numerū cædit: multos etiā capit, quos haud multo post interfici iubet: certior factus, paucis post horis longe maiorem affuturā multitudinem. Quod ni flumen Sabutū, qui circiter uiginti millibus passuum ab castris aberat, transire maturasset, eo die cum uniuersis copijs ad unum cæsus esset: uix dum enim saltū prætergressus, qui flumine, syluis ac mōtibus clausus, atq; impeditus est, summis ē montibus cateruatim decurrere ad occupandū saltum hostes conspicit. Cecidere ex agrestibus septingenti, aut etiā amplius: fuma tenet ad duodecim millia fuisse hominū, qui simul ad tumultū conuenerant. Alphonsius re bene gesta, Consentiam uersus tutiora in loca se recepit. Quibus rebus permotus rex, euocato ad se Alphonso, ut ab eo corā de statu regionis certior fieret, in Brutios proficisci decreuit. Igitur Venusiæ rebus compositis, relictoq; ibi Masio Barresa cum præsidio, ad amnem Bradanū profiscitur, ubi aliquot diebus æstiuā habuit. Inter hæc Nicolaus, quem multitudo ducem sequebatur, in agrum Consentinum impressione facta, finitimis castellis, ac uicis, partim metu, partim studio rerum nouarum ad eum inclinantibus, breui supra uiginti hominū millia in unum contraxit. Qua multitudine fretus, dū Consentia obsidere parat, nihil inuiolatū relinquit, agros uastat, ædificia incendit, pro libidine atq; ira cuncta gerit. Hoc cognito Ferdinādi magnis itinēribus eō cōtendit. Agrestes uerò de aduentu regis certiores facti, dimissa statim obsidione, in montana se recipiunt, dilabēte passim multitudine, magnæ tamē manu Castellione occupato, quod id oppidū in colle sitū, naturaq; egregie munitū esset. Rex castris admotis quæ ad oppugnandū necessaria uidebātur, proximis ē locis cōportatis, ac nō semel oppugnatione incassū tetata, tandē eximia suorū uirtute oppidū capit, captū diripit, atq; incēdit. Hac tāquā belli arce amissa, cū spes nulla esset reliqua, qui ex agrestibus in rerū expectatione erāt, diuersis itinēribus domū regrediūtur. Tostus et ipse initio oppugnationis secū paucis ex oppido surripuit. Dū hæc à Ferdinādo gerūtur, Ioannes uti cū Tarētino, cōiuratisq; cōuenerat, classe ab Renato patre in prouincia comparata, instructaq; rebus Genuæ cōpositis, idoneā ad nauigandū tēpestatē nactus, cū duabus ac uiginti rostratis nauibus, honorarijs quatuor ē Liguria soluit ac felici nauigatione usus, paucis postq̃ soluerat diebus, præter litus Formianū delatus inter Liris ac Vulturni ostia, diebus aliquot in ancoris stetit, dū cū Marino Martiano qd primū agēdū uideretur statuit, Tarētiniq; de aduētū suo certiorē facit. Rebus igitur ē cōmuni sententia compositis

Falernū in litus descensione facta, Sueſſam à Marino deducitur: ubi magnificentiſſimo apparatu, letiſq; adeo popularium animis acceptus eſt, ut ni hil in eum honoris prætermiſſum uideretur, quod aut maiorem ciuium Letitiam, aut Marini uehementius declarare ſtudium poſſet. Quæ res Ioannis animum magis magiſq; auxit, atq; accendit. Ea potiſſimum tempeſtate iudicari plane potuit, non fidem, non conſtantiam, non gratitudinem populariū animis ineſſe ullam, poenitere eos præſentis ſemper imperij, gaudere nouis rebus, futura in expectatione habere, leuitatem ducem eſſe atq; autorem ad poſtrema quæq; flagitia. Rebellant cum Marino ſimul uolentibus animis, communi conſenſu complures Campaniæ, ac Samnitium populi. Non illos lōge pacis otii, quæ etiam eorū, qui in militia educati ſunt, relanguere animos facit: non partæ ſub Alphonſo plurimæ diuitiæ, quorū comes uoluptas, deſidiaq; eſſe cōſueuit: nō belli facies ipſa, quæ eo terribior, magiſq; formidoloſa apparet, quo lōgior pax fuit: nō deniq; agrorum ſecuritas, ad quos relictis oppidis cōmigrarāt, aut eorum deſiderium, quæ relinquenda erant, remorantur. Certatim undiq; ad rebellandum curritur. Ipſe uerò Marinus contempto iure neceſſitudinis, omnis diuinæ et humanæ rationis oblitus, ſpretis, inuitisq; patris manibus, qui Alphonſi parteſ acerrimè ſouerat, paternum teclis hoſtem accipit, addit ſcleri, nato tūc filio, religionem Compatratuſ, moxq; in illius, ac Renati patris nomen cōceptis uerbis, ſolēnibus ſacris, ante aras, Deo teſte, iurat, cōſeſtimq; nullo indicto bello, hinc finitimos Capuæ agros, illinc Lyri traiecto, propinquam regionem populationibus uafat. Abigitur omnis generis rerum præda, ingensq; captiuorum trahitur numerus. Caluium quoq; oppidum, corruptis, qui illud proderent, capit, ac præſidio firmat, et quammaximè poteſt metu ac formidine cunſta cōplet. Augebat terrorem regis abſentia, nullo propinquo exercitu, nullo duce, qui grauib; ac repētiniſ malis iret obuiam. Quocirca nihil tutum, nihil ſecurū Neapoli, aut finitimiſ in locis uideri, metu in maius cūctatollēte. Deſeri uillæ, relinqui ædificia, impubes, ſenes, mulieres munita in loca paſſim trahi, fuga omnes ſibi cōſulere, iumentis, pecoribus, carris uias oppidaq; impleri, uideriq; omnia circūſonare armis, atq; equorū hinnitibus fremere, dum quotidianè tum populorum, tum principū rebelliones nuntiantur, demū uanis etiam rumoribus oppida, urbeſq; cōplentur. Hanc tantā cōſternationē auxit confirmauitq; claſſis, quæ Ioānis iuſſu ante portū Neapolitanū aliquot diebus in ancoris ſtetit, præſeſtrens ſpem rerū in urbe nouandarū. Quod ſentientiſ Iſabella regina, ſingularis animi matrona, urbē diurnis ac nocturnis præſidijs firmat, ſortibus ac fidelibus uiris quid agendū, quid cauendum eſſet præſcribit.

bit, hostem à continente equitibus per oram maritimam pluribus in locis dispositis arcet, portum creclis aggeribus ac muris, eductisq; ex arce ferreis, eneisq; tormentis munit: nihil hosti ad offendēdū terra marive aut opportunum relinquit, aut ciuibus, quod idoneum ad propugnandum esset, neglectum permittit. Ipsa Neapolitanos nunc plures, nūc singulos corā benigne appellat, forteis confirmat, timidos erigit, alium alia ratione cohortatur. Quin etiam Campanos, ceterosq; qui in fide perstabant, literis ac nuntijs bonum habere animum iubet, regem propēdiem cum exercitu affuturum affirmat, demum pro re ac tempore necessaria parat, ac pluribus simul prospicit. Incenso Castellione, omniq; circum regione pacata, rex Martoranum uersus proficiscitur, eo consilio, uti ea peragrata, comprehensisq; si qui noua parare in animo habebant, regionis ipsius res commo- dius, magisq; ē sententia conponeret. Hæc igitur agitans literas ab Isabel- la accipit, quibus certior fit Ioannem cum classe ad litus Sinuessanum ap- plicasse. Quo nūtio accepto, permotus rex, hinc atq; illinc ingentibus an- gebatur curis. Nam et Brutios, Lucaniamq; inquietam relinquere peri- culosissimū iudicabat, in qua paulo post iisdem autoribus ingentius repul- sulaturū intelligebat bellum, et rebus Campanis non occurrere longe per- nitiosius uidebatur. Hæc itaq; diutius agitati animo, et quod potissimum sequeretur consilium deliberanti placuit. Centilia tandem capto, autorem rerum nouarū ratione hac ē medio tollere, hominem infidū, leui ingenio, insigni audacia, ferendūq; ad seditiones natū. Venientem itaq; ad se non tam beneuolo animo, quā fūto cōsilio; quippe qui Ioannis aduentus igna- rus uerebatur, ni ad regem uenisset, ne statim bellum in se omne traheret, rex cōprehendi eum iubet, atq; ē ue stigio Catantiarium petens, scalis ad- motis oppidum aggreditur. Oppidani ut qui diuturniorem passuri obsi- dionem non essent, uix una, aut altera impressione sustentata, multis uul- neratis ac mortuo balistali sagitta Tosto, deditionem faciunt, rex oppido recuperato, cuius magna opportunitas erat, rebusq; quantū tempus patie- batur, constitutis, cum iam de Marini rebellionē nūtijs accepisset, magnis diurnis, nocturnisq; itineribus Neapolim cōtendit, atq; ad eadem Antonij, Capuana in uia, senatu habito, cum de summa belli agitatū esset, de cōmuni tandem sententia cōfestim ad Caluiū oppugnandum, exercitum rapit, ma- gnoq; machinarum, ac tormentorū apparatu instructus, euocatis etiam ē finitimis oppidis, quæ in officio præstabant, ueteranis militibus, castra ad ipsas propē fossas adinouet. Ipsum oppidū in plano situm, ac præterquam ab ea tantū parte, qua meridiem prospicit, qui tractus haudquaquam mul- tus est, excisis imminet rupibus, quas inter alterasq; longe etiam asperio-

res media percurrit uallis: per quā riuulus fertur, cuius aquis belli tempore ciues tutissime utantur. Sunt qui Cales fuisse peruetus ac frequentissimū oppidū credant, siquidem antiquæ urbis uestigia, moeniumq; fundamenta multis in locis uisuntur. Rex ad meridiē castris positus, tormentisq; admotis, muros qua portæ cōmittebantur, quati assidue iubet: Et quanquā magna ruina edita, omnia tamen in dies asperiora erāt. Nam Et anni tempus pessimū erat, Et cum cingi nondiq; oppidū nequiret, ut quæq; ad defendendum necessaria erant, per uallem noctu præsertim facile importabantur ab Theano: quod oppidum non amplius quatuor millibus passuum abest. Breuiq; tanta sclopetariorū immissa uis est, ut passim totis castris milites ueluti pecora trucidarentur, qui glandibus, pilisq; expositi, nō uallo, non aggere, non ullo munimenti genere protegebantur. Ipsorumq; castrorū facies ob multitudinem cadentiū maximè fœda ac miserabilis erat. Præerat oppido Sancius Carilius, cum lectissimo milite, uir impiger, ac bellicis in rebus multos annos exercitatus. Verim Gallus Germanusq; sclopetarius maximè nocius ac formidolosus erat: regem autem, uti eò acrius instaret, multa impellebant: loci opportunitas, pudor deserendi incepti, Campanorum importuna postulata: quodq; ut hostibus ingens audacia, si irrito conatu discederet, accessura esset: sic suis infelix auspiciū reputantibus longe maximus terror, atq; animorū consternatio inde futura, quod fugæ similior discessus uideretur. His rege curis anxio, forte accidit, ut Camillus Caraciolus impiger iuuenis, regi q; ob uirtutē maximè carus, cum munitionibus præfesset, patefacta ab bōbardis aliquantū per muros uia, occasionem pugnæ adesse ratus, cohortatusq; paucis milites, uti pristina uirtutis memores essent, ingentibus etiā donis propositis, signū pugnæ dari iussit. Itaq; certatū est pro muris, atq; in ipsa ruina atrocibus animis, dū neutri cedere loco uolūt. Tandem sclopetorū, colubrinarūq; fœda strage superati regij, alij cedunt, alij præcipites dantur. Camillus dū inter primos uersatur, pila colubrinaria per cerebrū adacta cadit: cuius casu prosternati ceteri oppugnationē deserūt, multisq; acceptis uulneribus, cis fossas egresse recipiūt. Regē nihilominus in proposito persistentē ingētes, complurūq; dierū hymbres deterruere, quod exploratū quoq; habebat Antoniū Caldo ram aduētare: qui iunctis cū Marino ac Ioanne copijs, obsidis subsidū ferrent: cum etiā non equos, nō milites integros sibi esse intelligeret. Quibus ipse uictus necessitatibus, relictā obsidione, Capuā cū exercitu petijt: distrinxisq; per hyberna militibus, Neapolim concessit. Fama interim Ioannis per regnū diuagata, multos qui antea dubijs erāt animis, ad rebellandum inuitat: Venisse uirū florentem annis, regijs moribus, è uettri Neapolitanorum

norum Regū profapia, quorū merita paſſim à natu maioribus reſereban-  
 tur. Cōtrà alij Hiſpanæ gentis impotentis animos, inſatiabilem auaritiā,  
 crudelem cum damnarent dominationem, ueniſſe tandem, erant qui ſubij-  
 cerent, ueniſſe iā qui ab inſolentiſſimo Catalanorū dominatu tot annis op-  
 preſſos populos, ſpoliatas provincias, diſſipatū regnū, à ui iniuriāq; libera-  
 ret, cuius integritas, reſtitudo, ſanctitas dijs æquaretur immortalibus.  
 Hæc igitur, taliq; palām iactabantur, paſſimq; inibantur in ciuitatibus à  
 rebellionū autoribus cōſilia. Apulia maximè in aduētus eius expeſtatione  
 erat. Ciuitatū principes nihil prius, aut potius curabāt, quàm ut aduenien-  
 tem apertis acciperent portis. Augebāt Ioannis nomen auctoritatēq; Ioā-  
 nes Paulus Cantelmus Dux Soranus, Nicolaus Moſfortius Comes Campi-  
 baſanus, nobilesq; item multi, et in ijs Ioannes Sanframūdius Comes Cer-  
 retanus, qui ad Ioannem ſtatim ad primum aduentus eius nuntium deſece-  
 rant, et Caldorarum familia, cuius dominatus quod in Pelignis, Marruci-  
 nis, Ferentanisq; potens, pollensq;, et clarus eſſet, rebellionis ſuæ ſuma  
 ingentem Ioanni expeſtationem conciliauerant. Quocirca imito conſilio  
 placuit uti Ioannes in Apuliam proficiſceretur, qui à Theano mouens, ten-  
 tata ex itinere Iſernia, quam ad deditionem coacturum ſe ſperabat, ubi in  
 Apuliam Nicolao duce peruenit, omnia ad ſe inclinantia comperiit, Luce-  
 ria portas aperit, prodita ab Loifio Minutulo urbis eius arce. Cuius exem-  
 plum breui ſequitur Sancti Scuerij oppidū, Troia, Fogia, Manfredonia: ca-  
 ptis etiam Ferdinādi præſidijs, arx Manfredoniæ, præſecti ignauia etiam  
 dedita, quæq; oppida in Gargano ad mare, ſiue in mōtanis ſita, pleraq; ad  
 Ioannē deſiciunt. Hercules quoq; Eſtensis, quē rex Apuliæ rebus præſe-  
 rat, ſuadente Boſſio Duce Ferrarienſi eius fratre, qui Gallorū rebus clām  
 ſuebat, Ioannis partes ſequitur. Idē faciunt Ioannes Caraciolus, Dux Mel-  
 ſitanus, et Iacobus frater eius Comes Auellinēſis: adhæc Georgius Alaman-  
 nus Comes Pulcinenſis, Carolus Sangrius, Marinus Caraciolus, qui multas  
 et quidē opportuna tenebāt oppida in Apulia, Lucanis, Hirpinis, Samnio.  
 Rebellat in Marſis, Sabinisq; Aquila, Petro Lallo Camponiſco autore, et  
 Frāciſcus Marerij Comes in Ferentanis Iacobutius Mōtaganus. Ad Taren-  
 tinū quoq; in Apulia, Daunisq; deſciūt Labellū, Quarata, Melſiſſa, Biton-  
 tū. Et Neapoli, cōpluribusq; ciuitatibus, quæ adhuc in officio manebāt, no-  
 biles permulti, aut cupiditate rerū nouarū, aut quod ipſorū maiores Gal-  
 licā factionem fouerāt, ad Ioannē transfugiūt. In his Boſillus Iudex, qui Be-  
 neuentū, ac Montiſcuſculum, quibus præerat, prodere Ioanni ſeſtimans, de-  
 treſta proditione, irritos conatus habuerat. Hoc malū contagio quaſi quæ-  
 dam, principum ac populorum animos cō magis infeccerat, quod Ioannes,



Tarentinusq; iunctis simul uiribus, cōsilijsq; Bari communicatis palam  
 iactabant, appetente uere se in Campaniam ex Apulia, in qua hyemabāt  
 profecturos, copiasq; Neapoli admoturos, inuitatos rebellione Danielis  
 Vrsini Comitis Sarnensis, Iordani Comitis Atripaldini, et Felicis princi-  
 pis Salernitani. Hi non una ē matre fratres erant, ac Ramundi, Ioannis  
 Antonij fratris filij, quos ille Ramundo mortuo, multa pollicendo, ado-  
 lescētes facīle in sententiam suam traxerat. Quibus consilijs Ferdinan-  
 dus obuiam ire parans, Mariam ex concubina filiam Felici desponderat,  
 ac multis promissis et illū, et fratres honorauerat. Quin etiam relictā  
 Campania in Samnites cū exercitu profectus, apud Montisfisculum con-  
 federat, quo ē loco et consilia hostium explorare commodius poterat, et  
 celerius occurrere, quocumq; hostis iter intenderet. Interim Auellinensis  
 Comitis agros asiduis populationibus infestat. Præta quoq; munitissimū  
 castellum expugnare conatus, re infecta multis suorum amissis, certior  
 factus Pij Pontificis Maximi auxilia iam aduentare, ne à Marino Mar-  
 tiano aditus interciperetur, ad saltum Menianensem, qui est in agro Cafi-  
 nate, maturare decreuit. Quo tamen iter hosti esset formidolosius, in agrū  
 Campibassanum, locaq; finitima defleuit: multisq; castellis expugnatis,  
 aliquot etiam incensis, agros, uillasq; populatus cum ingenti præda in  
 Venafranū, atq; inde Sidicinū in agrum peruenit. Positisq; prope Caluiū  
 castris, quod antequam in Samnites proficisceretur, noctu scalis admotis,  
 arce occupata, caesisq; uigilibus, præsidio etiam capto receperat, Pontifi-  
 cis copias expectabat, quas ex Hetruria mouisse perlatum erat, Stellateis  
 interim, Sidicinosq; agros uastaturus. At Marinus, qui non iuuenili leuita-  
 te, magis quā execrabili in Ferdinandum odio desciuiisset, hostemq; ab  
 Liguria accitum, classēq; profectum sinibus, ac tectis acceperat suis, quo  
 pacto regem ē medio tolleret, animo æstuanter agitabat, hominum ac deo-  
 rum immemor. Hoc dies nocteisq; uersanti secum, tandem per speciem col-  
 loquij adoriri illum placuit. Quocirca Gregorium Coreliam multos sibi  
 ante annos cognitum, intimumq; regis familiarem à se arcesitum mitti  
 clam ab rege postulat, acturus cum illo de reconciliatione, rebusq; comuni-  
 nibus. Quem ad se profectum blandē appellans, ac facti poenitentiam si-  
 mulans rogat, uti compositis opera eius simultatibus, in regis gratiam,  
 pristinumq; beneuolentiæ locum restituatur. Vetera in se Alphonsi bene-  
 ficia commemorat, pueritiam cum Ferdinando actam, tot liberos ē sorore  
 susceptos, iura diuina et humana refert, Gallorum insolentiam detestatur,  
 Ioannem inculcat, nec se passurum affirmat liberos suos, duorum regum  
 sanguinē, homini barbaro, Gallicamq; insolentiam in tenui etiā re præse-  
 ferenti



ferenti scrutuſ. Cum his mandatis plenus ſpei Gregorius ad Ferdinan-  
dum reuertitur. Re in ſenatu agitata, exquiſitisq; ſententijs, cū regis re-  
ſponſo ad Marinum Gregorius redit. Quo ſæpius ultro citroq; miſſo, dies  
tandem colloquio dictus eſt, quo dirimi omnem poſſe controuerſiam, ſatis  
magna ſpes offerabatur. Ab eſt Theano circiter mille ac ſexcentos paſſus,  
ſecundū uiam militarem, uetus ſacellum: à cuius fronte, qua meridiē ſpe-  
ctat, campus patet penè nudus arboribus. Hic ad colloquium delectus eſt  
locus. Ferdinādus explorato itinere, ac præſidijs diſpoſitis, prior ad Tur-  
ricellam (id loco nomen eſt) uenit, ac partitiſ copias, pediatūq; uiarū an-  
guſtias, et loca ſuperiora occupans, ne quid à tergo parum tutum relin-  
queret, equites in plano pluribus locis diſtribuit, ac præſidijs firmat: hinc  
ad locum pedetentim progreditur, Gregoriū ac Ioannem Vigintimillium  
comites ſecum ducens, non tam conſilio, quā neceſſitate adductus. Nam  
cum Gregoriū Marinus dirimendæ controuerſiæ mediū adſeſſe uellet, rex  
Ioannem propter rerū geſtarū famam, prudentiæq; opinionem, alterū de-  
ligere coactus eſt, quando duobus cū non amplius comitibus in colloquiū  
utrinq; ueniendū conuenerat. Et Ioannes quidem propter ætatem pugne  
parū idoneus, Gregorius uerò imbecillo corpore, ac dextro brachio penè  
inutilis erat: quod Marinus futurū proſpexerat. Poſtquam igitur uentum  
ad locum eſt, Ioannes ac Gregorius unā cum Deiphobo Anginillaria, et Ia-  
cobutio Montagano delectis à Marino comitibus, quibus cū conſilia com-  
municaret, quiq; facinoris eſſent cōſcij, ad uiam baud procul à ſacello re-  
manſere. Illi in campū uterq; armatus, uterq; equo inſidens circiter no-  
naginta paſſus ab uia ſoli, cōmunibus de rebus diſceptaturi proceſſerant.  
Rex aliquāto editiorem in cāpo locū cum cepiſſet, unde circū omnia lu-  
ſtrare oculis late poterat, à Marino eſt monitus humiliorē in locū equū ut  
demitteſſet, ne à Gallis, qui Theani arcē tenebāt, deſpectari poſſent. Quod  
dictū regis animū uehemēter pupugit, ſuſpicati inſidias paratas, ſeq; fraus  
de peti. Quam ſuſpitionē Marini oratio mirū in modū confirmabat, cū ita  
eſſet exorſus, uti omnem ſemper in regem ab ſe culpam reiſiceret, nullam  
uerò ipſe regis excuſationem, aut cauſam acciperet. His altercantibus, cū  
aliquantum temporis extractū eſſet, Deiphobus (ſic enim conuenerat) ad  
Ioannem, Gregoriumq; conuerſus, uultu quammaximē cōpoſito, quando,  
inquit, Marinus, quod felix ac fauſtū ſit, rex ex animi ſententia cū rege ſuas  
cōpoſuit, an ipſe quoq; meas cōpoſiturus, regem ſupplex adire ultra mora  
bor: adaſtoq; ſtatim equo, ſolus in regem ſerebatur. Venientē conſpicatus  
rex animaduertit quo propior fiebat magis magisq; ſe uerſus ad dexterā  
declinare, apparebatq; hoſtili cum ingreſſu ferri. Et iam eò progreſſus

erat, ut rex quē strictū ille quoad poterat pugione occultabat, cōspiceret: quo conspecto cū Deiphobus tantū non in regis equi habenas illatus esset, Ferdinandus confestim stricto ense, atq; animo quamconfirmatissimo in illū primū, mox in Marinū equum concitat, ac nunc hunc, nunc illū, nunc utrumq; simul cōminus petens, anibos in fugā uertit. Cū interim Iacobutius Ioannē, Gregoriumq; armatus ipse pugnae inutileis facile continet. Quod equites conspicati, qui in speculis dispositi erāt, sublati clamoribus præsto fuere. Illi ad suos quammaximē citatis equis delati, re infecta non tam tristes abeunt, quā regis fortitudinem admirati suspiciunt. Ferdinandus incolumis à suis exceptus, ingentis animi plenus in castra reuertitur. Illud deorum potius, quā hominū consilio factū uidetur, ne rogantis regis, cum primum in uia obuiam facti sunt, uti galeæ fibulam Deiphobus ei substringeret, gladio iugulū aperuerit. Postero die rex, aliquotq;sequentibus diebus, productis copijs, populabundus in agrū Sicidinū profisciscitur, coactaq; ē propinquis oppidis satis magna agrestū manu, quācumq; it ferro cuncta uastat. Inde in Stellatem progressus, ad balneas usq; Sinuessanas, quæcumq; in agris erant corrumpit: parciat tamē ædificijs, igniq; temperatū est: eripi enim hosti uictū, non exuri ædificia, quæ longa pertraxisset pax, uolebat. Fortē accidit, ut cum præteruectus e quo locū rex esset, ubi cū Marino congressus fuerat, pugionē humi repertū eques ad eū ferret, qui Deiphobo inter cōgrediendū exciderat: erat autē ueneno intinctus, tabidisq; medicamentis delibutus: quo quamuis leuiter ictus cū esset catulus, statim ueneno exedente concidit. Hæc res magnā in primis Marino inuidiā confluxit. Videri enim supra hominū improbitatē facinus indignū et atrox, regem, cuius nomen apud mortales sanctū esset, fraude ac ueneno ab illo circumuentū. Non fidem apud eum, non necessitudinē, non quod in regis nomen uolens, libensq; iurasset, non deū metum locū habuisse ullum, spretam, contemptam, pessum eodem facto datam famā, pietatem, gratitudinē, religionē, nihil illū in Deo, nihil in hominibus credere aduersum scelera esse repositū. Hæc grauioraq; aduersus Marinū ab amicis, inimicisq; æque iactabātur. Populati agros Ferdinando significatur, eodem penē tempore Ioannem, Tarentinumq; iunctis simul exercitijs, magnis itineribus per Samnū aduentare, Pelusiāq; incensa, et Alphonso Lagonissa cum uniuersis Caudinorum oppidis in societatem ascito, recto itinere Neapolim contendere. Parte uerò alia Simoneclū cum Pontificis copijs in Casinatem peruenisse, petereq; illū ab rege, uti suis etiam copijs adnotis ad saltum Merianensem auxilio afforet. Martianum enim præmissa iam militum parte, reliquo cum exercitu, ni maturetur, statim affuturum.

turum. Ad hæc missis qui iter explorarent equitibus, leui certamine inito Ioannem Malcuoltam, unum è Pij præfæctis captū, reliquos formidare, se nō ijs uiribus esse, ut sine regis ipsius auxilio, Martiano prohibente, angustias incolumi exercitu peruasurum confidat. Cui rei Ferdinandus præuertendum ratus, ijs enim copijs additis, hosti se numero ac uiribus superiorem fore intelligebat, nocte intempesta profectus, cum de profectiōe certiorē fecisset Simoneclū, & ille in tempore adesset, sine ullo certamine, saltu penetrato, statim coniunctis exercitibus, quo Tarētino, Ioanniq; occurreret, citatissimis equis Sueffulam petebat. Quod hostes explorati cum haberent, Acerris dextra relictis, Nolam diuertere. Aduenientibus Felix, & Daniel cam Iordano fratre præsto fuisse, qui dicerent, se cum oppidis, popularibusq; imperata facluros. Igitur hostes impares se cum iudicarent, neq; retro iter uertere sine manifesta pernicie, neq; equis in campis expectare tuto possent, intra Sarnensis fauces (sic enim uocantur) sese inclusere. Sarnum in adso montis latere positum arcem in summo habet dorso quammunissimam. Sub ipsum autem montem suburbū iacet, in longum porrectum, habitatoribus frequens. Ac ipso suburbio in uia Nolana occasum uersus, circiter mille & sescentos passus, sub inflexi radicem montis, fontes scatent, qui statim minimè uadosum fluuium, qui & ipse Sarnus dicitur, constituunt, quo in loco porta est turri subiecta. Eum autem locum Fauces incolæ uocant. Ab altera etiam suburbij parte ad Solis exortum, qui Salernum uersus est iter, fontes alij manant, qui cæteris immisti fontibus, toto passim suburbio scatentibus, alterum & ipsum nequaquam uadosum flumen efficiunt. Hi amnes, Solis aliter ab occasu, ab exortu alter sese petentes ex obliquo, in meridicm mare uersus prolapsi, per culta circiter duobus millibus passuum ab ipsis fontibus, coniuncto simul alueo confluunt in mare, quod à confluyente quidem ipso circiter sex millibus passuum abest. Quod medium interiectum est agri, fluminibus insulæ penè in modum cingitur, à septentrione perpetuis, ac minimè pertuis montibus clausum. Ager ipse uiribus atque oleis consitus, pabulo quoq; abundat plurimo. Itaq; in hanc tanquam insulam cum se hostis recepisset, fluminibus, ac montibus perinde ac munitiōibus se tuebatur. Ferdinandus sub confluentem in sylua, cui Longule nomen est, castris positus, quo arctius hostem premeret, struclō ponte, à frumentatione, quod maturæ iam erant segetes, atq; à pabulatione, hinc atque illinc arcere hostem statuit: idq; eo erat facilius, quod castellum Sancti Martiani ualde confluenti proximum Regi parebat.

Igitur strato ponte, assiduus discursionibus hostem adeo uexabat, ut is obsessio persimilis uideretur. Quocirca fremere equestimere duces, ipse Tarentinus sibi diffidere, et iam de nocturna fuga cogitare: esse etiam qui se regi per amicos conciliare clam studerent, alij qui transfugere pararent, cuncta demum plena esse terroris, atque formidinis. Per eosdem dies hostium classis praefectus non exigua praedatorum manu Surrentino in litore exposita, agros, uicosque populari parabat: satis magna cum spe, sollicitatis ciuium animis, obuetus Andegauensis factionis studium, urbis etiam potiunda. Quod rex intelligens, Antonium Olzinam cum lectissimo peditatu, qui agrum uillasque tueretur, praemisit: praesidio etiam urbi addito, hostis primo impune rapere, ac passim feri, mox ab signis dilabi coepit. Quod Antonius animaduertens, nactusque idoneam occasionem, hostem palabundum ex improviso adoritur: qui locorum ignarus, atque inique congressus, cum diutius sustinere impetum non posset, insignem cladem accepit. Itaque alijs caesis, alijs captis, qui reliqui erant, dum fuga sibi consulunt, rati iter ad mare peruium, hinc Antonio, illinc Surrentino prementis, per rupes maxime editas deturbantur. In ipsis etiam triremibus, dum funes legunt, ac pontes, dum reliquos a clade accipiunt, strepidatum est. Telorum, armorumque omnis generis magna uis Surrentum perlata. His rebus adductus Felix, missis qui ueniam impetrarent, ad regem supplex in castro profectus est, Parmae arce (quod castellum Sarnensibus a faucibus non ita multum abest) regi prius tradita, praesidioque illic imposito. Rex eo acrius instare, ne annonae comportari Sarnum posset, summis uiribus conari, arcere hostem a pabulationibus, prohibere frumentationes, dies noctesque id agere, quo nihil hosti tutum, nihil quietum relinqueret. Forte accidit, leui ut certamine inito Petrus Hubaldinus, eques regius ab hoste caperetur. Is (uti moris nunc est) exutus armis, atque adempto equo, ad regem remissus, retulit satis se exploratum habere, occupato clam monte a peditatu, deinde per effractam, quae ad Fauces esset, portam immisso equite, diripi qui hostibus ad suburbij consedisent caput, haud magno conatu posse. Quo hosti inflicto uulnere, fore uti castris intra Fauces translatis, hostem fame confectum, paucis diebus ad se dedendum rex compelleret. Quo audito, conuocatis ducibus cum singulorum ipse sententias exquireret, Simone etiam huiusmodi orationem habuisse accepimus: Qui dominari in bello fortunam dicunt, Ferdinande rex, non temere illi quidem mihi sentire uidentur, et dicere. Non quod belli administrationem, uictoriaeque euentum in manu fortunae collocatum existimem, sed quod in conferendis praecipue manibus, propter ea quae repente accidunt, nunquam satis prospici ab imperatoribus aut consulendo queat: aut ubi consilium captum est, strenue rem, grauiterque gerendo.

gerendo. Quo enim consilio, aut qua nam prospicientia equorum confos-  
 siones, militum trās fugia, falsi rumores, male accepta imperia, coeli tempe-  
 states, locorum iniquitates in itinere faciundo, equitum, centurionum, tri-  
 bunorum, aut imperatoris ipsius casus in conferendo praelio, aliāq; huius-  
 cemodi propè innumerabilia, aut providerine accidunt, aut postquam acci-  
 dere, ne damno sint, satis utiq; perfecte poterit? Cum nullum persepe ad-  
 prospiciendum spatium propter temporis exiguitatem, nulla opportuni-  
 tas ob rerum difficultatem imperatori relinquatur: nec idem ipse et hic, et  
 illic uno in tempore adesse, nec plura simul aut imperare alijs, aut admini-  
 strare ipse valeat. Equidem ego ita se habere rem non magis magistro ab  
 aliquo in scholis, quàm ipso ab usu, qui humanarum actionum optimus ac  
 sapientissimus magister est, doctus affirmare audeo: quippe qui iam sexa-  
 genarius quam militiā adolescens se qui coepi, eam adhuc sequor. Quo in-  
 terim tempore animaduersum à me est, non semel etiam leuissimū casum  
 ex uicto uictorem, ex uictore uictum exercitū reddidisse. Tot igitur anno-  
 rum usus, et haec, quam uidetis, etas abunde me monere debet, ne quid tem-  
 mere incipiendū, ne quid inconsulto audendum consulam. Velle autem ten-  
 tare fortunam, eius esse arbitror, cuius res angustae cum sint, spes etiā lon-  
 ge angustior indies futura uideatur. Quod ego consiliū Ioanni, Tarenti-  
 noq; quorū res deteriores indies futuras arbitror, sequendum potius iudi-  
 cem. Nobis dies ipsa meliora atq; secūdiora cuncta promittit, dū tanquam  
 septis hostem clausum, ac circumseßum habemus. Nobis stando, ne dicam  
 cunctando augetur auctoritas, duplicantur uires: et tantū non captum ho-  
 stem fama ipsa, quā bella maxime cōstant, per regnū, atq; Italiam diuulga-  
 bit. Illis cōtra omnia cū suis nostrisq; cōtēptui aequae sint. Stādo Felicem,  
 id est, Salernū, Nolaq; utraq; nobilem, utrāq; maxime opportunā ur-  
 bem recuperauimus. Stando hostem paulò antè ad obsidendā Neapolim fe-  
 stinantem, de fuga ut cogitet, sitq; de propria etiā salute sollicitus (quod ui-  
 detis) iā coëgimus. Cum interim classis, quae orā hanc maritimā metu sui  
 concusserat, ludibrio haberi coepit, statibusq; hic nobis penè auditi fuerint  
 classiariorū militū clamores, atq; heuiatus, aut iugulū Surretimis praeben-  
 tium, aut praeuptissimis è rupibus in mare se praecipitantū, quo insequen-  
 tium gladios fugerent. Nobis Neapolis et oppida, urbesq; uicinae anno-  
 nam, equos, arma, recentē peditem, recentem equitem subministrāt. Qua-  
 rum rerū illis non modò nulla est comoditas, aut copia, sed haud sciā an co-  
 rum desiderū relictum sit ullū, cum Apuliam, Peucetiosq; ac Salentinos,  
 tot montes ac ualles, tot nostra oppida ab illis distrahāt. Demum à pugna  
 continendo, pugnantū finem; id est, uictoriā, absq; ullo nostro periculo cō-

„ sequemur. Cum illis uerò satis bene actū fuerit, si (quod unum cogitare, ac  
 „ meditari possunt) nocturna fuga concessa fuerit, per loca difficilia, præru-  
 „ pta, aspera, magnaq; ex parte nobis parētia. Quamquā etiam fortissimis,  
 „ peritissimisq; ab imperatoribus usurpatum esse scio, fugienti hosti pontem  
 „ quoq; uel ex argento constituendum esse. Quamobrem cū dimicandi nul-  
 „ la immineret nobis necessitas, censeo à prælio cōtinendū: nec præbendā ho-  
 „ sti bene gerendæ rei occasionē. Et quoniam quanto arctius sese præsumsen-  
 „ scribit, tanto est amplius de fuga cogitaturus etiam censeo, uti occupato mon-  
 „ te, qui Faucibus imminet, castra sub ipsum montem, ad caput fluminis, cis ri-  
 „ pam transferantur: quo pabuli, atque annonæ difficultate coactus hostis  
 „ (quod unum reliquū est) nocturnæ fugæ cōsiliū ineat. Rex probata Si-  
 „ monei sententia, statutoq; ad peragendum negotiū tempore, peditatum  
 „ quanto potest maiorem comparat, ueteranos euocat, nouos etiam equites  
 „ scribit: quid hostis paret, quid cōsulat, per trās fugas, captiuosq; explorat:  
 „ qui montem lustrent, aditus uestigent, semitas inquirent, fidelibus et stre-  
 „ nuis uiris negotium dat. Satis etiam constat Ferdinādo clām significatum  
 „ esse, Pium Pontificem mutata sententia decreuisse medium sese belli eius ge-  
 „ rere: clāculūq; Simonei iniunxisse, uti paucos post dies in Samnites Be-  
 „ neuentumq; quæ Pontificis ipsius urbs esset, exercitum traduceret. Atq;  
 „ eo cognito regem decreuisse fortunæ res è uestigio cōmittere, fore ratum,  
 „ superior si euaderet, uti uictoria ipsa in partes eius Pontificem retraheret:  
 „ sin secus cessisset, uti cum iram in illum prouocaret hostiū, tum illū ipsum  
 „ ad uindicandi cupiditatem, quod postea secutum est. Quocirca quæ facien-  
 „ do prælio necessaria essent, summa ea cum celeritate comparari iussisse. Il-  
 „ lud uerò à Simonei impetratum, difficeret abitum è castris, quoad suos  
 „ rex per oratores tentasset, posset ne Pontificem ab eo proposito dimoue-  
 „ re. Itaque ubi parata esse omnia, suæque consilia latere hostem rex sensit,  
 „ tribunis, ducibusque conuocatis imperat, uti quamaximo silentio de  
 „ secunda uigilia cum exercitu instructo paratōque ad signa assint: quid  
 „ ipse paret, quid fieri à quoque uelit, singulos edocet, huiusmodi etiam ora-  
 „ tione cohortatus. In omni re bellica fortissimi uiri (quod usus ipse docuit)  
 „ plurimum occasio ualet, quam optimus quisque imperator summo stu-  
 „ dio, ac celeritate complecti debeat: quippe cuius ea natura sit, ut ardua in  
 „ planum facile uertat. Eam igitur nos capere, ac sequi, maximè utile, atque  
 „ in primis cautum consiliū reor. Sed in omni occasione capiendā, ince-  
 „ ptis quæ prosequendis duo potissimum seruanda sunt: alterum quod fa-  
 „ ctu opus est, mature id ut fiat. Quid enim occasione breuius, aut fugacius  
 „ est? Alterum, ut suo quodque geratur ordine. Quando in re præferim

militari nihil ordine ipso potius ac maius est. Nam confusio, ac trepidatio, præterquam quod periculosa, gerendis quidem rebus maximè etiam contraria est. Neque enim aut unum, aut alterum tantum prælium, quamquam consilio, ac ratione susceptum, infelicitè tamen cessasse inuenias, magis ob imperia non eo quo tradita erant ordine seruata, quam ob militum uirtutem, atque aduersarum partium imperatoris industriam. Quocirca nequaquam à me cohortandi estis, ut in cõserendis manibus fideliter ac fortiter re geratis: quippe cum fidem, uirtutemque uestram in multis, magnisque difficultatibus planè perspectam habeam: neque uti ducendo exercitum, iter maximè exploratum habere studeatis: Cum hostis ipse quamproximus sit: et quæ exploranda essent, cuncta sint à me diligentissime explorata. Quid etiã mihi in animo sit, quid faciendum decreuerim, quæque se nobis occasio offerat, iustam mecum tenetis. Verum illud unum, illud inquam unum moneo, hortor, rogo, et pro iure etiam meo impero, ut quæ à me præscripta sunt, eorum memores, ad capiendam occasionem, quam propè tenemus in manibus, atque (ut uerius dicam) omnino iam tenemus, ordinem adiungatis. Ego ipse pro loco ac tẽpore adero. An fortasse uerendum est exercitissimi uiri, ne hostis cognito consilio nostro, instructus, paratusque, atque in acie armatus offendatur? Satis compertum, satis exploratum, et cognitum habeo, præter paucos admodum qui pro statione noctu excubant, ceteros omnis per oppidum dispersos sub telluris quæque, flumine ac montibus fretos, somnos etiam ignauissimos ducere. Antequam somno expergiscuntur, armis instruantur, equi frenantur, tribunumque, quisque ac ducem suum pedes, eques conuenit, metu, ac repentina re attonitus, nos occupato monte, effractis portis, adiutumque reserato, uoti cõpotes, locum castris ceperimus. Quo capto nobis in acie stantibus, cõ castra trãserentur: quibus positis, reliquum est uti non horam quietam, non locum ullum tutum hosti relinquamus. Neque multum tempus ab erit, dum aut sese nobis dedat, aut necessitate cõpulsus, fuga sibi quammaximè periculosa consulat. Hac oratione accepta tribuni, ducesque ad imperata quisque, faciendâ properans: paulò post instructo cum exercitu, magno etiã silentio absunt: rex peditatum præmissis itineris ducibus montem circuire, ac superato iugo, sine ulla trepidatione inde descendere, interim equitem procedere paulatim, atque sub signis iubet. Vbi uerò tẽpus uisum est, quo pedes destinatum ad locum peruenisse iam poterat, dato signo Robertum Ursinum, lectis cum equitibus superare Fauces imperat. Ille egregie nauata opera, citato equite, in hostium stationem illatus, alios semisomnecis capit, alios resistenteis uulnerat, ac paulo post in fugam actos, suburbium uersus acriter urget. Roberto urgente gregarius miles, qui eum secutus erat, prædæ intectus,



nihilq; ad præscriptum gerens, tabernacula diripere, equos à præsepibus dissolvere, seq; equosq; sarcinis honorare statim coepit, ac tanquam fugato hoste, præda honestus ad Fauces, atq; in castra regredi. Rex id quod erat ueritus, dari tempus hosti ad arma capienda, aliquot turmas cū summisisset, ipse reliquo cū exercitu pro Faucibus expectare decreuit. Interea hostium duces fugientium ac pugnantium clamoribus exciti, re cognita, propere accurrunt, suos hortantur, ac præmissis, qui impetū sustineant, ut quæq; fors obtulerat, acies instruūt, at paulatim alios atq; alios equites summittūt. Robertus ubi sustinere impressionem nequit, cedere pedentem coepit. Urgebat enim cum lectissimorū manu equitum Vrsus, atq; acri cepta pugna, summis utrinq; uiribus de loco pugnatur. Hinc Robertus, illinc Vrsus dum suos hortatur, dum fortiter rem gerunt, parū absuit quo minus uterq; suo ab aduersario caperetur. His rem penè intra globū gerentibus, regijsq; in arcto propter locorum ignorantiam pugnantibus ab hostium ducibus leua sinistraq; hinc pedites, inde equites summittuntur. At rex cum intellexisset suos in arcto premi, maiorem equitum manum subsidio ire iubet. Hostium uerò pedites in angustiis uiarum implicitos inter se regiones confpicati, alij hastis eminus, aut sclopetis, alij cōminus gladio suffossis, aut uulneratis equis, ipsos equites partim deiciunt, partim in fugam uertunt. Locorū peritia hostem maximè adiuuabat, Regius uerò uix è uia egredi, illic omnes cogi, alijsq; atq; alijs subsidū ferentibus in unum simul cuncti coire. Quod aduersarius ubi uidit, ab dextra sinistraq; acrius illum premere, conari etiam à tergo inuadere, atq; ab reliquo exercitu se iungere. Quod rex ueritus, suos referre pedem paulatim iussit. Primis igitur, dum partim pedem referunt, partim etiā terga uertunt, fugam iam parantibus, postremis autem in acie stantibus, cum locus ipse explicandis ordinibus haudquaquam satis esset, hostium duces eo acrius urgere incipiunt. Illi à tergo, hi ab latere, plures singulos, liberi impeditos, recentes saucios circumstant. Hic uerò ingens strages equorū atq; hominū à sclopetarijs edita, qui ab rege propter stipendia non statim exoluta initio obsidionis ad Ioannem transfugerāt. Inter alios, atq; inter primos Simonectus cadit. Robertus uulnere in ore accepto, uix hostium elapsus è manibus ad regem, qui extra Fauces in loco paulò editiore instaurare pugnam parabat, se recipit. Cæteri magna è parte capti, rex ea exercitus parte exutus, cum nullum in pedite præsidium esset, quippe cuius nulla in toto prælio extitisset opera, cum neq; locum tenuerit, neq; imperium seruauerit, neq; ubi tempus ferebat, pugna affuerit, summis tamen uiribus anniti, quod unum erat reliquum, ne hostes faucibus prodirent.

Quocirca

Quocirca prehensare fugientes, confirmare integros, hortari, rogare, locum tuerentur, superesse tot lectos equites, tot etiam recentes turmas, aduentare è castris subsidia, si uiri esse uelint, nō hostium modò impetum repressuros, uerumetiam si faucibus egrediātur, magna etiam illos clade affecturos. Ipse in hostem proficisci, ac nunc his, nunc illis se ostentare. Cum interim ex ijs, qui in præsidij collocati erant, quique postremos tenebant ordines, multi signa, locumque deferere, sequi fugæ dare coeperunt. Quod hostiū duces cum animaduertent, tātò se impetū è faucibus proripiunt, ut regij uix primo cōgressu sustētato in fugam se quam laxissimis habenis dederint. Hostes statim in castra profecti, cum uacua ea defensoribus inuenissent, capta diripiunt, pauci trans pontem, Nuceriā, finitimaque in loca se recipiunt, regem Neapolim uersus fugientem haud multi secuti: reliqui penè omnes aut in prælio, aut in fuga, aut in ipsis castris, ad quæ post prælium refugerant, ignauiter capti. Magnus captiuorum omnis generis fuit numerus. Direptis castris ingens tum rerum aliarum, tum argenti atque auri præda Sarnū perlata. Hanc cladem nō uatū modò prædicta, et eorum qui rerū cœli periti sunt, uerum prodigia quoque præcescere. Nā et ueterū fatiloquorum carmina passim recitabantur, quibus regi clades obnuntiabatur, et Mathematicorum minæ uulgo ferebātur. Pridie etiam quàm pugnatum est, toto ferme die coruorum greges prætorium obuolitauere conclamantes, ac proximis insedere arboribus, rex ipse prætorium egressus, equo repente cōcidit. Diuersis locis, alibi sanguine, alibi oblitis cinere guttis pluuisse nuntiatum est, notatumque; folijs holerum eas guttas insedissee. Nostra tamen tempestate hæc aut animaduertere, aut procurare religiosum est. Die quæ insculta est, cum à Ioanne, Tarentinoque coactò senatu quid de captiuis statuendum, quo primum arma inferenda essent consultaretur: de captiuis uicit eorum sententia, qui censebant uti triremibus impositi, Mafiliam deportarentur, nisi finito bello in Italiam non remittendi. De prosequendo uerò bello duæ cum essent sententiæ, altera uti ad obsidendam Neapolim statim admoueretur exercitus, altera uti finitima prius oppida, quique in regis fide reguli persistebant, tentarentur: huius quidem Tarentinus, prioris uerò Ioannes Coxa autor erat, cui plerique assentiebātur, eumque ita locutum accepimus: Siquam nobis perficiendi belli rationem hereterna ostēdit uictoria, eam ipsi sequi, atque oblatam à dijs immortalibus capere occasionem uolumus. Dicā audacter fortissimi duces, die crastino, hostē Neapoli circumfessum, atque haud multo post cū ipsa etiā urbe expugnatum uidebimus. Quantum igitur sedendo ac cōsultando tēporis ipsi absumimus, tantum à belli fine per negligentiam atque ignauiam uolentes absumus:

20 qui si quo impetu in hostium castra irrupimus, ea alacritate fusos, atq; in  
 21 fugam uersos secuti essemus, eodem cursu, aut rege ipso in fuga capto, aut  
 22 fugienti itinere intercluso, in magnā (mibi credite) occupandæ ex impro-  
 23 uiso Neapolis occasionem incidissemus, securæ et penè otiosa ciuitate, dum  
 24 Sarni circumseßos nos ac tantū non captos, in porticibus ac compitis ina-  
 25 niter gloriantur. Sed quod uel militū labore, uel prædæ studio, aut letitia  
 26 ipsa, quæ præcludere hominū solita est cōsilia, omisum est aut peccatū, id  
 27 quamprimū ut corrigamus, nostrū quidem est: aut si corrigi minus potest  
 28 (quando quod factum oportuit, frustra de eo faciendo consilium nunc ini-  
 29 tur) saltem quod reliquū est, quodq; in nostra adhuc manu positum, celeri  
 30 tate pensemus. Quamobrem quoniam (quod in omni bello maximum ui-  
 31 detur) profligatum in acie aduersarium de se, uallo, murisq; tutando cogi-  
 32 tare iam coëgimus: quid reliqui superest, nisi uti moenibus inclusum, ob-  
 33 sitione eum quamarcuissima cingamus? Quo quidem circumseßo, quid  
 34 opis, quid spei reliquū, quid animi esse potest ijs, qui eius partes hactenus  
 35 sunt secuti? Itaq; cum una sit regni caput Neapolis, in quam Ferdinandus  
 36 amisso exercitu penè solus refugit, non tam (ut arbitror) aut moenibus fre-  
 37 tus, aut ciuiū beneuolentia, quam arce ipsa fidens, in quam non est dubitan-  
 38 dum, quin ubi muris castra adnota senserūt, confestim se includat metu ter-  
 39 ritus, ac nobilitatis odium timens, cuius bona pars ad nos transierūt: quæ  
 40 nam causa est, quæ inquam est causa, fortissimi duces, cur non crasti ino die,  
 41 albescente coelo, auulsis signis ad eam obsidendam exercitum rapiamus?  
 42 Nobis integræ sunt uires, miles uictor: et, quod maximū est, fortunæ ipsius  
 43 fauor adest, hominumq; uoluntates, eodem semper quo fortuna inclinan-  
 44 tium. Cōtrā, regie effæta uires, exhaustis Alphonso thesauris, milite, qui ei  
 45 fidelis esse poterat, et strenuo quoq; capto, reliquis, quos fugat tutata est,  
 46 inermibus: quosq; optandum sit, Neapolim se post fugam, clademq; rece-  
 47 pisse, aliquē illic tumultū, ob famem inopiamq; excituros. Videlicet mari-  
 48 timum aliquod auxilium paratū est Ferdinando? Atqui mare à nobis tene-  
 49 tur. An fortasse terrestres alias copias, quas aduentare fama sit, subsidio  
 50 uenturas expectat? cum nec ullæ quidem ipsæ sint, et quicquid illinc trans  
 51 Capuam, hinc cis Acerras, agrorum atq; oppidorum est, nobis pareat, et  
 52 armis circum clausa omnia teneantur à nostris. Reliqua est una illi ciuium  
 53 beneuolentiæ spes, qua firmissima obsidionem tandiu ciues tolcrent, dum  
 54 ex Hispania ab Ioanne patruo, aut à Pio, Franciscoque ex Italia mari ter-  
 55 ræue is mittatur exercitus, qui aut metu sui solui à nobis obsidionem, aut  
 56 uiribus congressus cogat. De spe quidem ciuium (ut dicam quod sentio),  
 57 imperium Catalanorum quam omnes oderint, iuxta mecum tenetis, et

res ipsa docet. In nobilitate uerò quid certum habere, aut constitutum in ea Ferdinandus potest? cuius maior pars, odio illum prosequentes, sponte ad nos transierint. Nā de auxilijs uestrū erit iudicium. Quid enim in Ioanne patruo, rege non modò paupere, uerum etiā inopi repositum esse praesidij potest? quae ab hoc auxilia expectari? praeter paucas admodum triremes, easq; captiuo instructas remige. Quod uerò ad Pium, & Franciscum attinet, etiam si maximè cupiant, quae tamen auxilia aut tanta mitti ab eis possunt, ut uel percurrere tantum montium, ac fluuiorum ualeant, nobis aditus omnes armis circumseptos tenentibus, Picininōque cum ualidissimis copijs obsistente? aut tam praesto ea esse, ut non, quod aestatis reliquum est, interim prolabatur, hyemsq; mox inhorrescat? quo tempore an dubitatis, Neapolim aut uel expugnatum iri à nobis, aut partium studijs sponte imperium accepturam? Cum interea quae in Brutijs, Mar-sis, Pelignis, Marrucinis reliqua in fide regis manent oppida, audita exercitus eius strage, cognita Neapolis obsidione, ultro mittent qui sese nobis accepto imperio dedant. Adhuc Neapolim obsidere quid est aliud, quàm Pium Franciscumq; ab incepto detertere atque abstrahere? reputantes frustra se de mittendis auxilijs cogitare, tam breui tempore, tantoterrarum spatium, omni itinere atq; aditu intercepto. Contra uerò hortari, atque incitare, ubi dari à nobis Ferdinando spatium senserint ad comparandam pecuniam, ad restituendum exercitum, ad ipsa denique auxilia comode, tutoq; expectanda. Ac tandem si qui sunt, qui aduersus Ferdinandum moliri aliquid parent, quos nō paucos esse quotidiana nobiliū docent transfugia, detertere eos, animumq; & uires aduersarijs adiungere. Quae cum ita se habeant, an cunctamini fortissimi duces ad obsidendam Neapolim propere castra ducere, quò fortuna, quò coeli fauor nos uocat? ac regni ipsius caput, coactis in unum uiribus petere? ut contusa, mox etiam excisa anguis ceruice, reliquum corpus truncum, atque exanimum relinquamus. Quae ubi Coxa dixit, cū qui aderant, et ipse in primis belli dux Ioannes, pars uultu, uerbis alijs probare uiderentur: cōtra ea Tarentinus in hac sententiam locutus dicitur: Neq; importune duces, neq; parū cōsyderate paulo antè Ioannes Coxa de obsidenda Neapoli, totaq; belli mole cōuertenda differt: quippe quae regni caput, neq; multis antè annis ab Alphonsocapta uictoriam illi, decusq; pepererit, ac regnum uniuersum in pace, officioque stabilierit. Verum enim cum eo mihi de genere obsidionis parum omnino cōuenit: quippe cum exercitū propere muris admoendum censeat. Ego uerò longe aliam sequendam rationem statuam: & cur ita tua, multa me simul mouet. Primum urbs ipsa eo loci sita, ut praeter non

multum campi, quod ab ortu solis muris adiacet, cetera omnia libera ab  
 obsidione, atq; aperta relinquenda sint. Cū ab occasu, atq; à septentrione  
 tantū montiū interiaceat, ac uallium, à meridie uerò mare patens, ac libe-  
 rum, molesq; adeò munita, atq; ad propulsandum instructa, ut tranquillo  
 mari longissimo ab continente tractu classē in ancoris stare necesse sit,  
 futurā in summo discrimine, ubi etiam leuior spirare aut Auster coeperit,  
 aut Boreas, quibus hic ipse sinus quāmaximè est obnoxius. Mouet deinde  
 populi frequentia, et Hispanus miles, quāmaximè regi fidus, et quod ea  
 tum armorū est, tum equorum illic copia, ut breui non exigua equitū ma-  
 nu comparatas, restituere exercitum Ferdinandus queat. Addam tot arcēs  
 tam egregie munitas, quas qui ciuīs aut peregrinus afficit, rege præfer-  
 tim præsentē, atq; incolūni, quamuis magnum atq; robustum habeat ani-  
 mū, quamuis factionis nostræ studiosus, abijciēt tamen illū, obtorpescetq;  
 formidine. Nam quod ad nobilitatem attinet, nobiliūmq; ad nos transitiō-  
 nem, utinam, inquam, utinam Neapoli potius manere consiliū eis fuisset.  
 Quid enim aliud tot nobiliū ad nos transitiōne effectū est, quā ut urbem  
 Ferdinando liberam permiserint? nec securiorem illū modō, uerum etiam  
 cautiore reddiderint? Adhæc, tanto incepto quæ paucitas nostra sit, ipsi  
 uidetis, cum etiam ad oppugnandum necessaria nobis desint omnia. Regi  
 contrā et ad repugnandū, et ad lacessendū urbs ipsa, et arcēs, et multo-  
 rum etiā annorū Alphonsi apparatus cuncta suppeditent. Scilicet speran-  
 dum id est, uti constitutis à nobis ante portas castris, in arcem sese Ferdi-  
 nandus includat, quem non montes, non flumina deterruerint, quo minus  
 infesto agmine, loco sibi maximè iniquo, intra Sarnum irruperit. An po-  
 tius (quæ illius est uirtus, et ætas militaribus laboribus assuetā) uerendū  
 etiam atq; etiam est, nequid apud obsidentes tutum, aut in castris quietū,  
 continuis eruptionibus patiat? Tentare igitur obsidionem, quæ postea  
 turpiter omittenda sit, an quæso erit aliud, quā uictoriam fortuito nobis  
 oblata, turpi aliqua de decorare iactura? aut sedendo ad Neapolim, qui po-  
 puli, principesq; in officio erga Ferdinandū reliqui permanent, ijs ut op-  
 pida muniant, commeatus importent, militem conducant, aliq; præsidia  
 sibi comparent, tempus, otiumq; permittere? Quam ob rem quæ tutissima  
 quidem est obsidendi ratio, hanc ego censeo inuendam. Primumq; uti Ro-  
 bertum Sanseuerinum, cuius oppida nobis ante oculos sunt posita, ad de-  
 ditionem pellicamus, aut de bellare recusantē tentemus: finitimos deinde  
 populos, quibus aut captis, aut deditis, Robertiq; in partē nostras ascito  
 an dubitamus à Neapoli Cossentiam, ac Rhegium uersus omnia in ditio-  
 nem ac nomen nostrū concessura? Robertum enim Lucas Sanseuerinus,

cuius

cuius late magnus in Lucanis, Brutijsq; dominatus est, minoresq; alij pro-  
 cures, liberæ item ciuitates sequuntur: ut diebus quampaucissimis, præter  
 Auerfam, Capuam, Acerras, Neapolim, nihil in tanto terrarū spatio, quod  
 inter Lyrim amnem, urbemq; Rhegium, atq; Crotonem interiacet, Ferdi-  
 nando relinquamus: ac Pio, Franciscoq; animū, cogitationē deniq; omnē  
 mittendorum auxiliorū adimamus: dum regem perinde ac truncum, sine  
 membris, sine neruis, destitutum atq; emulatum uiderint: missis etiam  
 ad eos oratoribus, qui utrunq; et nostro, et Renati nomine benigne appel-  
 lent, ac largis etiam pollicitationibus impleant. Quæ an sit tutissima ob-  
 sidendæ Neapolis uia, omnes iam uidentis. Nam tentare fortunam, ubi con-  
 silio locus est, quàm sit temerarium, dies hesternus admonere nos potest.  
 Regem certè ipsum ne fortune posthactam facile se committat, abundè  
 iam docuit. Dicenti hæc Tarentino senatus assensus est omnis, ea erat senis  
 autoritas, is rerum usus, quodq; belli esset autor, omnis spes, ratioq; uin-  
 cendi in eo collocata uidebatur, ut Coxæ sententiā quauis tacitis omnes  
 comprobarent animis, nemo tamen ne ipse quidem belli dux Ioannes à Ta-  
 rentino dissentire aut uideri palàm uellet, aut omnino auderet. Igitur mo-  
 tis à Sarno castris petiere Stabias. Id oppidum, uti rerum Romanarū scri-  
 ptores prodidere, Syllæ insu solo æquatum finitimos in uicos abierat. Po-  
 sicro dein tempore, quod eo propter loci opportunitatē, portusq; manu-  
 facti, multa mari comportarentur, tuguria in litore constitui cœpta: proce-  
 dentibus inde seculis, tanquam in uicū multi mortales confluxere, donec  
 oppidi nomen ac formam accepit, arce etiam in edito posita, quam egregie  
 Alphonsus munierat, brachio ab ea ad mare deducto, ut cum usus uocaret,  
 per id immitti præsidium in arcem posset. Præerat arci, atq; oppido Io-  
 annes Galiardus, ex antiquis Alphonsi familiaribus, miti uir ingenio, et  
 fide integra, cæterum qui ut Hispanus uxori paulo nimium esset deditus.  
 Ea erat Margarita Minutula, nobili loco nata, cuius frater Loisius arcem  
 Lucerinam Ioanni in Apuliam profecto prodiderat. Siue igitur futurum  
 sperarent, uti Margarita Galiardum ad deditionē impelleret, siue quod ea  
 sponte deditionē fuisset pollicita, si castra eò admouerentur, Capaneo fra-  
 tre instigante. Hostes oppidum ingressi, nullo suburbium defendente: nam  
 oppidani intra uallum, quod sub ipsam est arcē, confugerant, quatre con-  
 festim trepidinē tormentis cœpere, nec multo post à Galiardo deditio fit.  
 Iisdem diebus Vicani, Massensesq; ad Ioannē descere. Surrenti quoq; tre-  
 pidatū est, propter suspicionem familiæ Acciapactiorum, qui Ioannis, Re-  
 natiq; partes clām fouebant. Præerat urbi cum præsidio Antonius Carafis,  
 cuius prudentia efflūm est, uti Acciapactiorum consilia parum prospe-



ros eueptus habuerint. Interea duces ipsi nunc minis, nūc pollicitationibus Robertum Sanseuerinum ad deditionem sollicitabant. Qui uiribus diffusus, quod omnem in se belli impetum uersuros eos cerneret, facta deditione in castra hostium profectus, in Ioannis uerba iurauit. Cuius exemplum Lucas quoque, quod et ipse iisdem diebus in Brutijs male pugnauerat, secutus est. Etenim Antonius Centilia, quem rex in arce Neapolitana custodiendum curauerat, corruptis custodibus, noctu arcis postico, quod ad mare est, Marilianum se receperat, indeque haud multo post in Brutios reuersus, bellum instaurauerat: quod captiuus dum esset, per Alphonsum, ac Iulianum fratres, et Ioannem Trauersum eius praefectum administrabatur. Lucæ ac Roberti deditione cognita, ceteri omnes Lucania ac Brutiorum principes, populi que, praeter pauca admodum castella, Andegauiensis sunt partes secuti. Igitur hostium duces Roberto dedito, cum de occupandis Cauis consilium cepissent, parum absuit quin magnam ex improviso cladem acceperint. Ea ciuitas magis quam urbs montanis in locis disposita uicatim habitat, multitudine tamen hominum frequens, ac situ naturali satis munita. Cauenses igitur relictis uicis, quos defendi uix posse arbitrantur, in loca se munitionora contulerant, ubi de obsidionis aut tolerandæ, aut propulsandæ rationibus cum agerent, consilium inire de inuadendis nocturno tempore hostium castris. Nam et Armatorum multitudine abundabant, et satis exploratum habebant, si res parum successisset, posse tuto se ad suos recipere: fauissetque incepto fortuna, ni re pertransugam cognita, castra repente ex eo loco mouisset hostis. Huic tot principum, populorumque tam repentinae defectioni non magis cladem ad Sarnum acceptam, quam inconstantem ac perleuem Felicis animum causam dedisse satis constat. Qui si quam debuit animi firmitatem retinuisset, praeter praedam in castris inuentam, uix aliud eo praelio ab hoste partum, aut quæsitum fuisset. Verum enim adolescens infirmo ingenio, nullo rerum usu, adductus consilijs Francisci Infantis auunculi, hominis incompressi, ac sacerdotis parum continentis, non deditione modo urbium, atque oppidorum statim fecit, sed supplex ipse ad Ioannem Antonium in castra profectus est. Ex ea deditione cum Nola, Salernumque maximè opportune urbes hostium accessissent uiribus, coactus est Robertus desperatis penè rebus suis consulere. Cuius exemplum Lucania, Brutijque, ferè uniuersi secuti cum essent, periculosum regi uulnus inflixere: additis etiam defectionibus Louisij Iesualdi, qui in Hirpinis cum aliquot opportunis oppidis, rerum ad Sarnum gestarum nuntio accepto descuerat, adhuc et Matthæi Extendardi. Quo effectum est, uti hostibus Argentio, Harpadioque potitis, in

Samni-



Sammites, Apuliamq; aditus regi omnes intercluderentur. His et aliud accessit malum, quod Franciscus Comes Casertanus deterritus et ipse Sarnensi primū clade, post finitimorū etiam rebellione, maximisq; hostium minitationibus, aliquantum nutabundus cum stetisset, consilijq; incertus, tandem ad Ioannem inclinavit, matris potissimum suasu, ac Thomæ Branchatij, cuius consilij mater, filiusq; acquiescebant. Quæ res Campanorum, atq; Aversanorum animos uehementius fregit. Cum Petrus quoq; Mondragonius, qui Metalonum opportunum tenebat oppidum, clam cum hoste consensisset. Vt iam Acerræ, Capua, Aversa, quæ solæ cis Lyrim æmnam, Capaniæ urbes in Ferdinandi fide atq; officio perstabant, circumfessæ ab hostibus tenerentur. Licuit hoc potissimum tempore, atq; ex hoc rerum statu cognoscere, quàm lubrica sit, periculisq; exposita adolescentium administratio, parumq; omnino moderationi apta, et propter rerum inscientiam, et quod præsentis solum res sibi ante oculos ponant, plerumq; uana sequantur et incerta consilia, illis maximè consultoribus credentes, qui blandiri nouere magis quàm uera dicere. Quocirca Tarentinus Felicis inconstantiam ueritus, qui paucissimis diebus ter rebellasset, specie quidem liberum, re autem captiuum eum in castris secum habens, arci Salernitanæ fidem sibi hominem, cum præsidio imposuit, Nolæ Vrsus magna cum peditum atque equitum manu præfecit, qui et Nolam tueretur, et Neapolim, Acerrasq; assiduus discurSIONIBUS infestaret, cum ipse hyemare in Apulia decreuisset. Adhæc constiterat secum in Apuliam Robertum ducere. Sed ille senis maximè callidi, ac fallacis insidias suspectas habens, ex quo die abire et Tarentini, Ioannisq; conspectu licuit, redire ad eos omni studio auersatus est. Conatus tamen est quo arctissimo posset uinculo deuincire sibi cum Ioannes, ascitū quidam cooptatumq; in focium Crescentis, eo Galli nomine Lunam appellant corniculatam. Est enim mos eius gentis principum, religiosam aliquam militiam pro arbitrio statuere: ad quā quos initiatos admittunt, iurare uerbis conceptis cogūt, futuros se socios periculorū, neq; ullo unquam tēpore arma aduersum laturos, fidem, amicitiamq; perpetuā seruaturus: ubi etiā casus tulerit, auxilio futuros, in bello præsentēs, armatosq; in acie staturos, aut pecunia adiuturos. Adhæc statuta sacra, et dies quosdam maximè solenneis constituunt, quibus interesse cunctos fas sit. Hi Confratres uocantur, quos et uiuos, et mortuos, qui religionis eius, militiæq; autores sunt, maximis prosequuntur honoribus. Insigne autem militiæ ipsius aliud aliq est. Huic Luna erat corniculata, quæ à Gallis Crescens dicitur, eaq; ex argēto brachio subligata gestabatur. Quo religionis ac militiæ genere honestatū.

Robertum Ioannes sibi cum obligasset, Pius inde Pontifex Maximus illum haud multo post absoluit, quod iudicaret eas non magis religiones, quam coniurationes quasdam esse pessimo exemplo institutas. Quoniam autem, loquus ipse admonuit, pauca de Roberto, deq; eius maioribus dicam. Roberto pater fuit Ioannes, sancti Scuerini (id oppido nomen est) Comes, mater Ioanna, et ipsa quoq; ex eadem cum marito stirpe edita. Quo mortuo superstitibus ex eo copuluribus liberis, coelebs ipsa, summa illos cura et aluit, et eorum res procurauit. Nam et domi parca erat, et cotinens: et quod esset supra muliebrem sexum animo elato et magno, utraq; patris et matris uices gerere se uideri uolebat. Cumq; eorum singulos materna prosequeretur caritate, Roberto tamen, qui natus erat maximus (qua prerogatiua paternus ei dominatus obuenerat) et indulgit supra maternos affectus: et dum augere quacumq; ratione res illius posset, parum omnino pensi habuit. Ad ceteras autem matrona dignas artes illud etiam adiunxit, quod, ut erat ipsa fidei, ac regij nominis colens, iisdem artibus, eodem etiam fidelitatis studio filium imbuuit. Itaq; nihil prius habuit, quam ut Robertum egregie institutum, Ferdinando quibus liceret artibus conciliaret. Ille igitur, ubi primum aetas tulit, equitando, uenando, cum aequalibus sese nunc iaculo, nunc gladio exercendo, nullo turpi otio adolescentiam labescit: quo etiam tempore literis operam dedit, quas post natu grandior maiori studio complexus est. Is igitur artibus inter regulos facile eminebat, Ferdinandoq; propterea maxime carus atque acceptus erat, naturae quoq; muneribus ad ea adiutus: quippe cuius decora esset facies, statura procera, et cum dignitate, oratio pro tempore non minus suavis, quam grauis, atq; ingenua. Ipse facilis aditu, gratus responsu, atq; in primis urbanus, et liberalis, cuius etiam domus generosissimo, ac probatissimo cuiq; quotidie pateret. Demum singulis in rebus nobilitatem praeferebat generis, quod alij Gallicum ab origine quam Italicum malunt. Nobiles enim quosdam secutos e Gallia Normannos ac Viscardos duces, pulsosq; ex Apulia, Salentinisq; Constantino politani Imperatoris praefectis, uirtutis merito donatos in initio oppidis, ijsq; posteros eorum imperitasse, in quibus Venusiam, Materam, Cupertinum, Neritonium fuisse tradunt. Qui dominatus indies magis magisque auctus fuit bellica obuiuitatem, qua haec quidem familia in Italia ex eo adhuc etiam floret. Quo factum est, ut dum partim ipsi regum quorundam impotentiam, superbumq; dominatum parum aequo serunt animo, partim ipsi a regibus timentur, aliquando familia omnis ad internitionem penè redacta fuerit, si uero uno aut altero superstiti. Adeo euertende illi nihil reliqui ad crudelitatem regibus ipsis fuit. Contra, qui Italicam eam asserunt, nec

olim

secum  
e gallia  
aliquas ex  
ipsa prodij.

olim fuisse, nec nunc quidem extare apud Gallos, Britānos uel tali cognomēto familiam: deductamq; agnationem uolunt ab oppido, cui ex ea domo primus imperauerit, ut Celanam, Martianā, Ebulam Molisiam, Aquēuinam, quæ ab oppidis sunt agnominatæ. Sed ego longius fortasse digressus sum. Quamobrem ad inceptū redeo. Dum hæc ad Sarnū, proximisq; geruntur in locis, Iacobus Picininus hostium partes secutus, à Britonoro, ubi hyemauerat, mouens, per Cesenatium, atq; Ariminensium fines profectus, decimo die ad flumen Cesarium peruenit. At Alexander, Federicusq; qui iussu Pij Pontificis ac Francisci Sfortiæ iter eius obseruabāt, quod cum locum maxime idoneum ad prohibendum transitum iudicarent, fluminis ripas fossa, aggeribusq; munierant, ne transiret hostis, facile prohiberi. Post tamen ueriti ne Picininus conuerso repente itinere Saxiferratum teneret, eò cum exercitu se contulerant. Itaq; Picininus quanquam magni militum labore, nullo tamen obfistente, aggeres diruit, ac repletis fossis trans flumen exercitum ducit, et ad Esim flumē eò die castra ponit. Quod sentiens Sigismundus, qui illum insequēbatur, eo consilio, ut si Alexander, Federicusq; à fronte obstitissent, ipse à tergo includeret, confestim in Fanestrem agrum rediit. Picininus die insequenti cum Loretia Mariæ templum ex itinere ingressus, Diuam salutasset, ad flumen Potentiam castra mouit, quodq; in sola celeritate rem positam intelligeret, nocte intempesta mouens; cum ad ostia fluminis (cui loco Firmanus Portus est nomen) peruenisset, ueritus ne mōs, qui litori imminēbat, ab aduersario teneretur, ubi qui exploratum missi fuerant, retulere liberum cum esse (decreuerat enim occupato eo ab hostibus, rem gladio experiri) continuato itinere, emensus eò die passuum septem ac triginta millia, ad Benedicti templū peruenit, quod à Truento flumine circiter octo millibus passuum aberat. Ibi duabus horis equo ac militi reficiendo concessis, cohortatus suos, ut quod reliquum erat ad fallendum hostem, æquis conficerent animis, de prima uigilia mouens instructo exercitu, ad Truentum peruenit. Hic cum à militibus, qui præsidij gratia Asculum uenerant, item ab oppidanis ingens exercitus esset strepitus, passimq; noctu ignes plurimi cernerentur, ratus hostem eò cum uniuersis copijs profectum, consistere agmen iussit. Ipse cum omni peditatu (erat enim in castris eius peditū duobus millibus amplius) magnoq; gregarij militis numero ripas fluminis tentaturus accurrit, succisq; obicibus, et aggere æquato, uado inuento, primus flumen transiit: quem insecuti reliqui ripas occupauere, quibus occupatis, dato signo, reliquus exercitus traductus est, deq; tertia uigilia ubi Columnella castellum positum est, tumulto capto consedit, plurimisq; factis ignibus, regnare se

*Picininus in castris  
Alexander Federicus  
Saxiferratum  
Truentum  
Nigri fons inq;*

nes ingressum finitimis significauit, quo alijs pro partium studio letitiam  
 afferret, metum alijs incuteret. Cum interea Federicus, Alexanderq; Ma-  
 ceratam profecti, quo portum Firmanum antecaperent, uicti celeritate Pi-  
 cinini, incepto irrito, consilium mutare coacti sunt. At ille biduo tantum  
 quieti militum, atque equorum dato, inuitatus à Iosia, qui Andegauien-  
 sequebatur partes ad Turdini ostia, qui antea Batinus fuit, constitutis ca-  
 stris, ac decimo die machinis, cæterisq; bellicis instrumentis è nauì exho-  
 neratis, ad obsidendam ciuitatem Sancti Angeli proficiscitur. Iacobus Pa-  
 dulius, qui oppido cum presidio præerat, diffusus mœnibus, quod æneo-  
 rum tormentorum uim minimè possent ferre, de ditionem oppidanis sua-  
 sit. Postridie quoque ciuitas Pinnarum, non expectata oppugnatione, de-  
 ditionem fecit. Inde Lauretum profectus Picininus cum esset, et iam quas-  
 satus, ac dirutis muris sustinere diutius obsidio nequiret: uñ Fraciscus A-  
 nās Marchio deditiōem his conditionibus fecit, ut ipse cū omnibus oppi-  
 dis, quibus plurimis dominabatur, ad Ioannem transiret. Laurentani mul-  
 te nomine aureū quatuor milia penderent. Hinc ad Aternum profectus,  
 cui post ab oppido Piscaria factū est nomen, strato ponte, ac traducto exer-  
 citu, in agro Theatimo castra posuit, eo consilio, ut et agrum uastaret, et  
 Iulium Camertem, quem nuper conduxerat, illic expectaret. Nam initio  
 Truentum cum trāsijt, uigintiquatuor equitum turmas, haud amplius se-  
 cū habuerat. Interea uastabūdus Theatii fines populatur, singulisq; pene  
 diebus cum Mattheo Capuano prælia facit. Hunc rex propter fidei uirtu-  
 tisq; opinionem oppido, atq; uniuersæ regioni præfecerat: qui quanquam  
 parua equitū ac peditum manu, Picinino tamen ubiq; occurrere, tueri op-  
 pido propinquos agros, populantibus metū inijcere, insidias disponere, su-  
 gare, capere, deniq; hostis conatibus omni arte obuiam ibat. Non multo au-  
 tem post certior factus Picininus, Federicum atq; Alexandrum, qui plu-  
 reis dies in Asculanorum finibus Bosium Sfortiam cum septingentis equi-  
 tibus expectauerant, munitis ad Turdinum castris cōsedisse, decreuit ad-  
 uersus eos cum uniuersis copijs regredi, euocata magna peditum auxilia-  
 rium manu, accito etiam Caldorarū exercitu, qui statim belli initio ad An-  
 degauensem defecerant. Medius annis utrūq; dirimebat exercitū, utraq;  
 copię quotidie in armis erāt, utrinq; imperatores rem egregie curabant:  
 quid casus, quid industria parare posset, hinc atq; illinc prospiciebatur: nō  
 dies, non noctes quietæ, nunc eques, nunc pedes ad arma currere, è castris  
 se proripere, fremere omnes, ac præliū exposcere. Tres illius temporis cla-  
 rissimi duces de uirtute, gloriaq; certabant, par robur, par militū audacia.  
 Picinini locus aliquāto editior tuebatur, hos arte ac labore parata muni-

ment: ille peditatu superior, hi ueteranorum delectus: ille quod rem sibi futurā cum duobus exercitissimis imperatoribus intelligeret, eo maiores concipiebat spiritus, hi partum multis bellis decus creptum iri sibi indignabantur. Excitabant etiam utrumque exercitum studia ueterum factionum, quæ à Braccio, Sfortiaq; ductæ, multos annos in grauissimis bellis, acerrimis etiam prælijs magis ac magis iras, odiumq; accenderāt. Illud uero partium alteri acerbum et graue, quod morbo grauatus Federicus nec equo, nec pedibus obire imperatoris munus poterat. Erat et utriusq; exercitus, quæ utriusque factionis ferè semper fuerat, dissimilis disciplina, quod Sfortiani cunctando, Bracciani prouocando lacescendoque bellum magis administrabant. Cum igitur multi quotidie à Picinini exercitu in stationem illati hostium, nunc singuli, nunc pauci, nunc etiam plures in certamen prouocarent, fortè accidit uti Saccagninus, cuius Picininus forti opera sepe utebatur, cum paucis equitibus, ac lecta peditum manu à castris progressus in planitiem, quæ media inter utraq; castra interiecta erat, flumen transierit, prouocaturus eos, qui in statione pro castris agebant. Hi de spectata equitum paucitate, autore Marco Antonio Torello, qui stationi præerat, in Saccagninum illati, magna peditum strage edita, reliquis in fugam uersis, trans flumen præcipientes egere. Quod conspicatus Picininus, lulium Camertem fugientibus summittit. Hoc cognito Alexander omnem exercitum armari iubet, septemque equitum ordines extra uallum progredi, qui subsidio stationi essent, imperat. Quod ubi Picininus intellexit, è castris cum omni exercitu se proripiens, ubi in planū peruenit, duas leuissimi equitis alas in dextro ac sinistro cornu statuit, alteriq; Ioannem Comitem, alteri Ramundū Anechinum præficit, ijsq; imperat, ne quo casu locum deserant, præterquā ut cedente aduersario pedetentim a quo passu in portam castrorū quam confertissimi strātur. In media uersari iubet acie Syluestrū Lucinium. Ipse milites cohortari, nūc singulos alloq; nunc simul plures, fortia cuiusq; facta referre, uulneratos ex acie subducere, recites fessis, faucijs integros summittere, nunc addere suis animū, nūc terrorem aduersarijs incutere, nihil segne, nihil remissum agi sinere, sepe ante suorum ora uolitare, in hostem strenuū quenq; immittere, sepe ex acie excedens prospicere hostiū ordines, suas atq; aduersariorū res expendere, quid cauendum, quid sequendum esset considerare: nihil deniq; prætermittere, quod casus offerret, quod ratio suaderet, aut belli disciplina, totiq; annorum ac præliorum usus ostenderet. Hoc prælio uideri potuit (si quando aliās fortunam ipsam belli dominam, mediam sese statuisse inter utranque aciem, nunc his, nunc illis uictoriam offerrentem, atque aliās

foras nos, et  
nos, militem  
si disciplina ac  
genuis ratis

Picinini. et  
si ad Alex. dū  
signis pugna

in illos inclinantem, aliàs retrahentem sese: ludificari imperatores ipsos, nec patito die, ea acie discerni, utrius exercitus milites, utrius partis duces aut fortius rem gererent, aut maiore animo consilioq; administrarent. Namq; alia parte Alexander summa vi, diligentiaq; curare omnia, quocumq; casus uocasset, illic adesse, plura simul prospicere, periculis occurrere, præhensare alios, alios hortari, uoce, uultu, manibus, quid agi uellet significare. Imperatorum præsentia diuersis locis pugnam instaurabat, multi utrinq; cadebant equi, uiriq;. Ipse locorum angustia, magna; dum peritiam, spectata item ueteranorum uirtus, et equorum, uirorumq; recentium alacer successus, summis animis, ingentibus constitibus fieri, ac tentari omnia cogebant: Itaq; armorum strepitu, equorum fremitu, procurrentiumq; militum clamoribus, alibi cadentium gemitu, aut urgentium lætis conclamationibus cælum complebatur. Interdum tanta ira, irritatisq; adeo certabatur animis, ut præter ictus, hastarumq; fragores, magnosilentio pugnaretur, utraq; aciem nunc spe, nunc fortuna ludificante. Et iam in noctem pugna protracta erat, cum Picininus frustra sepius tentata puluistris per locos uia, quod irrumpi intra munitiones, quæ annis uada impediabant, nulla ui posset: circiter secundam noctis horam iussit, ab dextro atq; sinistro cornu, utraq; alam, qua maxime conferta hostium acies erat, irrucere, tanto impetu, ut in uallum usq; utroq; à portæ latere penetrauerit. Qua facta impressione, multi uallo exclusi capiuntur. In hac pugna atrocitate, tantoq; rerum discrimine Federici præsentia plurimum contulit. Nam uictus necessitate in equum se inferri cum iussisset, laborantibus in tempore affuit: qua acies inclinabat, recentem militem summisit, hortatus pro loco ac tempore, ut alij sensim cederent, quos in locum iniquum progressos intelligebat: alij obdensatis hastis, gladijsq; cunco faelo, confertim hostem repellerent. Agnouit Felitrensis miles imperatoris sui artes atq; consilia: itaq; nunc sensim cedendo, nunc acri conatu propellendo effecit, ne ingens ea nocte clades acciperetur. Repulsus à uallo atq; à portâ Picininus in castra rediit, ignibus qui è fragmentis hastarum incensi sunt, lucem, faciesq; ministrantibus. Mane ubi Sol illuxit, magna hominum, maior equorum strages apparuit, fœda terræ facies truncis, cruore, cadaueribus. Cernere erat in ipsis castris ferè strenuū queng; tum peditem, tum equitem, qui in pugna non cecidisset uulneratum, sauciorum gemitu tabernacula resonare, equos, uiros passim animam agere, alios cæso, aut capto amico dolere, alios aut sua, suorumq; aut hostium fortiter facta referre. Erant qui imperatorem suum, qui hostium duces aliam ob causam aut laudarent, aut accusarent: nemo tamen qui non fessum se, atq;

defatig



defatigatum diceret, tantum præterita dies laboris, ærumnarumq; attulerat. Igitur nocte insequente Federicus, Alexanderq; communicatis consilijs, ueritine hostis positis à tergo castris, pabulationem ac regressum prohiberet, magno silentio egressi, summa etiam diligentia adhibita, ne discessus hosti nuntiaretur à persugis, equis, qui grauius uulnerati erant, relictis, sarcinarumq; inutili honore, magno itinere breui spatio confecto, trans Truentum, proxime Cryptas amaras se recipiunt. Quos eo die Picininus parū cum posset assequi, postridie ad Truentum peruenit, eo consilio, ut illos insequens in eam Piceni partem, quæ nunc Marchia dicitur, bellum transferret. Sed retractus à Caldoris, principibusq; alijs factionis Andegauensis, metu Matthæi Capuani, et Alphonsi, Inicq; Daualorum, qui cum Enneco Geuara ad Amonis Vastum non exigua equitum manu æstiuabant, quorum ipsi præda futuri essent in Theates paulo post regreditur. Reuerso confestim Francuilla, Buccclanicum, Villa magna, Lancianum, impellente Tuccio Ricio, cuius magna in eo populo autoritas erat, sese deditere. Quibus deditis, Sarum transgressus (quod interea Ennecus cum fratribus in Campaniam ad ferendam regi opem festinarat) omnem eam regionem paucis diebus cepit. Quæq; enim oppida, quiq; proceres, primatesq; in Ferentanis erant, statim ad Picininum nuntios de ditione misere. Arcium præfecti post admota tormenta, cum de auxilio desperarent, paucis post diebus fidei Picinini sese permittunt. Quo facto, expugnatisq; magno labore plerisq; castellis, quæ in finibus Theatinorū erant, Matthæum intra urbem inclusit. Tum restitutis oppidis Antonio, Caldorisq; alijs, quæ sub Alphonso rege amisserant, ijsq; cum parte copiarū relictis qui darent operam, ne quæ incursiones à Matthæo fierent, ipse per fines Pelignorū in Marfos profectus est. In itinere Submonenses, item Ioanna Celana, et Petrus Cantelmus, Populensis comes, missis oratoribus sese deditere: ac paucis diebus Marfis, Pelignisq; uniuersis præter Tallacotium captis, aut deditis, nactus occasionem occupandi Tiburis, Romæq; potiunda, Sabinorum fines ingressus, plurimis castellis direptis, Syluestrum Lucinium cum mille equitibus, peditibus se secutis præmisit, qui Tibur prodentibus præstò esset. Verum opera Iordani Columnæ Cardinalis irritò incepto redijt. Nā Iordanus quanquam aduersus regem cū Picinino consenserat, maluit tamen Romano Pontifici fidem seruare. Igitur Syluester in Palumbaria agrum digressus (nam Iacobus Sabellus Picinini partibus fauebat) Latium, propinquosq; urbi agros ita uastauit, uexauitq; ut metu, terroreq; cuncta compleretur, magna etiam pecunia, per speciem induciarum, finitimis à populis comparata. Quæ res Pium Pontificem



magnis diurnis, nocturnisq; itineribus (nam ea tempestate Senæ agebat)  
 properare Romam compulsi. Interea Franciscus Sfortia, cum intellexisset  
 parum prospere, ac pro antiqua gloria ab suis pugnatum, ueteri exercitu  
 paucis diebus restituto, nouo etiam scripto, ac misso Donato, quem nouis  
 copijs præfecerat, iussit utrumq; imperatorem cum omnibus copijs in Sabinam  
 ac Latium primo quoq; tempore proficisci. Qui iunctis simul exerci-  
 titibus cum Antonio Picolhomineo, quem Pius copijs suis præfecerat, ad-  
 uersus Sabellum, ac Syluestrum bellum gererent. Sed quod hyems iam appe-  
 tebat, expugnatis aliquot castellis, mature in hyberna concessere: quod  
 etiam ab hostibus factum est. Nam copijs diuisis Picininus Syluestrum Pa-  
 lumbariae, Ioannem Comitem et Carolum Ballionem cum parte copiarum  
 in Marsis collocauit: ipse Hortonem profectus, reliquos in Marrucinis,  
 Theatinisq; distribuit. Quoniam autem ab sapientibus traditum est uiris,  
 nihil eodem statu, quo est ortum permanere, quid mirum, rerum, ac loco-  
 rum nomina cum etatibus simul immutari? Igitur ne ijs, qui uetera sequun-  
 tur, noua quoq; ignota sint nomina, placet quæ nunc sunt, et quæ olim  
 fuisse appellationes regionum, in quibus à Picinino bellum hoc gestum est  
 paucis describere. Aprutium unde nomen cepit, affirmare uix ausim:  
 alij enim ab apris ductum putant, quod cum asperissimi montes, syluestriaq;  
 admodum in eo sint loca, apris inde frequentibus abundet: alij, quod pars  
 quedam eius Præcutorum quondam esset, corrupto nomine, pro præcu-  
 tio Aprutium dictum uolunt. Sunt qui à locorum asperitate deducant,  
 factumq; ex Asprutio Aprutium uelint, idq; nomen montanis primo locis  
 inditum, post uero ab ijs qui regum uectigalia exigent, paulatim produ-  
 ctum, plures simul regiones complexum esse. Siquidem Marfos continet,  
 qui nunc in Tallacotenses, Albenses, Celanenses, Aquilanos, Mareriosq;  
 distributi sunt, et si Sabinorum hi quadam ex parte, quam Marforum olim  
 magis fuisse. Itemq; Carpsolanos, adhuc Piceni partem quæ à Truente  
 Aternum usq; hinc Aquilanorum montibus, illinc Hadria continetur. Isq;  
 ager ab ijs, quæ in ea regione sunt, oppidis nomen accepit, ut Teramanus,  
 Hadrianus, Pinnensisq;. Nam quæ pars maxime septentriones spectat,  
 olimq; Sabinorum fuit, ea nunc Montanea uocatur. Peligni cum in treis  
 olim diuisi essent partes, quæ in plano sita est, eam incolæ Valuam nomi-  
 nant, in qua Sulmo est nobile, ac frequens oppidum, totiusq; regionis em-  
 porium. Reliquæ partes due, ob coeli inclementiam ignobiles factæ, de-  
 fertæq; penè à cultoribus, pabulum est ate pecudibus ministrant. Quod  
 ab Aterno et Saro, id est Piscaria, et Sangro fluminibus, ac Maiella et Co-  
 dia montibus clauditur, Hadriaq; alluitur, in qua sunt Horton, Lancianus,  
 ac Theate,

ac Theate, olim Marrucinatorum fuit, in quibus Theates præstabant. Quod est à Saro Trifernum usq; Ferentani tenebant: mons hodie quoq; Ferentus dicitur. Post quos sunt Dauni. Ferentanorum quondam celeberrimum fuit oppidum Istonium, nunc est Vastum ab Amone agnominatum. Est in contræctu celebre oppidum Atissa, à Pelignis per Apenninum qua in meridiem uergit, Samnites, ac Campaniam pertingit, Vulturno flumine dirimente, qui agrum Venafranum ab Iserniensi diuidit. Hec loca Samnites olim tenebant. Ceterum Aprutium uniuersum, regum præfeci in partis distribuunt duas. Nam quod ab Aterno ac Marfori clauditur montibus, idulterius Aprutium appellant, quod Marrucinos, Pelignos, Ferentanos, & partem Samnitium complecti diximus, huic citeriori Aprutio nomen fecere, utrumq; Piscaria (ut dictum est) fluuiio dirimuntur. Sed redeo unde digressus sum. Ferdinandus accepta Sarnensi clade, cum se Neapolim recepisset, Pyrrhum Baucium, Ennecum Geuaram, Inicum, & Alphonsum Danalos, qui nuntio cladis accepto statim se in Campaniam contulerant, cum equitibus quadringentis, et aliquot peditum cohortibus, Acerris, Robertum Ursinum Auerse cum præsidio imposuit. Ipse nunc Capue, nunc Neapoli agere, reliquias exercitus colligere, pecuniam quantam posset, publice, priuatimq; conquirere, equos, arma, tela undiq; cogere. Hoc tempore maxime cognitum est, ciuium beniuolentiam, diuitiasq; popularium, non eos qui in ararium illati essent, regum thesauros esse. Namq; eques, mercator, opifex, nobilis, ignobilis, inquilinus, etià sacerdos certatim regi pecuniâ maxima pars sponte, pauci rogati offerre, atq; elargiri, alij bellatorem equum, alij mulum clutellarium: erant qui thoraces, loricas, arma, tela, hastas, qui pannos uestiendis militibus, qui coria loricâdis equis, telas faciendis tabernaculis, nullum denique rerum genus omitti, quod reficiendis copiis, atque instruendis militibus conducere. Isabella regina nunc in templis, nunc publicis in locis sese ciuibz ostendere, præferre paruos liberos, Alphonsi nepotes dicere, qui de populo Neapolitano tantopere esset benemeritus: ciues eos esse Neapolitanos, Italici generis, apud ipsos genitos, altos, educatos: non Gallicam præferre insolentiam, non peregrinos mores in urbem illaturos: cum ipsorum liberis, ac nepotibus etatem acturos: cum ijs diuitias, honores, magistratus distributim partituros: cum ijs pueritiam, cum ijs adolescentiam, cum eisdem quoq; senectutem excluduros: regias opes, regni administrationem in eorū arbitrio ac manu futuram. Se uerò quid nam aliud curatissimam, quam ut publice, priuatimq; Neapolitani populi patrociniū gerere uideretur. Hec dicendo, lenius excitabat, excitatos impellebat, impulsos confirma-

*Alphonsus p  
cladem exercit  
reficere parat*

*Isabella regina  
Neapolitanos in  
uenerat, et or*

bat, ipsa magna et excellens habebatur. De qua quoniam res admonet, pauca dicā. Isabelle pater fuit Tristanus, Comes Cupertinensis, ex Claro montia familia, quæ in Gallia ulteriore habita est nobilissima: mater Catarina, Ioannis Antonij Tarentini, qui bellum hoc excitauit, utroq; è parens te soror. Patre mortuo, Ioānes Antonius eam, quæ minima natu erat, cum quatuor sororibus Lipij in Salentinis habuit, atque educauit. Post collocatas autem sorores, et Alphonsi uictoriam, auūculi opera, Alphonso etiam cupiente, Ferdinando nuptui tradita est: quæ pater in regno Neapolitano heredem instituerat. Ipsa statim à primis annis mirum pudicitie ac continentie studium præ se tulit, domi parca, non tamen alieni appetens: formæ quantum dignitas posceret studiosa, religioni non sine superstitione dedita, facilis aditu, in respōsis libera magis quam aspera, magno animo, magno consilio, constans in aduersis, lenis in prosperis, populari eloquentia, quæq; nihil fictum aut compositū præferret, iusti atq; honesti etiam ad contentionem colēs. Quo minus autem gratitudinem exercere atq; liberalitatē posset, mors prohibuit. Bello enim finito, rebus tamen regni nondum planè compositis, Neapoli diem obiit, cum sex iam liberos enixa esset. Mors eius uulgo molesta, quod uitam longè utilissimam omnes præsertim boni arbitrabantur: Igitur rex aliquot turmis equitum restitutis, militibus etiam è classe accitis, circiter idus Octobris Capuan mouit, ac directis Formiculis finitimisq; aliquot castellis in deditionem acceptis, aduersus Comitem Cerretanum profectus, confestim eum ad deditionem compulit, Carolo maiore natu è filijs obside accepto. Inde à Terrecusanis arcessitus, die uno uniuersa Caudinorum castella recepit, arce Aerole in quam mortales multi confugerant, circumfessa, et Alphonso Daualo cum præsidio illic relicto, qui obsidioni præset, repētēq; aduersus Franciscū Comitem Casertanum profectus, Ducentam diripit, Munditianum incendit, Vallem ad deditionem cogit: ac paulo post Frācisco dedito, Pomilianosq; recepto, Argentium circumfedit: quo minus autem rex oppido per uim potiretur, tempestates prohibuere. Nam cum bruma iam appeteret, increbescere tēpestates adeo, ut pleraq; tabernacula discinderētur, aut torrētibus correpta haurirentur, qui è finitimis deuoluebātur mōtibus, equis, uirisq; simul immersis, demum corruptis omnibus, militaria etiam tuguria, quæ pro tempore stramentis constructa fuerant, passim natabant: sædi dies, noctes longe sædiore erant. Quod sentiens Matthæus Extendardus, cum etiam speraret Vrsum, quem Tarētinius Campania decedens, quadringentis cum equitibus Nolæ reliquerat, cōparatis auxilijs subsidio uenturum, deditionem differebat. Tandem cognita regis constantia, militumq; pertinacibus animis,

animis, Ferdinandi se fidei permisit. Quod idem paucis post diebus Iacobus Galeota, qui Harpadium cum praesidio tenebat, secutus est. Nam et Iacobus quoque ad Andegauicensem defecerat, post rem in Brutijs aduersus tumultuantis bene gestam. Interim qui in Aërolæ arce circumfessi premebantur, cum se undique circumuallatos intelligeret, et spe annonae deficerentur, nequicquam ab Urso subuentione tentata, et iam rex cum omnibus adesset copijs, pacti corporum incolumitatem, arcem tradidere. Quae tradita, Ferdinandus, quod caeli foeda uis ferri ultra nequiret, in Montisfusculi uicos ibidem hybernaturus coeessit. Nam Tarentinus, Iohannesque Lucanis ac Campania relicta, in Hirpinos primo Iesualdum, post Vallatam, Charifrasque, inde in Apuliam, finitimaque, in loca discesserant. Satis enim constat, Tarentinum cum uideret Ferdinandi res prostratas, Gallumque sibi praesidentem, mutato consilio, rebus suis ita consuluisse, uti relicta Campania, Ferdinandum penè circumfessum, ad erumpendum inuitauerit: clam etiam missis ad Isabellam nuntijs, qui bonum eam habere animum iuberent, regemque confirmarent: quippe cum ab ijs, qui Iohannis res solum spectarent, de se capiendū consilium initum aut sensisset, aut propter metum, qui ei summus inerat, suspicatus esset. Per eosdem dies, ac post labefactos admodum Argentij muros, Robertus Sanseuerinus, Comes Calatinus, quem Franciscus è Gallia citeriore, propter singularem uirtutem ac rei militaris disciplinam, cum exercitu miserat, è portu Formiano soluens, ad regem cum paucis uenit: cuius aduentus non gratus modò, uerum etiam expectatus regi fuit: tum quia uir bellicosus et acer, atque in uictorijs enutritus: tum quod Francisci sororis cum esset filius, magnam popularibus spem, maiores regi spiritus excitauit. Huic è naui descendenti praesto ad litus rex fuit, declarauitque, quo suae, quo hostium res in statu essent, quid illum agere uellet, quid ipse pararet, cuncta simul aperuit: et primo quoque tempore, ut equite in nauibus imposito, exercitum omnem è Formiano ac Fundano in Baianum traduceret, ac Puteolanum

agrū hortatus est. Haec duobus ferme annis  
gesta.

FINIS

T:



NITIO. insequentis anni, qui fuit millesimus  
quadrigentesimus sexagesimus primus à CHRI  
STI natali die annus, Robertus Sanseuerinius,  
quod in partis Andegaviensis, desperatis Ferdi  
nandi rebus, inuitus declinasset, aspirante iam re  
gijs rebus fortuna, cum de se regi conciliando con  
siliū cepisset, clam ad illum misit, qui reditum

rius in Campaniam inuiteret. Itaq; rex circiter Idus Ianuarij ex hybernīs  
mouens, in agrum Vesuuiū magna cum partē copiarū proficiscitur. Nec  
multis post diebus Robertus ad eum uenit, ubi communibus de rebus cum  
diutius consultassent, tandem placuit uti ille cum Roberto Vrsino, ex par  
te exercitus Cossentiani maturaret, ad ferendum arci auxiliū, quē indies  
arctius premebatur. Hi mature necessarijs ad expeditionem comparatis,  
paucis diebus magno itinere confecto, pluribus interim castellis captis, aut  
deditis, Campanianum cum ad flumen peruenissent, non longius duobus  
millibus passuum à Cossentia, ibi instructū exercitū, tantisper in acie stete  
re, donec praemissa turma equitum, de aduentu suo Franciscum Siscarem,  
arcis praefectum, certiores fecere, qui septem iam menses inclusus teneba  
tur. Inde ad Castellū Francū profecti, partim intra oppidum, partim sub  
mœnia consedere. Quo tempore Lucās etiam Sanseuerinius affuit tribus  
cum peditum millibus, equitibusq; sescentis, Roberti uoluntatem secutus.  
Hi consilijs prius communicatis, iusserunt milites corpora curare. Postre  
die autem albescente cœlo, iussis militibus se ad pugnam parare, instructo  
agmine Cossentiam petūt. Est ante urbem propter Bisentū flumen locus,  
cui nomen est, ad Reuocatos, forum rerum uenaliū. Huc postquam duces  
cū exercitu peruenere, inito simul consilio, cohortati milites, ut se praedae  
magis quā pugnæ accingerent, decruerunt montē occupare, qui arci ab  
occasu aduersus est. Is mōs magna manu à Nicolao Antonio Caruleio tene  
batur. Namq; hostes de aduentu Robertorum edocsi, coacta manu septem  
milliū peditum ē propinquis oppidis, montem occupauerant. Equites ma  
gno impetu facto, peditem ē montē faciliē deiiciunt: qui pugnæ parū asue  
tus, ubi equitem cōfertis ordinibus inferri uidit, pars abieclis armis, fuga  
sibi consulit: alij dum hortante Caruleio certamen ineunt, irruente equite  
aut capiuntur, aut uulnerātur: nec multo post uniuersi in fugā uersi, mon  
tem liberum equitibus relinquunt. Quocirca duces uictoria ac celeritate  
freti, ne quod ciuibus tempus ad prospiciendū relinquerēt, statim ē monte  
descendunt.

descendit. Sisca arcis praefectus, praemis qui recertius explorarent (ue-  
rebat enim ne fraude peteretur) ubi superata conualle, venire ad se co-  
pias instructas uidit, et utrumque ducem, signa, militemque cognouit, cohortatus  
uti rem impigre gereret, intra arcem eos accipit. Tum Robertus Vr-  
sinus, quo spe, animisque militem implet, quod etiam celeritatis praesidio  
utendum intelligebat: Milites, inquit, in urbe uobis prandendum est. Ma-  
a Et uirtute estote, uallum mecum rescindite. Quo dicto accensus miles, alius  
uallum rescindit, alius aggerem diruit, pars cominus pugnas munitionem per-  
uadit. Qui pro munitionibus pugnabant, uix prima impressione sustenta-  
ta, proiecitis armis sese fugae mandant, quibus immixtus pedes declinè per  
locum nullo ultra obsistente, urbem ingreditur. At ciues repentina re attoni-  
ti, non obuiam ire hosti, non arma capere, non obiectionibus repagulis urbis uias  
obsidere, alius domo sese includere, alius militi manum dare, plerique in tem-  
pla confugere: mulieres, impuberes, senes clamore, lamentatione, heulatu  
caelum implebant. Militum irruptionibus, portarum claustrorumque fragore  
tectula, uicque resonabant. Interea Vrsinus urbis porta securibus effracta,  
equitatum immisit. Hic uero tota urbe peruagatus miles, quod tunc omni-  
no capta urbs uideretur, nihil reliqui facere, non profanis, non sacris parce-  
re, pro cuiusque ira ac libidine res geri, rapi uirgines, matres spoliari, pue-  
ros e parentum complexu diuelli: luctu ac miseratione ciuium non domus, non  
uic, non templa uacua esse: omnia demum acerba, sorda, crudelia in uictos  
fieri. Interdum uictores ipsi, dum alius alij praedae cupiditate uim infert,  
arma in se conuertunt, adeo miserabilis facies direptionis erat. Capta igitur  
ac direpta urbe, cum sordae etiam tempestates accidissent, diebus aliquot  
militi ad quietem concessis, de communi ducum sententia placuit, produ-  
ctis ex urbe copiis, magno prius in arcem comatu conueto, finitima loca  
tentare. Itaque magna cum fiducia, maiore hostium metu Consentia egres-  
sis, Silanum statim deditur, inde Martoranum ac Neocastrum. Nam Cen-  
tilia, Franciscusque Neocastrensis Comes, diffusi moenibus Maidam concess-  
rant, Neque ita multo post Bisinianum per uim captum. Quae res regionem  
uniuersam longe maiore formidine impleuit. Oppido enim in editis ac prae-  
ruptis locis sito, habitatoribus frequenti, quo incrimini uix militi patere ac-  
cessus existimaretur, primo impetu expugnato, nihil ijs ducibus, nihil tali  
militi inuiui, atque inaccessum fore metus persuadebat: nec aberrat, quin bre-  
ui maximam regionis partem in regis ditionem redigerent. Quod sentiens Ta-  
retinus, confestim Iacobum Picininum e Marrucinis arcessit, qui Roberti agros,  
oppidaque, quae in Lucanis essent, uastaret. Itaque per Sanites profectus Pi-  
cinius, Montem aureum ad motis ancis tormentis primum expugnauit: dein



Caluanicū dolo, magis quā uirtute captum diripit, parua etiam aliquot castella, uicosq; plurimos populatur: ferro igniq; qua irret, cum flā uastat, corrumpitq; : suos ingenti praeda, hostes metu ac pauore plurimo afficit: ut nec rex, licet misso satis cum ualida manu Roberto Calatino, eius cohibere impetus posset, & Sansuerinius incepto desistere cogeretur. Ceterum ille inuito cum Vrsino consilio, quo regressus esset eorum formidoliosior, & hostem lateret, superatis Brutiorum saltibus, in Apuliam declinauit: magnaq; celeritate usus, luuenatium à Tarentino plureis iam menses circumfessum, atq; ad ultimam necessitudinem redactum, comportato frumento fame atq; obsidione liberauit. Id oppidum tempestate nostra satis celebre, atq; habitatoribus frequens est: atq; ut quidam arbitrantur, Egnatiolum initio dictum, quod fortasse diruta Egnatia celebri quondam urbe, in eam aris ora sita, qui ea è clade supersuerant, ibidem consedere. Nam & à Baro, quae nunc quoq; celebris urbs est, ac regionis eius caput, Barolū in eadem ora sitam urbem, duxisse nomen opinantur. Veri tamen est simile, loca illa maritima, quo tempore mediterranea à Langobardis primo, post uerò à Normannis tenebantur, propter assidua bella, quae aduersus eos Constantinopolitanis ab Imperatoribus gerebantur, mirum in modum celebrata, maritimisq; aucta comportationibus, increbuisse cultoribus, ac ciuibus. Ceterum ueritas ipsa apud eos, qui harum rerum studiosi sunt, suum teneat locum. Igitur oppidum ipsum quanquam mare liberum, ac patens habet, tamen eò ne comportari frumentum nauibus posset, à Tarentino omni arte curabatur. Nam finitima continentis oppida cū ei parerent, eò rem perduxerat, uti corruptis quae in agris erant omnibus, prohibitisq; rerum comportationibus, uix ciuibus paucorum dierum cibaria superessent. Robertorum aduentus, ut luuenatiensibus pernecessarius, sic Transensibus, Barolitanisq; maxime gratus, atq; acceptus fuit, cū uiderent regias res paulatim respirare, uagariq; per Apuliam Ferdinandi copias: atq; eo magis, quod plureis iam menses occupatis ab hoste undiq; finitimis oppidis atq; itineribus, uix nuntius ad eos regijs de rebus peruenisset, fama q; omnia aduersa diuulgat. Roberti confirmatis ciuium animis, communicatisq; cum Francisco Baucio consilijs, qui Andriae Dux praerat, Canusium primo, dein Venusiam profecti, ubi cum Masio Barresia, urbis praefecto, quae de communi sententia uisa sunt, composuerunt: paucis diebus in Lucanos, indeq; in Campaniam peruenere. Quorū aduentu cognito Picininus, & ipse distributis copijs sese in Apuliam ad Tarentinū recipit, adducti secum Neapolitana Lucretia, cui ea maxime fidebat. Haec est illa Lucretia, cuius per orbem terrarum amores fuisse quamnotissimi.



Eam Alphonsus adamatam, propter formæ, quæ præstabat, excellentiam, *Lucretia Alphon-*  
 suauissimis etiam puellæ illecebris senex ipse delinitus, diuitijs, opibus, au- *Amasia.*  
 toritateq; ita extulerat, ut pleriq; arbitrarentur, si Maria uita excessisset,  
 legitimæ uxoris eam loco habiturū. Alphonso mortuo, Lucretia in arcem  
 sese Veiuinam cum thesauris contulerat: quibus cum timeret, quod Ferdi-  
 nandum bellis exhaustum intelligeret, adduci nunquam potuit, uti eius  
 se fidei crederet, quin etiam clam cum hoste consentiens, parum amica con-  
 filia agitabat animo, metu, atq; ambitione præceps. Interea appetente iam  
 uere, Pius Pontifex Maximus Antonium sororis suæ filium, mille cū equi-  
 tibus, ac peditibus quingentis maturare ad regem iubet. Præerat ijs Ioan- *Iohannes comes*  
 nes Comes, uir impiger et strenuus, atq; in rebus bellicis maxime exerci- *tijs et adductus*  
 tatus: quem nuper magnis stipendijs, maioribus pollicitis Pontifex à Pici- *et com. Insigni*  
 nuno distraxerat. Hic saltu Nemiariensi impigre occupato, ac rescisso agge- *liuato.*  
 re ad regem, qui per id tempus Capuæ agebat, peruenit: confestimq; edu-  
 ctis ex urbe machinis, ac tormentis æneis, Castellum, quod est ad Vultur-  
 ripam, quæ mare illabatur, oppugnare adortus est: quod cū à Marino Mar-  
 tiano impositis teneretur præsidijs, miles ipse præsidiaris campos Lebo-  
 rios, omnemq; Campaniam, quæ cis Vulturnum esset, populationibus in-  
 festabat. Oppidani, quiq; in præsidio erant, diffisi moribus, paucos post-  
 quam oppugnari coeptum est dies, deditionem fecere. Inde Antonius, Ioan-  
 nesq; Scafatum profecti, castellū aggrediuntur. Cum autem oppugnatio  
 ipsa difficilior esset, quod castellum in insula positum, Sarno flumine cin-  
 gitur, turrimus quater duabus è regione bombardis incipiunt. Ea quan-  
 quam maxima crassitudine, bi duo tamen continenter quassata, ruinam fa-  
 cere cū coepisset, pontem ab ea parte comportata materia extruunt, quo  
 strato per ruinam turris milites ingressi castello potirentur. Quod ueriti  
 castellani, sese Antonio dedidere. Per idem tempus Marcus Antonius To- *egri et a. f. m. l.*  
 rellus, et Petrus Paulus Aquilanus, alter cum equitum turmis sex, alter *ferdinando subf.*  
 cum duabus à Francisco missis, iunctis cum Mattheo Capuano copijs, ple-  
 raq; oppida, quæ in Pelignis, Marrucinis, Feretanis, Præcutinisq; æstate  
 superiore ad Picinimum defecerant, facile recuperare ciuium animis in  
 regem inclinantibus. Quæ res Picinimum ex Apulia statim reuocauit.  
 Nam longa nauis Manfredonia Turinum, mox Hortonem delatus, audita  
 obsidione Loretanæ arcis, quam Mattheus recuperato oppido acriter  
 oppugnabat, lectis cū peditibus Moscosum profisciscitur: ubi equites, quos  
 diuersis è locis arcessebat, expectare decreuerat. Scafato deducto Ferdinan-  
 dus iunctis simul cum Antonio copijs è Campania mouit, eo consilio, ut in  
 Apuliam profectus segetes, quæ maturæ in agris essent, corrumpere. Pat-

cis tamen diebus in oppugnando Monte Forti frustra cōsumptis, per Sam-  
 nium iter faciens, aliquot etiam castellis in itinere receptis, cum ad Apen-  
 ninum peruenisset, sub Sabinianum cōsedit: inde superato monte, cui nunc  
 Crepicorio nomen est, in Apuliam descendit: positusq; ad Troiam castris,  
 finitimos inde agros pluribus diebus vastauit. Erat autem vastandi genus  
 duplex, quod quæ minus maturæ erāt segetes, ad equorum pabulum: quæ  
 iam maturæ, ad usum hominū secabantur. Cum enim rei frumentariæ labo-  
 raretur inopia, nullaq; esset panis in castris copia, triticū abenis excoque-  
 batur, in cibum tum peditum, tum equitū. Cumq; mortales per multi mon-  
 tanis ex oppidis, et in ijs mercatores penuria frumenti ac lucri gratia ve-  
 nirēt in castra, ad frumentationis famā, inde miles vastationi factus est in-  
 tentior ob lucri ac laboris pretium. Itaq; castra ipsa ad mercatiam pe-  
 nē conuersa, horreum quasi quoddam ea æstate præbuere finitimis. Exi-  
 tit autem ipsis solstitij diebus frigoris tam atrox uis, ut necesse fuerit uine-  
 ta concidi, ac frugiferam quanq; arborem, ad ignis castrensis usum: res sa-  
 nerara, atq; annotatu digna, propter temporis ac regionis illius naturā.  
 Vastatis igitur Troiæ subiectis campis, rex inde mouens, sub Vulturinum  
 cōsedit, simili cū vastatione in agro Lucerino usurus. Quo tempore aliquot  
 etiam castella, quæ ad radices montiū, quæq; in ipsis sunt iugis posita, de-  
 ditionem fecere. Quo minus autem Luceria tentata fuerit, Ioannis præsen-  
 tis obstitit, qui satis magna equitū ac peditum manu urbem tuebatur. Qua  
 è re leuia quotidie prælia diuersis locis committebantur. Adhuc Estensis  
 Hercules, qui Fogiæ cū præsidio præerat, discursanteis regiois à libēris po-  
 pulationibus prohibebat. Inde rex Sanctū Seueriū petens oppidum, inse-  
 quēti die recipit. Oppido enim egressus Nicolaus Rosa, cuius propter opu-  
 lentiam magna inter populareis erat autoritas, impetrata uenia, seq; et op-  
 pidum regi dedit, quod tamē diutius in fide haud permāsit. Dein rex ad  
 Turrin, quæ Dragonaria dicitur, motis castris tētauit Carclū Sangrium,  
 sub cuius ditione finitima erāt castella, ad deditionē pellicere: profectusq;  
 ad Turrin maiorem, alloquendi illius gratia, irritō inde incepto redijt.  
 Quippe cum soluto statim colloquio, Carolus Luceriam ad Ioānem pro-  
 fectus, regem ludibrio habuerit, arbitratum faciliē illū ad se traducturum.  
 Nam Ferdinandus, quod Honorati Furdani, fidelissimi sibi reguli Caro-  
 lus gener esset, per illius homines, quos ea de causa ad se accierat, moturū  
 se adolescentis animū ratus, multis ac magis cum promissis per eosdem ho-  
 norauerat. Sed ille quanquā adolescens, astu tamen instructus, atq; consilij  
 dubius in initio subblādītus est regi, dum hac ratione dies pluris tereret:  
 quibus præteritis, regem intelligere i sit, atq; ardoribus exagitatū, suis  
 ē finibus

ē finibus cum exercitu discessurum. Hac deceptus spe rex, frustra; ab  
 adolescente habitus, Rhodum, quod est oppidum ad mare situm, uniuers-  
 so cum exercitu proficiscitur, uastissimam per planitiem, ac cultoribus  
 uacuam, et arborum, atque aquarum indigam. Itaque canes, equos, iu-  
 menta cernere erat passim aestu exanimata cadere: pueros armigeros ex  
 equis repente delabi: pedites, equites itinere, calore, siti, agmen denique  
 uniuersum uiribus iam defici. Cum iam ad aquas peruentum est salas, ibi  
 uero aquarum ipse aspectus, et fontium species blanda (nam quò salior  
 est, eò apparet aqua limpidior ac magis lucida) qui primi agmen præbât,  
 eos repente gaudio, letitia; affecit. Itaque tessari acclamationibus leti-  
 tiam cum coepissent, et inuenta flumina, fontis que compertos significa-  
 re, redditus; inde ab insequentibus. Minor cum esset, uniuersum agmen  
 ad maturandum excitauit, erexit; languentium animos. Aut ubi gusta-  
 ti cupide initio fontes falsi apparuer, repente ibi ē gaudio tristitia exor-  
 ta est. Castra tamen haud longe posita in campis, locis; hortensibus, sub  
 Caprinum castellum, quod propinquum cum esset, statim sese dedit, soli  
 citantibus qui ē Marrarum familia in castris erant, cuius familie proxi-  
 ma castella antiqua sub ditione fuerant. Approperata à castellanis, uolent-  
 ibus quidem animis, pro ea quæ illic erat copia, uinæ, panis, aliæque caba-  
 ria: atq; ē uestigio in castra perlata, itinere atq; aestu confectos milites ali-  
 quantum refecere, præsertim; hortensia, quorum non exigua in agris re-  
 perta est copia: qui ppe cum maturi, immaturi; ac crudi pariter ac mites  
 foetus promiscue absumpti. Processum inde mitiora in loca, castra; secun-  
 dum Pantaniū statuta. Rhodo igitur recepto, ac præter Vestas castellis om-  
 nibus, quæ in ea Gargani parte constituta sunt, refecto; paucis diebus  
 exercitu, noctu maximo itinere cōfecto, mane sub Montem Sancti angeli,  
 quod oppidum summo ē iugo, in quo est positū, equinoctiali ab exortu pe-  
 lagus, à meridie subiectos Apulie despectat campos. Vrios; eos montes.  
 ab antiquis dictos non temere quidam pertendunt, in ijs; Veneris cele-  
 berrimum fuisse quōdam templum, uniuerso cum exercitu rex impro-  
 uisus apparuit. Cuius repentino aduentu eò atrocius cōsternati sunt ciuium  
 animi, quod maximè tutos sese antea arbitrati essent montium asperitate,  
 aquarum; inopia, ac pabuli. Tentatis igitur oppidanis, quo minus sese  
 dedecrent, obstitit præsidium à Ioanne missum. Itaque paratis ad oppu-  
 gnandum necessarijs, tertio rex die, qua parte neq; fossæ ab oppugnatione  
 distinebant, neq; rupes ab ingressu deterrebant militem, dispositis circum-  
 balistarijs, sclopetarijs; quorum magnus erat in castris numerus, ac ri op-  
 pidum prælio adortus, uulneratis aut cæsis maxima ē parte defensoribus.

Mont oppid.  
 Sancti angeli iugum  
 a' s' antiquitus  
 oppidum

cum tribus circiter horis pro muris pugnatum esset, comminutis, ac deie-  
 ctis non semel scalis, instaurata sæpius pugna, cohortatibusq; subinde du-  
 cibus, eiectis è muro propugnatoribus paucorum pertinacia, uno simul  
 tēpore pluribus locis miles irrupit, perq; humiliorem turrin factō aditu,  
 peditiū pars maxima, ac gregatiorum immissa est manus, moxq; effractis  
 portis omnis multitudo ingressa. Paucis in ipso ingressu è præsidiariis  
 cæsis, reliqui in arcem sese recepere. Direptioni huius facies multo maxi-  
 mē miserabilis fuit, irritatis militum animis pugne ardore, ac multitudi-  
 ne omni simul irrumpente, spe prædæ incitata. Nam quod oppidum ipsum  
 frequens, atque opulentum esset, quodq; propter situm maximē securum,  
 atq; ab hoste tutum existimabatur, peruiulgatum erat, è finitimis urbibus,  
 præsertim Manfredonia, locupletissimos quosque ciues clanculū à se com-  
 portatos illuc thesauros amicis, aut templorum sacerdotibus commendas-  
 se. Itaq; nō sacra, non prophana ab ui, iniuriāq; tuta erant, dum occultos  
 thesauros miles exquirat. In uiros ac mulieres sæuissima suppliciorum cede-  
 bantur exempla, maximēque sacris in edibus seuiuit. Neque sepulchra  
 eruta, spoliata donaria, direpti loculi uenerabiliū reliquiarum, aræ etiam  
 sanguine fœdate, ac polluta adyta. Quodq; mulieres, atq; imbecillior se-  
 xus cōsugerāt, quisq; pro libidine trahere, uerberare, cedere, infantes  
 à matrum complexu diuellere, ac solo sternere, rapere pueros, uiolare uir-  
 gines: nec deesse, qui sceminarum pudendas partes insertis digitis contre-  
 clarent, dum gemmas, unionesq; aut preciosum aliquid putant illic abdi-  
 tum. In ipsos quoque tribunos ac duces tumultuatum, dum parti imbecil-  
 lo se xui, ac sacris imperant. Rex Michaelis angeli templum statim ingres-  
 sus, claudi illud iubet, demā data fidelibus uiris custodia: in quo præter ci-  
 uium priuatam pecuniam editumis commendatam, auri atque argenti sa-  
 cri magna uis reperta, eaq; regis iussu à scribis notata, atq; à quæstori-  
 bus in castra, atq; in ararum relata est. Quam tamen omnem parta pōst  
 uictoria (sic enim conceptis iurauerat urbis) referendam in templū sum-  
 ma diligentia curauit, singulaq; restituta sunt, atq; à bonis reflecta artifi-  
 cibus, in ea qua fuerant antequam in numos conflarentur, forma. Nec  
 uerō alienum fuerit (quoniam in templi mentionem maximē augusti incidi-  
 mus, ad cuius antrum ab ultimis terrarum finibus annis singulis plurimi  
 mortales soluiendis uotis accedunt) de eius initijs, quæq; ab antiquis auto-  
 ribus habeo comperta, pauca pro meo instituto referre. Est natia specus  
 durissimo è saxo, in quam multis gradibus, cæterum nō lato admodū adi-  
 tu descenditur, specularibus quibusdā lumen præsentibus. Vestit eam par-  
 te superiore, qua natia ipsa quidem ac perrimosa testudo est, è quercuua-

Ita proceritate lucus, muris tamen circumdatus, pecori ne qua pateat in-  
 gressus. Ante uerò quàm descendere in antrum incipias, ædificia extant;  
 manu facta elaborato è lapide. Vbi uerò antrum in inum descenderis,  
 qua specus diffunditur, mira animum religio subit, loco ipso subobscuro, et  
 horrido, solaq; natura cōstituto. Admonent religionis tabellæ, notaq; pas-  
 sim suspensa, titulos indicantia. Vbi uerò aræ admotus ad numinis pro-  
 cumbes statuam, loco solo, et ab hominum accessu semoto, repente inhor-  
 rescit tacito metu animus, atq; in diuinarum tantum rerum cogitationem  
 uersus, in preces, suppliciaq; effunditur. Augent uenerationem aliæ item  
 aræ, nullo sumptu, nullo artificio factæ, quibus natura ipsa uidetur locum  
 statuisse. Cur autem Michaëli potissimū dedicata specus fuerit, hæc à maio  
 ribus tradita comperior, annos quidem supra noningentos, atque amplius  
 repetita: qua quidem tempestate Heruli, Goti, barbaræ que aliæ quædam  
 gentes per Italiam bacchabatur, Garganum quendam, ciuem Sipontinum,  
 cuius prægrande armentum Gargano pasceretur in monte, à quo et ille no-  
 men duxisset, cum armetalem taurum, qui oberrauerat, per syluas suis cum  
 pastoribus queritaret, inuentum tandem eum ad eius, de qua dictum est,  
 speluncæ ostium pascentem animaduertisse: itaque ira percitum, conten-  
 to arcu, summis in illum uiribus sagittam emisisse, eam que ubi tauri ter-  
 gus attigisset, retro flexam è uestigio, recuruatq; spiculi acie sagittatorē  
 petiisse. Quæ res inter pastores in religionem cum esset uersa, tum Gar-  
 ganum rem hanc sacerdoti expositurum, Laurentium adiisse, probatissi-  
 me uitæ antistitem: ibi illum re cognita, factiq; admiratione ductum, die-  
 rum trium ieiunio indicto, multis etiam adhibitis precibus Deum esse con-  
 sulendum, Gargano respondiße. Itaque absoluto ieiunio, re sacrarite facta,  
 noctu dormienti Laurentio astitiße Michaëlem angelorum principem ad-  
 monentem his uerbis: Mea opera, ac Dei iussu factum Laurēti, qui taurum  
 indicem esse uoluerim basilicæ huius; quam mihi ad inhabitandum cum ho-  
 minibus in terris parauit: hæc mea est basilica, meum hoc sacrarium apud  
 mortales futurum. Enuntia hæc ciuibus, ut monente me, per te intelligant  
 ea in spelunca, ijs in adytis aboliturum esse me mortalium peccata, qui ad  
 eam confugerint. Quo accepto oraculo, antistes somno excitus, ubi Deo  
 gratias egisset, re populo indicata, summa ciuium cum frequentia uenera-  
 bundus, indictis supplicationibus, pontificis habitu amictus, ascenso mon-  
 te ad speluncam procedit: sacraq; ibidem peracta re, non tamen ut ingre-  
 di antrum ausus esset quisquam, multis cum precibus, decantatis rite diui-  
 nis laudibus, Deo gratias egit, nomenq; Michaëlis per omneis laudes cele-  
 bratum. Riteq; rebus his peractis, Sipontum redijt, magna ciuium letitia,

Micha. & Arct.  
 apparico.

ingentiq; urbis uniuersæ gaudio. Nec uerò multis post diebus, Neapolitanorum exercitus, quorum opes profligatis Beneuentanorum rebus abum de tum pollentes erant, Sipontum obsedit. Igitur sollicito de populo suo antistiti, post indicium dierum trium ieiunium, quo triduo fuerat etiam indutiæ ab hoste impetratæ, astitit rursus dormienti Michaël, admonēs, et pie, et rite factum, quod per ieiunium ac preces à Deo auxilium implorasset: Michaëlem se angelorū principem, iussu Dei illa dicere, implereq; uti insequenti die de quarta hora populus uniuersus arma caperet, in hostemq; repente irrueret, se ipsum armatū in acie ciuibz affuturū. Hæc igitur populo tuo expectectus discere, ac bono animo esse iube. Hora igitur dicta armatus atq; ad pugnam instructus ciuis hostem negligētis agentem improuisus inuadit, fundit, fugat, ualidis adeo repente exortis procellis, summoq; è montis iugo prorumpentibus terrifico impetu fulminibus, uti maxime scæda tempestatis ui, æ fulgurum sescenti ex hoste exanimati referantur. Fugatis igitur, ac cæsis hostibus, sacris Deo Optimo Maximo ac Michaëli rite factis, cum antistes decreuisset spelūcam ipsam (uti moris est, Christianiq; ritus) dedicare, Gelasiumq; Pontificem Maximū, per id tempus Soracte agentem de ea dedicatione consulisset, astitit illi tertio Michaël, inquit: Mihi egomet nulla adhibita hominum aut arte, aut opera uacuum feci hoc saxum, mihi egomet desertum humano cultu montem extra hac subaperui, me æ ego in lapide hoc uestigia infixi: mihi ego ipsemet ædem hanc statui, sacrarium feci, basilicam dedicaui. Quæcunq; igitur ab hac æde, basilica, sacrario humana dedicatio absit, ritusq; omnis abesto hu manus. Michaël ego sum, qui hoc excauato saxo, hoc antro, hoc habitaculo, his asidue manantibus stillis abluturus sum, ac deleturus me à ad aram cōfugientium mortalium errata. Age expergiscitor sacerdos, ciuibzq; hæc tuis differito, cumq; ijs simul rem diuinam illic facito, meq; adesse antro meo, sacrario meo, me æq; basilicæ, tuq; populusq; tuus, mortales denique omnes placatum, atq; propitium sciunto. Inde igitur angelo antrum Michaëli dedicatum: stoliando templo regem (et si ætarij premebatur angustijs) magis tamen illud compulit, quod compertum haberet Ioannem post suum statim ipsius discessum cuncta direpturum. Nam et ille grauiore etiam rei pecuniariæ laborabat inopia, et ipse decreuerat urbem habitatoribus uacua, ac sine ullo præsidio relinquere. Nam et arx à Ioanne tenebatur, nec prohiberi poterat quo minus quotidiana præsidia noctu præsertim immitterentur. Ad hæc fama erat Picininum aduentare, à Ioanne pariter Tarentinoq; arcessitum. Itaque ne illic includeretur ueritus, descendere quamprimum è monte statuit, cum præsertim exercitus præda omnis generis



generis esset honestus: præteritaq; Mæfædonia, quæ præsidio tenebatur, castris ad Sipontum positis, prædaq; uniuersa tutum in locum comporta ta, quietem militi atq; iumentis dedit. Quo tempore ingentis multitudi nis armentali præda male custodita, atq; ab latronibus noctu abacta, inse- quenti die, maxima è parte eques, qui Fogiæ erat, ea potitus est. Cum au- tem ab Siponto diruta, et solo æquata urbe, duplex esset uia, altera per Fo- giensium, aut Asculanorum fines reuertendi in Hirpinos, aut Sannium, al- tera per oram maritimā Barolum, ac Tranum petendi: dum hæc partem in utraq; agitantur, falso nuntiatur, quod post cognitum est, confedisæ Pi- cininum in Lucerinorum sinibus, ac tantum non cum Ioanne et Hercule, qui Fogiæ præsidebat, iunctis simul copijs adesse. Itaq; communi ducum sententia decernitur Barolum petendum, motisq; intempesta nocte ca- stris, per oram maritimam, prope Aufidum metatus est rex. Die quæ inse- cuta est, castra trans annem ueteres ad Cannas posita, insignem clade quondam Romana uicum, nunc habitatoribus omnino uacuum, inde præ- da est omnis Barolum perlata. Quo è loco paucos post dies cum transire in Sannium decreuisset, et iam sub auroram aliquantum spatij, Canusium uersus profectus esset cum uniuersis copijs, renuntiatur ab exploratori- bus, ac leuis armaturæ equitibus, qui agmen præcedebant, hostem instru- ctum, paratumq; stare in acie: quo ex improviso agmen adoritur sub sar- cinis impeditum. Hoc nuntio accepto, rex magno silentio retro uertere agmen iubet, maximèque repentinus, atq; in expectatus Barolum petit: ac secundum fossas, partim in hortis, partim sacris in ædibus, quæ sunt extra urbis mœnia, exercitum collocat: tantus aduentantis hostis terror duces pariter militesq; inuaserat, cum tandem compertum fuerit agmen fuisse ceruorum compascentium, quorum in ea regione belli præsertim tempore maxima est copia. Hi sub matutinum tempus pastui dediti spar- sim cum errarent, ubi exploratores sensere equites, in unum coacti dubia iam luce speciem præbucere hostilis agminis. Castris igitur hunc in mô- dum ad Barolum dispositis, interim dum præda uenditur, quod nouus ex ere numus iactabatur, et Barolitani autore Barnaba Mirra nouum æs aspernabantur, reiiciebantq; illius usum, coactus est rex fuso argento, at- que in numum conflato, ex ea pecunia pendere militi stipendium. Fama etiam tenet Iacobum Caldoram, solertissimum etatis suæ imperatorem, ducentem per Apuliam peditum atq; equitum non exiguas copias, eadem specie deceptū. Itaque et conclamatum fuisse ad arma, et instructo cum exercitu stetisse eū in acie hostem expectantem: nec nisi aliquot post horas cognitū, errantem in pastu maximè ingentem ceruorū gregem esse. Quo

Canusium, n.  
oppidum diuina  
in uicium.

ceruorum gregem  
grus ne spaciari  
et oram pri



factum est, uti Picininus iunctis simul copijs, illum intra urbem penè incluserit. Sunt qui regem criminètur, desedisse illic ob amores tum ueteres, tum nouos: quibus delinitus magis ipse curauerit, quam ratione amoribus indulgeret, quàm quibus artibus hostem falleret. Quod ni è Macedonia Georgius Castriotus cognomento Scander, uir fortis, et multis rebus aduersus Turcas strenue gestis clarus, cum classe repète apparuisset, futurum erat, ut rex aut mari fugam turpiter inde arriperet, aut tentata pugna, in postrema seq̃; et res suas pericula conijceret. Cuius aduentu expositis in continentem circiter septingētis equitibus, lectissima uirorum manu, cum ali quo peditum numero, Andria præterita hostes iter auertere. De hoc igitur uiro pauca dicam, et propter eximiam ac raram eius animi uirtutem, et propter insignem etiam gratitudinem. Georgij maiores in Macedonia late magnum imperium tenuere. Verùm Amoratho Turcarum Imperatore Græciam uastante uniuersam, Georgius admodum adolescens à patre, quo res suas in pace tueretur, missus est ad illum obses: in cuius expeditionibus cauiui fuit uirtus, uti propter liberalitatem, ac fortitudinem agnominatus sit Scander, quo nomine à Turcis Alexander dicitur: unde hodie, quæ nostra lingua Alexandria, ea Turcaica est Scanderia. Post ubi paterno successit imperio, atq; ab Mahometo, Amorathi filio, summis oppugnatur uiribus, Alphonsus Ferdinandi pater pecunijs, militaribusq; præsidijs amicissimè cum iuuat: diutiusq; ipse seq̃; resq; suas pluribus prælijs fortiter administratis, Alphōsi opera, auxilioq; tutatus est. Igitur eo mortuo, ubi sensit Ferdinandum in Apulia grauiter ab hoste premi, conductis mercede aliquot nauibus, decreuit et animi gratitudinē, et fortitudinem simul testari suam, impositoq; in nauibus milite, ad regem in Apuliā transijt. Huius igitur nomen, atq; aduentus non hostem modò, eiusq; turbauit consilia, uerùm Italiam omnem opinionis suæ fama impleuit. Vir militari disciplina, corporis que atque animi uiribus æque clarus ac rebus gestis, apud amicum atque hostem maximè inclytus in ore omnium uersabatur. Quod si Marinus Martianus (ut ad inceptum regrediar) cum ea quam habebat manu equitum ac peditum, in agrum tunc se Campanum contulisset, cum Nole Vrsus esset, res que Neapolitanas infestissime uexaret, aut in Hirpinos, quorum utrumq; facere tuto poterat, haudquaquam Ferdinando in Samnium reditus, aut in Campaniam per id temporis patuisset, sine maximo rerum ac uitæ discrimine. Verùm Martianus summe rerum parum consulens, dum finitimis quibusdam Sidicinorum oppugnandis castellis tempus terit, regem ipsum ad regrediendum pellexit. Qui rebus Apuliæ Georgio cōmendatis, cum Alexander Sfortia è Pelignis, Marrui

nisq;

nisq; ubi Sulmonem, aliâque oppida permulta recuperauerat, quæ anno superiore ad Andegauensem defecerât, à rege euocatus, Samniû in agris habere castra nuntiaretur, & Robertus Vrsinus plures iam dies suis cum copijs ad Montem leonem, ipsisq; in Apuliæ faucibus confedisset, magno itinere nocte dieq; confecto, Vrsino primum, post Alexandro sese coniunxit: communicatis quæ deinde consilijs Flumirim circumsident: conuectis quæ è Campania tormentis æneis, pluribus diebus concussis micenibus, oppidanos ad deditionem cogunt. Quorum exemplum finitima quoque castella secuta sunt. Inde in Campaniam uentum, hyeme iam appetente, ac uiris, e quisq; tolerare ulterius laborem nequeuntibus, Sfortiano præcipuè equite propter anni asperitatem imperia detrectâte. Cum etiâ Vrsus Neapolitanos, atque Auerfanos agros assidujs excursionibus indies magis ac magis affligeret, mariq; ab Ioanne Torrella, qui Anariam obtinebat, tuti nihil prorsus esset: inter hæc Bartholomæus Cardinalis, qui gerente bellum in Apulia Ferdinando, Beneuenti Pontificias res curabat, per fidelem hominem cum Vrso egit, uti Pij opera ad Ferdinandum transfret. Nam & Pontifici Maximo rem abundè gratam faceret, & rebus suis perquam opportunè consultû iret. Cui cum hereditario iure Nola deberetur, quam tunc precario teneret, hanc esse uiam recuperandæ illius, persuadere summo ei studio conabatur. At Vrsus, qui paternis puer, atque auitis exutus bonis fuerat, electusq; patrimonio, tantum hanc occasionem nactus, cum intelligeret Ioannem Antonium annis, morboq; aggravatum iam, ita bellum gerere, ut qui animi, consilijq; incertus in diuersum traheretur, decreuit oblatam occasionem frustra labi non sinere. Itaque rebus sic compositis, uti Nola, Laurum, Atripaldû, Forinum, Asculum, cum agris, finibus, ciuibusq; ipsi, liberisq;, ac posteris dominâda traderebantur à Ferdinâdo: quæ rerum omniû Pontifex fideiussor esset: Vrsus Neapolim ad regem profectus, iurauit de more Neapolitanorum regum in eius uerba. Ritus uerbô iurandi, uerborumq; huiusmodi est formula. Sedet rex medius regia in sella, editiore loco cõstituta. Assident iustâ primi ordinis optimates, ac proceres. Stant inde purpuratorum frequentes ordines loco quisque suo: regis ad pedes, genibus innitens, à dextra procumbit parte e pistolarum magister, qui nunc Secretarius dicitur: sinistra antistes, euangeliorû libros regio in sinu adstratos tenens. Horû medius genibus & ipse ille innisus procumbit, qui in uerba iurat, utraque manu libris adapertis imposita. Ibi epistolarum magister uerba præit: quæ iuratorius in uerba, sequitur. Igitur posteaquam Vrsus regios ad pedes prouolutus, palmam in codice utrâq; expansam statuit, tum magister præire uerba hæc cœpit. Vrsusq; ea est secur-

tus: Vrsus ego Vrsinus, Nolæ & Atripaldi Comes, Aseuli, Lauri, ac Forin-  
 dominus, illorumq; & agrorum, & finium, ciuium atque popularium, ti-  
 bi Ferdinando regi, liberisq; successoribus que in regno Neapolitano tuis  
 polliceor, promitto, spondeo pro liberis, successoribusq; in hisce item urbi-  
 bus, oppidis, agris finibus que meis, fidelem meq; illosq; utique futuros,  
 tuisq; illorumq; imperijs ubique meq; illosq; parituros, atque imperata  
 facturos, cum hisce urbibus, oppidis, agris, finibus, popularibus que perpe-  
 tua cum constantia & fide. Siquid uerò aduersus te ue, illos ue parari frau-  
 dis, dolue, insidiarum ue audiero, sciero, cōpertum ue, significatum ue ha-  
 buero, indicaturum illud ē uestigio, ac facturū palam tibiq; illisq; officia  
 demum obiturum, meq; illosq; omnia domi, forisq; pace, bellōque aduer-  
 sum quoscunque, ac pro imperio que probi, & fidelis subiecti iure, lege,  
 natura, obeunda ac prestanta sunt regi. Deumq; his Optimum Maxi-  
 mū testem inuoco, perq; sacrosancta hæc Euangelia sciens, uolens, libesq;  
 uerbis conceptis iuro. Atq; his dictis, manus ipse ē libris sustulit. Tum rex  
 Vrsi manus utriusq; digitis pollicibus apprehensis, suosq; intra pollices  
 ijs insertis, deuinxit illos suis, statuitq; super Euāgelia. Hic rursum Vrsus,  
 magistro præeunte uerba: Ego me, inquit, cum liberis, successoribus que  
 meis, Ferdinandi regis mei, domini mei, liberorum, ac successorum eius,  
 Ligium hominem statuo, dedicoq; eumq; me hic fisto. Hæc ter ubi dixit, re-  
 gios osculatus est pollices, rexq; ore suo illius os excepit, moxq; comiter  
 appellatum dimisit. Hic est usitatus iurandi mos in uerba regum Neapoli-  
 tanorum: quiq; Ligios illorum se faciunt, ipsum hunc seruāt: dicti inde Li-  
 gij, quod ligatis reges pollicibus, illos fidei, imperijsq; sic suis uinciant, at-  
 que obnoxios statuunt. Ex ea tempestate Ferdinandus Vrsi opera forti, si-  
 delique in maximis quibusq; usus est rebus: quippe qui esset magno inge-  
 nio, constanti animo, fida amicitia, maturis consilijs, integra uolūate, ma-  
 nu promptus, atq; in certaminibus felix, in consulendo cautus, in delibe-  
 rādo minimè temerarius, quiq; nihil prorsus ficti haberet, atq; ut maximè  
 impiger, sic ipse parū omnino ambitiosus erat. Regis igitur aduentus Nea-  
 politanis ciuibus maximè gratus, atq; expectatus fuit. Summaq; gaudij, ac  
 lætitiæ ex aduentu eius declaratio apparuit. Is postquam per aliquot dies  
 ciuibus atq; amicis dedit operā, cōuersus inde ad res bellicas, quod ab Ioā-  
 ne Torrella, qui Isclam oppidū, Aenariamq; tenebat insulam, multa mari  
 in prohibendis atq; abigendis comitatibus indigne patrabantur, decre-  
 uit occupata insula cum intra oppidum includere, atq; à statione triremes  
 arcere, munitionibus ad oram maritimam erectis. Accedebat huic malo,  
 quod arx, cui ab ouo est agnomen, à Gallis tenebatur, pecunia tradita Ioan-

ni luncesio, qui ei sub Alphōso præsuerat. Ea arx circiter quingētos passus ab Neapoli exeso, et arduo in scopulo posita, iacta mole continenti iungitur. Ab hac ad Isclam arce quotidianæ trirēmiū, nauigiorūq; aliorū traiectiones fiebant, ac tranquillo tempore mare hinc magis magisq; infestum reddebatur nauigantibus. Demandata igitur re Alexandro Sfortiæ, alijsq; fortibus ac fidelibus uiris, caesaq; in continenti materia, eaq; nauibus composita, capta primo congressu à militibus qui descensionem fecerant, insula collocatisq; opportuno loco præsidijs, munitiones castrorū in morem eriguntur: quibus perfectis, milites intra uallum collocantur, dispositis per opportuna loca diuersi generis tormētis æneis, quibus præcipuè nauium infestaretur statio. Iscla oppidum edito atq; adeso in monte sitū, mari olim undiq; cingebatur, nunc mole iacta, satis longo tractu insule cōiungitur. Mons ipse breui admodum à Prochyta freto dirimitur: inde circum adesis rupibus ab meridie, occasuq; mare sinuatur, stationemq; efficit, qua parte post ipsam molem insula procuruato in sinū mari abluitur: statio ipsa sub Euris ac Notis male omnino tuta à fluctibus. Ad ipsum autem oppidū accessus est per accliuīs, maximāq; è parte saxo caeso, atq; excauata rupe manufactus. Munitiones igitur ita erectæ sunt, uti tormentis æneis, et offensari nauis statio, et oppidi porta, finitimaq; illi quassari ædes possent. Militibus itaq; intra munitiones collocatis, conuectioq; multorū mensium commeatu, et oppidani intra muros coercerantur, et repellebantur à litore trirēmes, ne in insulā ab ea parte descensionē tuō facerent. Quocirca acriter persepe excitabatur certamina, dū per gradus quasi quosdā ferro in rupe excauatos demissis in mare restibus, classiarij milites ijs excepti subsidium oppidanis ferunt. Quæ obsidio eo fuit grauior atq; contentior, quod supra biennium durauit, et Carolus Torrella frater, quatuor cū trirēmis, aliquotq; biremis, atq; exploratorijs nauigijs, itemq; onerarijs nauibus, quas ceperat, prædam omnis generis in oppidum conuectabat: unde annona, stipendiaq; militi, ac popularibus assatim subministrabatur. Quo tēpore Torrella arcem Oui, de qua diximus, spoliavit multa: et diti supellestiles, quæ illic asseruabatur, corpusq; Alphōsi regis ibidem in loculis custoditū, trirēmis ad se transtulit. Cæuerat enim Alphōsus moriēs, uti de more aliorū Aragoniæ regum, in Hispaniam Tarroconensem, ad eadē Populeti sepeliendus uehcretur: eamq; ob rem in arce, ubi diē obiit, loculis pie, religiosq; seruabatur. Parta tamen uictoria Ferdinandus loculos ipsos eandē in arcem referendos curauit, in qua hodie quoq; seruantur: et ob rerum gestarū memoriam, à magnis et claris uiris frequenter et uisuntur, et salutantur. Hoc in bello, rerumq; bellicarū uarietate, et

casibus cognitum est, Hispanos plerosq; qui oppidis aut arcibus præfati essent, Ferdinando parum fideles fuisse: seu quod tacitis ipsi consilijs Ioanni eius patruo regnum assererent, seu quod indignum ducerent Ferdinandum Alphonso succedere, quem alij incesto coitu è Catarina, Errici fratris uxore susceptum ab Alphonso putarent: alij supposititium, neq; ex Vilaradona Carlina, quæ mater eius diceretur, genitum, sed suppositum ab eam auctore Gulielmo Corelia, quem Alphonsus honoribus, titulisq; mirificè euexisset, procreatumq; ex homine ignobili, utq; alij musitarent, suture calceonario: ut uerò alij, ex homine Mahometanæ religionis, quales Valentin pleriq; sunt agricolæ, atq; opifices. quæ quidem, aliq; ab illis, qui Ferdinandum prosequiebantur odio, palàm indigneq; iactabantur. In quibus tres præcipuè uisi sunt maximè improbi, atq; ob insignem perfidiam detestabiles. Ioannes hic Torrella, quem Alphonsus, quod Antonie uir erat, quam è sororibus Lucretia unice amasset, illius gratia Isclæ moderationi substituerat, præfeceratq; arcis. Petrus Mōdraconius alter, cui ab Alphōso arcis Metalonij et oppidi administratio permissa fuerat. Tertius, Ioannes Antonius Foscianus, cui Tranensis arcis erat custodia demandata. Verum hi duo clangulum cum hoste consenserant. At Torrella bellum apertè gessit aduersus Ferdinandum, Ioannemq; ad se confugientem, amissa continente, terra et accepit, et armis opemq; fouit, iuuuq;. Vrsus igitur dedito, Daniel quoq; qui Sarni, Forinijq; imperitabat, metu perterritus, et ipse haud multis post diebus deditionem fecit. Quodq; Sarnensis arx à Tarētimi præfecto, cum præsidio tenebatur, occultisq; militum qui arcem tuebantur, latrocinij regio infestaretur, aliquot post menses coactus est rex, ad motis bombardis, illam expugnare. Itaque concussa et diruta turri, quæ ab urse nomen habet, estq; ante arcem statuta, ueritus præfectus, ne ea capta, fame intus conficeretur: sese ea cōditione dedit, ut militibus, qui cum eo erāt, cū uestimentis libere abire permitteretur. Illud in hac expugnatione rarū, atq; admirandū, quod cum immēse magnitudinis aeneū tormentū subuehi in summū atq; arduū nequiret iugū, in plano, remotiusq; aliquanto à montis radicibus collocatum, inde turrim ipsam concussit, labefecitq; spatio ad mille aëris passus interiecto. Interim etiam Robertus Sanseuerinius Salernum laceffebat, interclusis itineribus, nequa in urbem deferri commeatus posset: hac enim urbe recuperata, Cosentiam adusque ferè liber à Neapoli mittebatur accessus. Hac à Ferdinādo dum geritur, post reditum ex Apulia in Campaniam, Iacobus interea Picininus præterita, ut diximus, Andria, Ioannis Antonij iussu, Lucanorum montana populata, diripitq;: profectusq; Aquam Viuā uersus, quod erat Francisci Baucij Andriensis

Andriensis ducis oppidum, illud aeneis tormentis aliquot dies concussum, dum sub speciem deditiois ciues ad colloquiũ, & pactiois spem trahit, dolo magis, quàm uirtute militũ capit, diripitq; nihilq; crudele, foedum, abominandum in uiros, mulieres, impuberes omisum: inde locupletato exercitu, in fines Tranensiu regreſus, urbem obsidet, agrumq; Andriensem asiduis excursionibus uexat. Quo tempore cum Georgio Caſtriotò, qui Barolum tutabatur, sæpius certatũ est, diuerso pugne genere: cum Italicis equites statarie magis pugne sint affueti, propter armorum grauitatem: contra Macedones è Turcarum disciplina uagi procurſantesq; raro congregiantur stantes. Itaq; plerisq; in congreſſionibus Georgius hostem ludificatus est. Ceterũ Tranensis obsidio diuturnior fuit, quod urbs erat egregie munita, nobilitasq; Tarentini ferre imperium nolebat: muris tandem, qua parte infirmiores erant, solo æquatis, cum à rege nullũ etiam spe raretur subsidiũ, famesq; urgeret, Tarentino se ciues longiorem post obsidionem dedidere. Arx incolumis regi mansit. Nam Georgius cum intelligeret Foscianũ arcis præfectum cũ Tarentino cõsensisse, sub speciem colloqui extra arcem accitũ, cepit illũ. Captus igitur arcem Georgio tradi iussit, pactioe libertatis. Itaq; Picininus ad arcis appugnationem conuerſus, qua mari non abluitur, uallo illam ac fossa cinxit: neue inferri cõmeatus in eam posset, dispositis per oram maritimam biremibus singularem diligentia cauendum curabat. Quo effectũ est ob summam cibariorũ inopiam, ut qui arcem defensabant, ad famem redacti sint. Fortè accidit, uti Venetæ clasſis præfectus secundũ Tranensem orã uela faceret, quo tempore nauigia quedam frumento grauida à Ferdinando missa, uento ad arcem ferretur, quæ Picinini biremes adoriri iam parabant. Itaq; quod ipse duceret de dignitate id reipublice Venetorũ esse, speciem exhibuit, se haudquaquam passurum suos ante oculos uim nauigijs Venetico in sinu inferri. Quod ueriti qui biremes moderabãtur, abstinuere à ui inferenda. Itaq; delata ad arcem, magnam frumenti uim exposuere in litore. Quæ re ablata est Picinino spes eius potiũ de. Nec uerò hac præsertim in parte aut alienũ à me fuerit, aut ingratum lectori explicare, quibus nunc nominibus regiones eæ dicantur, in quibus hæc à Picinino gesta sunt: ne qui uetere tantũ noscitant, noua ignorent nomina: qui uerò recentia tenent, ijs prisca ne sint omnino incognita. Apulie igitur pars ea, quæ est ab Frætone flumine, quod hodie Fortorium est, ad Aufidi ripas, sua nũc appellatione est Capitinata, quæ Normannorum prius, ac Græcorum temporibus fuerat Catapaniata: quod qui eius moderationi esset Imperatore ab Cõstantinopolitano præpositus, dicebatur Græco nomine Catapanus: quæ uox cõtractis atq; immutatis literis

recentioribus uersa est in Capitinatam: quiq; Catapanus fuerat, in Capitani-  
 num. Quæ uerò Calabriæ pars olim fuit, in qua Tarentū, Brundisium, ac  
 Salentinorū maritima est ora, ea ab Hydruntio oppido, ad quod est ab Ma-  
 cedonia, Epiroq; quam breuissima ad nauigatio, Hydruntina hodie terra di-  
 citur. At qui est ab Aufido tractus ad Calabriæ, hoc est Hydruntinæ fines  
 terræ, quo in tractu sunt ad mare posita Barolum, Tranū, Vigiliæ, Melfi-  
 flæ, luernatiū, Barum, Polygnanum; Monopolis. Ab urbe Baro, quæ caput  
 olim regionis fuit, Barenfis uocitata est terra, regionum quæstorū consti-  
 tutione ac iussu. Post eam montana loca, quæq; olim fuisse illinc Lucaniæ,  
 hinc Apuliæ, ipsæ illis temporibus uocari cœpta Basilicata: cuius regionis  
 complura castella fuisse à Picinino direpta, agerq; ferè omnis fruge, peco-  
 req; spoliatus. Caterum hæc ipsa appellatio unde potissimū ducta sit, iure  
 anceps est, ac dubiū. Sunt enim qui existiment, haud satis tamen certis au-  
 toribus, Cōstantinopolitano olim ab imperatore regionem eam filia ac ge-  
 nero traditam dotis nomine. Veri autem alijs uideatur esse similis, à Basi-  
 lio quodam fortissimo uiro dictam, qui per illa tempora loca ea tenuerit,  
 deq; regione ipsa, tractuq; omni Salentino Græcos industria sua pepulerit,  
 atq; Pœnos. Verum nos quæstionem hanc posteris melius inquirendam re-  
 linquimus. Hæc dum in Apulia, Cāpania, Samnioq; gerūtur, Baptista Gri-  
 maldus in Brutios à Ioanne missus, qui regioni præfesset, cognito Roberto  
 rum aduentu, dum copias colligit, paucis post captam Cossentiā horis cum  
 præsidio affuit, cognitaq; eius direptione, retrò statim mouit. Post Rober-  
 torum autem discessum (pleraq; enim oppida ab illis capta statim ad Ande-  
 gauensem rediere) Silani hyemauit. Antonius uerò Centilia cum Erriche-  
 tæ uxore apud Hypsicron dum desidet, seq; pacem Robertis desperat, ar-  
 cessitus ab Loisio Arenate, qui mortuo patre, ipse è cōcubina genitus, nouer-  
 ea capta, arenas, agrūq; eius occupare omnē parabat, præstò illi affuit. Ine-  
 unte igitur uere, cōparatis atq; instructis exercitibus, de cōmuni sententia  
 in planitiem, quā Cratis amnis mediam secat, simul uterq; cōueniūt. Bapti-  
 sta prior per Agelli ac Petræ malæ fines, montēq; qui interiacet Caruleios  
 profectus, inde in planitiem peruenit: nec multos post dies Antonius cū Al-  
 phonso fratre eodē profiscitur, biduoq; post Loisius Caraciolus Neoca-  
 strens is Comes, eodē quoq; cum accessisset, placuit, iunctis simul copijs,  
 castra ad syluam transferre Tabulariam, quæ secundū amnis ripas diffun-  
 ditur. Hoc cognito Lucās Sanscuerinius, qui cum præsidio partim Cossen-  
 tiæ, finitimis partim in oppidis hyemauerat, equitatū undiq; suū ex hyber-  
 nis euocatum, Lucios ad se uenire Silam per montem iubet. Quod hostes  
 ubi sensere, ingenti agrestū manu Cossentinis è uicis coacta, qua Silæ egres-  
 sus



fua eſſet, ſyluā longo ſpatio cēdūt, ſtratisq; atq; obſeptis ingentis proceri  
 tatis arboribus, tranſitū impediunt, comparataq; finitimis ē locis magna  
 armatorū manu, nec minore paſtorum omnis generis ſuperiora occupāt,  
 ibiq; inſidias ſtruūt. Equitatus igitur ſyluā ingreſſus, nullo ſecū peditatu  
 ducto, ipſe ſecurus, atq; inſidiariū ignarus: ubi lōgius progreſſus, egreſſum  
 impeditū, atq; obſeptum conſpiciatur, conſilij incertus, atq; conſternatus  
 animo, tū uerō in inſidias delatū ſe intelligit: dumq; aliud alij cōſilium ſe-  
 quendum cenſent, repente maximis ſublatis clamoribus agreſtes immixti  
 paſtoribus, ſuperioribus ē locis magno impetu illati, equites confuſos, nul-  
 lo certo ordine, parū certo duce, conſternatosq; adorti, locorū ipſi periti,  
 alios fugā paranteis intercipiunt, reſiſtenteis alios uulnerant, partem ex  
 equis longurijs, perticisq; deturbatam ſparis, ac fuſtibus magis quā telis  
 percutiūt, partem enſe, aut haſta proſtratos cēdunt, captosq; ad unum pe-  
 nē omnes armis ac uestibus exuunt, ſecūq; ad uicos, atq; oppida captiuos  
 ducunt. Ludū hūc fuiſſe magis quā certamen, illud planē docet, quōd pa-  
 ſtores, equorū, telorū, armorūq; uendendorū gratia, dum ad oppida uici-  
 nasq; ad urbes proficiſcūtur, quo ſe ſtrenuos, uictoresq; oſtentarēt, aſum-  
 ptis perticis, equisq; impoſiti, ingreſſi urbē, dū cōcurrunt, dū pugnas medi-  
 tantur, animaduerſum eſt paſtorū alios, quæ arma protegendis erant cru-  
 ribus, ea aptaſſe brachijs: alios quæ cubitis, ea genibus inſeruiſſe. Itaq; in ri-  
 ſum cū uerterentur, qui ad ſpectandū plurimi cōuenerant, iudicatū eſt à ru-  
 dibus quoq; atq; bellorū ignaris hominibus, ingeniū quā uires corporis  
 adminiſtrādo bello plus poſſe, fortunāq; tū demū omnia ſibi uendicare, cū  
 prudētiæ locus nullus fuerit etiā inter maximas opes, potentiāq; relictus.  
 Ex eo Antonius, ducesq; Andegauienſium, per agros urbū, quæ Ferdinā-  
 do parebāt, liberius diſcurſantes, uicos plurimos diripiūt, prædāq; omnis  
 generis in caſtra referunt, longiusq; uagati, terrore, atq; formidine popu-  
 los implent: ſpoliatisq; impune agris aliorū ac uillis, dū Caſanenſiū fines  
 audentius populantur, ſtrenue inſecutis Caſanenſibus, Nicol autē Antoniū  
 Ruſum, adactō per galeā telo, proſtratū humi, ac cōfeſſim cæſum amittūt,  
 uirū et corporis, et animi uiribus pariter inſignē. Hinc Rogianum quoq;  
 ſtrenue magis q̄ feliciter adorti, aliquot militibus amiſſis, à ſoſſa, moen-  
 busq; repelluntur. Hinc Sanctū Marcū tentare aggreſſi, exulibus dēditionē  
 pollicentibus, fugati inde colubrinarū, bōbardarūq; multitudinē, frequēti-  
 busq; exploſionibus uetera in caſtra ad Tabulariā ſe recipiūt. Ex eo igitur  
 duces ijs in caſtris deſedēre. Nāq; Antonius per idoncos, ac fideleis homi-  
 nes, quæ erat animi infirmitate, atq; ambitione, agitare cum Luca cœpit de  
 ſua cū Ferdinādo cōciliatione. Erat enim Lucas neceſſitudine Antonio cō-

iunctus, quod utriusque uxores iisdem parentibus sorores erant, ex eaq;  
 conciliatione utraq; existimabat rebus suis optime consultum iri. Itaq; pri-  
 mo petere Antonius, dein postulare etiam à Baptista coepit, Amanteam sibi  
 urbem restitui, quod ea materno iure uxori deberetur: quo per hanc cau-  
 sam, si negaretur, castris discederet; sin cōcederetur, ut haberet oppidum  
 inferum ad mare situm, cuius opportunitate ad eas, quas animo agitabat  
 res percommode uteretur. Baptista bonam primo spem Antonio polliceri,  
 ille eò uehementius agere, ac nunc precibus, nunc muneribus cōtendere:  
 dumq; alter cauet, alterius ne capiatur artibus, eò uentū est, ut utraq; ille  
 causando, hic importune agendo tempus tereret, seq; alternatim frustra-  
 rentur. Tandem Antonius, ubi dari sibi omnino uerba sensit, e castris cum  
 Neocastrense abiit, ab uxore se arcesitum simulans, quod agri eius, atq;  
 oppida illinc ab Iacobo Carrasā, Antonioq; Caibano assiduus uexarentur  
 discursionibus, expugnato penē Bellicastro, repentino aggressu militumq;  
 ac ducū uirtute, hinc à Galcocto Baldasino impune populante, cum etiam  
 comperitū se habere diceret Masīū Barresam ualidis cum copijs aduētare,  
 Hūc rex inuitio belli Venusiæ cū praesidio praefecerat, isq; (ut erat acri inge-  
 nio, et magno atq; elato animo) multa fortiter ac feliciter gessit. Nā nō ur-  
 bem modò eam ab hoste tutatus est, uerū cū Ioanne Melfiæ duce, collatis  
 saepius signis cōfluxit, quibus incertaminibus nō minus saepe uictor euasit  
 quàm uictus. Duo hi praestantes animis ac bellicis laudibus duces, nūquam  
 manus conscrucere, quin utrinq; summis conatibus, ingētibz animis, haud  
 minore sua quàm militū uirtute, imperatorijsq; artibus ac muneribus de-  
 cerni auerim. Ioānes tamen suā ubiq; maiorumq; suorū nobilitatē praeulit.  
 Ille, ut erat natura ferus, ac parū urbanis moribus, uix ab ingenio unquā di-  
 scessit. Quo igitur Brutiorum rebus Ferdinādus prospiceret, Masium eò  
 cum equitum ac peditum ualida manu mittere decreuit. Itaq; Antonius his  
 usus causis in regionis ulteriora concessit, atq; haud multo post Sinopolim  
 proficiscitur: eo consilio, quod Gulielmus Rufus, capto ab se Carolo Ruso  
 Comite, patruo suo, et oppidū et agrū illius omnem occupauerat, ut eo-  
 rum ipse res opera sua cōponeret. Nam Rusorum familiae Erricctae eius  
 uxor princeps erat, et ipse ambitioni seruiens, sibi nō minus quàm uxori  
 satisfacere cupiebat. Horum post discessū Baptista sese Bisinianū contulit:  
 nec multo post, quod uici Cossentini, quaeq; hodie Casalia dicuntur, alij Ioā-  
 nis, alij Ferdinandi partiū erat, proq; tempore ac rerū euentu modo huic,  
 modo illi apertius fauebant, decreuit Baptista munitionem apud Domni-  
 cos etiam occupare, eaq; occupata, finitimos uicos diripere: missis Roge-  
 rio Laino, Loisio Fogia, et Nicolao Stabia, cū ea peditum atq; equitum,  
 quam

quā tūc habebat copia. Illi strenue nauata opera munitionē capiūt, moxq; in prædam uersi, ut quem prædandi libido rapiebat, eò raptabūdus ferri. Qui in uicis erant, partim fugere, partim arma capere, seq; resq; suas ferro tucti, alius alij auxilio esse, modo hi, modo illi aut pellerē, aut pelli, sauciare, aut sauciari, uulnera cædesq; promiscuæ, uictoria incerta esse, cōsentia subsidia subinde mitti, equites, pedites misceri, cōfodi equi, substermi pedites, ceterosq; culminibus iacitela, tigna, trunci, saxa, tegulæ, plurimi ab alto uulnerari, superantiū conclamatione ac cadentiū gemitū cœlū consonabat. Iam uerò balistarum fragore, dumq; arma franguntur ac clypei, sclopetorum dissplosione, et tonitru repercussa nemora, uallesq; mugiebant, ac circumfuso fumo lux cōpugnantium oculis auferebatur. Ter eo die pro Aragonensium Andegauensium uel uictoria, aut fugā uicorū populares instructi, atq; in acie stantes, mutatis studiis, in hostē, seq; ipsos cōminus uerterūt arma. Itaq; centuriones, præfectiq; dum nihil geri segniter, nihil remisse administrari patiūtur, uix cō balistis sagitta, aut cō sclopetis pila, iaculauē cō dextris incassum emissa. Et adhuc tamen mars ipse anceps erat, cū tandē post arma undiq; cruore sparsa, sordatasq; tot cædibus uisas, nox pugnātes diremit. Satis autē compertū est, qui in initio pugnæ cōmiscere, corū haud sanē multam fuisse manū, Andegauensem tamen lectū militem, post uerò ad quinq; millia armatorū, qui ad certamen diuersis cō locis raptim concurrissent, manus contulerūt, cō quibus cecidēre quingenti, plurimi uulnerati: ex Andegauensibus qui fuerē capti, a factionis fautoribus, aut ab amicis, cognatis uel noctu ad suos remissi. In ea pugnæ atrocitate, præfectorum ne, an militum, ciuium, an qui stipendia facerēt, uirtus maior fuerit, eque ab utraq; parte dubitatum: tanta ira, incensisq; adeo militum ac popularium est omnium animis dimicatum. Hac pugna nūtiata Masius maturato itinere, instructis ad oppugnandum copiis, Bisinianum petit. Quod Baptista ueritus, Acrim se contulit, ratus posse illic cautius Masij se conatus frustrari. Ille præmissis qui deditionem minitabūdi tentarent, confestim ubi in cōspectū uenit oppidi, ciuib; dedentibus Bisinianum recipit, diebusq; aliquot militi de itinere fesso concessis, interim oppugnationi necessaria comparat, quibus comparatis ex improviso Acrim adoritur: committitur pugna uaria, atrox, cruenta, oppidanis pro sua, coniugum, liberorumq; salute ac libertate pugnantibus: hoste pro præda, pro uictoria, quod eo expugnato oppido, nihil sibi reliquū suurū ad uictoriam arbitraretur, ducibus etiam ipsis utrinque suos hortantibus, ac nunc ante illorum ora manum conferentibus, nunc alios pectore apprehensos, alios tergo impulsos in aduersarium immittentibus, Marte intra uallum modò, modò extra

munitiones se uiente. Itaq; multis utrinq; caesis, aut uulneratis, nō paucis uallo deiectis, aut ē rupibus deturbatis, ædificijs quoq; uallo proximis immisso igni, ab ortu solis ad noctē uario certamine, dubioq; euentu pugnatū est. Dirempta à noctē pugna Masius, quod se sis omnibus, uulneratis cō pluribus, nocturnis iter in tenebris peragendū esset, per loca saltuosa, equitibusq; parū cōmoda: hæc ueritus noctem sine tabernaculis, absq; uictu ullo, sub dio, breui in cāpo, qui duos intra tumulos, nō adeo ab oppido procul iacet, summa sua sollicitudine, ac militū cōsternatione egit, subinde trepidatū, ne finitimis à populis, qui Martiano parebāt, auxilijs arcesitis, tu multario ab illis adortu intercepti trucidarētur. Sub aurorā igitur equis, qui de uulnere inutiles erant, quiq; animā iam agebant militibus in campo relictis, Bisinianū, quod quatuor aberat passuum millibus, citato gradu redijt. Iisdem quoq; diebus Octavianus Montiflorius, Masij præfectus, circiter millibus passuum tribus ab Renda, cum in uico cōsediisset, quanquam à se pro tempore munito à Cossetinis exulibus, qui iter eius obseruabant, nocturno aggressu superatus, uix ipse solus euasit: ceteri ad unū omnes capti, turma integra uirorum atq; equorum amissa. Repulso ab Acri Masio, quod diffideret uise post id oppido potiturū, multa diu animo cū agitaasset, uisum est tādē, quod per Milanū egit exulem, ut is explorato undiq; oppidi situ, cognitisq; oppidanorū, ac Baptiste nocturnis institutis ac moribus, cum Blancino acri ac ueterano milite, oppidū minimē muris cinctū nocturnis usus tenebris ingrederetur, singulaq; exploraret. Quod ubi ab utroq; factū est, Masiusq; de oppidanorū institutis omnibus ab ijs edoctus est, cōsiliū inijt, ut ij lectis cū militibus, ijsq; partim clypeatis, partim sclopetarijs balistarijsq; sub primā noctē deceptis uigilibus flumen puaderēt: ac mōte superato, ubi collocata prima custodia oppidanorū erat, caesis uigilibus illic operirentur, quoad ipse in plano cū copijs instructus, paratusq; adesset. Est autē Acris summo in monte posita, paucissimis locis muro, ceterū uallo ac rupibus undiq; fermē cincta. Circiterq; duobus millibus ab oppido passibus decurrit Cotilis fluuius, à cuius uado ad ipsum usq; oppidum sensim asurgit arduo ascensu, montis dorsum, quem Serronē incolæ uocant. Ad uadū Baptista consueuerat singulis noctibus uigiles disponere, qui per tenebras aucuparentur, si qui flumen transirent, statim id renūtiaturi. Igitur tranato amne, cū ob præfecti negligentia, uigiles nulli ea nocte flumen obseruaret, militesq; cū Milano, ac Blancino præmissi, taciti absq; ullo omnino strepitu ad custodiā peruenissent, summo silentio custodes iugulant, deq; suorū numero lectos substituunt, qui oppidanis signa de more custodū antea quidem explorata et cognita, redderent. Cum uerō ac-

cepto signo ubi aliquantulum quieuiſſent, Maſium adeſſe cum copijs ſenſere, magno impetu oppidanis quieſcentibus uallum tranſcendunt, Gattumq; centurionem, qui uallum cuſtodiebat, inermem, ac ſemiſonnem capiunt: inde clypeati primi, poſt eos ſclopeta-rij, baſiſtarij; occupatis uijs in forum irrumpunt. Quo à ciuib; ac militibus concurſum cum eſſet, magnis utrinque ſublatis clamoribus acre committitur prælium. Inter hæc Maſius portam conatus diſſringere, ab illis qui eò concurrerant, magno niſu repellitur, alijs tandem atq; alijs ſuccedentibus, facta eſt ferro per portam uia. Milites turmatim ingreſſi, qua conſerti irrumpunt, gladio ſibi iter pandunt. Multa omnis generis hominum cædes paſim facta. Baptiſta repentina re percuſus, aliò atq; aliò dimiſſis militibus, ipſe cum paucis, ueteris ad arcis tumultu conſugit: illicq; contra irrumpentes aliquantum cum ſtetiſſet, tandem ſuperatus, ac penè circumuentus ab hoſtibus, ſiga ſibi per rupes aſperas, confragoſaq; montis loca uix conſuluit: ac beneficio noctis uſus, cum exiguo familiarium numero Longobucum (ſunt autem qui Themefen olim hanc fuiſſe, propter metallorū uenas arbitrentur) ſe recipit. Capto igitur oppido, conuerſi ad prædam milites, nihil ſibi reliqui, non ad prædam, non ad crudelitatem ſecere. Sacra, profanaq; in promiſcua cuncta habita. Ducis ipſius iuſſu, Nicolaus Clanceoffus ſerra per dorſum lumbosq; adaſta, medijs ſecatur: rarum proſectò, ac penè in excogitatum ſæuitiæ genus, ac ſupplicij exemplū. Inde haud multos poſt dies Catantiariū proſectus, repentinò mox adortu Simarim cum tentaſſet, re inſecta alia atq; alia uia aggreditur. Id oppidū, quòd eſet in edito ſitu, quodamq; è parte rupibus immineret, ea minus diligenter à uigilibus noctu cuſtodiebat. Itaq; nocturno tēpore admotis ſcalis, magno ſilentio Maſius illā nō exiguo armatorum numero occupat: qua occupata cum exercitus ab aduerſa ei parte muros aggreſſus eſſet, illi ſuperiore è loco magno impetu, maioribus clamoribus illati, intentos prælio oppidanos à tergo inuadunt, alios cædunt, alios uulnerant, hos è propugnaculis deiiciunt, illos proieſtis armis capiūt, breuiq; potiti oppido illud diripiunt. Quod peruectus eſt, ac maxime celebris quondam urbis Sibaridis reliquias eſſe, ſunt qui exiſtunt: quippe cum haud multū inde loci dirutæ urbis ueſtigia oſtendantur. Interea Alphonſus Centilia tribus cū equitum turmis, non ſatis numeroſo peditatu, eoq; maiore è parte tumultuario, Roccellā obſidebat. Id caſtellum ab eſt Catantiario circiter ſex paſuum millibus. Caſtra eius hinc ſtagno muniebatur, illinc amne Coragio, qui circiter quingētos paſſus ab caſtris præterlabebatur. Id Maſio cū eſſet cognitū, quatuor cū equitū turmis ac mille ſerè peditibus, ſeptingētis itē armatis partim eq̃tibus, partim

peditibus, qui cum lecti è ciuibus secuti sunt, Catantiario mouit, secū dumq;  
 torrentem Masentium profectus, collem occupat Pergellum nomine, qui  
 ab Coragio quingentos ferme passus distat: eo consilio, ut cum Alphonso  
 confingeret, à quo paucis ante diebus prouocatus ad certamen fuerat. Al-  
 phonsus confidentem cum in tumulto conspicatus, instructa acie con-  
 festim aduersus illum mouit, amnemq; prætergressus, sub collem in uia con-  
 stuit, haud procul ab ora maritima, illic cum hoste manum conferturus.  
 Contra Masius ubi transeūtem Coragium, atq; aduersum se uenientem ho-  
 stem instructa uidit acie, suos è colle turmatim instructos descendere in pla-  
 num iubet. Quod si Alphonsus quo impetu uenerat, in primos confestim  
 irruisset, nimirum profligatis aduersarijs, captisq; ut quisq; è monte de-  
 scendebat, suis incolumibus, uoti compos in castra redisset: cuius rei suis  
 „ cum esset à præfectis ammonitus, iuuenili animo magis quàm ex ipsa re  
 „ sumpto consilio, auersatus præfectorum sententiam: Atqui, inquit, descen-  
 „ dere omnis patiar ad unum cunctos captiuos ducturus, ne cladis eorum  
 nuntius ad urbem redeat. Stabat in acie Alphonsus tribus cum turmis, præ-  
 erat alteri ipse, alteri Antonius Caraciolus, tertiæ Ioannes Cola, et ipse Ca-  
 raciolus. Peditatum moderabatur Galassius Ascarus. Masij copiarum præ-  
 fecli erant Losius Sangrius, alter Loisius Longobucus, tertius item Loisius  
 Gentilis, Octavianus Montistorius, et Colesta Castellus. Initum est præ-  
 lium ingentibus utrinq; animis, stetitq; utrinq; immota acies diutius, cum  
 interim multi uulnerarentur equi, uiriq; ducum præsentia ad singulas co-  
 hortationes pugnam instaurabat, et ipsi pugnam edebant duces ante suo-  
 rum oculos. Conflictus maior q̃ pro equitū numero, ipsaq; paucitas uirtu-  
 tem excitabat, quod singuli à duce suo cōspiciebantur, et ducem quisq; suū  
 conspiciebat, nec pedes superari se ab equite uirtute patiebatur. Itaq; offir-  
 matis ab utraque parte animis uulnera infligebantur, pediti pedes, equitē  
 eques singulis penē singulis, aut gladio, aut hasta sibi aduersi dimicabant:  
 hinc atq; illinc balistarij, sclopetarij q; uix incassum aut pilas fundebant,  
 aut sagittas: eratq; euentus pugne dubius, ac mars ipse anceps, cum repen-  
 te Galassius balistaria transfixus sagitta, ex equo moribundus corruit, co-  
 demq; simul momento aliquot cum eo, qui iuxta pugnabant. Casu quorum  
 consternati pedites, parum militie assueti, cessare primū loco, mox terga si-  
 mul cuncti uertere. Quorum fuga circumdatus à Masij milite Alphonsus,  
 uiribus, auxilioq; destitutus capitur, uix pauci ex eo numero euasere, ca-  
 strastatim direpta. Victor Masius cum præda, captiuisq; Catantiariū re-  
 dist, magna ciuium letitia, ac gratulatiū acclamationibus urbem ingres-  
 sus. Per idē tempus Ioannes Trauersus, Antonius Turrius, Stephanus Ma-  
 lenus,



lenus, et Ioāneclus Moranus, qui Martiani copijs Scillascēsi in agro præ-  
 erāt, fines Sanctæ Seuerinæ populati, ingentem pecorū omnis generis præ-  
 dam, multosq; mortales secū captiuos perduxere. Post eam prædā ē præ-  
 fectis quisque cum suis loca ad sua redijt. Trauersus ac Turrius Netensem  
 in agrum se contulere. Quæ res cum à Iacobo Balestra, impigro, maxi-  
 meq; exercitato equite, Antonello Caibano significaretur, consilium Anto-  
 nellus iniijt sub prædandi speciem, utriusq; intercipiendi. Itaque dispositis  
 secundum Netum fluiuium insidijs, circiter quingentos passus ab oppido  
 Roca, cui est de flumine agnomen inditum, Balestram præmisit cum pau-  
 cis, qui Rocæ portis insultans, hostem extra oppidum repentinum ad tu-  
 multum extraheret. Trauersus, ac Turrius gregarijs timentes, qui pabula  
 tum ierāt, ex oppido egressi, nullo ordine, ipsi eorumq; equites parum in-  
 structi, Balestrā consulto fugientem trans flumen insequuntur. Quod An-  
 tonellus ubi animaduertit, ex insidijs repente prodies illos circūuenit. Cir-  
 cumuentidum elabi ex insidijs, summis conantur uiribus, transfixi uterq;  
 alter per tempora, alter per ilia adactis sagittis collapsi ex equis cædūt.  
 Ceteri capti. Antonellus uictor magna præda, eximijs cæsorū spolijs ē pu-  
 gnare dedit. Huius uiri fidem, consilium, fortitudinem, sunt qui tollentem in  
 cœlum Ferdinandum sæpius audierint: cum illius ingenio acceptum refer-  
 ret, quod ea regio tot passim rebellantibus, breui pacata, imperium accepe-  
 rit: idq; eò apparebat admirabilius, quod Antonellus omnem adolescentiam,  
 primam etiam iuuentutem in literarum egerat studijs, otioq; ac libris de-  
 ditus: post uero bellicis cum se negocijs tradidisset, eò laudis atq; autorita-  
 tis processit, ut et consilio præcipue bonus haberetur, et conferendis ma-  
 nibus maxime audax: nec minus dux prudens, quam miles strenuus, inci-  
 piendis atq; administrandis rebus ubiq; par. Hec dum in Brutijs admini-  
 strantur, Ioannes Vigintimilius à Ferdinando missus, propter ætatis auto-  
 ritatem, ac rerum gestarum gloriam, mari ad Brutiorum litus prouectus,  
 Antonium adiijt, quodq; de cōciliatione prius agitatum esset, cum illo tran-  
 segit: quibus transigendis illud etiam effectum est, uti Ioanna Antonij filia  
 Masio desponderetur, cōditionibus ex amborum sententia scriptis, uti sua  
 Antonij, liberorumq; eius essent oppida, agri, et bona quæcūq; uxori hæ-  
 reditario iure deberentur, quæq; ipse olim tenuisset: Masius Castriullari  
 Dux declararetur, cum ijs agris, oppidisq; quæ ipse belli iure tū teneret.  
 His conuentis, hacq; rerum gestarum gloria elatus Masius, in fines Terræ  
 Nouæ uniuersis cum copijs digressus, oppidū ipsum statim recipit, itemq;  
 Sanctum Georgium: ē cuius arce Rogerium Oriliam, equitem Neapolita-  
 nū, duosq; item alios nobiles uiros ē summis arcis pinnaclis in rupes ma-



ximè præruptas deijci iussit: spectaculū sanè horrendū, immane, nouum, atq; ob crudelitatem ea tempestate per Italiam ab amicis, aduersarijsq; iussit à nobilitatum. Sunt qui factum excusent, quod cum Ioannes Barresia Masij frater in foro Cossentino, nulla honesta causa à popularibus in frustra concisus esset, hoc genere uindictæ ulcisci fratris ipse interitum uoluerit. In de aduersus Galeoctum Baldasini profectus, qui, ut erat fluxa fide, ad Andegauensem iam descuerat, scalis noctu summo silentio admotis, urbem nomine Oppidum capit, ac captā diripit. Largaq; cum præda ad Terram Nouam reuersus illic hyemauit, ac per speciem colloquij, ueterisq; cōsuetudinis, Marinū Curialem, qui Giracium tenebat, capere dum intendit, ille re per amicos cognita, dolum atque insidias fuga maximè improuisa uita uuit, tanta celeritate usus, ut equis, quo ferabatur, de nimio cursu in itinere exanimaretur. Inerant autem ingentes Masio uirtutes tum corporis, tum animi, maximè firma laborū tolerantia, frigoris, calorisq; patientia æque magna, uictus eius plerunq; militaris: uictus pro tempore, quiq; inter alios uix excelleret, perferēde mediæ militibus ipse suis exemplum erat, bonoris, gloriæq; appetitio insatiabilis, habendi cupiditas infinita: nec minus ut multa largiretur alijs, quàm ut ipse possideret quamplurima: periculorum incredibilis despicientia, difficultumq; inceptorum summa audacia. Ira tamen, superbiæq; uastū eius, uixq; sui capacem animū deformabant. Itaq; pace parta, compositisq; regni rebus, Neapoli agens, obuiam cū haberet Ioannē Spathasorū, hominem sibi aduersum, ac maximè infensum: qui salutandi regis gratia in arcē accedebat, ira atq; impotentia præceps, gladio illū obrūcat: quæ è re in carcere coniectus, aliquot post annos illuuit, atq; pedore obsitus, squalensq; diem illic obiit: uir utiq; dignus mitiore animo qui esset præditus, quiq; si nō magis grato, minus saltem seuerio principe usus esset. Anni huius exitu, in campis qui Beneuentum inter Apiciumq; interiacent, secundum certamē inter coruos, miluiosq; exortum est, siue ostentum illud fuerit, prognosticumq; futuræ ad Troiam pugnae, seu naturalis contentio, quod multitudine locustarum ijs in campis eo autumno prognatarum, quibus alites ipsi uescantur, pugnatum sit ob pastus cupiditatem. Primo igitur è certamine (nam bis pugnatum est) quod miluij acrioribus, magisq; falcatis armatis essent unguibus, alisq; uteretur patientioribus, maioresq; captarent auras, corui cum discessissent inferiores, paucis post diebus, ac si imploratis aliunde auxilijs, redire, de siore agmine generis sui uolucrum. Quod idem fecerat à miluijs. Coepta igitur acrima in aere pugna, corui sensim quasi inuito consilio, arteq; hac usi, intra uincta subidere, stantesq; aut super uitibus iam descondibus, aut super editioribus

ramis.

ramis, truncōque eminentioribus rostra subrigebant, ingruentisq; alis atq; unguibus miluios suffodiebant rostris, quasi pugionibus. Itaque cernere erat cadentis passim atque exenteratos miluios, singulorumq; ad casum conclamare coruos, crocituq; significare uictoriam, et tanquam cohortari aciem cantu, atque excire pugnantes. Quo pugnae genere cum certatum esset diutius, plenis tandem cadentiū miluiorum campis, ipsi tanquam in insidias delatos se intelligentes, pugnam deseruere, confessi uolatu fugam, atque alitis hostis super stragem uolantis uictoriam. Hic uerò elatus uictoria coruus, atque in cadem uersus, in stratos humi miluios sauire, iramq; ac rabiem exercere, conficere rostro semineces, atque è mortuorum aut capitibus cerebrum cruere, aut hausta è uisceribus in testina trahere unguibus, carpere præcordia, ac discindere armos rostris, demum nihil iræ reliquum facere, nihil nō permittere rabiei. Atq; ex hoc certamine uictor plureis dies perinde ac direptis hostium castris liber, lætusq; passim ferebatur. Hanc pugna, uolucrumq; conatus tantos plurimi mortales spectati cum uenissent, quo stragem ipsi cernerent, per uincta, camposq; uagabantur. Itaque alij pugnae genus acre cruentumq;, stragem alij tantam mirabantur. Erant qui uulnere uastitatem, et congestos quasi caesorum accruos suspicerent: nemo tamen, qui non futurum breui contendentium exercituum auguraretur certamen, partisq; alterius calamitatem. Eodem anno in Arenate Brutiorum agro mula equum peperit, pilo lauo, crinibus rutilis, oculis rufis: quem post Loisius Arenas ad Ferdinandum misit.

FINIS

IOANNIS IOVIANI PONTANI  
DE BELLO NEAPOLITA  
NO LIB. III.



NEVNT ESTATE Masius animo agitante quibus  
maximè consilijs, quaq; arte aduersariorū res pro  
sterneret, educto ex hybernīs milite, eoque instru  
cto, paratoq; in expeditionem proficiscitur, posi  
tisq; Medimam ad amnem castris, in mōte, qui est  
agri Plaisanatis, quanquā natura munito, manu ta  
men ipse arteq; erectis munitionibus, munitiorem  
multo illū efficit, ferreisq; atq; æneis tormentis circum dispositis firmat,  
eo consilio, ut relicto paucorū militum præsidio, uagari cætero cum exer  
citu liberè atq; impune posset. Parte ex alia hostiū duces, arcesso Baptista  
Grimaldo Ioānis legato, qui per id tēpus ad Sanctā Agatham agebat, eoq;  
duabus cum biremibus mari Arenatem in oram delato, conueniēre Mona  
stercij, dieq; cōstituta ad Antonij sanum, secundum litus maris, de rerum  
summa consultabant. Fuere autē, in qui conuenerunt ad sanum cum Bapti  
sta simul Galkoctus Baldaſinus, Loſius Arenas, Franciscus Gerūda, copia  
rū Martiani præfectus, Franciscus Caraciolus, et Ioannes Colacius filius,  
qui aliquot oppidis regionis eius præerant. Horum fuit omnium una sen  
tentia, uti data Loſio cura rei frumentariæ, ceteriq; cōmeatus, ipsi omnes  
coniunctis simul copijs, Masij inceptis obuiam irent. Itaq; paucis post die  
bus, positis inter Philogathos ac Panagiam castris, pedites, equiteq; illic re  
censito, utroq; cum apparerent hostibus superiores, decreuerūt castra ca  
stris conferre: atq; hac ratione, commeatu intercluso, illum aut ad deditio  
nem cogere, aut gladio rem experiri. Quā ad rem interceptæ Antonij ad  
Masium literæ, illorum animos mirum in modum confirmauerant. Mone  
bat enim ante aduentum Iaimi Centiliæ fratris, qui propēdiem affuturus  
esset trecentis cum equitibus, lectaq; peditum manu, nequo pacto manum  
confereret. Quo cognito, hostes ante Iaimi aduentum decreuere cum illo  
congreſſi, rati (quod post successit) superiores se futuros: motisq; confestim  
castris, haud procul Plaisano metantur, quingentis non amplius passibus  
ab Masij castris, quo die leuia quædam certamina inita. Postridie uerò ex  
eo loco digreſſi ad flumen proficiscuntur, eo consilio, uti munitis ad San  
ctum Philum castris, et prohiberent, ne comportari ad Seminaria cōmea  
tus posset, et tentarent trahere illum in certamen. Masius igitur (qua erat  
animi impotentia) uenientem in acie conspicatus hostem, expediri arma in

in castris confestim iubet: ac relict o Alphonso cum praesidio, qui castris praesset, ubi suos conuenisse instructos uidet, huiusmodi est eos oratione adhortatus: Ad praedam potius, quam ad pugnam quo uos horter milites, monet me tot praelijs spectata uirtus uestra, cui non maxima obstiter, non rupes, quin ipsi quocumque tentastis, ui, ferroque irrueritis. Ferro uos intramunitissimas urbes uia uobis mihiq; aperuistis, ferro aequis in campis deprebensum hostem non semel profligastis, ubique uictores, ubique hostium potiti. Aduertere eis ipsi cernitis, ignauissimo cum exercitu, imperitissimos duces, eosdemque inter se maxime discordes. Et haec quoque ignauissimorum militum mensis secunda uobis ferro est. Agite igitur fortissimi socii, irruite in eos quo soliti estis robore, quibusque uincere consuestis animis. Hac una acie, hoc uno certamine (mihi credite) deletis his copiis, regio omnis nostra est. Hac igitur acie, hac una pugna parate uos ad colligendos quos par est, quos fortitudo manet uestra, quam maxime uberes laborum uestrorum fructus. Ego dux, ego miles ubique periculorum socius atque hortator adero. Haec ubi dixit, in hoste instructa acie e monte descendit. Parte alia hostium duces instructis ordinibus procedentem Masium conspicati, impedimentis ad sinistram accliu in loco constitutis, praegrediente peditatu aduersus illum feruntur magnis clamoribus, summa alacritate. Duces ipsi suos quisque hortantur: Agite milites, nocturnos hos latrones luce in media quos indepti estis, caedite gladio, figite hastis, sternite iaculis, liberate regionem hac peste, uindicate a sicariis patriam, lux uobis auxilio est. Noctu per fraudem, per insidias in tenebris pugnare soliti, quod uidetis, aduerso oculis eorum sole procedunt, uidelicet assueti in latebris, dum conspectum hostium reformidant, improuisos adoriri. Haec dies, haec lux, uestra dextra, animarum uestrorum robur libertatem populis, uobis diuitias, gloriam, decus, otiumque comparabit. His utrinque duces militem quisque suum adhortantur. Et iam signa canere incipiebant. Erat medio utriusque exercitus conuallis nullo accessu, aut calle, nisi qua publicum iter, ac peregre incedentium uia. Itaque aduersarum partium duces, quod intelligerent Masium, quo impetura piebatur, conuallē transiturum, alam a sinistra lectissimorum equitum collocarunt. Ille ad conuallē ut peruenit, turmas equitum quatuor, aliam post aliam trans conuallē immisit. Haec consertis acriter manibus, peditatu hinc, illinc hastis equo transigente, aliquanto iam superiores aduersarios propellebant. Aderat ipse inter primos dux, ac nunc ante suorum ora ferri, nunc gladio hostem petere, peditum immittere, hortari uoce, significare manibus, adesse se periculorum socium, atque adiutorem. Nec uero duces aduersarum partium non ipsi ferire, cadere, in hostem in-

currere, uulneratos ex acie subducere, integros summittere uirtutem, ad fortiter facta suorū extollere, eleuare aduersariorum. Cum iam in hoc statu rerum quinta à Masio immititur turma, è cuius pugnae euentu in alterutram planè erat partem uictoria inclinatura. Itaque nihil à militibus, nihil ipsis ab ducibus omitti, exanimari equites, exanimari pedites, aestu, labore, puluere, uulneribus, equi plurimi transfigi, pedites equorum impulsibus passim sterni, ungulis atteri, sauciari, cædi. Tum Masius eo acrius instare. Nam si ut aliàs, hanc quoq; mouisset loco turmam, hostes ibi in fugam uersurus erat. Itaq; summis uiribus anniti, nunc solus in hostem ferri, nunc alios secum rapere, hos dextra, illos clamore impellere. Hic uerò hostium duces (quòd rem in summū adductam discrimen intelligerent, aduersariūq; fessum iam, uirosq; atq; equos defectos uiribus) aliam illā recentibus equis, uirisq; à sinistra immittunt tanto impetu, ut ea impulsu suo disiectum hostem dissipatumq; nullis ultra sustentatum subsidij in fugam uerterit. Dux ipse decem cum equitibus è maribus hostium elapsus, Seminariam quammaximè citato cursu cōtendit. Fugientem pauci ex hostibus insecuti, in quædam Capacius Capanus, qui dū ab alijs deseritur, ab alijs qui cum Masio fugiebant, captiuus Seminariam ducitur. Strages fuit equorum maxima, peditū, equitumq; plurimi sauciati. Masiani penè omnes capti, cæsi equites aliquot strenui ac fortes uiri: in ijs Gulielmus Rufus sclopetaria pila traiectus, ex quidem dignus ob animi, generisq; nobilitatē longiore uita uir. Dumq; uictores ipsi ad spoliandos qui cæsi iacebāt, phaleratosq; conuertuntur equos, Loisius Gentilis è Masij præfectis stratus humi, grauatusq; uulneribus repertus est: quodq; eo in congressu in galeæ suæ cono insigne ferebat, quod ferre Masius alijs esset in pugnis solitus, dum fama fertur esse Masius, è finitimis oppidis manus quæ in castris tum erat, in illum uersa, corporis eius uix partē aliquā, quæ non aut telo, aut ense, aut pugione petita fuerit, intactam reliquere: tanta propinquorū oppidorum populi in Masium ira, rabieq; incensi ferebantur. Victor inde exercitus ad expugnanda castra profectus, acriter ea aggressus capit. Alphonsus inter dimicandū, uallo furtim egressus, Burrellū fuga petijt. Hostes castris potiti, quadriduum in ijs quicere, dum uulneratos curant, recensitisq; captiuis prædam partiuntur. Inde Seminariā profecti, duobus circiter passuum millibus ab oppido Petracem ad flumen metantur, rati oppidanos deditionē fluctuosos, dum agrorū uastationem minimè toleraturi uidentur. Cum interim exercitus rei frumentariæ exterminia penè inopia laboraret, ut qui armentariæ tantū præde raptō, animalūq; aleretur, uisceribus triticoq; subuiri di è mesibus iuxdū maturis excusso, coq; aut pruna, aut caldarijs exco-

flo. In hac itaq; deditionis expectatione cum essent, Baldasimus cuius ut corporis, sic animi quoq; in composita admodū, ac uasae uires erāt, leuissimas ob causas, ira atq; indignatione praeceptis, equestris militiae quosdam, alios hasta, alios fuste cum percussisset, tumultuantem penē omnem in se exercitum traxit, dum equites alij, dum equitū praefecti indigne, impotenterq; ab illo factum egerimē frunt, criminantiumq; in castris audiuntur clamores. Is igitur, ut erat animi impotens, atq; intractabilis, cōclamatis uasis, repente ē castris se proripit, profectusq; in agrum Giraciensem, maritima in ora cōsedit. Quo facto duces alij, quod impotentia hominis, furiarūq; nec precibus, nec ratione ulla lenire potuissent, et ipsi dissoluto exercitu ad oppida quiq; sua, agrosq; reuersi sunt: cognitumq; praecipue tūc est Baldasimum, cuius in Europa clarū admodum nomen erat, quod saepius in singulare certamen cum prodisset, uictor semper euaserat, uires illas corporis admirabileis, tantamq; membrorū dexteritatem, animi morbis, moribusq; foedasse intolerandis, naturāq; ipsam, qua gignimur, quibus hominibus corporis attribuendis uiribus maxime consuluerit, eisdem animorū conferendis uiribus aequē uix unquā prospexisse. Quippe quae huic uiro parū pēs, nihil omnino moderati indiderit, cuius animus esset trux, uiolentus, inexorabilis, uasus in cupiditatibus, foedus, crudelis, immanitate etiā fera. Huc accedebat, quod in tanta elatione, hominūq; despicientia, bellicis in rebus parū se pro hominū opinione, ueteriq; dignitate gesserat. Is igitur Brutianū in agrū ē Giraciensi profectus, turrim quae Brutiana dicitur, die noctuq; cū acriter oppugnasset, irritō inde incepto abiit: cūq; castellis ab alijs esset repulsus, quod Alphōsus Centilia magnū in singulis peditū praesidiū imposuerat, quodq; intellexerat Alphonsum Ferdinādi filiū mari ad oram Cossentinā appulisse, ualidisq; cōparatis copijs cum Antonio et Luca simul aduersum se parare expeditionē, Rocellā se cōtulit, distributisq; per oppida quae ei parebāt militibus, decreuit illic Alphonsum expectare. Inter haec post Baptistae Legati discessum Loisius Arenās sibi, rebusq; suis iuxta metuens, per Alexandrum Tosum ucterem familiarem egit cum Alphonso de conciliatione. Eo igitur dedito, receptisq; oppidis omnibus quae sub eius ditione erant, Alphonsus aduersus Baldasimum proficiscitur. Ferdinandus enim pater cū intelligeret Brutiorū res laborare praefectorum ambitione, ducumq; suorū seditionibus, decreuit eō Alphonsum, qui esset liberorum suorū omnium natu maximus, mittere, fore ratus, uti duces, praefecti, procures, regionis uniuersae populi, Alphonsi dilectis iuxta omnes parituri essent, imperataq; obtemperāter facturi. Is itaq; ē portu Neapolitano soluens duabus cum triremibus, felici nauigatione usus, acceptusq; à Luca

quam familiarissime, per eius agros Cossentiā profectus: ibiq; conuentu habito ducum ac procerum, qui patris imperio parentes tunc erant, coniunctis simul copijs ad obsidendam Rocellam progreditur. Id est oppidum Ionium ad mare situm, naturaq; ac manu satis munitum, quod Baldasinus praeualido tuebatur cum praesidio peditum atq; equitum. Itaq; oppugnatione perdifficilis erat, multiq; quo: idie balistarum, ancorumq; tormentorum crebris excussibus sauciabantur. Et quanquam obsidio ipsa apparebat futura diuturnior, diffusus tamen Baldasinus rebus suis, quodq; acerbissime imperitasset, sibi praetimens, sub speciem aduehendoru e Sicilia auxiliorum, triremem ascendit, quae ad ancoram stabat, noctuq; cum liberis in Siciliam nauigauit: cohortatus prius milites, uti fidei, amicitiae, pristinaeq; fortitudinis memores essent, breui se affuturu pollicitus magnis cum auxilijs, bellicisq; omnis generis instrumentis, diemq; expectandi sui cum illis statuit. Alphosus ubi intellexit Baldasinum relicto oppido in Siciliam nauigasse, eo acrius oppugnationi intentus erat. Itaq; nihil remisse ab suis agi sinere, nihil apud obfessos quieti esse, summa omnia diligentia administrare, tentare obfessorum animos, ac maxime militum, pellicere eos ad deditionem pecunijs, praemijs, pollicitationibus. At milites quanquam obstinatis animis obsidionem, diurnosq; ac nocturnos labores non minus pertinaciter sustinebant, quam fortiter: tamen cum ille nec statutam rediisset ad diem, nec aut reditus eius, aut auxilij reliqua esset spes ulla, atq; indies omnia apparent difficioliora, cum se denique frustra a Baldasino habitos intelligerent, scriptis conditionibus, seq; atq; oppidum Alphonso dedidere, popularibus publice priuatimq; data uenia, milites plerique acceptis stipendijs in Ferdinandi uerba iurauere. Quod exemplum alia item oppida quae Baldasino parebant, secuta statim sunt, quiq; item equites in illis erant. His peractis, Alphosus compositis pro tempore populariu rebus, Penteda stylos cum exercitu proficiscitur: quod castellum millibus passuum quatuor abest a litore. Castellani haud procul a Castelli porta munitionem longe prius crexerant, quam Alphonso tanto est aggressus impetu, ut castelli metu perterriti, ea destituta intra Castellum se reciperent, quibus trepidantibus immixti hostes castello potiti, illud diripiunt. Maritimam inde per oram instructo exercitu procedit ad Mottam Anomeriam, tentatisq; animis Mottanorum, cum deditio negaretur, iussit tormenta ab Rhegio festinari, interim munitionem summo studio erigi: quodq; solum esset glaucosum, materia ex arborum ramis caesa, parum poterat aggesta, quae male inhereret, terra contegi, cum aggeres lignea, quam terrena materia magis costarent, quodq; aestiui torreret calores, breui materia omnis aruerat.



rat. Hoc animaduertens Mottæ præfectus, qui hostibus in constituendis munimentis quasi timentis speciem præbuerat, nactus occasionem flantibus auris, die medio ignem sulphurea admisti materia immisit, raptimq; omnis ea aggestio cōflagrauit. Quod ægerrime cū ferret Alphonsus, iussit denuo aggeres restitui, quod esset futurum bombardis, atq; eorum excubijs munimentum. Quibus reficiendis magnis laboribus permulti dies consumpti cum essent, bombardæq; ex præscripto collocatæ, ualido etiam præsidio illis imposito: rursus præfectus nocturno tēpore, cōparatis prius sulphurei pulueris sacculis, uasculisq; item olei, magnoq; silētio, cōspersis oleo exterioribus tabulis, sacculisq; passim iactatis ac sopitis de multa lassitudine uigilijs (nam et ipse ad multā eos noctem defatigauerat) ex improviso inferri ignem iussit: quo statim comprehensis undiq; munitionibus, uno omnia tempore ignibus ambusta sunt, tela, clypei, thoraces, armorumq; omnis generis nō exigua copia. Vigiles tandem excitati flammarum strepitu, materiæq; crepitantis fragore, adhæc illorum uocibus qui è muris inclamabant, uix incendio elabuntur: hinc fumo conspectum eripiente, illinc flammis fugam impedientibus. Igitur ubi sol illuxit, castellani irriderere uanos militum labores, continere tot operas, tot irritos conatus, ludere, cachinnari, exprobrare. Illi dolere tot dies incassum absumptos, pudere ignauie, accusare præfectos: hi uigilum secordiā, cœnas, atq; intempestiua conuiuia. Alphonsus ira, indignationeq; angitur, turbari, penē furere. In hac itaq; eius perturbatione ludificatisq; consilijs, hostes qui extrema laboraret aquæ penuria, per hominem Antonio Centiliæ cognitum, cuius consilio atq; opera Alphonsus in primis utebatur, egerunt cū illo de deditiōe. Antonius in re præsertim desperata, hoc cognito, ad Alphonsum properat, rem explicat, hortatur, monet, oblati deditiōis occasionem elabi è manibus ne patiat. Cuius autoritate persuasus Alphonsus, conditionibus statim subscribit: castellumq; ingressus, ubi comperit aquæ reliquum quantum eo die satis esset, neq; amplius castellanis esse, admiratus hostium solertiam, ac fidem, maximis extulit eos laudibus. Anomeria recepta ad Mottam Russam copias admouit, per fœlisq; summa celeritate, non minori studio munimētis, collocatisq; tormentis ancis, ijsq; de cœlo asperissima tempestate tactis, maximo exercitus terrore, cuncta cœlitus exarserunt, salminisq; afflatu quatuordecim intra munitiones ex præsidiariis examinati. Sancius Agerba munitionum præfectus eadem procella attonitus, uix post dies plurimos ad se redijt. Restitutis uerò munitionibus, multis laboribus, magnis operis, cū nihilominus castellani pertinaciter se defenderent, Antonius quidam, qui è monacho per summū scelus fœlus esset miles,

atq; ob morū improbitatem agnominatus Gabadeus, cum esset ipse unus ē turris custodibus, obtulit popularibus clām se transiturum in hostium castra, tormentaq; clavis ferreis confixurum, ne displodere post id possent. Cuius cum esset cōsiliū ab illis laudatū, ipse, furtim castra ingressus Centiliam adit, offertq; proditurum se Alphonso turrim, soluto pretio, signaq; ac diem constituit. Re ab Alphonso comprobata redit intra castellum, hoc prius cum Centilia composito, ut perinde atq; tormenta confixa clavis essent, ne quo modo aliquandiu disploderent. Reditus eius maxime acceptus popularibus, præsertim non displodentibus bombardis, confirmata fide promissorū. Igitur Gabadeus diem ad dictam turrim ascendit, aliquātumq; castra munitionesq; conspicatus, ac si magnum etiam aliquid animo aduersus hostium munitiones agitare, quod sol esset ardentior, rogauit socium, qui unus cum ipso ascenderat, pilcum ad se uti deferret feruentissimum sub æsū integendo capiti. Itaque ob eam ille causam ubi ē culmine descendit in imum turris, confestim Gabadeus subductis sursum repente scalis, pallium hasta infixum, quod signum proponendum conuenerat, ē propugnaculis prætulit. Milites, qui ad munimenta instructi paratiq; aderant, signū conspicati, turris ad uallum magno impetu concurrūt, atq; inde intra turrim excepti in castellum irrumpunt, captumq; confestim ac direptum, atque Alphōsi iussu incensum est. Turris ad solum diruta, populares magnis propositis supplicijs ni parerent coacti Rhegium commigrare. Tentata inde incasum Sancta Agatha, cum oppidum esset maxime omnium munitum, ac ciues ipsi supra omnes mortales Andegauiensis factionis studiosi, Baptistaq; haud inualidum secum haberet præsidium, decreuit Alphonusus Cossentiam regredi, apud Flumariam oppidū aliquantum temporis Centilia cum copijs relicto. Bienniū inde Baptista, pacata iam uniuersa regione, uexauit finitimos, magnis prædis sæpius abactis, nec prius oppidum se se dedit, quā Ioannes ē Masilia Baptiste scripsit, suadere populo dedicationem: quam ijs populus conditionibus fecit, uti sub Bartholomæi Cardinalis moderatione esset oppidum, fraterq; eius Florius ius eis nomine Cardinalis diceret. His peractis Baptista, fide publica ab Alphonso accepta, cum ijs omnibus, qui remanere in patria recusarunt, Messanam primo in Siciliam traiecto freto, Narbonensem inde in Galliam ad Ioannem mari delatus est. Hæc per id tempus in Brutijs gesta.

FINIS

IOANNIS

IOANNIS IOVIANI PONTANI  
DE BELLO NEAPOLITA  
NO LIB. IIII.



ADEM æstate Tarentinus adulta iam in campis segete, cum omnis in unum coegisset copias, infestissimo exercitu Andriã petit, castrisq; propius admotis, obsidionem quam destinauerat pertinacissime aggressus, micenia pluribus simul locis quatit, nihilq; remissum, aut quietũ esse apud circũfessos, et laboranteis sinit. Quoq; à Francisco Duce magis magisq; ciuium alienet animos, atque atrocius terreat: non solum agros uastat, diruitq; ædificia, sed domos, atque frequentia urbis loca æneis tormentis die ac noctu quassat, non sacris, non profanis abstinens. Apparcbat illum ita necessitudinis et humanitatis oblitum, ut nihil præter urbis eius ruinas, præter Francisci, ac Pyrrhi sanguinem, Bauciacq; excidium gentis cuperet, odio atq; immanitate præceps. At Franciscus, quod unum, ac maximum obsesis urbibus remedium ac præsidium esset solet, ciues humanissime alloqui, appellare singulos, sua maiorumq; suorum publicè, priuatimq; benefacta memorare, de rege liberalissime polliceri, auxilia propè diem affutura dicere: nec passurum fortem, atq; amicũ regem, deditissimũ sibi populum, benemeritum Ducem, cum gente Baucia, cum uxoris suæ sorore, indefensos, desertosq; hostis prædam, ac Tarentini spectaculũ fore. Hæc aliaq; ingentem præ se specm ferens commoratur. Nec uerò Sanxia uxor, uirilis animi matrona popularibus suis de-erat, discursare per urbem, sua præsentia, sua oratione plurimum spei, plurimũ illis firmitatis addere, uulneratos solari, egentibus subuenire, in summis difficultatibus summum robur ostendere: omnia ab utroq; dici, agiq; quæ confirmandis animis, leuandis laboribus, solandisq; præsentibus malis cõferre intelligebantur. Regẽ uerò literis ac nuntijs quo in statu res essent, certiorẽ facere, rogare uti quamprimũ auxilia mitteret. Se indies magis ac magis premi, populum Andriensem imbellem, uerendam hominum inconstantia, præsertim in magna annonæ difficultate, arcem in urbe nullam esse, in quam confugiat: itaque urbe amissa, ne specm quidem reliquam aut tutandi sui, aut illius aliquãdo recuperandæ. His rebus permotus rex, quod unum tunc afferre auxilium poterat, nõdum enim à Pontifice, atq; a Francisco Sfortia stipendium militibus missum fuerat, et ipse magna laborabat ærarij difficultate, Alphonsum Diualem, qui Ariani in Samni-

tibus hyemauerat, quanto celerius posset, subsidio ire iubet, pecuniamq; quantā pro tempore poterat, ad eum mittit. Magnis interim Andria in periculis uersabatur: moenia pluribus locis corruerāt, deiectae ē turribus plures, corruentium murorum ruinis fossae impletae: plurimi intus dum aggerem extruunt, dum propugnacula erigunt, uulnerantur, non pauci etiam cadunt. Iulius Antonius Tarentini gener, quod Picininus Francisci res perditum iri nolle, propter ueterem amicitiam putaretur, autor atque hortator nihil reliqui facere, nullam obseſis intermiſſionem, nullam quietem diurnam aut nocturnam esse pati. Ceterum non exiguum ad salutem popularium remedium erat, quod Andria non modica ē parte antris habitatur, unde sunt qui nomen duxisse illā credant, his se pler. eq; mulieres, atque imbellis etas continebat. Franciscus Dux, dum ijs qui ad aggerem laborabant, socius, atque adiutor adest, dum suos confirmat, cognitus ab hoste parū absuit, quo minus tormentario ictus lapide sub corruentis muri ruina decumberet. Quotidiana praelia conserebatur, ne quiete quidem à certamine noctes erant. Hinc atq; illinc multi uulnerati, aut occisi. Quo tempore Franciscus dum laborantibus suis equo uectus noctu accurrit, atque ante eum sacula incensa praefertur, atroci colubrina Tarētini iussu petitusest, quae posteriorem equestris sellae partem secum auulsam trahens, ille sum illum tamen, solo deturbauit. Ad haec hostis ipse, quo praesidiarius Pyrrhi miles de fatigatione, uulneribusq; confectus, rem Andriensem imbecilliores redderet, de industria, repentina certamina excitari iubebat, ac subinde ad arma cōcursari. Mittitur etiam à Francisco Barolum ad Barnabam, qui tum rei Barolitanae praerat, uti peditem quo ipse maxime egeret, quoque illum paucis ante diebus iuuisset, confestim remitteret. Nam quia corona cingi urbem passus non esset, facilis adhuc intra muros illi exceptus foret. Quod ab illo, dum sibi, rebusq; Barolitans uehementius timet, pernegatum est. Dum haec ad Andriam geruntur, Mineruium à Pyrrho ad Tarentinum, missis ab illo qui oppidum acciperent, deficit. Qui Pyrrhi partes fouebant, eorum pars in arcem confugiunt, in qua Maria Donata, Pyrrhi coniux cum paruis liberis, ipsa grauida, et maturo propē partu erat, quorū bona statim direpta sunt. Arx, ne qua ijs qui in eam confugerant fuga patēret, ne ue intra accipi praesidium posset, ab ijs qui Mineruium curabant, praesidio imposito cingitur. At res Andrienses quotidie magis ac magis ad excidium spectabant, frustra subsidium expectabatur: et quanquam in hac obsidione maxime cognitum est, nullum firmitus ciuium beneuolentia munimentum esse, tamen cum animi omnium seſsi uideretur, spesq; indies minor esset, ab hoste uerò quae ad oppugnationem

gnationem pertineret, summa cura administrarentur omnia, annonae prope nulla esset, praeter hordeaceum panem, eumque paucissimorum dierum, resque in angusto uersaretur, et iam Alphosus aduersus regis praescriptum in Samnites, Pelignosque iter diuertisset, nec a Barolo subsidium ueniret: tum uero primum Franciscus Dux necessitate uictus cogitare de conciliatione cum Tarentino coepit. At nihilo imbecillius, aut minus strenue in tanta militum paucitate, moenia, turresque tutatus est, centum quinquaginta bombardis opportuna per loca dispositis, ut ne ipsas fossarum ripas attendere hostis unquam sit ausus. Quocirca faciundo cuniculo, quo intra urbem noctu irrumperetur, magna cura dari operam Tarentinus iussit. Re autem a Francisco cognita, nihil ab eo omittitur, quo frustrari hostium conatus posset. Itaque dum irrumperere hostis intra muros parat, Franciscus patefacto cuniculo suo, sublatis clamoribus in hostem fertur: et quanquam ignis, incendiisque fomenta parata erant, quo urere illos ad unum intra cuniculum destinarat, religione tamen uictus, ac rerum humanarum memor, abstinere incendio iubet, captosque, atque armis exutos illos, ac per domos distributos, familiariter accipi a ciuibus imperat, atque ubi illuxit, benigne appellatos in castra cum uestimentis remittit. Quae res illorum ita sibi deuinxit animos, uti reperti ex eis fuerint, qui per famulos, aut amicos suos clam frumentum, cuius inopia premi urbem sciebant, aut intra urbem immitterent, aut in ipsas fossas excipiendum noctu ab oppidanis deiecerent. Quibus artibus aliquot diebus fames in urbe tolerata est. Cui rei Tarentinus, quod prospicere nullo modo posset, dolore, rabieque conficiebatur adeo, uti sagittis balistarijs ueneno delibutis tollere Franciscum e medio, pretio corruptis balistarijs tentauerit. Igitur cum ab illo tentandi gratia noti quidam homines missi intra urbem ad colloquium essent, atque in ijs Laurentius Miniatius, uir utrique propter siderum cognitionem notus, et ob animi integritatem ac fidem gratus admodum, atque acceptus, agere cum eo Franciscus statuit de conciliatione. Sed cum animo destinasset sese nunquam in Ioannis Renati; nomen uerbaque iuraturum, quod Tarentino nequaquam displiciturum intelligebat, ita quidem conuenit, uti Franciscus seque urbemque in fidem Tarentini permitteret, scriptisque in hac formam conditionibus, diebus noue et quadraginta, ex quo obsideri coeperat, deditur. Quae res in Ioannis animum altius descendisse dicitur. Pyrrhus filius noctu cum paucis equitibus, ut qui Tarentini conspectum adire, ac ferre nolle, fugam arripuit. Facta de ditione, rebusque est formula compositis, Tarentinus ad arcem oppugnamdam, Mineruinum partem exercitus mittit, ob Pyrrhi fugam longe infensior factus. Qui postquam nec precibus, nec minis tentatam impellere ad

deditionem Mariam nequit, arcem non minus crudeliter, quàm pertinaciter oppugnari iubet. Concutitur itaq; assiduís tormentorum íclibus. Labe-  
 factantur pluribus etiam locis muri. Ipsum quoq; gynæceum, ubi mulier  
 pleno utero, languenti corpore, ingentibus uicta malis sese continebat,  
 patruí iussu plus etiam quàm hostiliter pulsatur, oppugnationem tamen  
 uerius quàm obsidionem supra muliebrem animù fortiter sustinet. Addit  
 igitur eius constantia, obstinatioq; propugnatoribus animum, paranturq;  
 ab ijs ad propugnandum opportuna, quantum ars, quantum pertinacia  
 ualeat. *Quæres* Tarentini animù cò acrius irritabant. Itaq; eius insu ex-  
 pugnationi necessaria, mira celeritate, summo studio, diurnis, nocturnisq;  
 expediuntur laboribus. *Quoq;* Mariæ prospectum sædet, ac lucem ipsam,  
 qua nil est mortalibus gratius, ante os illius, oculosq;, suspendio confectum  
 hominem in iugo statui iubet. Circûsonabant omnia minarù, ac terrorum  
 plena, palamq; audiebantur uoces: quibus significabatur, sædæ exempla,  
 atroceis cruciatibus, crudelia supplicia parari. At uerò significatù ubi est ei,  
 Mariam morbo simul, partitudineq; aggravari, uictus pietate senis ac pa-  
 trui animus, memorq; ex fratre, quem unice amasset, genitâ (adèò in acer-  
 bißimis etiam odijs naturalis perseper recurat affectus) quotidianum ad  
 eam uictum deferendù curauit, qualis languentibus dari solet. Hæc ad re-  
 gem perlata cum essent, eius animum uehementius perculsere, mouebant  
 amissa oppida, in primis uerò ne quid in Franciscù Ducẽ crudelius admit-  
 teretur. Inexorabilis enim Tarentini animus iure plurimù suspectus erat.  
 At Maria, quòd nulla ulterius tuẽdæ arcis spes esset, muri solo æquati, mu-  
 nimẽta euerfa, ac disiecta ab imo essent omnia, nullù deniq; auxiliù paratù  
 intelligeret: nec sustineri ià oppugnatio posset diutius, capta uerius quàm  
 dedita, exuta penè bonis omnibus, ac maledictis oppleta, cù liberis Spina-  
 ciolâ à patruo mittitur. In eos, qui in arcem cõfugerant, seuitù est. Arce ca-  
 pta, Mineruino mouens Tarētinus, Canusiù proficiscitur, arcis præcipuè  
 potiundæ cupidus. Intelligebat enim Canusio capto, Barolù, et quicquid  
 trās Ausidù esset amnem, breui suâ sub ditionem iturù. In hac obsidione il-  
 lud auare nimis, impotenterq; admissum est, quod dum thesauris inhiatur  
 absconditis, ne à sepulcro quidẽ maximi principis Boamundi temperatum  
 est, quod aliquod etiã seculis, atrocissimorù quoq; bellorù turbinitibus inta-  
 ctù, inuiolatumq; extra urbẽ in Sabini tẽplo magna quadã religione per-  
 manserat. Quod facinus palàm docuit maximè sædũ ac detestabile animo-  
 rum malũ avaritiã esse; sacra profanaq; in æquo eã ponere, rapiendi licen-  
 tiam summũ ius ducere, nullũ deũ metũ, nullũ honesti respectũ habere:  
 id demũ decere, fasq; esse, existimare, parto quauis ratione plurimũ abun-  
 dante.

dare. Sunt qui Tarentini hoc iussu, alij Picinini factum criminentur. Illud satis constat, Tarentini iussu ciuillas fuisse templi fores, ex ære constatas, quas post ipse templi ingressus religione ductus restitui iusserit. Cæterum Canusium urbem fuisse ciuibus, aduenisq; maximè frequentem, secundumq; Ausidum flumen positam, emporiumq; regionis eius, ambitus ipse ac situs argumento est. Nam et Cannensis cladis tempore, multa Romanorum millia, quæ illuc cõfugerant, amice liberaliterq; accepta pauit, et ad Viscardi usq; tempora caput regionis fuit. Quam, ob defectionem, expugnatam, incensamq; ac solo æquatâ memoriæ prodium est à rerum scriptoribus, iisdem ferè quibus à Roberto tēporibus Roma quoq; magna è parte incensa est, dum Gregorium Septimum Pontificem Maximum illic circūfessum, ab ira Errici Tertij ereptū liberat, ac Salernū secum ducit. Aedificatū autē ab Diomede unā cū Harpis ac Siponto, non desunt è Græcis qui tradant, dum Europam, atq; Africam ferè omnem colonias esse suas uolunt. Tempestate uerò hac nostra præter tumultū, in quo arx tunc erat, præterq; Sabini templum, quod extra tumuli muros sitū est, solo iacent æquata omnia, uixq; aliquod tantæ urbis uestigium extat: cuius profectò excidium non parum uidetur cõtulisse Baroli affinis oppidi frequentie ac celebritati, dum propter agri uicinitatē, rerumq; opportunitatem maritimarū, ciues patria amissa eò cõmigrant. Siquidem Heraclius Imperator, dum transportadis à mercatoribus ex Apulia in Macedoniā Epirūq; præcipuè mari, prospicit mercibus, dum nauigantiū saluti, onerandarumq; frugū cõmoditati, publicisq; portorij ratione hac consulit, molem eo in litore iccit: quæ nūc quanquam partim oppleta est ciuium ob negligentiam, partim nullo reparante maris quassata fluctibus, magno tamen usui est onerandis, atq; exonerandis nauibus. Extat etiam ænea Heraclij statua, quæ ad molis initium ob eius iactæ memoriæ, tunc erecta fuit, id quod statua ipsa etiam dextra protenta significat. Hæc dum à Ioanne Antonio geruntur, Ferdinandus signis ad Sueffulam in Campania de more lustratis, diē quæ ad conueniendum dicta, ipse modicis itineribus in Samnium profectus secundum Laucellam (id riuo nomen est) castra posuit. Ibi uiginti dierum, dum eques conuenit, statiuæ sunt habita. Quo tempore exploratis hostium consilijs, quid aut sequendum, aut cauendum esset, animo continenter agitabat, pluribus simul rebus intentus: populos enim qui in fide, officioque perstabant, nullis nō rationibus atq; artibus confirmat, dubijs spem, fiduciamq; adiūgit: qui ad hostem de fecerant, eos partim minis territatos, partim impunitate proposita, ut ad officium redire mallet, præmijs quoque, pollicitationibus quæ sollicitatos inuitat: quid in Pelignis, Marsis, Brutijs fieri



placcat, ducibus præscribit, nihil à quoquam remisse agi, nihil segniter geri passus. Igitur undiq; coactis copijs, cum ex communi ducum sententia bellum in Apulia gerendum decerneretur, nequid hostile à tergo relinqueret, aliquot castella, quæ in Apuliam descendenti ad Apennini radices posita iter reddebant infestius, prius expugnare decrevit, ac die profectiois edicto, secundis castris cum septem ac quadraginta equitum turmis ad Aquam Diam profectus est. Id castellum loco edito situm, qua solis occasum prospicit, sanè angustum habet aditum, tractuq; satis brevis, cætera firmè omnia rupes occupat. Castris pro loci natura positis, cum oppidani deditione facere recusarent, rex obsidendi castelli consilium cepit. Et iam obsidio ipsa futura diuturnior apparebat, quod hostis aduentare nuntiabatur. Igitur contentiore animo esse, oppugnationi opportuna comparare, materiam undiq; comportari iubere, tormenta ænea è Campania magno conatu decuehenda curare, nihil segne, nihil remissum pati. Interim hostis, quo regem ab incepto deterreret, relicta Canusij obsidione, quinque millibus passuum ab regijs castris, ad Focaciam confederat. Equitatu quàm regius erat aliquanto minore, peditum uerò circiter septem millibus, in quibus ad tria millia balistariorum erant. Qua fiducia castellani confirmatis animis, cum se neq; corona cingi posse intelligerent, et noua quotidie à Ioanne Antonio subsidia per agros quamlatissimos nocturno tempore mitterentur, obsidionem indies magis magisque contemnebant. Nam et munitiones, quæ à regijs excitabantur, securi despiciebant: et quotidianas penè eruptiones ex oppido cum facerent, prælijs ita laceßebant, uti multos è regijs uulnerarent. Cæterum in castris laborabatur uchementer inopia commeatus, quod necesse erat ab longinquo summis laboribus, maioribus etiam periculis imitari, cum hostis interim assidue laceßeret, ac nunc in pabulatores, modo in frumentatores illatus, nihil tutum, nihil quietum, non die, non nocte apud regios esse sineret. Adhæc et Iacobus Vrsinus, qui Sanctam Agatham proximum tenebat oppidum, belli se medium gereret. Magnam forte rex post aliquot obsidionis dies equitum manum è castris emiserat: qui præsidio tum ijs essent, qui tormenta decuehebant, tum gregario militi, atque calombus, quos in loca diuersa pabulandi, ac frumentandi gratia multos dimiserat. Hanc occasione nactus aduersarius, hora diei firmè quarta, instructo agmine, tanta celeritate mouit à Focacia, uti eodem tempore et nuntius in castra quanquam citatissimo equo peruenerit, et hostis stare iam in acie conspiceretur. Ferdinandus repentina re permotus, et quid hosti consilij esset, incertus, quod ancipiti in re fieri solet, omnia oculis, animoq; lustrabat: et quanquam hostium incursum, temporisq; exiguitas ni-

hil quieto consilio geri sinat, cōfestim tamen pedites, quos paucis antè diebus scripserat, quorum etiam maior pars ab hoste transfugerat, ne eruptio nem castelli facerent, pro fossis arcte collocat, ignemq; à munitionibus arceri iubet. Strenuum queng; ac maximè fidū, quem aut casus obtulerat, aut ipse nominat inreuocauerat, ad repētinos coercendos impetus, ubi magis opportunum uidebatur, curare, atq; adesse imperat. Tribunos, præfēctos, duces, alium alij muneri destinat, ex quid facere queng; uelit, demonstrat. His actis pro præsentī re atq; copia, satis castris prospectum ratus, Robertum Calatinum cum equitibus quadringentis, quanta maximā posset celeritate, ijs qui in pabulatione occupati erant, subsidio ire iubet. Ipse equitibus, qui pro statione armati, atque instructi aderant, hosti iam è colle in planitiem, quæ sub ipsīs castris non admodum lata suberat, descendenti in agiem, iussis occurrere, reliquum exercitum cogit, ordines disponit, ne quid ab latere, aut à tergo incommodi accipiat, prospicit: nunc singulos, nunc uniuersos cohortatur, bono animo essent, impetum hostiū tantisper ferrent, dum gregarius rediret, dum arma totis expediretur castris. Hec agendo, ac nunc hos, nunc illos pristinae uirtutis admonendo, trepidationem sedare, militum animos confirmare, erigere spe, præmij, gloria. Et iam in planitie cōcurrī acerbis utrinq; animis ceptum erat, resq; in uniuersi exercitus certamen expectare uidebatur, hoste copias promouente: regio non solum non detrectante pugnam, sed ultrò etiam ad conferendas manus prouocante. Hec inter cum aliquantum temporis extractum esset, accurrunt nuntij, exploratoresq; qui omnia apud pabulatores, tormentaque tuta esse dicerent: nec multo post gregarius cum subsidiario equite haud procul conspici ceptus est. Quod ubi hostis intellexit, cōfestim suos in collem se subducere, atque ad signa redire iubet. Gregarius cum equite letis animis in castris exceptus, ubi paulum modò uires cibo refecisset, etiam omnia insequendo hosti ab rege parata essent, ad signa atque in ordines statim ire est iussus. Cernere erat, mutata belli fortuna, regium militum spei atque fidutiæ plenum, pugnae signum expectare, seq; uix in ordine, conferendæ manus cupiditate, continere. Contrà apud hostem omnia plena pauoris atque formidinis, solaq; in fuga spem esse. Quod ubi hostium duces intellexerunt, ueriti ne si pugna cepta esset, collatis signis, procul à castris suis, sole iam in occasum inclinante, dimicandum esset, citato gradu ac fugæ maximè simili, per summum collem redire suos in castra iubent. Hoc cognito rex, celeriter procedere agmen, qua intercipi posse hostis iter uidebatur, imperauit, ultimos à tergo qui adorirentur, immisissimaciamiam regis equitatus postremos affecutus, pugnam ciebat. Hic siue

fortuito, siue Picinini consilio, quod à plerisq; creditum est, tantus repente ignis extitit inter utrunq; exercitum, ut non equorū modò transitus flammis interceptus, sed equitū quoque aspectus esset fumo caligineq; sublatus, quæ subuiridi è stramine, fœniliq; materia excitata, cœlum repente omne circumfuderat. Reditum est igitur à regijs in castra sub primam noctem, hostis ipsius confessione, quo minus uictus ipse, profligatusq; esset, fumo flammisq; prohibitū. Qui si quo impetu uenerat, irrumpere in castra conatus esset, nā dies ille calamitosum bello finē imposuisset. Satis tamen constat Picinini audaciam, Tarentini cunctatione repressam esse. Die quæ insecta est, magno militū concursu, maiore spe, tormenta in castra perlatasunt, noctuq; ad iactum muris adnota. Vbi illuxit, regij ad munitiones, castellani ad muros, quæ cuiq; in sortem cesserat, laborare: hi tormentarios lapides subuectare, illi aggerem intus substruere: omnia summa uihinc atque illinc administrabantur. In medio fermē, quem diximus tractu, quadrata surgebat turris, ad cuius leuā oppidi porta erat aliquāto humilior, à qua ubi paulum modo processeris, demitti cliuius, atq; in horrescere rupes incipit. Eā primo turrim demoliri placuit, cuius ruina oppleta porta, muroq; qui portæ imminebat, æquato, aditus intra castellū liber militi permittebatur: multis itaq; icibus die noctuq; labefacta turri, pars eius anterior, opinionione citius corruit. Quæ è re defensorū animi fracti conciderant. At nihilo segnius præsidarius miles propugnacula munire, ne turris posterior pars exterius procumberet, machinis prohibere, non opera, non arte sibi deesse. Rex ubi quæ oppugnandis mœnibus opportuna essent, cōparata intellexit, exercitū uniuersum esse in armis imperat: ac nequa repētinus hostiū incur sus in cōmodo esse, neue quæ in castris, atq; inter oppugnandū excitare tumultū posset, intento in oppugnationē exercitu, militem pluribus in locis disponit, simul quid cuique agendum esset, præfatis, ducibusq; prescribit. Tum signo dato, magnis sublati clamoribus, in fossas procursum tātò est impetu, ut uallo superato admotis scalis acriter pro muris pugnaretur. Castellanus saxa conijcere, scalas comminuere, multos sauciare. Regius integras alias referre, murū rursus ascendere, nō uiribus, nō animo defici. Inter hæc rex castra subinde circumiens, ac nunchis, nūc illis se locis ostendens, integros saucijs summittebat, alios uoce, alios presentis cohortatus, multa quoq; per præfectos ac tribunos administrabat. Dum hæc à dextra turris parte geruntur, & pugna aliquantulū extracta, res in expectatione esset eorū qui ab leua dimicabant, tū repente disflota bombardæ, imminens porte murus concussus magnis fragoribus corruit. Quo collapso, qui in propugnaculis consistebant, partim ruina prostratis, partim maxime simili ful

minis procella deturbatis, regius quanquam fumo, puluereq; offusus undiq; magno tamen adortu intra castellum irruit. In ipso statim ingressu aliquot è propugnatoribus caesi, ceteri superante multitudine abiectis armis uiui capti. Hinc milites ad prædam uersi, castellum diripiunt. Ceterum cum direptio spectare in seditionem cerneretur (nam ex præda exigua, et diuersi generis miles erat, adhæc quod hostem esse in armis, et aduentare illum fama erat, cum tamen castris se continuerit) rex immitti ignem testis, pluribus simul locis imperauit. Captum igitur atq; incensum est castellum, inde uigesimo ex quo obsideri cœperat die. Cum interim finitimis è locis partim metu, partim studio partium, missis oratoribus, regi sese aliquot etiã castella dedidere. Biduo deinde quieti militum dato, cum interea de belli esset rationibus agitatum, Versaria omnium sententijs, ac totis uiribus petitur, omnisq; in eam uersus est apparatus. Fore enim satis apparebat, ea capta, uti penè omnia post tergum, citraq; Apenninum pacata redderetur. Ab qua in uniuersam quoq; Apuliam, quæ Apennino, Garganoq; includeretur, liberie discurSIONES pateret, Trioq; quæ regionis eius arx esset, à qua passuum millibus quatuor nõ amplius abesset, nihil tutum aut quietum relinqueretur. Quò peruenit cum esset, rexq; de more per præconem, uti deditionem facerent, postulasset, oppidani quod scirent Tarentini copias integras esse, nec se propter loci opportunitatem despiciendos arbitrarentur, rursum quod intelligeret Aquam Diam ante ducum suorum ora per uim captam, igniq; absumptam esse, spe metuq;, quid potissimum sequerentur, incerti erant. Verum quod tormenta propius admoueri scirent, quibus admotis, dedendi sui arbitrium non facile integrum relinquebatur, spem metu superate, deditionem in quadriduum, ni liberati interea obsidione ab suis essent, cum rege paciscuntur. Ferdinandus quod per hanc maxime occasionem futurum rebatur, uti collatis cum hoste signis, quod maxime auebat, decerneretur, quodq; è Campania nuntiabatur Marinum Martianum multis undiq; coactis militibus, ad uiginti equitum turmas, ad duo peditum milia secum habere, quibus aut agrum Campanum infestaturus uidebatur, aut in Beneuentanum transiturus, quo regem ipsum à tergo aut omnino includeret, aut arctius premeret, oblata ab oppidanis accepit deditionis conditionem. Igitur locis circum occupatis, nequa nocturno præsertim tempore irrumpere hostis posset, quem è Focacia mouisse per exploratores compertum erat, ad eum propellendum summa omnia diligentia ab rege parabantur. Interea Ioannes, Picininusq; (nam Tarentinus quartano morbo correptus è castris Spinaciolam concesserat) sub Asculum confederant. Ibi communicatis sententijs placuit, uti admotis ad Troiam castris sub-

ieſos Apuliæ agros non ſolum à populationibus tuerentur, uerum etiam fortunâ tentarent, ſiquam liberandæ ab obſidione Vrfariæ inuenire uiam poſſent. Troia edito in tumulto ſita ab occaſu, qua arx eſt, clementi tractu in ortum exciſit æquinoctialem, ipſa oblongior, et maxima e parte poſitu plano, utriſq; ab lateribus muros cliuo impoſitus habet, æquato penè ubiq; aggeſtita terra faſtigio. A qua parte in orientem, ut dictum eſt, uer- git ſolem, paulatim ſe campi demittunt, donec in uaſtam illam planitiem diffunduntur. Ager ipſe ficu, uitibus, atq; oleis conſitus. Sub ipſum tumultum à ſeptentrione Chilon amnis delabitur, ab Apennino decurrens. Vrbis ipſa, ut annales quidam docent, quindringentos et quadraginta duos ante annos condita, Baſilij, et Cōſtantini Imperatorum iuſſu, præſidium, uti autores arbitrantur, aduſus Normannos, qui finitimis in locis ſedes ſibi conſtituerant, bellumq; aduſus Græcos gerebant. Sunt qui Ecanam eam fuiſſe tradât, ueterem maxime urbem, atq; à Conſtante Auguſto multo antè dirutam: quo tempore is ab Epiro cum exercitu in Apuliam cum traieciſſet, multa ibi ſex de, crudeliter, immanem in modum patrauerit: non Ecana modo ac Luceria nobiliſſimis urbibus ſolo æquatis, uerum etiam à Remoaldo Bencuentanorum Duce, Grimoaldi Lāgobardorum regis filio ſuſis fugatisq; eius copijs Romam cum conceſſiſſet, atq; à Pontifice, ciui- busq; Romanis liberaliter acceptus eſſet, publica priuataq; ædificia, ædes item ſacras antiquiſſimis quibſq; ornamentis, ac præſertim æneis ſpolia- uerit, in iſq; Diuæ Mariæ templum, quod à Marco quondam Agrippa in honorem deorum omnium fuerat conditum, ac ſumptuoſiſſime ornatum, detractis inde tum monumentis alijs, tum æneis etiam tegulis. Quibus pa- tratis ſceleribus in Siciliam mox trajectis, ea quoque cum Africa pariter ac Sardinia per ſummam auaritiā direpta, ante quā inde decederet, ob ſeuitiam, atq; impotentiam in balneo à militibus caſus, dignum ſcelcribus ſuis exitum uitæ habuerit. Quin etiam quibuſdam in annalibus comperio, Robertum Viſcardum capto Rhegio in Brutijs, circa initia rerum eius, ſta- tim in Apuliam proſectum, cum à Troianis urbem ipſam deditibus uoca- retur: ad eò inter annalium ſcriptores, et res geſtæ et tempora ſimul diſ- ſentiūt. Quippe cum euocatio hæc ipſa è Brutijs indicio ſit ante Norman- norum aduentum in Apuliam, Troiam fuiſſe ſiue conditam, ſiue inſtaura- tam. Poſitis igitur ad Troiam caſtris, Andegauienſium partiū duces cum diuerſa ſentirent, altercandōq; aliquantum extraxiſſent temporis, illorum tandem uicit ſententia, qui cenſerent, uti occupato colle, qui ante regia ca- ſtra nō magno tamen interiecto ſpatio, aliquanto ſurgebat editior, unde et aquationem facile hoſtium prohibere poſſent, et ſubiectos tueri campos,

eò copias traducerent. Occupàdi uerò collis ratio hæc est imita, uti de quar-  
 ta uigilia præmisso paucis cum equitibus, quo plurimo abundarent, pedi-  
 tati, locoq; castris delecto, reliquus exercitus instructo agmine, cum impe-  
 dimentis sequeretur. At rex, quod unum cupiebat, cum in dimicàdi neces-  
 sitatem rem adductam cerneret, præfectis ducibusq; in prætorium ad se uo-  
 catis; huiusmodi ad eos orationem habuit: Si quam occasionem aut dii im-  
 mortales ostendunt, aut hostes ipsi nobis offerunt fortissimi uiri, eam se-  
 qui ducem uolumus. Non de recipienda Vrsaria, sed de profligando aduer-  
 sario, belloq; conficiendo nobis potius cogitandum uidetur. Quam ob cau-  
 sam non tam mihi aut confirmandi estis, aut instruendi ad dimicandum,  
 quam studiis ipsis uestris, uestreq; fortitudini gratulandum. Quem enim  
 hoste indipisci in capis quebatis, en ante oculos iam habetis, atq; in apertis  
 locis positum spectat a uirtus uestra uel cõtemptui habere eum potest. Quod  
 obesse unum uidebatur, Tarentini illius cunctatoris præsentia, id omnino  
 sublatum uidetis. Ipsi uerò inter se hostium duces non consilij modò, sed  
 animis quoq; dissentiuñt. Quibus dissentientibus, quid in militibus esse fir-  
 mitatis cõseatis aut roboris? Contra summum in nobis studium, certa con-  
 silia, firma concordia, miles ipse noster præliandi cupidus, signa sequi, at-  
 que ordines seruare consuetus, omniaq; ad præscriptum gesturus, plenus et  
 ipse spei, tantum animi pollicetur ac fidutiæ, ut iam iam uerso in fugam hoste,  
 cogitandum magis sit, quonam illum modo castris exuamus, quam quibus  
 artibus, aut quo pugnae genere sit cum eo congregiendum. A me parata  
 sunt cuncta, quæ consiliu, ratio, reiç; militaris disciplina paranda docue-  
 re. Vos modò suum quisq; militem, seq; et equos curare, armaq; in prom-  
 ptu habere iubeatis, atque uti de tertia uigilia instructi, paratiq; ad signa  
 conueniant. Quod si quos uultus, quæq; ora nunc uideo, cras ijs similes ani-  
 mos habueritis, dicam uobis duces, bellum iam confecimus, nec tam ad cra-  
 stinam parare uos uictoriam ac prædã oportet, quam ad belli præmia ac-  
 cipiendã, quanta et à gratissimo expectari rege debeant, et regni Neapo-  
 litani amplitudo, atq; opulentia fortitudini promittat uestræ. Concione di-  
 missa, præfecti, ducesq; leti, atq; animorũ pleni militem quisq; suũ curare  
 equos, expedire arma, seq; in crastinam parare pugnam hortantur, præ-  
 mia cuiq; sua proponunt, regias uires, sua consilia, atq; opes in maius effe-  
 rũt, hostem eleuant, in primis nequis extra ordinem in aciem prodeat, edi-  
 cunt. Hisq; rationibus suorũ animis confirmatis, corpora curare illos iu-  
 bent. Albescente igitur celo, hostis collẽ occupat. Quod ubi Regi cognitũ  
 est, educitis copijs, quas de tertia uigilia esse instructas iusserat, Robertos  
 Vrsinum atque Calatinum cum ea equitum manu, quæ satis uisa est, occur-



rere hosti imperat, post hos Alexandrum cum parte copiarum mittit. Ipse  
 relicto in castris praesidio, reliquo cum exercitu ad pugnam instructus pro-  
 greditur. Descensum in certamen est ab rege, cum nouem et quadraginta  
 equitum turmis. Roberti hostium equitem non magno conatu e colle detur-  
 batum in fugam coniciunt: inde in confertissimum illati peditem, alter a  
 dextro, alter a sinistro cornu praelium committunt. Pedes primo, quod equi  
 tatum suum auxilio uenturum sperat, impressionem acriter sustinet: multa  
 utrinque, uulnera eduntur, ex hoste plures cadunt, e regis equi non pauci  
 confodiuntur: imparque erat omnino pugna, quod hostis nullo equestri  
 praesidio, nudo arboribus loco, irruentem equitem, nec euitare poterat, nec  
 ex equo cum illo confluere. Fit igitur magna peditum strages, sustinent  
 tamen. At ubi fulgentia signa conspecta sunt, et agmen procedere, regiumque  
 equitem qui impressione fecerat, noua subsidia, recentis subinde equos ac-  
 cipere visum est, repentinam in fugam uersus, prostratusque ingruentium  
 impetu equorum, pedibus illorum proteritur. Pars declinior per locum,  
 qua equiti non patebat excursus, praecipit ab insequentium manibus elabi-  
 tur, sequensque trans torrentis ripam, ubi suos in acie stare conspexerat, recipit.  
 Alij caesi, uulnerati alij, aut capti armis exuuntur. At ubi regio a milite ad  
 ripas uentum est, hic noua rursus pugna confertur. Utrunque duces acies in-  
 struunt, praesidia locant, suos hortantur: apparet totis uiribus atque uniuersa  
 Marte decernendum. Procedebat Ferdinandi agmen suis sub ducibus, suo  
 loco, suo quisque ordine gradiens. Quod Picininus conspiciens, qui trans ri-  
 pam suos colligebat, conuersusque ad Ioannem, qui iuxta aderat, nae dies hic  
 inquit, plurimos hastarum truncos, plurimaque uidebit fragmenta. Cui ab  
 Ioanne oblique responsum cum esset: quippe qui pugnae cupidus detestatum  
 iri pugnam a Picinino uerebatur, quem producere intelligebat arte bellum:  
 aggerime id ille ferens, indignabilisque, qua parte redintegrari pugna coe-  
 perat, milites summittit. Erant omnino aditus duo, et hi quidem angusti,  
 atque accliuēs, quibus regius irrumpere conabatur eques, quem superiore  
 e loco hostis facile propellebat. Magna enim illic hastatorum manus, non mi-  
 nor sclopetariorum coacta pugnabat. Quocirca facile equites ab ascensu  
 deiiciebantur, et qui acrius institiissent, uulnerati pedem referebant. Itaque  
 magni utrinque clamores tollebantur, ut quis aut ferocius illatus ascenderat,  
 aut praecipit datus corruerat, uario cunctu, uaria spe, summa tamen alacri-  
 tate pugnabatur, pedes hinc atque illinc obteritur, eques equite substerni-  
 tur, utrinque centuriones, utrinque tribuni recentes summittunt milites. Ca-  
 dit ibi e regis tribunus uir acer et strenuus, quae re additus hosti animus.  
 At regius factis eadem cum cunctis uictor irrumpit, ripisque superatis inde aduer-  
 saries



sarios depellit, fugienteisq; ad ordines regredi, atq; ad signa cogit. Et iam  
 parte alia qua se campi latius aperiebant, canere signa, et cōcurrere acies  
 coeperant: primaque ē regio equitatu turma non satis prospere manum  
 conseruerat. Cui laboranti, et penē ab hoste circūuentæ, duas quas Alexan-  
 der secum habebat, auxilio mittit, harū aduētū pugna restituitur. Nec mi-  
 nus à Picinino, ac Picinini ducibus subsidia mittūtur, pluribus simul locis  
 certamen initur: pugnaq; pro equitū uirtute, proq; recentium equorū ro-  
 bore, uel aduersa erat, uel prospera. Quod ubi rex animaduertit, Vrsū  
 cū globo lectissimorū equitū, quē ad pugnaē difficillima perauerat, aliasq;  
 atq; alias post eum turmas procedere paulatim iubet. Quod hostis conspi-  
 catus, subducere se ac cedere sensim coepit. Regius eo acrius equos promo-  
 uet, hostemq; iā cogitantem, qua se ratione aut in castra reciperet, aut intra  
 Troiæ moenia magno impetu adoritur. Excepit hic Gallus eques procur-  
 rentem regiū, ingentibus animis, aditusq; est Gallo Hercules Estensis ma-  
 gno cum equitū robore, lectaq; uirorū manu. Itaq; nec uiribus, nec animis  
 primo cedit. Stimulabat Gallū animus insolens, ac natura ferox, manū ue-  
 rò Estensem ducis sui præsencia, et quod ille nihil prætmitteret, quod  
 strenui militis, aut fortissimi ducis esset: quippe qui nunc uoce, nūc præsenti-  
 a, sepe gladio suis, modo pluribus, interdū singulis adesset, uir et corpo-  
 ris uiribus, et animo magnus, atq; excellēs. Tandē relictū ab reliquo exer-  
 citu, suffossis, aut iugulatis equis, circūuentiq; ab regijs, partim capiuntur,  
 partim qui equo erant incolumi, cū Hercule duce fugientes, ad suos se reci-  
 piunt: qui iam sub Troiæ muris in cliuo constitierant, eos regius inssecutus  
 eques cū esset, superiore ē loco facile deiicitur. Quo tēpore Picininus accli-  
 ui loco, sub ipsam Troiæ portam, quæ ad Apenninū spectat, ordines de in-  
 tegro restituit, tumultūq; qui est ante arcē, præsidijs firmat. Adhæc equiti-  
 bus turmatim pluribus locis dispositis milites cohortatur, uti pristinae  
 uirtutis memores locū teneāt, regios tam iniquum in locū sine summa suo-  
 rum clade minimē successuros. Si uiri esse uelint, acceptam ignominia eo  
 loco, eodē die, ipso illo penē momento abolituros. Cuncta esse post tergum  
 tuta, recentes equos, recentes milites, urbē, castraq; subministratura. Cō-  
 trā regias copias eo loci perductas esse, ut neq; explicare se à pugna, neq;  
 recipere in castra, siti, laboreq; equis, uirisq; cōfectis, sine multa interniti-  
 one queāt. Redintegratur igitur pugna regio urgēte, dū pertinacius in-  
 quum in locū succedit, moxq; aduersario rursū propellentē detruditur,  
 multi tamen utrinq; cadiūt equi, uiriq;. Quod cōspicatus rex, uocatis ad se  
 principibus, cū in maximū adductū discrimen rē cerneret, quid potissimū  
 sequēdū censcāt sciscitatus: cū alij sensim recedēdū censerēt, quod satis e-

die, eo certamine actum iudicarent: alij insidias ueriti, artesq; Picinini, regise uti è pugna subduceret, persuadere conarentur: Ad ea ipse, quando, inquit, dies hic noster est, & nos fortunam hodiernam sequamur, macti uirtute estote, qua me uadentem uideritis, sequimini ducem. Tum præmissis qui explorarent, ne quæ post tumultos insidie essent posite, concitato statim equo, cum lecta manu equitum, per summum euadit tumultum. Procurrentem Ferdinandum suæ acies, signaq; sequitur, atq; omnium primæ, turmæ ali quot recentes, quæ à pugna cōtinuerant integrisq; uiribus. Ea è re nouus repente ardor equites inuasit, ferro sibi uiam quisq; faciunt: nec turmatim iam, sed confusis ordinibus res geritur: nec tam gladijs mars seuit, quam propellentium equorum pectoribus: hos incitabat, quod partem iam uictoriam eripi sibi è manibus indignabantur, illos ducis sui gloria, & multis bellis partum decus. Igitur dum acerrimè haud procul à porta ac sub ipsis muris ab ijs, qui cliuū tenebant, dimicatur, interim ab illis, qui in uia paulo à porta longius collocati erant, fuga fieri repente cœpta. Inde premente rege, multisq; ex hostibus, & in ijs aliquot præfæctis partim captis, partim equo deturbatis, qui tumultum tuabantur, ipsi quoq; deserto loco terga uertunt. Ibi undiq; à regijs tanta facta impressio, coq; incursum est impetu, ut uersis equis hostes alij in castra secundum urbis raperentur fossas, alij ex equis in fossam deiecli, ab ijs, qui è muris pugnabant, manibus, scailis, fimbriis excepti subleuantur. Ioānes, Picininusq; magno tumultu intra portam admissi, quique cum ijs erant uix acceptis, porta ipsa repente clauditur, regio ita urgente, ut quidam hostibus immixti urbem sint ingressi. Signa ab ijs qui in propugnaculis constiterant excepta, intra muros cum trepidatione iaciuntur. Rex in fossam, quæ ad septentrionem est, equo inuectus, ac fugientibus immixtus in castra hostium contendit, quem Alexander, cæteriq; quanquam diuerso itinere subsequuntur. Vbi incastra peruentum est, cōfestim nullo defendente capta, direptaq;. Qui è regijs à prælio atq; ab labore recentes erant; atq; integris uiribus, fugientem Luceriam uersus hostem insecuti, in ipsa fuga multos uulnerant, plures etiam capiunt. Rex ubi castra diripi, & iam nihil ultra ex præscripto geri sensit, haud procul à porta, quæ ad orientem spectat, signa in uia constituit, eaq; præsidio firmat, edicitq; nequo casu locum deserant. Interea uictor miles totis campis uagatur, longiusq; fugientis ad multam etiam diem insecutus, atq; in prædam uersus, non ad signa redire, non ad ordines curat. Videres itaq; alios proiectis armis, honestos sarcinis uix progressi, alios collatam unum in locum prædam inter se partiri, plurimos equestris decoris oblitos phaleratum præda equum onerare, scq; ante agere,

ipfos

ipsos pedibus ire, et reſte alia atq; alia iumenta, equosq; ſarcinis impeditos trahere. Quin etiã ex ijs, qui in præſidio collocati fuerant, complures et ipſi in prædam intenti ſigna, locumq; reliquerat. Quæ res hoſteis quanquam ſeſſos, et muris clauſos, ad erumpendum inuitauit. Egreſſi igitur portis, nullo tamen clamore edito, regiones præda occupatos, ac ſub ſarcinis impeditos, de improviſo adoriuntur, multosq; ante quã hoſtes eſſe intelligantur, mentito etiam nomine capiunt, et iam liberius uagari incipiunt. Quod ubi regi cognitũ eſt, undiq; ad ſigna concurrere imperat, multaq; per IOVIANVM PONTANVM, quem ſecum ducebat, ab ducibus peragenda curat. Ipſe ut queng; naſtus erat, primo ſingulos, deinde plures, qua pugnam conſertam uidebat, immittit, donec aliquot ordinibus reſtitutis, iuſte pugne more dimicari cœpit. Itaq; dum ſuſtinere impetũ hoſtis nequit, citatis equis in urbẽ regreditur. Stetere dein regij in acie, atq; ſub ſignis, donec præda omnis coacta, et Verſariam uerſus, tutum in locum delata. Inde ſub ueſperum in caſtra eſt reditũ. Dies quæ inſecuta eſt, quieti militum atq; equorũ data. Captiuorũ numerus recenſitus, fuit aliquanto minor: quia captiuorũ alij, quod capitaliũ rerũ conuiſti eſſent, clãm dimiſſi ab amicis, aut cognatis fuerant: alij iureiurando parum ſeruato, fideiq; et datæ, atq; acceptæ, ut nunc in conſpectu moris eſt, dextera immemores, Troiam profugerant. Ioannes, Picininusq; maximo ſilentio Troia egreſſi, Luceriam noctu profugium: Deliberantẽ de obſidenda urbe Ferdinandũ Troiani inuitant, miſſo qui ſeq; urbemq; dedituros polliceretur, ubi caſtra propius admouiſſet. Imperitabat urbi Ioannes Coxa, qui quod Nicolaum Epiſcopũ indignius habuerat, Lombardorum familiæ inuiſior erat, cuius opes in ciuitate magnæ atq; pollentes tunc erant. Caſtris igitur ad uincta poſitis, tumultu, ſicuti conuenierat, ab Lombardis excitato, deditur regi oppidũ. Coxa cũ in arcem cũ paucis conſugiſſet, diſſiſus rebus ſuis, Alexandroſe, cui propter ueterem conſuetudinem plurimũ fidebat, dedit. Rex uno ſimul tempore et oppido potitus, et arce, oppidanos collaudat, Lombardos etiam muneribus donat. Coxam ad ſe ductũ, multisq; ornatũ laudibus, atq; inuitatũ, ut manere in patria uellet, dimittit: captiuos, qui in caſtris erant, et in ijs quosdam, qui Ioannis e cognatione eſſent, liberos abire permittit: tum qui dedentẽ ſeſe Fogiã accipiant, mittit: arma, equosq; apud Troiam repertos, qui ab hoſte capti fuerant, militibus ſuis reſtituendos curat. Rebusq; ſic ad Troiam compoſitis, duobus caſtris ad Sanctũ Seuerũ proſectus, cingit oppidũ: quod quo mirius ſtatim oppugnaretur, hymber prohibuit: poſtero tamẽ die deditionẽ fecit mulctatis ciuibus. Inde rex ad Aſculum retrò mouens, urbem ſtatim recipit. Candclamq; ex itinere

oppugnatam diripit. Mox Asculo recepto ad Aufidū proficiscitur, eo consilio uti Ioannem Caraciolū, qui Melfæ Dux præerat, debellaret. Is quod Andegauensis factionis fractas res cerneret, nullumq; superesse Tarentino exercitum, quo tutari oppida, remq; suam posset, se cum arcibus atque oppidis in regis fidem permisit: quem ad se uenientem rex, benigneq; appellatum monuit, uti fidei memor, quæta honestaq; consilia peruersis, ac parum quietis anteponeret: postq; aliquantum temporis mutuis, ac gratis extractum sermonibus iuratum illum in uerba, eodem die Melfiam remisit. Id oppidum montosis in Apuliæ locis positum, gerendis bellis maxime opportunum est: quod à Gulielmo Ferribrachio Normannorum duce conditum, annales quidam tradunt, alij ab eo per uim captum. Quodq; ueri est similis, cognita opportunitate, illud ut arcem futuram aduersus Græcos, qui Apuliam, Mesapiæq; tenebant oram, primū à Gulielmo, inde à Drogo atq; Humfredo, qui Gulielmo fratri successerant, postq; à Roberto Viscardo et arce munitum, et moenibus, quæ nuper ab hoc ipso Ioanne etiam promota sunt. Per eosdem dies aliquot in Hirpinis castella recepta. Fama ingentis prælij breui regnū peruagata, hominum mentes terrore simul admirationeque compleuerat. Quocirca illustre regis nomen esse, maiorq; in dies expectatio haberi, et quò uictoria, eodem quoq; popularium fauor inclinabat. Accedebat quod per idem tempus à Federico Urbinate aduersum Sigismundū Ariminensem feliciter dimicatu fuerat, ex qua dimicatione Sigismundus afflictis, prostratisq; rebus suis, mari ad Tarentinum confugerat, opem ab illo imploraturus. At rex quanquam his Tarentinum necessitatibus circumuentum intelligit, tamen cum illius thesauros sciret esse integros, se uero tot bellis, tot calamitatibus exhaustum, ac militem suum mercenarium, maxima etiam è parte peregrinum reputat, timere militum transfugia, nec tam irritandū illum quàm leniendum ducere, aut paucorum expugnatione oppidorum ita territandum, uti uetere exercitu restituto, nouum quoq; è longinquo arcesceret, Senem, et quartana febris, deterrima parte anni laboratē, minimè diu uisurū. Adhæc Ioannem, Picininūq; cū singulari persequeretur odio, uidendū etiā atq; etiam esse, ne adductus necessitate Ioannes Antonius utriq; conciliaretur. Hæc aliaq; huiusmodi secū reputantem regem, habentemq; ad Aufidum æstiuam, missi à Tarentino Legati ad eum de pace cū eo afluunt. Quibus rex auditis, Bartholomeū Rouarellam Cardinalem, qui Bencuento Pōtificis Legatus præerat, ad se accitum rogat, uti ducto secū Antonello Petrutio, epistolarum magistro, Cerenioliā proficiscatur, illic cum Tarentini oratoribus de pace, pacisq; cōditionibus deliberaturus. Ipse interim quibus posset artibus,

tibus, illum sibi conciliare studet. Iisdem diebus Enneus Geuara, Comes Arianensis, uir multis artibus, & in primis fide clarus, morbo correptus diem obit. Igitur ubi de pacis cōditionibus satis cōuenit, Legati ad Tarentinum redeunt, unaq; Bartholomaeus, & Antonellus cū ijs profecti, itemq; Antonius Tricius, qui Frāncisci Mediolanēsis Ducis apud Ferdinandū oram agebat, summa tamen cōditionum Petrutio permissa. Agebat tunc Ioannes Antonius Vigilijs, quod oppidum ad mare situm est. Ad eum Ioannes, Picininusq; quotidie ab Trano uentitabant, ea enim urbs præter arcem Tarentino parebat. Quorum suasu penè commissum est, uti cōtra ius gentium legati uiolarentur. Quibus tamen à Ioanne Antonio comiter acceptis, benigneq; auditis, scēdus his conditionibus iēsum est. Quod Deus Optimus Maximus bene uortat, Ferdinando regi, & Ioanni Antonio Vrsino (sic uti cōuenit) sine fraude, sine dolo malo pax inter eos perpetua esto. Quæ in duello antehac ui, dolō, fraude uel aēla, ab aēla, direptaq; sunt, eorū nullæ utiq; expostulationes, nullæ iudiciorū aēliones sunt. Quas urbēis, quaq; oppida, quosq; fines Ioannes Antonius Vrsinus sub Alphonso rege tenuit, quoq; etiam imperio tenuit, sub Ferdinando etiam teneto, populisq; ita moderator. Quæ legibus, quæ olim cōditionibus Ioānes Antonius Vrsinus sub Alphōso rege uixit, illis legibus, illis cōditionibus sub Ferdinando rege uiuit. Eadem item in populis sub Ferdinādo rege, quæ fuere sub Alphonso, iura ei sunt, liberaq; potestas esto. Quaq; potestate, quoq; iure, militiæ magister Ioannes Antonius sub Alphonso rege fuit, eodē iure, potestateg; sub Ferdinando magnus militiæ magister utitor, perfunctorq;, aurumq; centū millia magistratus huius ergō quotannis regio ex ærario, regijs uel ē uectigalibus dinumerata capito. Idē hie Ioannes Antonius Vrsinus Tranū urbem Ferdinando Regi, cū agro, finibusq; statim restituit, arcemq; Salernitanam ad dictā diem resignato. Ioannem Andegauēsem, Iacobūq; Picininiū intra dies quadraginta Apulia finibusq; eius uti faceffant, Ioānes Antonius cogito: ollisq; nēue clam, nēue palām, auro, argento, ære, nēue alio auxilij genere subuenito, nēue utiq; præsidia tor. Rex fidem eis publicā, qua tutō abire finibus hisce liceat, dato. Terra, mariq; ab eūdi iusq; fasq; pro arbitrio ollis esto. Si quas urbēis, quas uel regulos Ferdinandus duello petet, nullis copijs, nulla pecunia, nullo auxilij genere, clam uel palām uel Ioānes Antonius eis suppetiās afferto, nēue cōsilio, nēue opera adiutato. Debellādi quos uolet, quandoq; uolet, libera potestas regi esto. Hæc ollis sœdera perpetuō manētō, quæ inter eos sic cōuenere, uti uolens, libensq; uterq; egerit, feceritq;, promiseritq; sine dolo, sine fraude, bona fide, cōceptis uerbis. Deūq; uterq; testē supremū laudā:

Pace facta rebusq; cū Tarentino cōpositis, Ferdināndus ab Aufido mouēs, atq; in fines Daunorū profectus Ferentanos uersus, ad amnem Frentonem castra posuit. Aduenienti Lesinates, Serrani, Precinensesq;, capto etiā præsidio, portas aperuere. Quorū exemplū finitima etiā castella secuta sunt. Inde Montorū profectus rex, cōfestim illud recipit: arx etiam paucis post diebus dedita. Hinc castris ad Sanctum Iulianum admotis, qui in præsidio erant, cū munitiones erigi, tormentaq; diruendis muris admoueri cernerent, paucis postquam obsideri coeperant diebus, deditionem fecere. Iisdē diebus inclinante autumnō, tanti celo hymbres fusi, uti corruptis quę in agris erant, non esset unde pabulū equis subministraretur: nec gregarius castrensis pati labores amplius uellet, recusare iam militiam, incusare regem, palamq; detestare imperia, ipsi etiam equites grauari, rariq; ad signa atq; ordines cōuenire: increpare duces, queri tabernacula iam absumpta tempestatibus, frigoribus, fameq; cōfectos equos, diurnis nocturnisq; laboribus nō corpora, non animos ultra satis esse: quid demū hostes aliud optare, aut querere, quā fame eos, quā tempestatibus absumi? Quibus rex clamoribus permotus, decreuit in Samnium regredi, ubi mitius cōsulum esset, ac regio stramentis, pabuloq; abundaret. Quō cū peruenisset, aliquot dierum quietē militi concessit, dum interim tormenta ex Apulia ueherentur: quibus subiectandis uix boues iumentaq; solo ob pluuias subsidente suffecerant. Hęc inter in castris tumultuatum est, leuē ob causam, inter regium, Sfortianumq; peditem exorta cōtentione, breui tamen tumultus sedatus, quanquam non sine graui regis atq; Alexandri discrimine, dum inter tela, balistasq; uterq; uersatur. Tormentis comportatis, Ferdinandus animo agitans, qua potissimum ratione antequam in Campaniam in hyberna concederet, Nicolāū Campibassanū Comitē aut ad deditionem compelleret, aut eō redigeret, uti uere adueniente, omni eū exure dominatu posset, Pontem oppidum, cui, uti ego arbitror, à conditore Landulfo nomen est, oppugnare decreuit. Quod ueritus Nicolaus, magno antē præsidio firmauerat. Quo tamen regis conatus frustraretur, indutias petere ab eo cepit, quasi agere interim de deditione uellet. At rex cognito Nicolai cōsilio, eo acrius expugnando oppido intentus erat, quod ab ijs qui in præsidio erant, summis contrā uiribus defendebatur. Dieclis igitur opportuno loco muris, cum oppugnatio pararetur, præsidiū præsfectus diffidens tolerari posse impetum, agere de deditione cepit. Ceterū noctu ab uigilijs, ijsq; qui in statione erant, ad arma concursum cum esset, raris nocturnam à præsfecto parari fugam, conserti a pro muris pugna, oppidum tumultuario prælio capitur, quod statim direptum atq; incensum est.

est. Inde rex mouens in Cerretano primum, deinde in Telesino, atq; Calatino castris positus, aliquot ex itinere castellis receptis, ante quàm in hyberna concederet, Pontem Lateronem (id castellum trans Vulturnum amnem, circiter sex millibus passuum ab Capua abest, sub montē positū) oppugnare constituit. Igitur admotis tormentis, quantum loci patiebatur iniquitas, binis illud castris circumsidet: quod penē undiq; altissimis rupibus circumcisum, naturaliq; fossa munitū, unū tantū, quā portā est, aditū, eumq; haudquaquā latū habet. Portae quadrata imminebat turris, quā diruta, cū spes esset per eius ruinam potiundi castelli, rex eā quassari aeneis tormentis iubet. Quod animaduertentes qui in praesidio erāt, ne procum beret exterius, funibus, machinisq; prohibere conabātur. Interim quotidianē ab eis eruptiones fieri, neq; se muris continere. Idq; eo audacius facere, quod propter rupes, conuallesq; quā fossarū in modū ē monte productebantur, neq; claudi undiq; à regijs poterāt, nec omnino prohiberi, quominus noctu praesertim per sylvas, et cōfragosa loca, recentes milites, nouaq; quae ab Martiano mittebātur praesidia, acciperēt. Cui rei magno etiā adiumento erat, quod propter brumā quamlongissimā noctes erāt. Frustra igitur aliquot diebus consumptis, potiundiq; castelli pluribus artibus incassum tentatis, cū etiam equi, uiriq; diutius ferre coeli inclementiā haud possent, Sfortianusq; praecipuē miles militiā sic detrecaret, uti neq; precibus, neq; minis retineri in castris ultra posset: satius uisum est regi obsidionem relinquere, quā tumultuante suo, hostē ad erumpendū inuitare. Cū satis etiam exploratū esset, Martianū magnam peditū manum cogere: quā coacta, uerendū erat, ne occupato ab hoste monte, qui non satis commode tenceri ab praesidijs posset, in minora castra, quae trans conuallē sub montē posita erant, irrūperetur. Huc accedebat, quod Ioannes, Picininusq; qui post ictum cū Tarentino foedus, in Ferentanos, Marrucinosq; longa nauī ad Caldoras confugerant, ubi pugnae reliquias colligebant, arcessiti à Martiano fuerant. Qui ne aut illū frustrarentur, aut bellū quod in Marsis, Pelignisq; Rogerione authore, renouare parabant, praetermitterent, huiusmodi cōsiliū inijisse (quanquam falsū) dicebantur, uti Picininus diurnis, nocturnisq; itineribus ad Martianū contenderet, Ioannes in Pelignis remaneret ad bellū, quod animo agitabat, instaurandū. His difficultatibus circumuentus rex, obsidionem dimisit. Verū cū fama esset hostē aduen-  
tare, machinis Capuam perlatis, ipse sub montē Gallianū metatus castra, expectare hostem decreuit. Tandem cum satis exploratum haberet hostem se Theano, castellisq; finitimis continere, circiter idibus Decembris Capuam concessit, distributisq; per hyberna militibus, paulo post Neapo-



limi proficiscitur. At in ea parte Samni, quod hodie Molisium dicitur, & Pelignis Ferentanisq; ab Alphonso, & Inico Dauialis multa castella aut per deditionem recuperata, aut per vim expugnata sunt, quædam etiam incensa. Caldoras (dum multis artibus ad certamen inuitant) nunquam apertis in campis indipisci potuerit. Extrinsecus anni recepto Sangri castello, arce in circumsessam tandem capiunt, suosq; in hybernis collocant. Per idem tempus Andegauensium partium studiosi, cum Ferdinandi res superiores cernebant, uiribus diffusi suis, quod Pium pontificem nullis ab rege artibus alienare poterant, Romæ inducias postulabant. Duos principes inter se de regno contendere, utrumq; pontificiæ maiestatis obseruantissimum: decere pontificem Romanum, rectorem orbis, patrem omnium, mediam personam inducere: indignum se, indignum collegio, quod sacrosanctum habeatur facere, quod priuatam Ferdinandi causam aduersus Ioannem armis defendendam suscepit, quod Gallorum regem, Galliaq; totius regulos de Romana ecclesia benemeritos prouocauerit in iram, odium, inobedientiam: exhaustum ecclesiæ ærarium, dum bellum minime necessarium suscipitur. Flaminiam atq; Sabina[m] bellis inuolutam, tot oppida directam, in ipsa etiam urbe trepidatam, & penè auditos equeorum hinnitus, dum Latium diripitur, dum agros urbi proximos Picinini eques populabundus uexat, uastatq;. Hæc aliaq; differentes Pontificis animum uti de faciundis induitijs cogitaret, impulerant. Conueniant Romæ undiq; ad Pontificem Legati, resq; tum in Senatu agitata: tum apud Cardinales, quibus demandatum hoc erat, tractataq; diutius in contentionem uenerat, dum Pontificis animus huc atq; illuc incertus rapitur. Tandem literis regis confirmatus, quod dum de induitijs agit, dum à suscepto bello retrahendi sui speciem exhibet, partem iam uictoriam emanibus eripiat. Populos, regulosq;, qui prostratis Ioannis rebus redire ad officium cogitassent, qui de se dedendis oratores misissent, cunctari iam, & deditionem non modo differre, uerum etiam recusare. Nec tantum sibi Pontificis nomen, copias, opes, in eum usq; diem contulisse ad uictoriam, quantum nunc detrimenti afferat induciarum mentio: & tot iam dies, ipso audiente, agitata Romæ causa. Quid autem rationis esse, ut firuente bello, rebus aduersis, uictoria ad hostem inclinante, tantum animi, tantum roboris præ se tulerit, & in propulsandis bellis, & inferendis, nunc hoste castris exuto, regno maiore ex parte in potestatem redacto, recuperata iam Flaminia, Sigismundi rebus attritis, Latio, Sabinaq; pulsis hostibus, ubiq; uictor, fortuna ubiq; aspirante, non animum modo dimiserit, sed hostem iam despectatis rebus suis, cogitantem regno cedere, ad bellum instaurandum inuitet, hortetur, trahat? Veterem igitur animi firmitatem retineat, nec belli exitum

exitum, id est, uictoriam, qui finis est belli, elabi e manibus patiatur. His  
 Pius literis permo- uis, cū etiā intelligeret Franciscum Sfortiam in propo-  
 sito persistere, confirmato tandem animo, inducias exclusit, antè tamen in  
 hanc oratione sententiam habita Si memores esse homines beneficiorum  
 uelint, & præsentem ecclesiæ Romanæ statum consyderare, haud uereor  
 Cardinales, quin & cæteri mortales, & uos ipsi me cum primis à belli cri-  
 mine, quod non tam uolentes suscepimus, quàm inuiti propulsauimus, li-  
 beretis. Nam & ea in hanc sedem Alphonsi regis extant beneficia, ut neq;  
 pontifex Romanus, neq; sanctus hic Senatus filij eius obliuisci, sine maxi-  
 mæ infamiæ nota queat: & Apostolicæ sedis ea magnitudo est, atque  
 autoritas, ut insultantem in regno nobis tributario Gallum pati mini-  
 mē debeat, seq; otiosam regni cladum spectatricem præbere. An quæ-  
 so, cuius patris munus est ac beneficium, uti Picenū omne, fertilissimumq;  
 ac frequentissimū Italiæ agrum in pace possideremus, regnū eius ad alias  
 quàm filij manus transire ingrati permittemus? Quasi non siquid hone-  
 stum, siquid ius, gratitudoq; apud uos ualet, me & nolentem impellere,  
 & cunctantem excitare ad defendēdum regē benemeritum, ad propulsan-  
 dam ab eo iniuriam deberetis: à qua inferenda ij nimirum quorum tam  
 studiosi estis, continuissent, si qua reuerentia in Pontificem Maximum,  
 siquis erga sedem Apostolicam cultus, aut erga Deum metus, eorum ani-  
 mis insecidisset. An non cum Mantuæ ageremus, abunde & Ioanni, & Re-  
 nato, & ipsi Gallorum regi, quorum oratores apud nos agebant, decla-  
 rauimus: nec passuros nos regnum nobis tributarium inuadi, pacemq; Ita-  
 liæ ab Gallis turbari: nec fœdus cum Alphonso ielsum, in quo Ferdinar-  
 dus filius secundum tenuisset locum, uiolatos: aut periclitantem deser-  
 tuos filium eius, qui labantem iam non modò non deseruisset ecclesiā,  
 sed ferro armatus, in acie, pro tuenda eius dignitate stetisset, seq; copiasq;  
 suas, & facultates uniuersas pro illius salute, bellorū periculis obtulisset?  
 Hic mihi quisquā Gallorū religionem, aut modestū Ioannis animū nomi-  
 nabit? Audiuimus, audiuius Cardinales, populantium agros nostros mi-  
 liū clamores. His oculis, his inquā oculis hausimus uibratos in perniciem  
 nostrā, & Romanæ excidiū sedis gladios. Quod ni è Senensi agro, è pa-  
 trio solo, ubi agebamus, abire maturassemus, & Romam diurnis, noctur-  
 nisq; itineribus contendissemus, nec Roma nunc nostra esset, nec Sena-  
 tum hunc ipsi haberemus: sederet Pontificio in solio Picininus, discursa-  
 ret per urbem uiolentus & rapax miles: ueterum ornatus Pontificum,  
 & quibus Deo Optimo Maximo sacræ res fieri consueverunt, eos inquā  
 ornatus, & Petri, Pauliq; insignia raptaret per urbem Andegauensis

„ gregarius: argentea uascula, loculosq; illos aureos, quibus Deo ministra-  
 „ tur, quibus sanctorū reliquie uirorum tanta cū hominū ueneratione ser-  
 „ uantur, eques in balteos conuersos ac phaleras portasset in aciem, cæ-  
 „ de, ac sanguine foedaturus. Dicam iterum, ecquisquam aut Ioannis mode-  
 „ rationem, aut religiosos Gallorum animos nominabit? Timuit pontifex  
 „ Romanus per agros suos iter faciens, Andegauensium grassatorum uim,  
 „ atq; occultas insidias: timuit nefario Picinini sicario, ne præbiturus esset  
 „ iugulum in diuorum et Petri, et Pauli templo, in augusta hac sede, atq;  
 „ in ijs ædibus, è quibus tot sanctissimorū pontificum animæ ad cælū migra-  
 „ uere, non securus, non tutus, non uitæ suæ satis fidens. Hec est Lotoringij  
 „ Ducis summa moderantia, hæc Galliæ hominū religio, et apud gentes tam  
 „ diu probata pietas? Non igitur uolentes, aut bellorum cupidi arma sum-  
 „ psimus, quippe qui priuati dum essemus, pacem semper coluimus: ac dum  
 „ Augustorum tractaremus negotia, ad hanc in primis illorum inuitabamus  
 „ animos. Sed ut qui Romanæ tū ecclesiæ dignitati consulere mus, tū prouo-  
 „ cati, et in ipsis propè penetrabilibus parum tuti, coacti, inuitiq; dū alia ra-  
 „ tione rebus nostris nequimus consulere, expediri arma iusserimus. Videli-  
 „ cet nunc primum Iacobus hic Picininus ecclesiam Romanam uexauit: aut  
 „ uos memoria parū tenetis, dum quæta Italia, foedere publico, è communi  
 „ Italiæ consensu omnium animis, sententijsq; percusso, Cisalpina mouens  
 „ Gallia, tumultuosissimo exercitu, Callistum pontificem, agentem in otio,  
 „ ac pacis perfruentem bonis, nihil etiam minus quàm bellū timentē inua-  
 „ sit, perculit, ex improviso adortus est. Petat nunc igitur Lotoringius dux  
 „ indutias, qui tot annorum pacem ambitione præceps turbauerit sua. De-  
 „ tur Picinino tempus ad arma colligenda, quibus tertio in pontificem Ro-  
 „ manū maioribus copijs, infestioribus militū animis insurgat. Iuduat Pius  
 „ pontifex mediam personā, qui penè spoliatus Pontificatu, inops, erransq;  
 „ aliorū opem querere est coactus. Nō priuatam igitur Ferdinandi causam  
 „ defendendā suscepimus, quanquā ut suscipere deberemus, ius, honestasq;  
 „ et Apostolicæ sedis dignitas postulabant: sed nostrā, sed uestrā, qui in hoc  
 „ confessu adestis, sed Romanæ ecclesiæ causam et suscepimus, et suscepisse  
 „ letamur. Nec prouocemus Gallos in odiū, nec ad bellū nō necessariū ex-  
 „ hauriamus ecclesiæ ærariū. Scilicet non suscipit necessariò bellū, qui domo  
 „ sua, suis è laribus propè pulsus est: lacerat pecuniā, thesauros dissipat, qui di-  
 „ reptiones, cædes, incēdia prohibere ab suis parat? prouocat Gallos, qui in  
 „ Italia in sedibus suis, suoq; contentus quiescere securus nequit? O consilia,  
 „ o artes. Per ego Deū Optimū Maximū, perq; urbis ac templi huius uene-  
 „ rables tumulos, atq; aras oro, obtestorq;, ne partiū studijs uicti, perperā  
 „ con-

consulatis, ne' ue dum alteri factionū fauetis, obliti loci huius, ac iusti, ho-  
 nestiq; immemores facti, parum honesta consilia, præter uestram, sena-  
 tusq; Romani dignitatem sequamini. Me sat scio, dignitatem Pontificis,  
 et huius augustæ sedis maiestatem retenturum, et quod semel cepti pium,  
 honestumq; consilium secuturum. Atq; uti Deo autore bellum suscepi, eo-  
 dem quoq; adiutore, et administraturum spero, et confecturum est senten-  
 tia confido. Dum Romæ frustra de indutijs agitur, interea Picininus, reli-  
 quijs exercitus collectis, aduersus Ioannam Celanam nouū bellum aggre-  
 ditur. Hæc mortuo Leonello marito, duobus ex eo susceptis liberis, quod  
 Celanensis Comitatus dotalis esset, ipsa subiectos populos pro arbitrio mo-  
 derabatur. Nam et popularibus propter generis antiquitatem erat acce-  
 ptior, et Rogerio natu maior, eius aut ingenij, aut ætatis non erat, cui tu-  
 to rerum moderatio permitti posset. Quod ille ægerrime ferēs, parteisq;  
 Andegauiensis secutus, Picinino adæferat. Quo autore Picininus Gal-  
 lianum, ubi Ioanna cum antiquis thesauris tuebatur, circumscdit, castel-  
 loq; potius, apparatus omnem ad arcem oppugnandā cōuertit, æneisq;  
 tormentis die ac noctu quatit. Ioanna quo erat animo, quos in arce secum  
 habebat, hortabatur, uti fidei ac uirtutis memores, obsidionem quam for-  
 tissimè ferrent, esse in Pelignis Marrucinisq; regio exercitus, regio præ-  
 fectos: sat se certū habere, breui eos subsidio uenturos. Igitur dum offirma-  
 tis animis hosti acriter oppugnanti resistitur, dum regij præfecti tardius  
 se ex hybernīs mouent, et Picininus plurimo peditatu locorum angustias  
 occupat, quassatis, ac partim solo æquatis muris arx capitur. Splendidissi-  
 ma Leonelli supellex, ac tot proauorū ueteres thesauri direpti, nullum in  
 egregiam sceminam misericordis animi officium à Picinino tributum, nul-  
 lam à filio pietatis meritū. Matrona paulo antè plurimis ornata bonis, re-  
 rum humanarū exemplū, captiua trahitur fortunæ matris filio insultante.  
 Ea tempestate fuisse, qui crederent Matthæum præfectū, quod egregium  
 ducem, ueterem amicum pati nollet, sordescere, dum anni tempus causa-  
 tur, dum segnius consulto agit, Picinini inceptis locū dedisse. Hac præda  
 uiribus auctis Picininus, exercituq; ex parte reflecto, quanquā hycms pre-  
 mebat, tamen quod occasione utendū duceret, Sulmonem circumsidere de-  
 creuit, ratus antequam subueniri à rege, propter anni tempus, posset, agro  
 se atq; urbe potiturū, quam sciret extrema rei frumentariæ inopia lib ora-  
 re. Eius autem obsidendæ ratio hæc placuit, uti dispositis per finitima ca-  
 stella militibus, quæ cuncta Andegauensium erant partium, ne frumen-  
 tum importari in urbem posset, prohiberetur. Idq; quo facilius fieret, in  
 uia militari, qua Populū, atq; ad Atrerni pontem itur, munitionem ex ag-

geribus, ducta etiam fossa ab æde Tercentiani ad ripas fluminis edificari summa celeritate iussit, præsidiumq; quantum satis visum est imposuit. Ipse Pentimæ, Ioannes Pratulæ, Pacentri Restainus, et Ioannes Antonius Caldoræ agebāt. Atq; hac potissimū ratione urbem, quanquā in plano sitam, undiq; tamen montibus clausam, circumsidebāt. Cū igitur indices arctius à Picinino premeretur, Matthæusq; ac Robertus, cum et ipsi tentassent sepius irruptis munitionibus, commeatū eò immittere, frustrati incepto, ad hoc tandē cōsiliū cōuersi sunt, ut nūc Populi, nūc Caramanici in hybernis agentes, per montē, qui longo admodū, ac perpetuo tractu interiacet, quā maximē inuius ipse ac confragosus esset, noctu per homines opportunos, ac locorū peritos, humeris illigatos sacculos frumenti plenos, præruptissimos per aditus, quā minimē hostes suspicari possent, Sulmonē clam importandos maximo silentio curarent. Quod dies complures diligentissimē curatū cū esset, nixq; interdū esset tanta, ut superari mons pluribus minimē diebus posset, plebesq; fame acrius premeretur, ducenti numero ciues grauius fame pressi, in ijsq; quidā etiā mercede cōducti, per loca illa hostibus hacenus incognita perrupere Caramanicū. Hic igitur numerus hosti cum esset de uestigijs cōpertus, dispositis insidijs ad unū redeuntes omnes capti, ductiq; ante urbis muros Picinini iussu, qui exteri essent, atq; cōducti pretio, iugis suspensi sunt, qui ciues Pacentri in custodijs habitī. Tum uerō ciuitas uictā omnino se, atq; expugnatam fateri nihil ultra sperandū esse, nihil ē Campania, nihil ab rege propter occupatos à niuibis, atque hostiū custodijs aditus, nihil ab Matthæo, Robertoq; propter obseruatos mōtis anfractus uniuersos, expectandū præsidij, ducere. Ira, metus, fames, uiros, mulieres, senes, adolescentes, æque omnes deniq; uexatos male habebat: eoq; perducta res erat, uti in præliū persepe prodirent, quo confosus hostiū equis, cadaueribus eorū potirentur, quorū uisceribus famem temperarent. Quin etiā exenteratis illis subducebant eorū ex intestinis quod inesset aut hordei, aut tritici, aut ijs commixti pabuli. Itaq; plurimos iam dies, nūc sola carne foedissimorū etiam animalium, nūc nuce, glāde, canabe, parce distributimq; dispartitis, fame tolerata, plebeijs etiam aliquot teter rimā fame absumptis, septimo tandē mense urbs Picinino deditur. Ea dedita seuirū est in aliquot ciues propter factionē, intestinaq; odia Quadra riorū familiæ inter se, ac Merlmorū. Potitus igitur urbe Picininus (nam Ioannes communi ē consilio in Campaniam, atq; ad Martianum uenerat, ueritus ne is regi cōciliaretur) reficiendis copijs omni studio intentus, ubi aliquot restituisset turmas, quod iam maturefecerent in agris segetes, militibus egredi ex hybernis iussis, in Feretanorum fines castra contulit.

IOANNIS IOVIANI PONTANI  
DE BELLO NEAPOLITA-  
NO LIB. V.



T rex persoluto equiti stipendio, iussq; eo ad  
constitutam diem sub signis convenire, cum pau-  
cis Leborios profectus in campos, collocatisq;  
tabernaculis ad Annechimi Pontem, quæ Cam-  
pani nunc agri pars, Gallica appellatione  
Mansio Rosarum dicitur, dum eques instructus  
convenit, peditem scribit. Interim etiam dum  
segetes maturescunt, explorat undiq; Mar-

tiani consilia, qui se Albanum intra agrum, Massicosq; munierat montes:  
quibusq; maxime artibus Sueffana intra culta, vicusq; irrumperet, ani-  
mo sollicitus agit. Erant duo omnino aditus, alter cõfragofo itinere, ac ma-  
xime angusto, præruptis rupibus, cui Cascano est nomen: qui locus et mul-  
titudine lectissimorum peditem, quorum erat Martiano copia, et aggere tur-  
ribusq; ad portam substructis præmunitus, spem eripiebat inter tot muni-  
menta, acerrimosq; defensores ferro viam aperiendi. Alter erat aditus Si-  
nueffanas ad balneas, secundum mare, et ipse fossa propugnatoribusq; egre-  
gie instructus. Nam ad mare quadrata est lapide turris in altum protende-  
batur, et in medio tractu Massicos versus motis, loco paulo editiore in arcis  
formâ, etiam structio est lapide erectæ turres erant, quas inter ac declina-  
teis radices montis modicus procurrebat tractus à sinistra. Maritimam ue-  
rò inter turrim à dextra, aggeres duelli horrebant, munitionesq; turritæ,  
cum fossis, frequentibus etiam sclopetis, colubrinisq; instructæ, multisq; et  
strenuis munitæ defensoribus. Summo autem in monte turris item est lapide, ue-  
teriq; surgebat structura, quæ et aditus quosdam per se etiam difficiles, atq;  
arduos tuebatur, et ex altissima despectabat specula subiectos campos ac  
maria. Quæ capta, superiore est loco pediti dabatur ingressus intra muni-  
tiones, opportunitasq; invadendi à tergo propugnatores. Ceterum res dis-  
filiior apparebat, quod specula ipse neq; carebat custodibus, aut præsi-  
dio, et equitatus opportunis in locis à Martiano dispositus discursans paten-  
tis agros tutabatur, occurrebatq; repentinis casibus. Hic igitur delectus est  
locus in planitiem irrumperendi. Rex vero quo hoc ipsum consilium ho-  
stem latere, motis est Rosarum Mansione castris, ad Sauonem profectus, me-  
tatur secundum amnis ripas, circiter duobus passuum millibus à Turri Fran-  
colisia, ubi diebus aliquot castra habuit sub specie mæstanti agri, atq; col-

ligendarum segetum, præ se etiam ferens Cascani sibi esse saltus consilium inuadendi, diruendæq; munitionis. Quæ è re Martianus quanquam timebat etiam Sinuessaniæ munitioni, uim tamen omnem peditum illuc conuertit, equitatumq; propius admouit. Ipse uerò Suessæ agere, ac nunc his, nunc illis sese locis ostendere, prospicere munitionibus, multa per præfectos administrare, exploratores plurimos huc illuc dimittere, nequid à tergo, latereue per Lirim amnem, oramq; maritimam repentini ab hoste accidat, ne ue per Theanêses, aut Gallutianos saltus, Taurum ue môtê uis aliqua ex occulto inferatur, cauere, procurare, auertere, summo studio die, noctuq; intendere, agrestes, coloni, uillici uti faciendis mœsibus, cõportandoq; in urbe in frumento dent operam, imperare, ac festinari iubere, nullamq; discrimen festi, profesti ue dici haberi permittere, nihil deniq; uacui à labore, officijsq; colonis, militibusq; labi sinere. Cum Ioanne simul, qui eò se è Marfis contulerat, multa etiam agitare. Illud uerò cum primis uereri, ne Federicus Vrbina, neue Vrsinus Neapolion, qui iussu Pontificis in Soranum, Arpinatemq; è Sabino bellum transtulerant, per Casinatem à tergo agrum inuaderent. Quod tamen sepius per literas, nuntiosq; rogati à rege facere recusarunt, Pontificis imperiũ causati, dum Pius sibi statuit, Romanæq; ecclesiæ, non Ferdinando regi Celanensem, Soranum, Arpinatemq; simul agrum ab hoste uendicare. Quo factũ est, uti Pons Ciruus, opportunum Casinatis agri oppidum, atq; ad Liris amnis ripam positum, ab Ecclesiâ hodie quoq; teneatur. Nã Ferdinandus quo Celanensem reuendicaret, Mariam è concubina filiam Antonio, Pij sororis filio uxore dedit, ijs conditionibus, uti Celanensis Comitatus Antonio, Mariæq; dotis traderetur nomine, uiueretq; Antonius, liberiq; eius quo ante iure Celanenses Comites Neapolitanis sub regibus uixerant. Atq; inde mortuo Pio, cum successisset Sixtus, collocata Catarina, Martiani filia, Antonio Rucrio, Sixti sororis filio (nã capto Martiano, filiarum eius uiris collocandarum curam susceperat) Soranum, Arpinatemq; agrum ab Federico, Neapolioneq; recuperatum, sibi, regnoq; Neapolitano restituendum cavit, dotis nomine Catarinæ atq; Antonio, Pontifice uolente, traditum. Rex igitur communicatis cum Roberto Calatino consilijs, cuius forti, fidelique opera multum utebatur, iubet illum intempestande, magno silentio, egressum castris, quatuor cum turmis equitum, aliquotq; peditum cohortibus superare Masicum saltum, turrimq; occupare speculatoriam. Ille impigre pulso præsidio, quod saltum tuebatur, percussisque multitudine displodentium scopetariorum turris custodibus, easq; statim de diti, summum occupat montem, quo è loco facilis erat pediti in planum ac post munitiones descensus. Rex accepto ab Roberto nuntio, instructo agmine cum uersis



uerſis copijs ad munitiones contendit: quô cū perueniſſet, dū interim di-  
cum exquiriſſent ſententias ſcitaturq; quid quisq; agendū cenſeat, Annechi-  
nus Morimilis, ſtrenuus, ac multis uir exercitatus bellis, reliſſū inter mu-  
nitiones, medias ad turres, callem ad uſum emittendorum peditum conſpi-  
catus, adacto ſummo cum diſcrimine per callem equo, ſubſequenteq; cui  
ipſe præerat, equitum turma, fugato præſidio, quod poſt munitiones excu-  
babat, aliquanto longius planitiē uerſus progreditur: ibiq; tantiſper pro-  
ſpectans ſtetit, dum regē de ijs quæ acta erant, certioſiorem facit, expectatq;  
ſuppetias mitti. Cæterū non expectato regis iuſſu, magnus tū peditū, tū  
equitū numerus eundē inſiſtentiū callem, qui attritu ungularū factus erat  
aliquanto habilior, trans munitiones irrumpit, iungiturq; Annechino. Il-  
le ſe uiribus ubi ijs auctū ſenſit, aliosq; atq; alios ſubſequi intelligit, ulte-  
rius progreſſus, conſpicatur Martianum pluribus cum turmis uenientem  
ſubſidio ſuis, magnocq; ferri impetu. Itaq; cohortatus ſuos, factusq; illi ob-  
uiā, impreſſione eius primo fortiffime excipit, dein uiribus uſus, facile eū  
atq; conſeſtim repulit, & uirtute equitum, & militū multitudine ſubinde  
ingruentiū: uerſumq; in fugam parū abſiit, quo minus regius eques inter  
frutices illū, uiarumq; anfractus interciperet. Miſſæ igitur à Ferdinando  
cōplures auxilio turmæ, ad Sueſſanos uſq; cliuios inſectatæ fugientes ſunt.  
In tercia ad munitiones acerrime pugnabatur, quibus magno impetu ca-  
ptis, & totus ſerē immiſſus eſt exercitus. Dum autem maritima oppugnatur  
turreſ, ſitq; inter pugnantes de deditione mentio, exploſa colubrina ab il-  
lis, qui turres deſenſitabāt medias, præſectus maritimæ, qui de dedēda tur-  
re agebat, colubrinaria pila traicitur: cuius caſu turbati reliqui, qui in pro-  
pugnaculis erāt, ac percuſſi metu ſeſe dedidere. Tum uerò magnæ excu-  
ſiones Albanos per agros factæ, multi mortales occupati meſibus, paſſim  
in campis capti cum bubus, iumentis, equis, pecorisq; ingens uis abacta.  
Quod regi ubi nuntiātū eſt, miſſis conſeſtim qui equites reuocent, iubet  
uniuerſos in caſtra regredi. Multa enim cū ſupra opinionē ſucceſſent, &  
dolos uerebatur, & conſilij incertus erat. Die quæ inſecuta eſt, dirutis  
munitionibus, exercitus immiſſus eſt, cū impedimentis, caſtraq; ſecundū  
Lyrin in pratis poſita, eoq; tormenta mature conuectari iuſſa, ponſq; è  
ſcapis, atq; interiectis tabulis ſuper Lyrin ſtratus. Interim mediarum  
turrū præſectus, deſperatis auxilijs, ſuæq; ac ſuorū ſaluti parum fidens, ſi  
tormenta propius admotæ eſſent, deditur, his conditionibus, uti liberū cū  
ueſtimentis, ijsq; quæ cū eo eſſent abire Sueſſam liceat. Rex igitur, quo ho-  
ſtem ad inopiam ac ſinem redigeret, diebus ſingulis, producta maxima  
copiarū parte, conuocatis frumentariam ad prædam finitimis, agros na-

stabat, atq; ex cæcis segetes, frumentumq; comportari in castra, tutosq; ad locos iniungebat, summa cura per solertes atq; idoneos viros huic rei adhibita. Perlatis itaq; in castra tormentis, decreuit rex arcem, quæ trans Lyrim à Martino tenebatur, expugnare. Itaq; concussis aliquot icliis eius muris, nō multos post dies, facta à præfecto deditione, arce recepta est. Per eodē dies Neapolion ad regem in castra uenit, communicatisq; simul cōsilijs, confestim ad exercitum in Arpinatem redijt. Tumultuatum est etiā in castris ad Falciculā. Id signum est gregariorū militū, dum ad arma aduersus ducem concurrūt. Nam in unum omnes locū armati ad id nomen conueniunt, ducesq; sibi suo ex ordine ac numero statuunt. Neq; etiam raro aut duces ipsos exercitus in medio belli ardore deserūt, aut forum rerū uenaliū diripiunt, nonnunquam etiā ducum ipsorū tabernacula. Tumultus huius ea fuit causa, quod gregarius propter rem furto subreptā, à prætore, qui nūc magister castrorū dicitur, Gallico autem uerbo Marescallus, ad suspendiū trahebatur: quod ægre multitudo cum ferret, repente gregarij rei amicus cœpit conclamare Falciculam. Ibi è uestigio gregariorū undiq; nimbus conuolat, parumq; abest tumultuatio à direptione tabernaculorū. Rex tamen faciliè post primū impetum, instructo statim equitatu, repressit tumultuantes, ac bonis uerbis delinitos, ut ad tabernacula sedatis redirent animis suasit, condonata reo uenia. Spoliatis igitur campis, omnibusq; fortunis exutis agris, decreuit rex expugnare Montis Draconis rocam. Id oppidum ad Massicorū exitum montium, quā in mare, atq; ad meridiem spectat, editissimo in uertice situm, Falernos, Stellatisq; despectat agros. Ad eius autem montis latus, quā in mare uergit, uestigia extant ueteris oppidi Petrini: cuius è ruinis, quod nunc est in uertice constitutum oppidum, traxisse originem, sunt qui arbitrentur. Ad alterum uerò latus, quod Solis prospectat ortum, fanulū existit Marci Euangelistæ. post cuius aram hiatus esse subterraneum indigenæ affirmant: in quem ubi paulum modò descenderis, ad intimū ipsum montem specus panditur, ingens ipsa, ac nunc latis, modò angustis anfractibus uisita, et horrens: quos qui ingressi quandoq; fuerant, nunquam post id reuersos, quod à draco: x antri custode, tetra primum exanimati afflatu, mox etiam deuorentur. Atq; ob hanc ipsam causam de dracone nomē monti est induitū. Referebat Philippus notarius, loci eius incolæ, uir summa fide, ac multo rerū usu, mibiq; persamiliaris, hiatus illū superiniecto saxo oclusum olim iussu Iacobi Sannazarij Neopolitani, uiri patritij, qui oppido, finitimisq; imperit auit agris, sub Ladislao rege, cui ob uirtutem, rei q; militaris peritiam cū primis ille fuisset acceptus. Dū Iacobus ipse et superstitioni ratione hac it obuiam, et ne

quis

quis è popularibus, aut accolis, ut sunt humana ingenia, dū explorandi studio capitur, antram ingressis, aut ruina decedens, aut aspiratione tetra afflatus, diem illic obiret. Quā ipse causam esse duceret nullius ingredientū reditus. Locus is igitur et aditu difficilis est, et natura, manuq; permunitus, quicq; pacis tēpore propter asperitātē ab habitatoribus destituatur, qui sub ipsum montē, uicū maxime frequentem inhabitant, cui nomē est ad Marcos. In co uico collocatis rex equestribus copijs, peditatū ferē omnē distribuit in colle, qui uertici ex aduerso obijcitur, interiectā conualle, nuda arboribus, horrida saxis, accessu aspera ac difficili. Disposito hic peditatu, delegit rex locum statuendis bombardis, magnōq; fabrorū labore structis, cōgestisq; absq; calce lapidibus, castellū ædificat. Quo perfectō, uicū subuectandis ad castellū bombardis per obliqua, confragosq; montis latera cōpluriū dierū, plurimorumq; hominum opera strauit, produxitq; in summū. Rex hortari uidetur, uti pro meo instituto, et regionū, et locorū tū nouas, tū ueteres appellationes refrā, quo quæ dicuntur à nobis, apertiora fiant legētibz. Vetus Cāpania per Augusti tēpora ab meridie mari Tyrreno, ab occasu Tibcri, Sarno flumine ab ortu, Hernicorū ac Samnitium mōtibz à septētrione claudebatur, multos populos, ac gētes præclarissimasq; intra se urbis cōtinens. Post clades igitur Italicas ab exteris illatas nationibus, postq; euerسیونē Romani imperij, fines quoq; mutati sunt, et cū ipsis finibus regionū nomina. Itaq; tractus is omnis qui est à Tibcri ad Tarracinēsem salū, post Amarenū Latij oppidū per Velitras, Syrmoneatā, Setia, Priuernū, Tarracināq; Maritima hodie ora dicitur, corrupta aut à uulgo appellatione Marremma, uidelicet quod mari adiaceat. Qui uerō tractus, Prænestinū post agrū, per Valmontonium, Ferentinū, Anagniam, Frusinonem, Ceparanū, Aquinatē ad agrum porrigitur, suo nomine hodie quoq; Campania uocatur. Vterq; autem tractus Romanæ ecclesiæ ditionis est. A saltu uerō Tarracinenſi, finibusq; Ceparanensibus Neapolitanum regnum incipit. Quodq; agrorū atq; urbium ab eo saltu, ijsq; finibus ad Sarnum usq; fluuium, cui nunc Scaphata nomen est, interiacet, Leboria terra dicitur, appellatione inde ducta, quod quæ terra à Latinis olim Campania dicebatur, à capiendis fructibus, atque ab ubertate soli: quicq; nunc Capuanus est ager, quod Græcæ illum tunc gentes atque urbes colerent, eadem nominis similitudine, Leborij dicti et agri, et populi. Quocirca exigendis uestigalibus regij quæstores, diuisis prouincijs, tractum hunc Leboriam appellauere terram, in qua sunt Fundi, Hydris. Caieta, Mola, Casinates, Sueſſa, cuius ager Albanus quondam dictus est, Theaurum, Venasfrum, Capua, Caseria, Auerſa, Puteoli, Neapolis,

Nola. Cui adiungitur ab iisdem questoribus, Samnij quoq; pars ea, in qua est Bouianū, & Isernia, qui ager recenti nomine est Molisius, Molisio ab oppido, à quo originem duxere qui agro quondam imperauerunt. Quae re familia quoq; Molisia hodie agnoscitur. Subuectis igitur summū in collem bombardis, multo hominum labore, maiore iumentorū, boumq; pluribusq; diebus frustra absumptis, quod oppidi moenia septētrionem uersus, quā bombardis exposita erant, in summo erigebantur uertice: cum tamen uniuersum post ea oppidū in austrum uergat. Itaq; quod tormentorū longior esset iactus, muriq; humiliores, iactus ipsi frustrabātur bombardarum. Nam aut superuehebantur propugnacula, aut montis percutiebant saxa, uerticisq; exesas cautes, quibus muri impositi. Neq; huic rei adhiberi remedium poterat, nō temperandi pulueris, non ad normā minutius exigendi, atq; ad metam, & ad iactum lineas. Quae res Ioannem Martianumq; inuitauit, quod pollerent peditatu ad inuadenda tormenta, eosque qui in praesidio pedites, equitesq; in colle ad castellum constiterant. Itaq; intempesta nocte per anfractus uiarum perlatus Andegauensis miles, ubi propior factus est castello, magnis sublati clamoribus uigiles inuadit, eosq; qui in praesidio erant, cedit, fugatq; castellūq; adortus tandem per uim copotitur, uulneratis primo, inde captis qui ad bombardas intra castellum excubabant, in quibus fuere strenui ac nobiles uiri. At qui ad Marcos in castris uigilias agebant, re per clamores cognita, accurrunt. Rex & ipse, ut quisq; armatus offerebatur, alium post aliū summittit, donec copiae omnes armatae ad signa cōstitere. Et iam prima rubescebat aurora, cum hostes conspicati ascendentem militem, superantemq; montis ardua, relicto castello, tormentisq; non expectato primorum ascensu, cum captiuis per montes citato gradu Sueffam se recipiunt. Rex terribundus, quanquam oppidanis excidiū, direptionem, cædemq; minitabatur, irritum tamen incepto, paucis post diebus inde abiit. Verū enim irritam obsidionem, utq; in cassum cederent conatus tanti, fusus repente cælo nimbus efficit, laborantibus, ac penē eneclis siti popularibus. Nā quod menses aliquot nullos aërhymbres dederat, et quod in cisternis erat collectum aquarū, id omne exhaustū cū esset, languentibus maxime agrestibus, cunctis deniq; ob aquarum inopiam postremo metuentibus, nefariū ad sacrum, Magicaq; ad maleficia cōcursum est. Quod in summis miserijs, ultimaq; aquarū penuria perditissimis à sacerdotibus commentum esset, dum impie agendo, Dei simul iras, & aëris turbationem, ac tempestates exciunt. Inuenti enim ex oppidanis, atq; obsesis sunt, qui nocturnis intenebris, deceptis castrorū uigilijs, per asperissimas rupes furtim profecti ad litus, trahētes secum ima-

gincm

ginem affixi ad crucem CHRISTI, maledictis illam prius ac diro persecuti carmine, post in mare execrundi immerferint, cœlo, mari, terrisq; tempestatem imprecanti. Quo etiam tempore sacerdotes quidam mortalium omnium scelestissimi, dum satis facere profanis militum artibus student, ritum nefarium secuti, quo, ut dictum est, in huiusmodi necessitatibus elici hymbres putantur, asino pro ædis foribus constituto, tanquam agentis animam cecinere funestum carmen. Post diuina Eucharistia in illius os, palatumq; iniecta, conclamatum asinum sanctis cantibus, uiuum tandem ibidem pro templi foribus humauere. Hic uerò uix dum perfetto sacro obnubescere aër, ac mare agitari uentis cum cœpisset, diesq; medius offundite nebris, ac nunc cœlum micaret ignibus, nunc lux omnino eriperetur, tonitru cœlum, terræq; horrescerent, uolitarent euulsæ uentis arbores, discissæq; fulminibus saxa complerent auras fragoribus: prorupit tanta è nimbis pluuia, hymbresq; tam ualidi, ut non cisternæ modò colligendis aquis satis non essent, sed arentia saxa, rupesq; exustæ solibus, torrentes undequaq; prolapsos diffunderent. Itaque rex, qui sola in siti potiundi oppidi spem collocauerat, frustra ab ea habitus, ad Sauonem uetera in castra rediit. Cæterum existimare Deum iratum, beneficium pro scelere referre, neq; pij est hominis, neq; rerum naturæ callentis atq; peruestigantis causas. Quo enim maiores inualuere siue hyeme, siue æstate æstus, cœliq; ac terræ siccitates, eo tempestates consueuere post sequi foediores, nimbisq; magis procellosi. Habente hic castra Ferdinādo, leuius quidem ex iniitijs agitari cœptum est de pace, Martiano populariū iras ob famem, futurū in annum uerente, Ferdinādo autem metuente Tarentini perfidiam, quodq; intelligeret quartana illum magis magisq; indices premi, ex eo cupiente in Apuliam quamprimum, finitimaq; Tarentini locis loca cum exercitu proficisci, ad naturæ extremos casus. Itaq; æquis cōditionibus pax fit, pax additur alterū affinitatis uinculum, Beatrixq; Ferdinādi filia, quæ post Matthiæ Hungariæ regi nupsit, Ioanni Baptistæ, Martiani filio despondetur, permittente Pōtifice, quòd uterq; et uir, et uxor, alter è sorore, è fratre altera, Alphonsi regis liberis orti essent. Moxq; ex conuento Beatrix à Ferdinando Sueffam, ad Helionorā sororem mittitur, futurum pignus et securæ pacis, et certi matrimonij, cum esset uterq; impubes. Andegauensi publica fides data, tutò se Isclam ad Torrellā cōferendi, quibus cum etiam uellet è suis. Cæteris in quæ loca, et ad quos uellent accedēdi potestas permissa. His igitur peractis, rex extrema parte æstatis in Apuliā profectus, positus ad Luceriam castris, inde ob scelopetoriū, colubrinarumq; diurnos, nocturnosq; displosus, repentinasq; cuiusq; modi militum generis cædes,

dimissa obsidione Manfredoniâ petit, quam uersus cum è Campania discederet, ænea cõportari tormenta iusserat. Itaq; uno ferme tempore & rex propter mœnia metatus est castra, & carri cū tormentis, alijsq; machinis cõperuenere. Quibus aduersus muros à septentrione ad iactum admotis, paucis diebus, quassata mœnia, dirutaq; turres, dedendæ spem urbis pollicebantur. Cū iam in castris ob summam cõmeatus inopiam penè tumultuatuū est, stipendijsq; cõclamari uniuerso à milite cœpta. Rex igitur quo sub spe stipendiõrū è uestigio soluendorū exercitiū promptū, paratumq; ad imperata haberet, Baroliū ad ea comparāda proficiscitur. Eo uix digressō, nauigia duo oncrata fabis, atq; à Tarētino sub speciem exercendæ mercaturæ ab Vigilij, quod maritimū est oppidum, missa, cum appulissent, ad litus consistere: admonitiq; nauigiorū ac fabarū domini, non licere, qui amici essent, obsessam eos urbem ingredi, aut adiuuare annonæ, fabā in continenti expositam regio quæstori uendidere: quam per equitum ac peditum cum distribuisset capita, hac ratione tridui cõsultuit exercitus totius fami. Cum interim ducibus oppugnationem parantibus uentū est ad deditionis conditiones, quarū medius Barolitanus cū esset Barnabās, scriptis ijs quæ ad regem mitterentur, dū inter ciues, militesq; pacata seruntur colloquia, ad muros atq; ad portas facto ex improviso impetu, ducū fraude ac prædæ cupiditate per ruinas mœniū irruptū est in urbē, eaq; foedissimo exemplo direpta. Atq; inter sacra profanaq; discrimen nullū habitū. Quæ res ingenti Ferdinandū dolore affecit, qui ne statim regredi Manfredoniā ad exercitum posset, aliquot dierum febricula effectum est. Interim arx Sancti Angeli dedita cum thesauris, qui in ea erant, missusq; ad eam accipendam cū præsidio Iouianus Pontanus, qui regis iussu in castris remanserat, quo ducibus adesset copitum in administrandis rebus. Descendentem in Apuliam regem Antonius Agellus, & Antonius Vidanus adierunt Tarentini Legati, ijsq; Romam, uti aiebant, ituri post habitū cum eo congressum, rex illos ad Ioannē Antoniū remisit, qui aggrauatē quartana Idibus Decēbris in arce Altemuræ diem obiit. Mors tamen eius suspicione non caruit. Nā uterq; Antonius in suspicione cum uenisset initi cū rege cõsiliij, subminatus (in cubiculo solus cū esset, ac sine testibus) Tarentinus eis fuerat, ubi Tarentū, quō properabat, peruenisset, securi quamprimū in illos animaduersurū. Id à puero qui assiduus in cubiculo uersabatur, clanculū, & quasi non audisset exceptum, atq; ad alterum ex Antonijs perlatū, à quo blanditijs, pollicitationibusq; delinitus puer fuerat, præproperandam ad necem perpulisse utrunq; creditum est. Itaq; ad multam noctem ingreßos cubiculum, ut qui repentinum aliquid afferrent, somno, morboq; oppres-

sum strangulasse, statimq; ad regem misisse mortis nuntium. Multaq; com-  
 perta uiolentæ mortis signa, statim diuulgatum est. Rex accepto nuntio,  
 misissq; qui urbem, atq; arcem acciperent, cumq; ijs simul Marino Toma-  
 cello, fidei et cauto uiro, qui duodecim millia aureum ex arce, magnaq;  
 auri atq; argenti summam inde in castra ferret, accito est Mafredonia milite,  
 solutoq; stipendio ad Aufidum pergit: atq; inde mouens in agro Tranensi  
 confedit, tamisper ibi moratus, dum qui post Ioannis Antonij mortem, Ba-  
 rensi in terra motus fierent, ab exploratoribus significaretur. Inde uero  
 cum ad Quartanam mouisset syluam, maneq; solis sub exortum, innumerabi-  
 lis fere sturnorum numerus palustribus et locis in æra perlatus cū esset, in-  
 gruens ex improviso falco accipiter, eos repete fugat ac disijcit, tantusq;  
 inuasit aues metus terrorq; uti inter acies cōuolarent, ac si armatorum ad  
 ordines cōfugerent, magna exultatione incedentis agminis, feliciq; bene-  
 uaticinantium militum præsagio. Quo augurio proficiscens rex, ad syluam ubi  
 peruenisset, nuntios accipit, urbis fere omnes et Barensis, et Hydruntini  
 et terræ, inuocare Ferdinandi nomen, ac salutare eum regem. Quam ad etiam  
 statim oratores in castra misere, quosq; ipsæ uocant Syndicos, qui publico  
 populorum nomine seq; urbesq; dederent. Cum autem factus esset certior  
 Ferdinandus, Iulium Antonium Aquæuium Tarentini generum, cum uiginti equi-  
 tum turmis in armis esse, idq; studere, quo Baro urbe potiretur, in cuius ar-  
 ce ad quadraginta aureum millia seruarietur, Trilicium uersus castra mo-  
 uit, ubi pluribus diebus cū haberet castra, Barum atq; arcem ipsam finitimis  
 cum oppidis recipit. Interim Iulius Antonius, qui uiuente etiam Ioanne An-  
 tonio regis fouerat partes, quod et populos in regem inclinanteis cerne-  
 ret, et spurium Ioannis Antonij filium, nequaquam eo ingenio præditum  
 nosceret, qui succedere paterno imperio dignus atque idoneus uideretur,  
 cum rege pactus, liberali ad illum animo in castra suis cum copijs uenit, uexil-  
 laq; ueneratus est. Inde rex dispositis opportuna per loca copijs, Tarentum  
 profectus, omnia pacata inuenit, nullumq; fuit alicuius nominis oppidum ad  
 quod non accesserit benigne, liberaliterq; acceptus à ciuibus, quos ipse pu-  
 blicè, priuatimq; ac præsertim benemeritos, quosq; prosecutus est priuile-  
 gijs, muneribus, beneficijs, aliosq; liberauit uexilligalibus, alios ornauit sti-  
 pendijs, equestriq; prærogatiua. Compositisq; regionum earum rebus, sub  
 ipsum uer Neapolim redijt uictor, opibusq; et fama insignis, diuersis etiā  
 oratoribus qui ad eum confluerant, alijsq; et bello, et pace claris uiris,  
 in ijsq; Alexandro Sfortia, qui ad eum et Theatibus uenerat, ac Bartholo-  
 mæo Cardinale comitantibus. Duxit autem secum et Iulium Antonium,  
 cuius opera, cōsilijsq; in maximis pacis ac belli rebus ex consue est, cuius



etiam ductu multa post & fortiter gesserit, & feliciter administraverit: tamen si in toga quam in armis non minus uir hic clauit, ad prestantissimam quæq; natus munia domi, forisq; Ingredientem Neapolim Ferdinandus, ordo, populusq; nullo non honoris genere cumulauit. Gaudij letitiæq; à uiris, mulieribus, omni deniq; ætate, in templis, porticibus, compitis, priuatorumq; ciuium domibus signa promiscue præbita. Is postquam & ciuium, & oratorum rebus, qui ex Italiæ urbibus gratulatum multi uenerant, satisfecit, reuersus ad belli studia, Isclæ obsidione acrius intēdit, datq; maritime rei operam. Hinc Oui arcem multis prius usus artibus, corrumpendis custodibus, concutit, admotis ingentis crassitudinis tormentis, in cassum tamen, multorumq; operum, & dierum iactura. Longe uerò post fame coactus, præfectus illam dedit, qua undiq; perquisita, præter salis pusillū in ollula, fasciculumq; salitæ brasicæ, nihil omnino esui quod esset, in arce repertū est, adeò fortibus atq; obstinatis animis præfectus, defenso resq; extitere. Inter hæc agente ad Isclam Ioanne, tum rebus alijs, præsertimq; missa clām annonæ, tum interceptis Martiani literis, cognitū est illum noua cum Ioanne inisse consilia, idq; modò expectari, dū ex ecclæ messes essent, frumentaq; intra oppida relata, ne renouato bello fame premeretur, populariumq; metuendi tumultus Martiano essent. His perceptis cōsilijs, multa cū animo suo agitans Ferdinandus, illud primū curabat, ne ratione aliqua suspectā habere Martiani fidem putaretur, quodq; Neapolis graui laborare peste cœperat, quo urbem multitudine uacuum faceret, per hæc speciem statutis Leborio in campo tabernaculis cō se recepit, assidue uenatu, aucupijsq; nūc Capuano, nunc Auersano se exercens in agro. Quodq; Caldoræ in Ferentanis hostiliter adhuc agerent, ut qui debellaturos eos esset, soluto militibus stipendio, conuenire eos Rosarū ad Mansionem iussit: atq; ubi maturæ segetes uisæ sunt, repente ad Sauonem uniuerso cum exercitu profectus, Martianum ad se in castra omnibus cum copijs euocat: quō nī statim proficisceretur, illum se pro hoste habiturum, agrumq; eius omnem hostiliter populaturū significat. Ille primo timens, pauensq; prius etiam omnia tentaturus uidebatur, quā ut regis se fidei permitteret armati, & inimicū præ se ferentis animū: tandē & suorum admonitionibus, & quod popularium fame laborantium animos uerebatur, iratos iam, & de rebellionē cogitantes, ad regē uultu, orationeq; quam maxime cōposita in castra uenit, ab eoq; benigne acceptus est. Cū eo rex permulta egit tum de rebus suis alijs, tū de conciliandis, aut debellandis Antonio, reliquisq; Caldoris. Ille uerò aliquot post dies, ex quo in castris manserat, quiescente in tabernaculo rege, mane sub exortum solis, equo per castra præ-

præter solitū deuectus, deambulansq; cum paucis, ac subinde quasi multa animo agitans uultum immutabat, aliq; atq; aliō sese uertens, nūc humi fixos tenebat oculos, nunc cœlum suspirans, aurāsque suspectabat. Quod animaduersum cum esset, regi q; perlatum, iussu diligenter uadum obscurari fluminis, quo ē loco ad Carinulas fugienti (neq; enim amplius duobus millibus passuum oppidū aberat) iter tutum erat uadum prætergresso. Incertus igitur, atq; animi dubius fluctuansq; diutius cum fuisset, tandem ad uadum iam citato equo repentinus ferebatur. Ibi interceptus à custodibus, captiuusq; Capuam, atq; inde Neapolim regis iussu ducitur. Qui statim urbibus, atq; arcibus illius potitur, Helionora cum liberis, ac Beatrice Auersum deducta. Ipse confestim cum exercitu in Samnium, Ferentanosq; profectus, receptis in itinere castellis, atq; oppidis ferè omnibus, quæ Caldorarum essent, castris ad Vastum Amonis positis, quod olim Istoniū fuisse multa docent, acri illud obsidione premit. Qua in obsidione propter multitudinem ænorum tormentorum, quod permulti quotidie passimq; ac promiscue in castris caderent, atq; alij coxis, alij brachijs aut humeris mutilarentur, fœdæ mortes, uulneraq; fœdiora essent, multa præter opinionem Ferdinando contigere. Futuram nanque breui Istonij obsidionem præsagiens Antonius, cum ipse se Riparellæ contineret, quod id castellum natura maximè munitum esset, locoq; summe edito positum, strenuissimum quenq; ac sibi usu ipso cognitū ex ea quam secum habebat copia, ad urbem tuendam præmiserat: præfeceratq; præsidio Rancierum Ligninum Neapolitanum, uxoris suæ fratrem, acri iuuenem ingenio, cōstanti fide, manuq; admodum promptum, ac maximo quoq; quod offerretur periculo exultantem. Horum igitur opera, pertinacibusq; effectum est studijs ac laboribus, uti rex obsidionem tandem omitteret, plurimis diebus magna cum suorum cæde frustra absumptis. Itaq; disposito milite finitima per castella, qui ne cōmeatus in urbem inferretur, prohiberet, fame Istonienses compellere ad deditionem decreuit. Ipse ad constituendas regionis eius res conuersus, illis compositis, sub autumni exitum in Campaniā regreditur. Antonius post regis digressum, relicto Riparellæ præsidio, cū ea quam secū habebat, manu hostem frustratus, nocturno tempore itinere maximè occulto, Istonium ingressus, populares primo cohortatus, multa spe ac pollicitationibus illos honorat. Deinde cum intelligeret ciues diutius famem nullo pacto toleraturos, Restainum filium ad regem in Campaniam misit, qui cum eo de se dedendo, deditionisq; cōditionibus ageret. De qua Neapoli cū ab Restaino ageretur, interim Iacobus Carrasæ, quem rex militibus qui in finitimis Istonio castellis hyemabāt, præfecerat, clam

cum primoribus agere de deditione cepit: quos ad ultimam propè famem redactos sine spe maritimi, aut terrestri subsidij, honoratos etiam promissis facile in sententiam suam pellexit. Itaq; quo maxime tempore Antonius sperabat regi se pacatum filij opera, resq; e sententia pro temporum tamen statu compositum iri, tumultu in foro exorto, excitantibus illum Thoma, Petro, & Francisco fratribus, e Sanctorum familia, à tumultuantibus capitur, confestim regio inuocato nomine. Cuius rei certiore cum fecissent Ferdinandum, eius iussu Antonius Aversam perductus, arcis prefecto custodiendus traditur. Paucos tamen post dies, Restaino filio procurante, quod captus is fuisset interea dum de deditione ageretur, resignata prius Riparella, e carcere liberatur, constituto satis etiam liberali stipendio, quo Neapoli priuatus cum uxore ac familia honeste uiueret. Is uerò haudquaquam multos post menses, sub speciem curandæ ægritudinis, cum se Baianas contulisset ad balneas, Romam inde comparatis clam nauigijs fugit: nec multo post Viterbium, inde Firmium in Picenum proficiscitur. Ad ultimum uerò Esim petijt, ubi diem haud multos post annos obiit: uir specie quidē, atq; alijs corporis muneribus abunde clarus atq; excellens, quibus si animi quoq; dotes accessissent, in eas nunquam calamitates incidisset. Per idem tempus Alexander, qui Pisauri hyemauerat, maturato in Marfos reditu, iunctis cum Matthæo ac Roberto copijs, nam & ipsi ex hybernis prodierant, Aquilanum in agrum progreditur, tentaturus per idoncos homines ciuium animos. Illi igitur Tarentino mortuo, prostratis atq; attritis Andegauensium rebus, famem etiam cū timerent, agrorumq; uastationem, oblatas ab Alexandro conditiones accipiunt, ac per eū impetrata uenia, regi sese dedunt, accipiente urbem eam regis nomine Nicolao Statio, qui tum apud Alexandrum regis ipsius iussu agebat. Quæ deditio (nam ciuium ipsorum haud exigua in Pontificem Romanum inclinabat pars) Ferdinandi rebus plurimum autoritatis addidit ac uirum. Eæ nāq; urbis eius erant opes, ciuiumq; ipsorū uires ac facultates, ut facile in quam ipsi declinarent partem, Aprutij reliqui populos firmè omnis in eam traherent. Hæc urbs Amiterni de excidijs paulatim creuit, quod oppidū Sabinorum quondam fuerat, idq; maxime celebre Aboriginum etiam temporibus, qua tempestate Aternus illud amnis nondum alijs auctus fontibus medium secabat. Aberat tum haud multum ab Aterno uiculus de fonte dictus Aquila, quod nomen hodie quoq; pars ea seruat nouæ urbis Aquilæ. Diruto igitur Amiterno per ea tempora, quibus extincto Romano imperio Italia ab externis est nationibus occupata, ciues diuersi, alius alium in uicum cum concessissent, aucta maxime tum ciuium, tum conuenarum

frequentia est Aquila, propter agri opportunitatem, fontisq; ipsius usum, atq; ubertatem aquarum & pabuli. Nam pecuarijs è quæstibus Aquila præcipuè creuit. Sensum itaq; atq; non unis temporibus conuenientibus accolis, forum efficitur rerum uenaliū, emporiumq; regionis totius, finitimorū deniq; uicorum omnium ratione hac conuentus & caput. Cuius etiam frequentia accessit Forconij propinqui oppidi euersio. Nam & Aquila propinquum ab exortu Solis agrum Forconensem uocatum comperior. Adhæc & deleti etiam oppidi, alioq; de nomine etiamnum extant uestigia. Cum igitur aucti diuitijs conuenæ, hostilibus timerent incursus, inito simul consilio decreuere, uti dimensi solum, quantum abunde satis esset, regionatim in tot distribuerent partes, quot uici ad inhabitandum conuenissent, singulisq; partibus, quæ hodie quoq; nomina uicorum seruant, singulis attributis uicis, solum uniuersum moenibus undiq; cinxerunt: quæq; breuis ab initio dictus fuerat nomine de fontis Aquila, auctus post ciuibus, atq; opibus, prolatis etiam finibus facta est Aquila, urbs quidem ipsa ciuibus, autoritate, & opibus clara, regionisq; totius caput.

Nam et populus ipse quamquam lanitio deditus ac texturæ,

maximè tamen bellicosus est, finitimisq; undiq;

formidini, nec minus etiam regibus, qui

Neapoli imperant.

FINIS



VM hæc biennio ferme geruntur, Aenariæ interim  
 res insula factæ indies asperiores erant. Carolus  
 enim Torrella frater, comparata octo trirremium  
 classe, magnoq; biremiũ, aliorumq; nauigiorum  
 numero, ingentem omnis generis rerũ prædam in  
 Isclam cõuexerat, seq; maritimæ Campaniæ oræ  
 maxime formidolosum fecerat. Quo tempore re  
 gius miles munitionibus inclusus, magisq; ipse obsesus, quàm qui obside  
 ret, fame, sitiq; laborabat, atq; ad extremum adductus de ditionem medita  
 batur. Ad hæc mare infestum undiq;. Campanorum litus ab incursionibus  
 minime tutum: maritimæ cõportationes è Brutijs, Sicilia, Hispanijsq; ab  
 ultimis diremptæ: demum nulla non nauigatio importuna, maximeq; pe  
 riculosa esse, ac timeri iam ne Torrella prædæ pretio, allectationeq; tra  
 ctis ad se diuersarum gentiũ prædonibus, Tyrrhenum omne, Siculumq;  
 infestũ mare redderẽt, neq; Hispanis, in quorum manu maritimæ tum res  
 erant, satis credi, neq; alia uia prouideri posse. Quibus malis quo frospi  
 ceret Ferdinãdus, nec tamen quibus fideret, satis sciẽs, plurima diuersaq;  
 animo agitabat. Quoniã autẽm locus admonet, insulæ situm ac soli natu  
 ram paucis exponam. Aenariam à continente tractu motu terræ aliquan  
 do euulsam multa docent, exesæ rupes, solũ cauernosum, soli natura conti  
 nenti persimilis, arida, et calidis fontibus scatens, nutrit intestina incen  
 dia, unde alumine plurimo abundat. Quin etiam his ipsis annis Bartho  
 lomæus Perdix, Genuensis negotiator, Neapolim petẽs, cũ insulam præ  
 terueheretur, animaduertit aluminosos quosdã sparsos in ora maris sco  
 pulos. Annis enim circiter centũ ac sexaginta tribus antequam hæc gerun  
 tur, ruptis repente terræ uisceribus, exanhelato incendio, non modica sui  
 parte Aenaria conflagrauerat: quæ eruptio et uiculũ igne absumptũ post  
 uoragine absorpsit: et quã Cumanũ spectat litus, prouolutis ingentis ma  
 gnitudinis in sublime saxis, fumo, flãmis, puluercq; immistis, postq; per  
 agros sparsim impetu suo iactatis, maxime uberem atq; amcenã insulæ re  
 gionem uastauit. Quatempestate quædam etiam saxa scopulorum instar  
 in litus prouoluta cum essent, ea Bartholomæus fornacibus post excocta,  
 in alumen dissoluit, fuditq; reuocata arte ea, è Roccho Syriæ ab se allata,  
 ubi ipse plures annos negotiatus esset, quæ multis antea seculis in Italia ia  
 cuerat.

cuerat. Gignit ager nobilissimi generis triticum, fert & generosissimum uinum, estq; hortensium frugū maximè ferax, populares insule uicini habitant, positis ipse plerunq; tumultuosus & arduus: insurgit in eam mons apprime editus, in cuius pene uertice fons scatet eodem quò & ipse mons nomine Abocoetus, ab auuū frequentia (ut arbitrantur) dictus, cum reliqua insula gelidorum laboret penuria fontium: litora incurua magis quàm recta, cœlū clemens ac salubre: iungitur monti in quo est urbs sita, mole magna olim iacta: uniuersæ ambitus complectitur decem et octo circiter passuum millia, abest fermè decem à cōtinente, diuiditur à Prochyta freto nō satis amplo. In eam Alphonsus eiectis inde antiquis colonis uictor è militibus qui secuti eum essent, maximeq; Hispanis coloniam deduxit, arcemq; quam munitissimam struxit. Cuius post & arcis, & oppidi, & insule uniuersæ moderationem cum demandasset Lucretiæ, ea permittente rege substituit et arcis custodiæ, et moderationi popularium Ioannem Torrellam, Antoniæ sororis suæ uirum. Hic Alphonso mortuo, cum dominandi cupiditate teneretur, uiolato iure fidei ac necessitudinis, restituere primo eam Lucretiæ contempsit, dein quòd intelligeret illam cum Andegauensem sentire, re Ferdinando significata, ab eo sibi et urbem, et insulam impetrauit. Atq; haud multo post (ut erat insatiabili auaritia, incredibili ambitione, summa inconstantia, perfidia etiam barbara) cepit cum Ioanne clam agere de amicitia, promissaq; ab illo sibi Prochyta, statim cū Petro Coxa, qui insule imperitabat, similtates primo, post apertas etiā inimicitias excercere. Hinc Ferdinando maioribus curis presso, traiecto trircibus freto, expositisq; in litore militibus, insulam populatur: mox cōparatis necessarijs, oppugnare oppidum decreuit. Cumq; à rege monitus, ne fidelem, et sibi maximè acceptū hominem armis peteret, nec ab incepto desisteret, ac tantum non fame coactum Petrum ad deditionem cōgisset, tandem rex necessitate uictus, comparata classe, Torrellæ militem Prochyta expulit, liberatumq; obsidione Petrū commeatu plurimo, ac militibus iuuit. Torrellam per hanc occasionem cōfestim ad Andegauensem desciiuit, quem post ad se confugientem urbe acceptū, opibus etiā suis fuit. Quod ni Tarentini secuta breui mors esset, transmissio in Brutios cū trircibus (uti cōuenerat) Ioanne, insequenti anno bellū priori lōge infestius calamitosusq; instauratū iri apparebat. Igitur Ioannes in Isclam delatus, cōspecta munitionū naturā, primo mediocribus prælijs infestare regios, eos extra munitiones excitos sauciare, fatigare, haud quiescere sinere: post ne castris egredrētur, prohibere, arcere à lignatione, nequid ab insule popularibus importari posset, cauere: sclopetis, colubrinis, bombardis die noctuq; infestare: mul-

tos in propugnaculis, non paucos intra tabernacula uulnerare, aut mem-  
 bris mutilatos lacerare, donec eos cædibus, uulneribus, mutilationibus, fa-  
 me, siti, lassitudine, pestilentia è diutino labore, necessitudineq; exorta af-  
 fectos, ad ultimam rerū ac malorū omnium difficultatem artibus his rede-  
 git. In hac summa rerū omniū inopia illud eos maxime argebat, quod clau-  
 si terra, mariq; undiq; quo in statu res sue essent, significare nec regi pote-  
 rant, nec ab illo certiores fieri, quid pararet, quid ab ipsis parandum esset,  
 quando præsidū expectandū, omni itinere, terra, mariq; intercluso. Itaq;  
 rex magno nuntiorum discrimine ab ijs qui Abocætum tuebatur mōtem,  
 de suorū difficultatibus certior factus, re in senatu sæpius disceptata, cum  
 omnes de ferendo subsidio desperarent, quippe cū hostiū clas̃is abūde po-  
 tens, pollēsq; esset, cōtrā regi eo tempore præter triremim unā maritimi  
 apparatus nihil esset: in ea cōsiliorū infirmitate, consternationeq; animo-  
 rum, Ioannes Pous triremis eius præfectus, cæteris animo percussis omni-  
 bus ipse animi plenus: At, inquit, lōge secus ego sentio rex, lōgeq; alia mi-  
 bi mens, aliudq; à uobis cōsiliū est duces. Mibi est animus, expositis ab al-  
 tera insulæ parte in terrā militibus, occupato mōte qui mari imminet, in-  
 de decurrere, gladioq;, et hasta, modò lectus mihi miles detur, aperire ad  
 munitiones uīā, hostēq; ferro mediū cædere, et cōmeatu immisso liberare  
 ab fame, obsidioneq; munitiones. Huic sententiæ alij ut generosæ fortiq; for-  
 tes ipsi assentiebatur, contrā alij ut temerariā aspernati repudiabāt, metu  
 in maius aduersariorū res tollēte. Tū Pous rursus: Vobis, inquit, uiri regia  
 de re tāū agitur: mihi de regia, et mea de salute, itē incolumitate, bonisq;  
 meis omnibus. Si uicero, regijs, et meis rebus iuxta cōsulerō: sin fortuna,  
 quod nullo pacto reor, inceptis meis inuiderit, regi nihil amissum, mihi ui-  
 taq; et fortuna omnis in æquo mea ponitur. Et uos quidē Isclæ res despera-  
 tas habetis, ego uerō eas à calamitate ut uindicē, meo, rerumq; mearū o-  
 mnium discrimine laboro, et conor. Nolite quæso tāta meis mihi pariūdam  
 periculis laudē inuidere: dabo uobis, mihi credite, hoc uno facinore cōfectū  
 bellū. Rex probato eius cōsilio, triremi cōfestim instructa, duabus cū bire-  
 mibus, minoribus itē nauigijs duobus, delectis ter centū peditibus è uete-  
 ranorū numero, cōmeatu nauigijs imposito, noctu è Neapoli soluere eum  
 iussit. Ille tenebris, silentiōq; feliciter usus ad finitimū mōti litus applicat,  
 peditatūq; exposito, triremiq; alijs cū nauigijs Caietæ petere portū iussis  
 montē nullo prohibēte ascēdit, amiccq; acceptus, signo cognito, ab ijs est,  
 qui mōtē tuebatur. Nā summo in iugo Nicolai sacellū est, atq; haud procul  
 uetus munitio ad propulsandos repētinos insultus olim constituta, cui pe-  
 ggrina, barbaraq; appellatione nomē est Bastida. Hi cōmunicatis simul  
 consilijs



cōsilijs ē uestigio mittūt, qui de subsidij aduētū obfessos certiores faciāt, et quid agēdū sit doceāt, signūq; inter se cōmittēdæ pugnae cōstituāt. Nuntij quōd penetrare ad munitiones undiq; circūfessas ab hoste nequeūt, Pōū bi duo frustrati sunt, q̄ in expectatione rerū erat. Tertio die Andegauicēsis cōsiliij huius inscius incēdiariā machinā admoueri munitionibus cū iussisset, ea oblique tracta, in quē minimē locū oportuit declinauit, motūq; ipso magis accensa, flammā simul, ac fumū ingentē edidit. Quod cōspicatus Pous, metuensq; munitionibus à cōflagratione, instructa acie descendit ē monte. Partem ducebat cohortis Fantagutius, uir maximē strenuus: partem ipse cū Oriola, homine impigro, et ob fidem regi cognito. Vbi ad locū uentum est, signo dato, occupati expugnandis munitionibus hostem ex improviso adorti, magnū terrorē incutūt. Illi p̄ciore aduerso fortiter incurrētes sustinent. Ac nūc hi, nūc illi, fortuna belli domina uariante, loco cēdūt, multi uulnerātur. Strenue utrinq; pro gloria, pro uita, pro libertate pugnantur. Regij eruptionē ē munitionibus expectāt. Andegauicenses illinc paucitatem despicunt, hinc eruptionē uerentur. Itaq; innisi uiribus regios aliquantū propellūt. At qui intra munitiones clausi fraudē hactenus timuerant, ubi cedes, uulnera, fugas, impressiones emittētoribus ē turribus cōspiciantur, cōfirmatis maximē animis erūpunt. Editur pugna rara et nobilis, fortibusq; utrinq; animis decertata, utrinq; pro salute pugnantibus. Vtraque in dextra acies spem, salutem, libertatem repositam habet: regia si cesserit, nullo se loco tutā credere. Andegauicēsis in medio constituta hostiū, non fugæ, nō receptui locū habere, duces, centuriones, præfeti hortari, adoriri, ferire, milites alij impellere, alij cedere, pars capere, multi capi, uulnera, cedes, casus promiscui. Vtrinq; clamores tolli, utrinq; pro pugnae cūctu, aut fuga significari, aut uictoria. Tandē Andegauicenses ab fronte atq; à tergo arctius pressi superantur, nec sustentata impressione, pluribus aut cæsis aut captis, reliqui in fugā uersi, pars intra molem, alij pontibus qui expositi in litore erant, in tritemes se recipiūt, alij in mare prolapsi minoribus à nauigijs excipiūtur. Dux ipse Andegauicēsiū in fluctus maris mēto uenus immisus ægre à suis intra naucm sulcuatur. Victor regius, fugato hoste, munitiones ingreditur. Pous cōsolatus magis q̄ cohortatus, liberū iā ab obsidione militem, saucios curari, commeatū importari, præsidū per munitiones distribui imperat. Lāguidos aut morbo grauatos inde deuehendos curat. Nec multo pōst, constitutis ē sententia rebus omnibus, cōfirmatisq; militū ac populariū animis, ad montē reuertitur. Illi uictoria elati, speiq; atq; animorū pleni, felicia omnia sibi promittūt, ex eoq; hostē à munitionibus, atq; à continente prohibent. Pous ē monte ad litus digressus.

sus, ascensa è uestigio nauiculæ, quo discessus hostē lateret, Caietam ad trirēm deuchitur, statimq; Formiano solūcs litore luam petit, ubi intellexerat regias trirēmes expectare. Hæ simul inde digressæ Neapolim uersus dum feruntur, Argentario haud procul à promontorio, quatuor trirēmes, ac biremes totidem Punicas obuias habent, in easq; strenue illatæ, unam è biremibus capiunt. Quo minus insequantur fugientes, oblitere Andegauicenses trirēmes, dū timetur ne insequentibus ipsis à tergo inferatur. Itaq; felici nauigatione usæ, Neapolim paucis diebus aduehuntur. Atq; haud multo post, Ioannes Tarentino iā mortuo, desperatis rebus suis, in prouinciā inde Narbonensem enauigat, relinquēs in regni Neapolitani populis, atq; apud nobilitatem præcipue, permagnū sui desiderium. Cum esset maxime cōpositis moribus, integra fide, incredibili continentia, summa constantia, magno in Deū metu, in homines liberalitate ac gratitudine, iusti, honestiq; apprime colens, ac supra Gallorū hominum ingenia grauis, seuerus, circumspēctus. Ferdinandus igitur Aenariense ad bellū conuersus, comparata classe decem trirēmium, totidemq; honorariarum, ac biremū sex, et Galcerandū Hispanū prædonem præficit. Ille complureis menses, nauibus opportune dispositis, urbem sic cinxit, arcuitq; commeatū, uti tandem ad summā annonæ inopiam reductus Torrella fratrem è Prouincia arcesitū certiorē fecerit, ni quamprimū subueniatur, de se rebusq; suis esse omnino actum: maturaret igitur, se uel paucissimos dies uix esse toleraturū, uerendamq; interim populariū inconstantia, præsertim urgente fame. Carolus re cognita, ac maturandū ratus, honorata frumento nauī, instructisq; trirēmibus, nocturnis diurnisq; remigationibus, ad ferendū subsidium cum properaret, ubi in conspectū uenit insule, inito cū præfectis consilio, trirēmē optime omnium instructam, cui erat Delphinæ ob celeritatē nomen, quæ honorariam remulco traheret, præmittit. Ipse cum omni numero speciem præsefert magno impetu inferēdi sese ex improviso in Galcerandū: ratus hac ratione, dum regia se classis instruit, dū ipse sese minabūdus ostentat, omnem regiæ classis impetū in se tracturū, Delphinam interim quasi parū animaduersam ad oppidū, ipsamq; montis rupē appulsurā cū commeatu: quo facto, fugā ipse esset in altū abrepturus. At Sancius Samudius in statione collocatus cū esset, conspecta Delphina, minime cūctandū ratus, summis uiribus in illam rostro inuictus, edita cruentissima pugna, eā cum honoraria capit. Quod ubi Carolo cognitū est, spēs, animoq; destitutus, confestim in fugā uertitur. Galcerandus instructa classe, in altū prouectus, diurna, nocturnaq; remigatione fessos ipse recente remige facile assecutus, præter unam, omnes cū Carolo, aliteroq; è Torrellæ filiis capit, captasq;

ptasq; secum Aenariâ perducit, ac utranq; simul & uictam, & uictricem classem in ancoris ad fretum sistit. Quod ubi regi nuntiatiû est, ingenti cura liber, ac gaudij plenus, cum Ximeno Duræa, Siciliæ Legato, qui haud multos ante dies Neapolim ad regem uenerat, ad Miscnû profectus, Galcerando, præfectisq; gratulatus, gratias illis egit, quod fortiter fecissent, quod feliciter rem gessissent, quod eo facinore ultimâ bello manû imposuissent: ijsq; magnificè collaudatis, quid gerendû, quid à quoq; administrandû esset, constituit, statimq; Neapolim regreditur. Tum uerò urbs uictoriæ certa, festa omnia agere, uiri, mulieres, ciues, peregrini, senes, impuberes per urbem discursare, ad litus currere, molem peruagari: qui uictrice è classe redissent, seiscitari, gratulari, complecti, uirtutem eorum in coelum ferre, conuiuia parare, publice, priuatimq; lætari, quod mare liberû, quod nauigatio secura, quod tandem pax terra mariq; omnino esset parta. At Isabella regina qua erat pietate, & in Deû cultu, uictoriâ Deo acceptam referre, ipsa Mariæ aras, ipsa Diuorû templa adire, uenerari, paruos liberos ante se ferre, cum ijs ante illorû imagines procumbere, gratias agere, uota soluere, supplicia pluribus diebus facere: nihil ciuitas uniuersa, nihil nobilis, ignobilis, sacerdos omittere, quod ad declarandâ lætitiâ, nihil Isabella, quod ad gratitudinem erga Deû, erga diuos, diuasq; testificandâ pertineret. Torrella amissa classe, capto fratre, ac filio, destitutus omni spe, de deditiione per Duræam cû rege egit, per quem paucis antè diebus etiam tentauerat: exolutis sibi à Ferdinâdo aureum numûm quinquaginta millibus, oppido, & insulæ simul cedere. Res igitur Ximeno procurante conuenit his conditionibus, uti Torrella oppidû regi traderet, ipse liber tutusq; cû uxore, liberis, reg; omni familiari in Siciliam deferretur regijs duabus triremibus. Carolus frater, & è filiis alter, liberi suiq; iuris essent. Ximeneus conuentorum præses, ac fideiussor esset. Ante tamen quàm ille triremibus impositus uela faceret, Ferdinandus coràm exhortatus est eû, uti cû uniuersa familia Neapoli remaneret, rerû se præteritarum immemorem futurum, neq; ipsi, neq; liberis defuturum pollicitus. Ille regi gratias cum egisset, Neapoli soluens in Siciliam primo, post in Hispaniâ Tarraconensem, quæq; illi erat patria, Barcellonè perlatû est: uir profectò leuitate ac perfidia sua, deterrima quaq; sorte, ultimoq; supplicio dignus. Et hic quidem belli huius Neapolitani finis atq; exitus rerum fuit. Cæterum cum regni urbium princeps Neapolis, atq; caput sit, antiquissimaq; cæterarum ferè Italiæ urbium omnium, quæ nunc florent, de eâ si pauca dixerò, neq; alienû suscepto operi, & importunum minimè uideatur, tum propter uetustatē ipsam, & urbis nobilitatem, tum ob rerum plurimarum siue natura, siue

hominū arte, industriaq; comparatarum, copiam, atq; excellentiam, quibus ipsa affatim, mirificeq; abundat. Quia uerò uetustas ipsa, rerumq; remotissimarum obliteratio, earumq; cognoscendarū cupiditas ita exposulat, altius quedam repetam et perquisita, et eruta longo studio, multaq; antiquitatum peruestigatione et cura. Nec uerò uitio mihi dari uelim, si antequam de rerum Neapolitanarū loquor originibus, Italiae res à remotissimis etiam seculis repeto, et qui, et quales eam populi, aut reges ab initio tenuerint, in memoriam reuoco. Detur hoc uenia laboribus meis, compereturq; repetitionis ipsius remotior fortasse explicatio cū utilitate lectionis: quod condonari mihi non impudenter forsan uidear postulare. Igitur Italiā, cui post uniuersae nomē est hoc inditū, paulatimq; prolataū finibus, imperioq; ab Ionio mari ad Alpes usq; complexum est omnia, quae supero, inferoq; abluuntur mari, habuere in initio Vmbri, genus hominum bellicosum, acre, imperij cupidū, quiq; paulatim mediterraneis ac montanis à locis digressi, mare uersus Hadriaticum fines protulerint, ipsi reliquis, superstitēs q; diluuiōi, quae Deucalione regnante in Graecia, ab Aegyptijs, Graeciēq; ipsius scriptoribus extitisse memoratur. Quae tēpestate Atlantia absorpta insula, rerū quondā in occasu potita, unde etiam nomen pelago inditum, irrumpente oceano, mare hoc immissum est mediterraneū, quo tunc submersa atq; hausta fuere cuncta, quibus nunc interiectis Europa, Africaq; inter se atq; Asia distinguuntur. Fabulosa sanē res existimata, propter Poetarū decātata admirabiliter ea de re carmina, ceterū quae nec à natura ipsa rerū abhorreat, et Aegyptiorū consentiat historijs. Hos ante tenuerant Liburni partem eam, quae est ad superi maris sinum. Quibus pulsīs Vmbri armis eam occupauere, quaq; imperiū protulerunt, tractum omnem uocauere Vmbriam, uiris post oppidisq; diuturnū ob dominatum maxime frequentem. Liburnis finitima tenuere Siculi, atq; Aborigines, gens indigena, uel, ut alij uolūt, ex Arcadia profecta, duce Oenotro, Lycaonis Arcadiae regis filio, qui postea genti nomen dedit. Cuius etiam frater Peucetius oram alteram superi maris occupauit, eaq; sit ab illo appellata Peucetia, quae antē fuisset Iapygia. Regiū itaq; nomen gentis uniuersae ab Oenotro coepit, post quē aliquo interiecto intervallo Italus et ipse rex isdem est à populis dictus. Ab Italo, autem et Morges, et Siculus, qui à Morgete fratre dissentiens, dedit parentibus sibi populis nomen Siculis, perinde ut ab illo altero nominati sunt Morgetae. Atq; haec quidem omnia multis etatibus ante obfessum à Graecis Ilium. Hodie quoq; post Marforū atq; Aquilanorū fines est ager, qui Siculorū nomen seruat, mutata prima nominis litera, Ciculi enim uocantur. Nam et Sicilia insula ex illis dicta,

ab illiteratis hodie hominibus Cicilia dicitur, eadem mutata litera. Est & Vallis item Ciciliana quæ Præcutinorū est in Vestinis, qui sunt inter Aternum, atq; Truentū amnes: quæ regio Piceni quondam fuit, nunc uerò est Aprutij. Succesit deinceps illis Latinus belli Troiani temporibus, à quo præsci uocati Latini. Inter Siculos autem atq; Aborigines diutius certatum cum esset, accessere Aboriginum opibus Pelasgi, quibus è Thessalia pulsus, ad eā cū adnauigassent oram, quæ est proxime Padi fluminis ostia, postq; aliquantum temporis ciecli cū inde ab Umbris essent, Aborigines ipsi dedere eis sedes in Reatinorū finibus, eorumq; auxilio, commixtis uiribus, Siculorum res uehementius attriuere. Quibus deniq; attritis, Siculi relictis sedibus, grauissimos post labores ac pericula in Trinacriam traieceres quam occupatam suo è nomine uocauere Siciliam. Tenuerunt autem in initio Itali, qui ab Oenotrijs sunt, Aboriginibusq; profecti, quantum interrim agri Tiberi continetur, Lyriq; fluminibus, eaq; præscia fuit Italia, ijsq; Italici populi. Tiberim ultra tenebant tunc Hetrusci, quos Tyrrhenos etiam dictos uolunt. Hi paulatim eo potentie perueniunt, ut Umbrorū ipsi imperium delucrint, omnisq; Italia ab exteris nationibus, præsertimq; à Grecis ob illorum potentiam fuerit appellata Tyrrhenia. Supra Hetruscos tenuere Ligures, & ipsi antiqua gens, quæq; ausa sit uenienti in Italiam Herculi ire obuiam, instructa acie. Quin etiam quorundam opinio fuit, Aborigines illorū aliquando fuisse colonos. Hetruscos diutius imperantes, superatis alpiibus, Galli pepulere uniuerso ex agro, quem ultra Apenninū montem ac secundum Padum fluuium possederant, quorum etiā oppidiū fuit Sena, quæ hodie quoq; Gallica agnominatur. Trans Lyrim uerò, proximisq; Lyriæ regionibus, diuersis tamen etatibus imperita uere Ausonij, Opici, Osci, Hetrusci, Samnites, Campani. Ausonij quidem uidentur fuisse antiquiores, quā ut ab Ausone, Vlysis filio, nomē acceperint. Nam & partē illam terræ Brutie, quæ est ad mare Ionium, satis constat longe prius uocatam Ausoniā, eamq; Ausones primos tenuisse, & mare ipsum Ausoniū appellatū: & ut Halicarnasseo placet Dionysio, quod post uocatū est Tyrrhenū, ante Oenotri aduētū ab accolis mare dicebatur Ausoniū. Opici uerò fuisse, qui et Ausonij, ipsi indigenæ, ut Rutuli, ut Volsci. At Osci Padi accolæ, ac pulsī ipsi, suis Opicos è sedibus pepulere. Hos dein Cumani à Chalcide deducta Colonia, Hippocle Cumæo, et Chalcidense Megasthene ducibus. Hi cū opibus autoritateq; aucti admodū essent, subiecere sibi finitimos populos. Omnem post eis agrū ademere Hetrusci, ac uariante fortuna, Samnites Hetruscis. Dicti autem Samnites à nostris initio Sabelli, ipsiq; à Sabinis orti, postquam in Sabinorum nomen tran-

fiere, qui ante Oenotrij fuerant, atq; Aborigines. Ex ijs deinde agris Samnites hos eiecere Cāpani, quorū princeps fuit urbs Capua: à Samnitibus quoq; profecti sunt Lucani, qui secundū eos trans amnem Silarum sedes sibi imperiūq; compararūt. Per multis tamē ante Lucanos ætatibus, imperitauerant ea in regione Pelasgi, atq; Oenotrij. Vnde insule duæ in Lucanorum mari sitæ, Oenotriæ appellatæ, atq; ab Oenotrijs orti Itali, Morgetæ, & Siculi illis successere. Inter quos diutius etiā bella gesta. Quæ è re à Græcis scriptoribus pars ea uocatur est Italia. Vltimi autē Lucani à Samnitibus emissi occupauere regionē, eq; ducis nomine uocauere Lucaniā. A Lucanis orti Brutij, pastoralis initio gens, suisq; ab domibus digressa. Post eos quod reliquū est, tenuere Græci, ad mare Ionū, diuerso tempore, pluribus deductis colonijs, in plaga præsertim mariima, unde magna etiam Græcia olim dicta. Nec tamen defuere è Græcis scriptoribus qui arbitrati sint, oram Italiæ illam ultimam, quæ Isthmo contenta peninsulam quasi quandā efficit, Italiam initio dictam ab Italo quodam, quem populi res, propter sapiētiae probitatēq; opinionem, quam ipse etiā dicendi suauitate concitasset, regem sibi constituerint. Satis tamen cōstat tum Hesperiam, tum Ausoniam ante Herculis in Italiam aduentū à Græca præsertim gente uocari solitam. Hic status penē rerū in Italia fuit ante bellum Troianum, & post Aenēam atq; Ascaniū Albæ regnantem, donec Romanorum res adoleuere, ipsiq; tandē Italiæ sunt potiti. Ut uerō ad Opicos redeamus, à quibus Thucydides tradit, Siculos fuisse ciectos sedibus, quod uidelicet Opicorū tunc celebre esset nomen, Phlegreus eorū ager fuit, in quo plerique uolunt gesta, quæ de Gigantibus memorata sunt in fabulis, ab intestinis terræ incēdijs dictus. Quo in agro principes exitere urbes Cumæ, Puteoli, quæ Græcè est Dicæarchia, & Neapolis. Hanc igitur, finitimāq; oram, quæ est ad amnē Lyrim, Vlysis, belliq; Troiani tēporibus tenebant Lestrigones atq; Sirenes: tenuere & Cimmerij, genus hominū furtis ac latrocinijs assuetū: hiq; specus quā domos magis incolebant, deductisq; intrinsecus sub terram cuniculis diuersabātur. Cumq; celebre apud ipsos oraculū esset, fierentq; Auernū ad lacum sacra in Ditis patris honorem, in quibus, euocatis manibus, futura noscebantur, hac ratione multos mortales, qui ad sacra conueniebāt, atq; ad oraculū consulendū, deprehensos in meatibus, locisq; subterraneis spoliandi libidine clām obtruncabant. Demum scelera eorū deprehensa, ipsi supplicio affecti, sedesq; eorū euerse ac penitus deletæ. Opicorū insula fuit Prochyta, fuit Aenaria, fuit & Pontia, & Pandateria, & quæ dicta est de Sirenis unius nomine Parthenope. Nam & ab alterius quoq; sepulchro Leucosia dicta est etiam breuis quædam

dam insula Pestanum contra sinū posita. Ac tametsi quæ de Sirenibus dicuntur, pleraque habentur fabulosa: proditum tamen est memoriæ, atque ita hominū opinio tenuit, unius ex eis conditum sepulcrum editiore in colle ad ultimum maris sinum dedisse colli nomen, uocatumque illum ex eo Parthenopen, quod nomen post fuit etiam urbis eius quæ nunc est Neapolis. Quia uero et Surrentum quasi Surenctum, et promontorium ipsum quod Mineruæ dicitur, Lapides sunt olim Sirenū dicti, quodque insule item duæ Sirenuæ, quæ post Capreas, Posidoniati, hoc est Pestano, ac Salernitano adiacent sinui, quo in sinu fuit olim Pestum, nuncque in promontorii eius capite posita est Acropolis, quantum coniectura uti licet, et fabulæ uidentur innuere, hæc imperitasse sinui, locisque istis uidentur. Quando prisci etiam autores tradunt Surrentū urbem, ipsumque in quo constituta urbs est, agrum ac promontorium, Sirenū quondam sedes fuisse, perinde ut Circe imperitauit finitima in insula, ut Calipsō in alia etiam Ausonij maris insula. An non regnauit Babylone Semiramis, in Pontō, Phrygia, Bithynia Artemisia? nonne Punicum auspicata est imperium Didō? Florentibus maxime Gotorum rebus imperauit in Italia Amalasuntha, Theodorici regis filia. Nec uero multis ante nos seculis Amatildis Comitissæ res in Italia non in primis fuisse illustres. Nonne duæ, diuerso tamē tempore, Neapolitanum regnū moderate sunt Ioannæ? Itaque permultis etiam post Sirenes seculis, Aenaria sub Neapolitanorū reipublicæ iurisdictione tenebatur: et cū ab illis aliquādo bellica extracta ui fuisset, Imperatoris Augusti iussu fuit eis restituta. Et à qua matrona nomen accepit insula Parthenope, perinde ut ab altera Leucosia est de illius sepulcro dicta, nimirum cum ea post mortem sepulta in colle esset, continenti imperitauerat, et in quo sepeliri se cauit loco, et celeberrimus per id temporis locus is erat, et uiuenti domine gratus admodum atque in delitijs habitus. Nam et honos sepulture religiosissimus semper fuit, etiā quibus temporibus literæ nullo ferè in honore essent, et generosissimo cuique, decreto etiā publico, in maxime celebri urbis aut agri parte, dabatur sepulture locus. Traditum est enim (dare ut maxime uetusta loquar) apud Oruinium antiquissimum, ac maxime quondam nobile Aboriginum oppidum, Augusti etiamnum tempore non murorum modo fundamenta, et fossas extare ueteris magnificentiæ testes, uerum etiam sepulcrorum monumenta magno ambitu, operosisque aggestionibus, atque in sublime editis. Itaque sepulcrum ipsum indicio est Parthenopen colli imperitasse, qui subiectæ imminere stationi, atque ad sinus ipsius caput, eoque regione Surrentum spectabat, quæ Sirenium ipsarum sedes tunc esset. Quem ad locum quod naues quendam quasi in portū applicarent, collis ipse fre-



quens erat habitatoribus, æque ab accolis ac nautis celebratus, isq; obli-  
 rato priori nomine, post in matronæ memoriam, atq; ab eius sepulcro Par-  
 thenope agnominatus. Cuius post loci frequentia auxere Cumani, atque è  
 Chalcide Euboeæ profecti coloni, auxere et Rhodij, quo tempore rebus  
 maritimis plurimū ualebant, deducta illuc Colonia, locoq; in oppidi for-  
 mam redacto. Nam Græcā eam fuisse urbem, id uerò certissimū est. Quod  
 autem eo ab loco quadringentis ferme passibus oppidulū aberat, secū-  
 litus, ac sub montem ad meridiem positum, cui Græca nomen esset appella-  
 tione Palæpolis, idq; breuitate sua habitatores nō caperet, crescente iam  
 multitudine, quo habitandi laxior ferebat commoditas, multi eō cōtinue  
 immigrabant ob diuersandi amplitudinem. Quocirca augescere indies  
 nouo oppido, illinc cōportandis mari mercibus, hinc soli ipsius opulentiæ,  
 cum ædificijs illustraretur, et hominū frequentia, quo ab ueteri differret  
 oppido, nouo paulatim nomine, et ab ipsis incolis, et ab nauigantibus,  
 uocari pro Parthenope Neapolis cœpta. Nam ad tempora Romanorum  
 usq; ut Lilius tradit, urbes erant duæ, populus unus. Breui igitur ob loci  
 opportunitatem, conuenarumq; frequentiam in urbis excreuit magnitu-  
 dinem. Opibus uerò atq; autoritate ualuisse tunc plurimū moenia ipsa pla-  
 nē docuere: quorū uestigia (quod hodie quoq; quædā extant) uidentur ad-  
 mirabili quadam altitudine artificioq; fuisse cōstructa, ut minime mirum  
 fuerit, Annibalem Pœnorū ducem illis uisis fuisse ab obsidione deterri-  
 tū. Cōuenisse autem eū in locū proximis è uicis atq; castellis plurimos, docet  
 pœtusta quædā urbis regionū nomina, quæ hodie quoq; et publicis, et pri-  
 uatis scriptis seruantur, ut Baiana uicinia Baianis à colonis dicta, ut à Cim-  
 merijs Cimmericia, quibus urbis partes et quondam fuerint ad inhabitan-  
 dum distributæ. Transiens quoq; in Italiam ab Hispania Hercules post Ca-  
 cum impotentem hominem in Latio domitū, liberatūq; ab eius dominatu  
 regionē, Cāpani maris orā cū peruagaretur, reliquit monumēta perpetua  
 Auernū ad lacū sua, perq; oram illam omnē itincre atq; etate fissos, Græ-  
 cis potissimū è socijs, traditis eis se dibus collocauit. Quod in Latio item,  
 locisq; in quibus postea Roma creuit, antè fecerat. Reliquit et proxime  
 Neapolim paulo supra Palæpolim, qui locus hodie quoque Hercules dici-  
 tur, et ultra Neapolim ad fontes, qui ab illo Herculanī sunt dicti, ibiq; He-  
 raclea condita, et ultra Heracleam apud Pompeios, quo in loco exposi-  
 ta ab occasu solis aduecta præda pompam egisse dicitur. Qua tempestate  
 loca illa omnia essent Græcis ab inhabitatoribus maxinē frequētata et cul-  
 ta, propter locorū amoenitatem ac litoris. Ad uetera quoq; Neapolis mæ-  
 nia, Nolanamq; ad portam extat sacellum Saluatoris, quod ad Hercules

uiam dicitur: & in eadem urbis regione Mariæ adicula, quæ ad Herculem. Adcò multa Herculis monumenta et intra urbē, et extra etiā permement. Post ipsam uerò Palæpolim, in qua noua nūc est arx cū adiectis hortis, postq; montē qui Palæpoli imminet, promontoriū protenditur in meridiem, quod à delitijs sortitū nomē est Pausilypiū: è regione uerò alterum existit promontoriū, mediū inter utruq; sinū cōstituens, Lapides olim Sirenū appellati. Inter aut lapidosos promontorij uertices, sparsosq; naturali quadam tum uoluptate, tū artificio quasi scopulos loca sunt interseminata, ac sparsim consita, ea amœnitate, & cultu, ijs etiam delitijs, ut ab ijs illectamentis dictæ olim sint cantu Sirenes irretisse nauigantes, traxisseq; peregre uenienteis homines ad inhabitanda saxa. Ac mihi quidē uisus est Virgilius ad eorū locorū imaginem finxisse Elysios secessus, ut cū ait: Secreti celant calles, & myrtea circum Sylua tegit. —

Nec uerò non eodem mihi tempore uisa sunt literarum studia, qualia tunc esse poterant illic & extitisse, & cœpisse, quæ post modum tanta creuerint frequentia, ut quod de uocis suauitate & cantu attributū est Sirenibus, id fabulæ locum dederit ex eloquentiæ ac literarū studijs, disciplinarumq; cognitione & cultu. Nam & Zeno & Parmenides satis propinquus è locis fucæ oriūdi, quos ante et alios quoq; fuisse ueri est simile, quādo hi duo essent et ipsi seculis nostris fortasse incogniti, nisi eorū Aristoteles in rebus physicis, & post eū scriptores alij meminissent. Iccirco & ante Pythagorā et metapontinas illas scholas fucæ Sirenū in regionibus bonarū artium studiosi permulti: quod Numæ regis Romani disciplina institutionesq; declarant. Ea quoq; quæ de oraculis, deq; ad Auernū tradūtur sacris, fieri absq; literarū cognitione ac profectu minime poterant. Etenim rerū cognitiones per ea tēpora penes sacerdotes erant, & apud Græcos extitisse tunc literarum notitiam, docuit Nicostrata Euandri mater, quæ eas in Latīū attulit. Sed redamus iā Neapolitana ad moenia omnium illa tempestate magnificentissima: qua quidem tempestate mare quod illic curuari sensim incipiebat in sinum, radices allidebat collis, atque inter uetus nouumq; oppidū breuiusculus quidā cōstituebatur sinus, quædamq; quasi statio: quod spatīū diuturnitate temporū, hymbriūq; limosis è monte decursibus, ut quotidie cernitur, in cōtinētē abijt terrā, idq; nostro tempore ædificijs refertū est. Moles quoq; posteriore ætate ab regibus iacta portum nunc efficit. Ipsius quoq; ad collis ima fontes tum manabant scatæ brosis sub rupibus, qui nunc cisi paucioribus in locis, in ipsa tamen maris ora subter ædificia defluentes scaturiunt. Collis igitur ipse & ad mare ima

positus rupibus, & in mediterraneis insurgebat, uallibus undiq; præterquam ad litus cingentibus. Circū uerò cum mœnia ab imo in editū assurgentia eminebant ingenti mole saxi, ac singulari artificio cōstituta, aggregata materia intrinsecus arte iniecta, quatenus collis altitudinem, summūq; æquaret solū. Adhæc turres maximè frequentes, ipsæq; extra muros ductæ ad æquato pōst solo insurgebant ingenti uastitate, minacibusq; fastigiata propugnaculis maria ac terras superbissimo quodā prospectu despectabant. *Quæ* omnia annis ducentis ac quinquaginta ante etatem nostrā Corradus demolitus est rex. Pōst uerò Romanis urbis eius ambitum promouētibus, et ualles suecre maxima ē parte colli æquatæ ad urbis ipsius positū, usumq; inhabitantiū, et mœnia pluribus etiam locis ad solum deiecta. Nam & Adrianus Augustus templū in tumulo proxime portam, quæ ad mare ferebat, qui locus hodie quoq; Portus dicitur, ædificauit miræ amplitudinis, idq; postea collapsum ab insequentibus est principibus instauratum: quæ ex ædificatione parte ab ea paulatim per etates promotū est oppidum ad muros fermè Palæopolitanos, meridiem uersus, quæq; etiam Solis occasum urbs spectat. Post Adrianū quoq; & ante illum, potissimum autem Antoninorū tēporibus, multa magnaq; intra urbem condita fuere ædificia, ut uallium nunc ipsarū ne uestigium quidem ullum relictū appareat, effectumq; est, ut peructusta illa magnificaq; cū primis mœnia penè undiq; ædificijs cingerentur. Nostra uerò etate Alphonsus Ferdinandi filius, prolato ad Solis ortum atq; ad septentrionē pomerio, et muniuit eam partem urbis, & illustrauit, erectis ingentis crassitudinis muris piperino ē lapide, quanquam inchoasse uideri solum potest, id quod nos ipsi scimus animo illū destinasse. Priscæ quoq; urbis magnificentie præter ipsa mœnia maximo est indicio fluuius intra urbem inductus excauato saxo, in quo uetus urbs tota inerat fundata, eaq; cuniculatio, atq; effossæ specus, deductæ subter maximè celebres urbis uias: atq; ad singula quadriua, in quæ urbs quondā omnis distributa erat, excisi putei, ē quibus uicinia hauriat. Ab hac autē ipsa cuniculatione deducuntur ad alia urbis loca, ædæq; nobilium aquæ tum ad puteorū usum, tum etiam fontium in urbis ijs partibus quæ uergunt ad mare. Ipsa uerè cuniculata effossio, ductilesq; aquarum canæ & latæ sunt admodū, et decursu minimè recto, quo dum ad angulos sæpius aqua refringitur, reddatur salubrior. Quocirca & decurrit & strepit, sonorum in saxosi modum fluminis: antiquum sanè opus, ac priscæ cuiusdam magnificentie præclarum testimoniū. Extant in ea monumenta etiam illustria templi maximè inclyti Castoris & Pollucis, & item fori, ac secundū ipsum forum theatri: alterius uerò theatri (nam duob;

ea in urbe fuere, quorum alterū interitum erat nullum apparet uestigium. Ipsa igitur theatra non urbanæ tantum magnificentiæ indicia sunt, uerum etiam certantium inter se ingeniorum, propter bonarū artium studia, quæ in ea tum urbemirifice florebant. Nam et Nero Augustus ijs in theatris ad musicæ certamen prodijt in scenam, et propter liberalium artium studia, quibus Hadrianus maxime fuit deditus: ipse quanquam Augustus, rerumq; Romanarum moderator, non aspernatus tamen est oblatum à ciuib; magistratum, eumq; perinde ac priuatus administrauit. Ac mihi quidem uisi sunt Romani imperatores, contendisse inuicem in magnificanda atq; illustranda Neapoli, aduersum quos ciuitas ipsa constantissimā ubiq; fidem seruauit. Nam qua fide, qua animorum affirmatione fuerit post eam stragem, rerumq; calamitatem tantam, qua dux Carthaginiensium Annibal populum Romanum affecit, Punico secundo bello ipsæ Romanorū historie docent. Neq; post dirutum à Gotis Romanum imperiū, eandem nō constantiam retinuit aduersus eos, qui rem Romanam etiam qualemcunq; tenuere. Nā qua humanitate doctos uiros, quicq; ea in urbe literis, rerumq; naturæ cognitioni operam dabant, ciues ipsi complecterētur, aperte illud docet, quod Græci Latiniq; Augustorū temporibus Neapolim tanquam in studiorū suorum matris sinū secedebāt. Ea igitur in urbe cū decessisset Lucilius poeta, publico à ciuib; funere est elatus. In eā ossa referri sua Virgilius iussit, Brundisij cum decessisset: qua in ciuitate tantæ admirationi et uiuens, et mortuus ciuib; ipsis fuit, ut in hunc usq; diem multa cum magnificentiæ ueteris monumenta, tum naturæ ipsius dona quædam ad Virgilium refrantur. Secundum maritimam uerò oram quædam etiam nū uisuntur monumenta Luculli piscinarum, qui locus Lucillianus hodie quoq; dicitur. Post quem sunt et Platamoniæ, excauatæ ad litus, ac manu hominum factæ specus, quas uetustas ipsa, salsaq; maris aspergo magna è parte consumpsit, temporumq; ipsorum iniquitas, loca nimirum ad uoluptatem, æstiuasq; deambulationes atq; conuiuia excogitata. Sunt geminæ etiam criptæ perforato monte Pausilypo, altera ad uiam Puteolanam, in ipsoq; ferè promontorij principio, quæ ab Alphonso rege fuit, non modicè amplificata: altera ad montis in mare prominentiam, atq; ad ipsius exitum, eaq; maxima parte ab uetustate labefacta. Nec uerò ciues ipsi quàm otio, quàm literis dedisse minus bellicis rebus operam, ubi res ferret uisi sunt. Siquidem è bellicis maxime exercitationibus ac laudibus, nobilitatē comparauere sibi tantam, ut Neapolitana nobilitas appareat et maxime ipsa uetusta, et diutius etiam magnificèq; continuata. Quæ res effecit uti reges qui post Gothicas, Africanasq; calamitates mari inuectas, regnū Neap.

politatum tenuerunt, eam sibi urbem metropolim, eam regni caput constituerint. In ea regias, in ea arces, in ea sepulcra a deisq; statuerint sacras, ac diuturnis maximeq; grauib; consecram bellis, restituere in pristinam faciem sint conati. Quam ad rem non mediocriter etiam inuitauit eos cœli clementia, situs opportunitas, agrorum fertilitas, maritima opulentia, rerum deniq; omnium quæ ad uictum opportuna sunt, mira et regionis ubertas, et ex nauigationibus comportatio. Sed urbis nos laudationem quidem minime, antiquitatem uerò tantum referendam suscepimus. Igitur in hac urbe Ferdinandus pax parta, rebusq; e sententia compositis supra triginta annos regnauit: cum interim multa bella pro socijs atq; amicis suscepta fortissime gesserit, Turcas quoq; qui Hydrunta, bonamq; Salentinorum partem ex improviso adorti occupauerant, Alphonsi filij industria, atq; opera uictos Italia expulerit. Qui si quibus artibus in initio regnū sibi comparauit, easdem in pace otioq; retinisset, ut maxime felix est habitus, sic inter optimos fuisset principes numeratus.

FINIS.

MENDARVM HVIVS SECVN-  
di Tomi, quæ minus attentum Lectorem remorari  
possent, castigatio.

Pag. 35. Ver. 33. Hicetaon. 140. 9. Hos Fauorin. 330. 34. regressus.  
uer. 37. Praxitelicus. 351. 23. puerulis. 355. 13. constituerint. 364. 38.  
oratione. 365. 24. post. et 26. item. 369. 16. equitando. 370. 25. con-  
ducenti. 374. 20. uero. 383. 8. uerum. 384. 35. illinant. 387. 19. lan-  
nes. 388. 17. quàm. 407. 20. parum idonco. et 33. diecula. 408. 38.  
expunge, es. 410. 19. oculos. 413. 19. quereris. 417. 35. quod. 419.  
14. arti. 419. 23. p̄cre. 420. 38. efficeret. 423. 20. quàm. 423. 23.  
coram. 425. uerum. 427. 9. uetulos. et 30. suapte. 441. 35. Ho-  
ratianum. 444. 1. Male, inquit. et 17. una. 445. 8. quereretur.  
446. 29. acida. 447. 20. querula. 451. 27. sapienter. 453. 35. pro.  
et ult. Romanas. 454. 2. ille. 455. 18. refciscat. 456. 13. sapicule.  
458. 21. despoliato porro. 460. 38. coram sollicitanti. 461. 16. Ferdi-  
bandi,



CHARTARVM SECVNDI TOMI  
SERIES.

\* a b c d e f g h i k l m n o p q r s t u x y z.  
A B C D E F G H I K L M N O P Q R S T V X  
Y Z. Aa Bb Cc Dd Ee Ff Gg Hh Ii Kk Ll Mm Nn  
Oo Pp Qq Rr Ss Tt Vv Xx Yy Zz. AA BB CC  
DD EE FF. *Duermiones omnes.* 10. 32 2. 50

BASILAE, PER AN-  
drea Cratandrum, Mense  
Martio. Anno

M. D. XXXVIII.



